

釋宗金書



禪宗全書

語錄部十

(45)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓

一、佛海瞎堂禪師廣錄

十一、天童如淨禪師語錄

二、東山慧空禪師語錄

十二、天童如淨禪師遺錄

三、濟顛道濟禪師語錄

十三、吳山淨端禪師語錄

四、密菴咸傑禪師語錄

十四、無明慧性禪師語錄

五、曹源道生禪師語錄

十五、西山亮禪師語錄

六、痴絕道冲禪師語錄

十六、大川普濟禪師語錄

七、松源崇嶽禪師語錄

十七、石田法薰禪師語錄

八、破菴祖先禪師語錄

十八、無準師範禪師語錄

九、月林師觀禪師語錄

十九、兀菴普寧禪師語錄

十、運菴普巖禪師語錄

六、痴絕道冲禪師語錄：二卷。宋·痴絕道冲撰，智沂等編。宋·淳祐十一（一二五一）年序刊。爲曹源道生法嗣痴絕道冲的語錄，輯錄報恩光孝寺、太平興國寺、雪峰崇聖寺等七會的上堂語要、普說、法語、讚偈頌等。

七、松源崇嶽禪師語錄：二卷。宋·松源崇嶽（岳）撰，善開等編。宋·嘉泰三（一二〇三）年刊行。又名「松源和尚語錄」。輯錄密庵咸傑法嗣崇嶽的八會語錄。

八、破菴祖先禪師語錄：一卷。宋·破菴祖先撰，圓照等編。嘉定五（一二二二）年序刊。又名「破菴和尚語錄」。輯錄密菴咸傑法嗣祖先的五會上堂語、秉拂、普說、法語、偈讚等。卷首收有嘉定五年楊浩齋的序文。

九、月林師觀禪師語錄：一卷。宋·月林師觀撰，法寶編。宋·嘉定十一（一二二八）年序刊。又名「月林觀和尚語錄」。輯錄師於聖因、能仁、報恩光孝、密嚴等禪寺的上堂語及頌古等。

十、運菴普巖禪師語錄：一卷。宋·少瞻普巖撰，元靖等編。又名「運菴和尚語錄」。輯錄師於普照、報恩光孝、萬壽三禪寺的上堂語、法語、贊佛祖、頌古、偈頌、行實等。

十一、天童如淨禪師語錄：二卷。宋·天童如淨撰，文素等編。南宋·紹定二（一二二九）年序刊。又名「如淨禪師語錄」。上卷收有清涼語錄、淨慈語錄、瑞岩語錄、再住淨慈語錄；下卷收有天童語錄、小參、普說、法語、頌古、讚佛祖、小佛事、偈頌等。

十二、天童如淨禪師遺錄：一卷。宋·天童如淨撰，義遠編。清·康熙五十四（一一七五）年序跋刊。又名「如淨禪師續語錄」。本書爲「如淨禪師語錄」之補遺。

解題

編譯組

一、佛海瞎堂禪師廣錄：四卷。宋·瞎堂慧遠撰，齊巳、如本、祖淳、法慧編。宋·淳熙四（一一七七）年序刊。又名「瞎堂禪師語錄」、「靈隱佛海禪師語錄」、「瞎堂慧遠禪師廣錄」、「佛海禪師廣錄」。爲圓悟克勤法嗣瞎堂慧遠的語錄。

二、東山慧空禪師語錄：一卷。宋·雪峰慧空撰，慧弼編。宋·淳熙五（一一七八）年序刊。又名「雪峰慧空禪師語錄」、「福州雪峰東山和尚語錄」。輯錄上堂語、法語、拈古、頌古、真讚、偈頌、送僧語等。

三、濟顛道濟禪師語錄：一卷。宋·濟顛道濟撰，沈孟梓編。明·隆慶三（一五六九）年刊行。詳名「錢塘湖隱濟顛禪師語錄」。爲臨濟宗瞎堂慧遠法嗣濟顛道濟的語錄。

四、密菴咸傑禪師語錄：二卷。宋·密菴咸傑撰，崇岳、了悟等編。又名「密菴和尚語錄」。輯錄師住於乾明、祥符、興國、華藏、興聖萬壽、景德靈隱、天童景德等禪寺的語錄。卷首附有宋·淳熙十五（一一八八）年張斷的序文。

五、曹源道生禪師語錄：一卷。宋·曹源道生撰，道冲編。又名「曹源和尚住饒州妙果禪寺語錄」、「曹源和尚語錄」。爲密菴咸傑法嗣曹源道生的語錄。

十三、吳山淨端禪師語錄：二卷。宋·明表淨端撰，師較重編。明·萬曆二十（一五九二）年刊行。又名「湖州吳山端禪師語錄」。輯錄師於長興壽聖寺、西余大覺寺、靈山孝感院的上堂語及豐年詞、打睡說、山居詩、十二時歌、漁父詩、讚淨土等。

十四、無明慧性禪師語錄：一卷。宋·無明慧性撰，妙儼等編。宋·淳祐三（一二四三）年序刊。又名「無明性和尚語錄」。爲松源崇岳法嗣無明慧性的語錄。

十五、西山亮禪師語錄：一卷。宋·西山亮撰，侍者覺心、志清共編。又名「西山和尚語錄」。輯錄建康府清眞禪院、慶元府靈隱禪院的二會語錄及偈頌、佛事香語等。

十六、大川普濟禪師語錄：二卷。宋·大川普濟撰，元愷編。又名「靈隱大川濟禪師語錄」、「大川濟和尚八會語錄」。輯錄師於妙勝禪院、觀音寺、大中寺、光孝寺、報國寺、十方寺、光孝寺、靈隱寺等八會的上堂語、小參、舉古、頌古、贊跋、偈頌、小佛事等。卷末附有初物大觀撰的「靈隱大川禪師行狀」。

十七、石田法薰禪師語錄：四卷。宋·石田法薰撰，了覺、師坦等編。宋·淳祐十（一二五〇）年刊行。又名「石田和尚語錄」。本書爲破菴祖先法嗣石田的五會語錄。

十八、無準師範禪師語錄：六卷。宋·無準師範撰，宗會、智折編。又名「佛鑑錄」、「佛鑑禪師語錄」、「無準和尚語錄」。輯錄破菴祖先法嗣——杭州徑山佛鑑禪師無準師範的語錄。

十九、兀菴普寧禪師語錄：三卷。宋·兀菴普寧撰，淨韻等編。又名「兀菴和尚語錄」。輯錄師於靈隱廣福、南禪福聖、興國、寶林等禪寺的語錄及法語、序跋、佛祖贊、自讚、偈頌、小佛事等。

目次

解題

壹、佛海瞎堂禪師廣錄

序

原書目次

卷一：滁州龍蟠山壽聖禪院語錄

滁州琅琊山開化禪院語錄

婺州普濟禪院語錄

衢州子湖山定業禪院語錄

衢州報恩光孝禪院語錄

潭州南嶽山南臺禪院語錄

台州護國廣恩禪寺語錄

台州天台山景德國清禪寺語錄

台州浮山鴻福禪寺語錄

一
三
三
三
三
六
八
十
一三
一八
二〇
二三
二八

卷二：靈隱佛海禪師入內陞座錄……………三二

序……………四八

卷三：佛海禪師小參普說……………四九

佛海禪師書法語……………五七

機緣……………六八

卷四：頌古……………七〇

讀佛祖……………七四

偈頌……………七七

自讚……………八四

跋……………八九

貳、東山慧空禪師語錄……………九一

序……………九二

上堂語……………九二

法語……………一〇

拈古……………一一

頌古……………一六

真讚……………一七

偈語……………一八

送僧·····	一二〇
題語、「與鼓山書中一段語」等文·····	一二二
叁、濟顛道濟禪師語錄·····	一二五
湖隱方圓叟舍利銘·····	一七一
肆、密菴咸傑禪師語錄·····	一七三
序·····	一七五
原書目次·····	一七五
卷上：住衢州西烏巨山乾明禪院語錄·····	一七五
衢州大中祥符禪寺語錄·····	一八一
建康府蔣山太平興國禪寺語錄·····	一八三
常州褒忠顯報華藏禪寺語錄·····	一八六
臨安府徑山興聖萬壽禪寺語錄·····	一九二
臨安府景德靈隱禪寺語錄·····	一九九
明州太白名山天童景德禪寺語錄·····	二〇五
卷下：小參·····	二〇七
普說·····	二一一
頌贊·····	二一四
偈頌·····	二一七

法語……………二一九

塔銘……………二二七

伍、曹源道生禪師語錄……………二二九

陸、痴絕道冲禪師語錄……………二四一

序……………二四二

原書目次……………二四二

卷上：嘉興府報恩光孝禪寺語錄……………二四二

建康府蔣山太平興國禪寺語錄……………二四六

雪峯崇聖禪寺語錄……………二五四

慶元府天童景德禪寺語錄……………二五六

臨安府景德靈隱禪寺語錄……………二六三

平江府覺城山法華禪寺開山語錄……………二六六

臨安府徑山興聖萬壽禪寺語錄……………二六八

普說……………二六九

法語……………二七六

讚偈頌……………二七七

卷下：普說……………二七九

法語……………二九一

龕銘	三二三
行狀	三二三
跋	三一六
補遺	三一八
柴、松源崇嶽禪師語錄	三二一
序	三二二
原書目次	三二三
卷上：平江府陽山澂照禪院語錄	三二四
江陰軍君山報恩光孝禪寺語錄	三二七
無爲軍治父山實際禪院語錄	三二八
饒州薦福禪院語錄	三三四
明州香山智度禪院語錄	三四三
平江府虎丘山雲巖禪院語錄	三四六
卷下：臨安府景德靈隱禪寺語錄	三五三
開山顯親報慈禪寺語錄	三六一
秉拂普說	三六二
法語	三六八
頌古	三七一

贊佛祖……………三七四

偈頌……………三七六

塔銘……………三八二

跋……………三八三

捌、破菴祖先禪師語錄……………三八五

序……………三八七

原書目錄……………三八七

夔府臥龍山咸平禪院語錄……………三八七

平江府秀峰禪院語錄……………三九〇

臨安府廣壽慧雲禪寺語錄……………三九二

平江府穹窿山福臻禪院語錄……………三九六

湖州府鳳山資福禪寺語錄……………三九八

秉拂……………四〇〇

普說……………四〇三

法語……………四〇五

讚偈……………四〇七

行狀……………四〇九

後跋……………四一〇

玖、月林師觀禪師語錄……………四一

序……………四一三

住平江府蠡口聖因禪院語錄……………四一三

住平江府承天能仁禪寺語錄……………四一五

住平江府萬壽報恩光孝禪寺語錄……………四一六

住臨安府崇孝顯親禪寺語錄……………四一七

開山湖州報因佑慈禪寺語錄……………四一八

住平江府靈巖山崇報禪寺語錄……………四一九

住臨安府西湖澄翠庵語錄……………四二一

住湖州烏回山密嚴禪寺語錄……………四二一

頌古……………四二二

讚佛祖……………四二三

小佛事……………四二四

偈頌……………四二五

與天平方丈孤峯長老書……………四二六

體道銘……………四二六

祭文……………四二七

塔銘……………四二七

敬贊……………四二九

跋……………四二九

拾、運菴普巖禪師語錄……………四三一

原書目次……………四三二

鎮江府大聖普照禪寺語錄……………四三二

眞州報恩光孝禪寺語錄……………四三四

安吉州道場山護聖萬壽禪寺語錄……………四三四

法語……………四三六

讚佛祖……………四三七

頌古……………四三八

偈頌……………四三八

行實……………四四〇

拾壹、天童如淨禪師語錄……………四四三

序……………四四五

原書目次……………四四五

卷上：住建康府清涼寺語錄……………四四六

台州瑞岩禪寺語錄……………四四九

臨安府淨慈禪寺語錄……………四五〇

再住淨慈禪寺語錄……………四五五

卷下：明州天童景德寺語錄……………四五七

小參……………四六〇

普說……………四六三

法語……………四六四

頌古……………四六四

讚佛祖……………四六五

小佛事……………四六七

偈頌……………四六八

跋……………四七〇

拾貳、天童如淨禪師遺錄……………四七三

天童遺落錄序……………四七四

天童山景德寺如淨禪師續語錄……………四七五

跋……………四七九

拾叁、吳山淨端禪師語錄……………四八三

湖州吳山端禪師語錄序……………四八四

卷上……………四八五

長興壽聖禪寺語錄——十二時歌

卷下……………四九七

漁父詞——眞贊

西余端禪師傳……………五〇六

端禪師行業記……………五〇八

宋故安閑和尚端師墓誌……………五一〇

拾肆、無明慧性禪師語錄……………五二三

示書目錄……………五一五

序……………五一五

蘄州資福禪寺語錄……………五一五

蘄州北山智度禪寺語錄……………五一六

南康軍廬山歸宗能仁禪寺語錄……………五一七

南康軍廬山開先華藏禪寺語錄……………五一九

南康軍廬山棲賢寶覺禪寺語錄……………五二一

平江府陽山尊相禪寺語錄……………五二二

平江府雙塔壽寧萬歲禪寺語錄……………五二四

頌古……………五二五

法語……………五二六

眞讚……………五二七

遺偈……………五二七

塔銘……………五二七

後序……………五二九

拾伍、西山亮禪師語錄……………五三一

序……………五三三

住建康府清真禪院語錄……………五三三

住慶元府靈隱禪院語錄……………五三四

偈頌……………五三五

佛事……………五三七

塔銘……………五三七

「後序」等文……………五三七

拾陸、大川普濟禪師語錄……………五三九

原書目錄……………五四〇

住慶元府妙勝禪院語錄……………五四〇

慶元府寶陀觀音禪寺語錄……………五四二

住慶元府岳林大中禪寺語錄……………五四五

住嘉興府報恩光孝禪寺語錄……………五四八

慶元府大慈名山教忠報國禪寺語錄……………五五一

紹興府蘭亭天章十方禪寺語錄	五五三
住臨安府淨慈報恩光孝禪寺語錄	五五五
住臨安府景德靈隱禪寺語錄	五五八
小參	五六〇
舉古	五六二
頌古	五六四
贊佛祖	五六五
跋	五六八
偈頌	五六八
小佛事	五七二
行狀	五七三
拾柒、石田法薰禪師語錄	五七七
序	五七九
原書目次	五七九
卷一：初住平江府高峯禪院語錄	五八〇
住平江府楓橋普明禪寺語錄	五八〇
建康府太平興國禪寺語錄	五八四
臨安府淨慈報恩光孝禪寺語錄	五八八

卷二：臨安府景德靈隱禪寺語錄	五九七
請因緣普說	六〇七
拈古	六一一
卷三：小參	六一七
法語	六二八
卷四：讚佛祖	六四三
偈頌	六四八
小佛事	六五三
行狀	六五四
祭文	六五六
跋	六五七
拾捌、無準師範禪師語錄	六五九
序	六六一
卷一：初住慶元府清涼禪寺語錄	六六二
住鎮江府焦山普濟禪寺語錄	六六八
住慶元府雪竇山資聖禪寺語錄	六七〇
住慶元府阿育王山廣利禪寺語錄	六七八
卷二：住臨安府徑山興聖萬壽禪寺語錄	六九〇

卷三：小參	七一
法語	七二三
卷四：普說	七三四
拈古	七三七
卷五：頌古	七四九
偈頌	七五二
讚佛祖	七五八
自讚	七六一
小佛事	七六三
序跋	七六五
大丞相游公祭文	七六九
入內引對陞座語錄	七六九
行狀	七七四
拾玖、兀菴普寧禪師語錄	七七九
師範和南手白	七八一
原書目次	七八一
卷上：慶元府象山靈巖廣福禪院語錄	七八一
常州無錫南禪福聖禪寺語錄	七八五

卷中：巨福山建長興國禪寺語錄	七九六
婺州雲黃山寶林禪寺語錄	八〇六
卷下：法語	八一
序跋	八一六
佛祖讚	八一七
自讚	八一八
偈頌	八一八
小佛事	八一九
跋	八二一

佛海瞎堂禪師廣錄

宋
•
齊 瞎堂慧遠
已 遠
等 撰
編

禪師所證廣大動便驚群突世聲光終不可掩況復取信

明主江湖光被服膺至結果收因無不挺異小師法壽以十二年機緣語要刊行於世欲跋其後既十年為聚始末備知豈可無言也與師牛宿峯前相見底亦要作家點檢

淳熙丁酉季春望日法姪或庵比丘師體敬書

佛海瞎堂禪師廣錄目次

序

卷第一

滁州龍蟠山壽聖禪院語錄

滁州琅琊山開化禪院語錄

婺州普濟禪院語錄

衢州子湖山定業禪院語錄

衢州報恩光孝禪院語錄

潭州南嶽山南臺禪院語錄

此錄係
我編纂者
定為佛海
語錄

台州護國廣恩禪院語錄

台州天台山景德國清禪寺語錄

台州浮山鴻福禪寺語錄

卷第二

靈隱佛海禪師入內陞座錄

卷第三

序 小參普說 法語

機緣

卷第四

頌古 讚佛祖 偈頌

自讀

跋

佛海瞎堂禪師廣錄卷第一

滁州龍蟠山壽聖禪院語錄

參學 齊已 編

師在琅琊山受請拈疏示衆云。衲僧鼻孔祖佛眼睛。一串穿却了也。且道如何脫得。今朝有酒今朝醉。明日愁來明日愁。

◆清癯

拈衣云。千尺身。中丈六衣。斬新拈出。恰相宜。長針短線。君看取。節角請。託我自。知。遂。

◆其

◆反

◆大

◆不

◆光

登座。龍幡勝槩。落群峰。水石清奇。疊萬重。燕坐不辭。提祖令。微軀那更。繼前蹤。衆中更有。唱扣相隨。底麼。僧問。南山雲北山雨。卽不問。雨寒雲收。事若何。師云。棒頭開正眼。拳下作生涯。進云。此猶是雨雲邊事。師云。打鐃敲枷。合自由。進云。爲國焚修。將何祝。師云。金剛正眼。耀乾坤。進云。某中事作麼。生師云。且向門外立。僧禮拜。乃云。靈山一舉十反。茫然唯許迦葉親聞。少室單提。九年冷坐。只有神光。獨證。自此西天四七。東土二三。佛佛授之。無窮燈燈傳之。不盡不顧。眼中著屑。寧論矢上加大人。人逐惡。隨邪箇箇承。虎接響。因佗西竺國。一隊老臊胡。累我東土人。遂成不唧。囉。今則旣爲種草。不免須紹末風。是佗屋裡人。說佗屋裏事。光與諸人打併教。脚跟下淨盡地。然後與諸人斷遮公案去也。直須急著眼看。以拂子畫一畫云。古岸雲開風浪急。斷頭船子下揚州。復舉阿難問迦葉。世尊傳金襴。外別傳何法。迦葉召阿難。阿

難應諾。迦葉云。倒却門前刹竿。著。師云。世尊去世久矣。迦葉鼻孔遶天。阿難筭後思前。未免生風起草。不是私事。公酬爭得。斬釘截鐵。如今袈裟尙在法屬。無多執手。知歸當陽。分付分付。則分付了也。如何承當。喝一喝云。就船買得魚。偏美。踏雪酤來酒。倍香。入院上堂。僧問。牛頭未見。四祖時爲什麼。百鳥嚙花。獻師云。寸長尺短。進云。爭奈世情看冷暖。人事逐高低。師云。冷地叫屈。進云。未見時又作麼。生師云。地不能載。進云。怎麼則視無禮。禱無口。師云。也不較多。進云。見後如何。師云。一場懺懺。乃舉大寧寬和尚拈拄杖示衆云。前佛性命。後佛紀綱。總在遮裏。如今用去也。爲雲爲雨。爲瑞爲祥。利人利天。出生入死。佗万此界出沒捲舒。若也通身是口。說不能盡。通身是眼。照不能窮。一念相應。剎那萬劫。師以拂子擊禪牀云。蝦蟇跳上梵天。蚯蚓熬過東海。洞庭湖頂門著地。龍蟠山腦後見腮。依樣畫貓兒。終無捉鼠分。若也不會。非但上座山僧也。只不會。

上堂。釋迦已入滅。彌勒未降生。正當怎麼時。拄杖在

浴佛上堂。隴麥青青。春色過嶺雲散盡。楚天高。滿思歡喜園中事。八萬魔軍爭奈何。山僧昨日出城歸。晚蚤來維那報浴佛。正在夢中起來抖擻精神。東西目顧。不知浴那箇佛。若是釋迦佛。釋迦佛人滅久矣。若是彌勒佛。彌勒佛見在兜率天宮。若是本來佛。本來佛作何面目。若道山河大地草木叢林有情無情。悉皆是佛。天晴雨下。何曾不浴來。若是自己清淨法身。何用更浴。若道一切衆生悉皆是佛。且道戾坑裏蛆蟲。日日頭出頭沒。何嘗不浴佛來。前廊也。叫浴佛後架也。叫浴佛。浴佛浴佛。浴佛。佛屋裏老爺。忽有箇漢出來道。正是浴著我屋裏老爺。只向道合掌殷勤頭面禮。更澆兩杓又何妨。

上堂。全機獨脫。佛眼難明。妙解不存。聖智那辨。盡大地撮來。如粟米大。拋向面前。如山如嶽。如稻麻如竹。如古廟香鑪。如臘月□□。如天普蓋。如地普擎。如睡夢覺。如蓮花開。如鏡頓照。如空無隔。如如不動。不

滿散乾龍節上堂。如來不說無餘說。迦葉無聞無異聞。體得無聞無說。說玉石難分。亦自分國恩。佛恩總報人王法王。道存一句子。若爲論以拄杖一卓云。仰祝聖明。逾日月更祈睿筭等乾坤。

自見過去殺父殺母及諸重罪於自心內各各懷疑於甚深法不能證入於是文殊承佛神力遂手握利劒持逼如來世尊謂文殊曰住住不應作逆勿得害吾吾必被害文殊師利爾從本已來無有我人但以內心見有我人內心起時□□被害卽名爲害於是五百比丘自悟本心同讚歎曰文殊大智士深達法源底自手握利劒持逼如來身如劒佛亦爾一相無

◆口號立

◆生髮坐

◆口號經

眼瞎却鎮州一城人眼去在如何話會師云非親不解其禍進云保壽擲下拄杖便歸方丈又作麼生師云幾箇是知音進云今日鶯有箇漢出來掀倒禪牀和尚如何支遣師云因齋慶懺僧便喝師云賊過後張弓乃云瞎驢滅却正法眼大治真金失色臨濟倒用魔王印山河大地□□今土曠人稀罕見吾家種草若也一向雷奔雷閃棒喝交馳明暗相投主賓互換猶是家常未爲分外直須情塵不口義路難存掃盡衲僧蹤裂破祖師印踢翻香水海透出威音前生斷主人公不落第二見到此釋迦削迹彌勒吞聲文殊普賢口口我頂摩霄漢背負須彌奔流度刃疾爛過風底出來不消一割何故鏤鐫在手誰敢當鋒久立衆慈伏惟珍重上首白椎云諦觀法王法王法如是

上堂僧問不落聖凡機請師速道師云兩手提不起乃云諸法寂滅相不可以言宣禪拈拄杖一卓云拄杖子化作密跡力士掇一座須彌盧山安在諸人頂額上開眼合眼築著磕著且作麼生是寂滅底相擲

◆口口經入

◆口口經子

下拄杖云謹家之門禍不入上堂今朝九月初一敗葉凋零滿室鉢盂高挂懸崖拄杖依前靠壁幾許谿山風月且無遮箇消息諸祖不解提擲久參那辨端的雲黯黯兮胡漢何分風蕭蕭兮鼻孔突出自是捕盜無功只管抱賊叫屈焉拈拄杖云捉得也捉得也在什麼處卓拄杖云晚風吹動小樓春歸來一徑花狼籍

上堂醉翁亭畔寒梅折庶子泉邊瑞雪鋪不二法門從此入更於何處覓文殊諸人還見文殊麼焉拈拄杖一卓云看看露柱跳口口籠裏燈籠挂在露柱邊三門外金剛冷笑一聲直透執師子國驚起六牙白象忽然撞破煙樓典座開靜山僧走堂祝香陞座次第巡察

上堂拈拄杖云見月休觀指歸家罷問程指不是月月不是指遮箇是拄杖口口箇是淨餅觀者問者復是阿誰喝一喝云竿頭絲線從君弄不犯清波意自如擲拄杖

上堂僧問久嚮瞎堂如何是瞎師云赤脚下闔浮進

云開口便知音。師云通身挨白刃。僧便禮拜。師云更須瞎却。乃云今朝四月八。邪師壞正法。累及釋迦文。死水裏淹殺。忽然活百川。倒流開聒聒。引得日月星辰山河大地。露柱燈籠。三門佛殿。鉢盂坐具。拄杖笠頭。俱透脫。以拂子一擊。云須彌頂上打齋鍾。焦顛眼裏開巾鉢。

上堂。舉楊岐拄拄杖示衆云。一即一切。一切即一。畫一畫。云山河大地。天下老和尚百雜碎。作麼生。是諸人鼻孔。良久云。劍爲不平。離寶匣。藥因救病。出金餅。喝一喝。卓一卓。師云。大衆非唯短販賤賣。亦能捨重從輕。而今一一與爾。諸人宗本算利了。也要見楊岐老漢轉身吐氣處。麼。拄拄杖擲下。云。鶴立松梢。月魚行水底。天風光都買盡。不費一文錢。

婺州普濟禪院語錄

入院上堂。僧問。便恁麼去時如何。師云。全衆食天祿。進云。不恁麼。又作麼生。師云。爭怪得老僧。進云。天無私蓋地。無私載。師云。脚得下。事作麼生。進云。兩口無一舌。師云。老僧在你鉢盂裏乞命。進云。今日著賊師。

○口誦

○全盤

云勘破了也。乃云。先師口住獨龍山四十餘程。自買船。今日琅琊歸。普濟借婆裙子拜婆年。上堂。直下猶難會。尋言轉更賒。若論佛與祖。特地隔天涯。寫拓拄杖云。看看普濟拄杖子。化作天龍夜叉。乾闥婆。阿脩羅。迦樓那。緊那羅。摩睺羅伽人。非人等。向諸人鼻孔裡。異口同舌。宣說三乘十二分教。四諦六波羅密。然後朝歸東土。暮宿西天。佛殿裡燒香。三門頭念掌。且道是何章句。以拄杖卓一卓云。我亦從中證。非唯觀世音。

祈雨上堂。舉佛勅五百尊者降一毒龍。各運神通。皆降不得。忽有吳方尊者至。佛勅令降。尊者於毒龍面前彈指一下。其龍便伏。師云。可惜放過。要且只是箇業龍。若是菩薩龍。於我法中。聞我妙法。不忘本願。先布慈雲。後降甘雨。在在處處。隨衆生心。作大佛事。普濟如今。若見便與。攔臂攔注。問他道。兩箇月點滴。不施你。向甚處去。來待他道。休休。只向道便是。阿逸多。師弟出來。我也共你未休。待他道。長老如何不肯休。對他道。直待雨霖頭。

謝雨上堂南山。巾雲遮日。西塢遶巡水滿塘。三日不來成話。霸葉公若在。○ 郎當

上堂舉佛問波斯匿王。汝以何觀佛。王言我今觀身。實相觀佛亦然。觀佛實相。觀身亦然。世界衆生。界根根塵。塵悉皆清淨。師呵呵大笑云。且道笑箇什麼。諸禪德。休將傳說爲傳說。莫把曾參作魯參。忽有人問。山僧以何觀佛。只對佗道。白楓塢。荊棘塞路。清潭山草。莽纏身。牛欄頭。鱧魚踣跳。朱嶺榨出油三斤。

上堂若論此事。譬如琵琶琴瑟。篋篋雖有妙音。若無妙指。終不能發。拈起拄杖云。遮箇是拄杖子。有時橫山河大地。一時橫有時豎日月星辰。一時豎只如今在。瞎堂手裡誰敢正眼觀。著何也要。且不與你諸塵作對。亦不礙佗衆相發揮。說什麼。說琵琶琴瑟篋篋。亦非妙音。妙指能發。且作麼生。近傍擊禪牀。一下云。會麼。掬水月在手。弄花香滿衣。若作佛法會。永勸墮泥犁。

上堂元正啓祚。舊時事萬物咸新。今日春自是天機超妙。化何須更拈。鬼頭巾。攀北斗。倚南辰。唱拍相隨。

○ 任隨在

特地新引得水輪風輪火輪金輪相磨俱不動。執持世界等空手。面皮厚三寸。眉毛重八斤。有時無事倚門立。十字街頭等箇人。

上堂舉法華舉和尚示衆云。一二三四五。任君顛倒舉。露柱與燈籠。何曾成佛祖。不惜眉毛者。直下便道取。師云。遮老漢名喧宇宙。道播叢林。却將祖父田園契書和身賤賣與人。山僧今日相席。打令不免依公定奪去也。五四三二一。日向東畔出。照見洞庭湖。烏龜眼睛赤。天無門地無壁。一陣任風倒射。吹起兩須無孔笛。

上堂舉興化一日入僧堂。謂首座云。我見你了也。師云。老不入。廣少不遊。川首座便喝。師云。天晴雨下也。少你一箇脚。指頭不得與化打露柱。一下便出。師云。禮防君子首座。隨後上去。師云。好來好來。首座云。適來觸悞和尚。師云。吉星未退。惡曜來臨。興化打柱一下。師云。禍福盡在其中。復云。大衆興化。棒頭拶開世界。首座喝下。趯倒乾坤。兩箇無孔鐵鎚。有什麼共語處。諸人若不會。成佛無疑。若也會去。入地獄如箭射。

●口嚴雪○
笑聲喚

●即字更動

●二字原本
不明

●奈歸深

上堂僧問十二時中教學人如何用心師云燕口契
冬瓜進云青山無限好猶道不如歸師云家在甚麼
處僧便喝師云烏銅金不換乃云解劈當劈箇因
何只半人直饒盡大地爲弓日月星辰爲箭箭塞虛
空而來四方八面俱發也只射得半箇如何道得一
句教他十分完全去良久喝一喝云寅申巳亥遇雞
椰子午卯酉見蛇走

上堂舉僧問浮山圓鑒金鏃慣調會百戰鐵鞭多力
恨無嫌學人上來請師端的隨後以衣袖一拂浮山
云誅龍之劍豈可揮蛇僧噓一聲山云如今大有如
君者不到烏江不肯休師云衲僧家冰凌上走馬劍
刃上橫身未爲分外你看遮兩箇不了事底老凍驢
是則六韜俱備七事隨身衝開斗底八門打破偃月
二字三軍未分勝負因甚各豎降旗諸人正當胡漢
不分且道那箇是紫羅帳裡人以拄杖一卓云午夜
落花流水遠一天明月上孤岑

上堂僧問無禪可問無道可學因甚衲僧到此却不
會師云拄杖依前黑似奈進云便怎麼去時如何師

●口嚴師

云七穿八穴乃云法身非相非法身無相則法
身獨露誰云法身誰名法身誰是法身法眼無瑕瑕
非法眼無瑕則法眼全明誰云法眼誰名法眼誰是
法眼豈不見道彌勒真彌勒分身千百億時時示時
人時人皆不識誰云彌勒誰名彌勒誰是彌勒此義
幽深吾不能說

上堂學寶公和尚云如我身空諸法空千品萬類悉
皆同雲門云你立時不見立行時不見行四大五蘊
不可得何處更有山河大地來如你每日把鉢盂噉
飯喚什麼作飯何處更有一粒米來師云此是真語
者實語者不誑語者不異語者隆興二年三月十五
日結叩齒三下云吽吽李陵雖好手也有陷番時
受禪寂請辨衆上堂竹杖輕攜離婆女雲衣高捲
上仙霞五湖四海休云別南北東西六一家

衢州子湖山定業禪院語錄

師受建州大中禪寂請知府張舍人留住子湖入院
上堂云媿我金鱗困守株誤他禪寂遠招呼中途再
領賢使命定業難逃住子湖所以道衲僧行處滴水

水生遇境逢緣了無羈絆在彼在此片雲不礙長空
或去或來來水難逃月影當恁麼時坐斷千差一句
作麼生道良久云座上客常滿樽中酒不空

師至烏巨請上堂千峯積翠緩行鳥道絕人蹤萬派
歸源破月衝煙何處是只箇見或公案從來不涉化
門奢處奢遇賤則貴拄杖頭邊鐵蒺藜儉處儉遇貴
則賤金剛手裡斷貫索當恁麼時轉身吐氣則時人
知有闢市攬梭一句作麼生道拈拄杖一卓云雲從
白石上頭出月向青陰缺處來

謝雨上豈正令當行十方坐斷直須荒却院難却衆
法堂前何雷草深一丈三門外荆棘高出萬尋一大
藏教閑家具十地聖人破草鞋衲僧巴鼻匹似閑佛
祖眼晴泥彈子如今說事不得作事會說理不得作
理會是則一時是非則一時非三世諸佛填溝六代
祖師塞壑於備有甚交涉若也不會山僧在你脚跟
底轉大法輪你若會爭奪拂子在定業手裡不消彈
□變作廣目天王統領四海五湖八水三江諸大龍
王巡歷分野震法雷傾法雨焦枯普潤熱惱清涼隨

衆生心作大佛事各各跨金毛師子一一向諸人鼻
孔裡左旋右轉七穴八穿然後異口同舌而說偈言
唵阿囉勒繼薩婆訶

□侍郎請上堂最初一句風來鳥已覺末上一著露
重鶴先知未須眼辨手親只貴形端影直譬如摩醯
羅眼擘開面門豎亞一隻誰敢近傍又若金毛翻蹄
奮迅全威香象渡河截流而過如是則奴呼菩薩婢
視聲聞高揖釋迦不拜彌勒著著與佛魔相戾步步
與諸祖抗衡行坐斷鍊壁銀山放出三頭六臂掀天關
轉地軸促三祇爲一念易短壽作長年一千手眼洞
明百億化身頓現舉拂子云看看鯨吞海水盡露出
珊瑚枝

上堂舉永嘉云江月照松風吹永夜清宵何所爲佛
性戒珠心地印霹靂雲霞體上衣師云你□□破落
戶頭戴無圈笠子身披漏網袈裟逢相撲則褊袒右
肩遇賭錢則右膝著地饒你三百六十骨節屈盡虛
空人萬四千毛髮包羅天地正好朝三千暮人百子
湖今日借水獻花江月松風吹松風江月照燕起立

地云萬福行脚僧莫超去聲

◆□疑思

上堂僧問便恁去時如何師云三門不曾關進云恁麼則不去也師云阿誰留你進云去與不去時如何師云押下作寮重訊三百進云□大難酬師云大眾笑你乃云年年正月一鼻孔長三尺箇箇賀新春眉毛重八斤但□平正事天道自分明

◆□疑行

上堂知見立知即無明本師云□六擔版各見一邊

◆□疑又

□云千年曆日好合藥知見無見斯即涅槃師云莫錯認驢鞍橋作阿爺下領又云莫有收得蒿枝箭底略借一觀復云釋迦老子頂摩霄漢背負須彌氣吐萬峯雲眼放巖下電昨夜三更古廟裡相逢為什麼却不見鼻孔喝一喝

◆□疑辨
絲

◆□疑得

上堂昨夜三更風起吹皺一池春水魚龍頭角輝燦露柱振腮擺尾蝦蟆教跳上天鴨兒驚得匾背見時易用還難簸土颺塵君自看是什麼一把□□收不

◆□疑爲

上堂若論此事譬如國家取選登科拔萃盡在諸人既知金勝書字鴈塔題名及至臚傳之時□作麼略

◆□疑灼

◆□疑未

無應者如今一一從頭領過是你諸人畢竟喚作阿誰元來不是不應只是不肯承當且作麼生承當良久云白玉樓前誇雪手紫羅帳裡舞三臺

上堂祝聖之餘復有何事驀拈拄杖一卓云瞎漢會便會去薦便薦取青天白日會又會箇甚麼薦又薦箇甚麼擲下拄杖云花須連夜發莫待曉風吹

上堂僧問滄山會裡有一僧聞版聲拍手呵呵大笑意旨如何師云莫怪相賺進云□然佛法無道理師云你還喫粥也□進云臨期方覺告人難師云撞著銀山鐵壁進云版未鳴時向甚處去來師云退後退後滄山來也僧禮拜師云笑殺傍觀乃云元亨利貞乾之德也常樂我淨佛之德也喫粥喫飯衲僧德也與雲致雨拄杖子德也諸上座山僧不曾將頭就刃擔頸就枷諸人爲甚麼不入衆數良久云齋後喫茶下座

上堂舉雲門示衆云要識祖師麼以拄杖指云在你諸人頭上教跳要識祖師眼睛麼在你諸人腳跟下又云遮箇是祭鬼神底茶飯雖然如是鬼神也無厭

足師云便是祭鬼神茶飯鬼神若靈十二時中也闕
它不得鬼神不靈便好與掀翻擡卓焚燒廟宇教它
因禍致福當恁麼時祖師眼睛要且不在頭上脚下
諸人向甚麼處摸揀喝一喝云家貧猶自口路貧愁
殺人

上堂迦葉不聞聞如來無說說父子不相傳神仙無
秘訣拈拄杖一畫云君不見謝豹花開雨後春杜鵑
啼破梢頭月

上堂老胡誕生四月八韶陽亂棒打不殺如今縱得
十分全頂門正眼依前瞎瞎後如何相將到衡州子
湖長老上刀山登劒樹入鑊湯鑪炭裡與諸人說些
子拔舌犁耕底佛法拈拄杖一卓云且道是何章
句割

衡州報恩光孝禪院語錄

上堂元正啓祚風雲滿肚萬物咸新日月燈明應時
納祐生鐵鑄就慶無不宜照顧頭皮爛泥有刺綿裏
稱鎚金剛圈子栗棘蓬兒千重百匝正按傍提有照
有用多是非無言無說絕毫絕毫德山臨濟口似

具羅漢

鼓椎頂門一割領下安眉誰知縣裡老鼠咬殺州裡
貓兒阿呵呵也大奇拄杖敲開鐵蒺藜迸出紅鑪金
彈子打著湘江那下汝州香山院裡千手千眼石大
悲

上堂僧問浩浩塵中如何辨主師云木杓頭邊鎌切
菜進云莫便是和尚爲人處也無師云研鉢揀鉢
乃舉雲門示衆云拄杖子化爲龍吞却乾坤了也山
河大地甚處得來師云遮老漢不唯像席打令買帽
相頭亦乃聽事不具喚鍾作甕山僧不是便把蛇頭
要與諸人雪屈薦拈拄杖云瞎堂拄杖子化作拄杖
子吞却拄杖子了也且道拄杖子從什麼處得來卓
一卓云三日不相見莫作舊時看

說羅漢

上堂舉乾峯和尚示衆云舉一不得舉二放過一著
落在第二師云說與說人了也切不得作一二會既
不作一二會且作麼生會以拂子擊禪牀云黃河九
曲連霄漢華嶽三峯倒插天
育王佛智和尚遺書至上堂大道忘情絕去留天倫
何處覓蹤由七星利劍當鋒按八臂那吒觀繡毬圓

◆轉錄○
□疑提

寂法兄佛智大禪師祖域長城法門巨棟高標卓犖
隨方建立法幢水泄不通在處□持宗眼純鋼打就
生鐵鑄成法中之王僧中之寶豈謂計音忽至捨我
而去敢問大眾只如踢斷浮橋一句作麼生道良久
云合掌橫吹無孔笛倒騎鐵馬上刀山

◆然疑終

◆夜疑是

◆直疑其大

上堂舉麻谷到章敬作禮繞禪牀三匝振錫而立敬
云是是又至南泉亦然泉云是不是谷云章敬道
是和尙爲什麼道不是泉云章敬是是汝不是師云
遮葛藤老漢好與九十拄杖更道此是風力所轉然
成敗壞大似望空設拜拈了也委悉麼如是如是腦
門著地不是不夜叉手長跪是與不是轉無巴鼻北
人運至南方貨易獲其厚利
檀越請上堂新羅國裡打齋鍾穩泛靈槎到月宮仙
侶不知何處去秋聲依舊著梧桐復學睦州喚僧云
大德僧回首州云擔版漢雪竇云睦州只具一隻眼
何故遮僧喚既回首因甚却成擔版師云嘆川嘉直
川嘉直是則一期騁俊千載風流錐得片時榮則却
一雙足說甚遮僧回首不回首盡大地人寧免箇擔

◆青字更動

版漢驚拈拂子云還見陳蒲鞞麼擊禪牀一下
上堂一塵入正受諸塵三昧起諸塵入正受一塵三
昧起三昧與正受門機作確腎起滅無定時恰如眼
見鬼正受非正受云何作道理無道理如何委拍禪
牀云一去寥寥七百年下載清風今未已

上堂便恁麼散去已成窠臼更挺頭倒耳轉見病深
是佗德山臨濟雲門趙州子孫舒照物手具透青眼
聞禪與道毒箭橫心見佛與祖群槍著體俊流上士
薦在末屑咬薑呷醋痛領將去儻能如是万且救得
一半

上堂若論此事要見卽瞎要聞卽聾聾之則塞却鼻
根究之則無起滅處以拂子擊禪牀云聞麼復豎起
云見麼豈不見道卽此見聞非見聞無餘聲色可呈
君師云是什麼箇中若了全無事體用何妨分不分
保寧勇和尙道體卽是用用卽是體師云吽吽要且
體不是用用不是體瞎堂不是截水停輪強生節目
也要與諸人緇素有時以拄杖子爲主毛頭利海爲
體山河大地日月星辰爲伴四大五蘊六欲八風爲

用子細思量著。甚來由。不如齏羹淡飯。有鹽無醋。窮
滴滴地快活平生。雖然如是。也不得放過。而今分爲
四段名義。其義各各不同。向下文長來。日分別

結夏上堂。僧問禪人。昔日辨風旛。饒舌。盧能話此間。
兩處。剛然俱不是。幾多開眼受生瞞。如何是不動底。
心師云。自從胡亂後。漏洩到如今。進云。汾江不識朝。
宗勢。逐浪隨波卒未休。師云。彼此不著。便進云。只如。
巴陵道是風動。是旛動。諸訛在什麼處。師云。雙關齊。
下放雪。刀倚天寒。乃舉云。祖在印宗會中。因二僧。
對辨風旛。互爭不已。祖云。不是風動。不是旛動。仁者。
心動。師云。大小祖師。只會解黏去縛。不能拔楔抽釘。
不是風動。不是旛動。猶較些子。仁者心動。料掉沒交。
涉。非風旛動。喚什麼作心。仁者心動。風旛向甚處著。
向遮裡打得開。遮拂子。誰敢喚作拂子。還知落處麼。
自從敗得楊州後。轉覺侯門似海深。

上堂。十月今朝又初一。叢林正值開鑪日。打齋賣飯。
也尋常。殘盃冷炙。誰能喫。天無門地無壁。葫蘆棚上。
種冬瓜。兩手扶犁水過膝。跳金圈吞栗棘。鼐拍板對。

無孔苗屈屈。獨脚山魃解雙踢。去年冬裡無炭燒。今
年定是無火炙。飢時飢到眼。睛黃窮時窮主赤骨力。
且道。山僧屈箇什麼。耐耐監寺。副寺。維那。典座。直歲。
與泥水匠商量放却。兩頭鴟吻。咬殺佛殿香。三十年。
後莫言不道。

上堂。法身無爲不墮。諸數拄杖子。因官置到赤縣神。
州水陸俱通。爛柯山雨似傾盆。龜嶺峯額頭汗出如。
今已是十分收拾不上。莫有不從門入底家珍。略借。
一觀。良久云。負心人終不放債。

上堂。淨法界身本無出沒。大悲願力示現受生。釋迦。
老子。頓一具。髑髏向你諸人面前。然後往四天下索。
命。至今二千餘年。未曾撞著一箇惡頭底。而今莫有。
爲天下稱僧。雪屈底麼。山僧助你一粒返魂丹。貴要。
諸人各各腦門著地。然後活底。須死死底。須活。若也。
半死半活三十年後。不得道見。瞎堂來。

妙喜和尚持書并法衣至上堂。僧問。通身紅爛。脫體。
無依時。如何。師云。更欠點眼。在進云。若將耳聽。終難。
會。眼處聞聲。方得知。師云。相見易得。好共住。難爲人。

◆虛疑

進云將謂古人消息斷如今規範宛然存便禮拜師云確贅生花別是春乃云人天道大梅陽老佛祖功恢臨濟宗赤手擘開無字印冤家何處不相逢賢公禪老不憚江山遼遼事持梅陽老人手書自南而來此老子與山僧同窓而生但以相繼早晚來書有云欽聞道風積有年矣恨未識面此一句子正道著山僧三十年來不獲一瞻慈相以此爲恨別紙云法衣一條專念賢禪人送去因說法一披以表法義山僧不覺面熱汗下直得盡大地人腦門著地衣則披已法作麼生說此乃本色真正老牯牛皮此皮長短高低方圓闊狹從上諸祖莫知邊表又得石門法姓書云無可疑者然楚人弓楚人得何疑之有第恐來處不吉不得不疑何故此皮自達磨大師至臨濟楊岐白雲五祖圓悟先師梅陽老子到山僧處皆是見聞路絕義斷情忘奪鼓擄旗殺人放火處收拾得來所以令人疑著服此皮者向荆棘林中拔脚旃檀屈裏踴身入佛界魔宮現三頭六臂牽犁拽把打鎖敲枷譬如毒蛇戴角猛虎插翼摩龍攪海金翅搏風若

◆虛疑

◆虛疑

能如是堪報佛恩只如今作麼生合殺良久云梅陽老囑付此衣遮護得山僧一半借問搭來何所宜恰似當年賣柴漢醬裏鹽雪中炭留與叢林所觀看君不見睦州嚴陵灘畔兜率寺裡有箇陳蒲鞋解道秦時轆轤鑽

上堂舉明招問疎山虎生七子那箇無尾巴山云第七箇無尾巴師云既無尾巴六箇不應與佗爲伴既無伴又無尾巴誰敢喚作虎子而今要見無尾巴底麼驀拈拄杖指東畔云一二三却指西畔云四五六放拄杖舊處云薩達麻繩難辨的翻身擲地向人前鼻孔眼睛俱突出既突出箇八圍城時關却這道門爲什麼入不得

上堂舉香城初參通和尚問一似兩箇時如何通云一箇賺汝師云錯認阿爹喚作阿爺城乃有省師云棚命吞箇棗後有僧問城裏無繫蟻之絲厨乏聚蠅之糝時如何師云高枕無憂城云日捨不求思從妄得師云鬼窟裏活計復云易作太平宰相難爲鬧亂將軍當時待佗道裏無繫蟻之絲厨乏聚蠅之糝時

如何只向他道。瞎堂拄杖子。教跳入一十八重地獄。穿透毗沙門天王鼻孔。直得西湖石佛偏袒右肩。東海波斯腦門著地。諸人作麼生。會良久云。有名閑富。貴無事散神仙。

將盡時

已首座受鵝湖請上堂。咄咄牯牛兒。森森頭角露恣。貪肥膩草。脹殺孃生肚。憶昔未離群。已作牛王步。今既離群去。觸諱沒回互。沒回互。病最堪憂。灌漑依前是好牛。有時喜未跨門欄。先撒屎。有時瞋掉尾昂頭。不顧人。有時好古端。攬盡千峰草。有時惡掣斷鼻頭。雙服索而今。風和日暖。江南江北。去何之。佇看深耕淺種。挖犁拽把。正當時。稍乖角覓便宜。老夫不惜操刀手。生捉歸來活剝皮。

風三原本不明

從歸徒

上堂。僧問。不從天降。亦非地涌。時如何。師云。岳素虛空。僧云。全憑遮箇力也。師云。鋸解稱鎚。乃舉臨濟問洛浦云。從上來。一人行棒。一人行喝。阿那箇親。浦云。總不親。濟云。親處作麼生。浦使喝。濟便打。師云。咬人。師子縱奪。可觀。越塊韓獹。從勞進步。是則縱擒得。所收放全功。瞎堂子細看來。臨濟洛浦。禍不單行。既

知棒喝總不親。爲甚末後却向棒喝裏折倒。檢點得出許你明臨濟宗旨。

天申節上堂。神機獨運。懸日月於域中。妙用無方。握乾坤於掌上。感戴堯天。均霑舜澤。正當恁麼。將如何。萬那歌有道。四海樂無爲。

上堂。諸方每遇中秋。良辰往往說月。指月。翫月。畫月。以至吟詩作偈。無非以月爲佛事。山僧廝裏。又且不然。如有人說月之一字。罰胡餅一堂。乃云。彎彎初生如彙弓。團團次第漾懸鏡。人間起舞爭清輝。影落秋江驗邪正。圓也缺也。烏足論體也。用也。誰能分潦倒。南泉沒碑記。夜隨流水遶孤村。

上堂。言無展事。語不投機。頂門著眼。額下安眉。聖凡路絕。事理俱非。刀截春風。鋸解稱鎚。刀鋸俱妙。明暗□□。刀鋸不爾。二破一虧。阿呵呵也。大奇。蘭生蘭葉。檀產檀枝。相命已定。鬼神莫移。歌須搖頭。哭須皺眉。咦。只如今。那裏是那裏。阿誰是阿誰。也要知。昨夜東海龍王宮中持戒。和尚發惡一拳。打殺西方國。瞿屠兒。牽惹山僧作證。只向道。塑佛匠。須是葉端友。刺袞

袈裟他丘裁衣

辭衆上堂老婆二八少年時羞向人前舞柘枝而今要嫁便改嫁誰管傍人說是非

潭州南嶽山南臺禪院語錄

入院上堂僧問人天普集請師說法師云好日多同進云未審祝聖一句作麼生道師云山高水深進云今日得聞於未聞師云未舉已前聞箇什麼僧擬議師便喝乃云石頭路滑行人絕蹤瑞應峯高到者泯迹孤迥迥了無邊表峭巍巍不落階梯觀體全真突出難辨明明絕滲漏密密無覆藏千眼莫能窺萬機窮不到低頭覷地不見地仰面看天不見天於中亦無人亦無佛是什麼破草鞋淨潔毬是人打得擔版漢只見一邊栗棘蓬具眼快吞探頭底猶較十步更須回機轉位換斗移星當恁麼時千眼頓開萬機聲赴則時人知有截斷玄關一句作麼道良久云掣電光中飛鐵騎桃花浪裏舞春風

上堂良宵正月一日從東畔出照見著闍峯回環指

中坐斷石橋路凡聖無回互佛祖生冤家相逢若

稻麻雪消春雨過確嘴也生花

上堂僧問截舌之機請師道師云山前水注萬家村進云學人不會師云吾不如汝僧禮拜師便打乃云一心不生萬法無咎木匠帶枷自作自受有心無法受報好醜有法無心天長地久心生法生烏飛兔走心滅法滅倒翻筋斗口似鼓椎眉如掃箒咄你看是什麼面觜不見道汝唱木馬嘶我和泥牛吼

送監收上堂一粒紅稻飯幾滴牛領血憑君子細看我亦難分雪耕者耕未已種者種不歇目望九霄雲誰顧三伏熱秋收改其時全在要精潔升合等平分彼我言詞絕暗室不可欺喫水也防噎上人飽法味道眼能昭徹歸來滿鉢香坐斷水雲舌金毛忒翻躑異獸潛深穴栗棘金剛圈略不通水泄百草頭邊著眼看七星用處當風截

上堂新歲有來由烹茶上酒樓一雙無兩脚半箇有三頭突出神難辨相逢鬼見愁倒吹無孔笛促拍舞梁州喝一喝

上堂舉國賓國王仗劍問師子尊者曰師得蘊空否

曰已得蘊空王曰既得蘊空離生死否曰已離生死
王曰既離生死可施我頭否曰身非我有豈況於頭
王便斬之白乳湧高數尺王臂自墮師云當時若是
山僧待佗問師得蘊空否只向道放下劍來與你商
量待佗放下向道已得蘊空既得蘊空離生死否向
道收起劍來與你商量待佗收劍入匣向道已離生
死既離生死可施我頭否便好高聲向道身非我有
頭則難爲大衆若下得遮三轉語何處更有關賓國
王來而今作麼生良久云無事少出入

上堂舉雲門示衆云平地上死人無數透得荆棘林
者是好手時有僧出云恁麼則堂中第一座有長處
也門云蘇盧蘇盧師云有般底纔聞恁麼道便作玄
妙奇特往往更道言無展事語不投機會也無言也
無事也無語也無機也無是你諸人本命元辰在甚
麼處還見雲門與遮僧麼譬如百萬軍陣前奮旗誅
將突騎斬關流血成河橫屍遍野子細看來不動一
槍一刀亦不傷鋒犯手你等諸人還記得生年月日
時辰麼待選吉日良辰與你一坑埋却只如雲門道

平地上死人無數透得荆棘林者是好手太平師翕
拈云平地上箇箇丈夫坐得荆棘林者是好手何故
如此自代云格師云若無後語疑殺老胡一人坐得
荆棘林一人透得荆棘林坐底皮裏陽秋透底腹中
鱗甲坐者透者總有事在有一人不坐不透諸人要
識此人麼拈拄杖放在左邊喝一喝云無限樹頭風
過耳遂作牛歌聲云拍牛歸去口阿咩

上堂僧問離四句絕百非請師道師云縮却舌頭致
將一問來進云築著磕著俱是妙師云一擔擔去進
云馬大師道我今日勞倦不能爲汝說問取智藏去
此理如何師云兩耳指天進云智藏云我今日頭痛
問取海兄去又作麼生師云雙腳踢地進云海兄道
我到遮裏却不會此意如何師云賊在眼前進云子
承父業的有準師云切忌塗糊乃舉百丈先和
尚示衆云百丈有三訣喫茶珍重歇直下便承當敢
保君未徹覺和尚云百丈恁麼道美則美矣雖然如
是只有順水之波且無滔天之浪山僧即不然琅琊
有三訣綠水青山月三冬枯木花九夏寒岩雪師云

大衆一人頭高似鳳一人腹大如甕山僧看來笑未風而巢覺畢未雨而穴知禱僧面前討什麼盤山僧也要效顰不可放過瞎堂也有三箇訣靠倒雲門乾屎橛一雙白大喫泥鰍兩箇鷺鷥吞石螺

上堂舉趙州問南泉如何是道泉云平常心是道州云還假趣向否泉云擬向即乖州云不擬爭知是道泉云道不屬知不屬不知知是妄覺不知是無記若真達不疑之道則廓同太虛豈可強是非耶師云你有一種是堂前開飯店屋裏販揚州南泉翻鹽落醬綱趙州老鼠入牛角敢問諸人還曾道著也無雖然詞辯生風至今分疎不下忽有人如是問南臺亦如是答諸仁者說甚麼東門高西門低張公帽子李公腰帶若也不會重說偈言揭諦揭諦波羅揭諦波羅僧揭諦菩提薩婆訶

上堂久雨不晴務在丙丁修羅合掌菩薩生嗔佛也不會波斯轉經拘直作曲弄假像真好是明明說與從教鴨聽雷聲

上堂舉僧問夾山如何是夾山境山云穩抱子飯青

嶂裏鳥啼花落碧巖前法眼云我二十年只作境話會又古德云既不作境會作麼生會又有僧云我會也我會也或云你作麼生會僧云穩抱子歸青嶂裏鳥啼花落碧巖前師云雖然一種是葛藤各自有出身之路遮僧盲頭撞駕夾山據坐山呼法眼撼動乾坤從此家不寧靜要知落處麼陝府鐵牛口門窄嘉州石佛耳輪長驚起暮天沙上鴈海門斜去兩三行

台州護國廣恩禪寺語錄

入院上堂舉臨濟侍德山次山云今日因濟云遮老漢寐語作什麼山便打濟掀倒禪牀雪竇云二員作者具啐啄同時眼有啐啄同時用雪竇擬向飢鷹爪下奪肉猛虎口邊爭餐敢謂德山臨濟俱是瞎漢有人辨得天下橫行師云三員老作掘地覓天一人有家無業一人有業無家一人家業俱無雖然如是總未入得護國門且道護國門作麼生入喝一喝云除却華山潘處士不知誰解倒騎驢

上堂僧問卽心卽佛時如何師云頂分了角進云非心非佛時如何師云耳墜金環進云不是心不是佛

不是物時如何師云禿頂修羅舞柘枝進云向上還
有事也無師云有進云如何向上事師云無影塔前
掉臂行 乃舉三平座座有一道士出衆從東過西
又一僧從西過東平云適來道士有箇見處師僧未
在道士出衆禮拜云謝師接引平便打僧出禮拜云
乞師指示平亦打復謂衆云遮箇公案作麼生斷還
有人斷得麼衆無對平云既無人斷老僧自斷去也
擲下拄杖便歸方丈師云龍蛇易辨衲子難瞞忽若
道士稽首叩齒師僧掀倒禪牀諸人合下得什麼語
三平眼空四海氣壓諸方則不無爭奈忘前失後何
故一條拄杖也不會與佗作主如今在瞎堂手裡還
有求證明乞指示底麼良久云三年逢一閏九月是
重陽

上堂初二十六齋羹豆粥日午夜行投明暗宿

天竺妙禪師至上堂僧問如何是聖諦第一義師云
一曲兩曲無人會進云人天群生類皆奉此恩力師
云已落第二義進云武帝問達磨如何是聖諦第一
義磨云廓然無聖此意如何師云你向甚處見達磨

● 臂膊

進云對面却相瞞師便喝進云武帝道對朕者誰磨
云不識又作麼生師云通身是手眼進云達磨便渡
江武帝欲詔回誌公云設使闔國人追渠亦不回畢
竟渠是阿誰師云渠是達磨 乃云我聞禪師築傾
天竺山色湖光爭輝奪日佛法禪道日月燈燭眼放
電光機逾臂竹說雲門禪如珠走盤唱無生曲鏗金
曼玉千眼洞明萬機攢簇佛祖竝驅水雲疊足掣顛
掣狂可記可錄誑嚇閭閻鼓蕩流俗眉毛厮結形影
相逐把手共行孤峯獨宿彼上人者難繼高蹈因甚
如此爲佗牽犁入市騎牛上屋七九從來八十三六
六何曾三十六

● 去聲云

上堂舉法華師翳拈拄杖示衆云鋒刃上敦跳叉橫
按去紅塵裏走馬勞勞去復來是箇惺惺者遂擲下
拄杖師云是則夾穀造飯和米糴糠風雨順時雷霆
應候在法華卽得我遮裏屙屎送尿尙無餘地有什
麼閒工夫來忽若背黃不交又作麼生有錢光剃頭
無錢淨洗鉢惡惡惡便住好好好便脫且道還有佛
法道理也無良久云大地作眠牀虛空爲直裰

◆蓮蓬蓮

上堂舉洪州太守許式郎中因與上藍溥和尚潞潭澄和尚三人坐次澄云承聞郎中云夜坐蓮雲石春栽帶雨松當時答洞山甚話許曰今日放衙澄曰聞說是泗州大聖在揚州現底話是否許曰別點茶來澄曰名不虛得元來是作得主許曰和尚早廻山澄曰今日被上藍覷破上藍便喝澄曰須是你始得許曰不奈船何打破辱斗師云當時待佗道今日放衙只向道節紙且祇候著若下得遮一轉語誰敢喚作知州只那作得主處多少禪和子錯認打破辱斗處合下得甚麼語換十代閻羅王也斷佗不得何故只爲無條貫而今到瞎堂手裡豈有不結絕底公案阿呵呵也大奇折臂脩羅舞柘枝急如閃電疾如飛毛毳眼迷癡得便宜是落便宜直得左神茶右鬱疊半夜三更開口笑也好笑你且道笑箇什麼笑道鍾馗被鬼迷

上堂舉泉州坦禪師示衆云夫行脚人一人所在亦須到半人所在亦須到獨眼龍便問云一人所在即不問作麼生是半人所在坦無對却令小師問獨眼

◆口語所

龍龍云汝欲識半人麼也只是箇弄泥團漢師云時人盡道坦禪師無語殊不知問佗半人所在却將一人答了也若恁麼釋迦老漢總是弄泥團而今半人□在即不問如何是一人所在若有人道得山僧刺却八字頭跳却兩隻脚來你屋裡受雇一生更不取錢若道不得乃高叉手唱喏一聲云莫怪無禮紫籊受請上堂廣端架壁本無情致雨與雷自有因傾倒十年放火口高譚一夜動公卿林長老久相親楚語吳歌曲調新羶羊已挂懸崖角猛虎難藏露地身下座

慈寧皇太后昇霞上堂忘機絕照體用如如脫去留離見超情眞常了了無餘說萬法不爲侶千聖莫同途具正念則非相非空出世間則最尊最貴彈指智悲互顯利那樓閣門開一花一葉一如來一佛一刹一報土觀音勢至前疑後丞當恁麼時如何證據良久云翠羽旌幢仙子隊紫雲樓閣玉皇家復舉僧問大龍如何是堅固法身龍云山花開似錦澗水湛如藍師云是則言言合道句句朝宗直得乃聖乃賢

盡忠盡孝大龍門下卽得護國遮裏不然忽有人問
如何是 皇太后堅固法身只向佗道萬機徹處若
爲酬千聖頭邊合自由佛國乍歸金作界仙宮回首
玉爲樓

浴佛上堂大哉釋迦文生下便作怪南北東西行點
臂也忒殺弃捨輪王位反受父母拜六載向雪山精
進修淨戒明星纔出現證道果能快分別說三乘惹
得一身債最後向靈山拈花索買賣十萬衆人前就
中無一介獨有迦葉波和賊與捉敗二千年前且放
過直至而今被佗壞壞不壞主元在主旣在休斯賴
下座與諸人各各近前燒一炷香澆湯底澆湯設拜
底設拜放下杓柄看是什麼消息良久云大衆不得
當面諱却

退院上堂平生學弄蛇是蛇皆可弄唯有遮一條咬
人不可動輕輕動便覺和身入草蓬草蓬深無處尋
不用尋焉拈拄杖云好水好山留不住千巖萬壑聽
龍吟

台州天台山景德國清禪寺語錄

參學 如本 編

入寺指三門師云寒山掃松徑拾得拂蒼苔憑仗東
君些子力一時吹入我門來

指佛殿云古聖伽藍一切成見未跨三門先見佛殿
見則見已佛在甚麼處良久云清平世界不得訛言
便禮拜

指方丈云毗耶離瞎人撞彩摩竭陀啞子喫瓜新長
老到遮裏如何卽是棒頭開正眼拳下作生涯

上堂僧問學人有一片田地以四大部洲爲界至而
今撥向瞎堂面前如何驅遣師云願上座從今日去
一日不如一日進云直得三世諸佛六代祖師天下

□和尚不敢正眼覷著師云你還破家散宅也未進
云宗師眼目何在師云旣然四至分明正契在甚麼
處進云心不負人面無慚色師云遮漢瞞昧官司重
行典憲僧禮拜 乃舉寒山問豐干和尚古鏡不磨
如何照燭于云冰壺無影像猿猴探水月山云猶是
不照燭請師更道于云萬德不將來教我如何道師
云大小寒山子破豐干當面熱瞞大小豐干被寒山

子一問元來膽小且道甚麼處是膽小甚麼處是熱
瞞山僧三日前看來好一局生面底基可惜被遮兩
箇老凍餓著壞了也如今莫有行得活路底衲僧麼
饒你先手出來當頭下一著看拈掌云了

上堂良宵三月十五依舊神歌鬼舞未須三四吐吞
且看七八吞吐臨濟瞎驢倒跨雲門正法眼普三人
證鼈成龜一任衲僧氣鼓休氣鼓甜者甜兮苦者苦
偃月長蛇不用呈發機自有千鈞弩擊禪牀下座

月日上堂學德山和尚一日因廓侍者問從上諸聖
向甚麼處去山云作麼作麼師云米盡到糠廓云勑
點飛龍馬跋鼈出頭來山休去師云臨文不諱次日
浴出廓過茶與山山拈廓背一下云昨日公案作麼

○師云終始老婆心廓云遮老漢今日方始瞥地師
云倒使冬瓜印復云弓絃上豈可結紐結紐何妨石
面上不可豎花豎花何

○疑蛇

○疑害

○疑生

○赤手擎風雲元來臂長袖短脚瘦襪寬如今勘證
得來問者只知去處不知來處答者只知來處不知
去處一問一答總有事在只如德山休去諸人作麼

生商量卓拄杖云陽春白雪無人和流水高山子細
看

上堂山僧有箇不是喪盡衲僧巴鼻驚回陝府鐵牛
吞却山河大地卓拄杖一下云遮箇是瞎堂拄杖不
成喚作拄杖不喚作拄杖不是不是亦不是且道是
箇甚麼總是戰爭收拾得却將歌舞破除休

◆上原本不
明

上堂四月上夏漸熱善療也須調攝文殊眼裡抽筋
金剛腦後拔楔須彌教跳上天海底崑崙吐舌幾度
長歌幾度愁一回飲水一回噎所以道入境問俗君
子可入若○會得直向門前倒剎竿若也不會勘破
摩訶大迦葉

○疑也

上堂舉花藥英和尚示衆云七十八道著即瞎十
九二十人信不及更欲待枯木生花胡餅討汁師云
徐六擔板我則不然初三十一不用擇日鼻孔別穿
眼睛突出撞著露柱參學事畢

上堂舉雪竇示衆云十方無壁落四面亦無門古人
向什麼處見客若道得接手句許你天上天下○顧
○去大衆人無遠慮必有近憂爭如國清五峰旬市

○疑師

去疑云

◆遊歷連

雙澗連環。閑則遊山。渴則飲水。那裏不是見客處。又云。若道得接手句。許汝天上天下。師云。咩咩佛法。禪道則不無接手一句。也是大斧斫三門。良久。以拄杖畫一畫。云。會麼。金地嶺。胃中丘壑。赤城山。皮裡陽秋。華頂峯。腦門著地。桐栢觀。稽首叩頭。喝一喝。下座。

上堂。舉金峯和尚。一日見臨濟來。乃橫按拄杖。濟拍手。三下。便參堂去。峯下去人事了。遂問主賓相見。各有儀範。上座何得無禮。濟打一坐具。峯擬問。濟再打一坐具。峯云。山僧失和。便歸方丈。師云。一人將通草杖攪動四大海水。一人用無文印。印破十方虛空。如今不得動著動著。則三一棒參。

◆口疑會

上堂。舉趙州遊方到臨濟。在後架洗脚。次濟見。便問。如何。是祖師西來意。州云。恰值老僧洗脚。濟近前作聽勢。州云。便會去。鵲啄作甚麼。濟便歸方丈。州云。三十年行脚。今日錯爲人下注脚。師云。甚處是趙州。錯爲人下注脚處。良久。云。家貧猶自可。路貧愁殺人。上堂。雲外千峯秀。目前雙澗清。若作如是會。永劫受沉淪。

◆口疑此

◆口疑打

上堂。舉那耶覺和尚。一日陞堂。有僧出畫一圓相。那打云。道道僧云。不道。不道。那又打云。道道僧云。不道。不道。那又打云。道道僧云。三世諸佛。不離於。那又。喚維那。趨出院。那却陞座。以手指僧云。大眾。比丘犯波逸提。山僧入地獄。師拈云。人情若好。喫水也肥。比丘犯波逸提。爲甚麼。那却入地獄。良久。云。會麼。會去。山僧與你共證。乃合掌云。施者受者。俱獲五常色。力。命。安得無礙辯。

上堂。舉僧問雲門。如何是透法身句。門云。北斗裏藏身。師云。諸人還透得也。未傳太士云。空手把鋤頭。步行騎水牛。人從橋上過。橋流水不流。若喚作法身。入地獄如箭射。若不喚作法身。入地獄如箭射。你作麼生透參。

上堂。今朝七月初一。叢林法歲。將周。便請解開布袋。相從觸處。遊解與不解。總得而今。要休便休。凡聖本無忌諱。佛魔總是冤讎。靜悄悄。沒干涉。鬧浩浩。莫能收束。行不見西行利。一葉落。知天下秋。圓悟禪師忌辰。上堂。錦江巨浪連三峽。九隴峯高接

五天中有導師口生角眉毛落盡脚跟穿擊得嘉州石佛眼中火出驚回陝府鐵牛鼻孔生煙阿呵呵莫怨天有利無利不離行市伸手縮手無黨無偏卓拄杖云釀茶三五盃意在饅頭邊

上堂學道悟和尚學古云認著依前還不是也是難會士宿領下髭鬚多波斯眼深鼻孔大甚奇怪歛然透過新羅界師以拄杖畫一畫云但願風調□□□

國泰

大慧禪師遺書至上堂容路如天遠情忘道義深虛空無向背何處覓家音莫有知我師兄去處底衲僧麼出來指看僧問懷禪師遷化偈云日出照扶桑浮雲遮華嶽三更過鐵圍拗折驪龍角妙喜云□也只恁麼死也只恁麼有偈與無偈是甚麼熱大二尊宿還有優劣也無師云繡針眼裏鐵稱錘進云超然千聖外突出萬機前師云閑言語進云請師指示師云

來日與你一文錢僧禮拜乃云道大兮功不立隔無兮方莫存跨鼉頭兮歸巨海挾月角兮出天門乃是我徑山大慧法兄禪師殊不念天倫義重樣尋清

深計音忽來捨我而去嗚呼正宗澹泊前輩凋零苦海漂流慈舟傾覆法門不幸何痛如之薰拈拄杖云大地毗嵐起人天覺樹摧白雲歸大壑慘霧結成堆森森江天門聲喚喚不回良久喚云猩猩久之又云猩猩復云諾是甚麼振禪牀一下云智光當不夜隨處作雲雷

上堂舉慈明示衆云道吾打鼓四大部洲同參拄杖橫也挑括乾坤大地鉢盂轉也覆却恒沙世界汝等諸人向甚麼處安身立命若也知安身立命處北俱盧洲喫粥喫飯若也不知長連牀上喫粥喫飯師云生錢放債夾米糶糶有甚麼快活處以手摸□□時垂下手云山僧三十年前生居西蜀三十年後住在浙東橫草不拈豎草不闢如今却被鄉保帶累不具實供通去也復云長連牀上北俱盧洲喫粥喫飯徧界冤讎

上堂舉保寧勇和尚示衆云二是一二是三三是三四是四數目甚分明上下依實次依實次有何事以拄杖畫一畫云大衆一時亂却六十甲子了師云

容
國
泰

容
國
泰

容
國
泰

容
國
泰

容
國
泰

是則大富由天小富由人殺得窮漢做得富漢山僧也有一路法學似大眾一是二既是一爲甚麼却是二你若會得參學事畢復云一是二二是三咬定牙關徹底參闡浩浩時雙手擲赤條條處兩肩擔文殊老強指南□門三頓實難甘五峰山下翻筋斗八達衢頭轉放憨喝一喝下座

上堂拈拄杖畫一畫云大地山河不現虛空冷汗通身拄杖頭邊路絕觸體眼裏抽筋底是什麼人遮裏莫有地分所由巡鋪虞官擲頭節級麼良久高聲唱喏一聲云一更無事分付二更

舉體首座立僧上堂虎穴魔宮闊步挨犁耕拔舌待君來摩雲鼻孔鬚胡口開裏相逢鬼壁開不離刀山居馬腹便從爐炭入驢胎一句子不須猜延賓豈在預安排換手提冒何處去蝦蟇頭上戴青苔

上堂今朝六月初五明眼衲僧難覩驚回座□□龜咬殺街頭石虎磨旗鐵鼓破口半治閑佛祖起坐相隨獨自行夜漏聲沈日卓午

上堂僧問滴水滴涼玉潔冰清時如何師云知時則

心口下
鳥
鎖字原本
不明或鐵

云疑去

宜堪作閹梨進云風前有意句裏無聲師云今古罕聞進云若遇知音盡傾倒師云全身擔荷進云從來不受人處分師云殺人償命負債還錢進云便恁麼云時如何師云料掉沒交涉進云善知識豈無方便師云何勞再舉進云忽有人問和尚如何是善知識口師云我不是善知識何處得口來僧禮拜乃舉香巖和尚示衆云如人上樹師云浪驪口嘴樹枝師云此是手不攀枝師云獨脚不蹋枝師云獨樹下忽有花報人問師云如何是祖師西來意師云道上若對則喪身失命師云朝不對則違他所問師云若常恁麼時作麼生師遂唱喏一聲云復云大眾未與諸人相見以前山僧却在樹上與諸人相見了也還我未上樹前遠上座來當恁麼時作麼生道咄天曹歸天地神歸地錢歸庫馬歸槽弟子謝恩虔誠設拜前心後願並獲周圓異日忙時不爲挂欠

上堂僧問楊岐問慈明幽鳥語喃喃辭雲入亂峯時如何明云我行荒草裏汝又入深村此意如何師云拍拍是令進云和尚今日漏泄天機師云頭正尾正

進云楊岐道官不容針更借。問又作麼生。師云脚力盡時山更好。進云慈明連下兩喝。楊岐見箇甚麼道理。便禮拜。師云撥動干戈立太平。進云恁麼則花根本艷。虎體元班。師云誰敢觀。香進云謝師答話。師云猫。乃舉金峯和尚。一日有僧來問訊。峯云甚處來。僧近前。良久峯云參見甚麼人。來僧云參甚麼。盤峯云老僧罪過。僧云是是。峯良久。師云一等是龍吟。霧起虎嘯。風生也有打著處。也有打不著處。久參之士試定當看。

上堂今朝臘月二十。依舊眼橫鼻直。從頭收拾將來。恰似一棚雜劇。便是抹土塗灰。我也阿誰相識。九百木大小。進處分全。由節級忽然出至棚前。也解打躬相揖。駝起要打。便打放下。要泣便泣。蒸然冷笑一聲。笑倒判官五十。或有人問。瞎堂長老。鬻又不是。害顛只向佗道。說者說聽者聽。坐者起行者立。你若恁麼爲人說禪。胡餅裏討甚麼汁。

台州浮山鴻福禪寺語錄

參學 如本 編

上堂僧問。文殊是七佛之師。爲甚麼出女子定不得。師云待。不得次。進云。罔明爲甚麼出得。師云。奴見婢殷勤。乃云。夢魂飛錫下天台。疑是佗。方應供來。石室乍歸於霧。冷海山風月滿樓臺。所以道。衲僧行處滴水冰生。片雲不礙長空。衆水難逃月影。直得脚踏下孤迥迥。方寸中峭巍巍。正當恁麼時。昔居國清寺。今據浮山頂。一句作麼生。道。搯膝一下。云。煙樹過來。煙樹接好山。拋却好山迎。

上堂舉趙州和尚。每見僧來。便問。曾到此間麼。僧云。曾到州。云。喫茶去。又問。僧曾到此間麼。不曾到。喫茶去。院主問。云。曾到也。喫茶。不曾到爲甚麼也。喫茶。州呼院主。主應。諸州云。喫茶去。師云。遮老漢。非但向長流水裏洗面。化人壇上炙背。更將官路作人情。無礙廚中請白客。要知遮老漢。落處麼。曾到未到。俱喫茶。不在沾唇眼。便花。若是謝家船上客。肯來平地撥魚鰕。

上堂舉鏡清問僧。門外甚麼聲。僧云。雨滴聲。清云。衆生顛倒。迷已逐物。僧云。和尚作麼生。清云。泊不迷已。

僧云泊不迷已。意旨如何。清云。出身由可。易脫體道。應難。師云。大眾。時人盡道。鏡清舌頭有骨氣。吐風雲。遮僧眼裏。無筋通身泥水。殊不知遮兩箇。漢錢不露。陌銀不露白。

至日上堂。一雨洗郊原。千山鎖寒色。底事不須論。元胡口門窄。

上堂。仲冬十一月半。冷地急著眼。看春來草木還青。冬去冰霜自泮。誰知兩箇五百元來。合成一貫。縱饒百煉真金。也入紅鑪。再煅煅出。後如何。衡門突出古菱花。由勝秦時轆轤鑽。

上堂。舉大愚辭歸宗。宗問甚處去。愚云。諸方學五味。禪去。宗云。我遮裏也。有一味。禪愚云。如何是和尙一味。禪宗便打。愚云。我會也。宗云。道道愚擬開口。宗又打。趣出院。師云。是則盡法無民。一人冰凌上走。馬一人劒刃上橫。身子細檢點。將來有甚便宜。到你諸人要見。二老漢落處。麼聽取。二頌神仙祕訣。妙難傳。禿頭修羅打左拳。夜半歸來無覓處。忍飢高臥飯籬邊。上堂。僧問。鷓鴣噪。法法圓成見。亦同見。聞亦同聞。

◆左字原本
不明

爲甚麼有迷。有悟。師云。念彼觀音力。兩家都沒事。進云。除却見聞。還許學人趣向也。無師云。誰教你刺腦入膠盆。進云。買鐵得金。一場富貴。師云。我答你。問料掉沒交涉。乃云。鉢盂盛世界。拄杖攪滄溟。魚龍俱削迹。佛祖也逃形。日午全機現。烏沉木出輪。秋高山月白。春至燒痕青。

上堂。舉洞巖可休禪師。一日從方丈下。見洞山來。相看。便問甚麼處去。山云。親近去。巖云。亂走作甚麼。山云。暫時不在。巖云。甚麼處去也。雪竇拈云。好與三十棒。師云。若是具金剛眼睛底。我且問你。遮三十棒落在賓家。落在主家。雪竇自喫。若見得出。非但老僧。繩牀震動。盡大地人。滿口含霜。而今作麼生。以拂子一擊云。暮天沙上。鴈鷺飛橫斜。又入海門去。

上堂。舉雲居祐和尚示衆云。參學之士。須得悟中發明心地。若悟法身主盡。大地草木。歸依佛法。僧若悟毗盧師。虛空世界。歸依佛法。僧且道。喚甚麼作法身。主喚甚麼作毗盧師。要得直下會麼。眼睛裏放光現。瑞耳竅裏轉大法輪。師云。大眾。毗盧無師。喚甚麼作。

◆林疑扶

◆右字更勘

毗盧師。莫是耳竅裏轉大法輪麼。法身無主。喚甚麼作法身主。莫是眼睛裏放光現瑞麼。麼尖簷帽。子刻鼻麻鞋。無領布衫。斷鞵腰帶。慣會橫穿倒著。自然一種風流。更饒林土塗灰。終無兩般科段。諸人喚甚麼作法身主。喚甚麼作毗盧師。正當恁麼時。如何若也會得。遮三十棒。從教日炙風吹。若也不會。寒松右檜。

上堂。春日遲遲。春風浩浩。綠水繞腰。青山戴帽。柳綠花紅。鴉鳴鵲噪。大施門開。何處著到。喝一喝云。王羲之草書入石三分。諸人還見德山臨濟。南泉趙州麼。普願翻邪。歸入正道。

上堂。舉谷山問秀谿和尚。聲色純真。如何是道。谿云。亂道。作甚麼。山却從東過。西谿云。若不恁麼。卽禍事也。山却從西過。東立谿下。繩牀方行兩步。被谷山攔住。云。聲色純真。事作麼生。谿便掌。山云。十年後。要箇人下茶也。無谿云。要谷山老漢作麼。山呵呵大笑。三聲師云。你且道。佗節文在甚麼處。爲甚只笑三聲。不笑四聲。具參學眼底。還辯得麼。金將石試。玉將火試。遮三聲。你諸人將甚麼試。莫是若不同牀睡。焉知被

底穿麼。早知你錯會了也。聽取一頌。兩陣交鋒。笑似。噴雙眉。倒卓眼。生筋谿山雲月。誰爲侶。南北東西絕近鄰。

施主謂上堂僧問。正法眼藏。涅槃妙心。如何受用。師云。兩手分付。進云。便恁麼領略。時如何。師云。啞子喫苦瓜。進云。明人不作暗事。師云。將欲奪之。必固與之。進云。昨日有人從陳州來。却向許州去。師云。離此外別道一句來。進云。不可也。下一喝。師云。拶僧禮拜。乃云。建山徐廷幹三請譚般若。若未跨浮山門。一時說了也。更開破天口。塞破太虛空。潭南湘之北。趙州西院東。擲下金剛圈。更饒栗棘蓬。百千萬億箇。吞跳無有窮。幸有富陽險崖。句山僧不敢重下。注月裏麒麟笑。揭天泥牛。拔斷珊瑚樹。

上堂。舉琅琊覺和尚。舉先梁山示衆云。南來者與三十棒。北來者與三十棒。雖然。如是不當宗。乘琅琊云。梁山好一片真金。將作頑鐵賣却。琅琊卽不然。南來者與三十棒。北來者與三十棒。從教天下衲僧。貶剝。師云。二老漢一人藏身露影。一人露影藏身。山僧卽

而難南

不然而來與一杓鹹鹽酸醋北來與一杓苦菜淡蘆
喫則因邪打正不喫則自東自西

口難

古難

具

上堂舉百丈問趙州近離甚處州云南泉文云南泉
有何言句州云未得之人直須悄然丈便喝州作怕
勢丈云大好怕然州乃作舞而去師云口可情放過
且道我放過誰是放過趙州放過百丈古人著一轉
語是一隻眼你諸人定是刺腦入膠盆必然道趙州
作舞而出百丈無語所以不合放過且喜沒交涉良
久云門裏有門外有不作嚴平犯牛斗師子嘯野干
鳴摘出萬婁眼裏睛伸一手縮一手重陽決定九月
九掀翻海嶽訪知音赤骨力窮露雙肘
上堂舉羅漢南禪師示衆云紅霞穿碧落白鷺點滄
洲不是寒山子時臨古渡頭騎駿馬驟高樓萬里銀
河轉玉毬別名眞解脫撥火覓浮漚師云遮老漢道
則殺道只得八成非唯與賊過梯亦乃自作自受山
僧因行掉臂輒做顰眉舉似大衆紅霞穿碧落白鷺
點蒼苔不得顏良首誰能歎善哉根向梢頭出子從
花裏開只遮是不須猜青山綠水鬢邊腮有時尋不

見依舊却還來

上堂當年四月初八老胡舊病再發雲門遇水脫屣
且莫隨陀孟八九龍吐水沐金軀七步周行總不如
稽首歸依乾屎橛胡鬚更撞赤鬚胡

上堂結夏已經半月迦毗羅神與蔣廟爭山事作麼
生山僧始記得未出家時一年勝如一月一月勝如
一日一日勝如一時既出家後一年不如一月一月
不如一日一日不如一時雖然如是諸人且道勝底
是不如底是野火燒不盡春風吹又生

上堂舉眞淨示衆云洞山門下要行便行要坐便坐
鉢盂裏阿戾淨餅中吐唾執法修行如牛拽磨師云
是則也是太殺不近人情爭似浮山門下不許蹲坐
眼睛裏燒舍鼻孔裏推磨佛來祖來劈面便唾不可
唾也好唾何故如此君看駕箭人不如箇射垛
因事上堂水滿花肥春正長東君作意惱愁腸同風
未必如吾蜀鼻觀先聞荔子香

上堂文殊盡力一問維摩結舌無言布袋長時落魄
飲光論劫坐禪鼻孔只在面上口皮不離唇邊四箇

時有僧顯□□□□□□□□

皇宮內苑宏開選佛□□□□□□□□心空及第

世尊未□□□□□□□□母胎爲甚麼度人已

畢□□□□□□□□逢渠進云擊開金殿無□□□

□□人雲外鐘師云錦上更鋪花□□□□七步目

顧四方天上天下唯吾獨尊爲甚麼便有這箇消息

師云天平地平進云只如教中道於一切時不起妄

念於諸妄心亦不息滅住妄想境不加了知於無了

知不辨真實意旨如何師云綿綿秤罷進云今日被

和尚滿口道著師云達磨九年面壁你又作麼生進

云八字打開兩手分付師云脚跟下踉蹌過爲甚麼却

不知進云青天白日有甚麼過師云未在更道僧擬

開口師云向你道未在僧無語

師乃云空□□□□□□了□公案七佛已後未

□□□□提撕至於佛祖出興多少時人錯會只如

今錯則錯了也如何免得此過縱使機如掣電眼似

流星戴免擎頭敲枷打鎖底出來不消一剎何故禪

非意思道絕功動禪不是禪道不是道禪道俱非是

箇什麼良久云犀因翫月紋生角象被雷驚花八牙

舉至此又得旨令判一則公案

師乃舉乾峯和尚示衆云法身有三種病二種光一

一透得始解穩坐更須知有照用同時人境俱奪向

上一竅在是時雲門大師出衆問云菴內人爲甚麼

不知菴外事乾峯呵呵大笑雲門云此猶是學人疑

處乾峯云子是什麼心行雲門云也要和尚共相委

悉乾峯云直須恁麼始解穩坐雲門應喏喏師拈云

是則是一人逞通天作略一人具跨海神機還當得

照用同時人境俱奪向上底一竅也無只如法身有

什麼病參□□□是病又道二種光山河大地水月

□□有什麼過而今要見二老落處麼師乃頌云菴

內不知菴外事鐵額銅頭不相似定花板上打鞦韆

猛虎舌頭書卍字師陞座了謝

恩罷乃奏云臣向來蒙

陛下宣對謹錄上進

上曰好好

上纔接得便颺在地上却再要師奏云便是獅子驪

身也只救得一半。

上曰朕這裏元字脚也。無師奏云爭奈擲地作金聲。誓徑山長老在後乃云已遍天下。

上大笑師遂謝

恩下殿

靈隱佛海遠和尚受禪師號謝

恩陞堂語錄

侍者臣僧 謹錄上進

乾道八年十月三十日恭奉

聖旨景德靈隱禪寺住持傳法佛海大師慧遠特改賜佛海禪師迎引

敕黃歸寺望 闕謝 恩云

天書下十詔 雲恩飛 九重萬邦歸正化千載一

遭逢臣鋤斧有愧束篋無堪火冷煙深晚節寒灰起

燄天高地厚餘生朽枿回春叨沐 宸恩 特賜禪

號稽首九首願心志心但臣僧慈遠下情無任瞻天

望 聖激切屏營之至

陞堂拈香云此一炷香高超佛祖迥出乾坤蠢動含

靈從此發生山河大地因茲建立而今蘇向爐中恭爲祝延

聖壽

今上皇帝陛下

光堯壽聖憲天體道太上皇帝陛下

壽聖太上皇后 皇后皇妃 兩宮天眷 皇太子

殿下恭願 玉葉長芳奉 神器而重開天下 金

輪統御建 元廟而再立太平然後開拓三邊廓清

四海十風五雨地久天長 壽等須密盧峯之彌高

福齊宛仰河之深遠

師據座云電卷星馳作者知倒施逆用猛提撕霜華

寶劍當風按忿怒那吒斫額窺莫有因行掉臂便登

舟底袈僧出來證據 僧問 紫泥丹詔 九大來

市地祥光撥不開佛祖頭邊行正令蟬螟眼裡舞三

臺正恁麼時如何是報恩一句師云神通廣大變化

無窮僧云天人群生類皆承此恩力師云拄杖依前

黑似漆僧便喝師云啞子喫苦瓜僧云善知識眼在

甚麼處師云這漢不勘自敗僧禮拜師云好日多同

本特下一本
有過字

●續下一本
有雙下

又僧問虎符挂體八金剛。撐起蓋天旗。鐵券隨身四天王。把定毗盧印。降外道九十六種。破魔軍八萬四千。稽首佛海大禪師。爲報鴻恩。談不二。如何是不二法門。師云。毗耶城裡。纔傾蓋。靈鷲峰前。事儼然。僧云。空生巖畔。坐天花。動地來。師云。與你因齋慶懺。僧云。恁麼則大衆霑恩去也。師云。七佛已前。事作麼生。僧擬議。師便喝。僧禮拜。又僧問。瑞氣祥雲。徧九垓。禪師徽號。日邊來。巍巍聖德。將何報。閃電光中。震法雷。正恁麼時。請師答話。師云。迅雷不及掩耳。僧云。恁麼則風從虎。雲從龍。師云。兩彩一賽。僧云。和尚恁麼答話。笑殺傍觀。師云。兵行詭道。僧云。捉賊不如放賊。師云。道甚麼。僧無語。便禮拜。師乃云。九年冷坐。也曾目視雲霄。一錫飛來。誰顧舌頭拖地。熱瞞佛祖。冷笑衲僧。只知掩鼻偷香。不覺空招罪犯。幸逢聖主。獲覩清光。誤蒙巨霈。雲恩特賜。佛海禪號。山川增秀。慧日重輝。御樓前正令全提金殿上。鐘頓覺亦耆耆。欠闕四海不爲多。智鑑洞明心花燦發。西江吸盡北斗橫。身當恁麼時。如何豈不見僧。

●一本無下
之下

●乃下一有
是字

問投子和尚。如何是十身調御。投子下禪牀叉手而立。只如投子下下禪牀叉手而立。且道是何宗旨。無事打鼓普請看。又不見肅宗皇帝問忠國師。如何是十身調御。國師云。檀越。踢毗盧頂上行。帝曰。朕不會。國師云。陛下莫錯認自己清淨法身。大衆且道。清淨法身與十身調御。相去多少。若也縹素得出。未免袖頭打領。若也縹素不出。未免腋下刺襟。而今忽有人問靈隱。如何是十身調御。提起袈裟角。云。還會麼。此乃貧道向聖天子。龍牀角頭博得底。今日不辭漏泄天機。普示諸人了也。且作麼生。是你諸人證明底。擲下袈裟角。云。圓機互唱。脫名模。妙應還同。轉轆轤。北濟淵源。連海嶠。西岐枝葉。茂江湖。一句子微天衢。草木虫魚。隨物化。山川海嶽。亦歡呼。大千世界歸明主。萬國梯航貢帝都。久立衆慈。伏惟珍重下座。

謝表

特賜佛海禪師住持景德靈隱禪寺傳法臣僧慧遠
今月三十日恭奉

聖恩問一
有曉之
四字

聖下一有
盡字

聖旨景德靈隱禪寺住持傳法佛海大師慧遠宜
特改賜佛海禪師臣僧慧遠已於當日領衆迎接
敕黃歸寺望 闕謝 恩祇受訖

右臣側聞 仁皇 道重懷璉 賜太覺之名 德

壽 恩高佛果 改圓悟之號 重荷 聖聽 進

臣佛海之禪階 澤降 九天幸逢千載臣誠惶誠

恐頓首頓首竊以見聞不立義雖絕於言詮名理全

彰妙始符於體用故亦有 典而有 則安得不器

而不名道貴 包容材宜 遴選伏念臣幼披三祔

老乏寸長爲堯舜之皞民繼祖師之末裔豈冀垂垂

之皓首得瞻 穆穆之 清光動 一笑於 龍顏

實 中興於像教濫權巨利已懷負乘之慚載佩

嘉名寧免僥倖之誚 恩歸莫大得之若驚顧臣庸

愚曷堪 獎借茲恭遇 皇帝陛下 道超四大

德冠百王以 聖心而 契合古佛心宗以 天

眼而 微見正法眼藏 游戲三昧 應接 萬機

高拱 金輪 萬乘之尊尙 念靈山一言之

付故此踉伏於山林之士亦蒙 造化於 乾坤之

聖下一有
靈隱二字

爐敢不確守禪那精操戒行 山長 水遠恭陳
嵩嶽之呼 地轉 天回願 獲中原之寶謹奉表
稱謝以

聞臣慧遠誠惶誠恐頓首頓首謹言

乾道八年十月日特賜佛海禪師住持景德禪寺

傳法臣僧慧遠 上表

特賜佛海禪師住靈隱 奏對語錄

侍者臣僧 謹錄上 進

乾道七年正月二十日有

旨令慧遠翌日引 見又降

旨二十三日

駕過 德壽宮回引 見是日入對

選德殿師奏云臣生於西蜀眉山遊方踰四十年在

山林間但聞

陛下卽位以來 日應萬機 道冠千古外護佛法

契合龍天是謂以佛心而治天下臣嗣法圓悟佛果

禪師克勤 上問圓悟是誰奏云臣之師也

太上皇帝駐蹕維揚時 賜以圓悟禪師之號

上曰在維揚時惜不及見杲老何如奏云宗杲與臣同出園悟之門 上問曰卿甚時來靈隱奏云去冬

會慶節前一日入寺掃灑今又蒙 陛下過聽使

臣獲覲 清光臣一門師資皆荷 陛下 聖恩豈

勝榮遇臣謹以舊所作讚頌十篇上進進罷 上賜

坐奏云對 人君豈敢坐 上曰卿當代長老奏云

荷陛下獎借容臣少頃下 殿謝 恩即就坐

上曰如何免得生死奏云不悟大乘道終不能免

上曰如何得悟奏云本有之性但以歲月磨之無

不悟者 上曰悟後如何奏云悟了始知

陛下所問與臣所奏悉皆不是 上曰一切處不是

後如何奏云脫體見前了無毫髮可見之相 上首

肯之奏云古德云無所是是菩提 上曰即心即佛

如何奏云目前無法 陛下喚甚麼作心 上曰如

何是心師正身叉手立只這是 天顏大悅 上問

德山臨濟悟道機緣如何師具言之 上問曰頻呼

小玉元無事只要檀郎認得聲此是園悟所得處只

是要人認得聲奏云頻呼小玉元無事不令小玉掃

地煎茶只要檀郎認得聲園悟以此問五祖演和尚

五祖云便是說禪園悟云如何是禪五祖再舉云頻

呼小玉元無事只要檀郎認得聲如何是佛麻三斤

園悟忽有省五祖又云如何是祖師西來意庭前栢

樹子園悟長嘯一聲五祖云汝作麼生會園悟云去

却胸中物喪盡目前機五祖云這漢徹了 上曰好

好奏云悟後千句萬句乃至一大藏教只是一句

上曰是那箇一句奏云好語不出門 上默契復問

曰不與萬法爲侶可參乎奏云老龐此一問驚天動

地驅山塞海超古今脫是非離言說絕依倚正如

陛下至尊至貴大道本然 上曰只是不在有無奏

云離却有無底亦不要 上曰卿如何師舉起拳頭

云臣林野人舉止乖疎不識禮度乞 陛下寬貸

上曰不妨談禪又問得道者誰奏云學道之人隨其

器量淺深入室處可驗得底人他亦自知時節如曾

開侍郎亦近道 上曰莫是當初議和不合者麼奏

云便是 上曰他如何有悟奏云曾嘗問如何是善

知識臣答云雖燈籠露柱貓兒狗子皆稱善知識何

◆頭上一有
奏字

◆林上一有
山字

◆初下一有
知字

●臣下一言
云字

必更問曾云。既稱善。知識爲甚。讚即歡喜。毀即煩惱。臣云。侍郎曾見善知識否。曾云。開三十年參禪。如何不見。臣云。歡喜處見煩惱。處見曾擬議。臣震聲一喝。曾擬開口。臣開口底不是。曾惘然。臣云。曾侍郎向甚處去。曾不覺點頭長嘯。臣云。且喜大事了畢。曾遂作投機頌曰。咄哉老驢。叢林妖孽。震地一聲。天機漏泄。有人更問。意如何。拈起拂子。劈口截。上曰。更有何人奏云。近世學佛者。衆機緣亦廣。恐勞。聖聰不敢多奏。臣乞回寺。當與方來。衲子傳佛心宗。以報覆簫之恩願。陛下早復中原。以慰四海之望。上曰。後來更要說話。在奏云。謹當退聽。謝恩。下殿。

特賜佛海禪師住靈隱 奏對語錄

侍者臣僧 謹錄上 進

乾道八年正月二十八日

車駕幸靈隱。至冷泉亭師

起居罷。侍臣傳

旨。長老歸寺。上至三門下馬。師再起。居

上曰。行則箇師侍行。至藏殿前。師奏云。脩廊高峻。恐艱。聖步。上曰。不妨。遂行至僧堂前。入僧堂。師先至。方丈焚香。上至方丈。師起居。上首看。太祖皇帝所賜京師能仁寺佛牙舍利。上以手捧至額加敬。師以佛牙事跡進。呈至遇安堂。一笑。軒讀大慧宗杲自梅陽所寄法衣書云。超然居士是箇中人。恐有未至處。當與商量。上見此。曰。遲兩年。情不及識宗杲。上問曰。超然如何。師奏云。超然居士與閻悟先師及大慧游從之久。令臣與他痛下毒手。上笑。後至方丈前。見語錄三策在几案上。并奏對狀一紙。上曰。此是什麼。師奏云。向來乞進三祖大師信心銘及鐵舌菴傳。與前後登對錄。上有旨。令收入次至交蘆室。見師畫像。乃問曰。此是誰。師奏云。此是僧徒畫。臣頂相求贊。上曰。此是畫底。那箇是真底。師叉手躬身云。春氣和暖。恭惟聖躬萬福。上大笑。上觀閻悟禪師像。師讀所題贊。好箇脫灑老衲。寫得十分相似。八住海內叢林。逢著唯論此事。海口辯湧洪濤。至了不說一字。慧遠把

斷綱宗負荷開行大步。鑑韜快下。鉗鎚提持向上底路。

上曰。此便是向時所說。光堯在維揚登對底師奏云。便是。上觀釋迦出山相師奏云。此是吳道子畫師亦讀所題贊。大哉釋迦文。福聚海無量。此地少朱砂。赤土以爲上。我今稽首禮讚揚。留與人天作榜樣。上觀臨濟像曰。此是臨濟師奏云。臨濟禪師乃曹州人。十二世祖師也。上周覽山林。乃曰。想雪下時。可觀師奏云。更有上方尤好。上回師隨至東廊法堂前。上觀壁畫師奏云。此乃歷代高僧。上曰。如今有否。師奏云。西廊工已就。上指華嚴變相師。隨問奏答語意相契。上遂回駕。師謝恩而歸。翌日有旨。賜絹帛等。

特賜佛海禪師住靈隱 奏對語錄

侍者臣僧 謹錄上 進

乾道八年八月六日有

旨宣靈隱長老七日同官員僧道守門入內就觀堂齋齋罷赴觀堂前起居 上賜坐賜茶謝

恩次續奉

聖旨。獨宣靈隱長老主觀堂東閣師隨入奏云。臣等今日蒙陛下賜淨供三教畢集。此一段勝事。世所希有。感荷聖恩。上曰。可謂勝事。上賜坐。師即謝恩就坐。上曰。有一兩件事欲問卿。師奏曰。臣願聞聖訓。上曰。前日睡夢中忽聞鐘聲。遂覺未。知夢與覺。是如何。師奏云。陛下問夢中底覺來底。若問覺來底。而今正是寐語。若問夢中底夢覺無殊。教誰分別。夢即幻。幻即離。離幻即覺。覺心不動。所以道若能轉物。即同如來。上曰。夢幻既非。且鐘聲從甚處起。師奏云。從陛下問處起。上復問。前日在此閣靜坐。忽然思得向時所學不與萬法爲侶。只這不與萬法爲侶也。奇朕從這裡有箇見處。師奏云。不與萬法爲侶。陛下作麼生會。上曰。四海不爲多。師奏云。一口汲盡西江水又如何。上曰。亦未曾欠。闕奏云。臣每入室時。問僧如何是斬新一句。擬開口便打。如何是殺活之機。纔開口亦打。如何是向上一路未開口也打。上曰。因甚却如此。師奏云。纔思

●即下一本有是字

●思上一本有是字

惟卽成剎法纔落陰界卽是生死根本參禪如剝輪擬議勿干涉如擊石火似閃電光已是疏置了也何故法無二法見無二見心無別心天無二日所以德山悟道了封却佛殿門乃云有我便無我有我便無你方能見道近有一士人到寺見方丈壁間臣所作偈頌乃云好偈頌臣問曰聞公學伊川之學排佛氏是否士人不對臣又問曰只如德山示衆云釋迦彌勒是擔屎漢十地菩薩是守田奴莫也是排佛麼士人惘然臣曰這裡却有一條活路若看得見受用不盡如看不見非但招因帶果更有事在觀公所見未曾遇人且坐喫茶前日又有一官人問長老年多少臣云七十歲官人云願養得好臣云菜羹粥飯僧何足道官人云性命事如何臣云老僧無性命官人云如何無臣云也無如何官人遂搖頭云第恐未是在臣云非但橫點頭未是直饒正點頭也未是在官人良久再問云官員與禪僧如何臣云只一般官人云官員進身仕路禪僧宴坐林間安得一般臣云適來未與公相見時也一般而今相見了也一般直饒相

萬歲二字

讚相毀也一般所以道那伽常在定無有不定時官人云長老語異可別勸一盃茶臣云寺事多故不能從款且歸大率古今言句正如陛下向時所作布袋贊其略曰別別分明一點紅爐雪豈容存駐也上曰作頌最難師奏云昔時葉縣省禪師有一法嗣住漢州什邡方水禪院曾作偈示衆云方水潭中鼈鼻蛇擬心相向便掄擲何人拔得蛇頭出上曰更有一句師奏云只有三句上曰如何只有三句師奏云意有待焉二百年無人下語後大隋元靖長老舉前三句了乃著語云方水潭中鼈鼻蛇又佛果園悟禪師亦於第三句下著語云雲門胡餅趙州茶臣亦於第三句下著語云遠哩嚕呢吽嚕吒上笑曰甚好又問古今得受用者誰師奏云太宗皇帝上曰聞太宗皇帝得大受用師奏云太宗皇帝一日幸大相國寺見僧看經次問云看甚經僧云仁王護國經太宗皇帝云既是朕經爲甚却在卿手裡僧無語臣亦曾代下一轉語上曰卿如何代語師奏云當時只將經卷當笏鞠躬云願陛下萬歲

萬萬歲。上曰好好師奏云。太宗皇帝又嘗見一僧問云卿是何人僧云塔主。太宗皇帝曰既是朕塔因甚是卿作主其僧又無語臣亦代語云。聖恩曾被。上首肯久之忽聞窓外報未牌師奏云。陛下日應萬機臣不敢久留恐勞。聖聽謝。恩下。

殿

特賜佛海禪師住靈隱 奏對語錄

侍者臣僧 謹錄上 進

乾道九年四月二日有

旨四月八日 宣入 內觀堂齋齋罷同衆 起居

上問曰相將結夏師奏云此乃叢林古規西天於結夏日鑄蠟人藏土窟中結夏九十日戒行精潔則蠟人冰不然則蠟人不全故號爲僧蠟。上曰觀行如何天竺法師奏云今日有十六人入觀堂修三年淨觀。上曰觀者是觀想妄想顛倒相持何時得了師奏云以賊捉賊將心覓心故楞嚴呵云想念不可脫云何獲圓通。上曰如金光明經要妙只在偈讚處爭如十地頓超師奏云如華嚴經偈讚只聞得四

◆光上一本有垢字

句則八十一卷華嚴一時了畢。上曰須盡底透得微始得師奏云曹洞下禪多云直須盡底去如何得盡底去。上擲下羽扇於榻前默然正坐時衆皆惘然相顧無語師即起身近前奏云今日乃釋迦如來誕慶之辰。陛下作此一段勝事臣等見所未見聞所未聞時大雨乃云直得天雨四花地搖六震適來諸山皆有頌臣獨無而今輒有一頌。上曰如何師奏云未至。禁門時學似。陛下了也。上曰何妨再學一遍看師奏云不可頭上更安頭。上曰朕也要知師退一步奏云臣深領此一問。上曰更有也無師奏云常似今日又奏云昔見台州守宗穎問因看法華經云佛身長無量百千萬億那由他由旬到此直是疑著是時臣擲下扇子於地上云你且道我扇子長多少與佛身相去幾何渠惘然無答。上曰此是妙處如庖丁解牛師奏云不見全牛可下刀無光中本三昧。上首肯之師謝。恩歸位。上曰修禪定者如何師奏云初機若有所習則不名大定大定等虛空了無修習處亦無起滅出入處。陛下看

此習定之者盡是未證果位。凡夫直饒習到四禪八定。亦未爲究竟。故圭峰宗密禪師云。非想定後。還作飛狸之身。昔有僧名頂三教。嘗作偈示衆云。四禪捨念常清淨。半是真如。半是空。此處修行多岐路。行人到者莫忽忽。一邊頓證。則一念作佛。一邊差別。則墮在二乘。窮空不歸。四六二萬十千劫。修行再入輪回。故云。繁興永處。那伽定。那伽常在定。無有不定時。乃至風動塵起。雲行雨施。悉皆在定。傳大士云。欲學諸三昧。是動非坐。禪心隨境界流。云何名爲定。此乃是不動眞智也。上曰。是衆皆起謝。恩。下殿。師再入奏云。臣去年八月六日奏。對錄并七佛偈。日本國法師問道錄。三日前亦曾乞進。上曰。已看得數版未了。在師奏云。七佛偈去冬因沈介尙書問。第三毗舍浮佛偈云。假佛四大以爲身心。本無生因。境有前境若無心。亦無罪福。如幻起亦滅。上曰。他如何問。師奏云。前境若無心。亦無他。到此生疑。却問如何。臣答云。未有尙書時。喚甚麼作境。心境俱空。是箇甚麼。默有契證。上曰。朕近日於四海不爲多處別。

佛一本作借

◆樓下一有錄字

得一轉語云。明鏡絕纖塵。師奏云。臣感蒙聖訓。謝恩。下殿。特賜佛海禪師住靈隱。奏對語錄。侍者臣僧謹錄。上進。淳熙元年四月初七日。旨宣禪師入內觀堂齋齋罷。賜茶。茶罷。師奏云。陛下看甚經。上曰。讀法華經至第五卷。師奏云。陛下前日看法華經。至化城喻品。云。諸天各各捨自己宮殿。而求法世尊。默而許之。陛下問諸講人。未審世尊許他甚法。時諸講人競引教相。酬對。臣當時若見。陛下問說甚法。即奏云。即今說底法。或云甚人得聞。即云。露柱證明。上笑曰。梁武帝一生不云。武帝苦行高壽。上曰。却是苦行。壽曾蹈著。師奏至八十餘。師奏云。如達磨大師。天鑒十四年至金陵。武帝召對。機不契。乃折蘆暗渡。潛回江北。後至魏地。少林默坐。九年爲菩提流支三藏打落板齒。後接得二祖惠可大師。然梁朝賢聖亦多。如志公傳。大士雲。

光婁約法師等顯化靈異不可勝紀而婁約嘗說偈悼傳大士云我有兩行泪不落十餘年今日爲公灑併向秋風前上曰機會也難得師即起身奏云向來奏對有一次機緣未得進旨上曰卿前日所奏事人也見不到說不到師奏云臣淺識愚昧冒瀆聖聰今有繕錄上進上曰卿纂集得師奏云如陛下神機迅疾智鑑洞明自古帝王未嘗有如此得大機大用者臣他日欲乞聖旨鑲板入藏光大法門作人天眼目以爲萬世鑑上曰甚好師即謝恩下殿

淳熙元年五月二十九日得旨召禪師三十日入內賜食罷八棒鼓正午引見起居罷賜坐上曰因看圖覺經文甚好師奏云佛意幽渺深談實相唯二十五輪重疊難記上曰也是難記師奏云陛下應萬機不必記只如作止任滅處諸方謂之四種病臣謂之四種藥何故病除藥止透脫得去便見圓覺上曰如何是圓覺師奏云離相即圓非空

日字
下下一有

故覺上曰非空只是不落斷滅處師奏云疊落斷滅者是誰上笑師奏云圓覺謂之小本華嚴上曰如何是大本師奏云華嚴總有上中下三本世尊七處九會說今人間見傳者乃是下本其餘兩本尙鎮龍宮流通未到上曰七處九會者如何師奏云普光明殿說三會後一會廣作三處其他共成九處九會後李長者及諸宗師廣作十處十會上曰只有九處九會如何是那一會師奏云即今對陛下說底上首肯之上曰圓覺經亦好文師奏云經文義繁恐陛下日應萬機不若徑看楞嚴則諸經不出此也昔智者大師於天台山示衆云西天灌頂部中有首楞嚴王三昧經未來此土恨老矣不復見也因作止觀以授其徒後一百五十年此經方至乃是房融潤筆文勢宛順淵源流暢如讀家書前句解後後句解前語意互顯如世間一首好詩相似自然膾炙人口諸家雖有注疏亦不必看陛下有楞嚴否上曰有兩本策子師奏云恐字小難看臣有大字者一本欲乞上進上曰甚好上曰

古來宗師坐脫立亡。今世有否。師奏云。行化坐脫者衆。上曰。今世有誰。師奏云。徽宗皇帝朝降。

旨。改德士。詔下曰。有汝州天寧長老。明鳴鼓陞。

座。示衆云。木簡信手拈來。坐具乘時放下。雲散水流。

去。寂然天地空。便乃豁然脫去。又紹興二十七年有。

參下
妙字

蘇州靈巖長老智訥。因行化至秀州華亭縣。有朱明。

居士著架新屋一所。謂訥陞座時。有僧出問云。緊峭。

草鞋如何進步。訥答云。高著眼看衆。皆竦聽。舉瞻訥。

參下
簡字

已就座。化去。又紹興戊辰間。有藝義烏縣稠巖長老。

了義。法嗣湖州可珣長老。珣好警。嘗時號珣罵天。以。

故與諸方多不合。贊一日謂其徒曰。我正月十三日。

丑時行矣。此間無人敢燒我。惟我普濟師叔能了是。

事。汝等當以吾意懇求。必能俯從。是時乃臣住普濟。

也。贊果至期日。五更鳴鼓。集衆陞座。時有東林道爽。

長老在座下。贊謂爽曰。你尋常勸人莫喫葱韭。我而。

今與你同行。遂下座。極住爽。爽云。和尚先行。我向你。

道未。在贊遂再登座。示衆說偈云。今日天寒地凍。百。

裂欲識真歸無可得。說諸人要識贊長老去處。麼聽。

取無聲三昧珍重。便行。又南劍州西巖長老宗回者。

因茶園事。拈拾乃登座。說偈云。使命追呼不暫停。何。

如長往事分明。從前有箇無生曲。且喜今朝調已成。

言訖就座。而化。又圓悟住昭覺時。會中有五百衆有。

道祖者。舉第一座。一日爲衆入室。未罷。尙餘二十七。

人立於門側。祖忽發問云。生死到來如何迴避。擲下。

拂子。屹然而往。衆皆驚異。圓悟得知。疾至其室。約退。

餘僧。喚云。祖首座。祖首座。祖遂舉頭。開眼。視悟。悟云。

抖擻精神透關去。祖點頭。便行。又圓悟會中有得法。

弟子道覺。時住彭州妙寂禪寺。一日買三十錢酒服。

藥。悟見而叱之云。老人大作這般模樣。覺遂進前。

問訊云。告禪師。只喫這一回。後次不敢。次日鳴鼓陞。

座。辭衆便行。此皆今世坐脫立亡者。

上加歎久之。衆皆相頤。師乃奏云。執熱忍勞。

聖聽。遂謝。恩下。殿次日。進經。

淳熙二年閏九月初九日奉。

聖旨。宣禪師赴東華門。殿使引入。賜晚食。選德。

殿獨宣見 起居罷 上賜坐師謝 恩就坐 上

曰今日無事宜卿來說禪師奏云說則不無要且只是說底說不得處 陛下自看 上曰作麼生看師

奏云昔有大慈禪師示衆云老僧不會禪只是識病

上曰禪有甚麼病師奏云見不徹透不過動若有

礙 上曰有甚麼礙師奏云沒量大人人都被語脉裡

轉却便乃隨語生解病在命根不斷似信不信似有

似無 上曰如何透得去師奏云古今宗師下棒下

喝各有宗旨病在見聞病在語默病在情識病在義

路病在滲漏病在知解說得天花亂墜無有是處

上曰只爲箇休歇安樂處師奏云 陛下望聽肯下

雲頭就人決擇誠謂今古罕有每見禪和子允擔一

擔禪纔入門來如團百草相似不肯放下 臣只向他

道你既會了何用得我任他擔板一生去如 陛下

適來垂此一轉語使人聞之不覺寒毛卓立縱使不

會禪道佛法亦須傾倒爲法布施古今語錄中多有

難判底公案看病不出便判不下 上曰如何見得

師奏云臣昔在峩眉山參一尊宿名紹微初見造佛

◆題下一本
有師字

◆化下二有
無字

像乃放包禮問文殊是七佛祖七佛祖師是阿誰
微云金沙灘頭馬郎婦臣見其語異遂住三年每以
本分事扣之臨別乃問云興化打克賓維那意在
甚麼處微乃拽拄杖趕出三門云許多時喫我飯作
者語話後十年方有省 上曰興化打克賓維那是
如何師奏云興化存獎禪師一日謂克賓維那曰汝
不久爲唱導之師賓云不入者保社化云會了不入
不會不入賓云總不恁麼化打乃云克賓維那法戰
不勝罰錢五貫設饋飯一堂明日興化自白槌云克
賓維那法戰不勝不得飯喫即便出院後來出世法
嗣興化甚麼處是法戰不勝處諸方尊宿舉到者裡
多是溘滓含糊不然畫一箇卦影子了去後來雪寶
拈云克賓維那要承嗣興化罰錢出院則且置也須
索取者一頓痛棒始得且問諸人棒既喫了作麼生
索具金剛眼睛底到者裡不知病在甚麼處臣嘗拈
云只如雪寶道棒既喫了作麼生索臣著語云而今
要索也不難不知誰爲下手自代云雪寶道遂喝一
喝重別語說偈云克賓維那法戰不勝曾經國難披

金甲後來出世法嗣興化不爲家資寶寶刀興化臂健尙嫌弓力軟雪竇眼明猶識陣雲高 參

師次日歸寺爲禪和子再拈云興化一日謂克賓

維那曰汝不久爲唱導之師賓云不入者保社師

語云某甲土星臨財帛宮化云你會了不入不會

不入師代語云千罪只同一科當時若下得者兩

轉語罰也不敢罰打也不敢打直饒興化令行者

一頓痛棒也須自喫始得會麼家住海門東日出

最先照

是故會與不會入與不入總是禪病

上曰更有甚麼難判底公案師遂舉昔日有秀州華

亭船子德誠禪師因夾山初住京口鶴林時道吾到

遇上堂有僧問如何是法身夾山答云法身無相如

何是法眼夾山答云法眼無瑕道吾在衆不覺失笑

夾山纔見便下座請問道吾某甲適來祇對僧話必

有不是致令上座失笑望上座不吝慈悲道吾云和

尙一等是出世未有師在夾山云某甲甚處不是望

爲說破道吾云某甲終不說請和尙却往秀州華亭

●錄上一有
船子二字
●前下一有
法字

●錄一作錄

船子和尙處去夾山云此人如何道吾云此人上無片瓦下無寸土和尙若去須易服夾山乃散衆直造華亭纔見便問大德住甚麼寺夾山云似卽不住住卽不似船子云不似不似箇甚麼夾山云不是目前船子云甚處學得夾山云非耳目之所到船子云一句合頭語萬劫繫驢橛船子又問垂絲千尺意在深潭離釣三寸子何不道夾山擬開口船子便以篙打落水中夾山纔上船船子又云道道夾山擬開口船子又打夾山於此有省乃點頭三下船子云竿頭絲線從君弄不犯清波意自殊夾山遂問拋綸擲釣師意如何船子云絲懸線水浮定有無之意夾山云語帶玄而無路舌頭談而不談船子云釣盡江波錦鱗始遇夾山乃掩耳船子云如是如是遂囑云汝向去直須藏身處沒蹤跡沒蹤跡處莫藏身吾二十年來在藥山只明斯事汝今既得他後不得住城隍聚落但向深山裡鑊頭邊覓取一箇半箇續佛慧命無令斷絕夾山乃辭行頻頻回頭船子又喚闍梨闍梨夾山回首船子豎起橈云汝將謂別有乃覆船而逝

到此大法未明。看病不見。只那一句合頭語。萬劫緊
驢。已是生擒活捉了也。夾山點頭處。始到家。後來
徑山杲長老有偈。刊石在華亭。云。驀口一機玄。路絕
藥山之道。始流傳。離鈎三寸無消息。覺海方乘般若。
船。臣見其語後。句無力。乃復成一頌。題於眞堂前壁。
上云。老手當年靠夾山。全機喪盡結深冤。父南子北
家何在。撥轉天關地軸。翻後有梁汝嘉侍。郎子弟傳
來。亦求一頌。臣再爲書。云。風捲雲天小艇斜。煙波深
處作生涯。絲綸掣斷雙關手。扶出驪龍眼裡沙。又有
洞山价闍梨。同密師伯見隱山。隱山問云。此山無路。
闍梨從甚處來。洞山云。無路則且。置和尚從何而入。
隱山云。我不曾雲水。洞山云。和尚住此山多少時。隱
山云。春秋不涉。洞山云。此山先住和尚。先住隱山云。
我亦不知洞山云。爲甚麼不知。隱山云。我不從人天
來。洞山云。和尚見箇甚麼。便住此山。隱山云。我見兩
箇泥牛。闍入海直至而今。沒消息。洞山乃問云。如何
是賓中主。隱山云。長年不出戶。洞山云。如何是主中
賓。隱山云。青山覆白雲。洞山云。賓主相去幾何。隱山

云。長江水上波。洞山云。賓主相見有何言。說隱山云。
清風拂白月。隱山乃說頌云。三間茅屋從來住。一道
神光萬境閑。莫把是非來辨我。浮生穿鑿不相干。遂
燒却菴。隱入後山去。臣亦嘗拈云。菴主上來所供。並
是詣實。隱山怎麼答。話只是一箇不識世界底漢。价
闍梨將苔脯。捕他許多鹽醋。也是習氣未除。子細看
來。一人擔輓。就井一人擔井。就輓眉毛。挽動三須彌。
山鼻孔噴出四大海水。你且道是神通妙用法。爾如
然。山僧不是騎牆兩下。要與諸人斷者。公案未免重
說。偈言。眼目高低。鼻孔橫淺深。輕重不多爭。螺螄盡
上挨肩入。鸞鷺牙根借路行。便把長河攪酥酪。敢將
栗柄作禾莖。後山未是潛身處。出沒任他鳥兔更。
上曰。不因卿說。安得知之。師奏云。禪者禪機。多明格
外之機。兵者兵機。眼觀東南。意在西北。如人著碁。相
似謂之機。行祖師云。機輪轉處。作者猶迷。千眼頓開。
與君相見。禪家流說禪。一挨一拶。一出一沒。縱擒在
我。殺活臨時。有若孫武用兵。如珠走盤。如盤走珠。轉
轉活。縱縱了無住著。是故華嚴經云。住著世間成。

凡夫行金剛經云。應無所住而生其心。維摩經云。從無住本立一切法。又楞伽以佛語心爲宗。無門爲法門。是也。所以道善用佛眼。莫窺善竊鬼神。莫知是故。拔楔抽釘。解粘去縛。降伏諸魔。制諸外道。龍天擁祐。神物護持。此皆般若力矣。臣衰晚之節。犬馬之年。七十有三願。

陛下於般若光中。深有悟入。得大自在。臣作數日。盡底傾倒肺肝。一時布施。乃奏云。日晚。臣不敢久留。適來叨奉淨供。謹謝。上曰。好好。上曰。朕看傳燈已。看得三冊了。有未盡善處。當錄去。師奏云。謹領。

聖訓謝恩下殿

佛果嫡裔。風姿英粹。萬物方春。千巖初霽。□□□□中興臨濟。諸方竦跂。風聲鶴唳。師來靈隱。與老□□說法九禁。帝得大意。漢高便有蓋國謀。奪得□□印。方喜。

李運使郎中

跌坐說法。瞋眼脫空。千機不作一箭。富貴不立權實。

照用不問南北西東。大似峨嵋頂上大雪堆中。不老不死之孤松。祖白雲嗣圓悟。是謂臨濟之正宗。姑蘇寶壽圓監寺。選佛場開闢。步行遊就。瞎堂眞面目。眉毛厮結。眼皮橫。他時提祖令。佇看鐵牛耕。

佛海禪師語錄後序

朝奉大夫新權知撫州軍州事葛 郊

佛海老人。圓悟晚子。楊岐裔孫。窮乞兒散宅拋家。單身浮浪。老魔王殺人放火。無處逞冤。驅耕夫牛。奪飢人食。空引得四海禪衲。冒犯霜露。手胼足胝。畢竟成得他什麼邊事。殘羹餒飯。不自收拾。尙要鼓弄人家男女。在雖然。佛海宗旨。又不可草書。瞞却大眾。頌曰。百尺竿頭。駕鐵船。須彌頂上。浪滔天。金剛腦後。生芝草。忿怒那吒。喫痛拳。淳熙五年十二月日謹序。

靈隱佛海禪師語錄序

瞎堂老人。始予識之於天台。國清後。住鴻福會。虎丘。虎席太守吳興沈公德和道人招之。予勉其行。臨別。

約以他日東歸借一室相與徜徉劒池花岳間自臨海歸寓居閬門之西距虎丘纔三四里塵累擾擾數月莫能踐約一日凌晨訪之師先在客館若預知而候司者相視一笑留而與之語其言若驚雷掣電震風淩雨忽然青天白日川明山靜蓋縱橫舒斂繁簡險夷高不可攀深不可測迺其得於西來所傳者若是未可以世間文字語言論也其後與之往來雖疏數無定見則未嘗不親欸以至其沒焉其徒道能錄其語來屬予爲序有不可辭因謂之曰經有經師論有論師諸方自可定當予特叙所與相知者如此

淳熙四年上元後一日

姑蘇 顧度 書

欲起圓悟門戶若非具大機大用者安能語是竊覽佛海法叔禪師開示語言眞得不傳之妙滔滔而莫知涯浹俊禪人刊此錄貴使後昆如觀大海而難爲水也請予書其卷末住靈隱拙庵

德光

佛海瞎堂禪師語錄卷第三

佛海禪師小參普說

參學 祖淳 法慧 編

小參玄關一擊无境脫然慧刃一揮根塵淨盡戶外鋒銳未露目前朕跡全拋截斷萬機緣啞却千聖口到遮裏喚甚麼作佛法禪道喚甚麼作機境語言作麼生說箇機境底道理別白露淨分明尙自不會何況拋三作五坐一走七建立法幢權衡佛祖更向甚處摸揀鶻拈拄杖云拄杖子記得麼一回相見一回老幾處笙歌幾處愁

至夜到虎丘小參託跡但知忘世故棲廬何事不容閑已能躡足龍門過試把輪鉤總碧灣還有不惜性命底麼問答不錄乃云羶羊挂角莫道覓佗蹤跡氣息也無俊鷄梢空勿謂趣佗不及影像何有縱使機如掣電眼似流星戴角擎頭敲枷打鎖底一任胡言漢語橫拖倒磨若是正眼觀來一場狼藉何故禪僧門下水洩不通大治之中片雪莫立還有近傍湊泊處麼還有插背啗啄處麼若向遮裏撥得一線活路便

見八面玲瓏。入水入泥。破塵破的。隨緣起滅。卽般若
濟運。幹旋化機。乃眞智綽然。寒時寒。熱時熱。普天
地透頂透底。佛眼莫窺。聖智那辨。更說甚孤明歷歷
是錯承當。顯露堂堂。亦成窠臼。眞須脚跟下。弓折箭
盡。方寸中。瓦解冰銷。等閑抑不得已。突出一機。建立
一境。掃除從上來蹤跡。坐斷天下人舌頭。則故是且
應時納祐。一句作麼生道。輕冰結□□□數碧野
道妙一陽生。豈在之乎者。

雙林衆請小參。青蒼山色。按藍翠。澈灩湖光照眼新。
珍重導師居此地。顏綱振舉是其人。還有借路經過
底麼。問答不錄乃云。根塵截斷。大千沙界。黑漫漫。知見

脫然。萬象森羅。空寂寂。打破淨潔。毬子突出。腦後神
光。顯殺活縱擒。明權實照。用當機使發。覲面全提。把
斷路頭。不通凡聖。可以擊塗毒鼓。發劈箭機。轉向上
關。明本分事。羣魔聞則膽落。異獸聽則潛蹤。衲僧頂
額眼開。作者電機。攢簇著著。有出身之路。頭頭明殺
活之機。疾燄過風。奔流度刃。正眼觀來。一場敗闕。何
故不見道。觀大海者。難爲水。遊聖人門者。難爲言。到

遮裏作麼生。合殺如何說。箇爲人底道理。直饒橫說
豎說。虛空爲口說。須彌爲舌說。四方八面。說十虛三
際。說森羅萬象。說異口同音。說結角羅紋。說熾然無
間。說說則不無。且道是何章句。所以道有說是無說
之本。無說是有說之宗。宗本既明。語默皆妙。有般漢
纔聞。怎麼道。使謂之入理深談。更作禪道佛法商量。
入地獄如箭射。雖然如是。不可碎珠覓影。緣木求魚。
去也。若是箇是。衲僧氣槩。底終不肯受人處分。豈可
機境語默中。承當露布。葛藤裏折倒。所以嚴頭道。若
是俊流。只向未屆已前一覷。便透點著。卓朔地。蕭直
上來。咬人火急。若假言句。亦云喚犬與食。亦云過手
與渠。俊者背羽。副箭惜者不說。又不見睦州。纔見僧
便云。現成公案。放汝三十棒。雲門大師教你直下承
當。早是埋沒了也。看佗從上古人。向沒依倚處。絕氣
息處。苦口叮嚀。老婆心切。至于德山。棒臨濟喝。以至
栢樹子。麻三斤。雪峯脚跟。不點地。玄沙猶未徹。德山
不會。末後句。瞎驢滅却。正法眼。且道。具甚麼眼。是甚
麼消息。莫是向上人行。向上路麼。莫是提持向上事。

麼大似望空啓告笑殺傍觀鈍置衲僧滅胡種族只而今也無向上向下只有一著子佛眼不能窺未跨

雙林門兩手已分付且作麼生承當良久云海上六

鼈吞餌去棲蘆誰更問漁翁

謝詞不錄

復云山僧昔在

錦屏山下玉壘坊頭向重陽藥市裏收得些小乾薑

附子到處賤賣與人今夜幸遇知音不免傾倒布施

記得新羅僧參天仙和尚纔展坐具天仙搗住云未

離本國道將一句來僧擬開口天仙便拓開云教他

道一句却道兩句師云天仙善能隨水把舵順風挂

帆雖然浪湧波翻爭奈龍王睡著衆中盡道遮僧無

語殊不知不離本國走遍天涯坐具未開賊身已露

而今當鑑不怕猛火忠言不避截舌或有箇衲僧出

來問遠上座未離本國道一句將來只對佗道久立

便下座

除夜小參盡大地纖塵不立三界平沈透浮幢觀體

現成十虛畧塞渾崙壁不破直下沒兩般仰面看天

不見天低頭覷地不見地於中亦無人亦無佛了了

見無一物是甚麼饒你瞎底瞎去響底響去啞底啞

去便是十成百了千當正好朝打三千暮打八百不

言別事且六根四大還有頓放處麼聲色見聞還有

存單處麼意識分明還有起滅處麼起滅既無分別

何有佛法知見無處安排如無孔笛撞著豔拍版相

似動即影響覺即冰生向乃不得一半不動不覺又

向活水裏覓死處不得更說甚麼煩惱菩提涅槃生

死三界二十五有九種二義六七因中五八果位性

相空有頓漸偏圓說玄妙說心性說知解說禪道說

你屋裏老爺說即不無要且只是說底如何是不說

底死急作甚麼正是白日尿牀開眼作夢滅胡種族

鈍置衲僧有般漢往往更作禪道佛法商量入地獄

如箭射雖然如是不可向飯籬邊餓死海水裏渴殺

去也若是眼中有睛皮下有血具丈夫意氣底終不

向遮裏折倒只如德山棒臨濟喝祕魔擎叉禾山打

鼓雪峯輓毬金牛作舞且道是甚麼消息還會麼雲

外一飄風雨過人間翠色滿林梢復學僧問南際

和尚學人欲親近乞師指示際云我若指示即屈汝

僧云如何即是際云切忌即是師云奪賊鎗騎賊馬

趁賊走不當英雄。據虎頭。據虎鬚。拔虎尾。未爲好手。遮僧撞著銀山鐵壁。進退無門。南際土上加泥死。而不弔。或有人問。瞎堂也只對佗。道切忌。卽是待佗。擬議連腮。便擱。且道是指示佗。是屈佗。不是標形。虛事。禪如來寶仗。親蹤跡。

小參舉僧問洞山。如何是佛山。云。麻三斤。師云。學佛之輩。盡作超佛越祖。會往。往喚作向上一路。殊不知脚跟下。蹉過。非但脚跟下。蹉過。亦不知自己。本命元辰。落著。不作向上一路底。出來道。看若無山。僧向不奢不儉。處與你諸人。下箇注脚。復云。言無展事。語不投機。頂門著眼。領下安眉。聖凡路絕。事理俱非。刀截春風。鋸解稱鎚。刀鋸俱妙。明暗可追。刀鋸不爾。二破一虧。阿呵呵。也大奇。風卷怒濤。天際闊。莫教斷送老頭皮。忽若斷送後。如何。蘭生蘭。葉檀檀。檀枝相命。已定。鬼神莫移。歌須搖頭哭。須皺眉。咦。只而今。那裏是那裏。阿誰是阿誰。也要知。昨夜東海龍王宮中持戒。和尚發惡。一拳打殺。西方國裏屠兒。牽惹山僧作證。只向佗道。塑佛匠。須是葉端友。刺袈裟。還佗丘。裁衣。

結夏小參。僧問。無邊剎境。無絲隔妙。高峯頂事。如何。師云。走殺當年老善財。僧云。豁達頓超。諸有表凝。然不動。目前機。師云。漸漸入深水。僧云。雲收青漢。迥月落碧潭。空師云。眞實弄影。漢僧云。底事百城。巡已徧。木人撫掌笑呵呵。師云。且坐喫茶。僧云。菴內人爲甚麼。不知菴外事。師云。拄杖橫挑鐵蒺藜。僧云。看經只在明窓下。葉落花開。總不知。師云。負心人不放債。僧禮拜。師云。苦口是良藥。乃云。道絕名言。名言不是。道法離聞見。聞見不是。法不是。亦不是。不是箇甚麼。只遮不是。多少人摸探不著。無摸探處。病難除。放下蛇頭。捋虎鬚。惜盡見除物。我俱喪。目前無法意。在目。前不是。目前法亦非。目前事只而今。目前現定。萬法縱然。若謂是實。則眼中有物。若謂不是。瞎却人眼。饒你當頭裂破。猶是第二句在。乃至棒喝機境。語默露布。百千重。正是倚門傍戶。未爲究竟。著衣喫飯。豎拂敲牀。起惡知見。喚作佛法。佛法若只如此。何用達磨西來。教外別傳。兄弟參須實。參悟須實。悟立處孤危。用處脫略。輝天鑑地。蓋色騎聲。當處卽眞。隨處解。

脫猶是禪僧門下沙彌見解。且道脫籠掣轡一句作麼生道。良久云。青山不鎖長飛勢。滄海合知來處高。除夜小參。年臘月三十日。家家門首釘桃符。苦菜澹齋隨分有。殘盃冷炙阿誰無。大丈夫德不孤。醋酸不用挂葫蘆。收白牯放狸奴。地確春粳光似玉。沙餅羹豆軟如酥。窮鬼子。背盧都一飽。但知忘百念。更有何人得似渠。喝一喝云。從此華山圖籍上。更添潘圓倒騎驢。

檀越建禮火道場。請小參。性火真空。法無二見。性空眞火。一亦不存。心性既空。人境俱寂。不與諸緣和合。不礙衆相發揮。譬如三獸渡河。不待截流而登寶所。又若三車出宅。何須頻步而證眞。乘於一彈指。正念現前。則雲行雨施。於一刹那。正因不昧。則風回火滅。是以從上佛祖。於大集會中。但云我若向刀山。刀山自摧折。乃至地獄。賊鬼火不能燒。水不能漂。刀不能斫。當恁麼時。且道承誰恩力。濃雲潑墨。無回互。疾燄過風。不可窺。賴有金華慈愍力。火坑化作白蓮池。復舉雪峯示衆云。三世諸佛。向火燄裏轉。大法輪立。

●有一作存

沙云。火燄爲三世諸佛說法。三世諸佛立地聽。師云。泥裏洗土塊。土塊裏洗泥。當時待他道。三世諸佛立地聽。只向佗道。有許多閑工夫。復云。只而今坐立儼然。三世諸佛在甚麼處。薦拈拄杖云。不得動著。動著三十棒。還知雪峯立沙落處麼。三世諸佛轉法輪。一大藏教說不盡。象骨當機。正令行立。沙見機。行正令。或說或聽。聞不聞。電卷星飛。誰與論撥轉。那邊闌捩子眉毛。留得數莖有。

小參畢。雲門和尚示衆云。平地上死人無數。透得荊棘林者。是好手。時有僧云。恁麼則堂中第一座有長處也。雲門云。蘇囑蘇囑。師云。有般底纔聞。恁麼道。便作玄妙奇特。往往更道。言無展事。語不投機。會麼也。無言也。無事也。無語也。無機是你。諸人。本命元辰在甚麼處。還見雲門與遮僧麼。譬如百萬軍陣前。塞旗誅將突騎。斬關流血。成河橫屍。遍野子細看來。不動一刀一鎗。亦不傷鋒犯手。你等諸人。還記得生年月日時辰麼。待選吉日良辰。爲你一坑埋却。只如雲門道。平地上死人無數。透得荊棘林者。是好手。後來太。

平師翫拈云。平地上箇箇大丈夫。坐得荊棘林者是。好手何故如此。自代云。格師云。若無後語。疑殺天下人。一人坐得荊棘林。一人透得荊棘林。坐底胸分。涇渭透底。眼略玄黃。坐者透者。總有事在。有一人不坐。不透。諸人要識此人麼。喝一喝云。無限樹頭風過耳。拍牛歸去阿嗚呼。

至夜小參云。來日書雲節。新陽歲月更泥牛。光影亂。石女肚膨脝。迤邐蛇吞甕。相將虎眼橫。春風一陣至。敢與百花爭。敢問大衆。爭箇甚麼。不須爭。兩人唱上座得。復舉玉泉皓和尚至節。示衆。暑運推移。日南長至。布視赫赤。莫怪不洗。不是不洗。無來換替。師云。是則橫遮四世界。豎盡一乾坤。雖然好箇黑漆布視。只是未合縫。在直饒合得縫。人天路絕。凡聖道殊。佛及衆生。向甚處著。而今與你合縫了也。且道遮一隊閑漢。在布視內。布視外。你諸人畢竟喚甚麼作布視。還知麼。天高地厚。無人會。日灸風吹。子細看。普說若論此事。天地不能覆。日月不能照。燭虛空。不能包裹。佛眼不能窺。測瞿曇掩室。從教鼻孔遼天。

居士杜詞。誰顧眼睛突出。又道我於三七日中。思惟如是事。直得不奈何。灼然覓箇啓口處了。不可得。又却把不定。龍頭蛇尾。豁開布袋。放出舌頭。始從光耀土說盡。滿龍宮。終至跋提河。開遮盈寶藏。四十九年間。賊身已露。未嘗說一字。賊物現前。展轉奈何。佗不得。却於灌頂部中。流出首楞嚴王三昧云。空生大覺。中如海一漚發。有漏微塵國。皆依空所生。漚滅空本。無況復諸三有。歸源性無二。方便有多門。將知纖涉。語言盡落。方便如何。得不落。方便去。有般漢。纔聞人恁麼道。便乃碎珠求影。離水覓波。殊不知宗師家。垂一言半句。如投水海中。如風中鼓。纔雖有大聖智。亦不能分別。是以或出或處。或默或語。應變時也。豈徒然哉。只貴腳踏實地。正眼流通。不見趙州道諸人。被十二時使老僧。使得十二時。豈不是坐斷古今。舌頭洞山道。見佛祖如生冤家。相似始有參學分。佛祖有甚麼過。臨濟無位真人。是甚麼乾屎橛。試道看。楊岐栗棘蓬。金剛圈。只爲久參之士。利根上智。正好吞跳。乃至栢樹子。麻三斤。一口吸盡西江水。鎮州出大羅。

畜頭是甚麼語話。莫是明向上事麼。莫是向上人行履處麼。莫是大機大用麼。莫是盡力提持麼。莫是涉流轉物麼。莫是作家用處麼。你若大法未明。且莫亂統。亦須識機。宜別休咎。始得未曾踏著正脉。宗眼不明。底管取將。佗如來禪祖師。禪話作兩檝。趙州訪二菴。主身是菩提樹。菩提本無樹。定是打作兩檝。如驢覷井。如井覷驢。定是合殺不成。至於德山。不會末後句。敢保老兄。未徹在。虔侍者。激殺首座。凌行婆。放火燒菴。雪竇牛。內納牛。外納黃蘗。不道無禪。只是無師。往往更作道理注。解遮箇便是。禍胎子也。莫道未悟。直饒你悟去。徹頭徹尾。大法未明。參到驢年。也未夢見。在一種蹋破草鞋也。須蹋破始得。山僧昔在衆時。多見兄弟。浩浩地商量佛法。不問則鎖長。却在屋裏打坐。纔方拶著。便跳去門前。屋後捉土木。瓦石胡拋亂擲。喚作自己受用。不勝惶恐。又有一般人。見人便下棒下喝。瞪眉努目。咳嗽擺坐具。打筋斗。畫圓相。繞禪牀。作女人拜。只在遮裏。此乃業識茫茫。無本可據。錯認驢鞍橋。作阿爺下領。作究竟佛法。佛法若只如

此何用。達磨西來。此人病在已見未明。光影裏著到。若不放下。別參謂之謗大般若。又有一類。將無形無相。一團橫在胸次。便道無言無說。無去無來。一物也。無墮在空寂。撥無因果。自己開口不得。擡腳不起。一味擔版。殊無轉動。把定死蛇頭。有眼如盲。有口如啞。似遮般漢。不打更待何時。口裏眼裏耳裏鼻裏都是禪。只是用不著。眼目不辨邪正。拄杖不知顛倒。問著口中水。漉漉地。此人墮在解脫深坑。永劫無出離之期。機不離位。墮在毒海。若自知非。亦可受教。又有般漢。問東答西。將南作北。輕輕拶著。向沒巴鼻處突出。沒巴鼻底。一句教人摸揀不著。喚作鳥道玄路。絕氣息。自作主宰。不隨佗語。走不得上佗機關。被佗轉了。屈哉。此人病在玄妙。既不受鉗鎚。亦不受救。我且問你。歇得也未。脫得也未。看佗古人一得之後。入深山住。蘭若動是一二十年。大忘人世。抑不得已出來。爲善知識。山僧頃年兩度出關。徧歷江湖。不敢自負。只爲病多。諸藥性經驗。始傳人。應是從前許多惡知惡見。故不可留。閤中有所愛者。珍奇直須一槌擊碎。

遮裏得箇入路更須求出路始得學禪易脫禪難饒
你向未屆已前一覷便透早是落在第二頭了也何
況起模畫樣有甚麼干涉而今事不獲已向你道盡
十方虚空透無邊華藏莊嚴超越浮幢王刹香水海
威音王那畔更那畔都盧一印印定更無移易寒時
普天寒熱時普天熱只如一印印定而今頭上是
天脚下是地左眼半斤右眼八兩是你作麼生印喝
一喝云斷頭船子下揚州

普說有佛處不得住拂跡成痕無佛處急走過揚聲
止響恁麼說話大似把纜放船何故法不孤起仗境
方生事非頓除因次第盡有作是無作之妙用無作
是有作之功能宗本既明語默皆妙又云語是誑默
是謗語默向上總有事在還會麼豈不見乾峯道法
身有三種病二種光須是一一透過始解穩坐更須
知有照用同時向上一竅且如何是法身三種病只
那法身亦是病不出是有爲病無爲病非有爲非無
爲攢簇不得底病法身豈有病見不到便是病喚作
是亦是病喚作不是亦是病如何是二種光一切處

無所不真一切處無所不是所以雲門道人盡有
光明在看時不見暗昏昏作麼生是你諸人光明自
代云三門佛殿厨庫僧堂山僧則不然山河大地日
月星辰長沙道我若正令全提法堂前草深一丈事
不獲已向你諸人道盡大地是般若光光未發時無
佛無衆生未審長沙向甚處著眼又道更須知有照
用同時向上一竅雲門出衆云菴內人爲甚不知菴
外事乾峯阿呵大笑門云猶是學人疑處乾峯云子
是甚麼心行門云也要和尙委悉乾峯云直須恁麼
始解穩坐門云喏喏遮裏使下箇冬瓜印子又不見
泉大道訪慈明明問片雲橫谷口遊人何處來泉目
顧左右云夜來何處火燒出古人墳明云未得更道
泉作虎聲明便打一坐具泉推慈明就坐明却作虎
聲泉云我參七十餘員善知識今日始遇作家你看
遮兩箇不唧啾漢一箇有地頭無行止一箇有行止
無地頭山僧當時若見佗道片雲橫谷口遊人何處
來只向佗道宛伽河沙水混流泉目顧左右師著語
云賊身已露泉云夜來何處火燒出古人墳師著語

云一道與你慶懺。明云未。在更道。師著語云。打鼓普請看。泉作虎聲。師著語云。打破鍋子了也。明便打師著語云。烏銅金不換。泉推慈明就坐。師著語云。敗也敗也。明却作虎聲。師著語云。好日多。同泉云。我見七十餘員善知識。今日始遇作家。且道此語是肯。佗不肯。佗遮般說話。要且無刀斧痕。是你諸人向甚處摸。搽以毒攻毒。攻者亦是毒。以楔出楔。出者亦是楔。山僧今日脫布衫解。視帶抖擻。與你諸人說了也。是你諸人還得淨盡也。無若還一箇箇淨盡去。我更問你。紫羅帳裏事作麼生。而今要見二老行履處麼。聽取一頌。兩陣交鋒出戰時。旗鎗倒卓鼓無鼙。絲毫侵犯將軍令。獨脚機關各自提。久立。

告香普說一年復一年。一月復一月。一日復一日。一時復一時。略無些子虛棄底道理。是以老東山云。父母未生時也。怎麼。即今生了也。怎麼。乃至百年壽盡。蟲蛆透壤白骨微塵也。怎麼。且道。怎麼地是甚麼。向遮裏立地薦得去。已是二頭三首了也。所以古德云。佛也無法也。無達磨只是老臊胡。釋迦彌勒擔屎漢。

心結疑網

十地菩薩守田奴八十卷華嚴經草步頭博飯喫底言語。一大藏教是拭不淨底故紙。直饒便怎麼脫體承當得去。脚跟下好與三十拄杖一棒也較不得。且道。過在甚麼處。若向遮裏會去。更與六十棒未爲分外。豈不見睦州道現成公案。正當怎麼時。如何適來兄弟得得來。告香山僧遮裏屙屎放尿。尙無餘地。而今不得已。指東畫西。將無作有。與諸人指箇蹊徑。有甚閑工夫。雕金鏤玉。簇錦攢花。極捏四言八句。眩惑於人。瞎却正眼。若向遮裏知慚識愧。千人萬人中。如無一箇相似。山僧不免信彩。與諸人應時結祐。學佛兄弟。既是二三十年苦行。潔己圓頂。方衣。捨父事師。棄緣入道。以一大事因緣爲務。三十年前山僧行脚。雖遇明師。亦不曾爲我發洩一句袈裟下事。而今算來。却是便宜。怎麼說話。多少省力。是你諸人還曾薦得也。無無事珍重。

佛海禪師書法語

與宗直閣

某啓。中間蘇通判處人來得知。使旆已還。但南北遼。

邈未獲尺書。上問深以爲媿。能道照否。於道得不退轉否。五年之別。不與萬法爲侶。底公案。還會踢著否。中間蒙佳頌。爲惠甚。感嘗錄去。五祖和尚頌兼貧道亦有二偈。併在葉仲嘉處轉呈。略不聞音耗。今再錄去。正如窮漢破衫袖。也不與萬法爲侶。捺著頭掀尾。舉西江吸盡鐵船浮。活捉泥牛和角煮。潑天大些子。許君不見。二月三月寒食天。桃花杏花落如雨。一口吸盡西江水。栗棘金圈饒得底。解道心空及第歸。此去西天十萬里。居士儻別有生涯。無吝布施。古今公案其實無他。只要驗人平生參學邪正。知解有無得失。情塵是非。若於言下一槌擊碎。如虛空裏釘鐵橛。子相似。有甚麼依倚處。所以巖頭道若論戰也。箇箇力在轉處。逐物爲下。却物爲上。縱有箇入處。須是經大鑪鑊。毒手烹鍊。到不疑之地。放身捨命。如獨木橋上脫却一百二十斤擔子。又若傷寒得汗。方名安樂處。徹證大法了。然後盡自己力量。縱有長地。一任展演讚佛讚祖。呵佛罵祖。終無二語。亦無兩般舌頭。所以道釋迦彌勒。猶是他奴。畢竟他是阿誰。近世叢林。

凋弊邪師頗多。若要參詳。須是自家具擇法眼。看是箇漢方可與語。若只是念僧寶傳林間錄者。泛濫稱長老。雖然如是。他却是有印本子。底禪呵呵。向來台州皆名山。列利知識甚衆。莫有咬薑呷醋不具得失底。向異類中來。居士曾一一驗過否。使堂淑人向聞禮拜菩薩。每至百拜。方住何苦行如此。但以口業稱誦。則一念念盡如來意業。思惟則常處出生。隨處滅盡身業。作禮則觀身實相。觀佛亦然。等同虛空。無有二相。三業清淨。則根根塵塵悉皆清淨。但以清淨爲本。更愁何處不圓通耶。無事可熟看楞嚴經。當知教意云。見聞如幻翳。三界若空花。聞復翳根除。塵消覺圓靜。又云。初於聞中。入流忘所。所既不生。返本還源。則盡聞不住。正念現前。是故蚤吟蟬噪。風動樹搖。迺眞見菩薩耳。春序向和。唯萬萬自重。

答蘇侍郎

某啓。伏承致政待制侍郎臨別垂問。古語云。工夫不到。不方。圓言語不通。非眷屬。所言工夫不到者。非有爲有作之功。卽無功之功。無功用道是也。纔起纖毫。

佛法世法。識情聞見。知解隔礙。便云不到。但能把得。定作得主。坐斷是非。關釋迦自釋迦。彌勒自彌勒。礙我甚麼事。來直教透頂透底。徹骨徹髓。不依倚一物。不與諸塵作對。亦不起凡聖情量。古德云。假饒千聖出頭來。猶在渠儂影中。現且道。渠是阿誰。此語最親切。更是阿誰。不可別有。但恁麼信取。所以古人到此。多不肯指注。恐他學者。誤認昭昭靈靈。驢前馬後。爲究竟安樂之地。若果是脚跟下。歷落方寸中。洞明正。如楞嚴會上。佛問文殊及諸大衆。十方如來。及大菩薩。於其自住三摩地中。見與見緣。并所想相。如虛空。花本無所有。此見及緣。元是菩提妙淨明體。云何於中有是。於是文殊吾今問汝。如汝文殊。更有文殊。唯無文殊。如是世尊。我真文殊。無是文殊。何以故。若有是者。則二文殊。然我今日。非無文殊。於中實無是非。二相。此見妙明。與諸空花。亦復如是。到此直須絕體。絕用。風吹不入。水灑不著。方得十二時中行時。不見行坐時。不見坐淨。保保地任運騰騰。亦不作佛法道理。老龐云。心空及第歸。是也。趙州道諸人被十二時。

使老僧使得十二時。豈不是坐斷古今舌頭。且作麼生坐斷。但於心無事。無事於心。會得勢不兩立。卽無分別智。現前只如古今言句。滿龍宮。盈海藏。有甚麼限量。所以道。直饒脫體會得。猶是教乘中極則事。更須知有教外別傳之旨。信有此事。學禪易脫禪難。既知有拈來。便用何愁。佛不解語。更愁何處不方圓。又云。言語不通。非眷屬者。蓋爲後人不能放身捨命。向懸崖撒手。絕氣息處。急著眼。古德云。若論此事。譬如擲劍揮空。不問及與不及。斯乃空輪無跡。劍刃無虧。故無滯礙。但以千句萬句。只作一句看。一句明千句。萬句一時明。一句透千句。萬句一時透。只那透處。佛眼也覷不見。且如世間音聲。三昧至於種種差別。法門。麤言細語。鴉鳴鵲噪。風動樹搖。異口同音。權實照用。皆不出此一句。大藏小藏。亦詮此也。豈不見彌陀經云。水鳥樹林。皆悉念佛念法念僧。一念無分別大智。現前如投水海中。如風中鼓。曩且作麼生。分別視之。不見聽之。不聞覓他。起滅處了。不可得。蓋色蓋聲。普天匝地。通上徹下。無第二見。無第二人。無第二念。

剎剎塵塵。故非外物。是以羣靈一源。假名爲佛。體弱形消。而不變金流。朴散而常存。只那常存底。也不消得。何故。金屑雖貴。落眼成翳。佛法雖妙。存之成病。馬大師云。不是心。不是佛。不是物。是箇甚麼。說了也。還我金剛王寶劔來。德山云。毫釐繫念。三塗業因。瞥爾情生。萬劫羈鎖。但盡凡情。別無聖量。凡情盡處。聖量現前。又云。毫釐有差。天地懸隔。欲得現前。莫存順逆。此乃禪家流作用。省力處。且如白雲端和尚。頌雲門北斗藏身云。五陵公子遊花慣。未第貧儒自古多。冷地看他人富貴。等閑無奈幃頭。何看他具大機大用。處多少脫略。何曾著他北斗藏身。處來又雪竇在大陽立禪師會下。爲客司。因與僧夜話。至趙州栢樹子。因緣爭辨不已。有行者立傍。失笑。客退。乃問。何得笑耶。行者云。笑知客有定古今之辨。無定古今之眼。雪竇云。汝作麼生會趙州意。行者以偈答之一。覓禪身當古路。蒼鷹纔見。便生擒。後來獵犬無靈性。空向枯椿舊處尋。雪竇大驚。遂與之爲友。後出世住承天宗和尙。是也。看他雖無巧妙。而句意超然。今時禪和子。

纔聞人舉一箇箇肚皮裏有箇栢樹子。如何得了。當去。且如狗子無佛性。話遮僧等閑立箇問端。如向餓虎口裏橫身。趙州只答箇無字。如虛空釘箇鐵橛子。相似。至今天下。衲僧無摸揀處。要會麼。只消道箇無。會便會。不會便休。切莫作道理。有不是。有無不是。無只如未問未答以前。道箇甚麼。咄。又怎麼去也。秋風向冷。萬萬珍重。

答陳判院

某啓。在家菩薩。要明德山臨濟宗旨。須是他家子孫。如楊岐栗棘蓬。金剛圈。吞底吞跳底跳。吞跳得百千萬億箇更有。百千萬億箇。在稍稍放開。則落在第二頭也。緊峭孤巍處。方可把手共行。淘汰鍛鍊。到徹證佛地。猶有佛地障。在此乃確實而言。故非因循。不可只管打葛藤去。亦須將自己真正道眼。照破合作麼生。合殺將知佛法。只如此耶。從上來入聖位者。莫不皆是就人決擇。到用處。驚天動地。蓋不容易。小小了却。山僧恁麼。怛怛。知是爲誰家事。數領來書。及偈頌。甚詳學道之志。每相醺醉。一句語言。亦不草

草如進一服藥相似若不深辨端倪終成戲論非是等閑只責藥病相投驗蹲坐處奪執著處攻偏墜處截斷命根令直造大休歇之地前日領所答書云某有甚麼過尙未知在可急著眼看若自知非棒喝也無施處時暑珍重

答陳郎中

某啓奉違忽覺一月企仰不可言諭冬晴伏想齋定宴安道體萬福中間介至承示直閣文翰啓讀三復驚喜相仍真不減晉人風度豈獨一時之盛哉但恨未卽見矣賢兄所誦者佛書又觀二本旨趣深有造道之理賊物不捉自敗了也然文字禪不可不學他日參究已事未明只於教乘中作箇知解宗徒義學沙門有何不可呵呵判院居士書中有云幸無示謗法者恰如荒草裏喚出箇焦尾大蟲直得山僧口挂壁上然亦未爲分外更須知有向上一路始得不然一生在死水裏只借他人鼻孔出氣去也賢兄所惠偈頌足見存誠前句亦似順水張帆於義路上說些人情道理禪道佛法豈可人情又云跳脫北斗藏身

句北斗藏身不在義理言句聰明解會須是放下從前滿肚皮惡知惡見妄情執著佛法世法朕跡不留方可入作北斗藏身乃是雲門直截單提遮一著子如箇生鐵鑄就金剛圈栗棘蓬若情塵不脫你如何吞吐背廬山玉箇林禪師頌北斗藏身云北斗藏身爲舉揚法身從此露堂堂雲門賺殺他家子直至而今謾度量你道過在那裏五祖戒和尚乃雲門嫡孫持此語問林作偈之意林舉目視之戒云若果如此雲門不直半文錢公亦無目法在後林果失雙目將知佛法豈同容易承當學者多云山僧語話不近人情不是不肯人只要你參須實參悟須實悟見須實見豈可以實法繫綴人耶不可草草此乃入佛階級透脫生死安敢自欺若此不了空作箇撥無因果漢後悔何及要須是悟桶底剔脫方知道元來不在言句上亦當自知時節山僧苦口爲你太聰明靈利恐踉過了到此總用不著三祖大師云非思量處識情難測纔入思惟便成剎法洞山云言無展事語不投機承言者喪滯句者迷會得便會句中無句名活句

句中有句名死句。但參活句不參死句。活句下薦得永劫不忘死句。下明得自救。不了於此。明得也。作箇脫灑底道人。豈不快哉。圓悟老師嘗云。千句萬句。只是一句。千言萬言。只是一言。山僧又且不然。只而今盡十方虛空無量妙義。百千法門。只作一句分付。只貴腳踏實地。初機後學。欲作偈頌。乃神通遊戲邊事。有何不可。但只要本領正當。則一切處撲不破。常向兄弟道。參須參那坐斷天下人舌頭底禪。方爲種草。亦多令兄弟多作偈頌。雖未十成。要他揩磨心識。做得了。却與他一槌擊碎。大事明了。偈頌亦不用做。如風吹水自然成紋。學做頌時。先看僧問如何是佛。麻三斤。後來大愚頌云。橫眸看梵字。彈舌念眞言。吹火長尖觜。柴生滿竈煙。似遮般說話。若非絕情識。安可至此。白雲端師翁作蠅子透窻頌云。爲愛尋光紙上鑽。不能透處幾多難。忽然撞著來時路。始覺從前被眼謾。善知識一言半句。只要利益他人。脫離情識。山僧常問兄弟。有祖已來。時人錯會。錯則錯了。又如何免得此過多下語。永有契者。又問黃蘗示衆云。牛頭

禪師橫說豎說。要且不知向上事。我且問你如何是向上事。又問洞山。道見佛見祖。如生冤家相似。始有參學分。你道佛祖有甚麼過你。若下得遮三轉語。更須還我金剛王寶劍來。此事要須是箇人。方可塵中作主。深愧狂言。勿示於外。向寒千萬加護。

答上藍乘長老嗣書

某手白。上藍乘長老。自高亭一別。赴宜春。光孝道場。聞入院開堂。佛事響合。不踰一年。又聞遷席。隆興上藍。此乃古聖應化之地方。今叢林凋謝。大法危如累卵。凡稱長老者。於我法中。非爲小事。利害損益。盡在其間。若也不明道眼。據曲木牀。但以飲食臥具之安。枉受人天信施。則鐵城有待。寶所無歸。直須痛下鍼。錘。爲人天解黏。去縛。過塗毒鼓。發劈箭機。轉向上關。明本分事。拈殺活杖子。提王庫寶刀。斷佛祖命根。刻衲僧巴鼻。三玄互唱。五逆聞雷。見處孤危。用處脫略。卷舒出沒。豈籍他緣。以楔出楔。以毒攻毒。等閑向絕氣息處。發出一言半句。覩得破。挨得開。如石上釘鐵橛子相似。誰敢近傍。是故師子遊行。不求伴侶。又若

菩薩斷障如染一縑絲一染一切染如斬一縑絲一

斬一切斬有甚麼共語分如爲方來挂牌入室陞座小參直須放出毒手快下鋒刃一時截斷無令相續更須揭起腦蓋倒轉舌頭滯向尋言者教他一箇箇覓起滅蹲坐處不得始有自由分然後拈東家鉢盂喫西家粥飯用自己錢本使他人利息打殺有甚麼過遇境逢緣倒使司農正印與從上佛祖抗戾而行你且道是甚麼火色老僧每於著衣喫飯外當行此一路既稱長老作住山人當以續佛慧命爲己任不可少時自怠況江西湖南古今列利相望乃佛祖典刑去處向闢市裏孤店頭撥著一箇半箇作吾家種草豈徒然哉會下辦事兄弟當觀其根器淺深任其院事則道義人情總在裏許汝從我遊凡三移住山必深明此意幸在勉旃更不多及雲禪人來下書煎點禮數一一如法老僧晚歸都下住山宣詔不時撥冗作此坐夏在即懇體用輕安法衣拄杖拂子各一事付去爲信希檢收南北相望雲山萬疊勝集未期切宜順序爲法爲人多多保重

答資德本長老嗣書

文上人來收書并信香等如數領訖承開法以來中外響順且喜且慰夫稱善知識者脫珍御服著弊垢衣入八邪林住三惡道向刀山劍樹上拔舌犁耕鑊湯鑪炭中敲枷打鎖見天下衲僧如生冤家與從上佛祖共相抗戾綿綿絕滲漏密密不通風鑑在機先言非句下便是德山臨濟雲門趙州向未屢已前一觀使透已是鈍置他殿頭了也你道遮般漢還有作佛分也無正令若行佛殿裏荆棘萬尋法堂前草深一丈凡爲人天提持宗眼未開口時拶出無進步處挨開脫體現成擬議則生荆棘要你放毒手下鋒刃似鶻提鳩鷹拏燕雀斷命喪軀不留朕跡截處更捷淨盡無餘纔涉思惟卽成剎法直饒總不恁麼更須換却舌頭始得汝久從我遊挨拶出沒星電交馳如珠走盤了無住著是謂大解脫法今既住山當以續佛慧命爲務方今邪法熾然驚羣敵勝處以金剛眼睛吞爍羣像佛法世法影跡不留凡挂牌入室如汲井泉日汲日新初無間斷接物利生不出此也老僧

四十年凡十三處住山。以此爲已。職當在勉。旃法衣一頂。拂子一枝。北果等。以表信耳。時中爲法珍重。

法語示禪人

探玄上士。直須向未舉已前。一觀百雜碎。團陀陀活。鰲鰲底。不要須知。別有穩身處。始得只今目前。山連水連。山屈曲千差。交光萬狀。如何得遮。冤家脫離眼前去。要且心不是。心佛不是。佛物不是。物還我金剛王寶劍來。所以道金屑雖貴。落眼成翳。佛法雖妙。存之成病。動卽影響。覺卽冰生。不動不覺。死水裏討甚麼活路。三十年後。莫言不道。

現成公案。無事不辦。纔涉思惟。卽成剗法。擊石火閃電光。挨拶出沒。早是鈍置。佗了也。那堪分賓生。存義路說。心性立玄。妙盡是生死根本。於道則遠之遠矣。直饒向七佛已前。威音那畔。玄會得去。總未出得窠窟。在有般漢。纔聞人恁麼舉。便道用出作甚麼。我也知你脚跟下。五色線未斷。我且問你。東勝身洲打鼓。南瞻部洲喫茶。西瞿耶尼唱歌。北鬱單越接拍。是甚麼人分上事。若也不會。於喫粥喫飯。開單展鉢處。亦

須子細自點檢看

風從虎。雲從龍。衲僧拄杖子。放收在我。誰敢喚作拄杖子。須是著著有出身之路。終不受別人處分。豈不見。圓悟先師。參五祖和尚。常云。我常不肯五祖。五祖常不肯我。何故。父子若相肯。埋沒宗風。假饒千聖出頭。猶在渠儂影裏。會便會去。更莫躊躇。若也不會。切忌胡思亂量。孟八郎漢有處著你在。

心生法生。心亦不存。心滅法滅。法亦不立。不存不立。荊棘參天。不立不存。髑髏偏地。若能指撥。邦爲淨土。呼地獄作天堂。糞掃堆頭。現丈六金身。蝦蟇口裏。演一大藏教。似遮般見解。你且道。還有作佛分也。無若能轉位回機。移星換斗。逞通天作略。用跨海神機。終不向惡水坑頭。葛藤堆裏。著到要須知。有不露風骨底。一著耳聽。則雙眼見。則瞎三世諸佛。不奈何。歷代宗師。提不起。天下衲僧。無出氣處。豈不見。德山。禾衆云。我宗無語句。亦無一法與人。而今抖擻屎腸。一時與你說了也。所以道金剛圈栗棘蓬。只許人用。不許人說。說底用不得。用底說不得。不說不用。如何通信。

若作佛法禪道會則眉鬚墮落

禪非意想道絕功動非意想不是禪絕功動亦非道
當恁麼時向其處著到截斷意根如何分別不落心
識如何近傍纔入陰界已是隔生了也直須蓋天蓋
地了無佛見法見刀山劍樹上拈來鑊湯鑪炭裏受
用但恁麼信取自然步步腳踏實地把得定作得主
逐物却物布置臨時向上轉去佛魔削跡海嶽逃形
向下轉來僧是僧俗是俗超聞見絕依倚等閑向騎
聲蓋色敵勝驚羣處急著眼看豈不見古德云俊狗
不露牙擬不擬便著近來學者不明自己強說禪宗
一向掠虛臘月三十日閻老子未放你在

圓機普應鑒在機先鑒則且置應後如何若不關著
步急著眼墮在死水裏永無出期若能回身顧影已
是鈍置了也恁麼說話還覺舌頭拖地也無所以楞
伽佛語心爲宗無門爲法門一切世間差別語言世
出世間總是大解脫三昧豈不是佛語但以心爲宗
更愁何處不圓通何處不是自己若也便恁麼領略
去我早知你作實法會了也且憐迦羅眼底試辨看

學佛上士先要參透法身透得法身方解作主且如
何是法身天不能蓋地不能載日月不能照虛空不
能容猶在法身量邊走燈籠露柱香爐淨鉢山河大
地要且不是法身南斗七北斗八盡是見神見鬼說
底用不得用底說不得而今和座盤撥與你了也作
麼生用作麼生說若也一舉便明一擊便透一屢便
了痛領將去三十年後却來打殺老僧

大解脫人具大根器離見聞超情識於日用中急著
眼看斷知無上妙道不在日用處著到如疾雷破山
於一念未萌已前識得破佛及衆生也無著處須是
實證實悟方可向千聖頂額上獨行却於異類中插
脚更有甚麼佛法禪道水一滴也無到你口裏軟似
南寶鐵硬似兜羅綿便是千手大悲也無你摸摸處
不見白雲端和尚道無摸摸處病難除放下蛇頭拚
虎鬚今日爲君通一線好看月上長珊瑚白雲恁麼
說話亦能殺人亦能活人三十年後不得錯舉
法寂滅相豈在言詮上人截却舌頭山僧口挂壁上
還我寂滅相來把得定作得主過境逢緣自解轉轉

轆揆得開插得脚。因邪打正。何處不風流。蓋天蓋地。不從人得見聞。不味聲色。純真內外中間了無干涉。向甚處著眼。所以道撥塵見佛。佛亦是塵。非佛非塵。是甚麼面目。豈不見古德云。張弓架箭。魚遊網外。棲神鳥入籠。生殺盡時。蠶作繭。如何透得此三重。我且問你。臨濟無位真人。向甚麼處去。也有般般跟漢一味守古塚。求托生處。不得自救。尙不了。如何更爲人要會麼。龍門無宿客。大海不停屍。

行脚高士。若無靈骨。眼不識人。又不遇真正宗師。與之開鑿。撞入骨董袋。或三百或二百聚徒處。打野呵說野話。論心性講禪道。抑揚古今。喚作佛法。以爲法要。正是毀謗大乘。作地獄種。如稻麻竹葦。是謂可憐愍者。吾道衰矣。達磨西來之意。恐不如此。殊不知掩室杜辭。盡是注脚。德山棒。臨濟喝。亦是下文。更有一般無孔鐵槌。但云了了常知。如如獨照。正是鬼窟裏活計。道我參禪。我且問你。如何是禪。朝放三千。暮放八百。且喜沒干涉。是故教云。多聞無智慧。譬如人身牛汝。但於下脚不得處。急著眼看。上不見天下不見。

地中不見人。是箇甚麼。若也不會。吾不如汝。

忠臣不畏死。故能立天下之大功。勇士不顧生。故能立天下之大名。是以衲僧家因行掉臂。遇便登舟。七事隨身。八面受敵。如水入水。似金博金。無第二見。無第二念。若也愛己之愛。不愛彼之所愛。非大慈也。若也親己之親。不親他之所親。非大悲也。是故入廊垂手。具大慈悲。以利生接物爲先。假使鍊輪磨頂。終無退失。所以等空云。禪即是動。不動不禪。是無生禪。你平日參底禪學。底道不出此也。更有末上一著。如王澹交雨打帛石相。以而今與你一筆勾下。終無兩箇舌頭宜自知之。

夫學佛者。先當以大願力。破除業種。然後知因果懼罪。福迴絕諸緣。休息萬慮。善念惡念。不入思惟。佛法世法了無記憶。放捨身心。到大休歇之地。如萬丈懸崖。撒手等同虛空。亦不起生死妄念。分別之相。纔有一絲毫頭。見刺以智慧劍。和聲截斷。無令相續。終不肯向光影裏著。到甘處下流。不被諸境所惑。不與諸緣作對。聞禪與道。毒箭攢心。得失是非。如鏡照像。鏡

若不存像歸何所。看看破草鞋。泥彈子。半文也不直。古今盡力提持處。亦不假多直下省力。無如龐居士問馬祖。不與萬法爲侶者。是甚麼人。馬祖云。待汝一口吸盡西江水。則向汝道。末後契證了。只言心空及第歸。且如心空及第歸底。是何宗旨。更是阿誰。是故佛祖道妙體用全真。不立階梯。本來如是。若能的確堅守情盡見除。到命根斷處。終無兩箇舌頭。說底用底了。無干涉。饒你綿裏稱銚。我則石人腰帶。若具大丈夫志氣底。然不肯向別人口邊覓涎唾。喫是故名爲無上妙道。豈不見德山投機於龍潭。言下乃云。我從今日去。更不疑天下老和尚。舌頭山僧當時若見。只向他道。咄咄我更要你作佛在。且道佛作麼生做。乍可粉骨碎身。終不瞎他眼目。

學道如學射。久久自中。的一句透天關。萬機俱喪跡。只那喪跡處。咬定牙關。痛領將去。何難之有哉。只恐力不及志。不堅透。不盡見。不徹。翻入骨董袋裏。卒未能了得。速須退步自看。乃大丈夫事。有若關王陣前不見顏良。頭終不肯住。要在脚跟正。當立處孤危。方

能抵敵死生。若滯聞見。縱饒隨口便道得出來。也只是聞見。離却聞見。便作主宰。不得纔涉思惟。又成剎法。如何得絕氣息。去只爲大法不明。被十二時使隨物流轉。是故邪說正說。無佗要你當下佛法念斷。善惡思亡。當知德山臨濟。無下脚處。棒喝交馳。總在門外。黃面老子說底。大藏小藏。不是敲牀豎拂。不是山僧與上座。是不是亦不是。如王澹交詠兩詩。唯有庭前擣帛石。一點入不得直。須向佛祖未生已前自家著些精彩。一觀便透。如水投海。如風鼓橐心。雖不住念亦無差。心念俱非了。無分別。無分別底。復是阿誰。若會喫飯著衣。自合知時及節。更有甚餘地。著鞭於古人之前。自在敲枷打鎖。獨撥單提。從上佛祖天下衲僧鼻孔眼睛。一穿穿却何所往而不利耶。

參禪學道。只責眼正。亦須遇人。不然則墮在業識堆裏。菽麥不分。未免骨董。有如百尺竿頭。進步萬仞崖前。插脚若恁麼會。早知你蹉過了也。當知是知當如是見。此乃是作佛樣子。豈不見蒙山惠明道人。逐老盧至大庾嶺頭。老盧置衣於地。蒙山盡力提之不動。

乃悔過曰某甲爲佛法來不爲衣來。盧云汝既如是。當於盤陀石上攝心。歛念。不思善。不思惡。正恁麼時。那箇是你本來面目。蒙山忽然有省。起來禮拜。乃云。佛法只如此耶。更有深密處在。盧云密在汝處。我若向你道。則不密也。於是確菴生花。毒蛇開眼。是你諸人向甚處著。到若作佛法。會入地獄如箭。

示日本國覺阿

日本覺阿禪人泛海而來參究達磨正宗。相從日久。執論不已。至金牛作舞處。似信不信。以後令往諸方遊禮。自江北回至金山。聞擊法鼓。乃高聲云。靈隱禪師打我一拳。從此知解釋。然如桶底脫。却回入室。卷舒出沒。星電交馳。父不識子。子不識父。佛法禪道了不可得。等閑拶出一言半句。鐵壁银山。誰敢近傍。恰如孫武子用兵。如珠走盤。如盤走珠。了無住著。截斷葛藤。趨飄窠臼。方知飯是米。做一日老僧。舉拳示之。乃云。喚作拳頭。眉鬚墮落。不喚作拳頭。入地獄如箭。阿云。請師放下。老僧云。放下了也。你試道看。阿云。禪僧腦後底老僧。二是甚麼。阿喝一聲。便出信。知此道。

不在語言。不從佗得。當自知之。汝歸本國。流通大法。續佛慧命。佛佛授手。燈燈相傳。臨濟正宗。單提獨掇。末後一句。始到牢關。在汝一人。全身擔荷。因其告別。重說偈言。

參透西來鼻祖禪。乘時東去廣流傳。鑊湯鑊炭隨緣入。劍樹刀山自在攀。教海義天休更問。龍宮寶藏豈能詮。飄身師子通塗妙。活捉魔王鼻孔穿。

機緣

師一日指面前花問僧。喚作佛草料。現成喚作畜生口。作人語。當恁麼時。參學眼在甚麼處。僧無語。自代云。五嶽四瀆。名山大川。

師問僧。三門頭寸草不生。佛殿裏如何得入。僧無語。自代云。光剃頭淨洗鉢。

師因在病間。僧老僧昨夜火星出宮。至今因甚。屙屎不出。僧云。老老大大向東司裏作活計。師云。承言須會宗。勿自立規矩。你既不識語。如何亂統。卽時逐出自代云。摩竭陀國親行此令。

師問僧。一大藏教是惡口。如何是你本身。盧舍那僧。

無語自代云阿耨達池深四十丈闊四十丈

師一日因書記維那相爭來投師揭榜云書記維那行令不正老僧罰油行者喫棒令二人下語維那云難逃智鑑師云不是不是二人俱逐出

師因僧入室起身問云更不著布視相見僧又手近前云今日親見瞎堂師呵呵大笑僧云伎量已盡師撫掌一下

師問僧踢斷石橋時如何僧無語自代云因齋慶懺師問僧有祖以來多少時人錯會錯則錯了又如何免得此過僧無語自代云罪不重科

師因淨慈先馳通書師問云你長老甚處人馳云和尚大似不相識師云你是甚處人馳云弊鄉越州師云猛虎不食伏肉

師坐次因頭帽脫落問僧既是頭帽因甚却在地上僧拈起過與師接云也是奴兒婢子僧無語師打一掌云果然

師一日陞堂鳴鼓師在帳裏坐侍者尋師不見師撥開帳云只在遮裏因甚不見侍者無語自代云大斧

祈三門

師因維那來報迎佛師云迎甚麼佛那云見在佛師云作麼生迎維那問訊叉手而立師云不是遮箇道理那云却請和尚道師云椎牛搗鼓維那禮拜而出師因官人問多寶寺僧既是多寶爲甚却窮僧無語自代云立處太高

師問僧你是甚院僧僧云天宮院師云既是天宮院爲甚兩腳踢地僧無語自代云爭怪得我

師問僧大雨時行時如何僧云普師云三世如來向甚處去僧云三門外師豎起拂子云過

師問僧天晴雨下時如何僧云一箭兩垛師云貴買不如賤賣僧無語師便打云掠虛漢

佛海瞎堂禪師語錄卷第三

佛海禪堂禪師語錄卷第四

頌古

世尊未離兜率已降王宮。未出母胎度人已畢。
未離兜率降王宮。便就刀山入鑊湯。等閑擒下白拈。
賊滿眼俱爲敗露賊。

世尊初生一手指天。一手指地。云天上天下唯我
獨尊。

毗藍園裏喪佳聲。分手徒勞布惡名。果是一文偷不
得。至今虛作不良人。

世尊拈花

十萬衆前無出路。冬瓜印子印何人。迦葉只因曾冷
笑。至今陷在涅槃城。

百丈再參馬祖

家常待客勸三盃。鴛酒不消喫一盞。當時裂破夜叉
頭。頂門突出醯羅眼。

趙州勘婆

纔拈折箭斷弦弓。隨手雙鵬落碧空。打鼓看來君不

見萬年松在祝融峯

青州布衫

馬面驢腮無處雪。海竭山摧天地裂。老古雖太孤絕。
龜毛拂去眼中塵。兔角杖敲空裏月。

瑞巖主人翁

時臨孤島畔。拭目望蓬萊。空山無人處。水流花自開。
夾山境

陝府鐵牛口門窄。嘉州大像耳輪長。驚起暮天沙上

雁。海門斜去兩三行。

靈雲見桃花

咄咄瞎驢。越大隊。眨上眉毛。佛不會。白雲斷處是青
山。行人更在青山外。

正法眼藏瞎驢邊滅

濃雲潑墨半遮山。碎雨跳珠亂入船。卷地風來忽吹
散。望湖樓下水如天。

德山托鉢

參天白刃赤身挨。李順王均破草鞋。德山智量過君
子。活捉生擒立地埋。

卽心卽佛。非心非佛。不是心。不是佛。不是物。

梵志有錢時。能肥又能白。梵志無錢時。能瘦又能黑。十字街頭立。被人喚作賊。

日面佛。月面佛。

尊位如何。澄潭影裏探秋波。日面月面。鐵眼銅睛。安可辨。君不見一聲霹靂。兮霧罩長空。千眼頓開。兮雲收嶽面。還見馬師麼。病在膏肓。切須忌口。

風穴在郢州衙內。陸堂云。祖師心印。狀似鐵牛之機。去卽印住。住卽印破。只如不去不住。印卽是不印。卽是時。盧陂長老出衆云。某甲有鐵牛之機。請師不搭印。穴云。慣釣鯨鯢。沈巨浸。却嗟蛙步。驟泥沙。陂佇思。穴便喝云。長老何不進語。陂擬議。穴便打云。長老記得話頭麼。陂擬開口。穴又打牧主云。佛法與王法一般。穴云。見箇甚麼。牧云。當斷不斷。返招其亂。

搏風展翅。擎滄海。直取龍吞也。大奇。八臂那吒。擲得住。和聲撲碎五須彌。風前截斷句。後全提高。出祖師三要印。不落雲門第一機。噫。盧陂盧陂。

僧問馬祖。離四句。絕百非。請師直指西來意。祖云。

我今日勞倦。問取智藏去。僧問智藏。藏云。我今日頭痛。問取海兄去。僧問海。海云。我到遮裏。却不曾。僧舉似祖。祖云。藏頭白。海頭黑。

短帽輕衫。宮樣窄。舞徧胡笳十八拍。曲罷酒闌。猶未歸。歸來月色和雲白。

婆子偷趙州笋

去若丘山重來如一羽。輕去來無別路。傾蓋白頭新。雪峯古澗寒泉。

唱拍相隨。特地新舞衣。歌版不須呈。雲間獨有簫韶曲。未肯流傳取次人。

定上座問臨濟佛法大意

案頭獲敕。令行時間。外全提殺活機。回首華山孤頂望。巨靈神亦豎降旗。

龐居士問馬祖。不昧本來人。請師高著眼。祖直下覲士云。一種沒絃琴。唯師彈得妙。祖直上覲士禮拜。祖歸方丈。士隨後云。適來弄巧成拙。

率陀天上。飄筋斗。鄴畢絜都汨。輪眠醉後歸來明月。

夜笙歌引入畫堂前

不是風動不是幡動

不是風幡動亦非仁者心自從胡亂後漏洩到而今

楚王城畔汝水東流

楚王城畔水東流獨脚山魃趨氣毬貪看六么花十八不知船子下揚州

歸宗因小師來辭宗問甚處去僧云諸方學五味

禪去宗云我遮裏有一味禪小師云如何是和尙

一味禪宗便打小師云會也會也宗云道道小師

擬開口宗又打

神仙秘訣妙難傳禿頂脩羅打左拳半夜歸來無覓處忍飢高臥飯籬邊

僧問睦州以一重去一重卽不問不以一重去一

重時如何州云昨日栽茄子今日種冬瓜

登壇道士羽衣輕呪力雖窮法轉新拊指破開天地

暗蛇頭擲落鬼神驚

百丈問趙州近離甚處州云南泉丈云南泉有何

言句州云未得之人直須悄然丈便喝州作怕勢

丈云大好悄然州乃作舞而去

門裏有門外有不作嚴平犯牛斗師子嘯呻野犴鳴
抉出离婁眼裏筋伸一手縮一手重陽決定九月九
相喚相呼獨自歸赤骨貧窮露雙肘

雪峯問僧甚處來僧云浙中來峯云船來陸來僧
云二途不涉峯云爭得到遮裏僧云有甚隔礙峯
打趣出僧十年後再來峯問甚處來僧云湖南來
峯云與此間相去多少僧云不隔峯豎起拂云還
隔遮箇麼僧云若隔則不到也峯又打趣出僧後
住凡見人便罵雪峯一日有同行聞特去問兄到
雪峯有何言句便如此罵佗僧舉前話被同行詬
叱與佗說破僧當時悲泣常夜中焚香遙禮雪峯
膏肓未必兩邊尋好是長醫雙下鍼死活不能全忌
口喪車背後念觀音

世尊因調達謗佛生身入地獄遂令阿難傳問你
在地獄中安不云我雖在地獄如三禪天樂佛又
令阿難問你還求出不云我待世尊來便出阿難
云佛是三界大師豈有入地獄分云佛既無入地

獄分我豈有出地獄分

父嚴子逆事猶乖。宣德樓前問李差。斷頭剖腹從輕斷。直待還魂合處埋。

雲盡問石霜。萬戶俱閉。卽不問萬戶俱開時如何。霜云。堂中事作麼生。蓋云。無人接得渠。霜云。道則太殺。道只道得八成。蓋云。却請和尚道。霜云。無人識得渠。

汲水佳人立曉風。青絲放盡轆轤空。銀餅觸破紅羅面。零落桃花滿井紅。

谷山問秀。豁聲色純真。如何是道。豁云。亂道作麼。山却從東過。西立豁云。若不恁麼。卽福事也。山却從西過。東立豁下禪牀。谷山搗住云。聲色純真事作麼生。豁便掌山云。十年後要箇人下茶也。無豁云。要谷山作甚麼。山呵呵大笑。

兩陣交鋒笑似瞋。雙眉倒卓眼生筋。豁山雲月誰爲侶。南北東西絕近隣。

外道問佛

不問有言無言說。甚見影見。灑露柱口挂壁上燈籠。

倒退三千

女子出定

塞破太虛空。關津更不通。文殊與綱明。自西還自東。眉間拔劒頻相顧。女子翟臺立下風。

倒却門前利竿著

等閑饒舌話金襴。便與當頭倒利竿。從此天倫轉無義。冷光猶自逼人寒。

北斗裏藏身

韶陽一擊最新奇。關市門頭直面提。倒嶽傾湫全正令。電光石火去難追。

洞山訪隱山

眼目高低鼻孔橫。淺深輕重不多爭。螺螄臺上挨肩入。鸞鷺牙根借路行。便把長河攪酥酪。敢將栗柄作禾莖。後山未是潛身處。出沒任佗鳥兔更。

三角示衆云。若論此事。眨上眉毛。早已蹉過。麻谷出云。蹉過卽不問。如何是此事。角云。蹉過谷。掀倒禪牀角。便打。

霧卷雲收。雷霹電爍。眼暗耳聾。此錯彼錯。錯不錯。何

處著去兮住兮大忽忽寂兮寥兮活鐵鐵

南泉斬貓兒

饒君舌拄梵天我也令行一半趙州頭戴草鞋也是新繁轢鑽

狗子無佛性

趙州狗子無佛性石牛不怕師子吼午夜雲騰浪接天海門一陣狂風掃茫茫大地參玄人眼裏無筋一世貧掣電機關何處討頭角輝燦出荒草

西睦和尚喚侍者者應諾睦云更深夜靜共伊商量去

更深夜靜好商量携手相將入醉鄉姹女已歸霄漢去歎郎何事守空房

臨濟無位真人

無位真人赤肉團電機旋掣走珠盤金剛正眼泥彈子烈燄光中側足看

鏡清問僧門外甚麼聲僧云雨滴聲清云衆生顛倒迷已逐物僧云某甲只恁麼和尚又如何清云泊不迷已僧云泊不迷已意作麼生清云出身猶

可易脫體道應難

門外雨滴聲家和萬事成歸來無一物令人憶鏡清玄沙因僧來作禮沙云因我得禮汝

因我得禮汝乾坤粟粒許若要除三害無過問周處蜺子和尙久參雪峯晦跡古廟白日撈蝦蜺充齋夜向紙錢堆宿淨華嚴疑之先入紙錢中坐蜺子夜歸遂撥開紙堆問云如何是祖師西來意蜺云神前酒臺盤淨再拜謝之

神前撥帳問西來直截當機指酒臺赤體袒肩頭面禮福從天降不生災

慈明室中置水一盆橫劍在上盆下有草鞋一緇暑往寒來春復秋夕陽西去水東流將軍戰馬今何在野草閑花滿地愁

華嚴經普眼不見普賢

飄飄一鴈落寒空步步追空覓鴈蹤踏破草鞋跟已斷巍然獨坐大雄峯

讚佛祖

釋迦出山相

大哉釋迦文。福聚海無量。此地少朱砂。赤土以爲上。
我今稽首禮。讚揚留與人。天作勝樣也。

觀音大士

大哉觀世音。功德不思議。來說是非人。是非人便是。

布袋和尚恭依

聖上韻

布袋挨開猿啼曉。月海嶽逃形。佛魔路絕。列列挈挈。
翹翹傑傑。大機兮棒打不回頭。大用兮利劍流鮮血。
別別出海崑崙頭。戴雪。

誌公和尚

一據獨龍岡。三朝揚聖化。孽破老面皮。索盡遼天價。
當時誤殺張僧繇。誰料而今轉更遙。描不成。畫不就。
三箇散兒拋十九。一段風光何處有。曲尺剪刀并掃帚。

維摩居士超觀使請讚

到處毀僧罵佛。知佗有官無官。善現屢遭呵責。瞿曇
也被熱謾。只有文殊不肯喫氣。出來理問。遮漢自知。
無理當時口似礪盤。

金華聖者

禦兵戈刀斧不能斫。經大劫水火不能著。姊夫小舅
有來由。佛面猪頭何處求。二百年來龜嶺下。三山依
舊水東流。

達磨祖師

不是梁皇勘過。肯來少室冷坐。累他二祖失心。被人
喚作達磨。

鹽官和尚

老倒放不會事。扇破覓犀牛兒。尚有遺風餘烈。咬吒
嗟哩嚩呢。

雪峯和尚

三回訪道投子。九度親到洞山。末後最初。非句從教。
蓋地蓋天。三箇木毬開鬼眼。無端羈鎖落人間。

長髭和尚

突兀神光萬尋。拾毳髭鬚百結。聲冤瑞應峯前。解道
紅蓮片雪。我今稽首問行蹤。敢向虛空釘鐵橛。

臨濟和尚

吹毛未舉。鮮血淋漓。塗毒繩纏。徧界橫屍。機如劈竹。

口似鼓鼙二百年前江西湖南殺人放火三千里外
山東河北奪鼓擄旗掀翻大海倒坐須彌青草步頭
行正令白拈手裏覓便宜咄咄小斯兒因我且問你
瞎底正法眼分付阿誰

雲門大師

倒著睦州破蒲鞋橫觀雪峯爛毬子鴛鳥飛空草不
生毒龍入水魚皆死單提獨撥驗人關逆順雙行絕
往還遺烈尙餘風凜凜至今猶有一斑斑

普化和尙

熱發風狂趨倒飯牀挨脚脫漏倒纖筋斗壞佗臨濟
一生禪啞却盤山三昧口有時好未必好有時惡未
必惡有時把箇破木鐸大悲院裏趕村齋直至而今
無摸搽

木平和尙

嶽聳淵深貌古神清渴有米汁饌無佳珍龍牀頭賣
弄草鞋兩脚御舟前突出雲衲半身舉棹迷源兮樸
案已露移舟別水兮眼倒生筋敢道不勞斤斧夫是
之謂木平

船子和尙

老手當年靠夾山全機喪盡結深冤父南子北家何
在撥轉天關地軸翻
風卷雲天小艇斜煙波深處作生涯絲輪擊斷雙關
手扶出曬龍眼裏沙

香林遠和尙

十八年參甚麼禪雲門奧旨要人傳驚然合著大石
調斬新臘月火燒山

楊岐和尙

劉楊岐獨脚寒嚇臨濟小斯兒栗棘金圈輸貨價土
曠人稀賣與誰只將破草鞋泥彈子向十字街頭換
得眼睛三百擔人亦不覺鬼也不知噫嘻噓半夜歸
來日卓午虛空依舊畫娥眉

玉泉皓和尙

倒施逆用獨撥單提烏飛兔走虎驟龍馳晷運推移
兮日南長至布衲不洗兮無來換替從教撒土拋沙
自在盤鳴屎沸我今稽首樓主如來揭諦揭諦波羅
揭諦

典午和尚塗毒巖主請讚

濯錦之源怒濤洶湧吞三峽合浦之淵巨浪騰空接
五湖奪雙標隨手便擲攷丹霞復得賢無顧頂方衣
踞死心席面而飽飲鴆毒鵬眉象準造湛湛堂虎穴而
斷命喪軀徹黃龍三關巴鼻脫臨濟十世規模牛頭
馬頭出沒佛病祖病痛除藉首睹驢非橫滅族水無
鱗介嚴有塗毒義斷情忘親承付囑

大慧禪師

參禪闕典學佛無功破楊岐道滅臨濟宗直下單提
佛祖不犯令掣顛掣狂住雙徑峯等閑拈却衲僧定
命索將錯就錯名聞九重阿呵阿見也麼竹筴觸
背失錢遭罪天道不放還驪珠絕瑕類

偈頌

楞嚴六根

非眼能見

阿那律陀天眼觀大千攝入一毫端掌中設說菴摩
勒無限蒼生被熱護

無耳能聞

跋難陀龍能聽聞淨名結舌若爲論行到水窮山盡
處虛空依舊塞乾坤

無鼻嗅香

宛伽河神非鼻香貧兒乍富也尋常蓮河岸上曾遭
叱禍出私門變吉祥

異舌知味

僑梵鉢提知此味苦澁鹹酸那裏是一舉如能至梵
天超證如來真實義

非身覺觸

舜若多非身覺觸閉門塞戶栽荆棘遮得虛空恰似
渠似渠也是閑相識

意根了知

金色頭蛇意根滅圓明了知無處雪草糝跟斷眼皮
橫善財拄杖生三節

子湖有狗上取人頭中取人心下取人足

子湖有狗取人頭大笑長歌出畫樓落日斷霞連嶽
頂牧童歸去倒騎牛

子湖有狗取人心見說黃河沒底深華表柱頭留語

後更無消息到如今

子湖有狗取人足舞罷饒君三兩曲玉證金鞍挽莫
回夜來依舊蘆花宿

睹堂三句

我有不入驢耳句日盈月昃未容呈出門會得天平

錯未出門先舉向君

我有截水停輪句人天路絕信來稀等閑靠却過頭

杖門裏深沙眼敲瞋

我有和煙釣月句山摧海竭是生涯到頭貧富知恩

少敗拾歸來總一家

睹堂一句分三句純鋼打就生鐵鑄半夜烏龜脫殼

飛星羅雲散無尋處

四威儀一七三五言

行日午歸來打入更荒草裏結舌話無生

住和聲寒斷來時路斗柄垂風雲常滿肚

坐往來凡聖如推磨罷休休相招不肯過

臥精進誰知成懶惰念摩訶不如還忍餓

不顯名大檀越請偈五首

大機園應脫名模極目風光滿帝都昨夜酒樓春洞

曉當頭微見大毗盧

逆順機中總是禪在家不礙出家緣龐公父子團圓

坐頓覺無生話已圓

單提直指若爲參貝葉靈文滿寶函無我無人無壽

者塵塵刹刹是瞿曇

若能轉物卽如來糞掃堆頭正眼開隨順衆生顛倒

見庶幾隨處顯靈臺

報應差殊事不同勞生何用出樊籠欲知自性天真

佛盡在朝昏一念中

答松憲居士

萬機消燦眼頭空一點不來誰與同未問維摩先杜

口如何作得住山翁

寄超然居士

澆水一言親領略桐城千里重相聞節角諸訛斬新

句不知居士與誰論

答曾侍郎

輝天綽地金剛眼再鍛重烹鐵蒺藜脫體頓拋無朕

跡。踏。驢。從。此。喪。全。機。當。陽。活。脫。向。上。路。收。放。應。須。潤。
著。步。印。泥。印。水。目。前。觀。日。面。月。面。沒。回。互。脫。籠。掣。轡。
絕。名。模。棒。喝。交。馳。得。也。無。不。落。化。門。成。底。事。紫。羅。帳。
裏。撒。真。珠。

寄汪狀元

全。機。倒。用。若。爲。醯。醢。法。無。民。未。肯。休。金。馬。玉。堂。留。不。
住。依。前。屋。裏。販。楊。州。

答葛通判

醯。羅。正。眼。塵。中。現。列。祖。立。機。格。外。提。打。鼓。看。米。冤。未。
雪。從。來。赤。土。畫。團。箕。

示李才翁宣教

吾。官。學。佛。幾。經。秋。夢。裏。書。空。醒。便。休。會。得。三。吳。滅。門。
句。也。須。親。到。百。花。洲。

朱伯可求頌并引

判。務。無。隔。居。士。道。韻。超。倫。天。姿。拔。萃。忠。義。貫。日。月。
孝。悌。通。人。神。訓。子。得。方。治。家。有。法。於。鳳。凰。山。麓。先。
君。墓。側。勸。迎。照。菴。永。延。緇。侶。用。資。神。道。慧。遠。乞。罷。
崇。先。得。

旨。自。便。投。老。于。此。坐。席。未。暖。而。應。
詔。冷。泉。臨。別。求。語。信。筆。說。偈。

鳳。凰。山。下。方。求。隱。摩。竭。城。中。又。轉。身。星。電。交。馳。何。處。
是。旋。機。倒。用。若。爲。陳。居士。門。高。無。異。說。山。僧。行。處。脫。
根。塵。風。作。伴。月。爲。隣。三。眼。摩。醯。笑。似。嗔。佗。年。策。杖。重。
傾。蓋。抵。掌。掀。眉。一。笑。新。

錢知縣祈嗣求頌

明珠在掌。猶。遺。墜。輝。玉。囊。中。不。失。時。幸。有。觀。音。玉。環。
手。何。勞。更。誦。夢。熊。詩。

王知縣求頌無一居士

無。一。法。與。人。豈。有。二。種。語。居士。門。牆。高。逢。人。怎。麼。學。
石。梁。踏。斷。眼。皮。橫。師。子。遊。行。無。伴。侶。

葛通判請益非心非佛因緣以偈示之

卽。心。卽。佛。眉。陀。地。非。佛。非。心。雙。眼。橫。蝴。蝶。夢。中。家。萬。
里。子。規。枝。上。月。三。更。

李撫幹牧牛圖

道。是。瀉。山。水。牯。牛。輪。佗。黑。子。却。羸。籌。不。是。瀉。山。水。牯。
牛。羸。佗。白。子。却。輪。籌。黑。白。未。分。頭。角。露。輪。羸。不。是。遮。

頭牛繩已斷鼻無鉤。掉尾昂頭得自由。雲山無限青
青草。香水和煙細。細流飢時放飽時。收臨風轟起一
聲笛。回首家山萬事休。

和石解元白蓮

玉女欲冠瑩夜塘。雪敷仙掌犯秋香。江南五月多風
韻。素豔天資難點粧。

初從蓮社泛池塘。攝入羣賢鼻觀香。粉露已隨雲雨
去。冰姿留得小殘粧。

國清振錫橋

五峯翠按藍雙澗。聲振錫中有老頻螺。倒吹無孔笛。
不許行雲作伴歸。誰來蹋破蒼苔跡。

雙林無著軒

卓爾羣機赴陶然。萬象沈湖天浮水。遠岸石浸雲深。
雨霽月華透。風搖山影侵。靈然超八達。廓徹妙明心。

遊劉阮洞

雲深露冷無人到。小徑陰雲翠欲迷。吊龍神仙古時
跡。亂峯影裏聽猿啼。

南翔寺

無數青山伴我行。更將清淺濯塵纓。沈流漱石眞吾
事。買片閑田就此耕。

鏡菴

古鏡破來菴許大。秋毫未盡眼能寬。江湖不記三生
夢。風月惟餘一釣竿。

鴻福普同塔

海底紅塵起。山頭白浪飛。若能如是會。永劫墮泥犁。

題墨竹

通乎筆端之有神。妙乎造化之有功。戲蒼龍之引尾。
背皓月而搖風。疎影無聲。亂寒墨瘦。枝有葉飄。秋空。

福勝寺香風堂

襲襲聞天都。飄飄滿衣裾。高出威音前。平超樓至後。
不墮四時春。肯與百花鬪。鼻觀豈能收。河神安可詬。
陶然水鏡空。雲冷香風透。

妙喜南還以偈迓之

聞道天書下禁闢。定知雲跡會樞機。銅駝千載今
休問。一段風光本彩歸。

次萬年貢和尚韻

就得頭來正好參倚。佗門戶不相諳。導師故有眠雲句。應笑空生夢裏談。

一丘一壑笑談開。安用相逢把酒盃。雨後雨前牙爪在。細磨春色待君來。

寄中竺妙禪師

湖山添得老魔王。舌卷風雷眼放光。背却法堂重勘破。不知誰與我分贖。

寄道場全和尚

雪頂崑崙著意猜。十頭羅刹笑顏開。鑊湯冷處君先入。潚眼橫時待我來。

寄仰堂仁和尙

一擊當機千聖莫窺。佩無文印著囊。掃衣踞魔王殿。開邪見扉。說禪說道。惡口臊齒。論心論性。撒屎撒尿。牽犁上樹。拗折稱鎚。抗戾佛祖。倒行逆施。不是仰堂。更是阿誰。因曲罷酒。闌人不曾。斷腸依舊。畫娥眉。

寄體首座

白石山頭褫子多。泥牛吸盡井中波。佗年布袋重開口。佛祖依前不奈何。

送能首座住紫籜

驅耕奪食。繼心燈互換。交馳貨物。增道大莫知空。冀北功恢。高揖嶺南能。

送宣長老住林泉

脫籠掣轡。換皮毛。水遠山長。道自高。平澹家風。隨分展。割雞時。暫屈牛刀。

送九峯長老歸舊隱

鏡面波斯。駕怒濤。黑風纔起。浪頭高。倒撐小艇。抽金鏃。恰似將軍。入不毛。

送之書記

大用現前。全體是聖。凡情盡影。難留鉢盂。裏底三千界。拄杖頭邊。四百州。雲作伴。月爲儔。到家別有通天路。把定牢關。輟繡毬。

寄楊高士

富有十年別。貧無一覺眠。好來同夜話。相共酌清泉。

寄源大師

學佛以悟爲則。虛詞不入公門。君看羲之草聖一點。入石三分。

送萬年化主兼簡妙淨居士

石橋路嶮橫身入牛宿峰高顙面看不是閭丘賢太
守誰能閑識老豐干

送日本國覺阿金慶二禪人遊天台

佛子親從日本來人天隨步歎奇哉一機拶出金牛
舞千聖當頭正眼開

殺人放火大慈悲禪教俱非道莫齊平地一聲師子
吼釋迦彌勒豎降旗

佛子飛帆過海來好携餅錫上天台國師尚有靈蹤
在寶塔巍然正面開

達磨西來教外宗了無言說立全功單傳直指通身
眼誰信從前徹骨窮

次陳秘書韻

保福當年閑借問鵝湖驟步入僧堂定盤星上無深
意莫認鉤頭些子香

一句單提脫正偏百川風月自陶然優樓不敢輕開
口合掌擎拳在佛前

旋機倒用從前事奪食驅耕驗作家星電交馳立路

絕從教努目視深沙

次陳判院韻

謗佗佛法壞佗禪劒樹刀山在目前井底烏龜吞夜
月木人回首哭蒼天

示無住道人

打破從來淨潔禪萬機攢簇觸體前橫身塞斷來時
路一句當機日麗天

示幹水碓化士

轉轆轤時難近傍立停停處絕承當磴磨碓擣從來
事磕破渾侖總不妨

赴鴻禧示衆

十處住山今已老半生雲水未忘機今朝又作浮山
夢暗寫愁腸寄與誰

送楊高士歸蜀

龍馳虎驟道何存肯轉靈丹奉至尊令下家山言
下準瓢中日月掌中分昔年握手登金殿今日擎拳
出禁門我欲送君迷舊隱桃源流水杏花村

寄驥禪人

姑蘇臺畔惡相從。海湧峯前事亦同。故國夢回春已走。水雲相望一帆風。

送惠冲禪客

老冲問法如春雷。忿怒那吒挽不回。龍馳虎驟劈箭催。暴風狂雨山嶽摧。我亦隨分圓機。應出必取也戰。必勝如珠走盤盤走珠。星飛電轉了無餘。佗年呵風罵雨。巍巍獨坐妙峯頂。佇看殺人放火。爛爛雙眸。太虛。

送了禪人

未明定觀三千界。且看江西十八灘。照出芙蓉城下月。金波影裏麥秋寒。

示禪人

鐵石身心來問道。慣調金鑊若爲齏。棒頭喝下隨流入。靠倒瀉山水牯牛。一句全提絕類倫。萬機不到始通津。道人別有遮天眼。四海無家總是親。顧鑑全抽徹底參。新豐三頓實難甘。到頭恩怨無餘地。贏得兒孫轉放憨。

◆那一作那

六塵不惡機難測。三昧無聲妙莫窮。脫體頓拋忘朕跡。瞎驢何處覓行蹤。

懸崖捉拍舞三臺。死虎驚忙眼豁開。聖地不生凡草木。果然親見瞎堂來。

風前突出醯羅眼。格外單提栗棘禪。百草頭邊玄路絕。到家不直半分錢。

示化士

披毛戴角學無生。劒樹刀山取次行。不向五峯吞栗棘。爭知日午打三更。

身如椰子膽如天。喝道來參栗棘禪。按下雲頭輕領過。口皮元只在唇邊。

臨濟家常添鉢遊。知音纔見不輕酬。掩門歸去陳嘉饌。直至而今飽未休。

拄杖生根挑不上。鉢盂無底滿盛歸。淨名何用空惆悵。哭罷香嚴也不知。頭鬢鬆兮那辨耳。卓朔兮莫窺渡。口船回人借問寒山南。畔石橋西。

顧在機前發鑑從。顧後抽法身藏北斗。船子下揚州。四海風爲線。三山月作鉤。回戈撥龍尾。佇看釣鼈頭。

洪秀才乞頌

列聖叢中獨許君。空王令下急翻身。會須別有拏雲手。指出威音那畔人。

陳道士乞頌

先生道妙一時傳。我亦隨機叩兩端。拈却司農無字印。百川從此絕波瀾。

東陽光化士乞頌

古殿燒殘不記年。冷光相射斗牛寒。投機會有揮斤手。碧瓦朱甍翠插天。

贈演說人

西湖演士妙天機。舌轉風雷口角飛。奪騎未聞沙塞冷。斬關先覺陣雲低。前賢後聖從君數。水遠山長我自知。皓首不須尋舊隱。到頭誰是復誰非。

漁父詞四首

德山和尚

咄。遮川僧能葦苴。杖挑一擔敲門瓦。未與點心先口。亞都放下。從茲婆餅增高價。叵耐龍潭親到也。真金砂磔齊拋。捨佛祖棒頭。傾雨瀉。無可把。元來不在。

之花一作把

之乎者

臨濟和尚

六十山藤真重賞。蒲鞵眼正分龍象。直造大愚呈伎倆。機不讓隔韡也。解頻抓痒。黃蘗山高爭敢仰。親非父子誰來往。慣將虎鬚忘。意想攔腮掌。一聲霹靂。千峯上。

佛果禪師

發足南方明自己。白蓮峯頂逢穿耳。瞬目揚眉俱不是。知羞耻。堪嗟少室分皮髓。小玉嘉聲猶未已。擅郎何事迷深旨。一句斬新方徹底。禪林裏。翻雲覆雨。風波起。

瞎堂自述

不向蘆花深處臥。移舟儘在波心過。得箇錦鱗如許大。無處貨。推蓬對月平分破。舞棹長歌聲遠播。江山心醉凝眸坐。賴有兒孫齊花。杓相應。和船頭撥轉。還鄉那。

自讚

禪人爲師真請讚

早依園悟。晚住林泉。無門雪屈。徧界聲冤對。

天子廓摩。醯首羅眼。提揭岐金圈。栗棘蓬禪。神仙秘訣。父子不傳。平地放開縛虎手。等閑迸出攔胸拳。獨步邪見林。高據魔王殿。說欺凡罔聖。禪現夜叉羅刹面。掀翻巨嶽。徹底放憨。打破牢關。突出難辨阿呵。呵見也麼。到江吳地。盡隔岸。越山多。

畫也錯讀也錯。不識蜺子。策籬喚作普化木鐸。而今要且頭不是頭。脚不是脚。恐人無信。立此爲約。

開荆棘林。塞人天路。把斷綱宗。闊行大步。風高雲靜。月眉橫。直向金輪水。際行到家。無刺地。日出事還生。斷滅佛種。破除家計。不是別人。楊岐五世。禪道耳邊。風佛法眼中。竊問渠將底爲人。尙有隨身赤契。大地一渾身。虛空絕四隣。不識栢樹子。喚作麻三斤。好時十分瀟灑。惡時一味蒼直。等閑牽犁上佛殿。乘興鉢盂裏走馬。平地撒屎撒尿。知佗是真是假。禪人描邈將來。大虫頭上火把。

祝髮何早。聞道何晚。出林猛虎。靠山當路。毒蛇開眼。重不重漏洩。擬不擬便著。借問呂望六韜。何似黃公。

三略

把定放開全在你和泥合水。更由誰大地簇成三事。袈虛空迸出兩條眉。絕忌諱猛提撕。驚回春夢。破倒跨鐵牛歸。

按輪王劒。全生殺機。豁開正眼。當頭者誰從來無忌諱。底事沒商量。趙州密意憑誰訴。鐵作心肝也斷腸。冷笑德山熱謾臨濟。頭重尾輕。盤鳴尿沸。明侍者透天機。八十翁翁巧畫眉。掀翻師子窟。倒跨瞎驢兒。風高雲澹。露令煙清。坐松下石。聽松上聲。聞知見覺。沒干涉。暑往寒來。無處雪入臂。那吒顙面看。七星利劒和聲截。

畫出不堪棄。智雜毒讚之。不是獸身桎梏。一十三處坐道場。二時粥飯。何曾足。日裏夜行。投明暗宿。透過荆棘林。瞎却醯羅眼。拈起破砂盆。放下漏燈盞。獨有周書記。全機識得渠。好笑雲黃傳。大士也曾赤脚禮文殊。

靠倒雲門抽顧鑒。挨開臨濟主賓禪。一星倪血化驢乳。半點鸞膠續斷絃。淳侍者脫機緣。波斯拾得招文。

袋月裏麒麟笑揭天

市地普天銀山鐵壁正令全提虛空削跡月眉橫照
用分星流電掣透龍門向道瞎驢無忌諱脚尖趨出
舊乾坤

不參鼻祖禪不使冬瓜印倒拈定命索單提不犯令
天堂地獄莫能收佛界魔宮任意遊因尋清水開誤
入赤城州

雖有兩條眉不識一箇字露柱未懷胎面目却相似
說心說性來與三斤麻撒屎撒屎演出一大事阿呵
呵見也麼江南生皂樹江北出天羅

橫按拄杖坐盤陀石鼻孔遼天眼睛突出澹煙籠古
樹缺月挂藤蘿分付俊禪者勘破老頭陀

列列挈挈礮礮聲聲廓然無聖平地喫交鼻孔生三
竅眉毛只一般奇哉王道士頭戴樺皮冠

面目可憎語言無味放箸忘恩停盃斷義參得些兒
小玉禪幾回賣弄帝王前圓悟室中遭毒手爲人
揮起迸心拳

飄飄蕭蕭松百赤突突兀兀雲半肩放□□□□

調剛被時人喚作禪

松形鶴骨底村僧鬼妬人嫌我亦憎懸羊賣狗隨時
遣栗棘金圈任跳吞忽然拶著東弗于逮騎驢喫撲
烹地拓開北鬱單越海湧波騰淮山兩踞撥火求冰
問渠西祖之道何曾□□□□

幸自十分畫出一半我便是渠略無思算無思算處
妙難傳忿怒那吒喫痛拳道不是道禪不是禪星馳
電掣漢語胡言烹地揭起腦蓋依前舌拄梵天咄是
甚麼面目可憐只有些兒栗棘金圈盡底分付常山

林泉

倒數一二三翻成四五六踞斷獨木橋唱起雲門曲
急似箭直如弦列祖不知何處去瞎驢依舊痛加鞭
住飛來峯飲冷泉水倒用逆施拈頭作尾十字街頭
擊鼓五天印土喫茶南北東西若稻麻饅頭些子意
驗盡當行家

普證作此像是相故非真虛空無背面露柱倒生根
傍提正按低叉手獨撥單提高打躬佛魔削跡凡聖
泯蹤雨過雲山空漠漠日高花影亂重重

道出古今法超聞見。雨驟雲馳。星移斗轉。夢魂歷盡。百城餘覺。後端知一物無打鼓。看來君不見。拈花笑殺老臊胡。

師子哮吼。象王回旋。左顧右盼。七穴八穿。平地。和聲便拶。等閑。教跳上天。築著梵王香案。然後退身。歸本位。叉手而立。自云。法微伏候。台旨未敢自專。入魔王隊。住邪見林。修菩薩行。現夜叉心。舌頭拖地。有誰識。鼻孔。遼天無處尋。

大道廓然。真空泯跡。金裏淘砂。玉中辨石。衲僧用處。脫羅籠。熨斗煎茶。銚不同一。聲。師子吼。徧界絕狐蹤。到處說禪。說道爲人。入水入泥。半生出來。住院一。斷送頭皮。讚也得。毀也得。臨濟便是。白拈賊。賊也。只當甚乾羅蔔。

爲月堂和尚入壙

顧鑑全抽。妙莫傳星。移斗轉。直如絃。昨宵舞罷雲門曲。回首韶光二月天。圓寂淨慈方丈。月堂禪師和尚。早依圓悟。晚謁雪峯。挂古帆於大目谿頭。透清波於妙湛海底。果膺

詔旨。偏坐名藍。截鐵斬釘。咬薑呷醋。五十年弘持妙道。曲借傍提。一平生建立法幢。單拈獨掇。時節既至。得路便行。佛祖慧命。如塗足油。雲門正宗。如拆轆線。衲子英標。零落大道。破碎無聞。嗚呼泰山。其顛哲人。其萎昏衢。暗暝衆生。無依只而今。虎踞龍蟠。猿啼鶴怨。玉埋黃壤。名煥丹青。卽不無敢問大衆。作麼生是月堂老人。不露風骨底。句莫是諸行無常。是生滅法。生滅滅已。寂滅爲樂。麼錯錯畢。竟如何。以拄杖擊香卓一下。云。地戶牢關。銀浪淨。天鑪不放。火雲飛。苔封古路。星河暗。拾得寒山。知不知。

爲了禪人秉炬

冷露滴禪衣。朔風敗殘葉。撒手那邊行。舉步頓超越。觸目是菩提。衲僧眼中屑。火後一莖茅。有口無處雪。唯有了禪人。深明箇時節。無明山當下。便摧人我擔。卽時拗折。歸去來兮。生死不相關。亘古今。兮離微俱不涉。一句子。是真語者。實語者。不誑語者。不異語者。諦聽諦聽。豎起火把。云。諸法從緣生。緣離法卽滅。我師大沙門。常作如是說。

爲老隆上座秉炬

四山無路隨佗去。一點有依終始疑。滯水遇風波浪起。老隆還有轉身時。老隆首座既解轉身爲甚不能吐霧。大衆忽若被佗與雲吐霧。時諸人向甚麼處回互。咄咄蠱毒之鄉。水莫管謹家之門。禍不入而今要見隆首座轉身處。麼麒麟墮地露橛。索泥牛耕破夕陽春。

爲密上座秉炬

袁州密禪人去住知時節。春仲麥秋寒。學步頓超越。不作靈雲見。桃花眼中屑。六用既不成。萬機俱透徹。依依岸柳翠。如眉片片梨。衣飛似雪。密禪人正當恁麼時。如何紅霞散彩。月沈輝。金毛跳出驪龍穴。

爲曹印錄秉炬

四十年來曹印錄。大夢如何竟不還。去住拂開名利眼。死生超脫是非關。嗚呼秋風吹落葉。秋露滴芙蓉。撒手歸去來。是身非我。有方寸中初無過犯。筆端下豈有異同。而今與你諸人。一一依法施行。遮公案。須是山僧明明結絕火把子。只今在我手裏。且作麼生。

結絕輝騰紅。談連霄漢照。徹本來清淨。身在處莊嚴。隨處樂。遮回不怕長官嗔。

爲陳宣教除靈

自古聖賢歸寂滅。由來三昧本無聲。皇天若欲與儒釋。何喪斯文太早生。陳宣教還相記得麼。譬如動目能搖湛水。是知動靜不以像而像。去來不以形而形。是相非相。是真非真。紅霞散彩。青山綠水。必僧繇畫得成。既畫不成。且道此箇面目。從甚處得來。良久云。撒手那邊千聖外。更無一法可相呈。

李賢良爲小賢良周周官人入骨

黑豆生芽金鼎活。靈苗挺秀又還萎。青山不鎖來時路。回首還尋舊隱歸。李賢良門下小賢良。周周官人來時。怎麼來。聖智安可辨。去時怎麼去。佛眼莫能窺。白骨迎歸無縫塔。黃花翠竹滿巖溪。江月照兮松風吹。楚天空闊去何之一。句子爲提撕。諦聽諦聽。周周官人還聞麼。豁關闢後。透關眼看。取紅爐片雪飛。

佛海禪師語錄卷四終

◆云本錄第
二卷中乾道
七年正月二
十日奏對文
之次(四百六
十七紙左七
段十三行)一
本有一錄
故附補茲

佛海老人平日說法若雷霆驚蟄戶咸啓凡聞
見者不言而知其於臨濟正統寧無耿光耶俊上
人緣檀者心槩版流通俾道能校定念昔樞衣
丈席義不可嗣故爲編次焉覽者當於佛祖未出
世時著一隻眼則此錄不贅矣
淳熙丙申中秋前住紫籙法妖 道能 謹書

特賜佛海禪師住靈隱 奏對語錄

侍者臣僧 謹錄上 進

乾道七年三月七日有

旨八日午時候

駕過 德壽宮回令靈隱徑山長老同入

選德殿引 見師奏云臣正月三十日業

陛下宣 對薙觀

天顯二月七日蒙 賜香茶上荷

聖恩下情激切之至 上賜坐遂謝 恩就坐 上

曰靈隱徑山皆大利每令臣僚擇人住持師奏云荷

陛下無忘靈山付囑不以形服見棄林下之人何以

仰報 上曰去秋水潦今歲何如師奏云臘雪應期
必有豐年之兆 上曰朕極憂民間荒歉師奏云臣
亦憂春間細民艱食賴

陛下聖德所感今二麥將熟米價稍平中外得人已
行賑濟但得一飽則農務有緒皆 陛下生成之賜

上曰秋間更得一熟民間稍甦師奏云

陛下以百姓心而爲心 聖慮既堅必歸心念 上

曰昔聞黃彥節舉古頌云心隨萬境轉轉處實能幽

因得受用以虛心應物徑山云虛明自照不勞心力

師奏云此乃三祖大師信心銘正爲有所證悟者說

上曰如何師奏云至道無難唯嫌揀擇但莫憎愛洞

然明白毫釐有差天地懸隔 上喜甚師奏云容臣

錄一本并鐵舌庵錄前後奏 對錄上 進 上曰

甚好又問一口吸盡西江水利會未得師奏云理會

不得無義路處直下便是 上曰更數年須可曉師


奏云但於一刹那間以悟爲則奏 對既久乃云臣

恐勞

聖聽謝 恩下 殿

東山慧空禪師語錄

宋
•
慧 雪
峰 慧
弼 空
編 撰



東山和尚道高一世。俯視諸方。平居面目嚴冷。學者不可得而親近。或遭喝罵而出。此真善知識慈悲。昇臂護侍其藥。誨臨寂之時。以其親刪語錄。相受。皆斟酌古今。發揚蘊奧。禪衲竟編焉。成馬念欲鏤。正以廣其傳。今始符所願。亦季子掛劍之義矣。於戲。真正法眼。不類常流。大慧老人。每以東山爲稱。今信道者。咸生敬仰。乃知南陽之鐘。不待扣而鳴也。

皆淳熙戊戌季冬朔日住雪峯此丘慧昇拜序

福州雪峯東山和尚語錄

門人 慧弱 編

師既受請。秀峯和尚引座。竟師乃登座。僧問和尚未見草堂時如何。師云江南有。僧問見草堂後如何。

師云江北。

無謝詞不錄

師乃云俊快。底點著便行。

癡鈍底推挽不動。便行則人人懽喜。不動則箇箇生嫌。山僧而今轉此癡鈍爲俊快去也。

彈指從前推挽

不出而今出。從前有院不肯住。而今住。從前嫌佛不做。而今做。從前嫌法不說。而今說出。不住不住。即

且置。敢問諸人。做底是甚麼。佛空王佛耶。然燈佛耶。釋迦佛耶。彌勒佛耶。說底又是甚麼。法根本法耶。無生法耶。世間法耶。出世間法耶。衆中莫有道得底麼。若道得。山僧出世事畢。如或未然。逢人不得錯舉。喝一喝下座。

秀峯辭衆上堂。雲凝石室。本無舒卷之心。豆爆寒灰。遂有去留之異。尋常交肩粥飯。處眼見鼻孔。夜半轉身通氣時。箭過新羅南北兩山。風流二老兄。呼弟應響。順聲和。又說甚麼。箭過新羅箇中端的。意能有幾人知。

入院指方丈云。從上佛祖到這裏。只得乞命。天下衲僧到這裏。不敢喘氣。且道這裏是甚麼所在。喝一喝。雪峯方丈也不識。

陞座拈香祝。聖罷。僧問。遠離秀嶺之禪刹。來登雪峯之道場。如何是不動尊。師云。夜行步步踏明月。

僧云。與麼則半千年觀吳人出。百萬天飛花雨來。師云。千年萬歲雪峯山。僧云。作家宗師。天然猶在。師云。三十年後。未有棒到你。良久云。大衆會麼。

孤峯象骨土主松山溟鵬九萬遼鶴三千留香舊客
垂老再來真覺輶毬立沙斫牌南泉賣身趙州還債
南山鱉鼻蛇頭匾似扇擬則傷人其毒無藥新長老
口似乞兒席袋和底一時翻出更不囊藏覆蓋以此
辭聖人則天長地久以此祝賢師則伊尹周公以此
安樂生民則時清歲稔以此播揚大教則蓋天蓋地
乃呵呵大笑云空上座纔入門來早是口裏水漉漉
地後五日堪作甚麼喝一喝下座

當晚小參僧問記得和尚早晨示衆云從前推說不
出而今爲甚麼却出 師云閏年春色晚 僧云從
前有院不住而今爲甚麼却住 師云六月黃河連
底凍 僧云從前嫌佛不做而今爲甚麼却做 師
云披毛戴角有甚麼難 僧云從前嫌法不說而今
爲甚麼却說 師云嚴冬鐵樹自開花 僧云將謂
春歸無覓處誰知轉向此間來 師云訝郎當漢又
與麼去 師乃召大衆云許多日中爲諸人抑逼得
來直是覓箇死處不可得記得釋迦老子三七日中
思惟曰我寧不說法疾入於涅槃似這老子不唧噥

尙乃如是又爭惟得空上座當其雪峯命下之日若
有箇牙如劍樹口似血盆底衲僧把一條白棒向丁
山頂額上立却待雪峯專使一行人到來一喝喝住
你待向甚麼處去八州管內不是無長老你隔山隔嶺
過來覓箇甚麼奪將疏帖盡情拋向萬仞崖下亂棒
一時打回去却歸披秀堂中山僧大展坐具禮伊九
拜尊之爲師而今既無如是手段山僧不免披毛戴
角是非海裏橫身入豺虎羣中自在行去也喝一喝
下座

上堂僧問擊將頽之法鼓振已墜之玄綱法鼓既鳴
玄綱已振未審鼓聲中還有奇特事也無 師云有
僧云如何是奇特事 師云楊岐見慈明 僧云
學人未曉乞師再指 師云雲菴參積翠 僧云只
如禾山四打鼓一衆皆悟未審與和尚鳴鼓是同是
別 師云你還悟也未 僧云學人悟也 師云誰
你屋裏老爺 師乃云好大衆得與麼省要得與麼
成現所以古人云汝千百人中若有一人大肯去山
僧作驢驘物供養他有甚麼罪過古人不妨好心要

且揀僧布施。擇佛燒香。我觀此會千百人。無一人不是大肯去底。所以自秀峯受了府命。即時披這毛衣。馳所供養。徑入山來。入山則不無。且道所馳底。是甚麼物。又作麼生供養。還有見得底麼。良久云。晨朝有粥齋時。飯日日香。花夜夜燈。

謝新兩序。上堂。山僧纔到雪嶺。打就無底鉢。船使入真覺海中。運載情與無情。教伊不住此岸。不滯彼岸。不居中流。一箇箇出來。似箇箇僧去。文殊把箇立其頭。普賢把桮正其尾。千手眼菩薩兩旁搖櫓。不退轉菩薩看風使帆。山僧只知洗脚上船。日中一飯。夜中一宿。煙消日出。天地寬欸。乃一聲山水綠。好大哥。到東禪陞座。問話畢。師云。山龜有殼。自謂畢生安樂。於泥塗衆手攻之。蓋是豐干饒舌。於其始致。使藏頭露尾。藏尾露頭。左回右避。皆莫能得。一朝忽地。慙慙和殼一時趯脫。淨保保地。把箇窮性命。子盡情拋在衆人前。又却無一星事。乃呵呵大笑云。莫道無事好。自出山。便安排一段禪。要來東寺對大禪師。與諸者舊東道。西說數日。參州人事。袞袞今日到來。捫摸胸

中一語

中一字也。記不得。更說甚三關五關。只這一關。也不消得。他日望州亭。烏石嶺。薦剎相逢。莫道而今放過。李侍郎以小雲菴請師不出。東禪有願寄師云。山龜有殼。藏頭尾七十二鑽。爭奈何云云。上堂。舉真覺一日問。備頭陀。何不遍參去。備云。達磨不來東土。二祖不往西天。真覺肯之。師舉了。呵呵大笑云。後來叢林中。盡謂此語奇特。殊不知這老漢。至今塔下坐堆堆地。只爲當時恁麼。如今若有人道。達磨不來東土。二祖不往西天。直是喫棒。越出何故。當時肯之。而今却打。越出院具。眼者辨取。結夏小參。百川異流。同歸於海。萬區分義。總成手實。所以十方雲水。共夏雪山。其間有已證未證。有義學玄學。莫不皆是以大圓覺爲我。伽藍身心安居。無離無壞。乃喝一喝云。且道這一喝。是作一喝。用是不作一喝。用是探竿影草。是金剛王寶劍。是踞地師子。未具透關眼者。莫道不疑好。叙辭畢乃云。古者道未徹底。人參句不如參意。既徹底人得意。不如得句。古人與麼曲。爲今時不風流。處亦自風流。汝輩後生。家入衆參禪。切在子細。不得掠虎第一須得悟。既悟。須要行。

既行須要徹。既徹方且似箇衲僧。不爲分外山僧百醜千拙。口吻稚鈍。別無新鮮語句。攢花簇錦。四六八六。與諸兄弟。啞啖。只是一口靈鋒寶劍。但有來者。不消一刺。且作麼生。入得雪峯門。喝一喝下座。

結夏上堂。少室九年守株待兔。神光三拜緣木求魚。馬祖卽心是佛。劈頭便錯。盤山非心非佛。末後猶乖。臨濟入門便喝。可煞著忙。德山入門便棒。未遇作家。趙州關子。強生節目。潞山水牯。慙惶殺人。雲門顧鑒。也是尋常。雪峯輓毬。至今未了。皆是從上不得勦絕。致使後來。爲之帶累。而今雪峯門下。莫有迥超今古。絕類離倫底麼。向結夏十五日道將一句來。直饒道得。也是河裏失錢。河裏攏喝。一喝下座。

安撫龍學侍郎齋僧請上堂。僧問。昔日李相國訪藥山。問如何。是道山云。雲在青天水在鉢。此理如何。師云。薰風自南來。僧云。猶來一句無多子。作略還他老作家。師云。草木生光輝。僧云。只如相國道鉢得。身形似鶴形。千株松下兩函經。我來問道無餘說。雲在青天水在鉢。又作麼生。師云。一字入公門。

九牛拽不出。僧云。直得千載英風動寰宇。至今流落在叢林。師云。側身穿市過。仰面看天行。僧云。可謂好風來不盡。真照用無窮。師云。眞箇乃云。羣靈一源名之曰佛。輝騰今古。迥絕見知。圓滿十虛。寧有方所迷之。則迷作衆生。悟之則悟成諸佛。生佛似有差殊。此箇本無增減。在天而天。處人而人。在比丘則比丘。中尊在居士則居士。中尊在婦女則婦女。中尊在宰官則宰官。中尊隨其所在。悉皆尊上。乃舉起拂子云。而今在山僧拂子頭上。又喚作甚麼。這裏荷負得去。衲僧面前。切忌拈出。且道衲僧家別有甚麼長處。記得楊億侍郎問廣惠云。承和尚有言。一切罪業皆因財寶所生。勸人疎於財寶。而況南閩浮提衆生。以財爲命。邦國以財衆人教中有財法二施。何得勸人疎於財寶。惠曰。幡竿尖上。鎮龍頭。侍郎云。海墮馬子。似驢大惠曰。楚雞不是丹山鳳。侍郎云。佛滅二千年。比丘少慙愧。大衆你禪和家。尋常問著口似紡車。還知此二人落處麼。今日不惜眉毛。因齋慶讚。向你諸人道。雪峯是張侍郎。請三十年後。不得錯舉。

施主散經。謂上堂是法。不可示言辭相寂滅。釋迦老子向這裏轉得一步。便向靈山會上四十九年。演出一大藏教。彌滿龍宮。海藏流布天上人間。達磨大師向這裏著得一隻眼。便解從南天竺國十萬里。得得而來。少林面壁九年。單傳心印。不立文字。天下老和尚向這裏出得一頭地。便解向曲木繩床上。播揚大教。流出胸襟。蓋天蓋地。三段不同。今當第一。乃豎起拄杖云。一時穿却卓一下云。甚處去也。叙辭畢乃云。生死若是有從古至今。無人能免。生死若是無從古至今。無人能免。生死若是亦有亦無。非有非無。悉皆無有免者。既然如是。又且如何。免得只有箇悟之一字。除此無門。除此無路。你諸人而今。忽若立地悟去。莫道生死。以至十方虚空。悉皆消殞。只恐你根思遲回。未能瞥脫。山僧與你說箇喻子。喻如人睡著身在床上。安穩自在。無端忽於夢中。見有毒蛇猛虎。競來吞噉中心。怕怖惶惶。走正當。馳走之處。忽然眼開。生死之法。亦復如是。忽有箇禪僧出來。道大小雪峯長老受施主。如此供養。却向法座上。只說得一箇夢。乃

●飯畢

呵呵大笑云。元來癡人面前。不得說夢。東禪和尚到上堂。大眾善知識者。如天甘露。或但聞名而不得飲。善知識者。如旱時雨。或但渴望。不蒙其澤。善知識者。如金剛王寶劍。若有見者。偷心永斷。善知識者。如當門師子。若有見者。疑心永息。今者山門多幸。伏承東禪堂上和尙大禪師。象駕見臨。山僧與此一衆。如飯飲甘露。渴得甘雨。而況禪師某之故人。三十年江湖上叢林。戶知不在。更說只有一事。須當對衆說破。此者置千五百斤鐵枷於山僧項上。乃是此老下毒手。夜來方丈內種種。攔存種種。誨諭。又似大斧斫了手。摩挲而今。只得歡喜。忍受下座。卽與知事大眾。同伸拜請。登于此座。使現前一衆。知臨濟金剛王汾陽當門師子。列聖鈴鎚。佛祖命脉。到今不斷。祖忌上堂。老子參禪。太辛苦。九上洞山三投子。德山棒下桶底脫。鰲山店頭用不著。自從成道至于今。鼈鼻傷人毒無藥。毒無藥。賴是當時欠一著。且道欠那一著。今日開山真覺和尚忌晨。山門截日計口之後。凡事不如昔。山僧不免將無作。有且要不墜家聲。以

百億四天下爲一壇場。以百億須彌山爲一盤酸餡。以百億四天下爲一杯飡飢。以百億日月爲一筵燈。燭雖然供養微薄。且是不從外求。遽起身作女人拜云。卽萬福莫怪空疎。

上堂。雪峯五月五日。不假神符妙術。只有頂門一錐。乃卓主丈云。鍊佛也須汗出。

施主請普說師云。說則不曾。普則不說。若有所說。終非普說。冰窟開花。炎天落雪。明眼高流。須善時節。且道而今是甚麼時節。莫是黃昏戌麼。莫是燈燭交輝人天普集麼。若與麼違時失候。不少今夜三信女請普說爲其大夫人壽。記得闔王問壽山禪師云。壽山年多少。山云。與虛空同壽。王云。虛空年多少。山云。與壽山同壽。師云。壽山不妨奇特。要且年高倒耄。奴郎不辨玉石不分。只知與虛空同壽。殊不知虛空更是兒孫。

靈溪請上堂。三世諸佛向這裏出頭。不得一大藏教。著一字不得。天下老師口向這裏百雜碎。此真覺和尚三百年前說底法。直至于今不移毫髮。雖然如是。

真覺只解把住不解放。行山僧今日因靈溪開經設齋。放一線道。從教一切處光明燦爛。去乃豎起主丈云。三世諸佛向這裏坐。寶蓮華成等正覺。說法度人。一大藏教向這裏字義炳然。言言見諦。不勞翻譯。天下老師口向這裏多說少說。縱橫十字。說了無剩法。乃呵呵大笑云。嘉州大像。聞與麼說話。忽變作嬌尸。迦把將南閻浮提東弗于逮西瞿耶尼北鬱單越東作一枝筆。向太虛空中大書七字云。毗盧法寶大經。魯世間有眼者。看不見。有口者。誦不出。獨有雪峯山中一千五百衲子。一箇箇見得誦得。若信不及。山僧更與你重說。偈言上大人丘乙巳。化三千七十七。爾小生八九子。佳作仁。可知禮也。卓主丈下座。靈溪請普說師云。山僧許多日。中鳴鼓上堂。小參普說。你看山僧口中舌在麼。乃大開口云。在麼。若道在也。鼓弄人家男女未有了。日若道爛也。鼓弄人家男女未有了。日山僧而今別也。你諸人今夜須別作箇眼目。始得雖然如是。多處添些子。少處減些子。總不見得記得。汾陽和尚有四轉語。如何是接初機句。你

是行脚僧。如何是驗衲僧句。西方日出。卯如何是正令行。句千里持來呈舊面。如何是立乾坤。句北俱盧洲長粳米食者無貪。亦無嗔。汾陽自謂將此四轉語。驗天下衲僧。大愚云。將此四轉語。被天下衲僧勘破。大眾有是。父必有是。子山僧今夜亦有四轉語。如何是接初機。句金剛杵打鉢山摧。如何是驗衲僧句。岳陽船子洞庭波。如何是正令行。句夜叉屈膝眼睛黑。如何是立乾坤。句經來白馬寺。僧至赤烏年。山僧這四轉語。一轉語賓中有主。一轉語主中有賓。一轉語賓中常賓。一轉語主中常主。而今衆中莫有分得出底麼。靈溪今夜末後殷懃。此四轉語。若分未得。且留與靈溪送路。逗到明朝後。日船到瓜山岸下。院中兄弟山前。檀越竟來問訊。未審大師作麼生舉。還學得麼。良久云。但道我親到雪峯來。

聖節上堂。大眾還相委麼。此是普光明殿蓮華師子之座。人天普集。凡聖交參。所說之法。臣僧今日幸遇天申聖節。不敢秘藏。盡情舉唱。直得如天普覆。似地普擎。窮古今亘萬世。而不移消劫石空芥城而

無盡。以此仰祝。皇帝壽山堅固。如不動妙高之山。福海汪洋。等甚深功德之海。溢目風光。彌法界祥雲。瑞氣樂昇平。

小參二百年前。風穴和尚於選佛場中。曾立箇策問。至今未有人答得。我此一衆盡是選佛底。俊流一操。直取狀元山僧。今夜不免向糞掃堆頭。斬新拈出。與汝諸人答看。參學眼目。臨機直須大用。現前勿自拘於小節。設使言前薦得。猶是滯殼迷封。縱然句下。精通未免。觸途狂見。汝等諸人。應是從前學解。明昧兩歧。如今爲汝一時掃却。直須箇箇如師子兒。吒沙地哮吼一聲。壁立千仞。誰敢正眼覷著。覷著卽瞎却渠眼。此是風穴和尚與麼道。而今莫有吒沙地底師子兒麼。試出來哮吼一聲。不見道驚羣之句。須向驚羣處舉揚奇特之事。須向奇特人拈出。平生慶快。只在如今。過後思賢。不爲英俊有麼。如無山僧老大衰颯。不免作少年調度。與你諸人代筆去也。薦拈主丈劃一劃。乃橫按喝一喝云。風穴老漢。合喫三十痛棒。歡晴。貶向二鍾圍山。自餘釋迦元和。佛陀是甚麼。

碗。躡丘擲主丈下座。

上堂。千五百衆雪山住。無麵軟餅。裹露柱。橫咬豎咬。飽便休。莫倚他門。傍他戶。以拂子擊繩床下座。

上堂。月生一上下。四維無等匹月生。二須彌拽脫虛空鼻。月生三。明正爲南方。盡南乃拈起主丈云。善財童子來也。卓一下云。元來却是觀世音菩薩。

施主請上堂。三世諸佛同此一音。演出一大藏教。一大藏教。不用箇元字脚。出生三世諸佛。經卽諸佛。諸佛卽經。無二無二分。無別無斷。故乃拈起主丈云。這箇是山僧主丈子。佛之與經。在甚麼處。卓一下云。大啓毗盧樓閣門。亞豎摩醯頂門眼。乃舉僧問。臨濟和尚如何是三眼國土。濟云。我與汝入淨妙國土。著清淨衣。說法身佛。入無差別國土。著無差別衣。說報身佛。入解脫國土。著光明衣。說化身佛。大衆臨濟小厮兒。分身法報化。著却三種衣。至今脫不下。山僧今日不著三種衣。不說三身佛。只以信女所施法衣搭在肩上。如法而說。汝等諸人亦當如法而聽。乃拈起袈裟角。普示大衆。良久云。須是金色頭陀始得。

今讀經

南臺道友請小參。見聞如幻翳。三界若空花。聞復翳根除。塵消覺圓淨。乃拈起主丈云。見麼。卓一下云。聞麼。既有見有聞。則如幻如翳。作麼生得聞復翳根除。塵消覺圓淨去。饒你淨極光通達。寂照含虛空。却來觀世間。猶如夢中事。到雪峯門下。沙彌童行堂中。未到著你。在不見真覺和尚。示衆云。望州亭與汝相見了也。烏石嶺與汝相見了也。僧堂前與汝相見了也。大衆古人三處待人。不爲不厚。其奈禮煩卽亂。水煩卽濃。山僧不然。但有來者。現成以一座雪峯山待之。忽若把得便坐。斷佛祖出頭不得也。許伊具一隻眼。忽若把得便行。到處裏流通將去也。許伊具一隻眼。更有一隻眼。留待諸人。後次入山。別有理論久立。祈雨上堂。拈起主丈云。主丈子。黑似漆。不用時。唯靠壁用著時。甚生力。日月合其明。天地合其德。積陰爲之。暘亢陽爲之。澤而今是亢陽。須雨之時。主丈子。惺惺著。乃卓一下云。向道是龍剛。不信待與雷雨始知驚。

病僧請小參。兼謝護國禪師。堪笑堪嗟。可悲可喜。板。

齒生毛。糊。獬沒尾。盡大地如許廣闊。竟箇舉話底人。也難得。莫道會禪。今者八州管内。只有護國老較些。子山僧頃年。甌阜疎山。眉毛相結。是時已輸其先。而今象骨丹山。鼻孔相拄。又落其後。是伊何曾動著一步。山僧用盡氣力。終趕不上你諸人。且道病在甚麼處。今晨本擬請此老爲諸人。點出這病痛。蓋爲法座粧嚴未畢。況此老是架五鳳樓。手段別處。願放他不得不比雪峯上大人禪到處裏得說便說。所以前日室中問兄弟。你還會上大人麼。祇對者甚多。悟明者極少。理既多。途禪尤多。病有般。隨語生解。阿師便道丘乙巳。或道可知。禮也。或一向道不會。或一向高禪將去。如此之類。皆病非法。山僧今夜因病。僧請說法。與汝諸人。一一拈出。佛病。祖病。心病。禪病。奇特病。平實病。依他病。獨脫病。八苦交煎。四百四病。八萬四千塵勞煩惱之病。乃卓主丈一下云。向這裏一時百雜碎諸病。既除不妨快活。且道那箇是法。而今莫有道德底麼。如無還我上大人來。

請護國上堂。今朝七月初一。寶蓋新粧。法座新漆。二

者既新。須得大手段。震大法。雷。大法。雨。方顯此座之高廣。雪峯只是萬百年陳故上大人禪。且與諸人作箇定場。別更有賽大眾正宗。難續正法。難聞正士。難見正道。難行而今。要行正道。見正士。聞正法。續正宗。下座同伸拜。請護國澹菴和尚。陞于此座。使現前一衆咸知。黃龍草堂正法眼藏。向這瞎驢邊滅上堂。舉真覺和尚道。枯木藏龍。雷動必驚。驚者。少不驚者。多大衆真覺好。龍要且爪牙未備。頭角不全。何故若是爪牙備。頭角全。終不肯向多多少少處計較。山僧不然。枯木藏龍。雷動必驚。乃卓主丈一下云。驚者。雲騰致雨。不驚者。露結爲霜。

上堂。舉僧問睦州和尚。以一重去。一重卽不問。不以一重去。一重時如何。州云。昨日栽茄子。今日種冬瓜。好諸兄弟。只是未有人承當。後來叢林中。或作卽事。卽真會。却或作時節。因緣商量。却孤負先聖埋沒已靈而今。雪峯山中。參禪會。便會切不得妄有主張。昨日栽茄子。今日種冬瓜。作麼生。若也會去。前此相煩亮禪乞茄。歸來未曾陳謝。若也不會妙湛和尚。忌晨

正當今日

解夏小參兄弟時光易失。刹那刹那。念念念一時。一時。一日。一日。直至九十日。爲一夏。汝等後生家。九十日中。出入息。內過却幾恒河。明朝又是解夏也。今夜鳴鐘。擊鼓。聚集少時。已證入。未證入。已諦當。未諦當。今者幸遇我空王。如來垂慈。咸放十字街頭。廖胡子。聞與麼道。醉夢中打兩個筋斗。起來連叫數聲。快活快活。雪嶺泥牛。出海方山鼻孔。遼天引得豬肉。按頭鄧屠魚。行內李媪。說禪說道。眼空四海。闔老子鋪席。頓然蕭索。冷地裏。怒得領腮下。癢大如斗。山僧主丈子。却呵呵大笑道。你這一隊窮鬼子。且莫空自歡喜。妄自煩惱。須知道。江南兩浙。春寒秋熱。喝一喝。卓主丈下座。

上堂。雪峯山中。解夏三門開放。兩邊去底。觀音勢至。來底。文殊普賢。問訊。問訊。文殊普賢。珍重。珍重。觀音勢至。是你這一火子。老老大來來去去。有甚了期。來底。且與老僧做街坊。去底。且與老僧做化主。何故。來底去底。總不放過會麼。扶豎天下大叢林。須是這

般菩薩子好大哥

小參今夜是幹楞嚴會。四人兄弟。請小參。不免因風吹火。散夏三日也。諸兄弟。深山裏。秋來轉見寂寞。山僧而今發心。作个主人。管領你諸兄弟些小。又不得。不如每人與你一座雪峯山。去只如許多人。一箇雪峯山。又如何分得。徧會麼。但辨肯心。管取具足。今日雪峯不比往時兄弟。若不是有力量人。大家出手。扶持立見。厨寒無煙。鐘魚不鳴。空上座。雖然住院。只是箇禪和子。去住尋常。其奈先聖道場。要人整頓。不是小事。你輩兄弟。當此時節。如同船遇風。胡越可使爲左右手。況祖師門下。客自家裏人。其忍坐視。恬不爲意。大丈夫。勇於爲義。大家出來。一似夏內大佛殿。上。諷楞嚴。呪相似。異口同聲。吼一上。無見頂相。無爲心。佛應念現前。呪道圓成。又如鋸火。一般火無定位。但不緩慢。不中輟。則火事現前。做化主。亦復如是。他州異縣。各不相識。只當人辨一片眞實心。從之者。沛然如水。就下。則化道成。辨兄弟。諷呪要進前。鋸火要著力。化主要發心。且道。踞師子床。坐在衆人前底。又

要个甚麼。你兄弟今夜這裏立地。忽若一時悟去。山僧磨墨與你寫疏。

上堂。雪峯一說。應時應節。赫日炎天。紛紛雨雪。是何之說。稱鎚是鍊。

西禪懶菴和尚遺書至上堂。石霜山中獨虎。生得三脚驢兒。走過萍實。楚江。踢倒湖南長老。由是子子孫孫。承承繼繼。吞底是栗。棘蓬透底。是金剛圈。西禪懶菴和尚楊岐遠孫。妙喜長子。三恢法席一味。是懶宗風。益振佛日。彌光今者。法門不幸。遽爾真歸。真即不無。且道。懶作何面目。若見不得下座。更往靈前燒香作禮。教這懶菴老子。無著懶處。

送南泉入菴上堂。容吞舟之鱗。必有滔天之水。起摩霄之翼。須得持世之風。南泉慈覺大禪師。佛海吞舟之鱗。祖天摩霄之翼。今者自忘其大。來入雪山。雪山既無滔天之水。又無持世之風。將容之則無所欲起之。則無力幸而去。此善法堂不遠有臥雲老人。舊隱之東菴。伏望禪師不忘祖。暫此韜藏。然雖如是。空上座終是疑著何故。只恐藏之藏不得。

上堂。守住本覺。無繩自縛。解得他去。猶隔西天。快人一言。快馬一鞭。而今有箇人。得仲秋。漸涼山僧。敢保伊應時納祐。喝一喝下座。

上堂。拈主丈云。寒山舞拾得笑。豐干一曲無羌調。囉囉哩哩哩。囉近。日秋林落葉多。卓一卓下座。

葉尚書宅請上堂。以生論死死。無當生之死。以死論生生。無即死之生。生無即死之生。非生也。死無當生之死。非死也。非死非生。圓同大虛。無欠無餘。良由取捨。所以不如。以如今不了。故現在晨昏。千營萬計。個個三界。纏綿死生。見不超色。聞不出聲。是故如來。明見三界之相。無有生。死若退。若出。亦無在世。及滅度者。非實非虛。非如非異。不如三界。見於三界。釋迦老子。與麼說話。大似看窟。竈著木橛。不落生死。底句。要且未曾道著。雪峯今日。於判院朝奉小祥之晨。因風吹火。一要照看。釋迦老子。面皮厚多少。二要顯發。判院朝奉本地風光。三要使其子子孫孫。於無盡大光明藏中。受用無盡。乃以拂子於空中點一點云。還相委悉麼。三要印開朱點。窄不容擬議。主賓分以拂子。

擊繩床下座

大風雨後上堂。臨濟三回喫六十棒。普化兩度。趨倒飯床。定上座。空拳築殺尿床鬼子。周金剛白棒。佛來也打。一似大風雨。鼓蕩直無前。衲僧所得法用處。亦如是。雖然如是。黃潦無源。朝滿夕除。卽不問你衲僧家。金剛眼睛。因甚爛如泥。喝一喝。卓主丈下座。

到幽巖上堂。問答罷。乃噓一聲。自云。作甚麼。雪峯入雷峯來。大似小巫逢大巫。神氣俱盡。神氣旣盡。又將甚麼陞于此座。說如是法。不借主人威光。如何兩得相見。乃取主丈。卓一下云。果然得渠力。泊不入山來。又連卓兩下云。一等是聒譟主人。

出歸上堂。舉雲門和尚示衆云。只這個帶累殺人。雲門尋常氣宇。如王作恁麼說話。大似貧恨一身多。山僧不然。只這個快活殺人。何故大雨方歸屋裏坐。業風吹又遶山行。然雖如是。也是乞兒見小利。不傷物義一句。作麼生道。

上堂。舉世尊於靈山會上拈花示衆。時迦葉尊者破顏微笑。世尊云。吾有正法眼藏。涅槃妙心。分付摩訶。

迦葉大衆。迦葉幸自好眼彩。剛被釋迦老子瞎却。而今莫有迥超先聖。別立玄風。底麼出來。救取迦葉。如無到處。瞎人眼。卒未有了日。

上堂。舉君不見。絕學無爲。閑道人。顧視左右云。在甚麼處。不除妄想。不求眞。喚來與老僧洗脚。無明實性。卽佛性。退後退後。洗脚也不中。幻化空身。卽法身。便喝。永嘉大師頂上三百斤鐵枷。拈了也。如今還有知永嘉落處底麼。如無三十年後。莫道雪峯龍頭蛇尾。上堂。舉保寧和尚示衆云。保寧飯食。纔惡別無精妙品。饌供養諸人。旣到這裏。開單展鉢。須是喫得這無滋味。始得若喫不得。且莫怪大衆保寧先代叢林。早是供養如法。比之雪峯今日。大不干事。你諸人纔入雪峯門。便是墮在那洛伽中。坐臥底是熱鐵床。喫底是熱鐵丸。飲底是熱鐵汁。有甚麼滋味。到你尙自不知。不覺何況保寧無滋味。無滋味有滋味。上方香積無根蒂。莫似將錢買李。只揀赤邊咬臘月三十日怪雪峯不得。

香林寺請上堂。大無外小。無內無外。七處九會。

是聖。是凡。重重無礙。振轉鼻孔。須彌粉碎。乃拈拄杖。豎起云。看看。西天摩竭陀國人。見你雪峯山中禪和子。參禪不易。總來山僧拄杖頭。舞雲韶之曲。供養你諸人。更與你學。悉怛多般怛羅。無上神呪。曰。懷州牛喫不。益州馬腹脹。天下覓醫人。灸猪左膊上。乃呵呵大笑云。將謂摩竭陀國人。元來只是杜順和尚。卓拄杖一下。復舉外道問佛。不問有言。不問無言。世尊據坐。外道讚嘆云。世尊大悲。開我迷雲。令我得入禮拜。而去。阿難問外道。有何所見。禮拜讚嘆而去。世尊云。如世良馬。見鞭影而行。大眾山僧而今也不據坐。良久。亦不大慈大悲。亦不開汝迷雲。還有入得底麼。乃喝一喝云。不可。總作外道見解。上堂。禪家流見也。見得是道也。道得著。語妙。山僧不如。機鋒。山僧不及。既不如。又不及。爲甚。却道他未在不省。這個意。修行徒苦辛。上堂。法法本來法。無法無非法。何於一法中有法。有非法。上是天下。是地。那个是本來法。飢有飯。困有睡。熱則隨處取涼。寒則歸寮向火。何於一法中有法。有

不法。山僧與麼。注解明眼人。應是笑怪。既開這門戶。只要人解笑。今日十月初一。是个寮內。與伊開个火爐子。不敢望你向火。談上轉大法輪。只等你瞌睡時。和鼻孔燒却。方始好笑。喝一喝云。笑个甚麼。上堂。拈起拄杖云。雲門大師道。凡夫實謂之有二乘。辨謂之無緣覺。謂之幻。有菩薩。當體卽空。稱僧見拄杖。但喚作拄杖。行但行。坐但坐。總不得動著。師舉了。乃呵呵大笑云。這個是雲門大師。孩視你天下。稱僧處。既把你與麼。安排著。更教你不得動著。匡耐。乃卓拄杖一下。舉起云。凡夫聲聞緣覺。菩薩。稱僧。雲門一時穿了也。動得底。一任動著。擲拄杖下座。上堂。僧問。一漚起。湛海不搖。清徹底。漂漂海上出沒間。成壞。猶來一彈指。拈了也。正當與麼。時亡僧遷化。向甚麼處去。師云。大眾證明。僧云。與麼。則隨分著衣喫飯。去了無別事。師云。你向甚麼處見亡僧。僧云。遍界不能逃。形質一毫頭上現全身。師云。埋沒亡僧不少。僧云。記得玄沙問真覺和尚。亡僧遷化。向甚麼處去。覺云。如水歸水。玄沙不肯真覺。却

問子又作麼生。沙云。如水歸水。意旨如何。師云。總未得脫洒在。僧云。如何是脫洒底句。師云。鎖索橋頭大目溪。僧禮拜。師云。若作脫洒。會入地獄如箭。師乃云。洞山道天晴。蓋却屋。乘時刈却禾。輪納王租了。鼓腹唱謳歌。古人住山得與麼了事。得與麼快活。雪峯有屋蓋未了。有禾收未上。有租未納。破方待鼓腹謳歌。而顛都莊又遷化。苦苦敢問大衆。一等是出家兒。一等是住山人。爲甚苦樂不同。會麼。曹溪波浪如相似。無限平人被陸沉。喝一喝。下座。上堂。低頭不見地。仰面不見天。欲知白牛處。但看欄。牕前以拄杖卓東邊。云。眞覺和尚這邊立地。向上一路千聖不傳。學者勞形。如猿捉影。以拄杖卓西邊。云。盤山和尚這邊立地。咄咄力口希禪子。訝中眉垂。以拄杖卓中間。云。雲門和尚這裏立地。這三个老漢。且道那个今日合得雪峯胡餅喫。點得出底。試與雪峯點出看。三玄宗旨。要且不是萬病丸。一語不立流俗阿師。便下座。及巡察徧問兄弟。祇對者非一。師云。有口不得胡餅喫人多。

上堂。舉洞山和尚示衆云。須知有佛向上事。僧便問。如何是向上事。山云。非佛。雲門大師道。名不得。狀不得。所以言非後。妙喜老子道。我這裏不然。如何是佛。向上事。拽拄杖劈脊便打。免教伊在佛向上倒跟。大衆。洞山大開却口了。合不得。被人問著。盡力只道得个非佛。更有雲門。跛阿師。無特操。又却隨邪逐惡。只有妙喜較些子。檢點將來。棒頭少硬。這三个老漢。要作善知識。則可。若是佛向上事。總未夢見。而今還有夢見底麼。喝一喝。下座。上堂。一漚未起。古帆未挂。風信不來。無人舉棹。正當與麼時。如何辨的。忽有个漢向這裏一覷。覷破却來。觀世間。好个則劇術。這則劇術。或在家則爲童孺。爲士夫。出家則爲苦行。爲比丘。迷之則迷入四生六道。悟之則悟成諸佛菩薩。在諸佛菩薩。則不增在四生六道。則不減。在比丘。亦不優在苦行。亦不劣。既是不劣。不優。不增。不減。乃拈起拄杖云。這拄杖子。因甚出頭來。指天指地。道。天上天下。唯我獨尊。會麼。良久云。家肥生孝子。國霸有謀臣。乃舉甘贊行者於南泉。

設粥泉白槌云。請大衆爲狸奴白牯念摩訶般若波羅蜜。甘贊禮拜出去。衆下堂遂問典座甘贊行者。在甚麼處。座云。當時禮拜便出去。泉乃打破粥鍋。這公按諸方味之。如嚼生鐵。山僧今日因行者設粥。與大衆頌出狸奴白牯念摩訶甘贊南泉不較多打破粥鍋何處去。空山風雨夜。麝廳。

上堂。雪峯修已廢之寮。立仍舊爲其名。記得法眼禪師道。但於行住坐臥。著衣喫飯。朝參暮請。一切仍舊。諸佛如來。於仍舊中。得敢問大衆。得个甚麼。若有所得。則不仍舊。若無所得。亦不仍舊。若得無所得。爲得轉不仍舊。而今若要仍舊。先將法眼和尚一棒打殺。與狗子喫。却次將所立之牌。一掣掣下。拋向糞掃堆頭。然後入此寮中。與八人禪客耳朶裏栽田。床脚下種菜。雖然未是作家。且教直歲歡喜。山僧與麼爲人拾得。口了喫水。

上堂。釋迦出世。擔雪填河。達磨西來。望雲種樹。自後馬祖石頭。德山臨濟。天下老和尚。乘虛接響。競出頭來。說心說性。行棒行喝。盡是亂世英雄。太平野賊。納。

僧分上總用不著。且道。將僧尋常用个甚麼。今日初一下座。略到諸寮問訊。

上堂。舉藥山道我有一句子。待特牛生兒。卽道後來圓鑑道我有一句子。待無舌人問。卽道此二人尊宿。可謂肥不露肉。瘦不露骨。是卽是。又似太深。遠山僧不然。我有一句子。開口見膽。是卽是。又似太淺。近若向二老。句下薦得。路逢死蛇。莫打殺。若向山僧句下薦得。入地獄如箭射。喝一喝下座。

上堂。山僧入城有三段奇特事。今日歸來。鳴鼓陞堂。舉似大衆。第一南臺江水穿過方山鼻孔。第二萬歲塔與報恩塔。闕額第三山前李胡子騎箇蹇驢兒。從鼓門下出來。道看馬。看馬山僧。箇裏坐却。記得洞山和尚道。一大藏教。只是箇之字。只此奉聞。伏希聰悉。光孝禪師至上堂。僧問。象骨岩高人不到。到者須是弄也。三梭師。備師不柰何。喪身失命。知多少。旣遇作者。到來未審。和尚如何祇接。師云。煮茶山下水。燒鼎洞中樵。僧云。與麼則。煎茶喫一碗。淡話說雨聲。師云。禮繁則亂。僧云。記得藥山道。我有一句子。

待特牛生兒。卽向汝道。而今生也。請師道。師云。面皮三寸未爲厚。僧云。和尚道則太煞。道學人要且未甘。師云。進前渾不覺。退後始愁人。僧云。圓鑑又道。我有一句子。待無舌人問。卽道。又作麼生。師云。前頭較些。子後頭打不著。僧云。和尚道。我有一句子。開口見。膳爲甚麼却難會。師云。會得。打折尔脚。僧云。莫不會便是麼。師便打。乃云。大野雲凝千峯。寒色飛鴻斷路。古道難登。不謂光孝堂上禪師。遠揚法旆。來訪寂寥。感激之懷。言莫能盡。下座當與知事大衆。同伸拜請。陞于此座。以副衆望。大衆古者。道欲得英俊。仍須四事俱備。方顯宗師。蹊徑一者。祖師巴鼻。二具金剛眼睛。三有師子爪牙。四得禪僧殺活。拄杖得此四事。縱橫變態。任運卷舒。高聳人天。壁立千仞。儻不諸此。守死而善道者。敗軍之兆。禪師法門。宿將佛曰。眞子。而此四事。乃其家常茶飯。其柰雪峯山中。禪和或未之聞。伏望不恪。慈悲略垂隻手。

冬至夜小參。拈拄杖卓一下。云。毗盧大樓閣。八字打。

開了。也不論久參初學。普請入來。一入則一切入。一了則一切了。便能坐斷毗盧頂。不稟釋迦文。當恁麼時。彌勒收身。避路雪峯。留口喫飯。何故。蓋是諸人如實而證。如實而入。如實而了。如實而見。卽心卽佛。用不著。非心非佛。用不著。五位三路。用不得。德山棒臨濟喝。用不著。但有言說。總用不著。既用不著。又說不得。雪峯今夜。鳴鐘擊鼓。聚集諸人。不可只麼休去。卽心佛。非心佛。歷世明明。無別物。卽此眞心。是我心。我心猶是權機。出或五位。或三路。施設隨機。巧回互。不觸當今。是本宗。展手通玄。亡佛祖。德山棒。臨濟喝。獨出乾坤。解橫抹。從頭誰敢亂。區分多口。阿師不能說。前頭爲甚麼。用不著。說不得。後頭爲甚麼。說得用得。莫是舌頭無骨麼。莫是得底人。道火不燒口麼。莫是我爲法王。於法自在麼。若與麼止宿草菴。且居門外。乃靠却拄杖。云。某朴拙無堪。只可置之岩穴。業緣未盡。承乏于茲。自春歷夏。今又冬至。勞他執事兄弟。推誠竭力。共建法幢。荷他方來兄弟。忍飢食淡。同此道聚法門。衰弱無甚。此時正賴有高遠志見兄弟。出來。

大家扶豎此心誠所渴望。雪峯山中寒又寒。寂寞又寂寞。今日有些果子不能等到夜。又先喫了。只記得洞山與泰首座喫果子。次洞山道有一物上挂天下挂地。黑似漆。常在動用中。動用中收不得。且道過在甚麼處。首座云。過在動用中。山令侍者撥退果卓。山僧當時若作泰首座待他。問過在甚麼處。只向他道著甚死急。待他擬開口。禮翻果卓。便行直饒洞山全機也。較三十里。

上堂。雪峯禪無星子。只見陞堂打鼓。賺得大眾上來。近日山中有虎乃喝。一喝云。長至令。晨願言倒語。

上堂。佛以一音演說法。衆生隨類各得解。乃拈起拄杖云。山僧拄杖。變作釋迦老子了也。卓一下云。說則不妨說。且作麼生解。若也解得。燈籠合掌。若也不解。露柱證明。擲拄杖下座。

上堂。祖師心印。堪作何用。無位真人。屎也不直。獨步青霄。徒誇好手。和泥合水。罕遇同流。敢問諸人生相。慶死相吊。出相送入相迎。底一句作麼生道。若道不得。下座。更詣諸寮問訊。

上堂。舉趙州和尚示衆云。老僧有時拈起一枝草。作丈六金身。後來翠岩道趙州老漢。誑嚇闍闍。若是翠岩拈起一枝草。只喚作一枝草。師呵呵大笑云。殺人須見血。爲人須爲徹。這兩個老漢。一人失之太奢。一人失之太儉。汝等諸人。千聞不如一見。乃拈起拄杖云。且道是丈六金身。是一枝草。快與快。與擲拄杖下座。

秀峯和尚到上堂。舉泉大道訪慈明。明云。片雲橫谷口。游人甚處來。泉顧視左右云。夜來何處火燒出故人。墳明云。未在。更道始得。泉作虎聲。明打一坐具。泉推明就坐。明却作虎聲。泉云。某甲參七十餘人。善知識。今日始遇作家。大眾大道遇作家。何似雪峯今日遇作家。

上堂。拈拄杖云。大眾雲門大師來也。卓一下云。臘月二十五。

上堂。舉一拳拳倒黃鶴樓。一趂趂翻鸚鵡洲。有意氣時添意氣。不風流處也風流。俊哉俊哉。快活快活。一似十七八歲少年。作狀元相似。誰管你天誰管你地。

心王不妄動。六國一時通罷拈三尺劍。休弄一張弓。自在自在。快活快活。恰似七八十老人。作宰相相似。風以時雨。以時五穀。植萬民安。乃豎起拄杖云。大眾這兩箇并山僧。拄杖子共作得一箇衲僧。到雪峯門下。但知隨例。食餽子也。得三文買草鞋。喝一喝。卓拄杖下座。

上堂。舉疎山一日訪岩頭。頭見來。乃佯睡。山立地良久。拍繩床一下。岩頭云。作甚麼。山云。和尚且瞌睡。拂袖便行。岩云。三十年弄馬騎。今日被驢子撲。後來死心道。岩頭水泄不通。被疎山輕輕一撈。直得瓦解冰消。大眾大小死心。只具一隻眼。殊不知疎山這手藏之懷袖。佛眼看不見。及乎忍俊不禁。却被瞌睡漢覷破。

上堂。啐啄之機。暫時活計。清虛之理。不可依憑。執之失度。必入邪路。東海鯉魚打一棒。陝府鎮牛兩角折。卽不問你諸人。水不洗水。一句作麼生道。若道不得。五九盡日。又逢春。

上堂。一刀兩斷。未稱衲僧。就下平高。難爲作者。古人

到這裏口似匾擔。善則甚善。要且無出身路。雪峯到這裏又作麼生。良久云。後五日看。

退院上堂。拈起一張弓。架起一隻箭。等閑一發。定天山。卽不問你。抛了弓。擲下箭。撒手到家人。不識鵲噪。鴉鳴。栢樹間。又作麼生。且得天下太平。便歸東巷。

秉炬

胞胎未具。已前早與麼。既具之後。至於生。至於老。至於病。至於死。也與麼。而今大眾相送。昇置涅槃臺上。也則與麼。三段既皆與麼。又甚處得祖師巴鼻來。徹上座與麼。也不得不與麼。也不得與麼。不與麼。總不得。若向這裏出得。一頭地誰敢喚你作亡僧。其或未然。火把子沒人情。

亡僧遷化。水歸水。真覺祖師甚處得這消息來。亡僧遷化。水歸水。立沙備頭陀甚處得這消息來。正當今日。還你如水歸水。拈却如水歸水。顧視大眾云。亡僧遷化。向甚麼處去。若道不得。待你諸人似才上座時。卽向你道。

象骨峯前。虛空撲落。烏石嶺頭。紅旗閃爍。涅槃臺上。

西方極樂山僧手中末後一著。乃以火炬指大眾。又指亡僧云。開眼也。著合眼也。著。

無位真人。赤身露體。走過烏石嶺頭。跌倒白雲堆裏。乃豎起火把云。不是這光明炬。其餘扶伊不起。

法語

一切處是道。流放身命處。一切處是道。流調心處。一切處是道。流受用無盡之藏。一切處。即非一切處。是名一切處。多見學道人心量狹劣。只於一機一境上。得少爲足。便剛然休去。長連床上飽飯。瞌睡一切不理。自謂快活。窮鬼子似這般底。有甚用處。打殺百千萬箇。無罪過。如今雪峯門下。誰敢一箇箇是師子兒。吒沙地。眼似銅鈴。輕輕點著上門上戶。咬人火急。雖然如是。猶在半途。末後一句。始到牢關。乞食歸來。未怕爛却。

至道無難求之者。自作艱難。真心本淨行之者。自爲染污。所以日用之中。千差萬別。自取流轉。不知何者爲心。何者爲道。若是箇猛利漢。當其流轉之時。一悟悟去。便解道心之與道元來。只是雪峯烏石嶺達禪。

持入五羊偏。以示人當有聞茲實音者耳。

從上達人於道。或已悟。或未悟。率多入闌闌中游履。不獨依止山林。如盤山保壽長汀普化之流。究竟於中成就。已事故遠。磨祖師曰。若從事上得解者。氣力壯。從事中見法者。即處處不失念。若是與麼人。放在八達衢頭。或逆或順。種種運爲。跳踉顛蹶。悉顯不思議大解脫力。今天台珠道人久棲雪嶺。老僧乍住。無可官領。他從此南行。過七城有番禺大府。其中善男信女多具大乘種性。汝當於彼大作佛事。所謂鎮海明珠者。非汝而誰行矣。勉之。

英俊道流到處與人相見。不消一覷。是有是無。是邪是正。更無毫髮許透漏。若假一言半句定當。然後方知是欺負你了也。今時一種風範。直是好笑。如袖紙燒香求偈。頌竟法語之類。是也。更有一般瞎老師。不弁來機。便向他雪色紙上。扇一堆學家珍藏。以爲護身符子。苦哉苦哉。秦溪鵬道人背骨見之。披秀今又訪余東山。將歸故効。今時袖中出紙。意在換東山眼睛。東山識得渠。將錯就錯也。向上頭扇一堆子。不獨

使鵬厭惡唾罵。且要今時求法語禪和。看見知是屎臭氣。別有生涯。呵呵。

東山老漢有少業。緣未盡。昨出頭來一時償。却而今安樂一菴。不辜你輩兄弟。自是你兄弟家不識好惡。將謂東山有多少奇特。到伊競來鑽刺。又要我以洗脚水。薦頭薦面潑。還識羞麼。說佛說祖。舉古舉今。向上向下。有句無句。與麼不與麼。是洗脚水潑你。不著佛求。不著法求。不著僧求。向父母未生已前。會取風塵草動。悉究端倪。是安排你向尿坑裏著。衲僧家用處。如擊石火。似閃電光。聲前喝。句後棒。略露些子鋒銳。擬不擬當頭一鎚。剔起便行。是把撮馬糞。漢待他卽心非心。就理就事。五位三路。全提半提。雙明單說。有立有要有賓有主。有縱有奪。有圓相有默論。凡有言說。無言說。皆是喚狗與食。向搗搗堆頭埋却你。我而今忍不住。把將從上佛佛祖祖。天下老和尚。留下許多潑你底惡水。埋却你底搗搗。掣作一桶瀉。放大目溪裏。流出西峽門去也。更無一法。蓋得你等得你。一箇箇出來。如師子子。吒沙地哮吼。一聲狐群。膽落。

豈不快哉。是你如今出門三步。忽有人問東山住菴。近日說甚麼法。又如何祇對。對得對不得。盡是滅胡種去。去。

拈古

世尊纔生。下一手指天。一手指地。周行七步。目顧四方。云。天上天下。唯我獨尊。雲門云。我當時若見一棒打殺與狗子喫。貴圖天下太平。

東山曰。雲門好手。只是無大人相。

世尊臨入涅槃。文殊請佛再轉法輪。世尊咄云。文殊。吾四十九年住世。未曾說一字。汝請再轉法輪。是吾曾轉法輪耶。

東山曰。且道世尊從文殊請。不從文殊請。

文殊一日。令善財採藥。云。是藥者。採將來。善財遍採。無不是藥。却來白。云。無不是藥。殊云。是藥。採將來。善財乃拈一枝草。度與文殊。殊提起。示衆云。此藥能殺人。亦能活人。

東山曰。善財拈來。只是尋常草木。文殊提起。未爲出格。神醫後人。望風乃高。其價東山。請伊兩人。未。

免俱在草裏

達磨謂門人曰。時將至矣。汝等盍各言所得。時有道副對曰。如我所見。不執文字。不離文字。而爲道用。磨云。汝得吾皮。尼總持曰。如我所解。如慶喜見阿闍佛。國一見。更不再見。磨云。汝得吾肉。道育曰。四大本空。五陰非有。而我見處。無一法可當情。磨云。汝得吾骨。慧可出禮。拜依位而立。磨云。汝得吾髓。乃傳衣付偈。大陽明安云。且道更有一人出來得箇甚麼。乃云。不得。不得。又云。意況不到。

東山曰。明安枉費許多分疎。若是那一人。便肯出來。

布袋和尚常負一布袋。并破席於通衢往來。袋中鉢盂。木屐。魚飯。菜肉。瓦石。土木。諸般總有。或於稠人處。打開云。看看。又拈起問人。這箇喚作甚麼。

東山曰。長汀子些兒活計。到處裏賣弄。我當時若見。欄腮鼓兩掌。奪下這破布袋。看他如何變豹。忠國師一日喚侍者。侍者應諾。如是三喚。三應。國師云。將謂吾辜負汝。却是汝辜負吾。

東山曰。我尋常只是因風吹火。國師費許多氣力作甚麼。

甘贊行者因化主至。乃問是甚處。云。藥山者。云。還將得藥來麼。主云。未審有甚麼病者。欣然取銀百兩。施之。復云。山中有此人。此物乃回主尋歸。山納疏。藥山問子何遽歸。主卽叙前話。山云。急送還他。子遭賊了也。主及送還者。云。山中有入更添銀施之。

東山曰。賊物是人怕。藥山老漢亦自小膽。若是東山。卽便敗下。何故。且教甘贊這老賊疑三十年。

南泉示衆云。王老師賣身去也。還有人買麼。時有僧出衆云。某甲買師云。不作賣。不作賤。你作麼。生買僧無對。趙州云。明年與和尚作領布衫。臥龍球云。和尚願某甲澄源代云。是何道理。明招便拍傍僧背云。好著不著。去。雪竇云。雖然作家競買。要且不解輪機。且道南泉還肯麼。雪豆也擬酬箇價。直令南泉進且無門退。亦無路良久云。別處容和尚不得。

東山曰。南泉一身諸老競買。雖然各各買下。未見有箇用得。東山今日不費一錢。買得用得。薰拈拄。

杖聲起云南泉來也卓一下挂行三五步乃問僧
南泉豈不是在池州僧云是山便打

南泉同歸宗麻谷去禮觀國師路次於地上畫一圓
相云道得即去宗便於圓相中坐谷便作女人拜師
云與麼則不去也宗云是甚麼心行師於是相喚回
東山曰一人賓中有主一人主中有賓一人不落

賓主若也甄明得出許你親見國師

南泉同魯祖歸宗杉山喫茶次魯祖提起盞云世界
成時便有這箇泉云今人只識這箇不識世界宗云
是泉云師兄莫同此見麼宗却拈起盞云向世界未
成時道得麼泉作掌勢宗以面作承掌勢

東山曰這一次子喫茶也不了識甚世界好與三
十棒

百丈再參馬祖侍立次祖以目視禪床角拂子師云
卽此用離此用祖曰你向後開兩片皮將何爲人師
取拂豎起祖曰卽此用離此用師挂拂舊處祖振威
一喝百丈直得三日耳聾雪豆云奇怪諸禪德如今
列其派者甚多究其源者極少總道百丈於喝下大

悟還端的也無然刁刀相似魚魯參差若是明眼漢
瞞他一點不得只如馬祖道你向後開兩片皮將何
爲人百丈豎起拂子爲復如虫禦木爲復啐啄同時
諸人要會三日耳聾麼大冶精金應無變色

東山曰挂拂舊處彼此休去百丈兒孫不到今日
大冶精金應無變色雪豆著甚處死急

趙州到黃檗檗見來便閉却門州云救火救火檗使
出擒住云道道州云賊過後張弓

東山曰黃檗從來有此一著

紫湖禪師於門下立牌大書云紫湖有狗上取人頭
中取人腰下取人足擬議則喪身失命或新到纔相
看師便喝云看狗僧纔回首師便歸方丈雪豆云衆
中總道這僧著一口箸卽著了也爭奈這僧在若具
知方眼救得這僧設使紫湖出世咬殺百萬箇有
甚益我當時若見先斫下牌然後入院待這老漢喝
云看狗與伊放出焦尾大虫如今諸人要見麼日勢
稍晚歸堂

東山曰我行脚時但有狗處無不驗過不學雪豆

恃賴焦尾大虫斫牌入院。我只恁麼與尋常新到一般。待伊喝云看狗也。則回首待伊纔歸方丈也。則拂袖便行出門。人問如何對曰。山僧已與驗過太原孚上座參雪峯。纔上法堂。顧視雪峯。便下看知事。至明日入方丈作禮云。昨日觸悞和尚。峯云。知是般事。便休。

東山曰。雪峯見德山時事。向甚麼處去也。大小太原孚只具一隻眼。

香嚴示衆云。如人在千尺懸崖口。含樹枝手無所攀。腳無所踏。忽有人問西來意。不對。則違他所問。若對。又喪身失命。當恁麼時。如何。卽是時有虎頭上座云。上樹卽不問。未上樹。請和尚道。嚴呵呵大笑。雪豆云。樹上道。卽易。樹下道。卽難。老僧上樹也。致將一問來。東山曰。樹上樹下道。易道難。總涉廉纖。如今好問又不問。

睦州和尚因秀才相看云。會二十四家書師以拄杖空中點一點云。會麼。才罔措。師云。又道會二十四家書。永字八法也不識。

東山曰。沙門種子。胸中初無點墨。動著筆頭。便見心肝五臟。這措大因甚特地罔措。

睦州示衆云。裂開也在我。捏聚也在我。有僧問。如何是裂開。師云。三九二十七。菩提涅槃。真如解脫。卽心卽佛。我且與麼。你又作麼。生僧云。某甲不與麼。道師云。蓋子落地。揀子成七八片。雲峯悅云。相罵饒汝接。嘴相唾饒汝潑水。

東山曰。雲峯饒伊不是好心。我直向你道。睦州至竟欠一著。在若人見得許你頂門具眼。

臨濟會下兩堂首座。忽舉頭相顧。各下一喝。臨濟云。賓主歷然。承天宗云。臨濟此語。走殺天下衲僧。我卽不然。一對無孔鐵鎚。

東山曰。承天自住山。則可。若要發明臨濟主賓句。東山未敢相許。

臨濟因趙州到院。在後架洗脚。次師便問。如何是祖師西來意。州云。恰值山僧洗脚。師近前作聽勢。州云。會卽便會。啗啄作麼。師便歸方丈。州云。三十年行脚。今日爲人下注脚。

東山曰。臨濟啗啄趙州注脚。兩箇老漢放過一著。臨濟示衆云。有一無位真人。常從汝等諸人面門出入。未證據者。看看時。有僧出問。如何。是無位真人。師下繩床。擡住云。道道。僧無語。師托開云。無位真人。是甚麼乾屎橛。雪峯云。臨濟大似白拈賊。

東山曰。若是白拈賊。必應好手。爲甚麼向這僧面前。一無所得。

臨濟侍德山。次山云。今日困師。云。這老漢。寐語作麼。山使打師。掀倒繩床。雪豆云。二員作者。具啐啄同時。眼有啐啄。同時用雪。豆擬向飢鷹爪下。奪肉。餓虎口裏爭食。敢謂德山。臨濟俱是瞎漢。有人辨得。天下橫行。雲峯悅云。奇怪。諸禪德。看此二員作家。一撈一捺。略露風規。大似把手上高山。雖然如是。未免旁觀者。晒喝一喝。

東山舉了呵呵大笑曰。說甚麼作家相見。啐啄同時。說甚麼一撈一捺。略露風規。都來只是兩個風顛漢。

金峯示衆云。金峯二十年前有老婆心。二十年後無

老婆心。時有僧問。如何。是二十年前有老婆心。峯云。問凡答凡。問聖答聖。僧云。如何。是二十年後無老婆心。峯云。問凡不答凡。問聖不答聖。

東山曰。金峯至竟老婆心。

黃檗一日。捧鉢坐南泉位。泉入堂見問。長老甚年中行道。檗云。威音王已前。泉云。猶是王老師兒孫。在藥過第二位。坐泉休去。雲峯悅云。後來叢林中商量。或道黃檗有陷虎之機。南泉有殺虎之威。若作與麼說話。誠實苦哉。殊不知這老賊。有年無德。喫飯坐處。也不依本分。若雲峯門下。說甚威音王已前。王老師更大直須喫棒。越出妙喜曰。何待問他。甚年行道。纔入僧堂。見他在主位。坐便捧鉢向第二位。坐直饒黃檗有陷虎之機。擬向甚處施設。

東山曰。進以禮退。以禮。古人事無一向。雲峯盡法。無民妙喜。設心最毒。山僧今日放低一頭地。與你諸人理論。乃高聲召大眾衆。舉頭師云。各請歸堂。莫教失却鉢位。

予政和初。嘗從石潭新公。得馬祖四家錄。其後載

臨濟與婆子問答語。婆問濟甚麼處去。濟云。鳳林去。婆云。恰值鳳林不在。濟云。甚麼處去。婆便行。濟召婆。婆回首。濟便行。予嘗喜其用處如師子象王。回旋反擲。自在無畏。不墮常情。今統要中與近開四家錄。皆作婆回首。濟云。誰道不在。語既嫩弱。意又淺近。謂是出於臨濟。豈不重欺古人。必味者更之務救前語。殊不知蕪賴先德。疑悞後學。爲害至大。今古本淪亡殆盡。恐後來不悟其非。因拈至此。乃附之卷末云。

頌古

不是風兮不是幡。祖師端的廣南蠻。夜深越得曹溪渡。失却番禺兩岸山。
馬師瞎却亮師眼。一入西山更不返。我有二十二藤條。寄與山中這擔板。
楚王城畔水東流。淮海維楊是九州。蘆管一聲春夢破。斜陽還在樹梢頭。
說似一物則不中。箇是兩岳讓和尚。東山早曾與麼來。帶累同行俱喫棒。

新婦騎驢阿家牽。潦倒禪翁雪滿頭。不解爐頭煨死火。客來偏愛出人前。

大食波斯飲百杯。停杯把招萬人魁。送風使過黃牛峽。不問瞿塘滌瀨堆。

德山棒臨濟喝。寸刃未施先敗闕。叢林盡謂是上機。明眼衲僧也大屈。

龐公慙愧全無馬。祖慈悲心大直饒。吸盡西江東山未向伊道。

引鼻拽回野鴨元來却是家。雞不管晦明風雨。纔到五更便啼。

身披羅布伽梨手。把大木櫪子。天寒坐火爐頭動。是說蛇說虎。

我手何似佛手拈起扇子。擗口打落帝釋花冠。却是寒山掃帚。

我脚何似驢脚車輪頓生八角三千剎海波澄一陣西風葉落。

人人盡有生緣。落花流出桃源。過後再尋無處滿。簑烟雨漁村。

佛手驢脚生緣。三山影落中天。武帝多方學道。王喬端坐神仙。

一等作野狐。堂堂大丈夫。徐行青草岸。踏破洞庭湖。靈雲失脚立。沙落壘三十年。冰河發焰。

是法非思量。分別之所能解。

錢塘潮頭來。成都藥市集。叵耐汝州風。吹落老僧笠。南瞻部洲鉏地。東弗于逮種麥。西瞿耶尼。披磨北鬱單越。喫麵。

百書不如一歸家。千聞不如一見面。既歸既見。復何爲。解道德山無佛殿。

泥人煅就九轉丹。石女一喫。乘飛鸞。天門九重彈指間。再拜天帝除天官。瓜期既及。風馭還海。變桑田。知幾番。又尋東山訪平安。去時與偈墨未乾。

歡晴大地衆生眼。奪其一切資生物。盡情推入大火坑。聽從阿耨池中出。然後爲念。普安慰。眞言唵。摩尼佛。听屈聿。

看洞山初和尚語

兩頭蚯蚓呈三要。玉眼胡孫急入還。老蚌吞除龍樹。

月瞎驢撞出趙州關。

頌草堂老師付頂相讚後圓相。因禪人請益。

六國朝闈闔三山。插杳冥禪流相借問。冬後一陽生。覽妙喜和尚衡陽示衆。

眞讚

雪峯禪師

①因咸通已前正與麼哪。紹興之後。端的別別別。松山撐破秋空月。毬門有路沒遮欄。五月取霜六月雪。草堂老師。

隨隨昔昔。是這箇賊。簸土揚塵。馳南走北。一棒打殺。狗也不喫。後來不肖兒孫。箇箇一摸脫出。

造橋道者并諸化士寫求

去一得三。添六成。四有口無舌。有眼無鼻。寫得十成。以何爲是。掛在大目溪頭。恰似守橋土地。這漢一生擔版。垂老出來。住院清眞氣味。全消惡業。因緣頓現。說禪罔聖。欺凡乞食。走州歷縣。試看幘上。

傳來輓得成甚臂面

咄這老凍。體是甚麼面孔。似馬頭。又圓。謂驢耳不聾。
有毒。驚鼻地。無底。破漆桶。偏處持來。攪聒人。十分是。
箇滅胡種。

幽岩禪師

一字不著。劃古錦。寫回文。寒山指拾得。斗柄插雷門。

偈語

圓悟禪師入滅說偈。燒香時在疎山作

濯錦江心一漚發。清漲四溟。波浪濶。引得風流小玉。
歸無限。龍魚遭攪聒。紫羅帳裏明月珠。把作栗蒲搥。
亂繫一方孤迥峭。巍巍十字縱橫活。鑊鑊我昔墮渠。
壑壑中。倔強依前淹不殺。而今衰字幸清平。誰道岷。
峨在天末。昨夜西風撼太虛。石牛驚走泥牛喝一吸。
滄溟徹底乾。憐梵鉢提長吐舌。大悲千眼。擘不開。無。
言童子空忉忉。炷香爲靈阿僧祇。紹興五年八月八。
南華利侍者持。曷和尚語。至疎山請校入版。
乃作偈送之。謂序于徐大資師川。

曹溪大士出現世。誰其侍者道人利。雷聲電激。掣拂。

間涓滴無遺水。傳器而今底事難。覆載。蓋是火後莖。
芽。長未言字字負此老。且要浩浩流諸方。最初有箇。
謾訛處。偏示知音著。何語。東山有語人未知。請問東。
湖老居士。

送莫內翰

驚世文章夢裏花。出塵悟解眼中沙。怪來不打這鼓。
苗。親見江西老作家。

一槌從使口如鼻。百煉誰知方入圓。莫怪野人高索。
價。從來佛祖不曾傳。

黃龍室內三關語。趙老青州一布衫。何事臨分無別。
說。則川龐老是同參。

試問同參參底事。華亭秋晚水如天。離鉤三寸無人。
會。風起蘆花落釣船。

今者叢林走大聲。不言無眼只無睛。願公善保千鈞。
重。莫管他家熱碗鳴。

次韻韓伯修學士讀楞嚴見寄

琉璃甕中走却鸞。驚起波斯一夜尋。天曉不知何所。
見。大悲菩薩是觀音。

次游教授韻呈草堂老師

霜髮垂垂老不休。鍊船無底更隨流。兒孫莫訝得魚少。蓋謂翁翁是直鉤。

北鬱之南瞻部洲。縱觀誰是老人流。大千一網平收。了坐看兒童亂下鉤。

辭草堂老師歸閩

短筇初把探深深。展盡神機被陸沈。擲殺未償當日恨。翻身誰識此時心。不離左右金爲土。別有生涯土作金。既去後來應請問。莫言曾到此山陰。

送夢石歸妙峯德雲菴

紹聖五年戊寅冬。王母吞却嘉州像。覺來捫腹喜且驚。一朝生出這和尚。銳頭長身碧兩瞳。衆聚說法聲如鍾。少年踏斷象骨路。出處大類飛山翁。老而益健難近傍。德山縮手臨濟讓。善財盡力無處尋。又是經行別峯上。

南詢歌

南詢士。標致殊發言落落。中疎疎。瘦藤一握鎖相似。孤身萬里雲不如。作者前致一問分明直得繩床震。

失腳踏翻樓閣門。通身不掛毗盧印。佛祖言甚熱碗。一劍當頭百非剗。大展禪宗定古今。火裏蜚螳三隻眼。

空王子

空王之子空而靈。拈起鉢飯忘了羹。一生看經不識字。總十二部爲一句。一生說禪不動口。噴嚏也成師子吼。阿呵呵。黃面瞿曇爭奈何。咄咄咄。是甚衲僧臭皮襪。

又用前韻送僧

空王子出空門。敏於選佛訥於言。老少同科無異學。盡傾阿耨作詞源。龍虎榜輝乾坤一字元。無作麼分。汝見是汝爲第一。我見是我作狀元。有驚群有獨脫。可中丹桂和根拔。把作枯柴竈裏燒。誰能更著空王褐。只如劍成家活。不犯鋒銑有生殺。莫似章分句解。徒望却龍門頭枿枿。

禪人求偈

禪家流悟自己。開眼曹溪十萬里。況行機路守心空。病渴移家陽燄裏。渴轉渴水又非擡頭不覺。屬南飛。

文殊堂裏萬菩薩。大唐國內無禪師。或行棒。或行喝。棒喝交馳如電掣。不容眨眼入思惟。忽把虛空敲出。骨地神惡。天神悅。陝府鍊牛得一概。且等東山睡覺來。大掌連腮咄咄咄。

送僧

蜀川老覺家。潼川懷中交。子是鍊錢三年。聽講大慈寺。執卷問之不識字。三年參禪大隋山。蓋龜劫火猶顛。積瞿塘忽放鍊船下。不問灘頭堆如馬。逆風使過荊湖南。焦荔枝林中來放憨。同風莫倚闥與蜀。飲水更須防蠱毒。

支提天冠千眷屬。龜山蔡柳兩尊宿。總在參禪屋角頭。開眼光光互相燭。參禪自是雲水儔。四顧坤維有高躅。勝妙光中不肯留。六六要明三十六。當其行歌一曲。春草青兮春水綠。東山老矣夫何言。縱有言兮不堪讀。

東山送人只一句。纔擬欽承喝出去。而今更向紙上求。大似因鷹擎死兔。猷禪猷禪知不知。堅坐守之無了時。趁取西風霜未落。泐潭百丈在江西。

煨芋

後生偷笑東山老。事無是非總曰好。布伽梨裏老病身。山芋頭煨紅軟火。日暖婆婆林下行。天寒堆危火邊坐。人問祖室今安危。對道我此煨芋好。

與昌副寺

衲僧之勇。惟法戰鍊。作渾身。猶百煉。不知誰是最。鑊家直入南方行。一轉上門上戶。眼如鈴。有麼有麼。機如電。剛起便行何處尋。聲前句後新羅箭。

送二僧之衡陽

閩蜀同風。果同風。袈裟拔出鞋袋中。相逢古寺話。頗怪我稱鎚。落深井。不憂佛日居衡陽。不憂無人振頰綱。却憂秋高霜月冷。鍊牛夜度飛猿嶺。衡陽老子一僧耳。打雨罵風無別伎。海上禪流未識渠。將謂三頭仍六臂。兩川邁往初不然。我喜其行重說偈。披秀菴前癩狗兒。要見衡陽只這是。

寄支提禪師

遠聽天冠化寺鐘。孤煙明滅暮山重。念携掛壁木上座。問訊長沙岑大虫。大虫聲威動海宇。老不與世同。

其波卷藏風月付一室落日春山狐兔多威而不怒
默常吼寂子觸之遭毒手東山又似不知時更來許
露其家醜

又送出閩

老人入我閩中居如山有玉淵有珠老人一日出山
去崖不自靈淵亦枯我問天冠千眷屬如何不留老
尊宿飛鸞水急海天橫一道清輝照四明

送深書記

東海鯉魚吞却海西河師子口門大金剛喚起足行
神還却趙州行脚債
吹毛不是凡間鍊百匝千重唯一決出頭天外笑呵
呵喜得空生不曾說

與符侍者

秀峯三聖堂中符也曾職其事節制火筋香匙使得
燈籠露柱聖僧頭上下來天台山中入去通玄不是
人間忽雨忽晴忽霧出門且莫忽忽道取末後一句

謝丹山秀首座竹筴

老身一拚百無營病骨人驚太瘦生多謝枝筴解扶

◆廣鑑

我松陰石上聽溪聲

山中久住成老宿雲水五湖來弟兄放下茶甌答了
話把得拄杖東西行

葉居士施直裰求頌

廣南葉順居士施我褐袖直裰比之七斤布衫這個
猶難提撥天寒雪落便披日暖風和即脫脫著畢竟
是誰慚愧觀音菩薩

送行人歸塔懸力空印和尚靈骨于西山

古佛大塔廣量廓虛空界凡聖位其中如光無雜壞
出生與入滅一一得自在衆生迷本心當處自留礙
良哉空印師火後靈骨在憑誰密安置有子如行輩
山爲碧玉環水作青羅帶巍巍鎮巍巍永下諸天拜

與河上人

參禪無悟處如何得安樂置之空劫前卽爲空劫縛
任運日用中拶著無不錯憮然百不理奈此一絡索
勇猛積勳修翻成大過惡端坐審思惟不如更行脚
東山老病漢聞之爲喜躍願爾發足時出門便蹈著

與虛上人

止渴須是水。止飢須是飯。參禪須是悟。成佛不待旦。
伽陀有底急。休來問老漢。既來無奈何。拄杖驚頭擲。

與性上人

汝知東山空。胸中無罣子。說禪瞎人眼。書偈汙人紙。
不知禪家流。於空何所取。脚要汝自行。死要汝自死。
道不假他成。佛豈離自己。唯有老趙州。平生一則語。
既是其中人。東山與之舉。

病起

老僧頭風一月兩發。見粥便嘔。見飯便噦。死又不死。
活又不活。使他諸人冷地忙殺。觀音勢至。候飢候渴。
文殊普賢。左提右掇。纔方起來。便翻著襪。不問是非。
乃棒乃喝。呵呵雲門。君子可八。

與妙菴主

至道之宗。備在爾躬。求之則遠。守之不遁。不求不守。
奇哉靈叟。極離極微。應心應手。觸目晴嵐。到處成菴。
捶呵彌勒。不與同龕。石虎擡頭。泥牛入海。鷲剎相逢。
一場風采。

金翅擘海直取龍。吞燕雀。鷹鷂徒誇羽翰。撥轉關楬。
子宛如珠走盤。明眼衲僧著眼看。

癸酉至節

梅陽妙喜老漢題

與鼓山書中一段語附

雪峯空禪師。頃在雲居。雲門相聚。老漢見渠。不自欺。
是箇佛法中人。故一味以本分鉗錐。似之後來。自在。
別處打發大法。既明向所受過底鉗錐。一時得受用。
方知妙喜。不以佛法當人情。去年送得一冊語錄來。
造次顛沛。不失臨濟宗旨。令送在衆寮中。與衲子輩。
看老漢因撥筆書其後。特爲發揚。使本分衲子。爲將。
來說法之式。若使老漢。初爲渠拖泥帶水。說老婆禪。
眼開後。定罵我無疑云云。

頂相讚附

慧空抓著吾痒處。吾骨割著伊痛處。痛處痒處。痒處痛。
不與千聖同途。豈與衲僧共用。莫言掃帚竹裏無錢。
筒。篙枝叢內無梁棟。雖然家醜。不可外揚。也要諸方。
眼目定動。而今各自不得已。一任畫出這般不唧溜。

底老凍艤。但將懸向壁角。落頭使來者瞻之仰之。晝夜六時。燒兜樓婆。畢力迦沈水。旃檀之香。作七代祖翁之供。

福州雪峯東山慧空禪師。本郡人族陳氏。十四圓頂。出嶺偕妙喜。同參圓悟于雲居。已而復道聚雲門菴。及禮六祖歸。抵疎山。參侍草堂。日臻玄奧。服勤有年。入闍久之。紹興癸酉。安撫龍學侍郎張公宗元致禮敦請。開法郡之雪峯。徇緣一載。退歸東菴。戊寅三月十三日。示寂。壽六十三。臘四十八。

貞和已丑仲冬。寓于龜山雲居。僧妙葩命工刊行。

羅湖野錄曰。福州空首座在江西雲門菴。一日妙喜老師問其香巖上樹話。對以好對春風。唱鷓鴣。及徵之。是樹上語。是樹下語。空罔然。尋避寇之曹谿。復趨臨川疎山。時草堂清和尚在焉。因看前話。有所證。自謂頗見妙喜用處。遂歸閩。寓古田秀峰。道望四馳。而屢却名利之招。東禪淨禪師有偈調之曰。山龜有殼。

藏頭尾七十二鑽。不奈何。恰似秀峰空首座。嘉招不肯出煙蘿。答曰。敢將不出。以爲高。朽索其如六馬何。賴有俗谿長柄杓。不妨霜月在松蘿。空之偈。句風韻高妙。於事理尤爲圓融。如贈撮藥道人曰。當陽拈出。大家看來。處分明去處。端總是諸人自遮護。先生毫髮不相謾。又貽修漏道者曰。是處叢林走一遭。敲磬打瓦不辭勞。忽然踏著通天竅。始覺從前立處高。又雪中。和僧偈曰。蓋覆乾坤似有功。洞然明白又無蹤。其如未識無蹤處。玉屑霏霏落眼中。曾侍郎吉甫嘗有詩寄之曰。江西句法空公得。一向逃禪挽不回。深密伽陀妙天下。無人知道派中來。其爲名公擊節如此。

余昔刊東山外集。喜其機用橫放。欲刊內集。而未得善本。堂中首座珍藏久之。亦有志于茲。因循閱紀一月。因話閒慨然。募衆繡梓流通。衆中豈無具眼衲僧。向鉗鎚妙密處。一觸觸著。便知道妙喜老人所謂造次頭沛不失臨濟宗旨之語。不虛其或未然。劍去久。

矣

時癸卯王正上元

三關老雪

覺性

書

濟顛道濟禪師語錄

宋
•
沈 濟
孟 顛
杲 道
編 濟
撰

無競齋質湖隱

非俗非僧。非凡非僊。打開荊棘林。透過金剛圈。眉
毛厮結鼻。孔撩天燒了。護身符落紙如雲烟。有時
結茅晏坐荒山巔。有時長安市上酒家眠。氣吞九
州囊。無一錢時節到來奄。如蛻蟬湧出舍利八萬
四千讚嘆不盡。而說偈言。嗚呼此其所以爲濟顛
者耶。

錢塘湖隱濟顛禪師語錄

仁和 沈孟梓 敘述

裂網掀番出愛纏

金田得入效金仙

髮隨刀落塵根淨

衣逐雲生頂相圓

悟處脫離煩惱海

定來超出死生關

皇恩佛德俱酬足

一朵爭開火裏蓮

此八句詩見三教中惟禪最妙且說大宋高宗時有
一金身羅漢在天台山托化來臨安府顯聖天台山
在浙東台州府國清寺有一長老名一本號法空乃
累劫脩來活佛時值年終密布彤雲揚揚飛雪長老

在万丈中獨坐令廚下整晚飯一聲雲板衆僧皆集
至齋堂飯罷長老仍於万丈禪椅中坐侍者進茶忽
聞一聲響過如霹靂長老曰是甚麼響乃與侍者同
行至法堂轉上佛殿入羅漢堂見一羅漢連椅仆地
惟長老陰知伴曰另作理會衆至万丈令侍者燃香
點燭此時雪下愈大有詩云

姑射真人宴紫微

雙成擊碎玉琉璃

朗然宇宙難分辨

大地衆生正路迷

長老危坐禪椅閉目垂眉入定少頃回來曰也去不
遠衆僧曰某等心愚道淺不諳禪機願聞其詳長老
曰便說無妨適來紫脚羅漢厭靜思動已投他處去
了異日若等亦有知者老僧待一月餘親往分付他
一言衆各散訖且說台州府天台縣李茂春者乃高
宗朝李附馬之後官拜春坊贊善爲人純厚不願爲
官辭職隱于天台山止有夫人王氏年三十餘未曾
生長每每祈神求佛忽一夜王夫人夢吞日光自此
得孕十月分娩時值宋光宗三年十二月初八日一
更時分生得一男紅光滿室瑞氣盈門贊善大喜漸

至月餘。有國清寺長老來謁。贊善迎接上堂。茶畢。長老曰。近聞公相弄璋。特來拜賀。就求一觀。可乎。贊善曰。承吾師盛意。奈小兒離胎日淺。身體未淨。焉敢見吾師哉。長老曰。願見何妨。贊善曰。吾師少坐。即入內。王安石者。乃贊善之妻兄也。贊善曰。國清寺長老欲見小兒。不識可乎。安世曰。彼僧道高德厚。欲見此兒。君勿吝也。贊善乃令丫鬟捧出面。僧長老忙接過手曰。你好快脚。不要差走了路頭兒。但微微笑。長老看訖。遞與丫鬟曰。此子日後通天達地。入聖超凡。長老僧送一名曰脩元。令他脩本命元辰。贊善起謝。長老作別。贊善曰。本留吾師素齋。奈舍下葷筵。尙容扣剎。長老曰。老僧十月西歸。大人不棄。願一送爲感。贊善曰。吾師春秋未盛。正當安享清福。相別回寺。贊善是日廣設華筵。款待親友。至晚而散。長老回寺。數日時。屈上元長老於法堂陞座。擊鼓三通。僧衆雲集。魚貫焚香。兩班排立。大衆淨聽。

正月半放華燈。黎民處處樂昇平。元辰令節無敷演。歸去來兮話一聲。既歸去弗來兮。自家之事目。

家知若使傍人知。得此定被他人說。是非故不說。只成呆生死事。不須猜山僧二九西歸去。特報諸山次第來。話生死誰諳。悟箇箇原來有此路。光陰攪過幾多人。綠水青山還是故山色。青水光綠閣羅老子無面目。寄語大衆早脩行。來世同登極樂國。

長老念罷。衆皆跪下。告曰。我師願再留數十載。長老曰。死是定數。焉可稽留。衆僧淚下。長老令侍者抄錄法語。速報諸山。令十八日早來送。我是日長老下法座。遂令置龕。畢至十八日。諸山人等咸至。李贊善亦至。齋罷。入方丈。相見長老沐浴更衣。到安樂堂禪椅上危坐。諸山和尚一應人等左右站立。後先簇擁長老呼五弟子衣鉢之類。若等均派監寺。可記數若等五人各宜謹慎。爲人毋得放肆。弟子大慟。長老曰。時候已至。急焚香點燭。衆僧辭拜。偕聲誦經。長老令取紙筆。遂作一絕云。

耳順年踰又九
事事性空無醜
今朝撒手西歸
極樂國中閒走

書畢正值午時下目垂眉圓寂訖衆各舉哀請法身入龕後二月初九日已三七日矣是日天朗氣清近遠畢至送殯乃請祇園寺道清長老指路長老立于轎上曰大衆聽著

柳媚花嬌二月天綺羅錦繡簇名園上人不愛春光好撒手西歸返本源恭惟國師長老性空和尚覺靈本性既空事情何有爭奈禪心明明不朽經誦楞嚴字書科蚪佛氏爲親泉石爲友六十九年無妍無醜天命臨終自知弗守約死期生果然應口穩坐龕中便不須走休得呆癡聽吾指剖

咦 西方是你舊路 弗用彌陀伸手

贊罷衆人悵快不已迤邐而行到山化局停下龕子松林深處五弟子遂請寒石岩長老下火長老立于轎上手執火把曰大衆聽著

火光焰焰號無名若坐龕中驚不驚回首未知非是錯了然何必問他人恭惟圓寂紫霞堂上性空大和尚本公覺靈原是南昌儒裔歸依東土禪宗脫離塵俗性皆空真是佛家之種無喜無嗔和氣

有才有學從容名山獨占樂其中六十九年一夢
咦 不隨流水入天台 越此火光歸淨土

念罷舉火燒著舍利如雨火光叢中現出一和尚騰空而起叫曰多虧了汝等又曰李茂春汝子誠非官吏但可爲僧切勿差了倘出家可投印別峯遠睹堂爲師駕青雲而去贊善蒙長老雲衢分囑之言摺摺不忘不覺脩元年登八歲有舅王安世一子年十歲贊善乃與安世議延師教子脩元入學無書不讀漸年一十二歲吟詩作賦舉筆成章時屆清明贊善令設席款待先生乃携金銀段疋束脩之禮作酌先生家居不遠次日贊善令二子送先生去回至祇園寺門首王全曰賢弟生雖居此未嘗遊此寺今是清明時候盍進嬉戲可乎脩元曰如此美哉二人携手入寺升階登殿遍遊迴廊欲進方丈忽見二人言曰內里官員願小舍莫進脩元曰某等係李贊善府中舍人內者何人便見無礙遂入方丈但見一床於中左坐一官右坐一僧兩邊排立數十行童各執紙筆脩元向前揖曰許多行童在此何爲長老曰在此爭功

脩元曰。學生年幼。不識爭何功也。長老曰。此位大人。因下海至黑水洋。慕然浪波狂起。許此一愿。方得平安。還家。乃捨財一千貫。請度牒。開剃一僧。爲見行童多雜。乃成一詞。後歇二句。但有續得者。便剃爲僧。脩元曰。此詞在何處。見賜一觀。那官人因見脩元人物俊雅。語言洒落。遂令取出與脩元接了一看。乃滿江紅也。詞云。

卜築溪山。隨閒蓋數椽茅屋。共嘯傲。明月清風。翠陰籠竹。靜坐洗開名利眼。困眠常飽。詩書腹任粗。衣淡飯度平生。無拘束。清晝永。尋棋局。深夜靜。彈琴曲。算人情。却似雨翻雲。覆到底。淵明歸去也。依然三徑存秋菊。笑卞和未遇楚王時。荊山璞。

脩元看畢。遂續二句云。

淨眼觀來三界。

總是一椽茅屋。

官人并長老一見駭然。便請脩元王全坐定。長老曰。二位先生。請問姓名。居住。脩元曰。表兄王安世子王全也。學生乃李贊善子李修元。長老曰。可知可知。十餘年前。國清寺長老歸天之日。曾與尊府言。公子只

◆與一作對

◆此一作他

可出家。今日既續此詞。理合剃爲僧矣。脩元曰。家父止生學生一子。豈有出家之理。長老曰。貧僧自造宅見令尊大人禮。請今日豈敢造次。二公子不棄。可于敝寺暫宿一宵。脩元曰。因送受業師還路。由上刹偷閑半日。父親不知。焉敢擅便。長老送出山門。回方丈與官人曰。此子非凡。異日不可量也。倘相公捨千貫。剃得此一則。大人名望。二則光顯貧僧。不知此子肯出家否。且說脩元兄弟二人。回府參見父母。贊善曰。汝二人出去。何回晚甚。脩元曰。多蒙先生設酒相待。回由祇園寺。過因入相。旣正遇衆行童在方丈爭功。孩兒一時續了兩句詞。以此擔閣工夫。彼寺長老言明日親到來。稟父親贊善曰。孩兒只知其一。不知其二。天台山中有三百餘寺。曩者國清寺長老性空禪師并寒岩和尚皆已西歸。近今却尊祇園寺長老。若何輕視此也。王全曰。姑爹何慮。孩兒亦知方纔賢弟兩句詞。遂驚動那長老。倘彼明日來。孩兒自有答應。贊善乃笑而罷。次早忽報祇園寺長老至。贊善遂出迎接。相見禮畢。長老曰。昨日公子到敝寺。偶值行童

爭功感令郎續成一詞。故此特來拜請令嗣出家。不識尊意。何如。贊善曰。荷上人盛德。感佩無既。其柰下官。特此一子。難以奉命。長老曰。諺云。一子出家。九族昇天。抑又十餘年前。性空長老之言。大人何故頓忘。話間。忽圍屏後走出修元。向前行禮。畢曰。感蒙長老盛情。學生只有三事。難以出家。長老曰。何也。修元曰。學生年未及冠。不諳正事。父母在堂。乏人奉養。遍觀天台僧衆。無可爲師。有此三事。難以奉命。長老曰。貧僧已年六十。何不能爲汝師。乎。修元曰。學生有句言。語動問長老。長老曰。公子年幼。何猖狂也。修元向前曰。上人高壽。長老曰。年六十二矣。修元曰。既年六十二。歲不知前此一點靈光。在于何處。長老赧然無答。良久。修元曰。只此一句。尙未省悟。焉能爲我師。乎。長老惶懼。置身無地。贊善待齋。長老堅辭還寺。於心不樂。連臥三晝。乃起。忽報觀音寺長老道淨相探相見。坐定。茶罷。曰。聞知師兄清體不快。特來拜訪。不知因何染病。道清長老曰。多感雅意。一言難盡。一一道說道淨曰。若此何難。道清曰。賢弟毋得小視此子。才學

◆婚一作親

◆吉日一作吉日

誠然拔萃。話間。又報李贊善及子二人來見長老。曰。請進禮畢。獻茶。贊善曰。小兒日昨狂褻。犯上。尊師釋怒。爲愛。道清曰。惶恐。惶恐。道淨曰。此間公子就是。道清曰。然。道淨曰。公子甚表。元曰。名修元。道淨曰。字號修元。本命元辰。修未。易修元。勃然曰。名爲道淨。淨生極樂道。須戒二上人。竦然起。敬道清。待齋罷。贊善乃返。修元每日在書院吟咏。不覺年已二九。豈料夫人王氏臥病不起。時年五十一歲而亡。比及母服闋。仍繼父喪。畢。母兄王安世。累與元言婚事。元亦不掛懷。時往諸寺。但覓印別峯。遠睹堂二長老。不知下落。越半年。始知音耗。印別峯和尚。在臨安徑山寺住持。遠睹堂先在蘇州虎丘住持。今在靈隱元稟舅氏王安世曰。此事未必盡善。亦未必誠然。但汝家許多產業。再無以次兄弟。誰當管事。元曰。喜得賢兄善治家事。料必無妨。決定二月十三日吉起行。安世曰。如此去急。須得整治衣服。我極老邁。乃令王全送去。元曰。家中無人。何必賢兄去。止希一二侍者足矣。吉日已至。元乃取鈔若干。拜辭舅氏。遂行。安世再三叮囑。元一

◆帶上一有
圖字

◆西南二一
作南北兩

一。听領迤遲過錢塘江登岸入城。逕到新宮橋客店。
安歇。次早偕王全帶侍者。遠城閑眺。至晚乃還。謂主
人曰。久仰臨安勝槩。小人特來閑觀。主人曰。此城市
中。無非官府衙門。街坊鋪店。有何好處。若要閑戲。盍
往西南二山諸寺。西湖勝景。天下罕有。元曰。有一靈
隱寺。却在何處。主人曰。此寺正在西山。飛來峯對元
曰。路從何達。主人曰。出錢塘門。便是西湖。過保叔塔
下。沿湖北山。至岳武穆王墳。入西。乃是靈隱寺。前有
石佛洞。冷泉亭。呼猿洞。無窮佳景。水明山秀。元曰。此
寺有幾多僧。衆主人曰。約有三五百僧。上年歿了住
持長老。往姑蘇虎丘山。請得一僧名遠。瞎堂。此僧善
知過去未來之事。元曰。來早。即當往見元。乃扮一秀
士。同侍者沿路出錢塘門。時三月天。風日晴和。元顧
謂侍者曰。聞說杭州西湖景。致果不謬矣。入昭慶寺。
見大悲像。頌曰

一手動時千手動 一眼觀時千眼觀
既是名爲觀自在 何須拈弄幾多般
題畢行至大佛寺。見大佛半身。頌曰

◆本比一作
水光

◆天一作炎

背倚寒岩 面如滿月 盡大地人 只見半截
題畢迤遲過飛來峯。坐冷泉亭。元仰觀亭側。有唐賢
白樂天詩云

朔風凜凜雪漫漫

未比清泉一道寒

六月炎天不飛雨

請君就此倚欄干

修元稱羨好景不已。但見許多和尚。隨長老逕進寺。
去。惟一僧在後。修元急向前施禮曰。適此長老從何
而來。和尚曰。是本寺新住持遠瞎堂長老。因徑山寺
印別峯西歸。請去下火。方回元曰。學生欲見長老。敢
煩引進。和尚向前。覆長老。長老令請進元。乃進見。行
禮畢。長老曰。秀才何來。元曰。弟子從天台山特來。系
出李駙馬之裔。贊善之子。小字修元。不幸父母雙亡。
一意出家。近聞我師飛錫。特來拜投。乞希清目。長老
曰。若未知出家容易坐禪難。彼處天台山三百餘寺。
何爲捨近而趨遠。元曰。幼奉國清長老遺言。故特投
禮長老。曰。若後侍者誰也。元曰。弟子家中取帶賤僕
長老曰。人家各有大小急。可遣還元。乃取出所帶之
鈔若干。納付長老。以爲設齋請度。牒常住公用等費。

◆這一作還

餘者付僕人作路資。僕人曰：「某等隨侍官人抵此，滿望衣錦還鄉，豈期於此？」寺出家元曰：「你只合還回，傳覆我舅氏言：『我在杭州靈隱寺出家，二僕茫然流涕，不忍而別。』且說長老在方丈中，令侍者焚香點燭，危坐禪椅，入定半晌，乃曰：『善哉善哉！此種姻緣，却在斯乎？遂揀吉日修齋，請度牒，齋完鳴鐘擊鼓，會衆于法堂。』長老令元跪在法座下，曰：『出家容易還俗難，汝知之乎？』元曰：『弟子誠然心悅，非勉強也。』是時遂披剃，將髮分給五了。鬚長老曰：「此五髮前是天堂，後是地獄。左爲父，右爲母，中者本命元辰也。」元曰：「弟子已理會矣。」方落髮畢，長老摩頂受記，名爲道濟。長老曰：「汝受三皈五戒，殺盜淫酒氣自後俱可除下。每日在雲堂坐禪，道濟曰：『如斯而已。』」乎長老令監寺送道濟入雲堂，道濟坐定，監寺分付曰：「汝宜謹慎，休得跌地。道濟坐至三更，身漸疲困，忽從禪床顛倒一跌，不知所之。連聲叫苦，不覺跌起一大脫腫。監寺曰：『道濟，汝何故跌下？』姑想這次倘後定行痛治。道濟起來再坐，睡意昏昏，甚難消遣，連跌二次。監寺曰：『今日二次亦難。」

◆這一作跌

◆這一作坐

◆中一作坐

饒少頃又跌如此。三次跌得七塊，人塊監寺曰：『道濟新剃光頭，正好乞幾竹篋。』道濟曰：『跌了許多脫腫，又加一竹篋，打一大塊。』我去告訴師父。監寺曰：『我看你面只打一下，你到要去告訴師父。』道濟曰：『阿哥，不是我。』監寺含笑而去。漸漸天明，道濟起來，頭上摸著脫腫，連聲叫苦，惱苦惱坐，得一夜頭上許多塊起，若坐幾月，頭上塊子無處安頓矣。只得又熬兩月，道濟陰思道未出家時，大塊肉大碗酒，恁我意喫，如今只是粥菜，要多喫半碗，也不能勾。身漸黃瘦，如何受得過，不如辭別長老還俗去。於是急跳下禪床，走至雲堂門首，二監寺曰：『適間已去，小解。』今何又去？道濟曰：『牢裡罪人也。放水，火，你何多管閑事？』監寺道：『放你去，便來道濟出得雲堂門，逕入方丈，先是伽藍已告知長老，言天台山出家的羅漢近差念頭，我師可點化他。』休得放去，只見道濟已到面前，問訊長老曰：『道濟，你不坐禪來，此何幹？』道濟曰：『告我師，弟子出家不得，正欲還俗。』長老曰：『快休出此言。我前日曾與你說出，家容易還俗難。汝既出家，豈有還俗之理？』道濟曰：『都』

◆熱一作遠

是弟子不是望我師慈悲看弟子苦惱面饒了長老曰有甚苦惱熬守二年管職事道濟曰弟子守不過寺中酒肉不曾見面粥又喫得不飽禪床上坐不穩跌下來又被監寺大竹篋打遍身黃瘦如何熬得過長老道我自罵監寺不打你了道濟曰便打幾下無妨只是無東西喫熬不過弟子有兩句佛語長老曰說與我聽道濟曰一塊兩塊佛也不怪一醒兩醒佛也不瞋一碗兩碗佛也不管長老道你喫得雖好不要差了念頭正說間只見齋堂敲雲板長老令侍者將粥來就令道濟同喫道濟見長老亦無受用碗內只有些粗麤飭餘外是黃酸薑菜道濟遂念出四句云

小黃碗內幾星麤

半是酸薑半是瓠

書不出生違佛教

出生之後碗中無

長老曰善哉善哉汝却曉得道濟曰曉得曉得只是熬不過長老乃吟四句云

月白風清涼夜何

靜中思動意差訛

雲山巢頂蘆穿膝

鉄杵成針石上磨

道濟曰弟子自禮長老爲師之後並不曾開發如何得成正果長老曰汝忒性急既如此可近前來道濟向前被長老扯住只一掌道此人必悟只見道濟扒將起來看著長老臂前只一頭將長老撞番跌下禪椅逕奔走了長老高叫有賊忽衆僧雲集問曰偷去甚物長老曰禪門大寶衆僧問兀誰偷了長老曰道濟衆僧曰不妨某等即便拿來長老曰且休老僧明日自問他衆皆散訖惟道濟一逕直入雲堂內口言好好扒上禪床看著上首坐的和尙只一頭撞去道妙和尙曰道濟甚麼道理道濟曰閑要何妨須臾又將次首坐的和尙亦撞一頭道妙妙好要好要衆曰道濟風了道濟曰我痴則痴自家知是夜道濟在禪床上戲了一夜監寺亦不能禁約次早長老方丈獨坐尋思道濟雖如此未知他參得透否且問他幾句佛語便知端的遂令侍者往雲堂內播鼓敲鐘會衆長老升法座念了一遍淨土呪衆僧焚香長老曰衆僧聽看

昨夜三更月正明

有人曉得點頭燈

慕然思起當時事 大道方知一坦平

念罷道大衆有記得當時事者。麼道濟此時在浴室洗浴。聽得道我却理會得。連忙繫了浴裙。穿上直裰。直逕入雲堂。問訊道。弟子記得當時事。長老曰。既然曉得。盍從大衆之前。發露道濟。就法座前打一根斗。正露出當面物事。衆僧掩口而笑。長老曰。眞乃吾家之種。遂下法座。衆僧都散。長老入方丈中。只見監寺等職事僧。皆侍于前。長老曰。汝等何事。監寺曰。告我師適問道濟已犯禪門正法。該責二十下。特取我師法旨。長老曰。單子在何處。首座呈上。單子長老接過。手令取女房四寶。乃於單子後面批十字云。

禪門廣大豈不容一顛僧 顛者乃眞字也

批訖。付與首座。首座接過。與衆僧看。曰。長老何亦護短如此。自後衆僧都叫他做濟顛。每日發風。惱得滿寺僧人無奈。何難過活。或告長老。長老只是護短。濟顛越風起來。常去冷泉亭下打根斗。撲交入呼猿洞。引猿猴番根斗。引小的兒上酒店。唱山歌。有時衆僧在殿看經接施。主他却托著一盤肉。手敲引磬兒。攪

●交一作教

●如一作時

在衆內口唱山歌。塌地坐在佛殿上。喫肉。衆僧告長老。長老曰。他是風子。汝等休得與他一般見識。忽一日。長老在方丈中坐。只見濟顛手拿著一頂傘。兒燈引著七八十小的兒。口內唱山歌曲。兒前面舞將入來。長老曰。道濟你沒正經。連累老僧。忍氣濟顛曰。我師不可信。這干賊禿。做一路只顧難爲我。今日是正月半元宵。因此開戲。長老曰。今日既是正月半。令侍者擂鼓撞鐘。須臾衆僧都到法堂焚香。長老升座。念淨土文曰。大衆聽著。

開處莫入頭。靜處著眼看。明暗不相干。比各分一半。一半作實人。教誰賣柴炭。不可毀。不可讚。望著虛空無邊岸。相呼相喚去來休。看取明年正月半。長老念罷下法座。大衆都敗看看。過了一年。又是正月半。有臨安府知府來望長老。老交請入來。方丈相見了。長老道。相公無事。同往冷泉亭上。著盤棋。知府道。好侍者隨到冷泉亭去。這靈隱寺有箇金絲猿猴。如常侍奉長老。長老叫他做猿行。當時也立在面前。兩箇下數盤棋。侍者報道。諸山各刹長老都到十六廳。明

●第一作妙

官齊來長老道如何。今日大眾都到侍者道我師只因去年正月半升法座道相呼相喚去來休看取明年正月半語錄批了告報諸山大刹今日都來相送長老道我又不死里罷了既是衆人都來了豈可教他空回提起袖來把棋子都拂在地下念道

一局仙碁猶未了 又被波岩請涅槃

長老起身便入去洗浴換了乾淨衣服作文白贊道大眾聽著

正月半又見一年時節換今年不見去年人不覺風光似輪轉眼前大眾息誼譚且聽山僧自決斷大眾如何是山僧自決斷

噢 白雲吹散太虛空 皎潔一輪呈碧漢

長老念罷道貧僧有些衣鉢千萬留與道濟我只要道濟下火說罷坐化而去却說冷泉亭猿行聽得走到方丈中遶著長老走三遭立地而化衆僧大驚合籠子盛了看看五七日到舉殯濟顛不回却待要起籠子只見那濟公一隻脚穿著蒲鞋一隻手提著草鞋口內唱著山歌望冷泉亭來侍者道你好放得落

你師父圓寂了今日舉殯師父分付專望你來下火濟公聽得大笑衆僧却請金牛寺松隱長老掛真起籠長老立在轎上道大眾聽著

諸佛靈山建法筵上人特特去扳禪料應定入龍華會故使丹青仔細傳遠瞻堂遠瞻堂這般模樣甚猖狂方袍圓頂如來相皓齒明眸尊者裝無瞋怒有慈祥禪心耿耿只如常不但真容傳得好名字從來到處香

噢 他年若在靈山會 認得今朝遠瞻堂松隱讚罷鼓樂喧天簇擁籠子到佛國化局松柏亭下解扛索濟公下火手執火把道大眾聽著

師是我祖 我是師孫 著衣喫飯 盡感師恩臨行一別 棄義斷襟 火把在手 王法無親大眾且道如何是王法無親

噢 與君燒却臭皮袋 換取金剛不壞身舉火燒著舍利如雨中現遠瞻堂長老叫曰汝等各宜保重說罷化陣清風而去齋畢各散濟公從長老死後愈加風發首座曰你師父衣鉢交付與你濟公

◆一無死過

◆風字之
略也

曰我儂不要首座。曰師父嚴命。濟公曰如此且擡出來看首座。令人一一扛出來。濟公曰與我都開了鎖。道大衆各自來搶言訖。衆僧打成團攪。做塊。濟公只揀光頭上鑿栗暴。一時搶盡了。濟公自此越風發了。先是有例。寺中住持若死過數日。請諸山會湯議論。別請長老住持。首座曰衆位和尚在上。自長老西歸之後。這道濟越風攪得禪門不成規矩。今日列位在此。煩勸諫他。監寺令侍者去請濟公。時濟公在飛來峯牌樓下。引領許多小的兒在溪中摸鵝卵石。侍者曰濟公首座請許多和尚在方丈會湯。特令我來請你。濟公道必然請我喫酒。便同侍者入方丈相見了。濟公呵呵大笑曰你們團團坐在这里。好似子孫堂。只少箇大均娘娘。首座曰你且莫風。你師父已死。只有你在這里。你可做正事也。與師父爭氣。濟公曰爭氣爭氣。你們方纔會湯喫酒。便不叫我。我偏是無分子息。我若爭氣與你們每日打開衆僧。曰某等清淨禪門。如何用得這等無正事的。濟公曰看你這夥禿驢。理甚正事。正是水炭不同爐。你看我不得我看你。

◆本一作華
下同

◆男男離男
氏下皆離之

◆氏一作男

◆記一作係

◆下二有
字

不過方纔長老死得便有許多說話。是日就收拾了包袱。拿了禪杖。別諸山和尚師父骨塔前拜了幾拜。便走。濟公離了靈隱寺。過了六條橋。逕到淨慈寺投宿。一宵次早到浙江亭。越船取路到台州。時有人報知王安世。舅舅合家來接喜。不自勝。濟公拜見舅舅。舅母王全嫂嫂都相見了。舅舅曰聞知你在靈隱寺出家十分好緣。何不緝理。身上這般模樣。濟公曰舅舅差矣。出家人要好做甚麼。我只是隨口做幾句詩。詞歌賦。喫幾碗好酒。過得終朝。便了。濟公連過十餘日。舅舅要做衣服與他。罰誓不要。只是喫酒或往諸山寺院閑走。作些詩賦。忽一日濟公對舅氏曰我回天台已一年。餘明日還杭州去。舅氏曰你平日說與本寺僧衆不睦。不如只在家。濟公曰還箇使不得。舅氏舅母苦苦再三勸他不得。乃恁他去。付與盤纏。濟公並不受。曰出家人做甚麼要銀兩。安在身邊到擔干記。當時辭別舅氏。離了天台。越了江船。至浙江亭上岸。濟公自思我若別處寺裡去。又不怯氣。我係是靈隱出身。逕到那里看這夥禿驢。背着我否。乃過慈

雲嶺巡投靈隱寺到飛來峯見一藏主藏主曰濟公你回天台去許多時寺中換了住持昌長老混名叫做檀板頭濟公曰如此却難打夥巡投寺裡來到山門下見一首座曰濟公你來了如今長老不比你師父濟公道若得利害不怕你們欺侮我首座曰我同你入見長老二人到方丈見長老濟公拜了首座向前曰此僧乃先住持遠長老的徒弟道濟是也因還天台年餘纔回長老曰莫不是能喫酒的濟顛濟公曰弟子出遊一年酒肉俱戒了長老曰若如此可掛名字收了度牒濟公但在雲堂坐禪閑時在殿上念經兩月餘再不出山門時值殘冬大雪濟公覺身體冷來到香積厨下向火露出一雙精腿火工曰你師父有許多衣鉢與你倒令人槍去如此大雪一雙精腿可不冷也濟公曰冷自我受凍也無妨只是年餘不喫酒苦惱子火工等見濟公說得傷心便道濟公我們有瓶酒在此請你喫只怕長老知道濟公曰阿哥難得你好心我躲在灶下喫一箇便遮了一箇篩酒濟公喫了便走出厨下來原來這酒不喫便沒事

●門一作坊

●多時一作如何

○也一作們無個字

但喫便膽大不顧長老的言語逕出山門前却好撞見飛來峯牌門下住的張公張公道濟公多時不見你濟公道阿公說不得自台州來在寺年餘長老拘束得緊不敢出寺門今日偶到厨下火工請我喫了一瓶酒覺有滋味特出尋箇主人張公曰到我家喫三盃何如濟公曰十分好跟了張公逕出飛來峯張婆在門前見老子領濟公來千歡萬喜曰和尙多時不見都入裡面張婆鑒兩碗豆腐盪一壺酒來二人對坐兒子簡酒濟公道阿公難得你一家好心阿婆道和尙別樣便沒只這酒有在此你只顧喫你一碗我一碗各喫十五六碗覺得醉了濟公起身叫聒噪阿婆曰這等晚了見自長老不許你喫酒你今回去倘說轉來連我也不知重濟公曰阿婆說得是我儂只在這裡同你兒子歇一夜明早濟公見天色晴道多時不入城相望朋友今日走一遭張公家喫了早飯一逕來岳墳正撞兩對頭踏過濟公立住看時乃王太尉也太尉見濟公慌忙下轎曰如何多時不見濟公將前事細說太尉曰下官今日要去天台不得

●早一作日

●仰視一作
遂乃

同你回府。汝明早可來府中走一次。濟公道多感多。
感太尉上轎去。訖濟公自入錢塘門。逕到炭橋河下。
沈堤點家。此時提點不在。管店人見濟公連忙道裡。
面請坐。我官人在此累累。念想兒子出來陪侍茶罷。
濟公見提點不歸。欲回寺。忽雪花飄舞。濟公仰視作
詞云

凜冽同雲生。遠浦長空碎。玉珊瑚。梨花滿目。泛波
瀾。水深簷背冷。方丈老僧寒。渡口行人。嗟此境金
山。變作銀山。瓊樓玉殿。水晶盤。王維饒善畫。下筆
也應難。右調臨江山

●去一作因
●一無便等
三字
●曰一作道
下同

題畢。尋思沈提點定在漆器橋。小脚兒王行首家。次
早不別其子。逕望漆器橋來。至其家問妳子曰。沈提
點在你家否。妳子曰。方纔出去洗浴。濟公曰。如此我
等他。便上樓去。見王行首睡熟。濟公輕輕掀開被兒。
踏床上。拿隻小鞋兒。放在陰門上。便下樓。却好撞著
沈提點。提點曰。久不見緣何在此。濟公曰。我昨日特
來尋你。不在家。料必在這裡。起早特來。你又去洗浴。
提點道。失迎。且上樓去喫早飯。二人同上樓。時王行

●衝一作冲
次同

●一無儘字

首正睡覺。見這鞋。心內不然。問曰。誰上樓來。妳子曰。
濟公提點曰。出家人甚麼道理。濟公曰。衝撞。衝撞不
是我。儂無禮。有一段因緣。提點曰。願聞。濟公念出一
詞云

蝶戀花。枝應已倦。睡來春夢難醒。羅衣卸下。不隨
身。三魂遊閨苑。七魄遶蓬瀛。故把羅鞋遮洞口。須
知覺後生。嗔非因道。濟假人情。斷除生死路。絕却
是非門。右調臨江仙

●刺一作速

●宗一作昇

提點大笑曰。佳作。妳子托三碗點剝酒。至濟公喫了。
一碗曰。不濟事。行首曰。我不喫。你都喫了。濟公又喫
一碗。妳子搬早飯來。二人喫了。濟公曰。多謝。多謝。萬
松嶺王太尉望我今日來。且去見他。一面提點曰。回
來到我家走一遭。濟公逕投清河坊來。行至宗陽宮。
酒庫對門。見箇豆腐酒店。好買賣。推出湧入。濟公見
雪飄將下來。且去買幾碗喫。濟公坐定。酒保問和尙
喫多少。濟公曰。胡亂喫些。酒保將四碟菜。一盤豆腐。
一壺酒。一隻碗。濟公喫了一壺。覺酒有滋味。又取一
壺。喫了。再要一壺。酒保曰。和尙。我家酒味重。只好喫

兩壺濟公曰于你甚事只顧篩來又喫了兩壺濟公

身邊無一文錢一眼只望門前施主正值雪落過往

人少酒保來會錢濟公曰我儂不曾帶來除我除酒

保曰這和尚好沒來由認得你是何人濟公道我是

靈隱寺的僧著人跟去便有酒保曰那有許多工夫

便脫這破直裰來當濟公曰我叫做菜餽餽只有這

片皮包著如何脫得二人在門首厮扯對門昇陽宮

酒樓上人望見酒保扯的和尙好像濟公便令侍者

去叫二人上來酒保同濟公到對門樓上濟公看時

乃是沈提點兄弟沈五官濟公曰你在此快活我被

他拖住討酒錢沈五官曰便是望見因此特來相請

濟公曰再遲些我這片黃皮被脫去了衆人大笑沈

五官分付酒保回去濟公的錢我還酒保去了濟公

曰聒噪阿哥解了這緇沈五官曰如此大雪同陪提

點一坐三人從頭又喫濟公已有酒略喫幾盃便覺

道醉五官曰你方纔乞這樣虧何不作首詩濟公便

吟四句云

慣會餐齋竟主人

身邊零鈔沒分文

誰知撞見真經紀 不遇檀那怎脫身

五官人道你喫幾碗濟公又念四句云

平生只愛呷黃湯 數日無錢買得嘗

今幸見君君莫阻 再求幾碗潤枯腸

五官人大笑令酒保只顧篩酒濟公喫了十餘碗又

作四句云

昔日曾聞李謫仙 飲酒一斗詩百篇

感君慨賜無慳吝 貧病何嘗出口涎

李提點大笑五官人又斟酒與濟公喫濟公大喜又

作四句云

自來酒量無拘管 惟有窮坑填不滿

要同畢卓臥缸邊 告君再覓三十碗

五官見濟公醉了叫當直來分付叫三箇唱的術術

來不多時三箇唱的來到五官身邊坐一箇李提點

身邊坐一箇五官曰濟公我見你冷靜特請娘子相

陪濟公曰好好作詩一首云

每日食盃又宿娼 風流和尚豈尋常

袈裟常被胭脂染 直綬時聞膩粉香

◆ 扯一作對
◆ 人認見一
作有一官人

◆ 一細沈字

◆ 一細丁字

◆ 乞一作吃

◆ 又上一有
乃字

◆ 蔡列一作
術術

◆ 每日一作
不是○又作
便

五官曰。這里無人。濟公可同娘子一睡。只見酒保上
來道。使不得。濟公吟詩一絕云。

滿庫瓊芳闥色鮮。就中一朵最堪憐。

恁伊萬種風流態。惟有禪心似鐵堅。

五官喜曰。真佳作也。濟公又吟一絕云。

背我父娘作此態。生我這箇臭皮袋。

我心不比父娘心。我心除酒都不愛。

吟罷。又喫幾碗。漸漸天晚。五官曰。濟公晚了。回寺不
得。五官令當直扶濟公下樓。與李提點別了。二人徑
到新街劉行首家。虔婆接見。十分歡喜。道。五官人。今
日如何帶這醉風和尚來。五官曰。他晚了。回寺不得。
同來借歇。虔婆曰。無礙。便叫兩箇女兒來相見。令安
排酒。五官曰。我們已醉。五官令大姐同濟公去睡。五
官與二姐睡了。大姐推濟公入房中。坐在床上。關了
房門。與濟公脫衣裳。濟公曰。阿呀。罪過。相被大如。纏
得酒醒。起身開房門。欲走。又怕巡夜的捉住。只見春
臺畔大火箱有些熱。便扒上去。放倒頭睡了。大姐也
自去睡了。濟公聽得朝天門鐘響。急扒起來。推窓一

◆一無門字
○如作姐

◆一無安字

◆假一作借

◆見上一有
看字

◆公寫說一
作願。事○
開上有換字
○無國字

◆五上一有
況字○無起

◆出一作至

◆吊一作子

看東方已動。遂題一絕云。

暫假夫妻一宿眠。禪心淫慾不相連。

昨宵姑順君台意。多與虔婆五貫錢。

題罷。見臺子上有昨夜剩的酒一壺。乃飲畢。又吟一

絕云。

從來諸事不相關。獨有香膠直箇貪。

清早若無三碗酒。怎禁門外朔風寒。

濟公寫訖。遂開大門。一巡去了。虔婆聽得門響。急起
視之。只見臺子上。一幅字。紙獨大姐睡著。問時。大姐
曰。夜來如此。如此。虔婆曰。真童男子也。須與五官起
問。濟公虔婆曰。早去了。卓上遺幅字。紙在此。五官一
見。乃曰。不枉了出家人。却說濟公踏凍出清波門。自
思。如今身寒肚又飢。且去萬松嶺尋箇施主。討些早
飯。喫。逕赴陳太尉府。前見一門公掃地。濟公曰。煩與
我通報。門公乃去。箕帚入報。太尉慌忙。走起。逕到廳
上。濟公向前。問訊。太尉曰。如何久不相見。濟公曰。歸
家一年。回寺。被長老拘束。得緊。數日前。得火工三碗
酒。喫。吊動念頭。連日在城中。同沈五官閑戲。日。昨去

◆無字

◆簡一作通

◆一無字

◆盒等六字
一作醫發背
的方兒

◆一無字

新街劉行官家歇起早。出特到府中太尉大笑取湯來。濟公曰：湯不要喫。太尉曰：我理會得。你只要酒。喫命常直的。整治肴饌。酒果濟公喫了十五六碗。太尉曰：你身上冷否？濟公曰：頑皮袋由他凍。太尉曰：你身上穿一領破直裰。脚下著一雙破僧鞋。赤條條露雙腿。我今送你一疋綾子。一箇官絹做件衣服。銀一兩。作裁縫。濟公曰：我儂無有報答你。你明年上冬有場大災。你將紙筆過來取箇香盒。閑人暫退。濟公遂寫字放在香盒內。如法封固。付與太尉。令安在佛堂前。明年有災時。可開來看。其後太尉忽患一發背。大如茶甌。痛不可忍。百般醫治不痊。猛然思起濟公。留下香盒。急取來看。但見盒內寫著一方。太尉如法修合。遂果獲效。此係後話。且說濟公。其日得了綾子。官絹。銀兩。遂拜謝太尉。纔下嶺。見一夥乞兒。凍倒在地。濟公曰：苦惱。我有些東西。與你袖中摸出綾子。官絹。銀兩。盡與衆人。迤邐歸到靈隱寺。見首座曰：你連日在何處？濟公曰：我連日在昇陽樓飲酒。新街里宿娼。首座曰：好好。你又喫酒。又歇娼。濟公曰：我明明裡

◆一無字

◆交一作改

去不強。如你們黑地裡去。首座曰：長老。昨日問我。我說你十六廳朝官處探訪。原來這樣胡行。急拖入方丈。見長老言。濟公私自出去。喫酒宿娼。長老大怒。令侍者打二十。拖倒。揭起直裰。濟公却不穿褲子。轉身露出面前那物。事來。衆僧大笑。長老曰：這廝如此無禮。首座曰：先師護短。容他慣了。長老曰：風顛之人。不必打他。且放起來。濟公呵呵大笑。出方丈來。曰：你們拖我。見長老却不打我。好漢子。和你跌三交。衆僧曰：不采你這風子。濟公曰：賊牛們。却又怕我自。此愈加風顛。衆僧皆來同長老計議。怎生逐得他出去。長老曰：他是先師徒弟。如何逐得？監寺曰：某有一計。自然使他安身不得。衆曰：却是怎麼？監寺曰：比先寺中有箇鹽菜化主。每日化來常住公用。此職事最難。他化不得。自羞回也。如今可買一尊酒。整頓齋。使他大醉。倘若應允。亦不過月餘矣。衆僧曰：妙計。只恐他不允。監寺曰：他只要酒。喫是日。整齋置酒。請濟公。喫濟公到方丈。坐定。曰：長老。喚我做甚麼？長老曰：衆僧買酒在此。請你。濟公曰：却又蹺蹊。你且說爲何。請我長老

◆前一作

曰我初住持不識前事。先是此等有箇鹽菜化主。如今一向無人。今欲立箇化主。要你開疏頭。因此請你。濟公曰。既要寫疏。且只喫酒。若醉方有文章。長老曰。你只顧喫。當時行童將隻大碗。放在濟公面前。一上喫了三十餘碗。暫住侍者。遂將文房四寶。放在桌上。濃濃磨墨。濟公起身拂紙。而就文。不加點云。

◆和上一有
我字

伏以終朝易過。衣食難求。空門內皆倚檀那寺院。中全憑施主。倘無施主。房宇便東倒西歪。若沒檀那。和尚就忍飢受餓。衣非綾錦。也須得綿布遮身。食不珍羞。亦必用酸齏過粥。費用雖不奢。華人多也。難掙挫。輒持短疏。遍叩高門。不來求施衣糧。但止化些鹽菜。灶戶口燒造殷勤。園圃人種作勞碌。羞將痴臉懇求他。全仗勸欣資助。我莫怪貧僧朝朝饒舌。皆因弊寺。日日用他一碗糙米粥。無他怎送入飢腸。半碟黃酸。護有你乃能充餓口。和尚箇般若惱子。達官普發歡喜心。日化八貫資財。供入常住增富貴。朝忝三寶賢聖。願祈施主永安寧。謹疏年月日。

◆一無應道
二字○文作
叫

◆局上一有
他字

◆永一作未

◆入下一有
入來二字

濟公寫罷長老并衆僧都喝采。令行童取酒來。濟公又喫了十餘碗。長老曰。一客不煩。二主再浼你做箇化主。濟公曰。我是風子。如何做得監寺。曰。濟公結識的是十六廳朝官。十八箇財主。莫言一日八貫。便是八十貫。他也化得。長老曰。原來恁地。濟公曰。相識家止好索他些酒食。如何又化他錢財。長老曰。你胡亂化。半年三箇月。我這裡便今人代換。濟公此時已醉。應道。喫了你們酒。如何推得過。長老大喜。便交鋪香花燈燭。請濟公坐了。受長老三拜。收拾齋觀果品。遂別長老。出方丈心內暗思。我反被局了。在這裡亦不秀氣。不如一發起了度牒。別處去罷。轉入方丈。長老問何故。又回濟公曰。我思做此化主。永免去各處去化。身邊又無度牒。只道我是野和尚。故此回取度牒。長老曰。說得是。即令監寺取度牒付與。濟公收了。自去。且說濟公出山門。逕到白樂橋。坐思這夥禿驢合成圈奪。明是局我出來。淨慈寺德輝長老。平素與我契合。我往投他。必然見留。逕望淨慈寺來。入見長老。問訊。長老曰。濟公何來。濟公曰。說不得。弟子被衆局。

丁時
●聯下一有

●交一作教
下同

●云上一有
東字

我做鹽菜化主弟子初時不肯後被他灌醉一時應承今思明是局我出門故特來投希留爲愛長老曰你是靈隱寺有分子孫如何空身出來濟公曰我不要他東西只因被這班欺侮過不得望我師慈悲長老曰留自留你只是昌長老面上不好看老僧明日寫一柬去他若回字來那時收你兩家都好看濟公曰我師見是當晚濟公就方丈中暫歇次早長老寫了書差傳使詣靈隱寺時昌長老正在方丈中坐侍者報淨慈寺傳使在此長老交進來傳使將書呈上云

南屏山淨慈寺住持比丘德輝稽首師兄昌公法座前卽晨新篁漸長綠樹成陰恭惟尊候安享禪規倍增清福上剎散僧道濟到弊寺言蒙差作鹽菜化主醉時應允醒却難行避于側室無面回還特奉簡板伏望慈悲念此僧素多酒症倘覩薄面明日自當送上

昌長老一見大怒曰道濟受某三拜不曾化得半文錢便來討錢我寺決不用他令侍者取筆就簡板後

批八字云

似此顯僧無勞送至

批罷付與傳使自回且說德輝長老正與濟公話間忽見傳使至前施禮將前言細說呈上簡板長老大怒曰這畜生我又不屬你管如何這等無禮濟公曰便是檀板頭不曉事只爲我交長老受氣長老曰濟公我收你在此替我爭氣就陞你本寺書記僧一應榜文開疏俱是汝濟公謝了長老自去選佛場坐禪念經不覺已過月餘忽一日濟公閑步出山門走至長橋境下只見賣餠餠兒王公在門首播荳王公曰濟公多時不會濟公曰我被靈隱寺趕出來今共你做隣舍王公曰你坐一坐待我買賣淨些同你下基就掇條凳子在前安下基盤濟公曰我儂贏得喫一盤餠餠若輸了你便打我一箇栗暴王公大笑二人下了五六盤濟公却輸了一盤王公曰出家人不打你只與我寫一招牌濟公曰我無酒却寫不得王公便與濟公對門方家酒店裡濟公一上喫了十五六碗曰你要寫甚麼招牌王公拿出一幅紙濟公提

起筆便寫下十字云王家清油細豈大餽餽兒寫畢
濟公曰我喫你酒無物相謝我將方纔下碁爲題寫
一篇文在粉壁上詞云

無爲堂上敵手相逢移來一座水晶盤傾下兩行
碧玉子聚三掣五奪角爭先靜悄悄向竹塢松軒
冷清清對茅亭菊檻排成形勢黑叢叢萬里干戈
擺定機關白皎皎一天星象休言國手謾說神仙
遍九州奪利于蠅頭布三路圖名于蝸角縱橫在
我敲磕由他箇中談破著精神要使英雄滿天下
嘆 除非有箇神仙路 衝破從來七九關

濟公寫罷作謝出門逕往萬松嶺望毛太尉太尉却
好在那里射箭濟公向前施禮曰太尉射得好太尉
急忙歇箭曰何故久不會濟公把前事細說太尉曰
今日熱同你竹園中乘涼喫酒至晚而散仍于府中
歇住五七日濟公曰我還要去看望陳太尉遂別逕到
陳太尉府前門公通報太尉出迎茶罷便令安排品
饌飲酒至晚又留在府中歇住二三日濟公猛省曰
長老把我爲人運出來十餘日他必嗔怪遂別太尉

●號先一作
先號

逕來淨慈寺却說德輝長老半月不見濟公心中嗔
惱差火工四下尋覓到長橋只見濟公在僧館鋪中
火工向前曰濟公長老有請濟公便起身入方丈見
長老曰老僧再三囑付緣何不啟前非濟公跪在面
前曰告我師慈悲弟子許久不去望相識偶至萬松
嶺蒙毛太尉留住五七日陳太尉府裡住二三日故
此擔閣了長老曰我不信二位太尉是朝廷近侍官
如何敬你且說你的本身事我便饒你打濟公請紙
筆便作一詞名臨江仙云

粥去飲來何日了都緣皮袋難醫這般軀殼好無
知入喉纔到腹轉眼又還飢惟有衲僧渾不管且
須慢飲三盃冬來猶掛夏天衣雖然形醜陋心孔
未嘗迷

長老大喜曰既然朝官與你好如何做不得鹽菜化
主濟公曰做到做得爭奈不怯氣化來請這夥賊禿
若是長老這等相愛休說鹽菜便一日要十箇猪也
有長老大笑道我寺中原有壽山福海藏殿如今塌
壞若得三千貫錢便可起造你化得否濟公曰非是

弟子誇口三千貫。只消三日便完。長老便令侍者請鹽寺買辦酒肴素食。羅列于方丈。長老親陪濟公喫得大醉。長老曰。要開疏頭。你醉了。明日寫罷。濟公曰。我是李太白。但酒多。越好。乃令行童取過文房四寶。濃磨了墨。濟公提筆起一掃而就云。

伏以佛日增輝。法輪長轉。夫佛日者。乃佛光洞照。法輪者是。法力傳流。切見南屏山淨慈寺承東土之禪宗。稟西湖之秀氣。殿閣軒昂。門樓高大。近因藏殿傾頽。便覺僧家寥落。是以法輪不動。食輪怎得周全。藏殿若完。佛殿自然氣象。欲得壽山福海莊嚴。須仗達官長者。歡喜捨金賜鈔。須休心下。躊躇運木。擔泥且便眼前成。就輪轉無休。檀那承固。募緣化主書記僧道濟謹題。

寫罷長老大喜。次早濟公到方丈。別了長老出門。逕投萬松嶺來。忽聽一聲喝。道言太尉朝回。少頃毛太尉近面。太尉曰。這早何處去。濟公曰。我早。太尉又早。太尉曰。我是官。身朝裡去。方回你出。家人正好穩睡。濟公曰。亦有一事。睡不能熟。進府訴稟。太尉使令整

○曰一作道

○余一作翠

○公一作上

治早飯。問濟公適間欲說甚話。濟公曰。弊寺有座壽山福海藏殿。跌倒。今欲修造。須三千貫錢。因此特來望太尉。一力完成。將出疏簿。遞與太尉。曰。我那有三千貫些少布施。使得濟公教我。再化何人。太尉曰。既如此。可停一兩月。待下官喚集濟公。曰。箇却使不得。三日内便要。太尉曰。你正是風子。三千貫錢。如何更有濟公。攞了疏簿。急急起身。太尉趕出去。將疏簿去還他。濟公拿起。又丢人去。一逕奔走。太尉分付門公。今後濟風子來。休放進府。且說濟公逕回寺。首座問曰。化得若干。濟公曰。後日皆完。首座曰。今日無一文。後日那得完。濟公曰。不要你憂。我自。有道理。首座說與長老。長老亦不信。次日衆僧咸對長老言。濟公今日不出去。化因在灶下捉虱子。明日如何有。第三日。毛太尉早朝。但見一皇院子來。道娘娘有旨。宣太尉急忙到太后宮中。拜舞罷。太后曰。毛君實子。童夜來三更時分。見一金身羅漢。言道淨慈寺壽山福海藏殿。崩珊化鈔三千貫。再言疏頭。在汝家後。有名字。太尉大驚。暗思。濟公非凡人也。乃啓奏曰。娘娘兩

●行一作走
○使作便

●五百餘僧
一作僧五百

●根一作筋

●師一作司

●一夥小兒
作小兒一夥

日前淨慈寺書記僧委有疏頭留于臣處。太后曰：寶庫內有三千貫脂粉錢，子童共你到淨慈寺認此金身羅漢。太后懿旨備辦，變駕妃彩女隨往淨慈寺行香。毛太尉押解三千貫鈔，其日濟公在房中曰：此時將及來也。行出房門，高叫都來接施主，便去撞鼓撞鐘。長老聽得急，使侍者問消息，只見門公報道有黃門使來說：太后娘娘行香，長老忙披袈裟出方丈，引滿寺五百餘僧迎接。只見太后鳳輦到來，長老等于山門外接見。娘娘謂長老曰：子童昨夜三更時分夢一金身羅漢來化鈔三千貫，修造藏殿。今日送鈔在此。子童要認這尊羅漢。長老見說，擡著香爐引五百餘僧團圍在佛殿上看經。此時濟公來在殿內，却從面前過。太后指曰：正是此僧。方欲下拜，濟公急忙打箇根斗，褲兒不穿，露出前面。這件物事扒起便走。長老就奏娘娘曰：此僧平日有些風症。太后令毛君寶將三千貫交與庫師收了。太后自回。長老衆僧送出山門，自回方丈，令尋濟公不見。忽一侍者來曰：濟公引領一夥小兒，撐一隻船到西湖採蓮。長老曰：濟

●第一作類

●濟下一有公字

公要這藏殿完成，一時遂顯靈感。今恐被人識破，故作此態。濟公將船划過石岩橋，登岸，令小兒划船回去。却自望古蕩里摸去教場橋，登東廁，只見尿缸內一箇蝦蟆浸得老漲的。濟公曰：苦惱，亦是輪迴，我與你下次作頌云：

這箇蝦蟆死也，掘強瞋目，並牙跼跌合掌。佛有大小身，小身即非我相。相一念悟來，離諸業障。咦，青草岸邊尋不見，分明月夜梨花上。

濟公念罷，只見半空中青衣童子叫曰：多虧師父已得超昇，衆皆喝彩。忽一人拖住濟公曰：師父同你前面坐一坐。濟公曰：阿哥，你是何處那人？曰：我是西溪安樂山永興寺長老，聞清溪道士徐公說上人清德，累欲一見。今日小人有緣，且去飲三盃。二人行過古蕩街，逕望永興寺來。此時長老正在山門下乘涼。濟公向前施禮。長老曰：師兄何來？碯碯曰：此是濟長老也。長老大喜，請入方丈。賓主坐定，茶罷，問碯碯何處相遇。碯碯基說蝦蟆下火故事。長老嘆羨，令整酒饌。濟公恁意飲了一夜。次日請徐提點陪侍長老，要造安

樂橋浼濟公開疏云

伏以山藏古寺水接平橋西溪市北安樂山橋珊

損年深往來不便欲建運雲之勢全憑駕石之功

資金浩大獨力難成輒持短疏遍扣大檀誠哉勸

資慨然樂助疊石橫空杜預建時從古有跨溪通

道相如題後豈今無不慚風漱石邀愛月盈河水

流碧草環中過人在蒼龍背上行橋梁萬代福祿

無窮

寫罷二人迤邐行至崇眞寺夜宿次日到洗馬池閑

翫題云

昔日曾聞洗馬池

悠然此景在西溪

風生水面波紋細

日上堤邊樹影低

水底青天沉翡翠

波中明月浸琉璃

何如花下退朝去

喜看鴛鴦戲石磯

自是濟公只在永興寺崇眞寺清溪道院幾處盤桓

不覺過了四箇月時值初冬天氣濟公覺道身冷思

量我出來長久須回寺去於是別了長老并徐提點

便向石人嶺來時見上天竺巖首同一道人坐地見

寺二作等

一無儘字

瓜一作蓮

菓一作薑

濟公來二人起身相見巖首曰汝在何處長老差人

各處尋覓濟公曰我在永興寺住了四箇月恐長老

見嗔今日故回汝等何往巖首曰你不知我寺講主

九月二十夜著賊偷得一空聞知西溪街上鄭先生

卜得好卦故令我問課回來濟公曰我實不知既如

此同你去望他二人落了石人嶺逕至寧棘庵講主

正在方丈中煩悶濟公向前施禮曰失彩失彩講主

日久不相會何故不來看我濟公曰我儂今日偶遇

巖首說特來望你講主曰老僧掙了一世今一夜皆

空濟公曰出家人要財物何用待他偷去倒省得記

掛講主曰我竊竊來要修僧房起鐘樓今被偷去與

外人說不得只好自知故此煩悶濟公乃曰如此我

作一偈替你解悶題云

啞喫黃瓜苦自知

將絲就縱落人機

低田缺水遭天旱

古菓安身著鬼迷

賊去關門無物了

病深服藥請醫遲

竹筒種火空長炭

夜半描龍畫向誰

講主大笑曰妙哉雙關二意我肚中多悶你休回去

一無出字

上一作落

日一作早

蒼一作青

資一作緣

扣一作叩

在此相伴解嘆我也好濟公曰只怕無酒喫講主曰別物無有惟酒你喫不了濟公曰既有酒莫說一兩月便是一兩年也在此衆人大笑自是濟公又在天竺過了兩月看看臘近講主留過年濟公曰這却使不得須回寺過年乃別講主向淨慈寺來山門口撞見監寺曰濟公一向在何處濟公曰我在老婆房裡監寺曰你是風子我不理你濟公逕入方丈見長老向前施禮長老曰不與老僧說知一直出去半載是何道理濟公曰偶然閑走望長老慈悲長老道我却怪反被衆人笑濟公曰今後再不敢如此自此濟公只是坐禪念經時值三月天氣濟公對長老說我從歸寺並不曾出門今欲出去望相識特稟長老長老曰你去只可一兩日便回濟公曰謹領方丈逕投萬松嶺來至毛太尉府令門公通報太尉忙出迎接入坐茶罷太尉曰自從同太后娘娘到你寺已半載餘矣濟公曰向日深虧相公完成這庄勝事近思酒飲特來相探太尉曰你且坐今日園子掘得些笋將一半進朝一半在此令羹來與你嘗新濟公大

◆子一作中

◆來一作舍

喜一上喫大半碗道滋味極美佛語云一寸二寸官員有分一尺二尺百姓得喫和尚要喫直待織壁我儂虧太尉得嘗新長老在寺夢也夢不見我且剩幾塊持歸奉長老太尉道此是殘剩另將一盤來用荷葉包固濟公提荷葉包作謝遂行一路向淨慈寺來山門下首座曰手裡包兒莫非狗肉濟公道不是包內之物你們夢也夢不見衆曰却是甚麼濟公把包兒塞將過去曰你且聞一聞逕入方丈長老曰你今如何便回濟公曰我一逕毛太尉府中去却好嘗新笋我討得一包與長老嘗新長老曰難得你濟公令侍者取一盤來將荷葉包解開傾在盤內托上長老面前長老喫了三二塊人各分些衆僧皆來討笋喫長老曰有數這些都分了濟公曰我儂在毛太尉府中說禪機漏將笋來你們只顧白口要喫長老曰你說甚麼禪機濟公曰一寸二寸官員有分一尺二尺百姓得喫和尚要喫直待織壁長老曰絕妙絕妙衆僧曰你化些來與我們嘗新也好濟公曰衆僧有將新笋爲題作得一詩我儂便去化兩担來長老便作

◆些一作吃

◆一無個字下同

◆漏一作誤

◆個一作要

一絕云

竹笋初生牛犢角 蕨芽新長小兒拳

旋挑野菜炊香飯 便是江南二月天

●題下一有上字

●一掃頭字

●離一作那

●大等一作翻晚大尉遂

濟公曰今日不許明日也無後日還你兩担長老曰這新笋初生如何論担濟公曰休要管次日濟公逕投萬松嶺毛太尉府裡來到廳坐定濟公曰昨日蒙賜笋長老喫了衆僧都討我儂一時說了口今日故來化緣兩担太尉曰若過十餘日出得廣時便有如今初放標何能論担園子曰昨夜頗暖都鑽出頭來太尉喜曰將疏頭來與你笋濟公請岳筆一揮而就云

錦屏破玉偏宜我等齋孟粉節出牆已屬他人風月正好拖泥掘出那堪帶露担來鹽油鍋內炙就黃金湯水釜中煮成白玉滿滿盛來沒底碗子齊齊喫去無心道人趁嫩正好結緣沒後難得進口山僧盡嘗滋味鮮甜施主專享福祿永固太尉喜曰今日方透芽且養他一夜明早掘去還多得些濟公曰正好正好太尉當晚留濟公在府歇了

●般一作分付

●直一作值

●必見等一作望見押雪

●脚送一作脚送笋五

●索等六字一作合寺僧人同喫而

次早同濟公步入竹園中只見掘起約有五担撥五箇當直人挑送濟公謝了太尉投淨慈寺來衆僧在山門下遙見濟公領五担笋來急報長老濟公曰笋便化了你可出五百文鈔還脚錢長老曰老僧自有令侍者取鈔五百文付五箇送笋人去訖長老令養笋與衆僧喫喫罷盡散却說濟公猛思靈隱寺昌長老已死不去送得喪聞得印鉄牛做長老要去望他離寺過六條橋徐步行至靈隱寺前見侍者曰煩希通報侍者入方丈曰淨慈寺濟書記來訪長老曰風子不要采他你去回報不在侍者報濟公濟公大怒便走到西堂房裡望小西堂亦不在問行童借筆去冷泉亭下作詩一律云

幾百年來靈隱寺 如今却被鉄牛門
蹄中有漏難耕種 鼻孔撐天不受穿
道眼何如驢眼瞎 寺門常似獄門關
冷泉有水無鷗鷺 空使留名在世間
寫罷付行童仍于西堂粉壁題云

小小庵兒小小窓 小小房兒小小床

出入小童并小行 小心伏事小西堂

濟公別了行童自回寺却說靈隱寺有人入白長老
怒曰臨安府趙太守是我故交浼他。昨去淨慈寺門
外兩傍松樹破他風水却說德輝長老一日共濟公
在方丈中忽見侍者報曰山門外趙太守帶百餘人
要砍兩傍松木長老曰如何是好濟公曰長老休慌
待我去見他長老曰這官人十分利害汝去見他須
要小心濟公曰我師寬心言訖出山門太守在外叫
和尚濟公向前施禮太守曰你便是甚麼濟顚久聞
你善賦詩今來見我有何話說濟公曰聞知相公要
伐敝寺松木。有詩呈上

◆詩一作教

◆久一作向

◆木一作樹

◆望一作眼

◆讀一作接

亭亭百尺接天高 曾與山僧作故交

滿望枝柯千載茂 可憐刀斧一齊拋

窓前不覩龍蛇影 耳畔無聞風雨號

最苦早間飛去鶴 晚回不見舊時巢

太守見詩大喜見山環翡翠屋隱烟霞令濟公作詩

云

白石磷磷積翠嵐 翠嵐深處結茅庵

◆琴等一句
一作花破鳥
拈鼻佛笑

◆一無不口
○單作取

煮茶迎客月當戶 採藥出門雲滿籃

琴掛葛絃鳴素志 窓開風拂罷清談

今朝偶識東坡老 四大皆空不用參

太守嘆賞不足曰下官亦續一律云

不作人間骨肉僧 霜威隱隱骨稜稜

金芝三秀詩壇瑞 寶樹千花法界清

得句逃禪寧縛律 卽心是性不傳燈

我來問道無餘事 雲在青天水在瓶

須臾齋畢太守自回長老入方丈謂衆僧曰今日若

非濟公誰人解得却說濟公閑行至長橋見賣餠餠

兒門上貼著斗書吃了一驚走入見王婆在棺材邊

哭王婆曰阿公和你素好後日出殯你來送喪就請

你下火念阿公平日之面說兩句禪機令他西方去

濟公曰如此準來行到長橋上坐著只見賣蘿蔔的

沈乙挑了空担來曰師父多時不見同你飲一碗何

如濟公曰甚好二人走入酒店坐定沈乙篩酒濟公

一上喫了幾碗濟公曰難得你這片好心我看你巴

巴碌碌何時是了不口隨我喫碗安單飯也罷沈乙

●一無長老二字

●血一作骨

●生一作靈
○移作箇
●不大作僅一
●欠一作久

●百來拒一作千來拒

曰我久懷此意若師父肯提掇今日便跟師父濟公引沈乙來寺參見長老濟公曰弟子尋得一徒弟在此望長老容留長老遂與他摩頂受記改名沈萬法次日飯後濟公令沈萬法扒些火來萬法曰要火做何用濟公曰我今日閑坐烘幾箇虱子少刻萬法援一盆火來濟公脫下直裰在火上一烘兩箇虱子做一塊鑽出來濟公曰虱子也有夫妻我欲咬死又恐污了口不如就火中燒化便放虱子火中口念云

虱子聽我語汝今當記取類于虫蟻中只與血肉處清淨不肯生來生我袴里大不大如麻亦有夫和婦宛轉如是生囉我何時悟我身自非欠你豈能堅固向此一爐火切莫生驚怖拋却蠕動驅莫復來時路

唵 烈焰光中爆一聲 剎剎沉沉無覓處

是日濟公分什沈萬法道我去長橋送王公喪了便回逕去喪事將起身濟公曰我一發替他指路口念念云

蛄蛄兒王公 秉性最從容 樗荳擣了百來拒

●壁一作壁局作略

●男兒一作兒子

●跟一作肋

●渡一作波

蒸餅蒸了千餘籠 用了多少香油 燒了萬千柴顯 今日盡皆丟散 日常主顧難留 靈棺到此 何處相投

唵 一陣東風吹不去 鳥啼花落水空流 一壁起材行至方家局燒化濟公手提火把道大眾聽著

王婆與我喫粉湯 要令王公往西方

西方八萬四千里 如今只在餘杭

念罷只見一後生來在王婆面前作揖乃是女兒鄰舍先是王婆有一女嫁在餘杭比時有孕不來送喪昨夜五更養得一箇男兒肋下有四硃字寫道蛄蛄王公因此特央鄰人報生王婆聽得大喜衆人驚駭濟公被衆人圍住便跳在卓上打箇跟斗露出下面物事來衆人大笑濟公趁笑間一逕走了乃入清渡門來新宮橋下沈平齋生藥鋪裡他家媽媽尊敬濟公見濟公忙請入內坐定茶罷媽媽便令安排酒來將一隻大碗安在濟公面前濟公一上喫了十餘碗已有醉意養娘又托出一碗辣汁魚來媽媽道再喫

幾碗濟公又喫了十數碗十分酩酊作謝媽媽撞到清波門一交跌倒把門的并過往人圍住其中有認得的道這是淨慈寺濟書記能吟詩極好只是喫酒沒正經濟公聽見說傲起來曰誰人說我沒正經便歌云

●本是一作我本

●見一作覺

本是修來四果身風顛作逞混凡人能施三昧神通力便指凡人出世津經卷無心看禪機有意親醉時喝佛罵天真渾身不見些兒好一點靈光絕勝人

認得的扶起濟公攙到十里松又跌倒了直到淨慈寺報知長老叫沈萬法急出山門到十里松向前道師父回寺去濟公曰賊牛駝我去把沈萬法吐了一頭一臉沈萬法駭到厨下麪床上放師父睡了方去洗臉濟公跳將起來高叫無名發呀呀衆僧都道濟公酒狂濟公曰駝我見長老又叫無名發呀呀衆僧不曉得都去睡了濟公不住口連叫到三更時分羅漢堂琉璃燈燒著旛脚火起濟公遶廊下叫無名發呀呀敲各房門衆僧撩亂起來各自收拾猛

●睡一作睡

●日一作時

●名一作明

●非等一句一作我佛有靈還有惑

火隨風焰焰騰騰延燒佛殿兩廊各僧房濟公曰燒得這禿驢們好忽然弓兵入來捉住兩箇監寺出官只不見長老這火直燒到次日午時還未滅止留得山門不燒衆僧對濟公曰許多佛力因何不能護持濟公口占四句云

無名一點起逡巡 大厦千間盡作塵

非是我佛不靈感 故要樓臺一度新

話間官府救火就將兩箇監寺枷在長橋上衆僧在火場上商議不知長老何處怎生救得兩箇監寺濟公曰監寺且遲遲尋長老要緊衆僧曰必定睡熟在方丈燒死了侍者曰我們真箇不曾見長老出方丈門濟公說既然如此且著火工去扒地扒了多時並無踪跡只見一塊砌平磚上面惟留下八句詩云

一生無利亦無名 圓頂方袍自在行

道念只從心上起 禪機俱向舌根生

百千萬劫假非假 六十三年真不真

今向無名叢內去 不遺一物在南屏

濟公曰長老自歸天台山去了且令火工收拾些燒

◆雙一作個

不盡木頭搭起幾間茅屋。衆僧安身。濟公行至廚下。見一大鍋熱湯高呌。此間好熱湯。且來洗面。我有一隻曲兒。唱與你們解悶。唱云

淨慈寺蓋造是錢王。佛殿兩廊都燒了。止留得兩箇金剛佛也。悶放起玉毫光。平空似教場。却有些兒不折本。一鍋冷水換鍋湯。

◆交一作令

◆一無不妨二字

◆一無像字

◆太守一作知府

衆僧齊笑。你便風狂。兩箇監寺枷在長橋。你須救他。濟公一程走到長橋。見兩箇監寺枷在那里。濟公曰。你兩箇板里鑽出頭來。好像架子上安砲燈。監寺曰。阿哥你不救我們。反來戲謔。濟公曰。我救你。救你巡往毛太尉府中。太尉接見曰。回祿回祿。濟公曰。說不得。二人坐定。太尉便交安排酒喫。至半酣。濟公曰。我儂多感太尉在此。喫酒。兩箇監寺枷在長橋。望太尉一救。太尉曰。不妨。我寫封柬去。與趙太守就放。次早濟公對太尉曰。我儂且去火場上看。看行至寺門。只見兩箇監寺回來。衆僧大喜。問道。如何得放。監寺說。虧了濟公。央毛太尉一束分付趙太守。因此放回。衆僧俱謝濟公。首座曰。兀誰做得。本寺長老濟公曰。必

◆浸沒一作浸沒

◆鈴鑰鈴

須是蒲州報本寺松少林長老可做監寺。曰。此長老實好。只是年紀高大。如何肯來。濟公曰。你們要他來。必須買酒請我。監寺曰。此係大家之事。見今無錢。那得酒請我。我自修書令人去請。濟公曰。請不來。時休怪我笑。一程望太尉府去了。寺中衆僧修成書柬。令傳使往蒲州報本寺。見了長老。呈上書柬。長老曰。老僧年邁。如何去得。傳使再三求請。長老曰。非爲他故。實難行動。令知客管待齋畢。傳使辭謝回。至本寺。將前事備陳一遍。首座曰。必須濟公寫書。再令傳使去。衆僧曰。是便買一埕酒。請濟公。一上喫了十餘碗。濟公曰。前日請少林長老。傳使回來。如何說。首座曰。前日空走了一遭。今特要你寫書柬。子濟公。即時寫成。封固。遞與傳使起身。來到蒲州。投見長老。曰。老僧前日分付去了。如何又來。傳使曰。濟書記。今有簡板在此。呈上。長老折開。一見大喜。書云

象法浸凋。宗風淡蕩。往往來來。無發落紛紛。漫漫。自尋芳。須仗本色高人。今日大家公議。恭惟少林大和尚。行光先哲。德庇後昆。施佛教之鈴鑰。展僧

◆勞一作流

◆壁一作懸

人之鼻孔。休負諸山之望。莫辭一水之勞。惠日峯前。識破崑崖之句。南屏山畔。願全靈璧之光。慨順人。清毋勞率鼻。

◆交一作敦
○要作得

少林長老看罷曰。此回只得去走一遭。便令搗鼓撞鐘。聚大眾。選有德行者。主持本寺。掛了牌分付傳使。先回交濟書記。休要出去。老僧收拾行李。只在月內。便到傳使。作別。先回本寺。報知衆僧。大喜。留濟公在寺。濟公曰。若不出去。那得酒喫。一逕便走。叫他不住。監寺曰。若留他。每日那有錢買酒。不留他。長老來又不歡喜。首座曰。容易。我有一大空坛。寄在人家。將去盛了湖水。泥了坛頭。只做賒的酒。直待長老來。方開可取一笑。監寺曰。最好。便尋濟公回來。首座曰。濟公我們無錢賒。一坛好酒。你看過了。直待長老來。方開。濟公曰。不妨。你們賒來。須與兩箇火工扛到濟公面前。濟公曰。打開來嘗一嘗。首座曰。新泥的開了。要出氣。濟公曰。也說得是。便掇一掇道。也了得我。一醉令火工扛在草屋下。安著過了數日。有人報長老到。衆僧都出遠接。少林長老到寺。衆僧參拜長老畢。就與

◆丁一作只

◆火一作話

◆雲一作云
下同

濟公講話。濟公曰。不要慌。且了正事。便將一塊磚。打開泥頭。但聞水氣大怒。一下打碎了。坛罵道。這夥禿驢。分明弄我少林長老。聽得問曰。做甚麼。侍者曰。濟公要酒。喫作鬧。長老曰。濟公要酒。喫。胡亂買兩瓶。請他。忽濟公到長老面前曰。可柰這班禿驢。弄我長老。曰。休要與他們一般見識。我自買酒。請你。濟公曰。不曾與長老接風。甚麼道理。反要長老買酒。請我。少刻酒來。濟公喫了。長老曰。老僧初到。不知本寺。曾立被燒。募緣榜疏否。濟公曰。這班禿驢。各自做家火。那管正事。長老曰。今日你就與我寫令。侍者取文房四寶來。濟公揮筆立就。文不加點云。

伏以祝融作燄。照一萬頃之平湖。風伯助威。捲五百間之大厦。烈焰星飛于遠漢。霹靂塵霧鎖于層巒。各携雲錫。以隨身共駕牛車。而出宅向來金碧。併作烟煤。過門孰不驚心。閉眼尤疑是夢。切念阿羅漢。不能冷坐。放起玉毫。光可憐調御師。也被熟熬。失却金花座。雖經世數。未厭人情。鐘鼓重警。發于虛空。香火復追。崇于先帝。毗耶城裏。從來大有檀。

◆一作施

◆微等五字
一作纏丁你

◆一無微字
次同

那給孤園中指日可成。蘭若金剛不壞鐵塔證明。
長老看了大喜。交待者把榜掛在山門。往來看者如。
蟻越數日。濟公曰。我已化了。明日藝主。至次早果見。
朝廷差太尉押到寶鈔三萬貫。言夜夢金身羅漢募。
緣故。朕完成勝事。長老衆僧謝恩。訖庫司收了三萬。
貫鈔。齋了太尉。送出山門。擇日興工。諸府州縣官員。
財主。無不布施。未二年間。殿宇房廊屋舍皆已落成。
忽一日。濟公閑少至雷峯塔望。常長老曰。濟公。
一向監工辛苦。今日共你作盃。濟公曰。多感長老。令。
侍者置酒于水雲軒下。時濟公已醉曰。我儂惱你多。
題詩相謝。乃寫云。

極目烟波遠接天

紅塵疎處結三椽

不憂風景來朝沒

只恐水雲到晚連

青黛山邊飛白鷺

綠楊堤畔泊漁船

悠然此地真堪樂

半是人間半是仙

寫罷又飲酒。只見火工來道。長老有請。濟公忙起身。
謝了。便回寺入方丈。長老曰。那里去來。濟公曰。我儂。
閑行到常長老寺內。蒙留我飲。長老曰。我有酒在此。

◆通一作影
下同

◆第一作常

◆化他一作
他化

◆把一作採

◆一無打字

◆道上一有
說字下同

特請你少頃侍者將酒至。濟公又喫了十餘碗。醉了。
口中道。本寺多虧長老做主。我儂也用心成得這模。
樣。只有兩廊薄壁不完。我心放不下。長老曰。既如此。
煩你完成。亦好。濟公曰。各處皆化了。惟有臨安府新。
任王安撫未曾化他。長老曰。我聞此官不及第時。去。
寺院投齋。被僧人哄弄。躲過。管怒題其壁云。遇客頭。
如鼉。逢齋項似鷺。至今恨著和尚。你休化他。濟公曰。
不妨。我務要化他。衆僧勸不住。濟公離寺。逕到府前。
立于宣化橋上。安撫正在廳上望見。橋上一和尚探。
頭探腦。分付虞侯悄悄的採進來。四箇虞侯行至橋。
上一把採住。把濟公推到廳上。跪下。安撫曰。這秃驢。
敢如此大胆。濟公曰。貧僧是淨慈寺書記僧。濟顯有。
段姻緣。只有相公省得。特來計較。安撫聽得。便令放。
起你。若說得好。便饒你。打若說得不好。加倍重打。濟。
公曰。昔日東坡居士與秦少游黃魯直佛印禪師四。
人共飲東坡行一令。要一般物。兩箇古人名。後兩句。
詩。衆人都替濟公擔憂。濟公不慌不忙。道相公聽著。
蘇東坡道。筆毫落地無聲。擡頭見管仲。管仲問鮑。

◆一無假字

人忙奔躲。雨頭上插著號旗。濟公便問你儂高姓。後生道。小人姓黃。在竹竿巷羅米。只有一母。見年八十。濟公道。你平日孝順麼。後生道。生身父母如何不孝。順他。濟公道。你前世孽重。我救你。隨我到方丈來。擺下桌子。袈裟圍了。令後生躲。在桌子下。濟公桌子上盤膝而坐。念云。

◆紫一作孽
○總作避

後生後生。忽犯天嗔。前生惡業。今生纏身。老僧救汝。歸奉母親。諸惡莫作。免得禍臨。

◆前洋一作
錢類○說作
言

◆靈隱一作
淨慈○理作

◆一無假字

◆便一作方

只見老松樹一株打碎。那後生起來作謝而去。濟公一日離寺到前洋司尼姑寺。前那尼姑一向聞人說濟公在靈隱寺募緣。裝佛終日喫酒。衆僧埋怨。大醉扒上佛頭。一吐。次日三尊大佛。眞金裝就。實是活佛。以此要換銅鐘。央浼濟公開疏。濟公却好走到門公。曰。院主正交我來請你。濟公曰。我來正好入內見院主。坐定。濟公曰。要請我須醉。便休。院主曰。我們女僧常不用酒。濟公聽得就走。院主曰。你却忒性急。且坐少頃。羅列酒肴。濟公一上。喫了二十多碗。曰。如今好了。你要做何用。院主曰。敝寺原有口鐵鏡。今要鑄銅。

◆一無銅字

◆避寬一作
叫了

◆濟等九字
一作金牛寺
棺材歌子
◆在此一作
相謝

鐘特浼你寫箇疏頭。濟公將過帋筆。便寫云。

師姑鑄鐘。有鐵無銅。若要圓成。連松智松。寫罷。不別而行。院主見了。不悅。却說王太尉出喪到虎跑寺安葬。石太尉二舍人一名連松。一名智松。兄弟二人亦來送殯。閑行至尼姑寺內。看見卓子上。疏頭內有連松智松四字。大驚。問曰。何人寫的。院主曰。濟風子連松曰。他眞是活佛。預先寫弟兄兩人名字。既如此。這口銅鐘。我兄弟一力完成。院主起身相謝。遂備齋待二人。罷回。次日二人一力儻成。却說濟公回寺。有箇老兒。賣一片香來。尋濟書記。逕入雲堂裡。只見濟公打睡。聽得有人脚步開眼看。時那老兒向前摸出一片香來。朝著濟公使拜。道。小人特來煩師父與我女兒下火。濟公問道。兀誰老兒。道。小人是抱劍營街行首藍月英的父親。不幸我女兒得病身死。來日出喪。今日特請師父下火。濟公應允。次日逕覓一隻小紅渡。到石岩橋上了岸。只見那送喪的人都來了。濟公隨著棺材到金牛寺。前濟公道。老兒。你要我下火把幾貫錢與我老兒。道。有百貫錢在此。濟公

道不消這許多。我只要五貫錢買兩瓶酒喫了。然後下火須臾酒到。濟公喫了。將火把在手念道。

綠窓深鎖。畫蛾眉。萬態千嬌。誰得知此景。此時人已去。空對孤鸞。獨自飛。藍行首。藍行首。梅花標格。蕙性溫柔。鴛鴦帳裡。作生涯。錦繡叢中。爲活計。卸下石人帽子。脫却金剛草鞋。用恩情。索縛住薄情。使五慾箭射入骨髓。琉璃瓶子。擊碎方知。總是虛花。幾年閨閣風流。盡屬落花流水。山僧爲汝脫骨洗腸。

嘆 掃盡百年脂粉氣 如今遍體自馨香

齊罷濟公忽想起飛來峯住的張公走去望他見了張公只見張婆在裏面走出來道濟公你好反阿公去年七月間痢疾爭些死了濟公道我時常記掛你們張婆遂整酒肴濟公任意喫了道我擾你多明日做箇東道請你你可到東花園前十字路口來尋我濟公作謝出門回寺去了却說張公次日逕到園前不見濟公肚裡又饑只得買些麵喫了出門便尋東廝正入擡頭只見矮柱上掛看箇料絞張公遂解開

◆交一作敦

海青束了腰間一逕回家看時十錠白銀三口兒都驚呆了當晚歡天喜地次日天明只見濟公慢慢走來張公道濟公你好不老實交我丟了一日工夫那裡等得你來只得自去買了麵喫濟公道喫來喫去還是我請你喫的明日准准等你阿婆道昨日真箇虧了你拾得些東西濟公道也勾買酒喫作別回寺且說張公次日逕到園前只見濟公先在二人逕入酒店張公會了鈔二人出店只見東廝門首許多人擾嚷團團圍住看張公近前望一望只見一箇人吊死在昨日掛料絞的矮柱上張公見了喫了一驚對濟公道這箇罪過怎麼是好冤業都在我的身上濟公道放心一些罪過也無自有一段姻緣我說與你你前世是箇販茶客人這人是箇脚夫因見你是孤客謀了你五千貫錢害了你性命今世起利送來還你一命填了一命後世與你無冤讐因此我要你來這里替你善解交了這孽張公聽得說了嗟呀不已二人各別濟公自回寺去一日濟公入城來到清河坊昇陽宮前王家酒店原來店主人有女兒年方一

◆起下一有來字

◆梁一作李

◆姻一作因

十九歲害了怯病已經半年日輕夜重服藥不效父

母晝夜啼哭濟公便問主人把前事說了一遍濟公

道不妨我醫得你先將兩瓶酒來喫了然後醫治店

主人分付酒保盪酒濟公一上喫了十四五碗就交

店主人快把女兒的臥房四圍窓楞紙糊了不要一

些通風把香湯浴了女兒關上房門濟公與女兒貼

脊坐了口占八句道

●浴了一作沐浴

●口一作只

癆虫癆虫 身似蜜蜂 鑽人骨髓 食人血脈

患者難救 我爲汝攻 三昧火發 逐去無踪

濟公坐了一夜只見那女子脊梁內虫鑽上鑽下此

●出下一有來字

時濟公喫了酒三昧火發那虫都逼出了濟公忙要

●體一作孔

收治不期窓外有人把紙窓剝破這虫從窟窿裡飛

走了至今患者病真藥假王家女子幸遇濟公平復

●又一作次

滿門拜謝又將銀五兩送與濟公一文不要喫了些

酒作別出門不在話下且說濟公在寺照料畫工忽

●見下一有畫工二字

一日起來見畫一箇神像在壁間畫工曰這是兀誰

●白替你一替替你白

喜神濟公曰到像我的嘴臉畫工曰你爲人好我白

替你畫如今你也自贊幾句濟公道容易便寫云

●般一作樣

面黃似蠟 骨瘦如柴 這般模樣 只好投齋
也有些兒差異 說禪不用安排

●神一作福

畫工大笑濟公將了神子入城逕到裱絹鋪徐家見

濟公千歡萬喜道連日少會且請坐喫三盃濟公曰

●喝下一有起字

難消一連喫了三四十碗大醉起身脚高步低撞到

清河坊正值馮太尉過虞候喝濟公曰你自過去管

我怎的漸漸太尉至近喝道你這和尚係是出家人

如此無禮濟公曰多喫了一碗在此眠一覺于你甚

事管我不著太尉大怒曰且看管得你著否四五箇

虞候把濟公扛到府中當廳跪下太尉曰你這和尚

既入空門須持五戒却恣意嗜酒醉臥街坊是何處

僧好好供來濟公接過紙筆供云

南屏山淨慈寺書記僧道濟幼生宦室長習儒風

自威音王已前神通三昧至傳燈佛下世語戲辨

才暗通三藏法背記十車經善釋五天竺書能番

六國梵語清涼山一萬二千人同過滑石橋天台

寺五百餘尊者齊登鷲峯嶺圓通纔見豎降旗百
僚聞知皆拱手雲居羅漢謾說點頭嘉州石佛休

◆聯一作偶

◆恣一作有

◆跟一作筋

◆得上一有
上讀二字

◆開一作閑

◆木一作材
○師作斯

誇大口光剃頭賣鬻朴也喫得飯淨洗手打口鼓
也寬得錢。蹶強賽過德州人。蹶蹶壓倒天下。漢有
時清河坊說些二四恣逞風狂。有時尼姑寺講些
禪機。稍知顛倒。放出無限佯狂。顛笑殺文殊。師子
吼唱小詞。行雲遏住。對洪飲酒。量難降佛印。如此
聰明。未嘗脚跟點地。袈裟常被胭脂染。直裰時聞
粉膩香。禪床上醉番跟斗鉢盂內。每放葷腥。禪杖
打倒。麗婆共道風流和尚。十洲三島恣意遨遊。四
海五湖無些拘束。捲衫袖賣弄多少家風。繫脚耕
盡得些兒參透。今蒙取供。所供是實。復有一律云。

削髮披緇已有年 只同詩酒是姻緣
開看彌勒空中戲 困向毗盧頂上眠
撒手便能欺十聖 低頭端不顧三賢
茫茫宇宙無人識 猶道顛僧遠市廛

寫罷呈上太尉接過一看。道好將濟公放了。濟公得
放搖搖擺擺。行到本寺歇次。早起來閑行湖邊。只見
兩口棺木。許多人簇擁。乃是王員外子王宣教陶師
文女陶秀玉二人往來。罰愿一不娶一不嫁。父母得

◆陶氏一作
秀玉○銀作
雪○路沒一作
跟銀

◆朱一作殊

◆聯一作照

◆一無化字

知逼令別行嫁娶。二人計極于黃昏時分。逃出湧金
門。一雙投湖而死。兩家各自撈起。買棺盛貯。陶秀玉
放在金牛寺。王宣教放在興教寺。兩處火皆不著。來
請濟公。濟公移陶秀玉材回到興教寺。起材念云。

恭惟陶氏小娘手。扳銀浪魄散烟波。飲瓊液以忘
懷。踏凌波而失步。易度者人情難逃。者天數昨宵
低唱陽關。今日浪吟薤露。母老妹幼。腸斷心酸。局
堂賦客黃昏。無復捲朱簾伴寢。蕭娘向晚。不能褰
綉幌。化為水上蓮花。現出泥中玉樹。

嘆 波平月朗綠陰中 莫問王郎歸甚處
念罷遂移陶秀玉材往興教化寺同化。濟公立于輓
上手執火把。道大衆聽著。

切見王生宣教陶氏秀玉。原欠前世鴛鴦債。負荊
棘叢中連理愛。慾池裡比目双双共。墮波心兩兩
同。沉沙瀆今朝帶水拖泥。怎免這場勞碌。王公鳴
呼且住。陶母暫停悲哭。陡頓這些公案。山僧與你
判牘。

嘆 憑此火光三昧 各認本來面目

念罷只見兩道紅光合做一處化畢各散且說濟公仍舊至沈提點宅上相探提點接見同到官巷口徐裱褙家只見掛著濟公神子提點道贊得好上面空紙再贊幾句如何濟公再贊云

遠看不是近看不像費盡許多工夫畫出這般模樣眉如掃帚一張大口不會非言只會喫酒看看白頭常常赤脚有色無心有染無著醉眠不管江海波渾身藍縷害風魔桃花柳葉無心戀月白風清笑與歌倒騎驢子歸天嶺釣月耕雲自琢磨

濟公寫罷提點同邀徐公到通津橋酒樓上三人依次坐定痛飲一日是晚就宿沈提點家自此濟公連日在城中且說東花園前土地廟隔壁有箇賣青果的王公其子王二專喜養虫蟻時遇八月王二一日起五更出正陽門捉促織行到苧麻邊聽得一箇叫得好分開苧麻看時吃了一驚見這促織在一條火赤練蛇頭上王二取塊石頭打去蛇便走了促織兒已跳在地上王二腰間取出罩兒拿了看時十分生得好大喜回家交二嫂取碗井水來浴一浴放在盆

宿一作歇

拿一作琴
下同
交一作叫
井作淨

無虞候
二字

付一作副

交一作文

付壽一
作井

碗等四字
一作盤碟

內喫了早飯拿出與人閑一連贏了數次以此聞了名一日帶了逕來望仙橋上但見兩對虞候喝道來乃是張太尉這太尉亦喜養促織兒見王二手提兩箇盆便令虞候喚進府中王二將虫兒呈上太尉一見大喜曰你賣與我要幾多錢王二曰這箇虫兒父親所愛相公要買不敢不從只與父親說知就來太尉曰若肯賣與你三千貫錢一付壽材板王二回家見父親說知王公曰不賣怎的王二曰我去討賒帳他差人來討回話你說等我回成交却說張太尉心愛這虫兒差一幹辦叫柵頭同來王二家王公曰其實好箇虫兒我撥來你看撥出盆兒揭起蓋來促織兒一跳直跳出門外去被鄰舍雞兒喫了幹辦曰王公沒了三千貫錢一付壽材板柵頭曰王二回來怎肯罷休王公曰我是爺他是兒子不怕他二人自去了只見王二大醉回來便問太尉府裡有人來否王公曰有箇幹辦同柵頭來要過一目我撥出去說不得這樣苦一跳出去被雞喫了王二聽得說把桌子一掀碗碟盤子盡行打碎鍋子水缸不留一件跌得

◆付書一作
副

◆十一作千

滿身疼痛在地一覺睡到五更只聽促織兒叫便慌忙扒將起來窗外射入月光揭起盆蓋一看正是原舊好的日間雞喫的乃是聒子王二大喜叫曰阿公你且來不要躲我日間雞喫的乃是聒子王公曰好呀各自去睡到天亮起來喫了早飯提了盆兒逕投張太尉府中門公報知太尉王二到廳太尉曰昨日幹辨說你的虫兒被雞喫了王二曰昨日父親不知却將聒子出來被雞喫了這箇虫兒在此太尉大喜叫當直喚棚頭來看交三千貫錢一付壽材板使人扛送王二拜謝自回次日就與石太尉虫兒閑贏了三千貫一連閑了三十餘場無有不勝因此取名王彥章漸養至秋深大限已到太尉打箇銀棺材盛了香花燈燭供養三七日出殯衆太尉都來聽濟公指路濟公曰大衆聽著

促織兒 王彥章 一根鬚短一根長
只因全勝三十六 人總呼爲王鐵鎗
休煩惱 莫悲傷 世間萬物有無常
昨宵忽值嚴霜降 好似南柯夢一場

棺主方家峪張太尉請濟公下火濟公手執火把念云

這妖魔本是微物只窩在石岩泥穴時當夜靜更深叫徹風清月白直聒得天涯遊子傷心寡婦房中淚血不住地只顧催人織空費盡許多閑氣力又非是爭奪田園何故乃盡心抵敵相見便怒尾張牙揚鬚鼓翼開過數交趕得緊急贏者搨翅高聲輸者走之不及財物被人將去只落得些食喫縱有金玉雕籠都是世情虛色倏忽天降嚴霜彥章也熬不得今朝歸化時臨畢竟有何奇特仗此無名烈火要判本來面色

嘆 托生在功德池邊 却相伴阿彌陀佛

濟公念罷張太尉曰一發相煩撒骨濟公曰箇樣物事也要我儂費心胡亂撮些灰土包了濟公立在船頭手拿促織灰道大衆聽著

一夜青娥降曉霜東籬菊蕊似金粧昨宵穩貼莊周夢不聽虫吟到耳傍大衆萬物有用皆有死鳥雀昆虫亦如此今朝促織已身亡火內焚屍無些

◆換下一有
了結二字

子平生健閉勢齊休。徹夜豪吟還且住。將來撒在五湖中。聽取山僧分付。汝冤與孽皆消滅。

嘆 一輪明月浸波中。萬里碧天光皎潔。

濟公念畢。把灰向湖中一丟。一陣清風過處。現出一箇青衣童子。合掌當胸曰。感謝我師點化。弟子已得超昇。言訖。風息。是日。盡醉。濟公回。張太尉府中。歇了次日。回寺。路由王太尉府前過。聽得裡面鼓鈸响哭。聲吟堂候官道。太尉兒子小童死了。濟公走入後堂。正見太尉道。你來得正好。煩與小童入土。則箇濟公道。這樣小童。只好燒化了。等他托生去。太尉道也說得是。就扛出放下棺材。濟公手拿火把念道。

神童子 神童子 來何遲 去何速

嘆 烈焰光中喚不回 銀盆又向誰家浴

念罷下火了。太尉請濟公喫酒了。辭別回寺。見長老問道。濟公你連日在何處。濟公將連日事說了一遍。長老大喜。忽一日。濟公立于山門下。覺身上癢。到厨下脫直裰。令沈萬法捉虱子。却說一箇年少居士。手執一書。逕入寺內。問濟書記在否。知客曰。在厨下居

●此一作脫

士一逕走到厨下。只見一箇和尚在那里捉虱。向前施禮曰。師父莫非濟書記否。濟公曰。你問我何為居士。曰。小道是講西堂之姪。徐道成也。出家數年。今欲剃度。師叔西堂特致書令。小道求師父開疏。濟公接書看了。曰。你要開疏。何不買酒請我。徐居士到酒店中去。濟公忙披直裰。逕出山門。至王家中。二人坐定。原來徐居士身邊無錢。喫得七八碗。濟公正要喫。居士叫住。還了三貫錢。濟公就酒店筆硯。居士取出疏頭。濟公寫云。

本是居士身 要作比丘相 祠部價難酬

袈裟又不周 我勸徐居士 只好罷休休

徐居士見了不悅。濟公曰。你要做和尚。須請我喫得

大醉。居士無奈。遂脫下來道袍。當三貫鈔酒喫了。濟

公乃提筆起續二句云

出門撞見龐居士 一笑回來光却頭

徐居士得了疏頭。與濟公謝別。取路望大條橋來。身上又冷。疏頭又寫壞了一路。不擡頭到岳墳前。正冲王太尉馬頭。喝聲拿住。徐居士跪下。告曰。相公。小道

●三一作二

●此一作題

●因一作困

●叫一作教

●一

●中一作昇

因往淨慈寺浼濟公寫疏頭被他寫壞了心下悶困
 此冲了相公節太尉曰拿疏頭我看居士袖中取出
 呈上太尉看了大喜便令虞候帶進府太尉入府升
 堂居士跪下太尉曰你真實有緣太后娘娘昨日與
 我一百道度牒未曾捨動你却好是第一名便叫左
 右取一道付與居士接得大喜拜謝而去且說濟公
 一日喫早飯了行至長橋趁隻船划到錢塘門上岸
 望竹竿巷內張提點生藥店來只見張提點妻立于
 店內濟公施禮曰孺人提點在否這娘子所惡是僧
 道乃回言不在濟公却待要行布幙內張提點鑽出
 來呵呵大笑曰濟公久不會請坐喫酒濟公曰我儀
 怕你娘子喫不下提點曰街上店中去可乎濟公曰
 甚好二人逕到申陽宮酒樓上飲酒濟公一上喫了
 二十多碗對提點曰汝娘子怪我們每日喫酒我如
 今有一詞唱與你聽

每日終朝醉似泥未嘗一日不昏迷細君發怒將
 言罵道是人間喫酒兒莫要管你休痴人生能有
 幾多時杜康曾唱蓮花落劉伶好飲舞囉哩陶淵

●出一作滿

●疑一作聽
○讀作冲

明賞菊醉東籬今日皆歸去留得好名兒
 提點曰絕妙絕妙我帶有四幅箋紙在此你與我寫
 四幅吊子安在家中你百年之後也是一念濟公口
 裡不說心下思量這言語分明是催我死提點袖中
 取出箋紙問酒保借筆硯濟公遂寫

其一

幾度西湖獨上船 篙師識我不論錢

一聲啼鳥破幽寂 正是山橫落照邊

其二

湖上春光已破慳 湖邊楊柳拂雕闌

筆來不用一文買 輪與山僧閑往還

其三

出岸桃花紅錦英 夾堤楊柳綠絲輕

遙看白鷺窺魚處 衝破平湖一點青

其四

五月西湖涼似秋 新荷吐蕊暗香浮

明年花落人何在 把酒問花花點頭

濟公道我今日作詩沒興寫亦不美胡亂將去遮壁

◆提一作子

◆干一作乾
下同

◆實一作白

◆一無家字
○安作放

◆一無實字

◆交一作叫

◆至一作內

◆實下一有
錢字

◆担約一作
約担兒

提點曰有勞大筆再喫幾盃濟公曰心下不樂免飲
 二人便行到望仙橋下有箇開茶坊的婆婆叫做陳
 干娘看見濟公便留喫茶濟公曰茶到正好同提點
 入去婆婆點了兩盃茶請濟公提點喫濟公曰阿婆
 難得你好心時常請我沒何報答你去省馬廟前杜
 處士家討我神子頭兒來愛好安在家裡以後自有
 好處婆婆道他須不肯濟公便寫箇帖子與了明日
 婆婆去討將來看時却是箇病懨懨的瘦和尚婆子
 道這樣冷貨要他何用撇在壁邊誰想後來濟公死
 了衆太尉要尋濟公神子交幹辦去表指舖裡買柱
 處士曰只有望仙橋下陳干娘茶坊里有濟公的神
 子太尉就差幹辦將三千貫與婆子買了這是後話
 却說濟公謝了茶出門撞見一箇挑海螵担的張提
 點曰濟公做隻海螵頌隨卽口念云

此物生在東海西 又無鱗甲又無衣
 雖然不入紅羅帳 常與佳人做嘴兒

提點大笑此時正是五月天氣忽然一陣好雨二人
 入茶坊避雨見雨傘濟公遂題云

◆提一作剪

◆合一作命
○濕作洗

◆開一作街

◆古一作右
次同○占下
有一絕詩三
字

一竿翠竹巧匠批藥條條有眼節節皆穿四大假
 合柄在人手歸家放下並不爭先直饒灑瀉盆傾
 下一搭權爲不漏天

題畢雨住行不過數間門面只聽得鑼鉞之聲提點
 問是甚處做道場濟公曰這是王媽媽家與王公做
 小祥功德提點笑曰這們人家也做功德齋僧濟公
 作詩云

唐家閨里閑遊賞 媽媽家中請和尚
 三百瀾錢五味食 羊毛出在羊身上

提點大笑曰還他道場錢也無濟公又云

媽媽好善結良緣 齋僧不論聖和凡
 經資齋襯明捨施 少間暗裡送來還

二人過一古董鋪門首見掛著一幅墨竹濟公口占
 云

數枝淡竹翠生光 一點無塵自有香
 好似葛陂龍化後 却留清影在虛堂

店內有一條三股麻繩濟公拿起便把口咬店主人
 忙搶過手扯住濟公要陪提點再三勸散了一路行

◆原一作股

◆下一作上

◆續一作嫌

◆一無小字

◆下一作叫

著濟公道他妻該死在這條麻繩上還有一服不曾咬得這孽冤還不肯散誰想過了數日古董舖娘子與丈夫爭論把這條麻繩縊死了且說濟公與提點巡投清波門去有一人家門前放著一缸醬濟公一看扒上大解地下拾一塊炭來壁上寫了四句云
你家醬一缸 內有毒蛇藏 若無老僧說 人口俱被傷

其家得知叫苦連聲扛去倒只見倒出兩條火赤練來喫了一驚纔知濟公救了一家性命二人去走得身上熱提點袖中取出扇來扇上有小畫濟公口占云

一枝風柳一蟬鳴 畫出規模宛似生
莫謂其中絕音響 報君消息甚分明

題畢見一後生挑担辣醬粉濟公曰怎麼賣後生曰五貫一箇濟公要提點作一辣醬主人提點曰你只顧喫我還錢那後生盛一碗來濟公做兩三口喫了交只顧盛來一上喫了半箇提點曰此物只宜少喫濟公道好喫又喫了半箇提點還了那後生錢二人

◆爲一作怪

◆一無扶字

巡往前去却好撞見沈萬法濟公遂別提點同沈萬法出清波門回寺濟公分付沈萬法我不喫晚粥了入房眠至初更肚內碌碌响起便叫沈萬法快攪我東廚上去沈萬法急忙起來攪至房門外濟公忍不住却有一火工打鋪在此睡被濟公撒了一頭一臉叫起來濟公曰阿哥休要罵我急了沒奈何火工只得自去洗了濟公一夜瀉到天明飯食不進長老得知自來探望濟公曰長老我年六十歲不好也交沈萬法扶到安樂堂去漸漸病重萬法只哭濟公曰你休得哭我實虧你無物可報你將紙來我寫箇疏頭你去王太尉處討了度牒沈萬法曰謝天地得師父病好却取度牒與我未遲濟公曰我要休矣你取紙筆來沈萬法去取紙筆衆僧曰沈萬法汝師父平日不曾有衣鉢在寺今既不好恐有衣鉢在外死後難討亦須寫留一執照沈萬法曰我師父素不曾有衣鉢怎生問人討監寺曰汝師父日常往來者十六廳朝官二十四太尉十八行財主便要三萬貫亦有何爲無衣鉢沈萬法曰亦是取了二張紙入安樂堂濟

一編寫字

公交將紙筆過來寫下一張求度牒的疏。沈萬法又放一張紙在前。濟公曰：「再要我寫甚麼？」萬法曰：「衆僧說師父有衣鉢，在外師父歸天之後，胡亂把兩件與弟子作憶念。」濟公曰：「我寫與你寫云。」

來時無一物，去時無一物。若要我衣鉢，

兩箇光卵核。

長老曰：「沈萬法，你師父平日只貪盃酒，實無衣鉢，將疏頭去王太尉府中取度牒，便是你出身之本。」沈萬法復到安樂堂。濟公曰：「如何？」你又來。沈萬法曰：「恐師父要湯水喫。」濟公曰：「你去萬松嶺報知各太尉，就討度牒來。」沈萬法星飛去了。少刻乃回。濟公病勢轉加。是時嘉定二年五月十六日也。濟公叫起無名發來衆僧，只道有火。長老都到。濟公曰：「今日我歸去也可，叫一剃頭的來，與我剃頭。」就煩長老與沈萬法取一法名。亦就今日剃度。長老乃令剃了。濟公萬法頭。濟公曰：「我心今已放下。」當時朝官太尉相識朋友盡至。濟公令沈萬法燒湯洗浴，取件潔淨衣服穿了，却無僧鞋。長老自取一雙與濟公換了。濟公坐禪椅上，令

今心一作

一編寫字

取文房四寶來寫下一絕辭世頌云：

六十年來狼藉，

東壁打到西壁。

如今收拾歸來，

依舊水連天碧。

濟公寫畢，下目垂眉，圓寂去了。沈萬法大哭一場。衆官僧道俱來焚香。至三日，正欲入龕時，有江心寺全大同長老亦知特來相送。會齋罷，全大同長老與濟公入龕焚了香。曰：「大眾聽著。」

纔過清和晝，便長蓮莖芽。芳十里香，禪子心空歸淨土。白蓮花下禮慈王，恭惟圓寂書記濟公覺靈原係東浙高門。却來錢塘掛錫，參透遠老葛藤。吞盡趙州荆棘，生前憨憨痴痴。末後奇奇特特，臨行四句偈云：「今日與君解釋，從前大戒不持。六十年來狼藉，囊無挑藥之金。東壁打到西壁，再觀舊日家風。依舊水連天碧，到此露出機關。末後好箇消息。」大眾且道如何？是末後消息。

彌勒真彌勒，化身千百億。時時識世人，世人俱不識。

咦，玲瓏八面起清風，大地山河無遁跡。

末一作沒

全大同長老念罷。衆皆歎賞。第二日啓建水陸道場。助修功德。選日出喪。屆八月十六日百日之期。靈隱寺印鐵牛禪師與濟公起龕。禪師立于轎上。通香云。大衆聽著。

●一作川
一百光錢掛杖頭。前街後巷恣遨遊。今朝有酒今朝醉。明日無錢明日休。恭惟圓寂書記濟公覺靈。世居東浙。祝髮西州。逆行順行。凡聖莫測。橫說豎說。變動王侯。天魔爲伴。侶佛祖是冤仇。正好逢場作戲。俄然野壑歸舟。天堂收不得。地獄豈能留。大衆旣不能收。又不能留。畢竟如何。

●少一作步
咦。信少出門行大道。更兼何處不風流。印鐵牛長老念罷。衆頭做索起龕。扛至法陰寺山門下。請上天竺寧棘庵長老掛真。寧棘庵長老立于轎上手持真容。道大衆聽著。

●食一作飲
驚嶺西風八月秋。桂叢香內集真流。上人身赴龍華會。遺下神容記玉樓。恭惟圓寂書記濟公覺靈。一生只貪濁酒。不顧禪師道友到處恣意風狂。贏得面顏醜。眼上安著雙眉。鼻下橫張大口。終朝

●規模一作

●跑下一有寺字

●落托一作脫落

●律一作立

撒手痴顛萬事並。無一有休笑這箇規模真。乃僧家之首。

咦。現在曾過天台。認得濟顛面否。

寧棘庵長老念罷。鼓樂喧天。迎喪入虎跑山門。燒化宣石橋長老與濟公下火手。拿火把道大衆聽著。

濟顛濟顛。落托多年。喝佛罵祖。喚死如眠。是天台山李附馬之裔。得靈隱寺遠瞎堂之禪。以護身符牒爲常物。一火還能洞然。以叢林規矩爲鄙吝。風狂行遍市廛。迅手寫出大道。向人博換酒錢。皮子隊里逆行。順化散聖。門前掘地討天。臨命終時。坐脫立亡。已納敗闕。末後句中。隔凡成聖。也是搭度。還他本色。草料方能滅盡狼烟。

咦。火光三昧連天碧。狼藉家風四海傳。

宣石橋長老念畢。舉火燒著舍利如雨。衆僧拾骨寧棘庵與濟公起骨。道大衆聽著。

天台散聖無人識。臥柳眠花恣飄逸。如今脫却臭皮囊。無位真人赤骨律。濟書記記得記得。平生不露鋒鉞。末後尾巴露出。

嘆 這箇雪骨起風雲 一笑出門橫玉笛

念罷沈萬法。捧了骨頭。寧長老道。貧僧一發與他送骨入塔。道大衆聽著。

冷泉參透瞎堂禪。到處逢人誇唧唧。曾藏萬卷書。筆掃三千首。放憨在短巷。長街說法向茶前。酒後火燒舍利靈牙。何啻八斛四斗。不撒向月底波心。不殯在山腰谷口。今朝率堵以成。且要還他窠臼。嘆 沒鬚鎖子兩頭搖。無縫塔中長保守。

丁一作丙

一無上利
二字○有作
合寄

一無令等
四字○無通
一二字

一無臨字
僧字○老僧
作我○一作
作鞋○一作
有○無書字

手一作丁

水一作路

寧長老念罷把骨送入塔了。回喪至淨慈寺山門前。只見二行脚僧問曰。那位是少林長老。長老曰。和尚何來。行脚僧曰。小僧從六和塔過。遇上刹濟書記。有一書一雙僧鞋。令小僧寄與長老。長老接過一看。大驚曰。濟公臨終時。無僧鞋。老僧取此一雙與他穿。今已燒化。如何又將原物還我。且拆書看。書云。愚徒道濟稽首焚香拜手。少林大和尚座右。伏以山遙水遠。急難會面。即辰仲秋。桂子將殘。黃花欲放。城中車馬人烟。雜湖上清風明月。閒區區鑽開地孔。推倒鉄門針。尖眼中走將出來。芥菜子內尋

去一作幼

自一作是

一無一字
來字○小去
九字○小去
天○下○來○
無○上○利○
字○小○人○
無○開○字○
時

條大路折了錫杖。不怕上高下低。破却草鞋。管甚拖泥帶水。颺下竹笠。不要衣包。當行即行。要住便住。約莫西天十萬里。迅步虛空。在目前。正行大道。忽遇魔君托寄咫尺之書。送與故人相看。照管鉄籠馬一脚。踢倒泰山隄防。碧樹猿雙手劈開金鎖。大笑萬山黃葉落。回頭千派碧泉流。冗中不及一數字。以代面言。傳與南北兩山。常教花紅柳綠。又頌云。

看不著錯認。策箇是木杓。昨夜三更月。正西麒麟撼斷黃金索。幼年曾到鴈門關。老去分明醉眼看。憶昔面前當一箭。至今猶自骨毛寒。只因面目無人識。又往天台走一番。

二行脚僧在寺安歇。衆官員人等各散。忽一日有錢塘縣一走差的來見長老曰。小人因往天台下文書。遇見上刹濟公。浼小人寄封書在此。長老接過拆開。看時。內詩二首云。

其一

片帆飛過浙江東 回首樓臺渺漠中

傳與諸山詩酒客 休將有限恨無窮

其二

脚耕緊繫與無窮 拄杖挑雲入亂峯

欲識老僧行履處 天台南岳舊家風

少林長老曰。濟公如此來去。明白走使驚。曰。小人只是活的。却乃死了。不在話下。後五十年來。淨慈寺崩損無人去化木植。修葺忽一日。有一范村人。送木植來。言說濟書記募化來的。長老駭。遂令監寺收了一寺僧人。無不感仰。後濟公徒弟沈萬法。陞至本寺監寺。壽年九十三歲而終。濟公累累顯應。書不能盡。有詩爲證云。

黃金百煉費工夫 下得工夫價自無

若是昔年留得種 任君千遍去耕鋤

錢塘湖隱濟顚禪師語錄終

湖隱方圓叟舍利銘 出于北磻文集

舍利凡一善有常者。咸有焉。不用闡維法者。故未之

◆一無異字

◆一無石字

見都人以湖隱方圓叟舍利晶瑩而聳觀聽。未之知也。叟天台臨海李都尉文和遠孫。受度於靈隱佛海禪師。狂而疎介。而潔著語。不刊削。要未盡合準繩。往往超詣。有晉宋名縉。逸韻信脚。半天下落魄。四十年天台雁宕。康廬潛皖。題墨尤雋。永暑寒無完衣。予之尋付酒家。保寢食無定。勇爲老病僧。辨藥石。游族姓家。無故強之。不往。與蜀僧祖覺老略相類。覺尤詼諧。他日覺死。叟求予文祭之。曰。於戲。吾法以了生死之際。驗所學。故曰生死事大。達大觀。爲去來爲夜旦。顛沛造次。無非定死而亂。耶。譬諸逆旅。宿食事畢。翩然于邁。豈復滯留。公也不羈。諸譴峻機。不循常度。輒不踰矩。白足孤征。蕭然蛻塵化門。旣敷一日千古。迥超塵寰。於譚笑間。味者味此。卽法徇利。逃空虛。遠城市。委千柱。壓萬指。是渴漾無朕。爲正傳。非決定明訓。爲戲言。坐脫立亡。斥如斥羊。欲張質浮圖之本也。相與聚俗。而謀曰。此非吾之所謂道。靈之邁往。將得罪於斯人。不得罪於斯人。不足以爲靈。所謂道也。叟曰。嘻。亦可以祭我。逮其往也。果不下覺。舉此以祭之。踐

言也。更名道濟曰湖隱。曰方圓。雙皆時人稱之。嘉定二年五月十四死於淨慈。邦人分舍利藏於雙岩之下。銘曰

壁不碎 孰委擲 疏星繁星爛如日
鰈不泣 誰汎瀾 大珠小珠俱走盤

密菴咸傑禪師語錄

宋
•
崇 密菴咸傑
岳 傑
等 撰
編

密菴禪師語錄序

密菴禪師示寂之三年其得法眞子住靈巖了悟以老師平生語一編屬繼作序繼切謂老師一見應菴便明大法破沙盆語盛播叢林此無可序者七鎮名山道滿天下一時龍象盡出鉗鎚此亦無可序者入對

中宸闡揚般若深契

上意益光宗門此亦無可序者然繼叨承衣付義不容默謹爲之序曰密菴語錄二卷總八十七板板二十行行二十字若於此薦得許親見密菴如或未然聽取一轉語淳熙十五年冬仲月九日參學張繼序

●七作八
○二十作二
十一

密菴和尚語錄目次

序文

卷之上

住衢州烏巨山乾明禪院語錄

衢州大中祥符禪寺語錄

建康府蔣山太平興國禪寺語錄

常州褒忠顯報華藏禪寺語錄

臨安府徑山興聖萬壽禪寺語錄

臨安府景德靈隱禪寺語錄

明州大白名山天童景德禪寺語錄

卷之下

小參

普說

頌贊

偈頌

法語

塔銘

密菴和尚語錄卷上

密菴和尚住衢州西烏巨山乾明禪院語錄

參學小師 崇岳 了悟 等編

師於乾道三年八月初一日就本院受請陞座云適來未鳴鼓已前喚作傑上座而今陞座已後喚作烏巨長老驟爾更其名易其號披毛戴角拖犁拽把向異類中頭出頭沒既然業債難逃只得歡喜忍受

麼見得徹去新長老出世事畢其或未然。傑上座今日失利。叙謝不錄。

復舉三聖道。我逢人則出。出則不爲人。變化道。我逢人則不出。出則便爲人。後來白雲端和尚拈云。二尊宿各有一處打得著。且道那箇在前。那箇在後。師召大衆云。白雲端和尚錯下名言。殊不知二尊宿前不至村後不迭店。直至于今。翻成話霸。何故。字經三寫。烏焉成馬。下座。

入方丈據座云。此室甚深廣大。非語默可及。淨名居士向遮裏寐。語不惺。七佛祖師到來。納敗衾。甚傑上座口似乞兒破席袋。又如何施設。喝一喝云。不入洪波裏。爭見弄潮人。

八月二十二日就本院開堂祝

聖。罷復拈香云。此一辨香。收來久矣。欲隱彌露。今日人天普集。不免從頭說破。昔年行脚。自江西回。擬往四明方抵婺州智者。却被傍觀兄弟錯指路頭。撞入衢州明果山中。見箇老和尚列列契契。太煞不近人情。既已將錯就錯。禮了三拜。直至于今。悔之不及。雖

然如是。冤有頭債有主。熬向爐中供養。末後住天童山第十八代應菴大和尚。用酬法乳之恩。遂歛衣就座。問答罷。乃云。祖師心印。狀似鐵牛之機。去則印住。住即印破。森羅萬象。明暗色空。情與無情。一印印定。更無絲毫透漏。更無絲毫走作。更無絲毫起滅。更無絲毫動搖。如金博金。似水洗水。了絕異緣。迥超諸有。以此壽。聖人則天長地久。以此祝賢守。則伊尹周公。以此安樂生民。以此康福天下。以此播揚大教。以此扶豎正宗。然雖如是。且道印子。即今在什麼處。良久擊拂子云。鵬弓高掛。狼煙息。萬國歌謠。樂太平。復舉保壽開堂三聖。推出一僧。保壽便打三聖云。與麼爲人。瞎却鎮州一城人眼去。在保壽擲下拄杖。歸方丈。師云。二尊宿美則美矣。若要扶臨濟正宗。每人各欠一頓棒。在且道。那裏是他欠處。具擇法眼者。試定當看。

上堂佛說一切法爲度一切心。我無一切心。何用一切法。既無心。又無法。山河大地。甚處得來。見聞覺知。復是何物。乃喝一喝云。臨崖看。游眼特地一場愁。

上堂一進一退一動一靜。須信那伽常在定。一擒一縱。一殺一活。四方八面。活鱗鱗。嘉州大象。喫鹽多。陝府鐵牛。添得渴。若作佛法商量。喫鐵棒有日在。

上堂。知幻即離。不作方便。以拂子左邊擊一下。云。向遮裏薦取。離幻即覺。亦無漸次。以拂子右邊擊一下。云。向遮裏薦取。一人發真歸元。十方虛空。悉皆消殞。以拂子中間劃一劃。云。向遮裏薦取。烏巨葛藤。盡被諸人覷破了也。諸人鼻孔。眼睛。被烏巨拂子穿却。因什麼不覺不知。其間或有一箇半箇。薦地知非。黑漆拄杖。未放過在。何故。曹溪波浪。相似無限。平人被陸沈。

上堂。僧問。德山托鉢意旨如何。師云。無意旨。進云。因什麼托鉢。下僧堂。師云。要行便行。要坐便坐。乃舉雪峰和尚示衆云。盡大地撮來。如粟米粒大。拋向面前。漆桶不會打鼓。普請看。師云。遮老子三登投子。九到洞山。做盡計較。末後却向鼇山店裏打箇沒折合。放聲道。今日始是鼇山成道。今日始是鼇山成道。便將大地人物。作自己受用。致令千戴之下。凌辱宗風。

烏巨與麼告報。不是抑他雪峰。且要天下衲僧。向後各各自有生涯。莫摠作遮野狐精。見解。喝一喝。下座。聖節。上堂。摩訶衍法。離四句。絕百非。諸佛說不到。拂子善提持。乃舉起拂子云。還見麼。以此祝。君壽壽。筭等須彌。

上堂。舉世尊在靈山會上。五百比丘。得四禪定。具五神通。未得法忍。以宿命智。通各自見過去殺害父母。及諸重罪。於自心內。各各懷疑。於甚深法。不能證入。文殊承佛神力。遂手握利劍。持逼如來。世尊謂文殊曰。住住。不應作逆。勿得害吾。吾必被害。爲善被害。文殊師利。爾從本來。無有我人。內心起時。我必被害。卽名爲害。於是五百比丘。自悟本心如夢。如幻。於夢幻中。無有我人。乃至能生所生。父母。於是五百比丘。同讚嘆曰。文殊大智士。深達法源底。自手握利劍。持逼如來。身如劍佛。亦爾。一相無有二。無相無所生。是中云。何殺師。云。爲人須爲徹。殺人須見血。文殊費盡腕頭氣力。要且不知此劍來處。帶累釋迦老子。通身是口也。分疎不下。五百比丘。恁麼悟去。入地獄。如箭。

射忽若踏翻大海。趨倒須彌雲門。扇子踣跳上梵天。
壓著帝釋鼻孔。東海鯉魚打一棒。雨似盆傾。又作麼。
生商量。良久云。自從舞得三臺後。拍拍元來總是歌。
上堂以楔出楔。翻成途轍。以心傳心。轉見病深達磨。
不會當頭句。却向嵩山面壁九年。後代兒孫承。虛接。
響揚眉瞬目。行棒行喝。盡是黃葉。止啼烏。巨到遮裏。
直得上天無路入地無門。咬定牙關。且與諸人和泥。
合水卓拄杖一下云。不是一番寒徹骨。爭得梅花撲。
鼻香下座。

因雪上堂。滿目紛紛呈瑞雪。填溝塞壑誰辨別。文殊。
無處頓渾身。普賢失却真妙訣。烏鴉變作白頭鷄。鐵。
樹翻成銀線結。報諸人。瞥不瞥。庭際無人立片時。便。
是太平底時節。喝一喝下座。

上堂舉昔日有婆子供養一菴主。經二十年。常令一。
女子送飯給侍。一日令女子抱定云。正與麼時如何。
主云。枯木倚寒巖。三冬無暖氣。女子歸。舉似婆婆云。
我二十年只供養得個俗漢。遂發起燒却菴師云。遮。
箇公案叢林中。少有拈提者。傑上座裂破面皮。不免。

納敗一上也要諸方檢點。乃召大眾云。遮婆子洞房。
深穩水泄不通。偏向枯木上。糝花寒巖中。發餓個僧。
孤身迥迥。慣入洪波等閑坐。斷潑天潮到底身。無涓。
滴水子細檢點將來。敲枷打鎖。則不無二人。若是佛。
法未夢見在。烏巨與麼提持畢。竟意歸何處。良久云。
一把柳絲收不得。和煙搭在玉欄干。

上堂有物先天地。無形本寂寥。能爲萬象主。不逐四。
時凋。且道是什麼物。有般無鼻孔。漢便道描也描不。
成。畫也畫不就。佛眼觀不見。不識不知。如斯理論。正。
所謂一句合頭語。萬劫繫驢橛。烏巨有一則語。非是。
扶宗豎教。且要與天下衲僧。剝盡貼肉汗衫。諸人切。
須諦聽。良久云。起好挑飯。飭好羹菜。參。

上堂舉僧問梁山家賊。難防時如何。山云。識得不爲。
冤。僧云。識得後如何。山云。貶向無生國。裏僧云。莫是。
他安身立命處也。無山云。死水不藏龍。僧云。如何是。
活水。龍山云。興雲不吐霧。僧云。忽然傾瀉倒巖時。如。
何。山下繩床把住云。且莫濕著。老僧袈裟角。師召大。
衆云。梁山老賊。慈悲太煞。與賊過梯引入屋裏。劫盡。

家財攪吵。一上不解勦絕他命根。致令偷心不死。若是烏巨。則不然。忽有問家賊難防時。如何便與一刀兩斷。教他洒洒落落。作一枚白拈賊。到處偷營劫寨。驀拈拄杖云。遮一隊賊漢來遮裏討什麼。下座一時趕散。

上堂舉龐居士頌十方同聚會。師云。鐵壁銀山。個個學無爲。師云。日月照臨。此是選佛場。師云。龍蛇混雜。心空及第歸。師云。凡聖同居。驀拈拄杖橫按云。龐居士在遮裏坐地。是汝諸人還見麼。遂擲下拄杖云。三生六十劫。

上堂舉僧問雲門。久雨不晴時。如何。雲門對道。劄師云。大衆雲門。一劄乾坤。旬匝海水騰波。須彌岌岌。驀拈拄杖卓一卓云。雲門大師向遮裏無出氣處。且道烏巨。活人眼在什麼處。復卓拄杖云。久雨忽晴。天清地寧。寒山撫掌。拾得忻忻。恁麼會得。旱地遭釘。李侍郎入山上堂。幽禽噪破那伽定。便見文星入寺來。倒屣門迎。開笑面。林泉陟覺起風雷。風雷起處。萬岳生春。正眼洞明。十虛無間。手携仲尼日月腰佩。佛

◆下二有取字

祖靈符在處。爲瑞爲祥。爲龜爲鑑。牆壺法門。股肱王室。不是神通妙用。亦非法爾如然。何謂如此。自從踏斷千差路。便向毗盧頂上行。

上堂。卽心卽佛。鐵牛無骨。非心非佛。空山突兀。不是心。不是佛。不是物。人從陳州來。却得許州信。報道今年蚕麥熟。風雨時。五穀豐。萬民樂。東村王老。聞得嚶嚶而歌曰。從來不唱脫空歌。把火燒山拾田螺。白鶻樹頭魚。扇子急水灘頭鳥。作窠好。大衆不是文章四六。亦非少室單傳。哆哆和和。如薦得祖師鼻孔。一時穿以拂子。擊禪床下座。

上堂。僧問大龍老。倒放癡。懸澗水。山花錯指南。堅固法身。無覓處。千峰盤屈。色如藍。正與麼時。如何。師云。剔起眉毛直下。薦進云。直得上無攀。仰下絕已。躬師云。畢竟向甚處安身立命。進云。平生心膽向人傾。師云。猶在半途進。云。忽有問。和尚色身敗壞。如何是堅固法身。未審如何對佗。師云。破草鞋進。云。處處綠楊堪繫馬。家家門裏透長安。便禮拜。師乃舉外道問佛。不問有言。不問無言。世尊良久。外道讚嘆云。世尊

大慈大悲開我迷雲令我得入師云黃面老子爲人天師被外道輕輕問著便見七穿八穴外道不識好惡更言大慈大悲開我迷雲令我得入正是夢中說夢外道去後阿難問外道有何所證而言得入世尊云如世良馬見鞭影而行師喝云向什麼處去來黃面老子當時若下得遮一喝兒孫未至掃土衆中莫有爲黃面老子作主底麼出來與烏巨相見良久云
昨下座

上堂僧問有句無句如藤倚樹樹倒藤枯句歸何處師豎起拂子云還見麼進云鶴子過新羅師云不如禮拜好師乃云有句無句如藤倚樹石裂崖崩毒蛇當路樹倒藤枯悉哩蘇嚨瀉山呵呵大笑和賊捉敗了也且水不洗水一句作麼生道皇天無親唯德是輔

國清直庵和尚到上堂雲開千嶂出木落一枝分相見又無事不來還憶君叙謝畢復舉芙蓉和尚一日訪實性大師大師陞座以右手拈拄杖倚左邊云此事若不是芙蓉師兄大難委悉師召大衆云實性

大師弄巧成拙鈍置他芙蓉師兄今日國清師兄到來烏巨也不拈拄杖亦不與麼道且道與古人是同是別良久云相逢自有知音知何必清風動天地
上堂今朝六月十五祝聖陞堂擊鼓木童火裏吹笙石女雲中作舞也大奇也大奇天無四壁地絕八維五湖四海來入貢衲僧聞見眼如眉喝一喝下座解夏上堂僧問如何是正法眼師云草鞋無爽進云只如和尚道破砂盆又作麼生師云老僧不曾動著舌頭進云此語已遍天下師云杓卜聽虎聲師乃云烏巨今日解夏乃遵黃面老子二千年前話霸駁蠟人徹底冰清護戒珠了無縫罅唯有露柱燈籠不肯入遮保社何故從來心似鐵端不受差排
病起上堂一葉飄空萬木秋翻思光境急川流若人識得其中意坐斷千差向上頭山僧數日來似病不病似不安似死不死方丈裏撒屎撒尿大開眼狂言寐語直是東西不辨南北不分求生不得求死不得釋迦老子爲四生慈父三界醫王也竟此病起處不得正當此時若人救得山僧點一盞薄荷湯與伊

漏口若救不得。如人上山。各自努力。閻羅大王不是你爺。他時打你鬼骨。罄索飯錢去。在莫言不道。

上堂。天上月。圓人間。月半槌鼓。陸堂理舊公案。且作麼生。是舊公案。車不攢。推理無曲斷。

上堂。盡乾坤大地。喚作一句子。擔枷帶鎖。不喚作一句子。業識忙忙。兩頭俱透。脫淨裸裸。赤洒洒。沒可把。達磨一宗。掃土而盡。所以雲門大師道。盡乾坤大地。無絲毫過患。猶是轉句。不見一色。始是半提。更須知有全提時節。大小雲門。劒去久矣。方乃刻舟。

上堂。舉金峰和尚示衆云。老僧二十年前有老婆心。二十年後無老婆心。時有僧出問。如何是和尙二十年前有老婆心。峰云。問凡答凡。問聖答聖。僧云。如何是二十年後無老婆心。峰云。問凡不答凡。問聖不答聖。師云。烏巨當時若見。但冷笑兩聲。這老漢。忽若瞥地。自然不墮聖凡窠臼。

上堂。世尊拈花。勾賊破家。迦葉微笑。聲前失照。雪峰轉毬。雙放雙收。玄沙未徹。眼中拔屑。雲門顧鑑。通相脫賺。俱胝豎指。全無巴鼻。遮一隊漢。敵國家財。盡被

◆教一作教

烏巨藉沒了也。直得上無片瓦。下絕卓錫。却來眉毛縫罅裏。埋冤負屈。聲聲叫道。無惻隱之心。非人也。無羞惡之心。非人也。無是非之心。非人也。烏巨痒處被他抓著。不覺手之舞之。足之蹈之。薦拈拄杖。擲下云。遇救咸放。

上堂。少室單傳。禪僧巴鼻。確膏牛。花驢鳴狗。吹開坑。籌子念摩訶。驚起法身。無處避。無處避。若爲論。薦拈拄杖卓一卓云。我行荒草裏。汝又入深村。

衢州大中祥符禪寺語錄

參學小師 崇岳 了悟 等編

上堂。在眼曰見。在耳曰聞。在手執提。在足運奔。帶開則東。西南北把住。則毫髮不存。且道。豁開好把住。好薦拈拄杖卓一卓云。一氣不言。含有象。萬靈何處謝無私。

上堂。舉盤山道向上一路。千聖不傳。慈明和尚道向上一路。千聖不然。二尊宿與麼大。似靈龜曳尾。祥符道向上一路。掘地覓天。上堂。靜悄悄處。跳得出關。浩浩處。可橫身。闊浩浩處。

挨得行靜悄悄處堪駐足。所以德山據一條白棒佛來也打。祖來也打。且不坐在關。浩浩靜悄悄處又道。我三十年不曾打著箇獨脫底。祥符門下若有獨脫底。正好喚來洗脚。

上堂。月生一無角鐵牛。眠少室。月生二赤脚波斯入關。市月生三冰生於水。青出於藍。驀拈拄杖橫按。顧視云。文殊堂裏萬菩薩。夜來盡向此中參。

謝知事頭首上堂。一新一舊。跳出窠舊。一出一入。胡餅裏呷汁。一擒一縱。開眼作夢。一照一用。鱸魚走入麻油甕。所以道。若論此事。直須揮劍。若不揮劍。漁父棲巢。古人與麼大。似將錢買李子。只從赤邊咬。且道結角在什麼處。驀拈主丈卓一卓下座。

冬至上堂。日南長至。慶無不利。石笋暗抽條。寒巖增暖氣。東村王老半醉半醒。林下道人沒巴沒鼻。驀拈拄杖云。若人於此徹根源。勝似燃燈親授記。擲拄杖下座。

上堂。舉鹽官示衆云。虛空爲鼓。須彌爲槌。是什麼人打得衆無語。南泉云。我當時若見向他道。王老師不打。

打遮破鼓。後來法眼道南泉。何須道遮破鼓。但道不打。自然是箇破鼓師。云。鹽官提水放火。南泉撥亂灰。飛法眼埋兵掉鬪。諸尊宿雖然各出一隻手。並無一人性懽下得一槌。只是隨例扛鼓。祥符直截與諸人道。却虛空爲鼓。須彌爲槌。漆桶參堂去。

歲旦上堂。元正一旦。萬事成辦。大乘小乘。并索錢買。更問佛法如何。也是秦時轆轤鑽。

寶鑑大師請入。全剛五藏師。指金剛云。賢劫千佛數。末後最慙慙。倒握降魔杵。高標利物拳。心肝無屈曲。腸胃有區分。神通願力雖無盡。且爲山僧護法門。上堂。譬如擲劍揮空。莫論及之不及。斯乃空輪絕跡。劍刃無虧。正與麼時。如何。遂顧視左右云。填溝塞壑。無人會。雨過夜塘秋水深。

上堂。舉藥山久不上堂。寺主白云。大眾久思和尚示誨。山云。打鍾著。寺主打鍾。大眾雲集。山便歸方丈。主隨後白云。和尚許爲衆說話。何故一言不措。山云。經有經師論。有論師又爭恠得老僧。後來翠巖芝和尚云。寺主怪藥山不爲衆說話。可謂誤他三軍師。云。翠

巖只具一隻眼。殊不知藥山歸方丈。便是勞佗三軍掛寺額。上堂。當頭一著。坐斷諸訛。佛手不能遮。古今爲勝。樣人天交慶。祖室生輝。南來北來。盡由此門而入。眞書大篆。無非法令。鉗鎚拈拄杖。卓一卓。乃召大衆云。乾坤未立。世界未形。且道遮一著。落在什麼處。遂提起云。看看海神知。貴不知價。留與人間光照夜。擲拄杖下座。

上堂。不求諸聖。不重已靈。摺折德山棒。啞除臨濟喝。終日泥猪疥狗。哆哆和和。不記月之大小。歲之餘閏。知佗是凡耶。是聖耶。祥符若放過二十年後。遭人檢點。若不放過。如何道得轉身句。喝一喝云。上士由山水中人坐竹林。

上堂。舉文殊問無著。南方佛法如何。住持無著云。末法比丘。少奉戒律。又問多少衆。無著云。或三百或五百。無著問文殊。此間佛法如何。住持文殊云。龍蛇混雜。凡聖同居。又問多少衆。文殊云。前三三後三三。乃召大衆云。或三百或五百。置之勿論。只如文殊道前三三後三三。如何話會。良久云。竹影掃階塵不動。月

穿潭底水無痕

上堂。舉圓覺經中道。居一切時不起妄念。於諸妄心亦不息滅。住妄想境不加了知。於無了知不辨眞實。雪堂和尚拈云。枯樹雲充葉。凋梅雪作花。擊筒方木響。薰雪喫冬瓜。長天秋水孤鷺落霞師云。釋迦老子擔得一擔瞋。瞋出來撞着雪堂和尚。添得一擔顛。頂祥符不是壓良爲賤。也要緇素分明。生鐵鑄牛頭。牽犂還拽杷。智者笑忻。愚人驚怪。差古往今來幾百年。更向鬼門重貼卦。薰拈拄杖云。看看釋迦老子來也。向諸人道。據虎頭收虎尾。第一句下。明宗旨。卓一卓下座。

建康府蔣山太平興國禪寺語錄

參學小師 崇岳 了悟 等編

入寺指三門云。無碍解脫門。重重寶樓閣。不勞歛念。八字打開。信脚便行。自然聲和響順。若也躊躇。便見撞牆撞壁。

入佛殿。燒香云。因我得禮你窮源。親到底。禮拜了。燒香。自倒還自起。

上堂正令全提十方坐斷千差。別一句該通佛與衆生。皆爲剩法。恁麼會得。全賓是主。全主是賓。且超越一句作麼生。道良久云。蠱毒之家。水莫管。

聖節上堂。諸佛不說。說祖師不聞。聞留下一轉語。千古鎮乾坤。且道是那。一轉語。驚起恭身叉手云。

皇帝萬歲萬萬歲。

施主請上堂。師據座。顧視左右。驚拈拄杖云。今佛放光明。助發實相。義乃卓一下云。希有諸比丘。是中難比。況復提起云。還見蔣山拄杖子麼。朝到西天暮歸唐土。向諸人道。有世界以音聲爲佛事。有世界以香飯爲佛事。有世界以出入息爲佛事。復卓一下云。且道遮箇世界。將什麼爲佛事。擲下拄杖云。阿喇喇。四方八面活鱖鱖。

上堂。月生一萬像。不能逃影質。月生二東行。不見西行。利月生三。無言童子口喃喃。背手拈起無星秤子。秤須彌山重一斤十二兩。卽不同諸人。且道觀世音菩薩爲什麼頂戴彌陀參。

上堂。一葉落。天下秋。南來北往。竟悠悠。一句通萬機。

息上下四維。無等匹西天人。不會唐言。獨坐少林。廊面壁。帶累兒孫。不丈夫。被人喚作白拈賊。乃召大衆云。雲門念七。好參詳。寶公不是閑和尚。

上堂。高高處無物堪比倫。低低處猶難擬議。一毫端上立寶王。利寬廓非外百草頭上。突出妙喜世界。寂寥非內。權實照用並行。敲碎觸體裏眼睛。捏出虛空裏骨髓。且聽諸人東卜西卜。忽若把斷要津。如何通信。八月秋何處熱。

上堂。僧問。崔趙公問國一祖師云。弟子欲出家。得否。國一云。出家乃大丈夫事。非將相所能爲。意旨如何。師云。來機深。辨進云。若無舉鼎拔山力。千里烏雞不。易騎。師云。好箇衲僧。進云。石門聰和尚。舉似李都尉。都尉於此悟去。時何如。師云。你且道。佗悟得箇什麼。進云。學道須是鐵漢。斫手心。頭便判。直趣無上菩提。得失是非。莫管。師云。不因上座舉。幾乎忘却。師乃云。諸佛說不到處。祖師提不起時。一段光彩。盡在蔣山指甲縫裏。放行則三頭六臂。把住則水泄不通。且道不放行。不把住。時如何。日月光天德。山河壯帝居。

上堂月圓月缺。循途守微。打破牢關。天寬地寬。聖人以百姓心爲心。自然海晏河清。萬民樂業。耕而食鑿血。飲終日熙熙然。如享太牢。不知帝力於我何有哉。正與麼時。且道還有佛法道理也。無喝。一喝云。三點前三點後。

冬至日入新衆寮。上堂。天不言。四時行。地不言。萬物生。聖人不言。垂衣拱手。萬國來王。衲僧不言。移凶星爲吉曜。捏大地作伽藍。裁長補短。革故鼎新。便見玲瓏八面。峭峻一方。坐斷溪山。包羅風月。且入門一句作麼生。道一陽來復。後瑞氣自騰騰。

施主追修。請上堂。諸佛未出世。達磨不西來。人人抱荆山之璞。箇箇懷赤水之珠。及乎五葉開敷。千燈續燄。便見生死交謝。寒暑迭遷。北里豪家。昨日歌兮。今日哭。蔣山與麼告報。大似移花兼蝶至。買石得雲饒。諸人若善參詳。管取終日於聲色頭上。坐臥聲色不能染污。終日於生死界中。出沒生死不能籠罩。且據箇什麼道理。便能如是。鶻拈拄杖云。千聖不知何處去。倚天長劍逼人寒。

木菴和尚遺書。主拈香云。大衆還識遮尊慈麼。雖與我同條生。不與我同條死。稔聞在七閩。揚塵兼簸土。凌茂宗風。不奈何。今朝喜見清平路。清平路既見畢。竟如何。茶傾三奠。香爇一爐。伏惟尚享。

上堂。舉洞山與密師伯同到栢巖巖間。二上座甚處來。山云。湖南來。巖云。觀察便姓什麼。山云。不委姓巖云。名什麼。山云。不委名。巖云。還理事也。無山云。自有。廓幕在巖云。還出入也。無山云。不出入。巖云。豈不出入。山拂袖便行。巖次日侵早入堂。召二上座。近前云。昨日問上座。不恹老僧意。一夜不安。今請上座別下一轉語。若恹老僧意。便開粥相伴過。夏山云。却請和尚問巖云。豈不出入。山云。太尊貴生。巖乃開粥同過。夏師云。明投暗合。八面玲瓏。不犯當頭。轉身有路。曹洞門下。足可觀光。若是臨濟兒孫。棒折也未放在。當時見佗道。不委姓。劈臂便與一拳。這裏挨得身轉。非但開粥相待。亦可明窓下安排。有麼。有麼。喝一喝云。漆桶參堂去。

上元上堂。今朝上元節。是處掛燈毬。一燈燃百千燈。

燈燈相續重重無盡如寶絲網三世諸佛向光影裏出現六代祖師向光影裏說法度人四聖六凡向光影裏頭出頭沒山河大地向光影裏成立諸人若信得及去覓其光影來處了不可得便乃坐斷報化佛頭若信不及十二時中被光影使得七顛八倒

上堂舉修山主云是挂不見挂非挂不見挂是非已去了是非裏薦取師喝云孟春猶寒在日月幾時遷上堂一切數句非數句與吾靈覺何交涉毒蛇鑽入你鼻孔蝦蟆咬破你眼睛且喚什麼作靈覺有般漢東西不辨南北不分便道經行及坐臥啼喫粥喫飯啼正是喚奴作郎認賊爲子蔣山直截與諸人道却毗婆尸佛早留心直至而今不得妙

常州褒忠顯報華藏禪寺語錄

參學小師 崇岳 了悟 等編

師在和州褒禪受請拈帖云三回兩度推不去今日依前把不住不是時節因緣亦非人情之故既然如是因什麼撞頭磕腦不見道順是菩提上堂方脫鐘山塔級難却來遮裏養殘軀那知蹤跡

難遮掩又見驅馳走使符使符既至回避無門按下雲頭和泥合水便見全賓是主全主是賓賓主交參通同和氣且應時納祐一句作麼生道喝一喝云劍爲不平離寶匣藥因救病出金瓶

入方丈據座云獅子教兒迷子訣擬前跳擲早翻身羅紋結角交鋒處鷄眼臨時失却蹤古人與麼道也是徐六擔片板

上堂僧問鐘山頂上雷聲震華藏海中浪拍天洗脚上船乘快便遮回贏得日高眠如何是到家一句師云坐立儼然進云流水下山非有意白雲歸洞本無心師云你也亂走作麼進云被和尚捉敗師云割師乃云昔日文殊大士三處度夏一月長者家一月魔宮一月娑坊末後却歸世尊會中解制迦葉欲白槌擯出纔舉念見無量世尊無量迦葉無量文殊世尊云汝欲擯那箇文殊迦葉盡其神力槌不能舉後來尊宿拈云好一槌又却放過甘作小乘人師云尊宿與麼也是盲人摸象傑上座今夏蔣山結夏褒禪破夏華嚴終夏且道與文殊是同是別若道是同許

佗具一隻眼。若道是別。也許佗具一隻眼。忽有箇不受人瞞底出來。道長老也好泥。泥只向佗道。泥湍中有箇分曉。處急須聽取。三處移場定是非。頑心全不改。毫釐胡言。漢語憑誰會。鐵額銅頭也皺眉。

次日爲 太師循忠烈王。陞座。僧問大賢化德。今猶在攀感之心。動四維林下道人。何以報聊。將無孔笛橫吹。師云。知音知後。更誰知進。云。知音一句。則不問無孔笛作麼生吹。師豎起拂子云。還聞麼。進云。五天吹不起。漢地和難齊。師云。又被風吹別調。中進云。只如 太師循王。今日深領和尚法音。未審超何地位。師云。泥多佛大進。云。還許學人借水獻花也。無師云。又且何妨。進云。亡過無疑。登九品見存。此去列三台。師云。只消遮一句。僧禮拜。師乃云。心生種種法生。心滅種種法滅。心法兩忘。如搗塗毒鼓。聞者皆喪。又如大火聚。近之則燎。却面門悟之者。立地成佛。迷之者。永劫輪迴。所以諸佛所說。唯說此心。祖師所傳。唯傳此法。靈山會上。五百比丘。得之自悟。本心如夢。如幻。於夢幻中。不見有我。人衆生廣。額屠兒得之。挑下屠

刀叉手云。我是千佛一數。大集會中。大力魔王得之。便道。我待一切衆生成佛。淨盡衆生。界空無有衆生。名字。我乃發菩提心。豈不是大丈夫。能爲大丈夫事。於過量塵沙劫。作過量殊勝佛事。山僧今日。以如是心說。如是法。普請大地衆生。有情無情。同入清淨大解脫門。與 太師循忠烈王。爲不請友。同一眼見。同一耳聞。同一受用。作廣大殊勝利益。不可思議。且憑箇什麼道理。便能如是。利劍拂開天地。靜霜刃。纔舉斗牛寒。復舉世尊因地。布髮掩泥。獻花於燃燈。如來。燃燈見布髮處。遂約退衆。乃指其地云。此一方地。宜建梵刹。衆中有一賢于長者。持標插於指處。云。建梵刹已竟。時諸天散花。讚言。庶子有大智矣。師云。大衆燃燈指處。滴水水生。賢于插時。天回地轉。於斯見得。古釋迦不先今。太師不後其。或未然。更聽重下注脚。莫除荆棘。建伽藍。七佛常來此處。參地。久天長功。不墜天花。時復雨。穆穆。

應菴和尚。忌日上堂。利劍斬虛空。萬象鳴。曝曝。年年向斯辰。令人倍發惡。古者道子。不談父德。雖然家醜。

也要外揚遮老和尚平生事。過頭底九百。自云著草鞋住院。何若如蛇。蛇戀窟美。則美矣。帶累不肖兒孫。依模脫出。贊嘆者從他贊。上非非想。天毀謗者。謗到空輪水際。衆中莫有毀譽不動底麼。出來與華藏相見。有麼。有麼。良久。擲下拄杖。高聲云。侍者收取拄杖。上堂。一葉落。天下秋。風高雲淡。水碧空浮。達磨不會接手。句。少林空坐。冷啾啾。耐雲門。梁根漢。復於頭上更安頭。記得僧問雲門。達磨九年面壁。意旨如何。門云。念七。師喝云。果然只在遮裏。良久。復云。勘破了也。

解夏上堂。十五日已前。無繩自縛。十五日已後。脚瘦草鞋寬。正當十五日。天無私蓋地。無私載。風不鳴條。雨不破塊。大家撫掌。樂升平。一任東倒及西。喝一喝下座。

上堂。舉雲門在嶺中時。僧問如何是法身。向上事。門云。向上與你道也不難。且道如何是法身。僧云。請和尚鑑門云。鑑卽且止。作麼生說法。身僧云。恁麼恁麼。門云。此是長連床上學得底。我且問你。法身還解喫。

飯也。無僧無語。後有僧舉似梁家菴主。主云。雲門直得入泥入水。資福云。欠一粒不得。剩一粒不得。師云。雲門渾剛打就。生鐵鑄成。不動鉗鎚。火星迸散。梁家菴主冷處著把火。義出豐年。資福闌處。愛入頭。傍觀者。晒華藏據款結案。也要諸方檢點。若也檢點得出。生陷無間地獄。

上堂。舉僧問趙州。如何是毗盧頂。相州云。老僧自小出家。不曾眼花。應庵和尚拈云。大小趙州。語上偏枯。若有問天童。如何是毗盧頂。相只對佗道。大底大小。底小。師云。若向趙州語下見得。坐殺天下。衲僧若向天童語下見得。走殺天下。衲僧忽有問華藏。如何是毗盧頂。相只對佗道。碌磚。

上堂。秋江清淺時。白鷺和烟。鳥良哉。觀世音。全身入荒草。且出草一句。作麼生道。寰中天子。勅草舍家風。別。

上堂。舉僧問巖頭。路逢猛虎時。如何。頭云。撈師云。巖頭具殺人不眨眼。底手段。被遮僧一問。却向射梁後。彈避若也。檢點得出。雖是善因。而招惡果。

上堂牛頭橫說豎說不知有向上關板子有般漆桶
輦東西不辨南北不分便問如何是向上關板子何
異開眼尿床華藏有一轉語不在向上向下千手大
悲摸索不著多時雨寒無處晒眼今日普請布施大
衆良久云達磨大師無當門齒

上堂默時說說時默寒山逢拾得拈箇禿掃帚東掃
西掃忽然撞著豐干禪師騎虎出來放下茗筴把手
呵呵大笑恰似販私鹽底草賊有什麼共語處復召
大眾云且道佗笑箇什麼良久云東君行正令花發
樹南枝喝一喝

上堂撥轉天關掀翻地軸冰凌上走馬劒刃上翻身
未是衲僧行履處萬年一念一念萬年羅籠不肯住
呼喚不回頭亦未是衲僧行履處透脫兩重窠臼別
有生機一路向百草頭上罷却干戈山僧甘心生陷
無間地獄是汝諸人還自檢責麼喝一喝云漆桶參
堂去

上堂今朝正月半普請大家看過去燈明如來在汝
諸人脚跟下放光動地還見麼若也見得神頭鬼面

裏元來有人在若見不得切忌撞牆撞壁復舉明
招到招慶有度上座問羅山尋常道諸方盡是麩飯
惟有羅山是白飯上座從羅山來却展手云白飯請
些子招打兩掌度云將謂是白飯元來只是麩飯招
云痴人棒打不死度至夜間舉似諸禪客次招近前
云不審度云今日便是這箇上座下兩掌有炤上座
云不用下掌就裏許作麼生道招云就裏許也道道
炤無對招云是你諸人一時縛作一束倒卓向尿闊
下來日相見珍重師云尋常向諸人道終日在洪波
浩渺中白水相潑渾身無一點濕是佗明招炤著蓮
些子自然用出閑閑地惜乎鋒頭少銳引得許多葛
藤若是華藏見佗道將謂是白飯元來只是麩飯連
腮更與兩掌且教遮漢疑三十年

上堂二由一有一亦莫守一念不生揚生左肘達磨
大師九年面壁觀不破黃面老子三百餘會道不著
德山臨濟咬定牙關一場懨懨華藏到箇裏如何道
之接手句風暖鳥聲碎日高花影重

上堂舉同安察和尚問僧甚麼處來僧云五臺來察

云還見文殊麼。僧展兩手。察云。展手頗多。文殊誰觀。僧云。氣急殺人。察云。不觀雲中鴈。焉知沙塞寒。僧云。遠移丈室。乞師一言。察云。孫賓門下。徒話鑽龜。僧云。名不浪施。察云。喫茶去。僧便珍重。察云。雖得一場榮。別却一雙足。師云。拏來。拳應踢來。踢應拳。踢交參。執負執勝。搖頭擺尾。過牢關。別足之言。誰肯信。雖然。有一處請訛。在諸人試檢點看。

上堂。僧問。楊岐問慈明。幽鳥語喃喃。辭雲入亂峰。時如何。明云。我行荒草裏。汝又入深村。意旨如何。師云。天共白雲曉。水和明月流。進云。應庵道兩箇漆桶。失却鼻孔。又作麼。生師云。要且扶臨濟不起。進云。適來和尚恁麼道。還扶得也。無師云。老僧更是不奈何。進云。應菴只知佗人失却鼻孔。不知自家落盡眉毛。師云。那裏是佗落盡眉毛處。進云。特地一場愁。師便喝。進云。若非父子至親。爭得赤心片片。師云上座。又錯會了。進云。楊岐道。官不容針。更借一問。慈明便喝。又作麼。生師云。揔是漆桶見解。進云。楊岐云。好喝慈明。又喝楊岐。亦喝慈明。連喝兩喝。楊岐便禮拜。又作麼。

之師一作實

生師云。三生六十劫。僧禮拜。師乃云。一槌便成。方木逗圓。孔不假一槌。填溝塞壑。少人知。若也腳踏實地。南州打到北州頭。愈見金聲玉振。若也半前半後。東土移來西土看。對面隔千山。華藏口似乞兒破席袋。和底一時翻了也。若也會得。乾三連坤六段。若也不會。切忌地盈虛。

靈隱佛海禪師遺書至上堂。僧問。昨夜春風偶發惡。掀倒飛來峰。倒卓嘉州大象。喫一拳。陝府鐵牛。擲折角正與麼。時佛海禪師迂化。向什麼處去。師云。大家證明。進云。恁麼則煩惱海中。爲雨露無明山下。起雲雷。師云。川僧得與麼。蠢苴。師乃云。呼猿洞口。虛空迸裂。鴉飛不度。如行如說。三十三天。撲帝鐘。打刀須是。邠州鐵喝。一喝下座。

上堂。驀拈拄杖卓一下。云。上來講讚無限勝。因拄杖子平地踣跳。撞倒燈籠露柱。驚起太湖龍王。惡發把須彌山一擲。直得海晏河清。風恬浪靜。狸奴白牯。遍相贊言。善哉善哉。風以時雨。以時今年。蚕麥熟。五穀登。東村王大嫂家。夜來失却一頭水牯牛。渾家大小。

尋討不見肚裏熱鬧。小女阿八從後門出長聲歌曰。尋牛須訪跡。學道訪無心。跡在牛還在。無心道易尋。山僧聞得呵呵大笑。且道笑箇什麼。喝一喝云。三十年後。

聖節上堂。靈機廓徹。妙叶無私。智鑑洞明。通途絕迹。一切處現吉祥事。不昧見聞覺知。亘塵沙劫。堅密身。突出行住坐臥。天上天下歌有道。五湖四海樂無爲。林下道人將何報德。多子塔前消息在一回拈出一回新。

上堂釋迦不說說。拗曲作直。迦葉不聞聞。望空啓告。馬祖卽心卽佛。掛羊頭賣狗肉。趙州勘庵主。貴賤賣分文不直。且如文殊是七佛之師。因什麼出女子定不得。河天月。暈魚分子。柳葉風。微鹿養茸。上堂經行及坐臥。常在於其中。做牛便要拖犁拽把。做馬便乃嚼鐵負鞍。爲人原始要終。不求諸聖。不重已靈。或則三條椽下。或則關市門頭。成佛作祖。披毛戴角。上天堂入地獄。擔鐵枷。喫鐵棒。摠不爲分外。百千年後。築著聲頭。拳踢相應。鼻孔遼天也。怪山僧不。

得何故賊無種相。鼓籠。

上堂。舉僧問雲門。死向什麼處去。雲門對他道。在什麼處。師云。雲門秉殺人刀。活人劍。點檢將來。要且不知去處。忽有問華藏死向什麼處去。只向佗道。薰風自南來。殿閣生微涼。

請典座上堂。舉夾山在瀉山充典座。瀉山一日問今日堂中喫甚菜。座云。兩年同一春。山云。如法修事。著座云。龍宿鳳巢。師云。柄霸在手。縱奪臨時。敲磕將來。百味具足。其中只欠一味。且道是油是醬。若點檢得出。華藏功不浪施。其或未然。更聽重下注。脚輔弱宗門。有老成一番提掇。一番新咬齧。呷醋知鹹淡。便是叢林過量人。

上堂拈拄杖卓一下云。迷時只迷遮箇復卓一下云。悟時只悟遮箇。迷悟兩忘。糞掃堆頭。重添搥搥。莫有向東湧西沒。全機獨脫處。道得一句麼。若道不得。華藏自道去也。擲拄杖下座。

上堂。舉同安察和尚云。喜醋鳴寒檜。心印是伊傳。僧云。何必察云。衆中有人在僧云。同安門下道絕人荒。

察云。胡人飲乳返怪。良醫僧云。休休。察云。老鶴入枯池。不見魚蹤跡。師云。動絃別曲有唱有酬。其唱愈高。其和愈峻。其間鄭衛之聲。雖則雜然。五音六律。拍拍是令。

臨安府徑山興聖萬壽禪寺語錄

參學小師 崇岳 了悟 等編

淳熙四年正月初七日。師在常州華藏受請望

闕謝 恩畢捧

敕黃示衆云。鳳闕頒宣。群生聳耳。當陽拈出。市地

普天。喚回枯木。龍吟別是一壺春色。若也見得。

皇恩。佛恩一時報畢。其或未然。却請維那分明宣過。

拈疏云。諸佛說不到處。祖師提不起時。結角羅紋語。

言三昧。盡從箇裏流出。輝騰今古。不墮斷常。欲令四

衆共知。何妨重爲說破。

陞座拈香祝 聖。罷歛衣就座。僧問 九重丹詔下。

雲端。瑞氣融融。宇宙寬拈出。少林無孔笛。憑師吹起。

萬年歡。師云。爐烟裊裊。瑞氣盤空。進云。拶出虚空爲。

福海。接轉須彌作壽山。師云。不爲分外進云。三聖道。

我逢人即出。出則不爲人時。如何。師云。點進云。拶師云。莫杜撰進云。八字打開。師云。你從那門而入。僧喝一喝。師云。幾不問過進云。興化道我逢人即不出。出則便爲人時。如何。師云。重言不當。吃進云。瞞和尚一點不得。師云。一任踣跳。僧禮拜。師乃云。至化無私大千普應。皇恩廣被。巖谷生春。雷動風行。龍驤虎驟。無量殊勝。併集恒沙妙義。全彰不歷化城。直登寶所。實所既至。遇緣即宗。法隨法行。法幢隨處建立。移身換步。物我一如。各各不相知。法法不相到。且全身奉重一句。作麼生。道良久云。天上有星皆拱北。人間無水不朝東。

入寺上堂。僧問。華藏海中。張巨網。慣打鯢鯨。凌霄峰頂。握鉗鎚。陶鑄佛祖。而今爐韞既開。一鎚便就。時如何。師云。漆桶生光。進云。恁麼則和尚不妨好手。師云。莫相鈍置。進云。僧問。應庵和尚。遠離光孝來赴妙巖。如何是不動尊。菴云。一別蓮城。五日程。意旨如何。師云。步步踏實。進云。既是不動尊。因甚却有五日程。師云。穿天下人鼻孔。進云。和尚遠離華藏來赴徑山。如

何是不動尊師云步行進云昔日應菴今朝和尚師云老僧不識應菴進云今日又爭諱得師云遭上座檢點僧禮拜師乃云未到此間不妨令人疑著及手到來依前門開八字樓閣參空走使文殊普賢驅馳釋迦彌勒拈一放一草偃風行舉一明三目機鋒兩如鏡照鏡似空藏空有佛處敲枷打鎖無佛處見兔放鷹忽若惚不與麼如何通信良久云雲靜日月正雪晴天地春

淳熙四年五月初十日恭奉聖旨就景德靈隱禪寺開堂皇帝遣中使降賜御香師謝恩捧香示衆云御寶親封君王頒賜不是人間薰陸亦非海外旃檀持來價重娑婆慈處爲祥爲瑞光揚佛日仰贊皇圖山河大地發歡喜心蠢動含靈普薰正見

判府安撫徽猷度疏師接乃云窮諸玄辯若一毫置於太虛竭世樞機到底不離於正念復呈起疏召大衆云正念生也且道其中事作麼生却煩表白宣讀陞座拈香云此一瓣香恭爲祝延今上皇帝聖躬

萬歲萬歲萬萬歲 皇帝陛下恭願 聖明御極膺萬國之不圖賢哲佐時協千齡之慶會此一瓣香恭爲祝延 光堯壽聖憲天體道性仁誠德經武緯文太上皇帝聖躬萬歲萬歲萬歲恭願 堯仁廣被舜德彌新億萬斯年永隆 睿筭此一瓣香恭爲壽聖齊明廣慈太上皇后 中宮皇后 皇太子皇孫兩宮天眷莊嚴福筭恭願 壽山增峻福海彌深同明般若正因公植金剛種智此一瓣香奉爲參政相公 參政相公 樞密相公 樞密相公判部尚書 判部侍郎 侍郎 中書舍人 舍人捧香天使 都知太尉 御帶太尉 諸位勳貴判府安撫徽猷 都運敷文 文武百僚同資祿筭此一瓣香薰向爐中奉爲前住明州天童山景德禪寺第十八代應庵大和尚用酬法乳之恩乃就座靈隱佛照禪師白槌云法筵龍象衆當觀第一義師云正令已行千差削迹佛佛從茲授手祖祖於是相傳恁麼會得便乃高揖釋迦不拜彌勒其或尙留觀聽何妨致問

僧問正法眼藏破顏微笑密付飲光涅槃妙心三拜
歸位獨傳二祖一花五葉遍界芬芳當恁麼時的
相承一句作麼生道師云須彌頂上浪滔天進云大
千俱捏聚祖令正當行師云雲從龍風從虎進云中
興此道正在今時未審和尚將何祝 聖師云常將
日月爲天眼指出須彌作壽山進云恁麼則舜日堯
風無盡時師云滿口道著進云世尊拈花迦葉微笑
意旨如何師云車不橫推理無曲斷進云世尊道吾
有正法眼藏分付摩訶大迦葉又作麼生師云蠱毒
之家水莫嘗進云只如和尚見應庵分付个什麼師
云一物也無進云爭奈破砂盆何師云一人傳虎萬
人傳實僧禮拜師云切忌妄通消息

僧問演第一義提最上乘會凡聖於飛來峰前集人
天於冷泉亭畔把住則天回地轉放行則海晏河清
當恁麼時且道是誰家風月師云人人有分進云一
片月生海幾家人上樓師云一句合頭語萬劫繫驢
橛進云肅宗帝問忠國師如何是十身調御國師云
檀越蹈毗盧頂上行意旨如何師云今古歷然進云

普光明殿上撥轉鐵牛機師云此心能有幾人知進
云只如國師道檀越蹈毗盧頂上行還明得十身調
御也無師云料掉沒交涉進云今日忽有問徑山如
何是十身調御作麼生祇對師云垂手過膝進云大
唐扶得真天子曾蹈毗盧頂上行師云別是一壺春
僧禮拜師云只道得一半 師乃云祖師心印狀似
鐵牛之機去則印住住則印破不去不住當頭坐斷
千眼頓開明如果日竟若太虛不可以智知不可以
識識人人具足物物圓成拈一機則千機萬機頓赴
說一句則千句萬句流通譬如善舞太阿一不觸手
二不墮地三不住空又如獅子筋琴撫之則群音頓
絕所以道大人具大見大智得大用攬長河爲酥酪
變大地作黃金普令一切有情無情不墮有爲不住
無爲富貴不能驕貧賤不能困各各安其分守其當
直得堯風蕩蕩帝道平平野老謳歌漁樵鼓舞且憑
箇什麼道理便乃如是天高羣象正海闊百川朝謝
詞不錄 復學波斯匿王問佛勝義諦中還有世俗
諦否若言其有智不應一若言其無智不應二二

之義其義云何佛言大王於過去龍光佛所曾問此義我今無說王亦無聞無說無聞是名一義二義師云拓開天關。蹈翻地軸。言言見諦。句句朝宗。還他過量。人能提過量事於過量境界中。作過量殊勝佛事。雖然未免一處誦訛。在今日忽有問徑山勝義諦中。還有世俗諦否。若言其有。智不應。一若言其無。智不應。二一二之義。其義云何。只對道。日月光天德。山河壯帝居。太平何以報萬國。盡歡呼。久立衆慈伏。惟珍重。靈隱佛照禪師白。槌云。諦觀法王法。法王法如是。府中歸上堂。一出一入。一動一靜。洒肆茶坊。紅塵鬧市。猪肉案頭。驀然築著。磕著如虎戴角。稟稟風生。及乎歸來相見。依舊眉毛烏。峯地且道。是佛法耶。世法耶。記得修山主云。具足凡夫法。凡夫不知具足聖人法。聖人不會卓拄杖云。一不知。二不會。東西南北轉霧霏。

建會上堂。千巖釀秀。萬木回春。羅漢會裏。貫通今古。一願龍王。福護瑞雪。快晴。二願施主。歸崇駢臻。輻輳。三願大衆同心。同德。扶掖叢林。滴水冰生。始終一致。

山僧曾有語云。一手不獨拍。衆手鳴。擱。擱。豁。開。三。要。三。玄。門。堪。與。人。天。爲。軌。則。昔。日。與。麼。道。今。日。與。麼。學。也。是。熟。處。難。忘。復。舉。死。心。和。尙。示。衆。云。一。人。所。在。也。須。到。半。人。所。在。也。須。到。無。人。所。在。也。須。親。到。師。云。死。心。和。尙。有。年。有。德。語。不。妄。發。如。大。治。精。金。千。煅。萬。煉。成。繞。指。之。金。然。後。裁。截。並。無。虛。弃。雖。然。畢。竟。意。歸。何。處。三。邊。一。箭。收。功。後。四。海。何。愁。不。太。平。

結制上堂。今朝十五日。叢林皆結制。徑山有條攀條。無條攀例。遍拶露柱。燈籠。盡要心空。及第現前。普請證明。不妨神通游戲。下座各叙時。喧便是靈山受記。遂拈拄杖云。唯有主丈子。列列挈挈。磽磽諸諸。搖頭擺尾。道不是。不是。復召大衆云。且道。拄杖子有什麼長處。遂擲下云。不是。不是。下座。

請前堂首座。鶴林印和尚。立僧上堂。佛法無人說。雖慧不能了。去却上頭關。面南看北斗。虛空掛劍殺活臨。時鞭起。臨濟瞎驢。放出五祖鐵酸。賺盡大地人。亡鋒結舌。扶豎佛祖。正宗還佗過量人。能持過量事。過量人已見過量事。已聞且不涉言詮。一句如何通信。

下座煩知事頭首大衆詣首座寮扣問

降 御香到上堂。天地合其德。日月合其明。四時合其序。風以時雨。以時國。秦時平。民康物阜。萬姓四民合其一心。熙熙焉。陶陶焉。一人有慶。兆民賴之。是故林下禪人居於四民之外。二六時中。據德山棒。擔睦州板。驢耕夫牛。奪飢人食。拈一莖草。作丈六金身。將丈六金身。作一莖草。卷舒自在。縱奪臨時。堪報不報之恩。共助無爲之化。復舉肅宗帝問忠國師如何。是十身調御。國師道。檀越。蹈毗盧頂上行。前日開堂。次僧問如何。是十身調御。山僧對他道。垂手過膝。諸人且道。山僧與麼答他。與國師是一是二。若道是一。語言參差。若道是二。佛法豈有兩般。畢竟如何。大海若知足。百川應倒流。

舉後堂演首座立僧上堂。舉一不得。舉二放過。一著落在第二徑山。卽不然。舉一了。舉二截斷。露布葛藤。突出衲僧巴鼻。如獅子王哮吼一聲。壁立萬仞。誰敢正眼觀看。一向恁麼去。三十年後。何止法堂前草深一丈。所以釋迦老子道。譬如琴瑟笙篴。雖有妙音。若

無妙指。終不能發。諸人要知妙音。妙指。齊發。麼。下座詣首座寮告香。

天中聖節。上堂。心同虛空。界示等虛空。法證得虛空。時無是非。法既無是。又無非。便乃以虛空爲正體。以恒沙國土爲妙用。以須彌不動之山爲壽山。以功德甚深之海爲福海。包羅萬有。津濟四生。實天中之天。聖中之聖。適當誕彌之月。仰傾葵藿之誠。一句全提。千祥併集。祝 聖君壽地久天長。

上堂。平白地上。拈起一絲毫頭。盡大地人。亡鋒結舌。遠過恒沙國。近在口皮邊。會則確菴生花。不會則鐵牛嚼草。去却兩頭。機如何。通信良久云。久雨不晴。脚下泥深三尺。

謝知事上堂。拈拄杖橫按云。你有拄杖子。我與你拄杖子。你無主丈子。我奪你主丈子。芭蕉老漢。只能瞻前不能顧後。將常住物。私置草薄。花破過頭。致令後代兒孫。向主丈子節目上。更生節目。凌辱宗風。徑山乾索索地。有也不與。無也不奪。爲甚如此。卓主丈云。一朝權在手。看取令行時。

出鄉上堂。六月炎炎如火熱。誰知冷處勝冰雪。紅塵鬧市等箇人。七佛軌儀都漏泄。報龍王須福護。大千捏聚爲檀度。一言劄住萬機通。自然光壯少林風。復舉世尊一日食時將至。勅阿難持鉢云。當依七佛儀式。阿難遂問如何。是七佛儀式。世尊召阿難。阿難應諾。世尊云。持鉢去。師云。大小世尊。被阿難輕輕靠著。未免喚鐘作甕。

上堂。舉僧問投子。月未圓時如何。子云。吞却三箇四箇。僧云。圓後如何。子云。吐却七箇八箇。師云。吞却與吐却。筭來無處著。要見滑稽人。便是王番綽。

上堂。無門無傍。四達皇皇。吾不知其名字。故強名之曰道。鬪坑籌子。踣跳入諸人。八萬四千毛竅裏。觸著五臟神。惡發連兜。兩掌直得血濺梵天。山僧聞得。袖手熙熙。如登春臺。如享太牢。是汝諸人。還覺腦門重麼。喝一喝下座。

施司諫計音至上堂。風行草偃。水到渠成。信脚與麼來。雲收霧捲。是虛皆春。信脚與麼去。空澄海湛。物我一如。所以道。去來不以象動。靜不以心如。是則塵塵。

刹刹普現威權。蓋色騎聲。纖塵不立。羅籠不肯住。呼喚不回頭。古聖不安排。至今無轍跡。且道。司諫施公。卽今在什麼處。良久云。黃梁纔夢斷。竺國一花敷。復說偈云。昔年相見談真諦。今日陞堂話去來。一念廓然無向背。春光鐵樹自花開。

上堂。僧問。世尊道見見之時。見非是見。見猶離見。見不能及時如何。師云。一槌擊碎。建云。只如山河大地。日月星辰。縱然前陳。離見見底。是箇什麼。師云。分身兩處看。進云。直得描不成。畫不就。師云。也是齋後鐘。師乃舉鏡清問玄沙。學人乍入叢林。乞師指箇入路。沙云。還聞偃溪水聲麼。清云。聞沙云。從遮裏入。鏡清於此得箇入處。五祖和尚云。果是得入。一任四方八面。若也未然。輒不得離却遮裏。大慧叔祖云。若要眞箇得入。直須離却遮裏。師云。三大老總是岐路。相漆桶相指。有甚快活處。徑山則不然。入之一字。亦不喜聞。

謝知事頭首上堂云。叙謝之餘。復有何事。其進也。風行草偃。水到渠成。其退也。玉蘊荆山。其價愈重。且道。

不落進退一句作麼生道。油煎石礮。盤風吹毛毬走。虛空背上白毛生。拈得鼻孔失却口。喝一喝下座。上堂。諸佛說不到處。人人開口道著。諸佛行不到處。人人舉足踏著。既道著。又踏著。因什麼。從朝至暮。不自覺知。良久云。只爲分明極。翻令所得遲。上元上堂。十五日已前。明頭來。明頭打。十五日已後。暗頭來。暗頭打。正當十五日。一燈然。百千燈。燈燈相續。廓徹聖凡。觀世音菩薩。將錢買胡餅。放下因什麼。却是箇鐵酸。噉若作佛法商量。故是匙挑不上。不作佛法商量。平地陷人。無數總不與麼。也是食飽傷心下座。

街坊納疏上堂。僧問。寶山既到。莫空歸。如何是徑山。寶師云。有眼者見進。云。圓陀陀光燦燦。遮透那邊無不著。師云。海神知貴。不知價。留與人間。光照夜進。云。和尚還知麼。師云。老僧若知。卽說似上座。師乃云。去年第一會。水陸街坊。今年羅漢第一會。裏納疏。識得去年人。便是今年事。今年與去年。非新亦非故。搨鼓共證明。眉毛俱卓。豎北鬱打三更。西瞿日未暮。其

佛
佛
佛
佛

施汝者。不名福田。供養汝者。墮三惡道。還會麼。行到水窮處。坐看雲起時。復舉僧問趙州。如何是不錯底路。州云。明心見性。是不錯底路。師云。趙州眼觀東南。意在西北。大似狐狸戀窟。有甚快活處。忽有問徑山。如何是不錯底路。只向佗道家門裏透。長安上堂。舉僧問風穴。語默涉離微。如何通不犯穴。云。長憶江南三月裏。鷓鴣啼處百花香。風穴老和尚將白麪和麩。穀糴了。引得後來人。徒向百花香處作道理。成群作隊。外邊打之。遶徑山。則不然。忽有問語。默涉離微。如何通不犯。卽對佗道。置將一問來。上堂。修造未逾兩箇月。叢林便覺日荒涼。今朝重整舊洪範。鐵佛須教盡放光。記得古人有一日。不作一日不食之語。時時提起咬嚼過。如醍醐灌頂。諸人若信得及。薰地咬透。便見禪道佛法。當甚破甑。下座。四月八上堂。今朝乃是黃面老子。脇誕令辰。諸方濃煎香湯。謂之浴佛。徑山有條攀條。大家湏湏佛。佛或時出。或時沒。從來不守舊窠窟。既不守舊窠窟。且作麼生。浴下座。佛殿裏燒香。

端午上堂。五月五日端午節。陰雲驟變。甘雨未決。君王降賜寶香。林下祈求懇切。孚祐龍善。時節好將一雨潤焦枯。巾地清涼消惱熱。記得僧問乾峰。十方薄伽梵。一路涅槃門。未審路頭在什麼處。峰以拄杖子劃一劃云。在遮裏。僧後請益雲。門門拈手中扇云。扇子踴跳上三十三天。築著帝釋鼻。孔東海鯉魚打一棒。雨似盆傾。大眾乾峯搖頭雲。門擺尾。亘古亘今。掛人唇齒。徑山有條攀條。拈拄杖擲下云。會看雲雷。殷地起。

上堂。僧問。放行特地隔千山。把住無端亦自瞞。千手大悲難摸。捺鐵牛撞破趙州關。如何是趙州關。師云。天上天下人。透不過。進云。有佛處不得住。時如何。師云。頭上漫漫進云。無佛處急走過。又作麼生。師云。三千里外逢人。不得錯舉。進云。恁麼則不去也。師云。割進云。摘揚花摘揚花。又作麼生。師云。丁一卓二進云。金毛獅子尾。吒沙師乃笑。僧禮拜。師乃云。有佛處不得住。陝府鐵牛雙角露。無佛處急走過。南海波斯鼻孔大。三千里外摘揚花。種豆由來生稻麻。拈拄杖。

云趙州來也。遂卓一卓下座。

上堂。舉僧問投子。依稀似半月。彷彿若三星。乾坤收不得。師於何處明。投子云。道什麼。僧云。想師只有湛水之波。且無滔天之浪。投子云。閑言語。雪竇拈云。投子古佛。不道不知點檢。將來直是天地懸隔。纔問和聲。便打。師云。田地穩密。佛眼不能窺。坐籌帷幄。決勝千里。還佗投子老人遮僧也。解扣關。擊節上門。上戶只是插手脚不得。雪竇道和聲便打。也是賊過後張弓。

臨安府景德靈隱禪寺語錄

參學小師 崇岳 了悟 等編

淳熙七年六月二十四日。師在徑山受請望闕謝恩。畢。捧勅黃示衆云。九重天上降來。善法堂前拈出。明如杲日。寬若太虛。光揚佛祖家風。流通正法眼藏。恁麼見得。堪報不報之恩。其或未然。維那分明道破。

拈疏云。黃面老子二千年前靈山會上付囑。國王大臣一則語流布天上人間。綿綿不墜。有眼者見有。

耳者聞聞見既通塞却耳根更須諦聽

陞座拈香祝 聖罷歛衣就座僧問 丹書來鳳闕

瑞氣滿禪坊少室無私句當機願發揚師云杲日當

空進云萬邦歌舜化千載祝堯年師云傾盡此時心

進云安撫疏中道徑山天目之奇峯久尸法席靈隱

錢塘之勝槩願得主盟且道住靈隱好住徑山好師

云一點水墨兩處成龍進云兵隨印轉將逐符行師

云直須截斷脚跟始得進云恁麼則草鞋高掛龍床

角坐振飛來第一峰師云聲前句後一時收 師乃

云一處通千處百處一時通一處透千處百處一時

透如開武庫錯落交輝又如大火聚觀者燎却面門

如是則居方則方遇圓則圓拈一莖草作丈六金身

拈丈六金身作一莖草坐斷情塵意想不落見聞覺

知敲唱俱行十虛通暢且移身換步一句作麼生道

熏風生閭外白日遶須彌

入寺上堂僧問喝石巖畔中興後五百歲叢林靈鷲

峰前重新二千年前公案拈花微笑即不問正令全

提事若何師云普天匝地進云斬新日月特地乾坤

師云又得上座重證明進云憑師一滴曹溪水散作

皇都內苑春師云你脚跟下事作麼生進云適來親

從僧堂裏來師云畢竟是箇什麼進云劄師云杜撰

禪和 師乃云孤峰頂上目視雲霄未爲究竟十字

街頭和泥合水轉見周遮二途不涉別有生機一路

如龍得水似虎靠山把斷要津不通凡聖猶落時人

升降處而今坐立儼然見聞不昧箇箇負冲天氣槩

人人懷赤水之珠到箇裏如何通信如何受用所以

道是法住法位世間相常住如是則山河大地不礙

眼光四聖六凡互爲主伴坐見聲和響順萬法無差

舉一明三目機銖兩橫該豎括縱奪臨時且到家一

句作麼生道蒲團時倚無餘事永日寥寥賀太平

淳熙七年八月二十九日恭奉

聖旨就本寺開堂 皇帝遣中使降賜 御香師領

衆謝 恩畢捧香示衆云 中天頒降大地蒙熏衆

爲光明幢散作香水海輝騰佛日不贊 皇圖天上

人間開佛知見

判府安撫尙書度疏師接呈起云釋迦老子四十九

年橫說正說不到處。總在箇裏流出。包羅萬有。囊括十虛。如是信得。皇恩佛恩。一時報畢。設或未然。何妨道破。

指法座云。此座高廣。從古若佛若祖。盡向頂額上。揚塵簸土。埋沒已靈。今日當頭坐。斷直教八面風清。

拈香云。此一瓣香恭爲。今上皇帝祝延。聖壽萬

歲。萬萬歲。此一瓣香恭爲。光堯壽聖憲天體道性

仁誠德經武緯文太上皇帝祝延。聖壽萬歲。萬萬

歲。此一瓣香恭爲。壽聖齊明廣慈太上皇后。中

宮皇后。皇妃。皇太子。皇孫。兩宮天眷。莊嚴

福壽。此一瓣香奉爲。大丞相暨。合朝文武百官

同增祿算。此一瓣香。四年于茲。兩回拈出。奉爲前住

天童山第十八代先應庵大和尚。用酬法乳之恩。歛

衣就座。徑山印和尚。白槌云。法筵龍象。衆當觀第一

義師云。第一義諦。空洞無象。表裏一如。佛及衆生。盡

爲增語。且作麼生觀。若有心觀。屬妄想。無心觀。屬斷

見。不有不無心觀。顯預佛性。莫有具透。闕眼衲僧出

來。大家擎展僧問。九重天上降香來。徧界祥光撥

一作靈

不開佛祖機。先提正令。蟬螟眼裏舞三臺。正與麼時。知恩報恩。一句作麼生。道師云。天高群象正。海闊百川朝。進云。直得龍吟霧起。虎嘯風生。師云。錦上鋪花。又一重僧問。釋迦掩室。淨名杜詞。以至諸方橫拈倒用。總是揀鈎搭索。畢竟直截一句作麼生。道師云。迅雷不及掩耳。進云。德山見人入門。便棒臨濟見人入門。便喝。如何。師云。鈎頭有餌。秤尾無星。進云。德山道我宗無語句。亦無一法與人。如何。師云。殺人刀。活人劍。進云。臨濟道。赤肉團上。壁立千仞。又作麼生。師云。富嫌千口少。貧恨一身多。進云。長袖善舞。多財善賈。師云。且喜沒交涉。進云。二大老。怎麼。告報輝映古今。未審靈隱作麼生。師云。別是一壺春色。進云。金鏃慣調。曾百戰鐵鞭。多力恨無。離師云。只得瞻之仰之。僧問。法幢高建。御樓前令正。全提法鼓。纔過金殿上。歡聲鼎沸。直得天垂雨。花帳香散。玉樓風爲。國開堂。願聞法要。師云。祥雲捧日。進云。怎麼。則天人群生。類皆承此恩力。師云。粉骨碎身。未足酬進云。只如衲僧分上事。又作麼生。師云。鐵額銅頭。不奈何。進云。祖

師道心隨萬境轉轉處實能幽如何是轉處實能幽
師云十字縱橫活鑠鑠進云隨流認得性無喜亦無
憂又作麼生師云八臂那吒輓綉毬進云雲門云咭
嚙舌頭老僧倒退三千里意旨如何師云蠱毒之家
水莫嘗進云便與麼坐樂升平去也師云一人有慶
兆民賴之師乃云靈源不味萬古微猷入此門來
莫存知解知解既不生如王寶劍殺活臨時舉一明
三目機銖兩塵塵剎剎普現威權物物頭頭全彰正
眼便見一塵含法界一句截千差於一毫端現寶王
剎坐微塵裏轉大法輪高而無上仰不可及淵而無
下深不可測自然風行草偃水到渠成不是神通妙
用亦非法爾如然何故乃是當人從無量劫來現成
受用境界契券分明直饒千佛出現各各放大寶光
也侵占一星兒不得所以道一切法不生一切法不
滅若能如是解佛法常現前以此壽聖人則天長
地久以此祝賢佐則伊尹周公以此保國安民以此
康福天下殊勝中殊勝奇特事奇特畢竟結角紋羅
在什麼處天上有星皆拱北人間無水不朝東

謝詞
不錄

復舉僧問百丈大智禪師如何是奇特事百丈云
獨坐大雄峯僧禮拜百丈便打師云百丈善能據虎
頭亦解收虎尾雖然頭尾兩全至竟未徹源底今日
忽有問靈隱如何是奇特事只對佗道爲國開堂
僧若禮拜但云知恩方解報恩且道與百丈是同是
別若揀得出平步青霄其或未然更聽一頌虎驟龍
驤與麼來蕭然平地起風雷棒頭正眼明如日凜凜
清風廓九垓久立衆慈伏惟珍重徑山印和尚白槌
云諸觀法王法法王法如是

解夏上堂四月十五日結七月十五日解六隻骰子
滿盆紅大都只是看頭米喝一喝

徑山別峯和尚至上堂舉仰山道東寺師叔若在慧
寂不致寂寥師云仰山和尚好語只是語上偏枯靈
隱即不然徑山師叔若在靈隱不致寂寥何故問蜀
同風

上堂舉老宿云祖師九年面壁爲訪知音若與麼會
將來喫鐵棒有日在又有一老宿云祖師九年面壁
何不慚惶若與麼會更買草鞋行脚三十年琅琊和

尙拈云。旣不然。且道祖師面壁。意作麼生。欲得不招無間業。莫謗如來正法輪。師云。二老宿。敲磚打瓦。琅瑯和尚。畫虎成狸。諸人要見祖師面壁底意旨麼。窮坑難滿。

上堂五日。一參諸方常例。不說少室單傳。不說靈山受記。會則目前。包裏不會。則三頭六臂。忽有箇不受人瞞底出來。道遮裏是什麼所在。說會與不會。只對佗道。作賊人心虛。

會慶聖節。上堂。虛空可量。風可繫。無能盡說。佛功德。佛功德。海旣難量。吾君聖壽亦如是。

出鄉歸上堂。持鉢去。持鉢歸。草鞋根斷。通消息。玲瓏八面。盡光輝。遊魔宮。入虎穴。當機撞著惡聲頭。直教心地頓休歇。且據箇什麼道理。便乃如是。老不以筋力爲能。復學黃龍南禪師示衆云。有五種不易。一化者不易。二施者不易。三變生爲熟者不易。四端坐喫者不易。更有一種不易。是什麼人。良久云。嚮便下座時。真點臂作首座。藏主問云。適來和尚道五種不易。是什麼人。首座云。腦後見腮。莫與往來。師云。一手

不獨拍兩手。鳴擗擗。豁開三要。三玄捏碎。佛祖標格。村歌社舞。得人憎。勝似當年白拈賊。

上堂。今朝三月十五日。天色半晴。半雨。十分春色在枝頭。滿眼覷見。沒可觀。報諸人。莫莽爾甜瓜。徹蒂甜苦瓠。連根苦。

上堂。僧問南泉和尚云。自小牧一頭水牯牛。擬向溪東放。不免食他國王水草。擬向溪西放。不免食他國王水草。意旨如何。師云。四稜場地。進云。南泉又道。不如隨分納些些。總不見得如何。是納些些。師云。橫該豎抹。師乃舉南泉示衆云。王老師自小牧一頭水牯牛。擬向溪東放。不免食他國王水草。擬向溪西放。不免食他國王水草。不如隨分納些些。總不見得長慶云。南泉是前頭爲人。後頭爲人。雲門云。且道是牛。外納牛內納。直饒說得納處分明。我更問你覓牛在雪竇云。一時穿却。師云。南泉起模。畫樣長慶披砂。據金雲門鼻孔。先穿雪竇。據款結案。薰拈拄杖云。更有一箇在什麼處。擲拄杖下座。

上堂。有一句子到汝。諸人截却舌頭。無一句子到汝。

諸人一任橫三豎四。三途不涉。佛眼難窺。狹路相逢。握鞭回首。卽不問諸人。只如趙州到茱萸。輕輕靠却拄杖。便出去。意作麼生。喝一喝云。禹力不到處。河聲流向西。

結夏上堂云。四十五立。規立矩十六十七。無固無必。以大圓覺爲我伽藍。身心安居平等性智。黃面老子二千年前。留一則公案。直至于今。毫髮不差。靈隱移向十四日。施展諸人。還見麼。還聞麼。驀拈拄杖卓一卓云。只此見聞。非見聞。無餘聲色。可呈君箇中。若了元無事。體用何妨。分不分。喝一喝下座。

上堂舉僧問巖頭。浩浩塵中如何辨主。頭云。銅砂羅裏滿盛油。師云。巖頭拔貧做富。未是作家。今日忽有問靈隱。浩浩塵中如何辨主。只對佗道。日輪正當午。喝一喝。

上堂平白地拈起一絲毫頭。盡大地人亡鋒結舌。百尺竿頭。進得一步妙喜世界。百雜碎。達磨大師九年面壁。知佗是直耶。是僞耶。靈隱咬定牙關。力盡神疲也。檢點佗不出。何故。彼彼丈夫。三十年前五十年後。

爭趨相應。忽然悟去。未免撞入漆桶隊裏。到箇裏如何。鐵卵生兒。復舉僧問法眼。如何是曹源一滴水。法眼對道。是曹源一滴水。師云。法眼和尚。向百戰場中舞纛旗。未免傍觀者。哂忽有問靈隱。如何是曹源一滴水。只對佗道。和尿合尿。

葛中書請上堂。獅子教兒迷子。訣擬前跳擲。早翻身。羅紋結角交鋒處。鷓鴣眼臨時失却蹤。恁麼觀來。是什麼宗旨。是什麼標格。是什麼去處。還有開口分也無。所以靈山會上。百萬衆前。黃面老子拈起一枝花。獨迦葉尊者破顏微笑。世尊便云。吾有正法眼藏。涅槃妙心。分付摩訶大迦葉。落第二頭。臨濟問黃檗。佛法的大意。三遭六十痛棒。落第三首。總不與麼。牙如劍樹口似血盆。大棒打不回頭。千人萬人羅籠不住。正是十字街頭。痴漢見解大丈夫。漢眼裏有筋皮下。有血二六時中。只守閑閑地。飢則喫飯。困則打眠。寒則向火。熱則乘涼。上無諸佛可仰。下無衆生可度。人與非人性相平等。撞著明眼道流。輕輕拶著。便見水裏火發。正與麼時。憑箇什麼道理。故能如是。良久云。

自從踏斷曹溪路。直向毗盧頂上行。復舉錢塘昔有官人。因僧相見。次僧問甚處來。僧云馬大師處來。官云近日說何法。僧云卽心卽佛。被官人揖出。次日復有一僧相見。官問甚處來。僧云馬大師處來。官云近日說何法。僧云非心非佛。又被官人揖出。師云手擎仲尼日月。腰佩佛祖靈符。須還遮官人靈隱。今日不免更爲重說。偈言卽心卽佛也。揖出非心非佛也。揖出地轉天回。豈等閑卽知此物非佗物。以此顯追崇決定當超越。次回陰陽保家堂。自然福壽永無雙。

下座薦信齊居士

上堂窮諸玄。辨竭世樞機。糞掃堆頭重添搥。捶明投暗。合水到渠。成作賊人心。虎抱賊。屈德山棒如雨。點臨濟喝似雷奔。正是平地上干戈。太平時細作衲僧家。有一條活路。千聖不曾踏著。土曠人稀。薦拈拄杖云。拄杖子。列列挈挈。善別端倪。遂擲下云。好日多同。

上堂達磨不來東土。二祖不往西天。石室行者踏碓忘却。移步玄沙。討魚賣蛸。踏翻釣船。且道遮一隊漢。

還有衲僧巴鼻也。無良久云。當門不用栽荆棘。後代兒孫惹著衣。

解夏上堂。一箇葫蘆纔倒地。滿地葫蘆盡傾倒。欲識單傳直指禪。今日闍湊得恰好。

上堂舉僧問巖頭路逢猛虎時如何。頭云。拶師云。巖頭眼觀東南意。在西北好一拶性命。落在別人手裏。淳熙十年八月初三日。乞退靈隱得。旨上堂四年居此日。波波累及禪和不奈何。今感聖恩林下去。一輪秋月照天河。

明州太白名山天童景德禪寺語錄

參學小師 崇岳 了悟 等編

淳熙十一年正月。在平江元知府菴受請。上堂舉先應庵受天童請。日偈畢。乃云。山僧亦有一偈。舉似大眾。去年八月間得。旨與安閑。搗動水雲性。縱步到陽山元宅。諸子第忻然力追攀。菴居三箇月。開懷宇宙寬。忽接四明信。來書意盤桓。天童虛法席。使君講猶端。迢迢遣專使。不問路行難。山僧臨曉景。不敢自相瞞。搥鼓樂與行。四衆亦欣歡。先師未了底。應是起。

波瀾敢問大衆如何是先師未了底一回飲水一回
登臨濟德山俱汗顏

上堂祖師心印不涉言詮問訊燒香早成多事行棒
行喝開眼尿床舉古舉今泥中洗土別有向上一路
千聖不傳總是熟睡饒謔語衲僧家心憤憤口拂拂
到者裏如何卽是以拂子擊禪床云衲帔蒙頭萬事
休此時山僧都不會

上堂舉玄沙問鏡清不見一法是大過患汝道不見
是什麼法清指露柱云莫是不見遮箇法麼沙云澗
中清水白米從汝喫佛法未夢見在師云二尊宿焉
割相逢大似小兒則劇相似佛法身心何在先應菴
拈云鏡清放頭佛也不奈伊何若不是玄沙識破幾
被露柱吞却師喝云若教頻下淚東海也須乾
結夏上堂二千年前舊公案今日拈來重剖判任是
鐵眼與銅睛也須更入紅爐煅衆中忽有箇不受人
瞞底出來道盡大地是箇紅爐也煅某甲不破只向
佗道我也知你向鬼窟裏作活計

約齋張直閣書至上堂佛佛授手祖祖相傳不昧見

聞覺知突出衲僧巴鼻風行草偃水到渠成如太阿
在手凜凜神威誰敢正眼覷著所以諸佛以此出世
祖師以此西來乾坤以此覆載日月星辰以此照臨
天堂地獄以此而分善惡四聖六凡以此頭出頭沒
衲僧家以此提向上鉗鎚碎聖凡窠臼窠臼若盡直
得上無攀仰下絕已躬常光現前壁立萬仞正與麼
時如何與約齋相見良久云鋒鋦影裏分緇素鼻孔
依前搭上海 復說偈曰居於富貴中不爲富貴誤
赤手挨開解脫門四方八面俱獨步佛祖不知由憑
誰立本據咄咄咄力因希聞見覺知齊合掌鐵牛生
得鳳凰兒

上堂舉僧問趙州澄澄絕點時如何州云猶是人家
客作漢師云遮僧置箇問端不妨峻峻爭奈趙州有
起膏肓底手段雖然如是總落在天童手裏畢竟如
何喝一喝下座

上堂十五日已前開池不待月十五日已後池成月
自來正當十五日吹無孔笛唱太平歌佛及衆生同
聲唱和且超群拔萃一句作麼生道四海浪平龍睡

穩九天雲靜鶴飛高

聖節上堂。日日是好日。時時是好時。惟有十月二十
二吉星垂照最希奇。

上堂說到行不到好肉剝瘡。行到說不到扶籬摸壁。
行說俱到。石笋抽條。行說俱不到。擔雪填井。離四句
絕百非。卽不問諸人。且道文殊問不二法門。維摩因
什麼默然。喝一喝云。貪佗一粒粟。失却半年糧。

上堂舉僧問雲門。不起一念。還有過也。無雲門對佗
道。須彌山師云。大小雲門。話頭也不識。

上堂朝說暮說。展演河沙句義。不是衲僧分上事。行
棒行喝。敲床豎拂。揚眉瞬目。不是衲僧分上事。透出
兩重關。逗到不疑之地。正好朝打三千暮打八百。且
道過在什麼處。欲得不招無間業。莫謗如來正法輪。

密菴和尚語錄卷上

密菴和尚語錄卷下

密菴和尚小參

參學小師 崇岳 了悟 等編

解夏小參。釋迦不說說。迦葉不聞聞。天河風浪靜。星
斗位區分。與麼與麼。有解有結。不與麼。不與麼。無解
無結。與麼不與麼。結中有解。不與麼。却與麼。解中有
結。忽若總不與麼。前不至村。後不至店。千人萬人攢
簇。不入如大日輪。升于虛空。有眼者見其清淨光明。
無壞無雜。雖居衆色。不與一切和合。靈覺妙明。揀非
煅煉。當與麼時。還著得解結兩字麼。還著得佛法兩
字麼。還著得世法兩字麼。還著得是非長短數字麼。
酌然是著不得。何故。豈不見道。般若如大火聚。近之
則燎。却面門又如塗毒鼓。過之則聞者皆喪。縱饒三
世諸佛六代祖師。競出頭來。顯大威權。出廣長舌。橫
說豎說。盡在光明影裏。發現於衲僧分上。全無交涉。
且道。衲僧有什麼長處。困來曲臂支頤睡。不怕人來
偷枕頭。復舉雲門問洞山。近離甚處。山云。查渡門。

云夏在什麼處。山云湖南報慈門。云幾時離彼。山云八月二十五門。云放汝三頓棒。山至來日却上問訊。昨日蒙放三頓棒。不知過在什麼處。門云飯袋子。江西湖南便與麼商量。洞山豁然大悟。師云雲門大師放去太奢。收來太儉。末後慙慙何不與佗本分草料。致令和泥合水。洞山與麼悟去。也是杓卜聽虛聲。冬至小參。却物爲上。逐物爲下。若論戰也。箇箇力在。轉處古人拈一機示一境。無不精徹。淵奧廓徹。聖凡恰似壯士架千鈞。弩百發百中。爲佗末上著脚手處。牢固外物搖撼不動。終有成立之節。衲僧家出一叢林。入一保社。多歷年所。已躬大事。不能發現。蓋爲末上著脚手處。遲緩坐在脚頭。脚尾聽不出聲。見不超色。如蚕作蠶。自縈自縛。十二時中。無片時快樂。至竟終成廢人。而今若要直截與生死作頭底。無非向一念欲起未起時。提起一刀兩斷。自然內空。外空。有爲空。無爲空。四方八面。空索索地。覓其空處了。不可得到箇裏。回頭一覷。驀地冷灰裏豆爍。如關將軍入大陣。拚其性命。不見有百萬兵衆。當恁麼時。如何共語。

如何湊泊。還肯說向人麼。秉殺人刀。活人劍。與一切處爲祥。爲瑞。爲冤。爲害。便見頂門上。時時一陽來復。脚跟下。日日萬彙發生。撥草瞻風。便具繇索。眼目秤斤定兩毫髮。不差一切處。恰恰地。天自高地。自厚飢。冷渴飲。一切尋常。到遮境界。便是一員無事道人。方敢稱爲行脚高士。其或未然。莫將閑學。解埋沒祖師心。復舉祖師道心。隨萬境。轉轉處。實能幽隨。流認得性。無喜亦無憂。師云大小祖師。抓頭不知痒處。聚禪人薦考。請小參佛法。至妙妙在明心心。若洞明前後際。斷三祇劫空。覓其空處了。不可得。如紅爐上。一點雪。相似到箇裏。生也生。佗不得死也。死佗不得。既生死佗不得。卽無生死。可出亦無菩提。可求人與非。人性相平等。全體是箇大解脫門。二六時中。受用轉轉。轉地出生。入死。不犯毫銖。或去或留。全超曠劫。所以道一念普觀。無量劫。無去無來。亦無住。如是了知三世事。超諸方便。成十力。又道生滅去來。本如來藏。當處出生。隨處滅盡。祖師又道。起諸善業。亦是幻造。諸惡業。亦是幻身。如聚沫。心如風。幻出無根。無實。

性從上諸聖盡向生死海中頭出頭沒互相激揚。只要當人直截承當。自見諸人不肯回光返照。流浪生死。且如山河大地是幻。日月星辰是幻。明暗色空是幻。四聖六凡是幻。山僧說底口中水。漉漉地是幻。諸人耳裏聽底寂寂惺惺是幻。作麼生說箇幻出底道理。向漁裏挨得一機。通拶得一機。透在諸佛分上。不增一絲毫。在諸人分上。不減一絲毫。便識得致政承務。出生入死。得大自在。落處非唯識得承務落處。又且識得璨禪人起一念心。爲嚴父追修落處。功不浪施。有時恁麼也得。有時不恁麼也得。有時恁麼不恁麼。總得苟或情存限量。墮在聲前句後。今夜不免和泥合水。更爲諸人重說。偈言山河大地不是幻。日月星辰不是幻。明暗色空不是幻。四聖六凡不是幻。山僧說底不是幻。諸人聽底不是幻。恁麼會得。便知幻出底道理。分分曉曉地。然雖如是。且致政承務。卽今在什麼處安身立命。良久云。日出心光耀。明明不覆藏。復舉祖師道。父母非我親。師云。眼裏耳裏絕纖塵。諸佛非我道。師云。鐵眼銅睛。覷不破。汝言與心親。

師云。蚊子排頭咬鐵釘。汝行與道合。師云。上下四維俱匄。卽只將此語報深恩。朵朵紅蓮火裏發。

小參。盡大地撮來如粟米粒。大拋向面前。有眼者見。有耳者聞。要且不是心。不是佛。不是物。不是禪。道佛法亦非少。室單傳靈利漢。聞與麼告報。如慣戰良馬。聞鑼鼓聲。渾身痒。簇簇地。千人萬人羅籠不住。有口說不到。有耳聽不聞。有眼覷不透。三世諸佛仰望不及。六代祖師提掇不起。天下老和尚摸搦不著。一大藏教詮注不及。黃面老子得此柄。霸入手。便道未離兜率。已降王宮。未出母胎。度人已畢。達磨大師得箇消息。便道單傳心印。不立文字。直指人心。見性成佛。爾後一人傳虛。萬人傳實。互相激揚。如天普蓋。似地普擎。寂寥非內。寬廓非外。及至德山臨濟出來。各逞威權。行棒行喝。傍若無人。雪峰。三毬俱抵。豎一指。汾州莫妄想。玄沙因我得禮。你以至從上老凍驢。全提半提。直是天下無敵。正眼觀來。於自己本分事。大似隔靴抓癢。有什麼快活處。遮些出格巴鼻。除非當人自肯知。非退步就已脚跟下。推勘到詞窮理盡。無

告訴處本地風光。願爾現前四大五蘊。一時脫落。空索索地。如人拾得至寶。終不說向人。我實重幾兩。直幾錢。明眼漢沒窠臼。擬不擬便斬爲三段。復云。記得先應庵在蔣山時。因大慧禪師至。陞座舉佛眼和尚。做無爲軍化主。路中著跌有箇省處。歸來舉似五祖。後在客司。因夜坐撥火。忽然猛省。雖然如是。每至入室。未能深入。閻奧從容。請益五祖。祖云。我爲你說箇喻子。正如一人牽一頭牛。從窻櫺中過。兩角四蹄俱過了。唯有尾巴過不得。某自虎丘先師處聞此語。在肚皮裏。信知在天下。無人理會得。所以密之三寸。今日不因師叔老師到來。小姪此生無因拈出。敢問大眾。既是大底過了。如何尾巴過不得。且道諸訛在什麼處。小姪今日對衆拈出。供養師叔大和尚。願與趙州同年爲佛法作大主張。使天下衲僧洞徹此一段奇特大事。師乃云。老師舉了。也是渾崙吞箇棗。至今未有人動著。今夜從頭說破。也要共知五祖和尚錯舉。先師亦乃錯傳。山僧不免將錯就錯。驀拈拄杖卓一下。云。錯錯空裏磨盤生八角。喝一喝。擲拄杖。

●子下一有云字

下座

解夏小參。豎起拂子。還見麼。敲禪床云。還聞麼。只此見聞。非見聞。無餘聲色。可呈君箇中。若了全無事體。用何妨分。不分古人八字打開了。也恁麼見得。便見傑上座。今夏九十日內。入大光明藏中。呼喚森羅萬象。明暗色空。情與無情。上至非非。想天下至空輪水際。一切蠢動含靈。盡向拂子頭上安居。同時禁足。不說佛不說祖。不說玄不說妙。不守蠟人。冰不冷。獨護雪。只是應時應節。不失其宜。大盡三十日。小盡二十九。飢飢渴渴。飲任運。騰騰佛界。不收魔界。不攝直得皇風蕩蕩。帝道平平。野老謳歌。漁人罷唱。而今一夏周畢。驅遣各歸所止。隨家豐儉。長者長法。身短者短法。身逍遙自在。任性方圓。而無拘執。衆中忽有箇衲僧。出來道。長老長老。我自行脚走徧天下。每見善知識。小參普說。盡是攢花簇錦。結角羅紋。說得盛水不漏。或大機大用。驅耕夫牛。奪飢人食。呵叱列祖。擠排先聖。如風雷電掣。看者不容眨眼。今夜如此提持。全無巴鼻。全無滋味。如蚊子上鐵牛。相似。直是無下。背處。

也令人疑著到遮裏如何對佗。即是棒將去得麼。喝將去得麼。莫是跳下禪床。歸方丈得麼。不然。別將兩轉新鮮語。答將去得麼。如斯理論盡是。諸方用過底藥方。非但起人膏肓之疾。不得益。令增佗重病。既總不與麼如何。即是而今向佛祖說不到處。天下老和尚。颺下不用底對佗。非唯對佗。且要聞者見者。蕩盡。曾中禪道佛法。知見人人。如獅子王。吒沙地。哮吼一聲。壁立萬仞。若佗道使人疑著。只對佗道。大疑之下。必有大悟。復舉僧問雲門大師。初秋夏末。前程忽有人問。未審對佗道什麼。門云。大衆退後。僧云。過在什麼處。門云。還我九十日飯錢來。師云。平如鏡。面嶮若刀山。遮僧有破牢關底機謀。雲門善用不戰屈人。兵底手段。雖然如是。鼻孔在靈隱手裏。歲夜小參。年窮歲盡時。或笑或顰眉。飽者終日飽。飢者終日飢。唯有衲僧家。不耕而食。不蚕而衣。孜孜矻矻。如愚如痴。忽聽忠言。逆耳便見。心動神疲。禪和子。禪和子。不須疑。或去或住。總是父母未生時。山僧恁麼告報。未免鳳林吒之。復舉頌云。一年三百六十

日。今宵正是結交頭。移身換步無多子。六合清風來未休。

普說

師初住烏巨。普說某自携被入方丈。經五十日。未曾舉著方丈職。無佗。蓋此間有數人勤舊。皆是見前輩大尊宿。經大爐鞴中鍛鍊過來。故乃縮手。此者有數人新發心。菩薩到來。不免爲佗東說西說。凡遇掛牌。諸勤舊不勞訪及。新發心兄弟有長處。大家相布施。不妨如不來亦無。固必若論諸人分上事。未入父母胞胎。已前淨裸裸地。及乎撞入父母胞胎裏。也淨裸裸地。一旦跳出頭來。也淨裸裸地。千聖著眼。不到萬靈瞻仰。無門日往月來。不覺不知。一念心纔動。墮落染淨二緣。便見有天堂地獄。九有四生。有禪道可參。有佛祖可敬。有異類可賤。如此是是非非。紛然于懷。白日間被它使得七顛八倒。昧却本地風光。本來面目。便被三世諸佛瞞了。六代祖師瞞了。森羅萬象瞞了。蠢動含靈瞞了。若是箇大丈夫。漢冷地回頭一覷。舊地如懸崖石裂。一番說什麼。三世諸佛六代祖師。

便見三世諸佛說夢。六代祖師說夢。天下老和尚說夢。方見趙州和尚道。老僧使得十二時。汝等諸人被十二時使看。佗得底人吐一言半句。終是過別水潦和尚。破馬祖。攔臂一踏起來。便道。百千法門。無量妙義。總向一毫頭上。識得根源去。雖然如是。正好喫鐵棒。在德山和尚在蜀中講經論。聲壓四川。聞南方有不立文字。單傳心印。見性成佛之語。憤憤不肯載一車疏鈔。要來勘一隊魔子。始抵豐州。龍潭見信和尚。便問。久嚮龍潭。及乎到來。潭又不見龍。又不現信。和尚也不著忙。也不行棒。也不行喝。只徐徐地向佗道。子親到龍潭。此語最毒。佗雖是箇座主。不敢胡撐亂拄。便乃休去。若是硬主。張底只怕口空。便輟將去。有什麼救處。遂從此執侍。夜立更深。潭云。侍者何不去德山挨簾出。乃云。外面黑。龍潭遂點紙燭。度與纒擬接。潭便吹滅。德山便禮拜。潭云。子見箇什麼道理。便禮拜。德山云。從今已後。更不疑天下老和尚舌頭去也。龍潭和尚老婆心太甚。若見禮拜。便好拽拄杖。趕出三門外。佛法至今未至。掃土既已放過。德山次

日便乃撒尿。撒尿將一車疏鈔堆在法堂前。拈火炬云。窮諸玄辯。若一毫置於太虛。竭世樞機。似一滴投於巨壑。便燒却。後來做盡鬼怪。不可盡說。若是著實參禪兄弟。且從那裏參起。只向疑不破處。橫咬豎咬。如咬生鐵。槩相似千萬莫教沾著牙齒。纔沾著牙齒。便了不得。驚地失口。咬破便見百味具足。自己分上。如十日並照。不妨快活。某平生參見數人。善知識末後方見應庵。每見兄弟云。在尊宿身邊。得箇悟處。得佗說話方法。嗣佗某見應菴先師也。無悟處。也不曾參得佗。禪也不曾得佗一言半句說話。只是被佗罵得身心頑了。今日被人推出做長老。只據遮些子與兄弟評論。雖然如是。傑上座說底切莫記一字。他日便成疊毒去也。珍重。

普說時光如箭。急始見結制。又過了二十日。兄弟自巳事如何。一等是拋離父母。挑囊負鉢。踏破草鞋。直須硬著脊。梁窮究教徹。頭徹尾去。莫只半青半黃。似有似無。向長連床上。閉眉合眼。不是冥然無知。直是惺惺歷歷。歷上不見有諸佛。可仰下不見有衆生。可度。

中不見有自己可愛。只覺肚裏熱。悶悶地快活無比。默自點頭。以謂天下無雙才。跳下床都不見了。被人把斷咽喉。推勘又却去不得。何故。只不爲曾親證親悟。乃是暫息塵緣。認得眼前些子光影。以爲究竟。此病最苦。所以雲門道。光不透脫。有兩般病。一切處不明。面前有物。是一。又透得法空。隱隱地似有箇物相似。亦是光不透脫。又法身亦有兩般病。爲法執不忘。已見猶存。坐在法身邊。是一直饒透得法身去。放過則不可。子細檢點將來。有什麼氣息。亦是病。雲門大師向人著手脚不及處。痛下一錐也。只要諸人回頭轉腦。若是親證親悟。大法明底人。說什麼把斷咽喉。渠自有超宗異目。生涯開眼時也。只恁麼湛湛地閉眼時也。只恁麼湛湛地上。刀山。鑿劍樹也。只恁麼湛湛地上。三十三天也。只恁麼湛湛地。與平常人初無二樣。不作許多般鬼怪。只是肚裏迥別。等閑被人挨拶著。便如火星迸散。又如水上按葫蘆相似。轉轉轉地。誰能攔截得住。到遮境界。三世諸佛也。覩不破。生死魔軍向甚處摸。迷悟向甚處栖泊。是非向甚處。

搖撼通上徹下。淨裸裸地。赤洒洒地。全體是箇當人受用。大解脫門。佛法世法。打成一片。有時拈一莖草。作丈六金身。有時將丈六金身。作一莖草。舒卷自在。縱奪臨時。別無他術。只爲親證親悟了。達三祇劫空。不被諸塵所轉。而今兄弟未到遮般田地。硬將山河大地。明暗色空。情與無情。差排要歸自己。豈非大錯。見人下拍渠也。拍見人下。喝渠也。喝不道你底不是。輕輕從脚跟下勘。又却不知落處。只成脫空業識。忙忙無本可據。深可痛哉。逗到孤燈獨照時。一點氣落。上一點氣落。下面前黑似漆。求死不得。求生不得。當此之時。悔將何及。莫言不道。所以道。參須實參。悟須實悟。閻羅大王不怕多語。兄弟既來此深山窮谷中。相聚傑上座。遮裏也無禪到你。參也無道到你。學也無錢到你。使也無好食到你。喫也不會順摩。捋你。只有劈臂一拳。你若參得透。盡未來際。受用無盡。若不透。定向背地裏商量。此箇拳頭。如漫天網子相似。只要諸人跳得出。如斯理論。有什麼交涉。每見兄弟來室中下語。多在六根門頭。著到脚步窄。決今夜一。

等是入泥入水。據平生管見。舉似大眾。昔行脚時。入一尊宿室。乃問。香嚴上樹如何。對云。只見。錐頭利。不見。鑿頭方。又云上座。因什麼喪身失命。對云。某甲今日。倒退三千里。問云。此是樹上語。樹下語。對云。杜撰。長老如麻似粟。聲未絕。尊宿便打某甲。接住云。未。在更道。尊宿大笑。次見尊宿。乃豎起拂子云。山河大地。明暗色空。總在拂子頭上。對云。三千里外。賺我來。宿拂一拂云。酌然酌然。某甲把住拂子云。和尚離却拂子。別道尊宿笑云。是拂子作麼生。離某甲乃倒拂一拂。便出。次日入室。乃問云。天人群生。類皆有箇歡喜處。某甲叉手進前云。某甲也無歡喜處。宿云上座爲什麼。入門便笑某甲。乃指云。看遮老和尚。當面敗關。宿便掌某甲。乃笑宿云。草賊大敗。某便出。看來此尊宿下。刃遲了。若是傑上座。見他叉手進前。某甲也無歡喜處。便與劈臂一拳。待他擬開口。再與一拳。雖然如是。也要諸人檢點。又見一尊宿。乃問如何。是聖諦第一義。對云。一對草鞋三隻子。宿云。猶是第二義。對云。老大大誑惑人。男女有甚了期。宿大笑。對云。和尚恁

麼爲人。閻老面前。喫鐵棒有日。在更有多多葛藤。不欲盡說。平生敗關處。盡情抖擻了。也夜深久立。

頌贊

德山托鉢

斫却月中桂。清光轉更多。狐狸俱屏迹。獅子奮金毛。

狗子無佛性

狗子無佛性。殺人便償命。楚痛百千般。因邪却打正。

女子出定

出得何如未出時。瞎驢成隊喪全機。而今四海平如砥。蘆管迎風撩亂吹。

趙州洗鉢盂

粥了令教洗鉢盂。鐵船無底要人扶。片帆高掛乘風便。截海須還大丈夫。

臨濟三頓棒

一頓渾家盡滅門。更加兩頓累兒孫。銀山鐵壁俱穿透。萬里無雲宇宙分。

百丈野狐

五百生前失却。五百生後太錯。錯錯誰道。祥麟只一。

角

一口吸盡西江水

西江一吸了無餘。突出堂堂大丈夫。盡道世間胡鬚。亦須知更有赤鬚胡。

卽心是佛

大海波濤闊。千峯氣象雄。古今無間斷。南北路頭通。

趙州勘婆

天高地厚人難見。海闊山遙只自知。勘破却回休借問。得便宜是落便宜。

師因應庵一日喝恭上座云。你常在此作什

麼。恭煩惱打併起。畢。師聞乃成頌寄之。

百戰場中舞纛旗。將軍立處十分危。游人只看錐頭利。失却吹毛總不知。

僧問屋裏販揚州時如何。師以頌答之。

屋裏販揚州。水深山更幽。終年無客到。明月自相投。

讚布袋和尚

禪不參道不會。終日忙忙弄箇布袋。十字街頭道等人。阿誰知渠總。稽首彌勒世尊。國有憲章三千條。

罪

讚開明禪師

江郎入定鳥巨開。山林深路迥火冷雲寒。道大不知誰辨的。帝王親手付金襴。

讚綉寶公

針鋒上直入線縫裏。跳出剪刀尺子自隨身。號令乾坤齊萬物。

讚大慧和尚

歡睹頂門三隻眼。是非佛法一齊割。竹篋頭上放無端。正是徐六擔片板。

讚應菴和尚

眼大如環頭匾似扇。從來不省己非偏。笑漳泉福建。著實處用無七縱八橫。脫空時曰有萬化千變。焚香稽首讚揚也是神頭鬼面。

讚木庵和尚

面目森嚴語言希。差不出飛猿嶺道聲。謫天下活癩菴不傳之宗。死衲僧虛頭話。霸五坐道場叢林增價。稽首拜手虛空貼卦。

讚徑山音首座

氣宇雲閑身心木槁。頂門正眼紅日杲杲。早投長蘆。割草之機。晚分雙徑。人天之座。名山屢招而不赴。一菴超然其高臥。夫是謂叢林前輩典刑。宜與趙州同年而並操者也。

約齋張直閣畫師頂相請讚

挨開不二門。千聖須却步。直下便承當。略通一線路。佛也不奈何。誰敢當頭道。道著頭角生。一點黑如皂。盡情分付約齊大居士。一等人間任揚播。

眞際道人請讚 孟參議恭人

一句全提了。無向背。臨漸正宗。恣意破碎。彌天過犯。不容懺悔。丹青畫出。向人前。他家自有通人愛。

禪人請讚

五戒不持。威儀破盡。空腹高心。言不足信。徒將朽木。亂塗糊衲。僧添得膏肓病。天無私。蓋地無私。載如何形容。生此奇怪。爲僧不稟。僧儀學佛力。破佛戒。鼓舌搖唇。叢林殃害。若無伽梨。髮渾身。便是當年屈突蓋。

在家不讀書。行脚不參禪。隨流閑打悶。掘地覓青天。

而今老矣。方知悔捏人痛處。力加鞭。

眼橫鼻直。村僧肚裏渾無一窖兩奉。詔旨住持。添

得叢林熱鬧。若論直指單傳。正是睡夢未覺。

入室愛用拳頭。佛來也不放過。知他是聖是凡。便敢

如此亂做。識得破海壇馬子。似驢大。

德山臨濟。棒喝交馳。雲門顧鑑。總是愚癡。唯有徑山

無伎倆。握拳端坐。眼如眉。

水黑染成。恰似眞箇。據坐胡床。胡揮亂做。三十年後

此話大行。籍沒乃翁。膠黏滯貨。

佛日常長老請讚

赤手全提金圈栗棘。跳出三要三玄。破蕩佛祖窠窟。試問有何神通。盡力吐露不出。咄咄。佛日長老與麼拈出。

隆報著長老請讚

據虎頭。取虎尾。第一句下明宗旨。了無禪道與人參。滴水使見波瀾起。太醒醒難比擬。分付隆報著長老。好向叢林振綱紀。

偈頌

皇太子妃請就徑山陞座末後說偈

佛身無爲不重諸數。隨機示現。應無所住。如月行空。
光照寰宇。廓徹信心。莊嚴福聚。記得先賢。曾有言皇。
天無親。唯德是輔。

張直閣請陞座末後說偈

一句全提法界寬。大千收拾掌中觀。橫該豎抹超三際。
迦葉徒勞強破顏。

贈閩清黃釋褐初赴上庠

驚剗相逢笑臉開。也知平地起風雷。好將一滴梅溪水。
爲雨爲霖遍九垓。

和無著讚大慧齒髮舍利

背觸全提話已圓。孤風凜凜播皇天。無端更把閑毛齒。
惹得叢林口耳傳。

送昂維那出嶺兼呈應庵

福城得得來相訪。象骨巖前話別時。驚起石人開鐵眼。
倚筇遙聽老猿啼。

雲黃山下老禪庵。凌竈宗風罪過多。君若到門深問

訊看渠伎倆復如何

送拙菴住洪福

瞎驢生得瞎驢兒。醒觀聲名徹四維。更把少林無孔笛。
逢人應是逆風吹。

送會侍者開應庵塔銘

三十餘年沙甍一十五處脫空。欲彰從前家醜。何妨刻石流通。

送權維那歸道場伊菴

風攪平林萬木秋。臨歧送別思悠悠。也知八德池中水。
不比尋常溪澗流。

送聰首座兼簡陳寺丞

十載相從話歲寒。刀山劒樹慣躋攀。風雲會合機輪轉。
行看知音笑展顏。

送如水頭

如方解說此說若爲通。歡睹摩醯眼掀翻。宇宙空枯柴聊作用。
活火展家風。去去休言別智音。一笑同。

徑山出鄉舟中寄二偈示衆

三冬水上打鞦韆。百尺竿頭棹釣船。寄語滿堂龍象。

衆無勞掘地覓青天

大丈夫兒合自知得便宜是落便宜無心用處急回首莫待天明失却鷄

贈何神童

父母未生時文章在何許及乎跳出來光明照寰宇
傍觀眼難瞞收錄奏明主一覽贊希奇揚晏堪爲
伍賜笏與綠袍以顯其宗祖人生天地間休將年紀
數縱饒生百歲無聞亦何補偉哉英特大丈夫君臣
嘉會今合符行看赤手扶宗社大千捏聚一蘊廬

送先知客

萬里南來川荔苴奔流度刃扣玄關頂門歡睹金剛
眼去住還同珠走盤

送磷首座住定水

一棒一條痕一摑一掌血不是向上機關亦非單傳
妙訣佛祖兒之攢眉魔外聞之膽折建立此綱宗當
陽貴直截磷侍吾十年氣宇迥超絕信手斫方圓初
不泥唇舌青天霹靂轟風雲會時節行看定水起波
濤始信來源出處高

送恢侍者

戴角擎頭與麼來當機一拶頂門開行行勿謂無知
已闔外威權善自裁

送雪峰化主

手托庵門便放憨千鈞重擔要人擔寥寥坐斷孤峰
頂雲衲相從晝夜參

和壁書記

擲劍揮空不住空空輪無跡劍無鋒無鋒無跡憑誰
會會得金沙墮眼中

送珣禪人還海壇

家鄉到日許誰知默默相逢絕路岐莫謂海門風浪
惡千戈元是太平基

送慧知客還蜀

踏破劒門關十方無壁落信步復南來將錯還就錯
霜風刮面寒梅梢初破暮去去又何言寧負孤雲約

示智悟道人

智悟悟自心不在一切處回首時觀瞻便是佛國土

示善應道人

善應無私當陽有準直下承當入佛祖間

徑山茶湯會首求頌二首

徑山大施門開長者慳貪俱破烹煎鳳髓龍團供養
千箇萬箇若作佛法商量知我一狀領過
有智大丈夫發心貴真實心真萬法空處處無蹤跡
所謂大空王顯不思議力況復念世間來者正疲極
一茶一湯功德香普令信者從茲入

示會秘校

天童得力句不搖三寸舌父母未生前令已行塵竭
直下便承當敢保猶未徹放下百不知腦門重著楔
唯是過量人一拳無二說

祥符建僧堂周都料求頌

妙處如何論淺深應之於手得於心方圓不用機謀
力長短休將語默尋一斧便成真活計三思始就費
光陰山僧直截重重說須信真鍮不博金

法語

示曷禪人

祖師門下直截省要不歷階梯立地成佛學道人多

●一無行宗
二字

不明此病在於何只爲太煞現成不肯承當一味鑽
頭入知見網中覓佛覓法覓玄覓妙向上向下如何
若彼恰如蒼蠅墮在糲盤中粘手綴脚自作辛行宗
苦看他臨濟在黃檗會裏三年日日只堆堆地坐全
不知佛法道理首座勉令問佛法的的大意三問三
遭六十拄杖後到大愚灘頭驀自知非便道元來黃
檗佛法無多子遮般說話豈是心機意識預先安排
而能致之然耶復返黃檗。檗兒來乃曰遮漢來來去
去有甚了期濟曰只爲老婆心切檗曰大愚老漢饒
舌待來痛與一頓濟云說什麼待來卽今便喫隨後
便掌檗曰遮風頭漢却來遮裏捋虎鬚濟便喝參學
人須得一番如此方可入作亦未爲究竟從上有力
量大人終不肯容易小小了却纔得遮般柄霸入手
直是撥草瞻風覓箇咬猪狗惡手段與他做冤家眉
毛厮結禁得惡拳趨喫得沒滋味大爐鞴中千煅萬
煉徹底淨盡跳得出無絲毫領覽超情離見尙恐走
作錮鑄人家男女安肯向平白地折合却信知先達
拈一機示一境盡是脫羅籠沒窠臼曾無針鋒許與

人作道理豈不綽綽然有餘裕哉

示道禪人

先達抱道之士。嚴居穴處。未嘗容易以一言半句。急於人知。日久歲深。蘊藉成熟。人自知之。便乃粳糠躡足而就。扣問生死。已躬大事。抑不得已。略露鋒銳。何啻青天轟霹靂。只要當人於聲前領略。得一箇半箇。擔荷得行。便解據虎頭。收虎尾。爲如來種草。豈可胡亂朝呪暮呪。而欲使之然耶。年來此道大不振者。無他。蓋爲人師者。眼腦不正。當自無見處。但以名利得失。居懷深怕。人道他無機緣。晝三夜三。於古人方冊中。顛倒熟念。釀在第八識田中。准擬學者來問。貴圖口不空。恰如羊屎。纔豎起尾巴。便有百千顆落地。學者眼目不明。如何辨白。盡情深信。一盲引衆。盲相牽入火坑。所謂打初不遇作家。到底翻成骨董。若是達磨兒孫。決欲洞明祖翁家裏事。直須一刀兩段。肚裏無一絲毫繫念。只就無繫念處。看箇話頭。六祖示明上座道。不思善。不思惡。正恁麼時。如何是明上座。父母未生前。本來面目。但如此看來。看去到詞窮理

盡。沒奈何處。豁然看透。便是一生參學事畢。

示光禪人

馬祖道。卽心卽佛。非心非佛。不是心。不是佛。不是物。與麼揭示學者。恰如掘箇深坑。活埋了人。却向上面奠祭也。德山一條白棒。佛來也打。祖來也打。又道三十年來。未曾打著箇獨脫底。何曾夢見達磨。未來時汗臭氣。在衲僧家。十二時中行住坐臥。如火燒冰。莫誇少壯。休論老成。一處錯踏。翻千處百處一處透。如獅子王。吒沙地。哮吼一聲。壁立萬仞。豈不慶快平生。當人幸有如是威光。幸有如是受用。不肯回頭自觀。捕多是坐在他人語默裏。及至終身。無所成立。若要易會。不必泥在三條椽下。但向逆順堆中。擲撲不碎。自覺省力。便是破家散宅時節。至矣。

示覺禪人

蘊扶宗。豎教英氣。本色行脚道流。不在游州獵縣。觀境致過時。務要與生死兩字作頭底。直截荷負。跳出斷常窠臼。識得祖父田園。落著收拾契券。一分曉。不被他人侵疆犯界。然後見佛殺佛。見祖殺祖。破盡

上祖生涯都無顧藉。著弊垢衣。入群魔隊中。靡所不爲。仰不愧天。俯不愧人。顛顛預預。大棒打不回頭。千人萬人羅籠不住。一旦業緣成就。被人推出。向曲柔床上。胡言漢語。欺賢罔聖。世人說不到處。一一說出。世人做不到處。一一做出。傍觀者爲他面熱汗下。渠只閑閑地。神色儼然。到者般田地。亦未稱扶豎正宗。意氣何沉末。上被邪師引入草窠裏。以沙糖蜜湯甜其舌頭。纔有些兒黃連氣味。便自忌諱。如此永爲廢人學道。至要別無他術。須是硬靠却咬猪狗手段。喫得沒滋味。禁得惡鉗鎚。千煅萬煉。胃次淨裸裸地。全無佛法道理。但恁麼研究。如人學射。久久自然中的。誠不誣矣。

示應禪人

昔世尊在靈山會上。百萬衆前拈起一枝花。獨迦葉尊者一人破顏微笑。世尊便云。吾有正法眼藏。涅槃妙心。分付摩訶迦葉。劈頭一錯。直至如今。代代相傳。分宗列派。承虛接響。實謂世尊有禪道佛法。可分付與人。未學紛紛。不本其由。拋家失業。踰屨辛苦。奔南

心一無行是
二字
心狂上一有
記字

走北向諸方老和尚舌頭上覓道覓禪覓佛覓法將心等他分付殊不知劒去久矣方乃刻舟若是大丈夫漢皮下有血終不喫別人殘羹餽飯直下自家豎起脊梁如銀山鐵壁相似於一切善惡逆順境界中搖撼不動二六時中默默地回光返照冷眼觀捕鷲然觀透父母未生已前本來面目脫體虛凝湛然常寂盡大地都盧是箇解脫門到此境界暗裏點首自肯已謂世出世間無第二人豈知正是墮在解脫深坑無生法窟又謂之黑山下恰似魂不散底死人守定老鼠三寸眼光以爲究竟極則如此見解有什麼快活處若行是真踏著不疑之地曾經本色大爐鞴中煅煉出來如金翅擘海猛虎插翼豈有許多栖泊處白日只閑閑地要用便用信手拈來端若縣崖石裂誰能禁止之耶是故普化和尙每於街頭道明頭來明頭打暗頭來暗頭打四方八面來旋風打虛空來連架打臨濟令侍者搗住云總不與麼時如何化云明日大悲院裏有齋所謂如人善射箭不虛發臨濟雖則坐籌帷幄決勝千里侍者撞入重圍幾乎取

身上。上普化縱饒八面受敵。要且無佛法身心。烏巨若更切切。定招拔舌地獄。

示白雲然長老

佛祖闢域。衲僧巴鼻。如火聚無一針鋒。許與人作道理。湊泊只貴當人具逸群氣。槩直截荷負。譬如真獅子王哮吼一聲。壁立萬仞。始見不孤。從上爪牙也。靈山拈花已前。少林直指之後。繩繩相繼。如鏡照像。毫髮無差。皆是夙承願力。提持遮一著子。非獨與天下人抽釘拔楔。至於九有四生。俾令洞徹。正知正見。是爲大丈夫成就大丈夫事。

神光不昧。萬古微猷。只此靈鋒。阿誰敢擬。大凡超宗之士。垂手爲人等。閑示一機。一境。快如倚天長劍。相似直下。取人命根了。無異轍終。不向平地上。與人和泥。合水巖頭。謂一一從自己。胷襟流出。蓋天盖地。豈虛語哉。

示哲珉二禪人幹帳

有祖已來。未嘗容易。以禪道佛法。指示學者。謂之學道捷徑。只要當人去。却今時向父母未生已前。混沌

未分之際。直截擔荷。如龍得水。似虎靠山。一切處澄澄湛湛。一切處生殺自由。一切處自能生風起草。不著有爲。不坐無爲。如斬一綫絲。一斬一切。斬如染一綫絲。一染一切。染通上徹下全體。是箇大解脫門。佛法世法。打成一片。何處有一絲毫許外物之爲障礙。學道人力學而不悟者。病在泥於古人言句。處病在坐著勝妙境界。處病在空洞無象。處病在以禪道佛法。居懷處病在却迷就悟。處病在最初不遇善知識。引入葛藤窠裏。處此數病。非但初機晚進有之。從上大尊宿。悟徹本心。見徹本性。自己本地風光。現前大法。不明。亦有此病。看他興化和尙爲衆曰。我聞前廊也。喝後架也。喝諸子莫盲喝。亂喝直得喝。得興化上三十三天。撲下來一點氣息也。無待興化甦省起來。向汝道。未在何故。我未曾向紫羅帳裏撒真珠。與你去。在興化直截擔荷。騎賊馬趕賊。只是未得勦絕前途。撞著知音。分明學。似必爲圓却遮話。

示源監寺

源監寺余俗門昆仲也。未出父母胞胎已前。雖然各

不知其名字爲誰。便乃以法義相資如水入水。及其出父母胞胎。以至長成。捨家出家。圓頂方服。出叢林入保社。見善知識。敦其法義。分其皂白。絲毫不差。余業緣所鍾。備員深山古寺。不遠千里而來。以道相聚。日久歲深。爲左右臂勳力。贊成益見。法義照著厚矣。予年來老景侵尋。方且乞閑偶來。告別曰。羅菴師伯。邪塔雖成。四面牆壘未就。恐牛羊踐蹂於義。不便欲往謁諸檀越。一等圓備。余嘉其法義愈堅。金石故不敢留。昔肅宗帝問忠國師百年後所須何物。國師云。爲老僧造箇無縫塔。帝云。請師塔樣。國師良久云。會麼。帝云。不會。國師云。吾有侍者耽源。却諳此事。請詔問之。國師遷化後。帝詔耽源問之云。相之南潭之北。中有黃金充一國。無影樹下同。船瑠璃殿上。無知識。嗔國師好箇塔樣。被耽源一句釘翻却了也。直得七穿八穴。描也描不成。畫也畫不就。遂成叢林話。且畢竟喚那箇作國師。塔樣有般瞎漢便道。卽此良久處。更引外道問佛世尊良久。以爲證據。若如此何異盲人摸象。要見國師塔樣。遠之遠矣。前途有問源

監寺師伯無縫塔樣如何對他。急著精彩下取一轉語。

葛主簿請跋 先知府信齋遺偈

有力量大丈夫。出游人間。自詩書由富貴。致君澤民。不被利名關鎖。二六時中。一動一靜。一條脊梁骨。如生鐵鑄就。一切世間逆順境界。搖撼不動。何故如此。蓋爲最初發一念時。撞入母胎中。便具正因。正見煉磨純熟。纔出頭來。一撥便轉。本地風光。頓爾現前。不假他求。及至出生。入死超然。卓絕談笑。說偈恰如平日。終無別道理。正所謂生如著衫。死同脫袴。信齋今日之設。豈虛語也。歟。且如信之一字。如何提掇。如何受用。便乃如是靈驗。莫是信是道源功德母。長養一切諸善根。能爾耶。且莫錯會。要見信齋直截處。切忌向紙上卜度。

示殊禪人

達磨未離西竺。便將一條斷貫索。穿却天下人鼻孔。及乎遠泛孤舟。游梁歷魏。見武帝笑談間。不覺失却此索子。便乃無賴渾身處。直往嵩山九年。面壁求生。

不得求死不得被人喚作壁觀婆羅門。那知深雪中。有箇不識好惡漢。拾得此索。返將穿却鼻孔。渠無面目。得見人復回。熊耳峰前。做許多鬼怪。而今學道人。不原所以。將謂西來單傳心印。直指人心。見性成佛。實有恁麼事。晝三夜三。排却性命。抵死窮究。無乃錯之甚耶。殊禪人質直無偽。深知此索子不是口耳傳受而得之。竭來深山窮谷中。道聚究研。要知落著分曉。誠不易得。回觀此山食指。既多常住。不給不忍坐視。發心爲衆。持鉢余嘉其志不凡。臨行欲語。故書此以贈之。但向紅塵逆順堆裏。默默提撕。薺地一齊失却。歸來與汝三十拄杖。

靈隱佛海會中五比丘行丐求法語

行脚高士。跳出荊棘林。踏翻獅子窟。周行無轍跡。四顧絕遮欄。見佛祖如生。冤家聞禪道。如風過樹。向祖師門下。尚未得其髣髴。何況末上立志不堅。扶籬摸壁。隈隈趑趄。二十四氣。一時發現。隨群逐隊。也道撥草瞻風。見善知識。輕輕撥著。便見魂飛膽喪。若無定龍蛇眼目。如何辨別。豈不見雲峰悅見大愚之首聞。

大家相聚。喫些齋之語。便乃倒戈卸甲。然後歷試諸難。初無玄妙語。與之商確。只云佛法未怕爛。却考其心。肝見其壯志。過如鐵橛子。遂引入堂司。一日坐後架桶。籬爆墮地。激發本地風光。明見本來面目。走到方丈口。似礪盤。知他底裏如何。密庵口門窄。不能爲汝說。皈到荊棘林中。老瞎禿必爲道破。

示中侍者

得之於心。應之於手。如珠走盤。不撥自轉。二六諸中。折旋俯仰。入魔宮。探虎穴。上刀山。攀劍樹。乃是當人著著得力。行履處。便能以此心入紅塵堆裏。逆順界中。與一切人和泥合水。拔楔抽釘。令他不覺不知。鷲地見徹。本心悟其本性。不在內。不在外。不在中間。人鼻孔。遼天箇箇壁立。萬仞方敢稱爲行脚道流。若只守一機一境。終日冷冰冰地打坐。等箇悟來。便是喪達磨正宗魔子也。宜善思之。

答卜運屬

向者不敢疎外。輒以管見不情之語。上浼台聽。重蒙不鄙。復有所問。只據目前聊舉一二。昔龐居士李都。

尉皆是誠心篤信自己分上有蓋天蓋地出格超量底事。從上若佛若祖互相出來橫說豎說未曾說著處。便乃遍扣宗師以期深徹證悟爲地頭。後皆得柄。欄入手不被世間出世間法羅籠得住。龐居士有偈云。十方同聚會。箇箇學無爲。此是選佛場。心空及第歸。李都尉道參禪。須是鐵漢。著手心頭便判直趣無上菩提。一切是非莫管。看他二賢。揭示過如生鐵。槩終不肯妄通消息。正所謂一滴獅子乳。迸散十斛驢乳也。每見士大夫著意學此道。極多只恐末上撞著道眼。不明宗師。胡說亂道。將古今言句。妄意穿鑿。以爲極則。實圖稱他會禪。此是第一等大病。恰如一件好物。十分現成。被人雕刻作千般奇怪。以失其真。深可憐憫。若欲著實理會。父母未生已前一著子。到大年三十日臨行之際。得力不被生死兩字攪吵。須是自家回光返照。向已躬腳跟下。時時推勘。看是什麼。推來推去。推到無依倚處。平生機智伎倆。淨盡。雖然一念頓消。心花發現。塵劫來事盡在于今好也。添一絲毫不得惡也。添一絲毫不得。便是從前著衣喫飯。

◆持一作得

箇官人別無奇特玄妙理性。可說不妨慶快平生燈下聊書大槩。以助真源。知我罪我盡在是矣。

示輝禪人

夙植般若種智。英俊上士才出母胎。立志挺然。與時流迥絕。行脚見知識。決要透脫生死大事。深期遠到。終不肯妄自尊大。求寮舍穩便。四事豐饒。爲得計然。而透脫此一事。非是博聞強記。智識過人。而能企及。亦非一味忘懷。百不知百不會。而能造詣十二時中行住坐臥。譬如大辟罪人。欵案已就。平生有大機智。到箇裏總用不著。只待一死而已。一旦押到市曹。魂魄都不知落著。驚被人從背後一刀兩段。便是百了千當。參禪做工夫。無他術。須是怎麼提掇。方可有明悟底時節。若是隨撻揪。驢年也未夢見。

示臨禪人

本色參學道。流入叢林。見知識。決欲洞明生死已躬大事。無非具殺人不眨眼底氣。槩更不思前筭後排。其性命都無顧藉。一向硬趂起地。將心就一處研究。不捨晝夜。肅然一覲。覲透一咬咬。斷通上徹下全體。

是箇大解脫門。活鱖鱖地見佛見祖。如破草鞋。聞禪與道。如風退樹。亦未是泊頭處。在正好入大爐鞴中。煅煉直教聖凡情量徹底淨盡。透得金剛圈。吞得栗棘蓬。逗到大休大歇之場。身心若枯木寒灰。大棒打不回頭。千人萬人羅籠不住。白日只閑閑地。出一言半句。快如倚天長劍。便能殺人。亦能活人。千變萬化。卓卓盡超格。則諸聖著眼不到。萬靈瞻仰無門。亦未可共語臨濟宗旨。更須知有人。林不動草入水不動波。一著子且道。如何是入林不動草入水不動波。一著子問取上人。

示覺禪人

人人自有一條通天活路。未曾踏著時。行住坐臥。如人醉酒東西不辨。南北不分。及乎一日踏著路頭。滑脫東去也。由我西去也。由我終不被別人胡亂指注。錯其正路。所以釋迦老子末上踏著此路。便道未離兜率已降王宮。未出母胎。度人已畢。及至靈山會上。百萬衆前。卷舒自在。縱奪臨時。諸天捧花。無路外道潛覷不見。也不出遮條路。子流落人間。歲月浸久。相

●萬一作百

習成風。分枝列派。各宗其宗主。其法者不遵正路。專事邪佞。詭詐巧言。令色誘引。人家男女。向草窠裏。覓從劫至劫。枉受輪迴。其間一箇半箇。慕自知非。回首就有道一言之下心。地開豁。如杲日當空。無一點雲翳。何患路頭不正也。前途忽有問上人。如何是徑山正底路頭。只對他道。但辨肯心。必不相賺。

示真隱朱居士

承喻二十歲時。便知自己一段大事。此乃是無量劫來。般若光中。熏習今生。出頭來便爾也。又道每與尊宿往來。稍稍純熟。不至費力。竊觀來教語意。疊疊非是。錯用其心也。且爲說箇喻。子恰如被人引向大官驛路上。合眼也。日行千萬里。都無疑慮。但不曾撞著箇惡手段。從面前割箇硬塞。後面驅重兵趕逐。直是上天無路入地無門。求生不得。求死不得。平生學得機智。到遮裏一點也用不著。果夙有力量。抖擻精神。驀地拶得一路通。四方八面。活鱖鱖地。千人萬人羅籠不住。恁時方有自由自在。分終日在聲色中。出沒聲色。不能染污。世出世間。如蓮花不著水。豈不慶快。

平生若只管向他人人口頭取辨。方策中尋要契合心。田縱饒參到彌勒下生。也不能得悟。也不能得安樂。何故。蓋起心動念。便被情識攙先爲累也。所以二祖參初祖。種種說心說性。祖乃示一偈云。外息諸緣。內心無喘。心如牆壁。可以入道。初無奇異語。似之外息諸緣。內心無喘。且置之勿論。作麼生說箇心如牆壁。可以入道。遮裏疑不破。只在遮裏疑。古者道大疑之下。必有大悟。誠不誣也。

爲南上座下火

一人發真歸元。十方虛空。壑著磕著。便乃以四大爲正體。以生死爲妙用。以壽齡修短爲游戲之場。以畢盡寂滅爲歸根得趣。遂以火炬劃一劃云。盡從遮裏流出。南上座急諦聽。莫遲疑。却那邊無影樹。却來火裏倒抽枝。

爲隆浴主入塔

遮些骨頭。磽磽諸奇奇怪怪。他人住處不肯住。他人愛處不肯愛。每來室中。丁字著脚。上門上戶。却似少他禪債。而今罷戰休征。別是一般光彩。隆浴主隆

◆夫下一有
守字○書不
有解字

浴主且道是什麼光彩。多子塔前香雲鬢鬢。

密庵和尚語錄卷下終

塔銘

正義大夫刑部尚書侍讀兼太子詹事
廣陵郡開國侯食邑一千戶葛必撰

釋迦如來滅度之後。其徒未免囿於名相。至達磨西來。不立文字。直指人心。見性成佛。而人始知佛之所以爲佛也。六傳而至大鑑五宗。而得臨濟。而佛之道益光明盛大。而不可掩矣。臨濟之宗。直截根源。不涉階級。全機大用。棒喝齊施。或者喜其路之捷。而得之速也。然未免承虛接響。錯認話頭。撥無因果。生大我慢。却墮邪見。了不覺知。自非有明眼宗師。見處分明。行處穩實。則何以倒用橫拈。得大總持。爐鞴後學。皆成法器耶。近世卓然傑出了此事者。則天童密菴師也。密菴得法於應菴華華。得法於虎丘隆隆。得法於圓悟勤蓋。臨濟之正宗。叢林之巨擘也。師諱感傑。俗

姓鄭福州福清人密菴其自號也母嘗夢靈山老僧入其舍已而生師自幼穎悟不凡每厭塵染欲求出世間法及受戒爲僧不憚遊行徧參知識初謁應庵孤硬難入屬遭呵咄心不退轉久而相契遂蒙印可自此道價益喧人天推出其分坐而說法則見於吳門之萬壽四明之天童其正坐而說法則見於三衢之烏巨之祥符金陵之蔣山無錫之華藏所至之處舉揚宗旨露裸裸活鑠鑠七縱八橫無少罣礙然十二時中步步皆踏實地雖不待修證而修證未嘗忘雖不假精進而精進未嘗忘滴水滴凍照瑩明徹遂使天下衲子響合雲臻相遇諸途則曰何不禮師去文彩旣彰聲名上達淳熙四年有旨住徑山召對選德殿問佛法大要開堂靈隱又遣中使降香道俗觀者如堵七年自徑山遷靈隱上親灑宸翰詢以法要又遣侍臣以圓覺經中四病爲問師皆以實語對恩遇甚寵十一年歸老于天童十三年六月忽示微疾十二日跌坐而逝年六十有九臘五十有二塋于寺之東師應機接物威儀峻整晝

則危坐正襟以表衆視夜則巡堂剔炬以警衆昏純白之行終老不移堅固之身至死不壞所遺齒髮多生舍利人以爲異云約齋居士張鉉常參學於師師亡復經紀其後事其他嗣法者數十輩而了悟崇岳尤傑然者也郊効官中都與師相見或道話終日臺臺忘倦別去數以書相問臨寂又以書爲別既塋參學弟子慧光以塔銘爲請辭之請益堅乃爲之銘曰曹溪一滴源深流長至于臨濟其道益張如擊石火如閃電光不離當處覲面承當猗歟傑公直造其堂行解相應非斷非常一音演暢七坐道場衆生病惱我爲醫王衆生沉溺我爲舟航坐斷報化不涉周章聞者見者踊躍騰驤疑情頓釋如葉殞霜宗風不墜繫師棟梁名滿天下若爲蓋藏作奇特會空費商量此一轉語爲師舉揚

曹源道生禪師語錄

宋
•
道 曹
源
道
生
編 撰

曹源和尚住饒州妙果禪寺語錄

侍者 道沖 編

師在雲居受請云。安樂樹邊藏醜拙。浮生穿鑿不相干。拄杖朝來剛踣跳。無端撞破趙州關。乃提起拄杖云。看看喚作拄杖子。天地懸隔不喚作拄杖子。天地懸隔三世諸佛歷代祖師。天下老和尚到這裏有屈無叫處。便怎麼去。盡法無民。既然裂破面皮。不避諸方檢責。遂橫按拄杖。左右顧視良久云。三尺龍泉光照膽。太平寰宇斬癡頑。喝一喝。卓一卓。復舉寶公和尚一日令傳語。思大禪師云。何不下山教化衆生。一向目視雲漢。作什麼思。大云。三世諸佛被我一口吞盡。何處更有衆生可度。師云。慇懃傳語寶公。著甚來由。費口分疎。思大尾巴自露。生上座因行掉臂等。是下山不問佛及衆生。纔出頭來。便與一刀兩段。何故一不做二不休。

上堂。佛法二字。人人知有。狼毒砒霜。那容下口。直饒透出威音前。也是癡狂外邊走。山僧已是拖泥帶水。諸人合作麼。生會喝一喝。

上堂。今朝八月十五。天色半陰半雨。幾多門外遊人。不觀月圓當戶。也好笑。又堪嗟。爭似西湖寺裏一隊古佛。參退歸堂喫茶。

上堂。飛金鳥走玉兔。閏月十日又過去。無位真人不可尋。一夜霜風打門戶。

上堂。釋迦老子道止止。不須說我法妙難思。喝一喝云。面皮厚多少。殊不知乾坤大地。萬象森羅。明暗色空。情與無情。盡情說了也。無你左遮右掩處。德山棒臨濟喝。俱胝豎指。雪峰輟毬。盡是隔靴抓痒。放下著。莫妄想。是什麼會也。無也是喚狗與食。更道蘇州菱邵伯藕。天台華頂南岳石橋。喚作向上提持。衲僧家門下。挈草鞋未得。在莫有傍不甘底。出來道取一句看。直饒得也是郭郎鼻孔。

上堂。入院恰得一箇月。人事參官走不徹。草鞋咬破脚指頭。因甚嬌梵舌。端流出血。拈拄杖卓一下云。此時若不究根源。直待當來問彌勒。

上堂。十五日已前。不勞再勘。十五日已後。不用將來。正當十五不昧時。機如何通信。但見皇風成一片。不

知何處是封疆

上堂拈拄杖卓一下云。三世諸佛向這裏擡脚不起。又卓一下云。六代祖師向這裏頭出頭沒。又卓一下云。天下老和尚向這裏把纜放船。衆中莫有全機獨脫底麼。出來當頭道看。如無西河。不免雪上加霜。去也。卓拄杖一下下座。

冬至上堂。豎起拂子云。還見麼。君子道長。又擊一下云。還聞麼。小人道消。冰河齊發。鐵石爭暗。抽條喝一喝云。塵劫來事。只在今朝。

上堂。舉玄紹二上座見鳥白和尚云。甚處來。云。江西來。白便打僧云。久嚮和尚有此機要。白云。汝既不會。第二箇近前來。其僧忙然白。亦打云。同坑無異土。參堂去。師云。顯大機。明大用。奮發中意。氣運闔外。籌略則不無。鳥白檢點將來。未是本分草料。若要據令而行。盡大地一時荒却。何故。寸釘入木。

出鄉歸上堂。一九與二九相逢。不出手。巍巍不動。尊脚不離地走。有般漆桶。聞與麼道。使向東涌西沒。七縱八橫。處點頭。嚙唾。這般野狐兒。解是諸方普請會。

底且超然拔萃。一句作麼生道。良久云。寒山逢拾得。撫掌笑呵呵。

師在妙果。受信州龜峰請辭。衆上堂。披毛帶角入廊來。跳出驢胎墮馬胎。佛手明明遮不得。從教平地起風雷。

入院上堂。古帆高挂入曹源。雷動風行海嶽昏。三十二峰親坐斷。以拄杖卓一下云。一毛頭上定乾坤。提起拄杖云。看看十方普現剎。海齊彰走使文殊普賢。驅馳釋迦彌勒。把定則銀山鍊壁。線路不通。放行則匝地普天。三頭六臂不放行。不把住。如王寶劍。凜凜神威。擬犯鋒銑。橫屍萬里。這裏見得徹。去堪報不報之恩。共助無爲之化。其或未然。龜峰不免爲蛇畫足去也。以拄杖卓一下云。鵬弓已挂。狼煙息。萬國謳歌賀太平。

上堂。謝知事頭首山僧。乍住龜峰。布箇長蛇大陣。過去諸如來爲先鋒。未來修學人爲殿後。見在諸菩薩爲中軍。頭擊則尾應。尾擊則頭應。中間擊則兩頭應。直得天應拱手。異類潛蹤。且道坐籌帷幄。不動干戈。

一句作麼生道。良久云。大家齊唱太平歌。

上堂。始。臘月初立春。又四日。白日走波。波肚裏黑。似漆。搗鼓上堂來。一字說不出。忽有箇漢出來道。長老。老爭奈。只今口吧地。嚮只對他道。山僧失利。上堂。春風東扇。西扇。春雨似晴。不晴。淺白深紅。爛鋪錦繡。鶯聲燕語。互奏笙簧。一一揭示。圓通妙門。頭頭流通。正法眼藏。擬心湊泊。依前萬水千山。直下知歸。許你七穿八穴。拍禪床下座。

上堂。三月既望。惠風和暢。龜峰搗鼓。陸堂雲集。五湖龍象。人人鼻孔。遶天好箇西來榜樣。衆中莫有不受這般惡水潑底麼。出來掀倒禪床。喝散大衆。便見叢林價增十倍。如無龜峰潑第二杓惡水去也。以拄杖卓一卓下座。

上堂。時節循環。四月一。大道何曾有得失。夜來針眼魚兒吞却新昌石佛。以手撫膝。一下云。阿呵。呵。識不識。明眼衲僧跳不出。

上堂。阿刺刺。快雨快晴天。漸熱看取而今甚時節了。卽萬法本來空。未了吾今爲君決。鶩拈拄杖卓一卓。

云。聽著則。響復豎起。云。觀著則。瞎靠倒達磨老臊胡。打殺臨濟白拈賊。復召大衆云。且道拄杖子有甚長處。乃擲下云。賊賊。

結制上堂。衲僧門下三月一結。把斷要津。聖凡路絕。一夜簷頭雨滴聲。剛把真機俱漏泄。喝一喝。切忌守著繫驢橛。

上堂。舉。眞如詰和尙。道。慧光一訣。千聖齊列。臘月和風。炎天冰雪。是何之訣。鋒銑結舌。龜峰也有箇道處。龜峰一訣。千聖罔測。硬似泥團。爛如生鍊。是何之訣。有口無舌。

上堂。步步釋迦出世時。時彌勒下生。諸人還見露柱燈籠麼。若見得。便識得釋迦彌勒。直饒識得。且道作何面孔。設或躊躇。這老漢騎天柱峰。過武石江去也。祈雨上堂。兼謝監收舉睦州和尙。看華嚴經。僧問和尙。看什麼經。州云。大光明雲。青色光明。雲紫色光明。雲那邊是什麼雲。僧云。南邊是黑雲。州云。今日應有雨。師云。南邊是黑雲。今日應有雨。宜麻宜豆。宜禾宜黍。雖然。歲稔年豐。粒粒幾多辛苦。爲報參玄人要須。

知落處若也。知得受用無窮。若也未知。有煩監收諸公勤舊。

散楞嚴會上堂。將聞持佛。佛何不自聞。聞曼殊室利。五臟心肝。盡情吐露。這裏薦得。九十日內。異口一音。諷演摩訶。悉怛哆般怛囉。無上神呪。聲聲無間。無見頂相。無爲心佛。時時見前。若也躊躇龜峰。不免重下注脚。卓拄杖一下。遂高聲喚云。侍者。收取拄杖。

中秋上堂。舉長沙岑與仰山。旣月次。仰山指月云。人盡有這箇。只是用不得。長沙云。恰是倩汝用去。仰山云。作麼生。用長沙近前一踏踏倒。仰山山起來云。直下似箇大蟲。山僧有箇頌子。舉似大眾。浮雲散盡。月當空。兔子懷胎產大蟲。跳出風前弄牙爪。至今撼動廣寒宮。

上堂。八月過去。又九月時節。相催不暫停。拈拄杖云。雲門大師來也。刮久雨不晴。唯有衲僧鼻孔。依前搭在上唇。好大哥。卓拄杖一下云。撲落非它物。劃一劃云。縱橫不是塵。耐臨濟賊漢。喚作無位真人。喝一喝下座。

散衆會上堂。舉古德道。一大藏教。是箇切脚。未審切箇什麼字。五祖和尚道。鉢囉娘圓悟和尚道。迅雷不及掩耳。二大老與麼切字。是卽是大煞擲談。忽有問龜峰。一大藏教。是箇切脚。未審切箇什麼字。只對他道。此去弋陽不遠。

上堂。夜來夢覺。忽然記得。未出胞胎已前。一轉語不敢自謾。搗鼓陞堂。分明舉似大眾。不得作奇特商量。不得作平實會。却這裏揀辨得出。許汝出陰界。其或未然。且待阿逸多出世。拍禪床下座。

上堂。舉智門祚和尚道。進一步則迷。其理退一步則失。其事大小。智門和尚被理事縛殺。龜峰則不然。若進一步則三頭六臂退一步則錦上鋪花。且道與智門是同是別。若道是同。法無定相。若道是別。佛法豈有兩般。若道不同。不別參學。眼在什麼處。畢竟如何。良久云。格。

上堂。兩曜劈箭急。一年彈指間。始見大暑小暑。又是小寒大寒。通身寒暑。無回互。笑倒當年老洞山。上堂。雨雪落紛紛。簷頭水滴。滴良久。觀世音草裏跳。

不出跳不出也大屈水裏烏龜鑽鏡壁咄

出了頭岩。謁施主。歸上堂。前日暫出見。武石江水穿過了頭岩。鼻孔回到弋陽。打從鬧市叢中過。又見管絃嘹唳。車馬駢闐。或笑或悲。或歌或舞。應言細語。百種千般。從上諸佛。說不到處。歷代祖師。傳不及處。總被當頭道著。夜來夢裏。記得分分曉曉。準擬今辰。舉一遍供養大衆。五更起來。忽被一陣狂風。將樓頭鈴鐸一撼。山僧直得口似礮響。喝一喝。

上堂祈雨。請觀音兼謝臺山長老。拈拄杖云。法無定相遇。緣卽宗。乃提起云。看看有時。變作觀音彌勒。魚行酒肆。十字縱橫。有時變作文殊普賢。各據一方。助佛揚化。而今在龜峰手裏。變作天大將軍。遊行四天下。檢察人間善惡。見我山中禪和子。祈求懇切。踴躍歡喜。不覺失腳踏斷天台石橋。驚起東海龍王。向空中轟一聲霹靂。直得乾坤陡暗。電走雲奔。觀音菩薩。忍俊不禁。出來念箇真言曰。樹前樹後。遍須彌地。神速報天神。知雷公霹靂。天門開。大雨疾行。無使遲。乃呵呵大笑云。將謂觀音菩薩。元來却是圓應大師喝。

一喝

謝監收上堂。學古德道。汝千百人中。若有一人大肯去。山僧作驢驘物供養。你有甚麼罪。過後來雪峰東山空和尚。道古人不妨好。心要且揀僧布施。擇佛燒香。我觀此會千百人。無一人不是大肯去底。所以自秀峰授了府命。卽時披這毛衣。驢所供養。徑入山來。入山則不無。且道驢底是什麼物。又作麼生供養。還有見得底麼。良久云。日日香花夜夜燈。師云。二尊宿身心不妨殊勝。檢點將來。大似說食不濟飢。龜峰論實。不論虛。這裏衆雖不多。若非大肯去底。終不到此寂寞之濱。山僧老不以筋力爲能。不暇驢得物供養。你只是趁晴割了稻。乘時搬入倉。好箇休糧藥。渾勝別思量。

上堂清涼法眼和尚。道三通鼓罷。簇簇上來。佛法人。事一時周畢。後來天衣懷和尚。道三通鼓罷。簇簇上來。彼此相鈍。置古人與麼說話。也是徐六擔板。上堂月生一拶倒。銀山并鎖壁。月生二土宿。騎牛穿關市。月生三屋頭。幽鳥語喃喃。不是葛藤露布。亦非

入理深談正與麼時賓主交參一句作麼生道萬仞懸崖垂隻手百花業裏現優曇

上堂佛昔於波羅奈轉四諦法輪開眼作夢今乃復轉無上最大法輪灸瘡癰上更著艾焦衆中莫有超毗盧越釋迦底麼出來向全機獨脫處道取一轉語龜峰拄杖子兩手分付如無龜峰自道去也以拄杖卓一下下座

上堂從朝至暮鐘魚敲板爲汝諸人發上上機了也若信得及塵沙諸佛在諸人脚跟下蹣跚若信不及龜峰拾得口喫飯拍禪床下座

上堂汾州和尚道識得拄杖子行脚事畢藉拈拄杖豎起云這箇是拄杖子作麼生是行脚事卓一下云不會則生鍊鑄成會則匙挑不上直饒向汾州未開口已前別有轉身一路也是雪峰道底拍禪床下座散華嚴會上堂僧問一塵含法界一念越毗盧一句宣無量義門一相統無邊妙相如何是四法界師云無孔鍊鎚重下楔僧云如何是理法界師云一塵入正受僧云如何是事法界師云諸塵三昧起僧云如

何是理事無礙法界師云淨瓶裏吐唾鉢盂裏屙屎僧云如何是事事無礙法界師云荒田不揀拈來草生殺縱橫得自由僧云法界已蒙師指示向上宗乘事若何師云言多去道轉遠復云古德道一大藏教是箇切脚又道一大藏教是箇之字龜峰則不然乃豎起掌云一大藏教盡在龜峰指甲縫裏展開則彌綸三界囊括十虛玉轉珠回輝天鑑地捏聚則綿綿密密不漏絲毫三乘罔測其由千聖罕窮其際不放開不捏聚一多相入理事圓融一門通貫一切門一法徧含一切法普使人人三百六十骨節一一現無量妙身八萬肆千毛端頭頭彰寶王利海到這裏入息不居陰界出息不涉萬緣常轉如是經百千萬億卷且道不落功勛一句作麼生道良久云百匝千重俱粉碎倚天長劍逼人寒

普請拽木上堂三條椽下衲帔蒙頭百不知百不會萬年一念一念萬年未是放身捨命處深山裏鑽頭邊開畚種粟搬土拽木脚頭脚尾橫三豎四未是放身捨命處擊碎兩重關別有生機一路龜峰有棒未

到你喫且超然獨脫一句作麼生道。喝一喝云。漆桶參堂去。

上堂。平日清晨三月朝南山。蒼翠插雲霄。不須更覓西來意。臆外數聲婆餅焦。拍膝云。好大哥。

江迪功四月八日請陞座。說偈我佛生辰。四月八地涌金蓮。隨步發天上。天下獨稱尊。微妙真機俱漏泄。雪山成道度衆生。四十九年無剩說。滔滔苦海架舟航。杳杳昏衢懸日月。文仲宣義濟陽公。曾向靈山蒙起。前示現人間長者身。日用機輪活鐵鑊。一盡二富三康寧。總是前生修種得。今生福上更增修。果報來生愈超越。六門晝夜放毫光。萬罪紅爐飛片雪。安然端坐白牛車。金鎖玄關盡透脫。殊勝功德利無邊。宜爾子孫皆顯達。自知作佛更無疑。何必當來問彌勒。龜峰末後爲全提。鎮卵生兒樹上飛。

聖節上堂。威德熾盛。與端嚴名稱。普聞及尊貴。如是六種義成就。饒益世間諸有情。莫有知恩報恩者。麼下座。同詣大殿啓建。聖節道場。

重九上堂。天地與我同根。萬物與我一體。且如天高

地厚。水闊山遙。鴟白鳥玄。松直棘曲。纖洪長短。一一不同。如何得同一體去。設使不受人護。直下當頭坐。斷我更問你。古佛與露柱相交。是第幾機。乃喝一喝。記得僧問古德。如何是祖師西來意。古德云。東籬黃菊。僧云。意旨如何。古德云。九日重陽。若是恁麼會。未夢見祖師西來意。在。忽問龜峰。如何是祖師西來意。東籬黃菊。意旨如何。九日重陽。直是恁麼會。始得直饒會得。正好打折驢腰。

上堂。知之一字。衆妙之門。喝一喝云。是何言歟。利刃有蜜。舐之有割舌之傷。蠱毒之鄉。水也不得沾他一滴。昨日與麼事。不獲已。今日與麼罪。過彌天。忽有箇漢出來道。也是作賊人心虛。便好與他劈胸一拳。何故免教伊向語脉裏著到。

謝新舊知事上堂。衲僧用處。鵝眼難窺。掀翻諸祖。葛藤扶豎。叢林保社。或進或退。或卷或舒。劍刃上翻身。冰凌上走馬。臨機縱奪。互顯主賓。豎去橫來。通身手眼。則故是。只如興化打克賓。罰底鑽飯。青平架籬木杓。還撈提得上也。無這裏。個儂分明。許汝具衲僧眼。

其或未然。曹源水急。迦葉峰高。

臘八上堂。明星覲著。眼睛枯絕。後何曾得再蘇。堪笑堪悲。緣底事。一年一度被茶糊。

上堂過去諸如來。斯門已成就。三生六十劫。見在諸菩薩。今各入圓明。墮坑落塹。未來修學人。當依如是法。矢上加尖。

爲施主陞座說偈。弋陽溪上諸檀越。勇猛精進難比況。年年歲歲入山來。總是如來親眷屬。如來法身等虛空。隨彼願心而顯發。譬如月輪出霄漢。照耀一切衆生。前衆生性水無有邊。我此一月能普現。水靜而清現全體。月非取水而遽來。水動而濁無定光。月非捨水而遽去。水有清濁有動靜。月無取捨無去來。於無取捨去來中。不見清濁動靜相。既無清濁動靜相。一一含攝無有餘。我心佛心衆生心。心佛衆生本平等。佛子當作如是觀。卽獲世間諸利益。歲夜小參記得死心和。尙云叢林小參謂之家訓。莫是談玄說妙。舉古明今。五日上堂。三朝入室。麼錯。莫是行須緩步。語要低聲。嚴淨律儀。精持戒行。麼錯。莫

是行棒行喝吞栗棘蓬。透金剛圈。輟雪峰毬。擔睦州板。麼錯。衲僧家出一叢林。入一保社。箇箇頂門具眼。人人肘後有符。見自己如生冤家。聞禪道如風過樹。有時孤危壁立。線路不通。有時合水和泥。縱橫十字。逢佛殺佛。逢祖殺祖。造地獄業。結無間因。馬領驢頭。神頭鬼面。終日坐而未嘗坐。終日行而未嘗行。終日著衣未嘗挂。一縷絲終日喫飯未嘗咬。一粒米卷舒出沒蕩蕩。無拘如水上葫蘆。觸著便動。拶著便轉。轉輾地如何近傍。如何湊泊。直饒三世諸佛。歷代宗師。古往今來。大善知識。各各現三頭六臂出來。只得拱手歸降。檢點將來。猶是守館驛。撮馬糞底見解。向衲僧門下。更買草鞋行脚。在那堪略無所證。一味虛頭。誣謗先賢。欺謾自己。等閑拶著兩脚。揜空乃以手拍膝云。噫。大丈夫兒阿誰無分。隨身契券。本自分明。若解參詳。管取青霄獨步。且轉身一句。必竟如何。舉頭天外看。誰是我般人。復舉。僧問古德。生死以何爲舟。航古德云。年盡不燒錢。有箇頭。舉似大衆。年盡不燒錢。鼠穴被蛇穿。直饒玄會得。對面隔西天。

讚頌

讚密庵禪師

狠毒肝腸生鐵面。具滿口鄉談。唱喏破句。滅臨濟正宗。起東山門戶。恁麼出世爲人。未免秤鎚蘸醋。

題廬山楞伽院

蘇內翰木三五筆。李夫人竹一二竿。會得楞伽印心法。不應來作畫圖看。

題廬山圓通

水聲山色裏。猿嘯月明天。喚作圓通境。更參三十年。

題烈山

舟船來往此登臨。酌酒燒錢慮轉深。大抵人心自礙。嶮心空山嶽自平沈。

題長干塔

舍利無端應念來。浮圖平地擁崔嵬。當年不假金錢。力爭得光明踞九垓。

送雪峰化主

三球輾動錯流傳。大用何曾得現前。千五百僧無賴。放累人走得脚皮穿。

送聞兄持鉢

聞聲悟道鳥投籠。祇麼無聞道未充。利劍拂開怪怪穴。全身輾入是非叢。脚頭脚尾無虛弁。山北山南有路通。一笑歸來能事畢。眞金百鍊見全功。

送觀禪客

西湖江邊話別時。斷頭船子疾如飛。白拈手裏分賊去。臨濟休誇小厮兒。

送道者幹闌溪橋


萬古闌溪上。無風浪拍空。路窮橋斷處。看子展神通。贈不欺信公監絕餘杭接待。

衲僧自有通人愛。笑捏空拳開接待。十字縱橫古路頭。做成活計潑天大。阿呵呵也奇怪。是聖是凡俱捉敗。接取一箇半箇來。要與叢林作殃害。

曹源和尚語錄終

痴絕道冲禪師語錄

宋
•
智 痴
絕
道
冲
等 撰
編



癡絕禪師語錄序

徑山癡絕禪師既示寂其徒了源以師平生提唱語一編示錫山允焞曰子知吾師者蓋爲叙引以傳余晚識師得其數語受用因不復辭余觀近世尊宿語錄多成窠臼惟癡絕師獨較些子蓋其得處超軼用處灑落故平生室中不許人下語專以此著羅龍打鳳而學者鮮能湊泊門庭高峻屹然宗匠之靈光今也則亡徒存劒迹非其種草執識苦心必有護持流通久遠矣。淳祐辛亥端午日木石序

癡絕和尚語錄目次

序

卷上

嘉興府報恩光孝禪寺語錄

建康府蔣山太平興國禪寺語錄

雪峯崇聖禪寺語錄

慶元府天童景德禪寺語錄

臨安府景德靈隱禪寺語錄

平江府覺城山法華禪寺開山語錄

臨安府徑山興聖萬壽禪寺語錄

普說

法語

讚偈頌

卷下

普說

法語

龜銘

行狀

跋

補遺

癡絕和尚語錄卷上

癡絕和尚住嘉興府報恩光孝禪寺語錄

侍者 智沂 編

師於嘉定己卯五月二十日入院

指三門云我此一門全無肯路是汝諸人如何進步

乃彈指一下云入

入佛殿云孰名爲佛禮者是誰設或未辨端倪看四

稜場地謾汝諸人去也便禮拜

據方丈云大凡據此床榻提持箇事如孫武令商君

法有死無犯。然雖如是。盡法無民。

指法座云。正令當行。十方坐斷。作禮須彌燈王。討什麼。婉祝。聖罷。復拈香云。三世諸佛。盡力提持不起。歷代祖師。瞻仰有分。諸方老宿。卒討頭鼻不著。獨有二十年前。鄱陽東湖曹源老人。較些子不免當陽拈出一任。天下人貶剝。便就座。僧問。古人道。且向未相見。已前薦取。還有爲人處也。無師云。無爲人處。進云。劒甲未施。賊身已露。師云上座。敗闕愈甚。進云。學人今日未問。答已前。與和尚相見。還相契麼。師云。劒甲未施。賊身已露。進云。作家宗師。師云。不要茶糊人好。進云。和尚未見曹源時。如何。師云。遂寧出鉢孟。進云。見後如何。師云。鉢孟口向天。進云。見與未見時。如何。師云。三人證龜成鱉。進云。捉敗這新長老了也。師云。賊賊僧禮拜。師齋拈拄杖示衆云。拄杖頭邊。宇宙空去。留千聖覓無蹤。直饒未舉知端的。猶隔白雲千萬重。乃豎起云。看看世界未形。生佛未具。已前底消息。盡在這裏。冲上座。尋常只獨善其身。可曾拈出今日人天普集。既遇至鑑。難逃不免當陽。揭示與盡大。

地人同一受用去也。乃於左邊卓一下云。這裏見得徹去。把定佛祖咽喉。右邊卓一下云。這裏見得徹去。穿天下衲僧鼻孔。乃於中間卓一下云。這裏見得徹去。堪報不報之恩。共助無爲之化。正當恁麼時。且道功歸何所。乃當面劃一劃云。三邊喜得渾無事。四海謳歌賀太平。復舉羅山入院上堂。纔攬衣欲坐。便云。珍重良久。却回云。未識底。近前來。時有僧纔出禮拜。山云。也大苦僧禮拜起云。某甲咨。和尚。羅山便喝出師云。垂釣四海。只釣得龍。羅山老人當時珍重。便休。却較些子及乎。却回道。箇未識底。近前來。心肝五臟。盡被這僧覷破。然雖如是。大高群象。正海闊百川朝。

當晚小參。問答罷。師云。塵榻提國。乃拍禪床一下云。親行此令。若是磨霄俊鶻。自合知時。其或尙留觀聽。冲上座。不惜這一條窮性命。子將三百六十骨節。八萬四千毛竅。盡情打開。颺在鬧市叢中。左眼半斤。右眼八兩。在衲僧無星秤子上。秤斤定兩。一點瞞諸人。不得便見。新光孝敗缺不同。小小其或未然。快便難。

逢更謾諸人一上去也。復拍禪床一下云。且置是事。復舉寶公令人傳語。思大云。何不下山教化衆生。一向目視霄漢。作什麼思。大云。三世諸佛被我一口吞盡。何處更有衆生可度。師云。寶公教人作竊。不是好心思。大口欸未招。賊物先露。二大老雖則名喧宇宙。價重一時。點檢將來。驚拈拄杖卓一下云。總未知有這一著在。

上堂。盡乾坤大地。無絲毫許大。是汝諸人橫擔拄杖。繞四世界行。脚道我無處不到。無事不知。且道。西天那蘭陀寺戒賢論師。今日說什麼法。便下座。

上堂。舉風穴示衆云。若立一塵家國。興盛野老。攀蹙不立。一塵家國。喪亡野老。謳歌於此。明得闍梨無分。全是老僧。於此不明。老僧即是闍梨。闍梨與老僧亦能迷却。天下人亦能悟却。天下人欲識闍梨麼。左邊拍一拍云。這裏是欲識老僧麼。右邊拍一拍云。這裏是師云。揖讓之水。尚汚牛腹。干戈之粟。豈可溷夷齊之口。這裏覩破光孝。敗缺處。便見風穴老人。未有主在。只如左邊一拍。卽且止。右邊一拍。落在什麼處不。

是張華眼。徒窺射斗光。下座。

上堂。十字街頭有條活路。沒量大人不知落處。無落處。擬欲追蹤西天。此土。

上堂。衆生爲解礙菩薩。未離覺。驚召大衆云。還會麼。隘與不恭。君子不由也。

上堂。窮則變。變則通。拈燈籠向佛殿裏。將三門向燈籠上。則是人知。有只如文殊是七佛之師。因什麼出。女子定不得。

中秋上堂。驚拈拄杖云。今日中秋節。拄杖爲人切。劃一劃云。撥開千嶂雲。打一圓相云。放出一輪月光。未生時。薦得親。依然眼裏重添屑。靠拄杖下座。

上堂。舉廓侍者問德山。從上諸聖。向什麼處去。山云。作麼作麼。廓云。勅點飛龍馬。跛驚出頭來。山休去。明日浴出廓。過茶與山。山指廓背云。昨日公案如何。廓云。這老漢。今日方始驚地。師云。編虎鬚。揀虎尾。則不無。這僧幾不免於虎口。老德山雖則徹底放憨。要且瞞光孝。眼不得。

上堂。盡大地是諸人本來面目。因什麼眼不見鼻孔。

直饒個儼分明。未免錯認驢鞍橋。作阿爺下領。且世界未立。父母未生。已前如何通信。良久云。少年曾決龍蛇陣。老倒慵聽稚子歌。

謝首座藏主維那上堂。砧椎未動。已前一大藏教。字義炳然。三世諸佛。口挂壁上。正當恁麼時。且道是誰家風月。人天眼目。古今勝樣。便下座。

上堂。凡所有相。皆是虛妄。懷州牛喫禾。益州馬腹脹。若見諸相非相。卽見如來。一切難捨。無過已財。嘉舉拂子。召大衆云。釋迦老子來也。還見麼。良久云。巡堂喫茶去。

上堂。舉達磨大師頌云。吾本來茲土。傳法救迷情。一華開五葉。結果自然成。師云。以左道惑民。必殺無赦。然雖如是不因。柳毅傳書信。爭見龍王宮殿深。

久雨上堂。拈拄杖。畫圓相。召大衆云。還見麼。赫日當空。擲下拄杖云。群陰自伏。便下座。

上堂。舉法眼示衆云。盡十方世界。皎皎地無一絲頭。若有一絲頭。卽是一絲頭。師云。歷相六國。未是良謀。餓死首陽。豈爲奇策。古人鬼家活計。爲諸人點破了。

也。還知光孝立地處麼。良久云。縣古槐根出。官清馬骨高。

源首座至上堂。一不得向二。不得背絲毫。及不盡古鏡生瑕。額裏拈拄杖云。拈起鐵蒺藜。卓一下云。一時俱擊碎。擲下拄杖云。從教大地黑漫漫。它家自有通人會。

上堂。會則事同一家。拍禪床一下云。且道浮幢王刹海外。還有這箇消息也。無不會則萬別千差。禪僧家行。但行坐。但坐。萬別千差。有什麼過。良久云。參。

上堂。盡大地是諸人自己。草芥人畜。向甚處著。直饒見得透脫。正是老鼠孔裏作活計。左邊拍禪床一下云。拈向這邊著。只如常啼菩薩。賣却心肝。畢竟教誰學。般若良久云。罪不重科。

上堂。正人說邪法。邪法悉皆正。邪人說正法。正法悉皆邪。嘉召大衆云。與其譽堯而非桀。孰若兩忘而化於道。然雖如是。時人應笑我。解笑者還稀。

聖節上堂。瑞慶聖節。不免講一遍。人王護國經。祝延聖壽。乃豎起拂子。召大衆云。將釋此經。大分爲二。以

拂子擊禪床左邊云。初解題目。右邊擊一下云。後釋本文。以拂子中間點一點云。本文之中分之爲三。其三者何。擲下拂子叉手而立。萬歲萬歲萬萬歲。上堂上士一決一切了。打野樵漢有什麼限。中下間之多不信。遶四天下覓箇不信心。底直是萬中無一。何故清茶淡話。難爲友。濁酒狂歌。易得朋。

建康府蔣山太平興國禪寺語錄

建康府清涼山廣慧禪寺住

持嗣法門人 悟開 等編

指三門燒香。召大眾云。要入此門。初無方便。須是諸人脚尖。具眼。苟或未然。客情步步隨人轉。入佛殿。以香指佛云。古釋迦不先自指云。今彌勒不後。乃燒香云。禮拜燒香。一線通從。教笑破衲僧口。方丈據坐。顧視大眾云。摩竭提國親行此令。盡大地人喪身失命。且道。新蔣山眉毛在麼。喝一喝。便起。指法座云。坐斷毗盧頂。踏翻千差路。須彌燈王無插足處。乃驟步登座。拈香祝。

聖罷。乃歛衣就坐。僧問。記得興化開堂示衆云。此一

瓣香本爲三聖三聖爲我太孤。意旨如何。師云。款出因口進云。只欲承嗣大覺大覺爲我太賒。又作麼生。師云。再犯不容進云。後來道若不得大覺打我。爭見臨濟在黃蘗處。喫棒底消息。齊師云。敗缺愈甚。進云。祇如臨濟在黃蘗處。得箇什麼。師云。踏著秤鎚硬似鐵。進云。既是大覺處。喫棒因什麼。嗣佗臨濟師云。知恩方解報恩。進云。未審師唱誰家曲。宗風嗣阿誰。師云。上座耳聾。那進云。和尚是得一翳力得曹源力。師云。一任天下人貶剝。進云。不因夜來鴈爭見海門秋。師云。賊賊進云。作家宗師。便禮拜。

師廼云。瓶錫當年寄此間。山雲冉冉水潺潺。而今重到經行處。一會水雲猶儼然。記得二十年前在此從。寶公大士處。得一段奇特。因緣大包剎海而無間。細入隣虛而不遺。以之安時處順。目視霄漢。則泰然自足。以之應人接物。裁事制變。則綽然有餘。當時理會不得。如今理會得也。准擬略露些兒。應箇時節。纔入門來。被鐘魚鼓板惑亂。一上卒討頭鼻。不著。縱有通天作略也。無施展處。然雖如是。誰言十壁無人鑑我。

道驪珠到處晶

復舉與化示衆云。我逢人則出。出則不爲人。三聖道。我逢人則不出。出則便爲人。後來真淨和尚云。看這兩箇。老古錐。竊得臨濟些子活計。各自分疆列界。明眼衲僧。只得好笑。師云。真淨恁麼批判。只知其一。不知其二。亦使明眼衲僧。只得好笑。殊不知二大老。共出隻手。破壞臨濟正宗。分文不直。且道新鍾山恁麼批判。還免得明眼衲僧笑也。無試請辨看。

當晚小參。僧問。要得寶山寶。須透圓悟。關情知是衲僧分上事。因甚十箇有五雙。向這裏透不過。師云。却較些子。進云。透關須是透關眼。得寶還佗別寶人。師云。正好喫棒。進云。如何是圓悟。關師云。盡大地人透不過。進云。如何是寶山。寶師云。一鎚擊碎了也。進云。今日一會盡是透關者。已得寶山寶。且道和尚還肯也。無師云。三十年來罕逢此問。進云。選佛若無如是眼。假饒千載亦奚爲。師云。知心能幾人。僧禮拜。師廼云。圓悟一關。天下險。寶山有寶。世間稀。透得關來。探得寶。猶落吾家第二機。所以道。透關須具透關。

眼得寶。須還別寶人。具透關眼。是別寶人。始能透圓悟。關得寶山寶。便可出得一切險難。過得一切誚詈。以自己寶藏。賑濟孤貧。終不將真珠作豌豆。然雖如是。忽若被蔣山推倒。圓悟關擊碎。寶山寶。當恁麼時。設使諸人。總具透關眼。盡是別寶人。到這裏。一箇伎倆。也用不著。何故。千峯勢到巖邊止。萬派聲歸海上消。

復舉法燈和尚示衆云。本欲深藏嚴竇。遯隱過時。爲清涼老人有未了底公案。不免出來爲伊了。却有僧出問云。未審清涼老人有甚不了底公案。燈拈拄杖打云。祖禪不了殃及兒孫。僧云。過在甚麼處。燈云。過在我殃及爾。師云。大凡宗師家。不出則已。出則無不了底事。看佗法燈。爲清淨了不了底公案。直是三生六十劫。冲上座本志。亦然盡爲曹源老人有不了底公案。不免出來爲伊了。却有僧出。便歸方丈。忽若道三生六十劫。只對佗道。却許你具一隻眼。上堂。其爲也。形。薰拈拄杖云。只這箇是拄杖子。其寂也。冥。豎起拄杖。召大衆云。看看穿却。爾鼻孔。換却。爾。

眼睛三十年後悟去始知拄杖功不浪施。靠拄杖下座。

壽慶聖節。上堂。聖子問安。恭致采闌之養。鞋賓紀月。慶鍾毓瑞之辰。厚載有光。羣情胥悅。所以道振法雷。擊法鼓。布慈雲。兮洒甘露。只將此法爲全提。世世願爲諸佛母。

上堂。僧問。心佛及衆生。是三無差別。如何是過去心。師云。放待冷來看。進云。如何是見在心。師云。偏問我。答進云。如何是未來心。師云。後次上堂。向偏道進云。如何是過去。佛師云。去年梅。進云。如何是見在。佛師云。今歲柳。進云。如何是未來。佛師云。顏色馨香依舊。進云。如何是過去。差別智。乃以拂子擊禪床。左邊進云。如何是見在。差別智。復以拂子擊禪床。右邊進云。如何是未來。差別智。師以拂子中間點一點。進云。心佛衆生。無向背。十方刹海。一毫收。僧禮拜。師乃云。過去心不可得。見在心不可得。未來心不可得。三世既不可得。喚什麼作差別智。若人見得徹去。便見三世諸佛。無一時不在諸人頂額上。轉大法輪。更來這裏。

挨肩並足。討什麼碗。以拄杖一時趕散。

中秋上堂。舉西堂百丈南泉。隨侍馬祖。詵月次。大師云。正當恁麼時。如何。西堂云。正好供養百丈云。正好修行。南泉拂袖便行。大師云。經歸藏。禪歸海。惟有普願獨超物外。師云。知子莫若父。三大老。描盡家私。向馬大師。無星秤子。上秤斤定。兩初無輕重之殊。因什麼却道普願獨超物外。且道。請訛在什麼處。

上堂。盡大地只作一句道。却省錢。易飽喫了。還饑直饒。披剝萬象。一一死盡。根源。蔣山有棒。未到。饒喫在。何故出身。猶自可脫。體道應難。

上堂。舉曹山示衆云。被箇什麼人帶累。直得論劫不聞佛法。師云。吾常於此切。強上座云。佗自不信。三寶有什麼人累得。佗師云。不是苦心人。不知聳上座云。彼中無佛法。可聞。師云。佗亦無耳。曹山云。莫是無人傳到彼中麼。師云。設有人傳。佗亦不受。聳云。不是無人傳。只是非佗本有。師云。既非佗本有。且道。佗尋常受用箇什麼。山云。如是如是。師云。賺殺一紅人。師復召大衆云。是則是麒麟祥鳳。瑞世非珍。擲地金聲。賢。

者不實曹山門下足可觀光。衲僧門下更買草鞋行脚始得。

上堂達磨大師向少林堆堆地冷坐九年不妨令人疑著。及乎爲二祖說安心法性命落在天下人手裏。至今無人點檢得出。然雖如是一度被蛇傷怕見斷井索。

請旌忠和尚充首座上堂舉黃蘗禪師在南泉會中作首座。一日捧鉢孟於南泉位中坐。泉入堂見乃問。上座甚年中行道。黃蘗云。威音王已前。泉云。猶是王老師兒孫。在下。去。纔便捧孟於第二位坐。泉休去。師云。黃蘗譬如關羽直入百萬軍陣裏獨取顏良頭。其奈南泉具網羅。天下英雄底籌略不動干戈太平坐。致蔣山正要箇人向鉢位裏坐下。座同大眾虔誠勸請。

上堂須彌可裂海水可竭。若論此事寧可截舌。

上堂舉明招到招慶有度上座問云。羅山尋常道諸方盡是麤飯。唯有羅山一味白飯。兄從羅山來却展手云。白飯請些。子明招打兩掌度云。將謂是白飯元

來祇是麤飯。明招云。癡人捧打不死。度到夜間舉似諸禪客。次明招近前云。不審度云。今日便是這箇上座下兩掌。時有瑫上座云。不用下掌。就裏許作麼生。道明招云。就裏許也。道道瑫無對。明招云。是箇諸人一時縛作一束倒卓向尿隄下來。日相見珍重。師云。明招雖則如善戰者攻城略邑。所當者摧所嬰者靡。點檢將來未免逞俊太過。暗中落節。當時度瑫二上座若善臨機應變。明招也著倒卓在尿隄下。且道是肯明招不肯明招。

上堂舉雪峯敲老觀和尚門觀云。誰峯云。鳳凰兒觀云。作什麼峯云。鵲老觀觀便開門。雪峯方入被觀把住云。道道峯擬議。觀推出師云。諸方盡道老觀門牆壁立。殊不知門未開時已被雪峯吞却了也。因什麼却道我當時若入得老觀門。偏這一隊噇酒糟漢。尙甚處摸索。師云。一等是放憨賣峭。就中較些子。有老宿云。雪峯徒有此語。當時入不得。如今也入不得。師云。若不是箇老宿深辨端倪。爭見雪峯功高汗馬。雪寶云。這辜恩負德漢。有甚交涉。當時入不得。豈是教

偏入今既摸索不著累。佗雪峯俱在老觀門下。師云。雪竇雖則盡力扶豎。雪峯未免蹉過老宿。

上堂。方丈屋損。寢處不得常住。乏糧著衆不得舊通。積如海無錢還不得大道。在目前有口說不得。若人透此四重關。堪與諸方爲軌則。趙州親見老南泉。觀音院裏有彌勒。

上堂。舉洞出示衆云。這裏直須是句句不斷始得。如長安路上。諸道信耗不絕。若有一道不通。便是不奉於君。此人命似懸絲。師云。李陵生陷虜庭。蘇武牧羊海上。是奉於君。不奉於君。長安路上信耗是通。是不通。若人辨得。自可隨處作主。坐致太平。若不然者。命似懸絲。

上堂。聞擊竹而悟道。灼然不會。祖師禪見桃花而不疑。敢保老兄猶未徹。大底真金百煉。要須本分錯錯。蔣山今日當爐。不避火。進敢道。仰山立沙。不曾夢見香巖靈雲。汗臭氣在。

上堂。舉夾山與定山同行。定山云。生死中無佛。卽無生死。師云。黑牛臥死水夾山。云。生死中有佛。卽不迷。

生死師云。賴馬繫枯椿。二人互相不肯。同上大梅夾山。乃問云。不知那箇親。那箇疎。師云。自家肚皮自家劃休。聽傍人把釣竿。大梅云。一親一疎。師云。作家宗師。天然有在。夾山云。未審那箇親。師云。這漢瞌睡。猶未醒。在大梅云。且去。明日來。師云。喚不回頭。爭奈何。夾山來。日上。方丈再問。師云。果然寐語。大梅云。親者不問問者。不親師云。殺人不用刀。活人不用劍。夾山住院後云。我當初在大梅失却一隻眼。師云。貧人思舊債。復召大衆云。是汝諸人。還知大梅老子落處麼。良久云。辨龍蛇兮。眼何正。擒虎兇兮。機不全。

上堂。見前立少物。乃豎起拄杖云。且道這箇是物。不是物。謂是唯識性。切忌喚這箇作拄杖子。以有所得。故不喚作拄杖子。喚作什麼。非實住唯識住著。卽錯。驚召大衆云。假使重重剝得盡。乃卓拄杖一下云。金剛寶劍未饒伊。

上堂。舉鹽官國師。一日喚侍者云。與我將犀牛扇子來。師云。雖是閑家。潑具要且欠佗。不得侍者云。扇子破也。師云。若不破。堪作何用。國師云。還我犀牛兒來。

師云。貧兒思舊債。侍者無對。師云。若不是這侍者。幾錯祇對。投子云。不辭將出。恐頭角不全。師云。投子要與侍者活一隻眼。要且蹉過侍者。雪竇云。我要不全底頭角。師云。大小雪竇。跳侍者圈。續不出。石霜云。若還和尚。卽無也。師云。尾巴已露。雪竇云。犀牛兒猶在。師云。其柰頭角不全。資福畫一圓相。中間書一牛字。師云。草本不勞拈出。雪竇云。適來爲什麼不將出。師云。事在保福云。和尚年尊。別請人好。師云。只恐難爲別人雪竇云。可惜勞而無功。師云。不爲分。外師。驀召大衆云。箇一隊老漢。若教佗親得。犀牛扇子受用。終不恁麼窮煎餓炒。汝等諸人。還曾得受用也。無各請歸堂點檢看。

上堂。舉米倉和尚。有僧來參。遶禪床三匝。擊禪床云。不見主人。翁更不參堂去。米云。情識甚處去。來僧云。果然不在米。便打僧云。幾落情識。呵呵大笑。米云。村草步頭逢著一箇。有甚語處。僧參堂去。師云。這僧慣經行陣。進退坐作。不失其宜。其柰輾入迷魂寨裏。轉身無路。米倉審敵勢之虛實。縱奪可觀。要且不能破。

其巢穴。棲其種類。是致敵心愈驕。若在蔣山手裏。又且如何。支遣拍禪床一下云。參。便下座。

上堂。□□□叙語竟。乃召侍者云。我適來說什麼。侍者擬對。乃云。大衆分明記取。舉似作家。便下座。

上堂。舉高亭和尚。參德山。隔江見德山。在江岸坐。乃隔江問訊。德山以手招之。高亭忽然開悟。便橫趨而過。更不渡江。師云。德山有含沙射人之毒。高亭一中。更不再活。

上堂。舉永明壽禪師。因二僧來參。乃問參頭云。曾到此間否。僧云。曾到。又問第二上座云。曾到此間否。僧云。不曾到。永明云。一得一失。少間侍者云。適來二僧未審。那箇得。那箇失。永明云。爾曾識這二僧也。無侍者云。不識。永明云。同坑無異土。師云。到與不到。一得一失。不是砒霜。便是石蜜。舌端無眼。如何喫侍者。剛要詢端的。莫恁同坑無異土。閃電未收轟霹靂。上堂。正法眼藏。自靈山錯付。飲光之後。遞代相承。將錯就錯。然刺鴻鐘之劍。不剗机之上肉。若善操其柄。則正法眼藏。付囑有在。

上堂拈拄杖召大眾云。還見麼。豎拄杖云。豎窮三際。橫按拄杖云。橫亘十方。卓一下云。千言萬語無人會。擲下拄杖云。又逐流鶯過短牆。

源首座至上堂。舉顯英首座見慈明。明問云。近離甚處。英云。金鑾明云。夏在甚處。英云。金鑾明云。去夏在甚處。英云。金鑾明云。前夏在甚處。英云。和尚何不領話。明云。我也不會。勸得。備教庫下供過兒子來。勸且點一碗茶與備濕口。師云。慈明雖則候門似海深。來者不拒。英首座是則是客路。如天遠行。不留蹤。只如慈明道。我不會。勸得。備且點一碗茶與備濕口。意在於何路。逢劍客須呈劍。不是詩人不獻詩。

上堂舉馬大師道。維漢聞見佛性。菩薩眼見佛性了。達無二名平等性。師云。蔣山著一隻眼。要與馬大師相見去也。天神歸天地。神歸地。錢歸庫。馬歸槽。仰望虛空。伏惟珍重。便下座。

行履畝法上堂。山前一片閑田地。師云。物見主。眼卓豎叉手。叮嚀問祖翁。師云。自家本來契券。何在幾度。

賣來還自買。師云。磬聲斷後。不得翻悔。爲憐松竹引清風。師云。利動君子。東山敗缺。已被蔣山點破了也。且道蔣山敗缺。還有人點檢也。無良久云。我皇有勅。大赦咸放。

上堂舉晦堂謂圓悟云。勤兄。近日如何。悟云。起滅不停。晦堂云。可知。博地凡夫。我二十年前也曾恁麼來。而今會也。脚尖頭也踢出一箇佛。師云。非起滅不停。底博地凡夫。安能脚尖頭也踢出一箇佛。果然。脚尖頭踢出一箇佛。始是箇起滅不停。底博地凡夫。地靈步步。雪山草僧。寶人人。滄海珠。

上堂黃梅意旨。會佛法人。不得臨濟正眼。向這瞎驢邊滅。只此兩著。殃害天下。禪僧求生不得。死不得。死因思鐵觜。老禪和解道。先師無此語。

上堂舉僧問石頭如何。是禪頭云。碌磚如何。是道頭云。木頭。師云。明水大羹。鮮能知味。飽土草木。罕遇知音。

上堂枯木龍吟。一切音響俱絕。觸體眼活。一切色相皆空。觀著即瞎。聽著即聾。堪笑觀音大士。無端也證。

圓通

謝化士歸上堂舉僧辭大隋。隋云甚處去。僧云下山教化去。隋云盡大地是吾檀。越。僧向其處化。僧云便請疏頭。隋云。僧去未得。在師云。大隋有射鵰之手。箭不虛施。這僧具嚙鐵之機。當鋒咬住。因甚麼大隋却道。僧去未得。在良久云。真金若不經爐鞴。爭得光華徹底鮮。

上堂舉僧辭趙州。州云甚處去。僧云雪峯去。趙州云若問和尚有何言。句。僧作麼生。祇對僧云却請和尚。道。師云這僧雖善倒轉鎗頭。未免鋒刃不利。州云冬言寒。夏言熱。又問僧云忽然問畢。竟事作麼生。僧無語。州云但言親到趙州來。不是傳語。漢師云總道趙州向這僧面前呈款。殊不知就中有吞併天下英雄之謀。僧後到雪峯。峯云甚處來。僧云趙州來。峯云有何言。句。僧舉前話。師云傳言送語也未得。在峯云須是趙州始得。師云口甜心苦得人憎。復召大眾云當時這僧若具未舉先知底眼目。二大老須向他手中乞命。然雖如是。趙州關險人難透。雪嶠峯高路不通。

上堂大修行人爲魔所攝。大闡提人爲佛所持。非佛所持。不足以爲魔。非魔所攝。不足以爲佛。如是則魔即佛之體。佛即魔之用。體用交徹。魔佛無差。是山皆有寺。何處不爲家。

上堂夜來夢見臨濟德山棒如雨點。喝似雷奔。開得眼來。元是雷雨交作。今日陞堂。舉似大眾。二大老威靈氣。燄凜然在目。諸人還會。夢見麼。苟或未然。它日雷雨交作之時。或一箇半箇痛入骨髓。轟破觸骸。切莫錯恠蔣山好。

上堂此心猶未了。滴水也難消。且道如何是此心。乃拍禪床一下。汝等諸人若向這裏了。去日銷萬兩黃金。未爲分外。因甚白雲祖師道日銷萬兩黃金。底我這裏不著。且道節文在甚處。良久云澤廣藏山。理能伏豹。

上堂是著卽錯。不是猶乖。一擊萬重關鎖。開老盧不會轉身句。便道明鏡亦非臺。

上堂未有無心境。曾無無境心。古人恁麼告報。抓頭不知痒處。設使心境俱空。嚼鐵負鞍。有日在驚拈拂。

子召大衆云。這箇是境。喚什麼作心。良久云。自是不歸歸。便得五湖煙浪有誰爭。

雪峯崇聖禪寺語錄

指三門云。有三千里外。定請訛底眼目。始可入得此門。苟或未然。且隨新長老。脚跟後轉。佛殿燒香云。我與釋迦老子。有不共戴天之讎。今日爲什麼燒香禮拜。不是冤家不聚頭。方丈據坐云。祖師門下。絕人行深險。過於萬丈坑。垂手不能空費力。任佗堂上綠苔生。然雖如是。官不容針。私通車馬。

陞座拈香祝。聖罷次拈香云。密庵緘題甚密。聲愈四馳。曹源未達其源。價增十倍。爇向爐中。普使聞者。悉爲離對。遂斂衣就座。

僧問。遠離鐘阜。來至雪峯。如何是不動尊。師云。在路四十日。進云。大好不動尊。師云。侵早行。遇晚宿。進云。也知和尚慣用此機。師云。備爲什麼。不會進云。正是學人得力處。師云。瞞新長老。眼不過進云。和尚未見曹源時。如何。師云。漳泉福建。頭匾似扇。進云。見後如

何。師云。只可聞名。不可見面。進云。見與未見。卽且置。今日開堂祝。望一句作麼生。道師云。一人有慶。兆民賴之。僧云。恁麼則知恩報恩去也。便禮拜。師乃云。曾郎坐斷象骨峯。不通水泄。寶公不下鍾山頂。來占封疆。杖頭刀尺。自隨身。此界他方。歸掌握。既歸掌握。縱奪自由。法隨法行。法幢隨處建立。所以道。建法幢立宗旨。明明佛勅曹溪。是古人恁麼告報。大似三家村裏教人。順朱阿誰。不會不會。卞玉無瑕。驪珠絕類。法幢宗旨。佛勅曹溪。拍禪床一下云。盡向這裏。一時粉碎。好箇清平世界。便恁麼去。皇恩佛恩。一時報畢。帝道祖道。並行不悖。休云。世上少知音。佗家自有通人愛。復舉世尊一日陞座。文殊白槌云。諦觀法王法。法王法如是。世尊便下座。師云。世尊捨已。從人文殊。隨邪逐惡。當時百萬衆中有箇出來。揅掌呵。呵大笑。管取文殊白槌。亦不得。世尊下座。亦不得。且道。請訛在甚麼處。試辨看。

當晚小參。七十歲人。尙把佗家杓柄。三千里路。歷盡多少山川。山僧在金陵十四年。收拾得些戲具。幾度

腰包包不盡。數回擔籠難安。只得就海道裏運來。淮擬向大頂峯前逢場作戲。豈謂一陣業風吹入雪峯山裏。子細檢點海道運來底。總是諸方用過了科段。不免據見成公案。應箇時節去也。聖箭未發已前。九重城裏人皆仰望。三軍不動之際。通霄一路誰不共行。諸人聞得定是冷地裏失笑。忽若拗却聖箭。振轉路頭。放出南山一條鱉鼻。把盡乾坤大地情與無情。一口吞却衆中或有箇漢。自有轉身活路。始是好笑。然雖如是。毗婆尸佛早留心。直至于今。不得妙得。學雪峯示衆云。烏石嶺與汝相見了也。望州亭與汝相見了也。僧堂前與汝相見了也。保福問鵝湖云。僧堂前則且置。烏石嶺望州亭甚處相見。鵝湖驟步歸方丈。保福入僧堂。師云。雪峯懸塗毒鼓。只要箇解。擊底人。鵝湖保福共出隻手。等閑一擊。聞者皆喪衆中還有活底麼。我且問爾。烏石嶺望州亭甚處相見。普請諸人下一轉語。

上堂高拋不至天。低擲不到地。南北東西無處避。帶累雪峯老人喚作南山鱉鼻。

上堂舉善侍者在大愚芝入室次。大愚趨出一隻履。善侍者退身而立。大愚俯取履。善侍者一踏踏倒。大愚便面壁點津作書。壁者三善侍者。瞪立其後。大愚旋身取履。直打至法堂。善侍者云。恁麼爲人瞎却一城人眼去。在師云。大愚提欲行不行之令。據令而行。善侍者有當。斷不斷之機。應機而斷。放過則二俱作家。檢點則二俱落節。具眼者辨取。

上堂佛高一丈。魔高一丈。月落寒潭。雲生碧嶂。不識慈氏如來。喚作布袋和尚。

上堂舉僧參雪峯。峯問甚處來。僧云。浙中來。峯云。船來。陸來。僧云。二途俱不涉。峯云。爭得到這裏。僧云。有什麼隔礙。峯打趣出。僧後十年再來。峰云。甚處來。僧云。湖南來。峯云。湖南與此間相去多少。僧云。不隔峯。舉拂子云。還隔這箇麼。僧云。若隔。爭得到這裏。峯打再逐出。師云。前面洪崖數仞。後面白刃交鋒。如何入得雪峯門。這僧住後。每見人必罵雪峯師云。這僧只知踏步向前。不知脚下有刺。後同行聞得。特去相訪。遂問。爾因什麼罵雪峯。這僧遂舉前兩項因緣同行。

痛罵爲伊點破師云。這僧死了多時。直饒點得活有甚麼用處。這僧遂悲泣。每中夜焚香望雪峯禮拜。師云。可悲。可痛。當時被同行點破之後。正好大罵雪峯。和同行趕出。始不辜負雪峯老子。山僧恁麼告報。意在於何。選佛若無如是眼。假饒千載亦奚爲。

慶元府天童景德禪寺語錄

嘉熙三年己亥十月初三日入院

指三門云。此門入則無。無不是。出則箇箇歸源。因什麼不知路頭落處。無落處要行。便行。要住。便住。

佛殿燒香云。衲僧家不著佛求。不著法求。然雖如是。在佗煙焰裏。爭敢不低頭。

踞方丈云。山僧未離福城。已著草鞋。在諸人肚裏行。千百轉了也。更來這裏討什麼。婉然雖如是。十分已是順人情。猶道山僧沒方便。

拈 勅黃示衆云。若論此事。如

聖天子施一號發一令。四方八表無不順從。更請維那當陽揭示。

指法座云。脚尖到處。四方八面。絕遮欄。活路纔通。萬

別千差俱坐斷。誰解機先著。眼看遂陞座。拈香祝聖。罷次拈香云。迦葉峯前。曹源浪裏。信手拈來。無不是。藥向爐中。只要諸人。管地問客不緣。師乃云。道本一貫。用該萬殊。昨在南園。喚作雪峯長老。今來東浙。遂爲天童主人。一來一去。雖有三千里之遙。在此在彼。且無一絲毫之間杓頭。放下一千五百善知識。無容身之地。布袋解開。千百億化身。彌勒垂應物之機。便怎麼去。達磨一宗。掃土而盡。見前一衆。總是飽參高。德天下。橫行底。衲僧這裏。著得一隻眼。活可以助唐虞之聖化。傳佛祖之妙心。便見叢林價增十倍。何故。魚龍穴下。盤根固日月。輪邊氣象高。復舉。保壽開堂。三聖推出一僧。壽便打三聖云。恁麼爲人。非但瞎却這僧眼。瞎却鎮州一城人眼去。在保壽擲下拄杖。歸方丈。師云。保壽權衡在手。施輪王生殺之機。若非三聖深辨端倪。爭見功高汗馬。其柰被這僧勘破。且道那裏是這僧。勘破處良久云。此曲只應天上有人間。那得幾回聞。

當晚小參。昔年親到。携筇曾數萬株松。今日重來。彈

指俄經四十載。雖則時移事變。其柰境與神融。池邊鷗鷺。尙識故吾門。外谿山猶呈舊面。不免入光明藏。踞妙高臺。肆大闡提。用魔王印。把從上若佛若祖。盡乾坤大地情。與無情一印。印定無一絲毫異相。無一絲毫同相。便恁麼去。昔年曾到。不曾到。今日重來。元不來到。不到來。不來是處。是慈氏無門。無善財。

復舉當山啓禪師。有僧問學人。卓卓上來請師的。的啓禪師云。這裏一扇便了。說甚卓卓的。的師云。奪賊鎗。殺賊騎。賊馬趕賊僧云。和尚恁麼答話。更買草鞋行脚。始得。師云。不是弄潮人。莫入洪波裏。啓呼僧云。近前來。僧近前。啓便打。師云。好打。直須盡大地人喫棒。方始扶豎。天童具眼者。辨取。

上堂。六憲廣戶。尙餘絕照之蹤。四衢無人。猶滯沉空之跡。照無蹤。空無跡。達磨面壁。雲門念七。

上堂。舉臨濟問新到云。什麼處來。僧云。變城濟云。有事相借問得。麼。僧云。新戒不會。濟云。盡大唐國裏。覓箇不會底也。無參堂去。師云。飯裏有巴豆。時興化爲侍者。問濟云。適來新到。是成禪伊。不成禪伊。濟云。我

誰管。懶成禪。不成禪。興化云。和尚只解將死雀就地彈。不解將一轉語。蓋覆却師云。其父攘羊。而子證之。濟云。僞又作麼生化云。請和尚作新到。濟云。新戒不會興化云。却是老僧罪過。濟云。僞語藏鋒。興化擬議。濟便打。師云。興化要向白拈手裏分賊。其柰出臨濟手不得。至晚臨濟謂興化云。我今日問新到。是將死雀。就地彈。就窠子裏打。及至僞出得語。又喝起了。向青雲裏打。師云。憐兒不覺醜。興化云。草賊大敗。師云。家肥生孝子。濟便打。師云。未是本分草料。當時在黃蘗處。如蒿枝拂相似。底拄杖。向什麼處去。復召大眾云。迷子之訣。奪父之機。二大老較些子。未免蹉過。這僧具眼者。辨取。

上堂。有一人。一念頓證。墮在佛數。有一人。累劫闡提。不願成佛。且道。那箇合受人天供養。良久云。蝶穿芳徑。雙眉濕。蜂掠殘花。兩股肥。

上堂。拈拄杖示衆云。德山棒如雨點。一棒棒痛徹骨髓。臨濟喝似雷奔。一喝喝轟破彌伽。有般漢。聞恁麼舉。如風過樹。然則良醫之門。病者愈。衆天童更作死。

馬醫卓拄杖一下喝一喝下座

權育王上堂天童用底來育王用不著育王用底歸天童用不著雖然如是用不著處用有餘一箭雙鵰隨手落

上堂摩竭掩室淨名杜口天網恢恢疎而不漏是汝諸人作麼生透

上堂從上佛祖用處如前日暴風卒雨迅雷擊電威靈氣焰不知自何而來見者無不駭愕及乎少頃風休雨霽青天白日人皆見其清明不知許多威靈氣焰又向什麼處去這般用處山僧也有些子不欲妄通消息待後次暴風卒雨之時汝等諸人急須著眼上堂舉僧參平田和尚平田打一拄杖僧近前把住拄杖平田云老僧適來造次僧却打平田一拄杖平田云作家作家僧禮拜平田把住僧云是闍黎造次僧大笑平田云這箇師僧今日敗缺也師云主家有好賓之意縱奪不失其宜賓家有尊主之心進退必由乎禮只如平田道這箇師僧今日敗缺意在於何若不酬價爭辨真假

上堂舉香巖和尚示衆云如人在千尺懸崖口嚼樹枝手無所攀脚無所踏忽有人問西來意不對則違他所問若對又喪身失命當恁麼時作麼生卽是時有虎頭上座云上樹卽不問未上樹請和尚道香巖呵呵大笑拈云法出姦生令下詐起雪竇云樹上道卽易樹下道卽難老僧上樹也致將一問來師云舞文弄法不爲好手只如香巖呵呵大笑意在於何却請諸人下一轉語

上堂坐斷十方國土天上天下獨尊底一步也行不得口吞三世諸佛世出世間俱透底一句也說不得然雖如是堪與衲僧爲軌則普化何似一頭驢臨濟未是白拈賊

上堂從上佛祖天下老宿出與於世提持箇事總是下媒求錫著餌釣魚山僧這裏無許多閑工夫是汝諸人還有無師自悟底麼

上堂有一物名不得狀不得取不得捨不得薦拈拄杖云突出天童拄杖頭橫按拄杖云倒用橫拈無軌則卓一下云歡晴達磨鬼眼睛靠倒臨濟白拈賊

謝樓司令上堂。儒士相逢。握鞭回首。全提主賓互換之妙機。不墮尋常語默之窠臼。所以道相逢不拈出。舉意便知有。且道知有箇什麼。良久云。西天四七以心傳。唐土二三親手授。

上堂。舉白雲師祖示衆云。絲毫有趣。皆能進。師云。住住。畢竟無歸。若可當師云。切忌。坐在這裏。逐日退身。行與盡。師云。墮坑落塹。驀然見得本爺娘。師云。錯認定盤星。且道如何是本爺娘。良久云。萬福萬福。什麼處不是白雲然。雖如是成人者少。敗人者多。

上堂。舉杉洋和尚問僧。什麼處來。僧云。江西來。杉洋豎起痒和子云。江西還有這箇麼。僧拓膝閉目而對。杉洋云。東家厮兒。却向西家使喚。僧云。有口不煩賓主說。杉洋云。適來患聾。而今患啞。僧云。買鐵得金。一場富貴。杉洋云。客作無功。未免逃避。僧便行。杉洋云。自累猶可。莫累老僧。僧却回禮拜。杉洋云。若不恁麼。已後喪我兒孫。師云。杉洋開大爐。鑪用惡鉗。鑪這僧是百煉精金。愈煅而愈增光焰。然雖如是。喪我兒孫。上堂。大闡提人無佛性。立地成佛。大信根人有種性。

死陷阿鼻。所以道心隨萬境轉。轉處實能幽。漢地不収秦。不管不風流。處也風流。

上元上堂。僧問。樓臺上下火。照火車馬往來人。看人多。是隨他光影轉。不知那箇解翻身。正怎麼時。如何得不隨光影轉去。師云。樓臺上下火。照火車馬往來人。看人進云。只如道百千萬億燈。皆從此燈出。且道此燈從何處出。師云。被上座一問。口似磑盤。進云。僧問雲門云。從上來事。請師提綱。門云。朝看東南暮看西北。此意如何。師云。與君把手入長安。進云。僧道便領會。去時如何。門云。東家點燈。西家暗坐。意作麼生。師云。打草只要蛇驚。進云。只如雲門道。乾坤之內。宇宙之間。中有一寶。祕在形山。乃拈拄杖云。拈三門向佛殿裏。將燈籠向露柱上。意在什麼處。師云。穿却你鼻孔。換却你眼睛。進云。畢竟如何。是形山寶。師云海神知。貴不知價。留與人間光照夜。進云。且道形山寶與此燈相去多少。師云。一不成。二不是。僧云。謝師答話。便禮拜。師乃云。樓臺上下火。照火竟一絲毫暗。相了。不可得車馬往來人看人。竟一絲毫我相了。不

可得覓一絲毫暗相了。不可得火照火處。性空眞火。歷歷見前。覓一絲毫。我相了。不可得人看人時。清淨法身明明。獨露汝等諸人。十箇有五雙。因什麼。東家點燈。西家暗坐。這裏和座盤一撥。撥翻拈三門。向佛殿裏將露柱。向燈籠上。有什麼過。只如雲門道。乾坤之內。宇宙之間。中有一寶。祕在形山十二時中。又且如何。受用海神知。貴不知。價留與人。問光照夜。復云。若論此事。譬如一燈傳百千燈。在處孤明。歷歷然。雖如是。但向已求。莫從他覓。今朝正月十五日。

上堂。一徑直。二周遮。遼天射飛鷲。平地擺魚鰕。堪笑秘魔巖。不會見人一味只擎叉。

紫籊長老到上堂。從上佛祖無法與人傳。後代兒孫會得是。障礙礙不礙。竹山鐵錫刺天飛。笑倒明州憨布袋。

上堂。舉長髭。因僧來參。遶禪床一匝。卓然而立。長髭云。若是石頭法席一點。也用不著。師云。客來須看僧。又遶一匝。髭云。是怎麼時。不易道。得箇來處。師云。賊來須打。僧便出。髭乃喚僧。不顧。師云。雖然不顧。性命

●此處比

已在長髭手裏。髭云。這漢猶少教詔。在僧却回云。有一人不從人得。不受教詔。不落階級。師還許麼。師云。不勞再勸。長髭云。逢之不逢。逢必有事。師云。利刃有蜜。祇之有割舌之傷。僧乃退身三步。師云。敗也。敗也。長髭遶禪床一匝。師云。縵天網子。僧云。不唯宗眼分明。亦乃師承有據。師云。殺人可恕。無禮難容。長髭打三下。師云。好打。直得盡大地人喫棒。始可扶得石頭法席。當時既已放過。師募拈拄杖云。拄杖在天童手裏。莫有遶禪床卓然而立底麼。良久。靠拄杖云。此擬張麟兔亦不遇。

上堂。我觀此會。從本已來。與釋迦老子同參。山河大地。色空明暗。爲汝作證。山僧到這裏。直是無插手處。是汝諸人。切不得當面諱却。

謝蔣山石溪和尚上堂。面皮擘破。喝散鍾山之雲。拄杖橫挑。窮盡天台之境。玲瓏巖下。忽相逢。一笑令人發深省。

上堂。贊戒定慧。毀淫怒癡。勝意生陷。阿鼻毀戒定慧。贊淫怒癡。喜根卽成佛道。然雖如是。高來不可低來。

不可莫是人間刺我一箇

請石溪立僧上堂。正法眼破沙盆貴。時傾國不換。賤時不直分文。不作貴。不作賤。分付石溪老子共結佛祖深冤。

育王結夏上堂。圓覺伽藍。塵塵有路。坐斷去來。頓空今古。那裏十三。這邊十五。後先不差毫髮。許可笑黃面瞿曇。至今不知落處。

上堂。無種性人。無種性。斫却月中桂。清光應更多。設復勤行精進功。不浪施終不能成。無上佛果。菩提他家。自是黃金骨。不必旃檀入細雕。

上堂。舉藥山問高沙彌云。聞說長安甚闊。師云。金將火試沙彌云。我國晏然。師云。早是干戈競起。藥山云。汝從人得請益。得看經。得師云。刺窟籠裏出頭來。沙彌云。不從人得。不從請益。得不從看經。得師云。未免依草附木。藥山云。有一人不從人得。不請益。不看經。因什麼不得。師云。却較些子。沙彌云。不是不得。只是他不肯承當。師云。承當則錯。師云。藥山雖則養子。方知父慈。若使禪僧。令行佛法。付囑有在。

上堂。古德道以理觀。唯識成佛無疑。以事觀。唯識輪回不息。天童見處。也要諸人共知。本自見成。無處回避。以理事觀。二俱不是。當怎麼時。成佛輪迴了然安寄。終日和雲占洞庭。渾家不管興亡事。

上堂。若論此事。以言其有。相不可尋。以言其無。性不可易。怎麼告報。未免帶累人向虛空裏。強分區宇。以拂子擊禪床云。有無性相。盡向這裏併疊了也。畢竟喚什麼作此事。良久云。寧可截舌。不犯國諱。

上堂。百丈遭馬祖一喝。三日耳聾。帶累後代人聽事。不真。喚鐘作甕。衆中莫有不躡前蹤。出來向獨脫處。露箇消息。看如無。莫道不疑好。

多節上堂。拈拄杖云。羣陰剝盡。一陽來復。萬彙咸亨。承化育。拄杖機輪轉。轉左邊卓一下。云。轉天關。右邊卓一下。云。回地軸。擲下云。百億分身遍剎塵。良久云。應時納祐。從人欲。

上堂。舉洞山見隱山。隱山云。此山無路。關梨從甚處來。師云。來處不明。在洞山云。無路且置。和尚從何而入。師云。却被葫蘆倒。纏藤。隱山云。我不曾雲。水師云。

草鞋錢教什麼人還洞山云和尚住此山多少時師云住著卽錯隱山云春秋不涉師云早是違時失候了也洞山云和尚先住此山先住師云顯言倒語得人憎隱山云我亦不知師云塞斷洞山口未得在洞山云因甚不知師云果然隱山云我不從人天來師云無地頭漢洞山云見什麼道理便住此山師云窮源須到底隱山云我見兩箇泥牛鬪入海直至如今沒消息師云屋破見青天召大衆云隱山勾賊破家不能擒賊却反與他供款洞山不會作客肆無忌憚頻頻聒噪主人檢點將來總欠一著當時待洞山道無路且置和尚從何而入便與白棒趕出豈止截斷洞山許多葛藤亦乃爲叢林師匠且這洞山恁麼徵詰意在什麼處良久云若不登樓望焉知滄海深驚蟄日上堂百丈於馬祖喝下耳聾臨濟於黃蘗棒頭取證譬如仲春之令蟄蟲欲作造物者驚之以雷霆汝等諸人在我這裏冷坐時節既至乃拈拄杖卓一下云不免驚之以雷霆可中還有轟開蟄戶飛騰變化底麼如無後五日雷乃發聲直須猛省靠拄杖

下座

上堂舉覆船問道吾云久嚮和尚會禪是否吾云蒼天蒼天師云若不是道吾幾遭毒手覆船近前掩道吾口云低聲低聲師云殺人可恕無禮難容道吾遂與一掌師云好掌更與兩掌不爲分外覆船云蒼天蒼天師云饑鷹爪下分餐道吾把住覆船云得恁麼無禮師云碌款結案覆船却與道吾一掌師云猛虎口裏奪肉道吾云老僧罪過師云輸本筭人未爲好手覆船拂袖便出師云雖則見機而變要且跳道吾網子不出道吾云早知如是悔不如是師云毒藥醒醐一道行復召大衆云道吾秉當斷不斷不招其亂底劍殺活自由覆船有欲行未行之機卷舒在我雖然如是且道二大老是會禪耶不會禪耶試辨看

上堂黃蘗打臨濟六十拄杖盡大地人痛入骨髓其柰不知拄杖來處若知來處正法眼藏付囑有在是汝諸人還猛省麼

上堂祕魔擎杖趙州喫茶禾山打鼓歸宗斬蛇良久

云。慣釣鯨鯢。沉巨浸。却嗟蛙步。驪泥沙。

上堂。舉教中道大通智勝佛。十劫坐道場。佛法不現前。不得成佛道。師召大眾云。衲僧門下。却較些子。何故道泰不傳天子令。時清休唱太平歌。

上堂。佛祖不到處。時人知。有時人知有處。佛祖不知。何故天高地厚。人難見。暗剖衷腸說向誰。

上堂。達磨西來。不立文字。直指人心。見性成佛。師召云。大眾弗詢之。謀勿庸。無稽之言。勿聽。然雖如是不。因樵子徑爭到葛洪家。

臨安府景德靈隱禪寺語錄

師於淳祐甲辰七月十四日入院

拈諸山并山門疏云。冲上座。幸自可。怜生。無端被諸方老宿。花孽醜惡。俱露山門兩序。雖欲掩之。而不可得。既掩之。不可得。却請首座書記。錦上鋪花去也。指法座云。千聖頂頭行一步。大地平沉一毫端。上定千差十方普會。須彌燈王百雜碎。遂驟步登座。問答不錄師乃云。道無二道。凡情聖解。兩俱忘。心無二心。此界他方。無別路。所以在天童。則四面雲山。雙沼月。自演

真乘來。鷲嶺則十里荷花。九里松。全提綱要。直得從上佛祖。天下老宿。傳不及處。行不到處。一一盡情顯露。如青天白日。相似無偏左。遮右掩處。新長老到這裏。只得口似礪盤。無插背處。不免據見成公案。坐致太平助揚。聖化壽。聖人則堯舜禹湯。祝賢佐則皐。夔稷契。帝道如日月之大明。祖道似江河之無竭。世出世間。俱超越。若人於此。徹根源。不用靈山親記別。復舉。太宗皇帝詔廬山僧。名赤脚道者問云。南方禪律。如何。僧云。究之一理。太宗皇帝下龍床。繞一匝。云。是禪。是律。僧無語。師云。太宗皇帝。德如天地之覆載。品類咸亨。用如雷電之震驚。蟄戶俱啓。這僧因什麼無語。復頌云。龍床一繞定綱宗。四海從茲信息通。但見皇風成一片。不知何處是疆封。當晚小參。大圓覺海。處處見成。自己蟻人塵塵頓現。擬心則千差萬別。無意則四海一家。無一處而不可護生。無一塵而不是禁足。那邊結制。而無結制之迹。這裏解制。而無解制之蹤。既無迹。又無蹤。昔年親到。曾爲拂袖下山人。今日重來。元是舊時。增上慢權柄。

在手殺活臨時九十日無虛弃底工夫二千年前家法猶在在在八極清風動天籟呼猿洞口聽猿啼笑倒明州愁布袋

舉洞山問雲居膺云甚處來雲居云踏山來師云脚跟未點地在洞山云阿那山堪住師云錯雲居云阿那山不堪住師云將錯就錯洞山云恁麼則國內山纔被闍黎占了也師云中問猶隔須彌山在雲居云不然師云偏要待翻款那洞山云恁麼則子得箇入路師云鉢山當面勢崔嵬雲居云無路師云四方八面絕遮欄洞山云若無路爭得與老僧相見師云過山尋蟻迹雲居云若有路即與和尚隔生也師云渡水覓魚蹤洞山云此子已後千人萬人攔不住師云緊縛有驢斷送末劫復召大眾云雲居持一白契冒充官山更得洞山老憐兒不覺醜冷地爲他作保千古之下挂人唇齒今日忽有人問國內山總被長老占了也只向他道流水下山非有意片雲出岫本無心

上堂衲僧家欲要提持箇事第一要見地明白如中

秋月普天匝地無幽不燭第二要用處軒豁如錢塘潮波騰蹴立觀者無不駭愕善斯二者始可扶豎叢林苟或未然便是地獄劫住

上堂舉麻谷南泉二三人同往徑山路逢一婆子乃問徑山路向甚處去婆云薰直去師云早是迂曲了也麻谷云前面水深過得不婆云不漏脚師云正好進步麻谷云上岸稻得恁麼好下岸稻得恁麼怯婆云總被螃蟹喫了師云且未具辨好怯眼在麻谷云稻得恁麼香婆云沒氣息師云換却鼻孔麻谷云婆在何處住婆云只在這裏師云狐狸戀窟三人至店婆煎茶一瓶携盞三隻至前云有神通者即喫茶師云若是有神通者決不肯喫這般茶三人相顧問婆云看老朽自逞神通去也遂拈盞傾茶便行師復召大眾云箇老婆顛言倒語用盡神通若不是三大老冷眼覷破未免被老婆禪纏倒然雖如是且道徑山路畢竟向什麼處去

上堂召大眾云長慶稜道者向捲起簾處錯認定盤星便解拈箇拂子穿天下人鼻孔殊不知自己鼻孔

反遭穿却。既是反遭穿。却是汝諸人向甚處出氣。上堂。黃面老子四十九年。聚四大部洲鐵鑄一鐵門限。流落至于今日。未曾有人透得。過衆中還有透得過底麼。

因雪上堂。舉趙州一日於雪中倒云。相救相救。一僧去身邊臥。趙州遂起去。翠巖芝云。這僧在趙州圈績裏有人出得麼。師云。大小翠巖只具一隻眼。總道趙州眼光燦破四天下。爲什麼勾。賊破家有人辨得許你具一隻眼。

謝新舊莊主上堂。莊上喫油糲冷地。被人覷破。展手說大義。無端錯下名言。然雖如是。神仙妙訣。父子不傳。

上堂。舉棗山光仁和尙。一日陞堂衆集。未登座。乃云。不負平生眼目。置箇問訊。來有麼。有麼。師云。幸然開飯店。不怕肚皮寬。時有僧出作禮。師云。何不掀倒禪床。山云。負我且從大衆何也。便歸方丈。師云。何不與本分草料異日。有僧請益云。和尙前日陞堂云。負我且從大衆何也。意旨如何。師云。冷地有人疑著。山云。

齋時有飯與汝喫。夜間有床與汝眠。一向煎逼我作麼。師云。倒腹傾腸。說與人。僧禮拜。師云。好與適來僧同參。山云。苦苦。師云。爲人須爲徹。僧云。乞師指示。師云。太無厭足。生山遂垂下一足云。舒縮一任老僧。師云。莫恠坐來頻勸酒。自從別後見君稀。復召大衆云。還見棗山老子用處麼。渠儂不是拖泥水。排得渾身待作家。雖然如是。土曠人稀。相逢者少。

上堂。舉寶蓋訪漸源。源見寶蓋來。遂捲簾歸。方丈寶蓋遂下。却簾歸客位。去源令侍者去。傳語云。遠涉不易。猶隔津在。語未了。蓋便掌侍者云。有堂頭和尙在。打某甲不得。蓋云。爲有堂頭和尙在。所以打個侍者。回舉似源源云。猶隔津在。師召大衆云。二大老恁麼相見。譬如兩陣交鋒。文來文對。武來武對。雖則不讓先手。要且優劣不分。若不得侍者傳令。爭見主賓互換。酬酢分明。其柰不能同生同死。具眼者辨取。上堂。舉潭州大川和尙。因江陵僧來參。大川云。幾時發足。江陵師云。釣竿在手。要辨淺深。僧提起坐具。師云。賊物露也。大川云。特謝。還來下去。師云。揀款結案。

僧遶禪床一匝而出師云再犯不容大川云若不恁麼爭知眼目端的師云是賊無賊不斷僧乃拊掌一下云苦殺人泊合錯判諸方去師云賊口難憑大川云甚得禪宗道理師云王法無親後僧舉似丹霞霞云大川法道即得我這裏即不然師云且看丹霞別有什麼長處僧便問和尚此間如何霞云猶較大川三步在師云不是苦心人不知僧禮拜霞云錯判諸方多師云且道在大川分上這僧分上這裏見得分明便知大川傷慈太甚未免勾賊破家這僧雖得一場榮則却一雙足

上堂舉僧問乾峯和尚云十方薄伽梵一路涅槃門未審路頭在什麼處乾峯以拄杖劃一劃云在這裏後僧請益雲門門云扇子踣跳上三十三天墜著帝釋鼻孔東海鯉魚打一棒雨似盆傾師召大眾云乾峯拄杖有照破乾坤底眼目爲物指蹤未免坐殺天下人雲門扇子具幹旋造化底機籌移風易俗未免走殺天下人衆中莫有爲二大老作主底麼我且問爾十方薄伽梵一路涅槃門未審路頭在什麼處

上堂睡眠放逸吾家精進幢禪定熏修自劫功德賊爭似二邊俱莫立中道不須安得隨緣處且隨緣數聲清磬是非外一箇閑人天地間

上堂集雲峯下四藤條何曾打著大禪佛黃蘗山頭三頓棒賺他臨濟掣風顛所以道正令當行十方坐斷仰山斷際未爲好手莫有爲二大老作主底麼良久云各請歸堂參取

上堂云釋迦出世拏空塞空達磨西來將錯就錯帶累後代兒孫一例隨處卜度休卜度四海浪平百川潮落

三月十六日退院示衆云欲去不去被去礙欲住不住被住礙元不礙十洲三島鶴乾坤四海五湖龍世界

平江府覺城山法華禪寺開山語錄

指三門云此門深固幽遠無人能到如能到脚頭脚底長安道

踞方丈云閑地三寸刃鋒鈍匝地風霜定紀綱若是丈夫眞意氣任君敲磕振風光古人雖則入草求人

其奈土曠人稀相逢者少

拈山門諸山疏好事不出門惡事行千里好惡不到處拈起疏云總不在這裏且道在什麼處不是俊流徒勞側耳

陞座祝香問答罷乃云玉山歸隱自適本來佚老之心法華開山妙應宗英奉先之意所以道真如不守自性隨緣應用萬差拈拄杖云看看拄杖子應用萬差去也在凡同凡上合三賢十聖本妙覺心在聖同聖下與六道四生同一心地直得皇風永扇四海晏清祖令當行十方坐斷且道拄杖據什麼道理得恁麼奇特卓一下云他家自是黃金骨不必旃檀入細雕

復舉裴相國見大安寺畫高僧像乃問黃蘗云容儀可觀高僧何在。裴呼裴云相國裴應諾。蘗云高僧何在。裴當下領旨欲請黃蘗住山。蘗云吾受業闍中黃蘗山有十二峯終欲歸隱。裴公遂遣使入闍圖其山形於瑞州。還士爲十二峯創寺以處黃蘗師。召大眾云主賓道合膠漆相投一段光明照映今古輒伸

一頌相國親傳黃蘗心移山新作古叢林大千沙界針鋒許十二峯巒巖壑深此道明明元不古清風浩浩至于今禪流不負王臣意行看祇園側布金
當晚小參老不知止猶結住山之緣事出無心自得隨時之義所以在金陵喚作玉山庵主樂莫樂而閑有餘來墅里則爲法華主人老莫老而難任重既難任重不免傾太湖三萬六千頃爲血盆口東洞庭七十二峯爲廣長舌橫說豎說常說熾然說無間歇若將耳聽終難會眼處聞聲方始知衆中或有眼處聞聲底出來道新長老纔入院來便把衆人物作自己受用只向他道我爲法王於法自在復舉三聖道我逢人則出出則不爲人與化道我逢人則不出出則便爲人師云二大老把手共行無間路其奈同轍不同途既是同轍爲什麼不同途具眼者辨取
上堂三日鳴鼓陞堂不曾說著一字或有人道既不說著一字且道掉三寸舌鼓兩片皮底是什麼人只向他道逢人但恁麼舉

上堂山僧忽然喫癩大地山河迸裂帶累舜若多神

至今忍痛不徹。翻憶睦州擔板。拶得雲門脚折。

臨安府徑山興聖萬壽禪寺語錄

師於淳祐己酉十月二十九日入院。

指三門云。天無門。地無戶。可中自有凌霄路。普請諸人。進這一步。

佛殿燒香云。佛佛是何物。天上人間道。誑惑不辭禮。拜燒香。只向這裏雪屈。

踞方丈云。這裏是普請盡大地人成佛底。去處案中設有嫌佛不做者。薦拈拄杖卓一下云。也少這一槌不得。

拈 勅黃云。天人群生。類皆承此恩力。且道如何是此恩力。拈 勅黃示衆云。我 皇有勅。

陞座祝

聖罷問答不錄

師乃云。耳聾眼暗。步龍鍾。畢竟

憑何住。五峯天網恢恢。無避處。不妨隨分展家風。威音那畔。空劫已前。有一段奇特。因緣。山僧二十年住山也。曾舉舉之不全也。曾說說之不到也。乎靈隱退席。玉山住庵。三四年間。秘在曾中罕遇。知音可曾拈出。今被業風吹上五峯絕頂。準擬盡力而舉。要學教

全肆口而說。要說教到那知。纔入國門。墮在人事海中。千波萬浪。輾將出來。一時忘却。事出急家。幸有隨身拄杖子。不免拈出。應箇時節。以拄杖左邊卓一下云。王道與而外戶不閉。守在四夷。右邊卓一下云。佛道備而諸法總持。防在魔外。正恁麼時。是汝諸人向什麼處與拄杖子相見。良久云。十洲三嶋。鶴乾坤。四海五湖。龍世界。復舉首山念禪師開堂日。舉佛法。付屬國王大臣有力檀。那令燈燈相然。相續不斷。至于今日。且道相續箇什麼。良久云。須是迦葉師兄。始得。師云。扶宗豎教。續焰聯芳。則不無首山。其柰臂肘不向外曲。未免見處偏枯。新徑山不避諸。乃檢責更資一路。輒伸一頌。國王大臣有力檀。那以佛爲心。助佛揚化。靈山一會。儼然存正。法眼藏增高價。當晚小參。昔居版首。鍋子大小。杓柄短長。蓋嘗粗知。今來住山。常住有無。人情厚薄。未曾經理。未曾經理。其理自彰。蓋嘗粗知其知不昧。其知不昧。如一月行空。無幽不燭。其理自彰。似百川歸海。無物不容。山僧恁麼告報。衆中或有箇不受人謾底。出來道長老纔

入門來便乃口裏水漉漉地。後五日堪作什麼。山僧只向他道。我儂不怕拖泥水。拚得渾身待作家。復舉僧問。百丈大智禪師云。如何是奇特事。百丈云。獨坐大雄峯。僧禮拜。丈便打師云。奇恠。諸禪德。百丈大智禪師若不是棒頭有眼。未免被者僧禮得入地三尺。且道者僧還知痛痒麼。具眼者辨取。

上堂。召大眾云。若論此事。青天白日。情與無情俱無得失。自是諸人不委。悉山僧住持事繁。也要爲人拈出。良久云。今朝十一月初一。

上堂。山僧不惜性命。爲諸人打破塵勞窠宅。普請歸還佛場中。設有一箇半箇不心空及第者。我誓不取正覺。

曹源和尚忌

兼爲應庵密庵

一九二九相逢不出手。冲上座

迫不得已出手。熬此兜樓香。供養此三大老人。不圖朝德酬恩。且要遍界分身作師子吼。未委諸人曾聞否。

上堂。四九三十六夜眠如露。宿凍殺無位真人。走入水池裏浴。是汝諸人還覺寒毛卓豎麼。拍禪床下座。

天基節。上堂。四海一國土。乾坤一聖人。乃拍禪床一下云。只憑這箇法。仰祝萬年春。

上堂。五日風十日雨。君聖臣賢歌謠滿路。不見米嶺曾有言。莫過於此下座。

上堂。大珪不琢。巧者以拙爲宗。至理忘言。拙者以巧爲趣。只如與佛同生。底不願見佛放下屠刀。底是千佛一數。且道是巧是拙。擔取詩書歸舊隱。野花啼鳥一般春。

普說

夏中普說

登山須到頂。入海須到底。入海不到底。不知滄溟之深。登山不到頂。不知宇宙之寬。參禪人若不透頂透底。到大休歇之地。則生死岸頭。不得力。十二時中。爲物所轉。不能得歸家穩坐。叢林淡薄。無甚今時。高者爲名下者。爲利餘波末流。靡所不至。蓋由主法者。不曾造道之淵源。又無扶宗豎教之心。甘自陷於名利之域。是致學者。從風而靡。我尋常向兄弟道。無腳未跨船舷。好與三十棒底爐。藉不足以爲師。有隔江望

見利竿便回去。底眼目始可參學。但世變通降人根淺陋。師與弟子俱無遠大之志。到處裏三百五百聚頭。說說互相魔魅。不坐在理性玄妙中。則坐在語言文字裏。得失居其懷。是非嬰其慮。權喜則互相稱贊。一有不到互相毀辱。猶且以爲法道之盛。殊可憐憫。豈不見昔日圓悟在京師天寧。忽罹丙午之變。虜人欲招二十禪講名僧。時妙喜亦預其選。妙喜是箇通身是眼底人。遂以計而脫歸。時圓悟移住金山。大慧至金山。且過極口罵圓悟云。這老畜生。是什麼心行。却令我從虜而去。罵之不已。時知事頭首白圓悟云。果兄在下面罵和尚。和尚也須作箇行遣。圓悟遂削一條竹篋。集知事頭首。請大慧來。大慧至。圓悟云。我教爾去外國流通一支佛法。有甚不得處。爾只管罵我。爾肚裏少我五百箇活馬。驢在妙喜一聞此語。許多惡發。當下冰釋。是知圓悟老人。凡爲學者。一動靜一舉措。如善射者。箭不虛發。若非妙喜點眼。知人意未免蕩而不反。時妙喜使欲謀住圓悟云。爾且去。恐有人不利於汝。妙喜於是往臨川。見韓子蒼。然妙喜

不爲圓悟之所留。因與子蒼夜話。尤極口罵圓悟。子蒼曰。莫罵老和尚。我與老和尚相處一平生。莫知老和尚底蘊。爾與我相聚不多時。傾蓋已盡。如何罵得老和尚。妙喜云。爾俗漢。理會甚底。遂珍重歇去。妙喜被子蒼一撈。一夜不安。千思萬慮。揣摩胃中。遂乃歎服。自料不知圓悟之底蘊。於是夜起扣子蒼堂門。子蒼云。誰。妙喜云。某甲。子蒼云。爾作什麼。妙喜云。我一夜思量。非特子蒼不知老和尚底蘊。我實不知老和尚底蘊。子蒼云。且去睡。休明日理會。看他韓子蒼。雖是箇俗漢。然它曾見作家來。便有解粘去縛底手段。使妙喜倒戈卸甲。不坐在是非得失裏。終欲窮圓悟之底蘊。來日子蒼云。圓悟已住雲居。兄可歸雲居去。然是時圓悟道尊一代子蒼。先遣書探圓悟口氣。然後津發。妙喜歸雲居。圓悟遂以第一座處之一日。秉拂萬口一詞稱贊。然當時會中盡是龍象。雖然道首座秉拂好。而不知真箇如何好。是時有箇一村僧。上方丈問圓悟云。首座秉拂如何。圓悟以兩指夾鼻示之。是時一衆殊不知圓悟垂釣。四海獨釣。鱉龍闕然。

道首座做得秉拂。元來不好。和尚夾鼻。不是。皆只向語脉裏轉。却然妙喜亦未免透這裏。不過遂云。這老畜生。偏主張我。徹底主張我。而今又却如此。教兄弟誚讓。我我如何。居人之上。遂欲起去。人報圓悟。圓悟云。他若去。但令他來辭我。妙喜辭圓悟。圓悟云。果兄。偏記得夜來秉拂麼。妙喜云。記得。圓悟云。偏試舉一遍。看妙喜舉了。圓悟云。從上佛祖。被偏罵得分文。不直。我只輕輕以兩指夾鼻。偏便煩惱。妙喜被圓悟一點點破。不覺呵呵大笑。仍舊歸首座。寮是時一衆只得眼眨。眨地被二大老熱瞞。妙喜云。我自此壽室中。手段更峻峻。爲我替著賊來。所謂飲泉水。貴地脉。當恁麼時。莫便是參禪透頂透底。到大休歇之地麼。且喜沒交涉。須知同悟。恁麼爲人。養子之緣。固當如是。然當初妙喜在金山。待圓悟道。偏肚裏少我。五百箇活馬。驢在。便與奪却。竹篋倒行。此令逗到後來。雲居山中。設使盡大地是箇圓悟鼻孔。通身是手。掩之。到妙喜面前。總用不著。雖然如是。汝等諸人。還知二大老落處麼。若也未知。直須退步。就已行住坐臥。參

取。忽然參到無參之地。二大老向諸人手裏乞命。非特二大老向諸人手裏乞命。生死岸頭。亦乃得力。諸人自然於一切時。一切處。不爲物所轉。至於賓主勘驗。言論往來。著著有轉身一路。不坐在是非得失窠臼裏。以至玄妙理性。語言文字。一點也無著處。於無著處。事事著得。靈苗異草。和根拔從。教大地生。荊棘

長寧知軍文宗諭請普說諱復之字庭瑞

天下無二道。聖人無二心。既無二道。又無二心。無一法。不是真乘。無一事。不爲妙用。所以瞿曇以此而修心。老聃以此而養性。尼丘以此而治身。莫不一由此。無二之道。無二之心。據實而論。修心者。至於無可修。則不爲心之所礙。養性者。至於無所養。而不爲性之所拘。治身者。至於無可治之地。則不爲身之所累。既不爲身之所累。不爲性之所拘。不爲心之所礙。全體是無二之道。無二之心。三界二十五有。當下平沉。八萬四千塵勞。隨處解脫。然則此無二之道。無二之心。未得洞明時。不曾欠一絲毫。既得洞明之後。亦未嘗增一絲毫。是知此事。人人本有。各各圓成。但能一

念頓超自然見成受用如未得見成受用直須十二時中行住坐臥日用應緣是非交結逆順縱橫處急著眼看此未明無二之道無二之心底一念自何而來。雖然得見此一念分明如關市裏逢故舊時昔日風采歷歷見前不著問人自心了。然後日用應緣是非逆順皆是自家自受用三昧無二之道無二之心盡在是矣。豈不見昔荊公問佛法大意於蔣山贊元禪師元不對荊公益扣之元不得已而謂之曰公有障道者三。近道之質二。公受氣剛大世緣深厚以剛大之氣遭深世緣必身任天下之重懷經濟之心然用舍不能必則心未平以未平之心則安能一念萬年哉。又多怒學問尙理教中謂之所知障此其三也。惟視名利如脫髮甘淡薄如頭陀此其近道之質也。且以教乘滋茂之更一兩生恐純熟大小元禪師未免話作兩橛殊不知若要洞明無二之道無二之心非剛大之氣不能遠到未免中途困躓然離世緣外而求此道譬如避溺而求水殊不知世緣浩浩正是此道之根源但忘取舍之心無有不是此道見前

底時節既得此道現前則覓世緣了不可得未平之心當下消殞全體是無二之道無二之心也。視名利如脫髮甘淡薄如頭陀此雖荊公近道之質然爭如我今府判宗諱自魁多士於人間世現宰官身倘非剛大之氣以臨之安得名動九天趨歸清要奉母夫人萬里造朝使白髮老親瞻天子之光見宗廟之美百官之富此乃人間世第一義諦聖眷方隆急流勇退自非曾中所養渾厚安能一去就一出處惟義所在初不以用舍而二其心。玆者得請半刺名郡以便養親道由山中令山野舉揚宗旨蓋亦欲以道而達其親也。昔張魏公奉母夫人國太計氏判福州謂開善謙和尙曰某與舍弟於圓悟處各有所悟而老母未得此直指之要余於母子之間難言公從徑山大惠會中來必有深證可垂方便俾老母知有此事亦某兄弟之幸也。謙遂謂國太曰夫人但放下目逐看經禮拜於靜室默坐當心念紛飛之際舉僧問趙州狗子還有佛性也無州云無但念念不舍心心無間日久歲深自然瞥地國太遂如謙之所教一日中夜

起坐纔始舉念。提此無字。驀然契悟。遂有頌云。終日復看經。如逢舊識人。勿言頻有礙。一舉一回新。此乃士大夫仕官中。以道達其親底樣子。所以道養生不足。以事父母。惟聖人以道達之是也。大抵佛法世法。初無兩般。但能於世法擾擾之中。識得無二之道。無二之心。譬如以大地爲一射。垛挽弓所向無不中的矣。看他國太得這無二之道。無二之心。分明了。了。便能於經教中。有一條活路。不爲語言之所役。可謂世間出世平等。頓超人與非人性相平等。然雖如是。畢竟喚什麼作無二之道。無二之心。且無二之道。無二之心。是一耶。是二耶。喝一喝云。若不喝住。幾乎錯下注脚。復舉王常侍一日治事。次米胡至。侍乃舉筆示之。米云。還判得虛空麼。侍乃擲筆入宅。更不相見。師云。米胡當時若解臨機。豹變常侍要歸宅。未得在。米胡致疑。明日憑華嚴和尚致茶筵。次設問云。昨日米胡有何言句。便不得相見。侍云。師子咬人。韓盧逐塊。米纔聞。遽出大笑云。我會也。我會也。侍云。會則不無。試舉看。米云。請常侍舉。侍乃豎起一隻筍。米云。這

野狐精。常侍云。這漢徹也。師云。若不酬價。爭辨真假。便怎麼見得徹去。便知米胡與王常侍有主賓互換之機。闌吟咏同時之用。苟或尙留觀聽。更爲頌出賓主機。先有路通筆端。不是判虛空。筍頭再運回天力。千聖齊教立下風。

小師德言先做道士再爲僧請普說

昨日徒弟德言炷香請就五參時。爲衆東語西話。是日適當明慶祈禱。於是就今晚小參爲了此事。然德言本先爲道士。便知有此事。特來南方見尊宿。辨此事。往年來蔣山相聚。自念頭腦不相似。何日得一度。驟爲僧。以陪廣衆。遂以此意白寶公。庶祈加護。若遂此心。必爲蔣山之徒弟。山僧是時適丁旱滂。衆少。遂令其入僧堂。辨道其純一無雜。視聽言動。無一絲毫不在規矩繩墨之中。雖久歷叢林者。未必如是之專也。山僧亦欲爲募緣。助成其志。但以早滂。相仍忍飢不暇。未暇及此。是其用意之專。所以諸聖加護。一旦得三度。驟遂拈闌卜受業之所。果拈得蔣山。蓋不忘寶公之力也。今晚小參。意欲山僧提持爲僧之本。

末只如曩時發足南方見尊宿辨此事且喚什麼作此事又如何辨然此事人人本有各各圓成不論僧之與道聖之與凡無一人不具此事者是故釋迦老子四十九年三百餘會橫說豎說費盡口業終說不到末後於百萬大衆中拈一枝花普示大衆獨有迦葉一人破顏微笑便與他著一箇名字云吾有正法眼藏涅槃妙心分付摩訶大迦葉且道正法眼藏涅槃妙心是箇什麼便是當日德言做道士時便知有此事底一念必要爲僧以陪廣衆底一念亦是如今各各當人卽今在此挨肩並足立地聽山僧東語西話底一念此念若明超凡入聖正在茲時此念不明隨物流轉無有了日迦葉是此一念明底人釋迦老子遂乃分付正法眼藏涅槃妙心且道是有分付無分付若道有分付屈辱迦葉尊者若道無分付辜負釋迦老子這裏須是自家一念洞明分付不分付自然分明不著問人所以達磨大師自西天航海而來向少室峯前九年冷坐別無他說於是二祖得安心法自此西天四七唐土三三天下老和尚人傳一人

的的相承綿綿不斷至於垂一機示一境一言半句皆是激揚天地未判父母未生底消息只要各人一念分明自證自悟初不以實法繫綴人也後來有箇潭州雲蓋志安禪師便是自證自悟此一念底人一日到雲居問云某甲不奈何時如何居云只爲工夫不到安不肯直造石霜又如問霜云非但闍梨老僧亦不奈何安云和尚爲什麼不奈何霜云老僧若奈何粘過汝不奈何安遂有省石霜騎賊馬趕賊奪賊鎗殺賊則不無未免傷慈太過雲蓋安若向雲居言下悟去甚處有石霜來恁麼注解有權有實有照有用須是一念明始得是時潭州馬王富國佛法之盛時有一道正奏馬王乞與雲蓋論議馬王遂請雲蓋至雲蓋就馬王借一口劍乃握劍問道正云汝本教中道恍恍惚惚其中有物是何物杳杳冥冥其中有精是何精若道得卽不斬道不得卽斬道正遂設拜哀求雲蓋謂大王曰還識此人否大王云識雲蓋云是誰大王云是道正雲蓋云不是其道若正合對得山僧此只是箇無主孤魂因茲道門不復紛紜雲

蓋安禪師見石霜於言下一念自證之後等閑用將出來自然去離泥水活人眼目。只如恍恍惚惚。其中有物。是何物。不是心。不是佛。大千沙界海中漚。一切聖賢如電拂。杳杳冥冥。其中有精。是何精。不是鬼。不是神。自古上賢。猶不識。造次凡流。豈可明。且道山僧恁麼注解。是契得雲蓋意。契不得。須是諸人一念洞明。方纔索得分曉。然則天下無二道。聖人無二心。倘能一念洞明。無主孤魂。道正是何物。是何精。理無二致。苟或一念不明。有箇物。有箇精。有箇道。正有箇無主孤魂。使得七顛八倒。無有警脫。底時節。當時道士若具這箇眼目。待雲蓋纔問。未了。便奪雲蓋手中劍。直拔與之一刀。兩段道門。千古有光。當時既已放過。遂成不了公案。後有漳州三平和尙。一日陞座。次有道士出衆。從東過西。又有一僧從西過東。三平云。適來道士却有箇見處。師僧未在。未在底本不欠一絲毫。有見處底亦不增一絲毫。道士出作禮云。謝師接引。三平便打。僧出作禮云。乞師指示。三平亦打。道士與這僧大不知慚愧。設使三平以大地作一條拄杖。

打他亦未免明珠暗投。反遭按劍。三平復謂衆云。此兩件公案。作麼生斷。還有斷得底麼。如是三問。衆無對。三平乃云。既無人斷得。老僧自斷去也。乃擲下拄杖。歸方丈。當初道士與這僧。泊三平一會。若善臨機。應變。則三平要歸方丈。未可在。只知道道士從東過西。這僧從西過東。意在什麼處。及乎二俱作禮。一云。謝師接引。一云。乞師指示。是會三平意。不會三平意。三平老子二俱打出。可謂令不虛行。其奈土曠人稀。相逢者少。德言徒弟。若能一念頓證。則釋迦達磨。四七二三。天下老宿。雲蓋馬王道正。三平道士。與這僧老僧與汝。見前一衆。覓一絲毫。相了。不可得。既覓一絲毫了。不可得。則德言道士。即是德言新戒。德言新戒。即是德言道士。無二無二分。無別無斷。故如是。則當日頂星冠。披鶴氅。底不是你。除鬚髮著袈裟。底不是你。畢竟是誰。良久云。三賢固未明。斯旨十聖那能達。此宗復舉。夾山嘗遣一小師。徧游禪肆。殊無趣向。及聞夾山道譽。遠播。乃回省覲云。和尚有如許奇特事。何不早向某甲道。師云。尋物暴怨。賊盜夾山云。汝

蒸飯時吾爲著火汝行益時吾爲展鉢甚處是孤負汝處師云笑破土地鼻孔小師因而悟入師云錯認定盤星復頌云汝蒸飯時吾著火汝行益時吾展鉢尋常怎麼老婆心自是你儂機不活機若活夾山本無奇特事百川倒流鬧聒聒

法語

瑩悅二上人幹陳塘開覓語

學道之要無他修身治心而已身之不修折旋俯仰動用周旋踰規越矩陷於邪僻之域心之不治境風捲地識浪翻空前念未終後念隨至必有蕩而不反之患卽陳塘之無開滂則泥淤塞港旱則鹹潮上田其爲民病不細矣今也謹一身之操履無一毫之邪正持一心之念慮無一絲之或放入息不居陰界出息不涉萬緣千邪萬僻入作無門五欲八風搖撼不動全是平等法界頓明自己家風卽陳塘之開成或丁旱滂有隄防捍禦之具無填淤鹵氣之虞百穀順成萬家蒙益其爲民之利豈不博且大也哉所以吾祖達磨師謂二祖大師曰汝但外息諸緣內心無喘

心如牆壁乃可入道如是則佛法世法眞諦俗諦豈有兩途惟能堅眞實之心吾事無所不濟因普瑩從悅二上人創陳塘之開乞語於余余喜其創陳塘之開興利除害之事有類乎學道修身治心之要故推其說授之以勸施者富有聞絃賞音成茲勝緣矣

示紹建化士

雪峯和尚示衆云三世諸佛是草裏漢十經五論是緊關十八卷華嚴經是草步頭博飯食言語十二分教是蝦蟇口裏事還知麼所以道如今千百人中若有一人大肯去我作驢駝物供養他有什麼罪過三世諸佛十經五論華嚴十二分教若不是雪峯老子用鼈山成道底眼目從頭一句句發揚一字字校勘俾一切人悟自本心見自本性則未免被三世諸佛十經五論華嚴十二分教使得七頭八倒無有解脫之期我觀此會盡是大肯去底人更不學雪峯老子作驢駝物供養他只是遣紹建化主持此語偏扣雪峯老子鄉中之人必有未言先領未舉先知者開大施門辨眞法供養以飽我衆矣

示懶庵居士

儒者曰君子深造之以道欲其自得之自得之則居之安居之安則資之深資之深則取之左右逢其原大凡欲明箇事須有自得之妙然得心未忘則不能居之安而居安之地不脫不能資之深果能忘其所得之心脫去安居之地不住資深之城始能左右逢原矣左右逢原則自得之妙居安之地資深之城皆爲吾之妙用自然若染若淨若聖若凡若好若惡以吾所見事觀教盡是此境界如如不動若更有一法如絲髮許卽是無明翳障直須不見有一法是別底法方始名爲深造之道更能翻擲自由照用無礙如空藏空似鏡照鏡佛法世法了無二致得到怎麼田地更須知有衲僧門下不近人情底一著始得

讚偈頌

出山相

天上星眼中晴星無悟人之意晴無矚物之情以理而會自誠而明究竟何曾有道成

觀音大士

一切音聲相是人聽以耳我圓通大士唯以眼而聽非特以眼聽六根互爲用當其互用時根境不相雜譬如帝珠網交光相融攝卽此融攝相各各住自位以此三昧力普施於一切俾不離聲色透出聲色海眼處若聞聲耳處得解脫共證十方空同名觀自在我作如是贊定招妄語罪旣招妄語罪畫者亦是妄畫者旣是妄此相非眞實於非眞實處此相常現前應作如是觀是眞法供養

寶公大士

師示生於宋入滅於梁慨時君乏仁義之澤以及民專殺伐之功而有國焉足以王師由是入悲願海運慈忍力施凡聖罔測之機明禍福未形之理格其殺伐之心爲慈祥蓋亦師願力中一毫芒耳至若吾教東被爲其徒者不囿於因果之域則溺於知見之場遂著菩提煩惱佛與衆生不二等頌藥乎偏見僻執者之膏肓而使各反乎本有之鄉然後推達磨傳佛心宗之印以啓於梁皇至今一花五葉遍天下而流芳師之扶宗豎教之德雖天地之大不足以方獨

龍崗之黯黯金陵水之湯湯浮圖巍巍摩穹蒼面目
儼然而不亡宜乎僧繇妙手無得狀其妙相之堂堂

達磨大師

楊子江心波濤鼎沸一葦可航如履平地蓋亦暫時
之游戲豈足以盡此老十萬里西來之本意
人皆有心人皆作佛胡爲西來遍相誑惑心在何處
佛是何物帶累神光無處尋後代兒孫斷漏漚

曹源和尚

遭密庵罵恨入骨髓此恨難忘充塞天地四海五湖
無處避能有幾人著它底著它底冤冤相報無窮已

又師侍立

父曹源祖密庵碧落碑無價本破沙盆正法眼清廟
瑟有遺音坐者立者以心印心不肖之子作如是讚
非特旌於往古亦乃詔於來今

丙辰年別龜峯曹源和尚

葛溪深處定宗綱一任乾坤大地荒但得棒頭明似
日可無臨濟解承當
拚命來經盡盡家不肯滴水喪生涯尚餘窮相一雙

手要向諸方癢處爬

破袂從東挾過西何時再上惡鉗鎚怒雷一吼震三
日自有怨憎會苦時

戊午在靈隱聞曹源和尚訃音兼小師舉老
爲開語錄

杖藜隨處是乾坤迦葉峯前便垛根貪看煙巒三十
二到頭不識老曹源

悔不當初放拍盲爛椎一頓快平生近聞活陷阿鼻
獄撫掌呵呵樂太平

三處移場定紀綱曾無一字落諸方破家種草癡狂
甚醜惡無端向外揚

看相撲

拳來踢去疾如飛畢竟輸贏是阿誰鬧裏有人能著
眼未曾交輟已先知

上尖竿

百尺琅玕摩碧空四方八面絕羅籠等閑進得竿頭
步千聖齊教立下風

退靈隱 京尹節齋大資相公堅挽辭免

叢林虛得譽。無一補宗門有誤。王臣鑑徒雷。

聖主恩。豈堪持鋤斧。只合傍雲根。默感始終惠。此生難盡言。

癡絕和尚語錄卷上

癡絕和尚語錄卷下

徑山癡絕和尚普說

嗣法門人 行彌 紹甄 編

金山損翁和尚。謂山野以累年之勞。一衆艱食。不免下山持鉢。因得到紫金峯頂瞻望堂頭。損翁和尚仰荷不鄙。令爲衆東語西話。納此一場敗缺。非明眼人前。安敢拈出。雲門道光不透。脫有兩般病。一切處不明。面前有物。是一衲僧家開眼。見明合眼。見暗要行。便行。要坐。便坐。有什麼不明。山河大地。明暗色空。本來無一絲毫許。喚什麼作物。設使外不見有山河大地。內不見有見聞覺知。不見之相。蘊在胷中。如仇同。

處故知透得一切法。空隱隱地。似有箇物。亦是光不透。脫法身亦有兩般病。得到法身爲法執。不忘已見。猶存坐在法身邊。是一直僥透得法身。放過卽不可。點檢將來。有甚氣息。亦是病。兄弟。儼你儼膺之物。脫然爆落。山河大地。不礙眼光。見聞覺知了。無拘繫三界。二十五有。八萬四千塵勞。一時解脫。盡乾坤大地。是箇真實人體。一坐坐在這裏。執以爲是。謂之法執。不忘已見。猶存坐在法身邊。亦是病。更向這裏。不捨前功。翻身一擲。抹過太虛。佛見法見。尚不起。豈有世間塵勞之見耶。點檢將來。有什麼氣息。亦是病。所以道。懸崖撒手。自肯承當。絕後再蘇。欺君不得。兄弟。家果能於無氣息處。絕後再蘇。等閑用將出來。不墮在是非得失窠裏。使可出叢林。入保社。主賓互換。一挨一拶。著著有出身之路。豈不見琅琊和尚。問舉上座云。近離甚處。舉云。兩浙。琅琊云。船來。陸來。舉云。船來。琅琊云。船在什麼處。舉云。步下。是。佗於無氣息處。轉得身吐得氣。絕後再蘇。底人露箇消息。自然迥別。琅琊見佗此語。殺人可恕。無禮難容。便爲佗撥轉路頭。向

佗道不涉程途一句作麼生道若是別人死在旬下作萬千技倆用盡鬼恠舉上座到這裏更無周由者也遂以坐具一撇云杜撰長老如麻似粟有般漢當這般境界不過便作是非得失商量佗瑤那老子也不忙款款地問侍者云此是什麼人侍者云舉上座瑤那遂親下口過問云莫是舉上座麼莫恠適來相觸悞備看二大老一人道杜撰長老如麻似粟一人道莫恠適來相觸悞可謂拳踢相應彼此不相饒自然不坐在是非得失裏當時舉便喝好喝若非舉上座四楞踢地未免當面蹉過舉復問云長老甚時到汾陽瑤那云某時到舉云我在浙江早聞備名元來見解只如此何得名喧宇宙瑤那遂作禮云惠覺罪過兄弟舉上座七事隨身戰必勝攻必取若非瑤那暗設機穿平地厮陷爭兒功高汗馬直得主賓互換水乳和同玉轉珠回不留影迹要且是非得失粘綴伊不著生死去來羈絆伊不得如今兄弟志願不堅力量不大纔見主法者輕輕道箇不是便頭紅面赤打不過起單去一時作是非得失會却如何了得

生死豈不見昔日慈明和尚見汾陽汾陽揣慈明之志是箇沒量大漢經二年不許入室每見必詬罵使令去或毀謗諸方及有所訓皆流俗鄙事激得慈明三毒無明現前便乃心憤憤訴於汾陽曰自至法席已再夏不蒙指示但增世俗塵勞念歲月飄忽已事不明殊失出家之利語未卒汾陽熟視罵曰是惡知識敢裨販我耶舉杖逐之慈明擬伸救汾陽以手掩其口慈明大悟曰乃知臨濟道出常情兄弟大抵是非之念不深不足以到無是非之境生死之心不重不足以到無生死之場看佗汾陽不容慈明入室示之以流俗鄙事意在於何使其慈明志願不堅力量不大安得於汾陽所示之要起如是生死之念是非之心如此深且重耶惟其深且重纔被汾陽輕輕點破便能到無是非之地無生死之場生死去來籠罩不住始知臨濟道出常情是知慈明如龍門之躍鱗汾陽以雷霆助其威靈雲霧資其變化遂能翱翔於九天之上這箇便是參禪學道志願堅力量大透頂透底不坐在是非得失窠裏跳出生死去來底樣子

所謂臨濟道出常情盡在是矣。然則臨濟之道自汾陽而少衰。幸而慈明崛起北方。挾其道而南於大爐。鑪中得楊岐黃龍二大老。喧轟於天下。是故舟峯庵主道南之施設如坐四達之衢。聚珍恠百物醫之遺簪墮珥。隨所探焉。駸駸末流冒其氏者。未可以一二數也。會乃如玉人之治璠璵。琢珠廢矣。故其子孫皆光明照人。克世其家。蓋碧落碑無費本也。在今天下。惟大慧應菴之裔。其光明照人者。能幾人耶。汝等諸人在此紫金光聚中。朝參暮請。焉然失腳踏翻。則損翁斷不相孤負。始知臨濟道出常情。然後信碧落之碑。果無費本。固是一點護諸人不得。只如碧落碑中。最初一字是什麼字。試參看。

壬辰結夏。是身壽命如駒過隙。何暇閑情。妄爲雜事。既隆釋種。須紹門風。諦審先宗。是何標格。此蓋佛眼禪師十分入泥入水。不顧傍觀痛的地。揭示諸人叢林中。無不念得熟者。求一人半人親履而行之。直是萬中無一。只如道是身壽命如駒過隙。一彈指頃。有六千五百箇刹那一刹。那有九百箇生滅互相推遷。

如汲井輪。無有窮已。要得平穩。除非一念頓忘。前後際斷。生滅心死。三祇劫空。然後於一念中以一刹那爲阿僧祇劫。而不長以阿僧祇劫爲一刹那。而不促從朝至暮。念念無虛。弃底工夫。儻不如此。何暇閑情。妄爲雜事。十二時中。四威儀內。貪瞋愛慢。詬曲嫉妬。墮在三界二十五有。中被八萬四千塵勞。煩惱籠罩。無有出期。固是雜事。然學佛法求玄妙事。泯默廣見。聞以至百千法門。無量妙義。一一透徹。及盡精微。尤爲雜事。豈知我此宗中。無利底法。但能一念頓證三界二十五有。八萬四千塵勞。當下平沈貪瞋愛慢。詬曲嫉妬。復是何物。百千法門。無量妙義。直下如紅爐上一點雪。相似覓其蹤跡了。不可得。學佛法求玄妙事。泯默廣見。聞是什麼人。當恁麼時。閑情尙無。安有雜事。儻不如此。何以隆釋種。紹門風。且道是什麼門風。便是釋迦老子三百六十餘會。橫說豎說。說不到底。一著子末後。於百萬衆前。拈花揭示。獨有迦葉一人。領之於一笑之頃。謂之正法眼藏。涅槃妙心。自此西天四七唐土。三三天下。老和尚的的相承。直至今

日這箇便是釋迦老子門風作麼生。紹若紹得去。釋迦本不拈花迦葉不曾微笑。且道紹箇什麼。儻或尙留觀聽。滯在皮膚諦審。先宗是何標格。且道是什麼標格。從上若佛若祖。天下老和尚求道之心。達道之念。行道之志。底標格。大抵疑心不深。不足以到無疑之田地。道念不重。不足達此道之根源。昔日大法眼禪師。久在長慶會中。無所契悟。遂與修進二上人。自漳州氏湖外將發足。而雨溪漲。不可渡。顧城隅有古寺。解包休于門下。雨不止。入堂有老宿坐地。爐見法眼。問云。此行何之法眼。云。行脚去。老宿云。如何是行脚事。法眼云。不知。老宿云。不知。最親者一句子。最是毒害宗師家。與人解粘去縛。拔楔抽釘。無出這些子。法眼雖疑情未破。亦未免從死邊過。只是死眼未活。三人附火舉肇論云。天地與我同根。老宿云。山河大地與自己是同。是別。法眼云。同老宿。豎兩指。熟視法眼云。兩箇拂袖便起。第二下鐵鎚來也。且道法眼還知痛痒也。無當初法眼若知痛痒。這老宿拂袖起去。未得在法眼。遂與修進同行。廊廡間讀寺額。乃知是

石山地藏法眼。顧修等曰。此老琛禪師也。意欲留語。未卒。琛又至。雨已止。業已成。行琛送之間。云上座。尋常愛說三界唯心。遂指庭下石云。且道此石在心。心外眼云。在心內。琛乃呵呵大笑云。行脚人著甚來由。著塊石在心頭。一等是騎賊馬。趕賊奪賊槍。殺賊羅漢。老子就中奇。恠法眼無以對。若是而今禪和子。攢兩轉語。貴圖口不空。有可祇對。是佗法眼。是箇大根器。大力量。不肯妄通消息。雖不妄通消息。正是法眼疑情將泮。命根將斷。技倆將盡。成佛作祖。底時節。將至。遂求決擇。洞徹玄奧。使其疑心不深。道念不重。安得到不疑之田地。徹見此道之淵源。後來出世。遂爲地藏之嗣。時有子方首座。乃問云。公久參長慶。而嗣地藏。何耶。法眼云。以不解萬象之中。獨露身故。子方豎起拂子示之。且道明長慶意。耶。與法眼相見。耶。法眼云。撥萬象。不撥萬象。可謂寸鐵在手。是處割截。子方云。撥萬象。法眼云。萬象之中。斲子方云。不撥萬象。法眼云。獨露身。斲子方於是大悟。也是因邪打正。乃云。我幾枉過此生。款出囚口。看佗法眼。從地藏處。

得這巴鼻入手等閑用將出來著著有出身之路豈止藥子方首座膏肓之疾至於拈却盡大地禪和子死在句下之病其奈知音者少這箇便是求道之心達道之念行道之志底標格山僧素來百無所解只是箇隨時及節著衣喫飯底老骨搗汝等諸人肯來相聚千萬以古爲標格只是不得學佛法求玄妙事泯默廣見聞硬糾糾各各豎起脊梁一回透頂透底生死心破命根既斷技倆既忘直向佛祖頂額上行便見釋迦拈花迦葉微笑當甚閑公事然後知地藏與法眼至今坐在草窠裏出頭不得若檢點得出來山僧不曾說著一元字脚苟或未然切忌向語脉裏著到

虎丘蒺藜和尚請雲岳路滑到者應稀劒池水深如何到底當恁麼時莫道山僧與諸上座討頭鼻不著直饒千聖萬聖現三頭六臂出來也自入作無門如今幸遇虎丘蒺藜師兄放一線道蔣山借路經過因行掉臂去也乃以拂子擊繩牀左邊云這裏見得徹去主則始終主以拂子擊繩牀右邊云這裏見得徹

去賓則始終賓以拂子中間點一點云這裏見得徹去賓即是主主即是賓賓主交參應用無礙應用無礙也賓頭盧日應四天下供不離當處常湛然梁寶公現十二面觀音也知不是閑和尚是汝諸人還知蔣山與虎丘落處麼兩翁總是王蠻子學世誰人解賞音 山野一坐鍾山九年旱澇相仍一衆艱食由是下山持鉢以謀一飽之計仰荷虎丘師兄令爲衆東語西話然某道學膚淺嚴命之辱不敢固辭不免借師兄鼻孔出氣應箇時節如師兄示衆云虎丘無可取只有三轉語驗盡天下人非今亦非古敢問大衆如何是虎丘三轉語久參先德一舉便知後學初機如何洞明如何造入須知這三轉語從上若佛若祖天下老和尚以此應世乾坤大地日月星辰森羅萬象色空明暗以此建立四聖六凡情與無情以此出沒兄弟家未透得三轉語時被從上若佛若祖天下老和尚謾了乾坤大地日月星辰森羅萬象色空明暗謾了四聖六凡情與無情謾了既一一被謾了如何得此三轉語現前除非自家二六時中四威儀

內一切時一切處一動靜一語默自己三百六十骨節八萬四千毛竅以至盡乾坤大地一時皆是明此三轉語底時節直得心心無間念念不忘日久歲深逢境遇緣築著磕著如崖巖石崩天崩地裂相似一回便見從上佛祖天下老和尚盡向手中乞命乾坤大地日月星辰森羅萬象色空明暗無處橋立四聖六凡情與無情一時消殞始信從上佛祖天下老和尚謾我不得乾坤大地日月星辰森羅萬象色空明暗謾我不得四聖六凡情與無情謾我不得何故蓋爲從上佛祖天下老和尚以至四聖六凡情與無情盡從此三轉語中流出所以道佛及諸衆生皆奉此恩力識得此恩力衆生絕消息然雖如是且道此三轉語從什麼處流出須知虎丘師兄自靈山付授而來所以流自曾禪蓋天蓋地其奈土曠人稀相逢者少豈不見昔日雪峯住菴有僧來參雪峯以手托菴門云是什麼僧亦云是什麼雪峯低頭歸菴雪峯等閑路露目前些子如寸鍊在手遍地刀鎗只是這僧不得柄欄若得柄欄甚處有雪峯僧遂辭雪峯峯問

云什麼處去僧云湖南去峯云我有箇同行住巖頭寄箇信去僧云便請雪峯信云一自龍山成道後直至而今飽不飢兄弟這箇是巖頭與雪峯辭德山至龍山店上阻雪底因緣看佗古人念道之切至于孤村陋店亦以此道爲念巖頭長伸兩脚眠且道意在什麼處雪峯堆堆打座向什麼處留心巖頭云噫眠去恰似七村裏土地相似佗日異時魔魅人家男女去在是知切瑳瑒磨深錐痛割若非具大眼目底同行道伴安能誠告如此之切雪峯既被巖頭痛處一割乃自指臂云我這裏實未穩在是佗大力量人不肯只麼休去故得巖云若恁麼據你平昔見處一一學來是則與汝證據非則爲汝割却峯乃詣寶供通云我初見鹽官問學色空義有箇見處只今目前所見是色當體卽空空亦不可得如此見解還得徹也未是故巖云此去三十年後切忌學著峯云因見洞山過水悟道頌有箇省處頌云切忌從佗覓超超與我疎我今獨自往處處得逢渠渠今正是我我今不是渠應須恁麼會方始契如如且道渠與我是一是

二十二時中還得如此也。無巖云：若怎麼自救也未徹。在巖頭鉗錐在手應用。臨時峯又云：我因問德山云：從上宗乘中事，某甲還有分也。無德山打一棒云：道什麼？我當下如桶底脫相似。巖頭云：你豈不見道？從門入者，不是家珍。只如德山打一棒云：道什麼？還當得從上宗乘也。無雪峯當下如桶底脫相似。又有甚不得處？因什麼巖頭道：從門入者，不是家珍？將知萬里無雲，青天猶在寸絲不掛，赤體猶存雪峯敵國。家財既被巖頭打併了，計窮力盡，乃問巖頭云：畢竟如何得是巖頭？云：佗後若播揚大教，須是一一從自己曾襟流出，與我蓋天蓋地。雪峯於此大悟，跳下牀禮拜云：今日始是龍山成道。今日始是龍山成道。大眾雪峯自聞色空義，見洞山過水頌，於德山棒下皆有證悟處。其奈一翳在眼，空花亂墜。當時若不是巖頭有針膏，有起必死底手段，安有龍山店上一段奇事故？信云：一自龍山成道後，直至而今飽不飢，也是貧兒思舊債。巖頭遂問這僧云：雪峯更有什麼言句？僧舉前話。巖頭云：雪峯道什麼？僧云：無語。低頭歸菴。

巖頭云：我當時悔不向伊道末後句。若向佗道，天下人不奈此老。何且道如何是末後句？但向雪峯低頭歸菴處會取。這僧既不薦，至夏末請益巖頭。云：雪峯雖與我同條生，不與我同條死。要識末後句，只這是這僧自雪峯處擔得一擔骨董，到巖頭處添得一擔顚。預直是不奈何了。帶累二大老費口分。疎究竟不知落處。然則雪峯巖頭兄呼弟應，激揚此道，即不無畢竟低頭歸菴與末後句。如何理會？須信道雪峯巖頭如轉輪聖帝，施一號發一令，四方八表無不順從。這僧為什麼頭頭踉蹌過汝等諸人？若要徹底分明，須是參取虎丘三轉語。若參透此三轉語，則低頭歸菴與末後句自然念念現前。臨機應變，得大自由。生死去來了無朕跡。然雖如是，蔣山怎麼說話？向虎丘師兄面前不滿一笑。何故？當門不用栽荆棘。後代兒孫惹著衣。

衆道友就淨慈請山僧自住鍾山以來，早滂相。仍今歲尤甚。下山持鉢，荷衆信檀，越令陞此座。舉揚宗旨，俾得餘利，以爲一飽之計。且道如何是宗旨？作麼生。

舉揚據實而論。設使盡大地若草若木。各各具廣長舌相。亦不能措一詞。今爲衆信之心。誠確不免就第二義門。東語西話。應箇時節去也。所謂宗旨者。蓋是釋迦老子三百六十餘會。橫說豎說。說不著底。一著子末。後於百萬大衆中拈花示衆。獨有迦葉一人破顏微笑。釋迦老子便與佗著一箇名字。謂之正法眼藏。涅槃妙心。分付摩訶大迦葉。自此西天四七唐土。二三天下。老和尚的相承。而至今日。鞠其所歸。不出只今見前一衆。各各當人。真實一念。此念未明以前。諸人日用應緣處。不曾減一絲毫。既明之後。諸人日用應緣處。亦不曾增一絲毫。上至諸聖。下及六道。一切含識。皆具此真實一念。以其於日月應緣處。迷則業緣。悟則佛性。然則業緣佛性。間不容髮。但忘取捨之心。隨處自然解脫。所以佛說南閻浮提人。念頭猛烈。最能爲善。最能爲惡。超四果。越十地。坐與諸佛齊等。亦由此一念所爲。經三途。歷六道。終陷阿鼻地獄。亦由此一念所造。衆信道流。儻能一念頓證。則善之與惡。籠罩不住。所以六祖大師。謂明上座云。不思

善不思惡。正當恁麼時。如何是明上座本來面目。然則諸檀信。見前一衆。日用應緣處。此一念不系於善。不系於惡。殊不知此一念。如大日輪。昇于東方。清淨光明。無幽不燭。只如諸檀信。見前一衆。每日起心動念。運轉施爲。折旋俯仰。父母夫婦之間。兄弟朋友之際。或流於善。或流於惡。一一皆謾自心。不得既謾自心。不得但於日用應緣處。急急著眼看。此一念之善。一念之惡。自何而來。驀然覷破。知此一念來處。則世間善惡。惡籠絡不住。三界二十五有。當下冰消。八萬四千塵勞。隨處解脫。全體是自家真實。一念方信。道從上佛祖。天下老宿。以至山河大地。日月星辰。草芥人畜。情與無情。悉從我一念真實心中流出。所以道。只箇心心。是佛。十方世界。最靈物。縱橫妙用。可憐生。一切不如心。真實古人。雖是慈悲之故。有落草之談。只要箇人明此真實。一念豈不見昔日靈山會中。有一上首。爲乞士。遇恒迦比丘。問之。乞士從何而來。乞士云。從真實中來。恒迦云。何名真實。乞士云。寂滅故名真實。只如見前三界綿綿。四生浩浩。僧是僧。

俗是俗立底立坐底坐內爲見聞覺知生住異滅所惑外爲萬象森羅色空明暗所移是寂滅不是寂滅這裏若不是真實一念見前則未免被物所轉恒迦又問云寂滅相中有所求耶無所求耶乞士云無所求恒迦云既無所求何用求耶乞士云無所求中吾故求之耳看佗二人問者窮源到底要見淺深答者似鏡臨臺難逃妍醜恒迦又問無所求中何用求耶乞士云所有求者一切皆空得者亦空著者亦空實者亦空來者亦空語者亦空問者亦空寂滅涅槃一切虛空分界亦復皆空吾爲如是次第空法而求真實大衆得者不空則爲得心所累著者不空則處處執滯不得解脫來者不空則爲動相之所移語者問者不空則死在句下爲語言之所役寂滅涅槃一切虛空分界不空則爲勝妙境界之所籠罩無有出期則真實一念何由發露只如山僧今歲諸莊大浸顆粒不收可謂空矣下山持鉢所至處被人所迫不得已東語西話然未嘗有一毫實法與人可謂空矣便恁麼去山僧以此一念無說而說見前一衆以此一

念無聞而聞既無說又無聞畢竟喚什麼作真實喝一喝云寐語作什麼

聰藏主爲母請古人所謂養不足以報父母惟聖人以德報之德不足以達父母惟聖人以道達之道也者非世人之所謂道也妙神明出生死聖人之至道者也德也者非世之所謂德也備萬善被幽明聖人之至德如何謂之妙神明出生死之道如何謂之備萬善被幽明之德備禪和子置身在叢林中際已虛心究明自己自己若明無一事不是真乘無一法不爲妙用三界二十五有八萬四千塵勞四聖六凡情與無情盡向這裏冰消瓦解當恁麼時非特報今生父母以德達今生父母以道以至歷劫以來父母無不報之以德達之以道豈不見昔日伏馱密多尊者年五十口未曾言足未曾履且道佗五十年口不曾言足不曾履意在什麼處一日見佛陀難提至其家遽起作禮而說偈言父母非我親誰是最親者諸佛非我道誰是最道者難提以偈答曰汝言與心親父母非可比汝行與道合諸佛心卽是此便是達親以

道報親以德底張本只如吾人稟父母之遺體三年然後免懷抱如何說箇父母非我親底道理吾人剃除鬚髮著佛衣喫佛飯依佛而住當行佛行作麼生說箇諸佛非我道底道理須知伏馱尊者五十年中爲箇一事口不敢言足不敢履一旦得難提尊者提金剛王寶劍不犯鋒銳直下向咽喉上一刺直得伏馱尊者五十年礙膺之物渙然冰釋所以難提道汝言與心親父母非可比汝行與道合諸佛心即是如是則言與心親則全是本來父母道與行合則諸佛之心不從外得是知妙神明出生死之道備萬善被幽明之德伏馱密多五十年間了然蘊在胃中口雖不言言滿天下足雖不履獨步大方驚被難提尊者點發直得光明盛大照映寰宇爲在家出家補報父母重恩底榜樣是故今日檀越張丈省元巫丈省元同聰藏主入山爲令尊堂戴氏小一太君愍忌與百日同時辦香積供供養見前學般若道流因命山野墜于此座舉唱宗乘所將妙善以資冥福用報親恩眞所謂善達其親以吾聖人之道善報其親以吾聖

人之德大凡人生天地間不論僧之與俗在家有在家之孝出家有出家之孝在家則生事之以禮死葬之以禮祭之以禮出家則參究妙神明出生死之道熏煉備萬善被幽明之德儻能自己洞明則此道此德歷歷見前到這田地上無不報之恩下有可行之道聞之尊堂太君賦性溫謙樂善不倦以其稟溫謙之性自然於日用中與善相應燕居食息動容周旋無有一事不中禮法用是日日晨昏不暇他務以看經念佛爲務當不暇他務之際便是善心純至善心既純至則所看之經是自心之經所念之佛是自心之佛是皆自溫謙性中流出也至於賓轄造門殫力祇遇賤人患難如己之急自非平昔樂善不倦曠克若此雖臨終之際索香湯沐浴集闔門眷聚乃子若孫環立寢所以授遺訓我沒之後必生好處汝等不必憶我又且誦阿彌陀佛至瞑目不輟於口大抵臨生死之際不容以僞看佗令尊堂太君九十餘年遊人間世現婦女身溫以處已謙以御衆樂善不倦時節既至付囑便行眞所謂佛子若能於一切處善用

其心則獲一切勝妙功德。此之謂也。昔城東老母與佛同生。不願見佛。纔見佛來。以兩手掩面。佛於十指間。頓現。直是無迴避處。敢問大衆。且道城東老母。不願見佛。與令尊堂太君。臨終念佛。不輟於口。還有優劣也。無見前一衆。但能參透妙神明。出生死之道。熏煉備萬善。被幽明之德。透頂透底了了分明。則知戴氏太君。與城東老母二人落處。若知得此二人落處。則知各人自己落處。若知各人自己落處。此妙神明。出生死之道。備萬善。被幽明之德。十二時中。無有不現。前底時節。既得此時節。現前則世世間平等。頓超人與非人性相。無異獨有。蔣山拂子不入這箇保社。何故。三賢固未明斯旨。十聖那能達此宗。

天童中夏教海淵深。萬論千經。皆攝入禪門。浩博六凡四聖。悉包容。衲僧家各各負冲天氣。字掀翻教海。千經萬論。無處棲蹤。擊碎禪門四聖六凡。無容身地。如是則禪之與教。皆是強名。黃面老子四十九年橫說豎說。空有性相。頓漸偏圓。未免徒將五彩描畫。虛空碧眼。胡僧萬里西來。直指人心。見性成佛。無端特

與鉢孟強安柄。欄軒知這些貨。賂誰不有之。但能反已而求。自然隨處解脫。豈不見昔日禾山普禪師。左繇人賦性豪邁。不受控勒。氣節孤高。見識明敏。講唯識起信論。與衆難疑。答問千變萬化。七縱八橫。無敢嬰其鋒者。常罪圭峯疏多臆說。摘其失處。以戒學者。云不足信。間有老師宿學。皆數之曰。圭峯清涼國師之所印可。汝敢雌黃之。蚍蜉撼大樹之謂也。普嘆曰。今之學者。以名位自惑久矣。清涼圭峯非有三頭六臂。奈何甘自屈辱乎。是他氣節高。見識明。雖是文字之學。已不爲文字所惑。使其參請有大發明。縱從上佛祖有所未至。亦必直之。是時黃檗勝和尚自江西歸成都。保福呂龍圖名大防者。帥成都執弟子禮。日名參叩。普雖性豪邁。不受控勒。然却疑此事。於是易服竊聽其議論。終日不曉一詞。遂心憤憤。口排排。歸臥看屋梁曰。昔勝曾業講有名。而呂公當世第一賢者。相與醺酢。敬信如此。而我乃不信耶。所疑未解。坐寡聞也。大抵參究此事。須是有箇般氣。字始得。乃出蜀至荊南金鑾。聞其會中有一老衲。曾見了山情菴

主來叢林目之爲飽參普遂叩之曰經論何負於禪宗每見長老。家多譏訶之何也。老衲謂之曰業經論者以其是情識義理思想邊量。非能發聖成道。脫有發聖成道者。籍經論爲緣耳。儻不因自證自悟。唯經論是仗。則世間能讀能誦。能知能解。皆一時證聖成道去。寧肯僕僕與吾輩俯仰於叢林中耶。又況經論皆紙上死語。教家謂之所知障。烏能發聖成道。尋常教家言所知不是障。是障障所知。山僧舊曾在講下聽諸講師講所知障。義章翻覆講解。枝詞蔓語。終不可曉。以今日山僧見處。只就自家日用中略爲評品。只如適來老衲道業經論者。以其情識義理思想邊量。是所知障。諸人十二時中。推窮尋逐。情識義理思想之際。那箇是能知之心。你若當情識義理思想之境。見前之時。見徹能知之心。本空則所知之境。自寂便見所知之境。外無能知之心。能知之心外。無所知之境。心境既空。性相平等。直饒恁麼向衲僧門下。天地懸隔。是故達磨大師得得西來。顯言教外別傳。是也。這老衲要推鞠普。踉過此事處。遂就佗經論窠子。

問佗只如經中道一切衆生本來成佛。汝還信否。普云世尊之語。安敢不信。老衲曰。既信何用區區遠來。普曰。吾聞禪宗有別傳之旨。故來。老衲曰。是則未信。非能信也。大抵禪宗直指之要。非有佗說。盡亦人人見行。本分事耳。如釋迦老子。纔出頭來。以手指天地云。唯吾獨尊。此乃明明顯示。直指之要以悟人矣。及乎見明星悟道。乃云奇哉。一切衆生。具有如來智慧。德相與夫一切衆生。本來成佛等語。是知吾佛重重以直指之要。八字打開。颺在諸人懷裏了也。自是吾人爲其徒者。不能當面便領。却向千經萬論中尋言逐句。甘自陷溺於語言名相之域。迷而不反。所以達磨大師航海而來。徑提此事。顯言不立文字。直指人心。見性成佛。是故老衲以經中所說一切衆生本來成佛之語。痛懲詰於普。却似將一箇鐵蒺藜。著在普胷中。而普雖不當下便省。而胷中耿耿。地有箇物礙塞銷鎔不去。此銷鎔不去之時。便是佗漸有契證之地。乃云其病安在。老衲曰。能見黃龍南禪師。當使汝之疾有廖矣。普於是卽日遂行。纔至黃龍。便問南禪

師云如阿難問迦葉云世尊傳金襴外別傳何物迦葉遂召阿難阿難應喏迦葉云倒却門前刹竿著意旨如何看佗置箇問端只從佗在講下罪圭峯臆說處來及不曉黃檗與呂龍圖議論乃云所疑未解坐寡聞處來又從老衲以經論是情識義理思想邊量處來黃龍南禪師眼高一世戲見佗心肝五臟中病痛於其問端上不易絲毫而問之曰上人出蜀曾到玉泉否云曾到云曾掛搭否云一夕便行南云智者道場關將軍打供與結緣幾時何妨此語正是倒却門前刹竿著底註脚普雖默然良久復理前問正是普疑心將破胷中之物銷鎔發聖成道之時也南公遂俛首可謂殺人不用刀活人不用劍普當下大悟頓忘所證趨出大驚曰兩川義虎不消此老一睡看佗得這箇時節入手無言可對無理可伸只道得箇兩川義虎不消此老一睡後來出世住禾山臨遷寂時受一寺人生祭足卽坐脫而去古人道大疑之下必有大悟小疑小悟不疑不悟原其所悟之由若不是疑教外別傳之旨疑之最深不得南禪師等閑俛

首以攻其膏肓之疾安得到大安樂之地然後知倒却門前刹竿底道理智者道場關將軍打供與夫俛首底時節了無異轍到這裏禪之與教著不得佛之與祖著不得當之著不得處事事著得終日經論而不墮語言之域終日聖凡而頓忘昇沉之跡出生入死得大自由世出出間了無剩法便怎麼去猶是小歇場暫時活計更須知有佛祖未與禪教未立禾山未離講肆未見南禪師底一著始得汝等諸人若要知得這一著落處但如禾山普禪師見南禪師大悟一回自然分曉不著問人設或未辨端倪他日異時閻羅老子徵你飯錢莫言不道

徑山癡絕和尚法語

嗣法門人 智圓 元省 元樞 編

示嚴壽首座前住彭州天寧

瞿曇老子費盡口業橫說豎說初無一箇元字脚與人囉啗達磨大師得得西來單傳心印亦無一針鋒許與人作道理須是箇漢具天然氣槩於一切時一切處向瞿曇未出世達磨未西來以前研窮體究時

節既至。噴地一下。明見本地。便知瞿曇不曾出世。達磨不曾西來。在在處處。常光現前。刹刹塵塵。初非外物。直饒恁麼。猶是小小歇場。暫時活計。未是宗門中事。不見雲門大師道。任你橫說豎說。未是宗門中事。是甚麼熱碗。鳴三乘十二分教。說夢達磨西來說夢。若有老宿開堂。椎殺百千萬箇。有甚麼過雲門恁麼。揭示且道。還當得宗門中事也。無山僧自住持以來。亦曾爲人東說西說。若是宗門中事。未曾夢見有人痛下毒手。椎殺山僧。不爲分外嚴壽首座。極有志於道。忽來告別。覓語薦云。某甲下手。山僧只向佗道。善爲道路。

示法嗣知客

衲僧門下。正令全提。如擊石火。閃電光。旱地奔雷。懸崖落石。相似未曾眨眼。早是蹉過。是佗從上老宿。踏得這一脉著。等閑垂一機。示一境。自然去離泥水。活人眼目。初無實法與人。豈不見良遂座主。參麻谷谷。一見來。便去鋤草。良遂到鋤草處。谷殊不願。便歸方丈。掩却門。良遂乃敲門。谷問云。阿誰。遂擬對。忽然契。

悟乃云。和尚莫謾良遂好。若不來禮拜。和尚幾乎被經綸賺過。一生且道。麻谷有指示。無指示。若道有麻谷。向道什麼。若道無良遂。因什麼。悟後歸到講肆中。謂人曰。諸人知處。良遂總知。良遂知處。諸人不知。良遂得這些巴鼻。入手便有活人底眼目。檢點將來。未免乞兒暴富。當時講肆中。忽有箇漢。不受人譏。翻轉面皮。看佗良遂。無容身之地。法嗣知客自錦城講肆中。知有教外別傳一段大事。得得南泉。尋人決擇。兩到山間。道聚山僧曰。衰於人事海中。無暇去鋤草。亦不曾閉却方丈門。只是相煩客司。一年了。是箇氣吞宇宙底漢。一點也謾佗不得。但如良遂見麻谷一回。便知經綸果有賺人處。若有賺人處。則自己知處。灼然一切人不知。如是則未離講肆。未出瞿塘行脚事。畢豈待區區八千里往來。然後爲得耶。雖然。歸到講肆中。切忌妄通消息。忽然撞著箇人。翻轉面皮。莫言不道。

示悟開首座前往建康清涼

達磨六傳而至曹溪。曹溪之後。南嶽收其餘毒。肆其

酩於江湖之間。馬駒中毒。殺八十四人。箇箇阿轆轤。地獨有百丈向一喝下。拾得箇窮性命。坐在大雄峯頂。幸自可憐。生無端被黃檗覷破。喚作大機之用。帶累臨濟只具一隻眼。自此一人傳一人。習以成風。莫之敢遏。至於楊岐栗棘蓬。白雲上大人。東山暗號子。賺得圓悟於小玉聲中。此毒現前。熏染應菴。斃於睡虎爪牙之下。幸而有箇破沙盆。活得起來。直得炎炎之氣。塞乎天地之間。窮其來處。而無蹤究其用處。而無跡。皆所以碎諸方之窠臼。發千聖之靈機。近來此毒。看看掃土而盡絕。無氣息。悟開首座。拚得性命於無氣息處。發此餘毒。以施來學。則達磨正宗。不致寂寥也。

示智沂首座

諸佛未出世以前。好箇清平世界。及乎靈山拈花。以正法眼。付金色頭陀之後。便見千戈一動。四海塵昏。西天四七。略露鋒銑。唐土二三。互施劍戟。帶累後代兒孫。各據一方。遞相鼓譟。指南作北。喝水成冰。未嘗有一人端的見正法眼之落處。獨有雲門風穴二大

老較些子。一人道普。一人道瞎。雖則各出隻手。扶此正法眼。欲使其光明燦爛。殊不知轉見黑墨律。舉便恁麼去。譬如清廟之瑟。朱絃而踈。越一唱而三嘆。有遺音者矣。是故密菴師祖。得其遺音。喚作破沙盆。颺在糞掃堆頭。無人會得。獨有松源老人。知得落處。放出箇勘。驢一踏踏得粉碎。只要於諸佛未出世以前。善自提持。以壽後世無窮之傳也。

示了微侍者。前住渠州延福。

佛祖闡域。訥僧巴鼻。非是聰明利智。博見多聞。而能證入。又非峻機慧辯。泯默忘言。而能造詣直饒。具通天作略。蓋世英雄。未舉先知。未言先領。亦未得其髣髴。須是於二六時中。回光返照。作可不會。不可妄有領覽。纔有一毫髮妄。自領覽執以爲是。則是生死根本。但一味退步。就已默默。參究愈退。步愈有力。愈不會。愈現成。驀然一處錯踏。翻千處萬處俱透脫。始見從前聰明利智。博見多聞。峻機慧辯。泯默忘言。皆是自家受用。三昧便能欺賢罔聖。破二作三。拈一莖草。作倚天長劍。殺活自由。以黑豆子。換天下人眼睛。

聖凡罔測。得到怎麼田地。莫便是佛祖闡域。衲僧巴鼻麼。且喜沒交涉了。微侍者爲道正切。以省親西。弄一日告別。驀問云。如何是佛祖闡域。衲僧巴鼻。余謂之曰。若要洞明此事。初無佗術。別沒諸訛。余三十年前。與令師祖啞菴老子。於江湖上。究之已熟。此老雖過去久矣。然浮屠巍然肉猶煖在。歸到家山。但拊塔而問之。此老雖冥冥中。自有方便。然子生平。幅強豈甘受秤錘落井之譏耶。佗日再南。却須爲我說破。無爽此語。

示覺照首座。前往江州東林。

行脚道流。挑箇鉢囊。置身在叢林中。只要洞明自己。自己若不洞明。纔則被地水火風。汨沒細則被生住異滅。流注內爲見聞。覺知所惑。外爲色空。明暗所使。無自由分。是佗本色。行脚道流。一旦洞明自己。許多粗細。內外境界。盡向這裏。一時水銷瓦解。任是從上若佛若祖。天下老和尚。悉須向背後叉手。蓋由佗識得自己。分明於一切處。作得主宰。不爲一切善惡。凡聖搖撼。到此田地。亦未是本色。行脚道流。立地處在。

豈不見曹山和尚云。師僧家在這箇衲衣下。須會向上事。莫作等閑。若承當得分明。卽轉佗諸聖。向自己背後。方始得自由。若也轉佗不歸。直饒學得十成。須向佗背後叉手。說甚大話。若轉得歸自己。一切麤細。境來亦盡作得主宰。曹山等是老婆心切。然就中要妙。只如道。須會向上事。且作麼生。是向上事。這裏承當得分明。便知本色。行脚道流。立地處。既知行脚道流。立地處。非特轉佗諸聖。向自己背後。亦乃敢開大口。說大話。捩轉天下人鼻孔。覺照首座。相處既久。造詣益深。且問大話。作麼生說。捩轉天下人鼻孔。無出這些子。試向未行脚以前。露箇消息。直饒怎麼。衲僧門下。當甚破草鞋。

示歸勤藏主。

爲人須得爲人眼。見地須得見地。句是佗從上老宿。等閑垂一機。示一境。七縱八橫。千變萬化。不守故常。俾一切人不覺不知。驀然漆桶。破光影。盡譬如昨夜降雪。相似天昏地黑。朔風撼空。凍雪壓屋。盡大地人。不知所以。及乎曙色。纔分各各起來。豁開戶牖。四方。

八面世界一時別了。直得大地山川了無高下。百草樹木莫辨洪纖。雖則一色全真。洞然明白。若不見覘。則消遇雨則解。依舊是從前世界。則一切萬物皆無生意。參學人若得漆桶破。光影盡。正是坐在一色全真。洞然明白。處若不是箇具大眼目。底與伊痛下毒手。盡底揭翻。使之依舊眼橫鼻直。一切尋常。則未免陷入解脫毒海裏。頭出頭沒。更無活路。只是箇死漢。有甚用處。晞勤藏主久遊叢林。今欲西泝。袖紙覓語。正值大雪漫漫。因呵凍述此以遺之。且道是爲人眼見地。句試辨看。

示從聞禪人前往建康崇因

西天四七唐土二三。天下老和尚互與於世。略露目前些子。如劊子手裏刀相似。直下截斷人命根。初無絲毫許實法。與人入思惟作道理。向衲僧門下。猶如掘地覓天。那更談玄說妙。舉古明今。三玄戈甲裏。定諸訛。四種料揀中。分得失。絲來線去。露布葛藤。錮鑑人家男女。未有了日。是佗有志參學之士。負衝天氣。字蘊蓋世英雄。著眼於佛祖。未與以前密契於古今。

窠臼之外等閑一語。默一動靜。自然超宗異日。草偃風行。終不肯倚佗牆壁。跨佗門戶。坐佗牀榻。喫佗殘羹。餽飯以自屈抑於衲僧門下方較些子。豈不見高亭參德山。乃隔江問訊。山以手招之高亭。忽然開悟。便橫趨而過。盡道德山。略露目前些子。無法與人。殊不知無端與賊過梯。高亭橫趨而過。其奈已是喫佗殘羹。餽飯了也。蔣山恁麼道。未免罪過。彌天若檢點得出於衲僧門下。却較些子。苟或未然。三十棒山僧自喫不干你事。

示惠照藏主

眞實參學之士。欲明此道。至不一也。銳者喜進怯者日退。敏者易趨急者思止。或以泯默無言爲實地。或以研窮性理作根源。或以明辨古今爲極。則或以百無所解爲歇場。智識之偏趨向之異。雖豪傑特達之士。有不能自免。若不是箇咬豬狗。烹手。脚活。爪牙有三千里外定。諸訛底眼目。提向上。鉗鎚攻其偏墜。繫其乖異。則未免大家裘在草窠裏。以謂此道只如此。深可憐憫。豈不見趙州問南泉云。如何是道。南泉云。

平常心是道。這些子如砒霜狼毒峭壁懸崖。無你下口處。無你入作處。獨有趙州較些子。便云還可趨向也。無泉云。擬向卽乖。州云。不擬爭知是道。泉云。道不屬知。不屬不知。知是妄覺。不知是無記。若真達不疑之道。豁然如太虎空。豈可強是非耶。只如南泉。恁麼道。莫便是提向上鉗鎚。攻其偏墜。擊其乖異。麼且喜沒交涉。惠照藏主。要知落處。此去天台城外。有箇瑞巖老子。具三千里外定。請託底眼目。脚未跨門。必能爲子說破。便見光孝一場敗缺。不同小小。

示紹明維那前住建康天禧

達磨大師自西天帶得些毒氣來。此土惟神光中之一失人身。萬劫不復。自此毒氣流行天下。遞代熏蒸。直至于今。虐焰愈熾。獨有臨濟老漢。在黃檗山中。毒氣熏心。無理會處。及到高安灘頭。此毒見前。便解掣風掣顛。但有來者。一味喝將去。誰奈伊何。譬如鴛鳥飛空。一毛落處。山無草木。水無鱗介。後來興化於大。雪棒下。此毒一發於克賓。維那法戰之時。痛下毒手。卽割鐵飯。起出院。便是與臨濟喫六十拄杖。雪屈在。

今叢林列利相望。據位稱師。孰不自謂會中。此毒欲求中得親切。善用此毒者。誰歟。禪和家道。我到處行脚。往往尋香逐臭。親切中此毒者。誰歟。山僧自行脚住山而來。橫草不拈。豎草不斬。瞞瞞頂頂。飢餐渴飲。且恁麼過。迥不知此毒來處。但只相煩紹明維那。悅衆茲山。以無心應大帥天禧之命。袖紙覓語。不覺引筆。及此。逗到天禧。忽地此毒流行。切莫錯恠。蔣山好。

示宗雅首座前住建康奉聖

世之學者。根有大小。性有利鈍。是故從上老宿。以善巧方便。隨其根本之大小。利鈍而誘掖之。或馬面夜叉。或諸佛菩薩。或刀山劍樹。或佛國蓮宮。或隨類分形。予奪縱橫。生殺自在。攻其所偏。墜激其所未。到俾其各悟自本心。明自本性。然窮其用處。初無一絲毫許實法。與人也。譬如物之在天地之間。雖洪纖長短之不齊。及其較之以風雷潤之以雨露。俾各遂其生育長養之事。凝之以霜雪。肅殺之氣。以成其結實藏斂之功。更無一芥子許不適其宜。而不得其所。然窮其造化之用了。不可得。我這裏不問爾根之大小。性。

之利鈍只有一闔。悟關透得過底。一任天下橫行。透不過底。一任天下橫行。透得過底。固是天下橫行。透不過底。因甚麼也。天下橫行。要作達磨種草。請著眼看。勉之毋忽。

示了心藏主前往建寧三峯

衲僧家在母胎中。自解作師子吼。有此體裁。方可擔荷此宗。如其自負。依佗待人指授。記人言語。以當宗乘。總是滅胡種族。近來此道不振。良由師與弟子。遞相印證。撥無因果。誑諄閭閻。自謂能荷此宗。譬如刻蠶作旃檀像。縱經塵劫。只成臭氣。有志之士。速須遠離。自著精彩。自著眼腦。自成自立。一旦已眼洞明。放光照破四天下。方始不負行腳之志也。大匠誨人。能與人規矩。不能與人巧。宗師家用處。則不然。先與汝拈却規矩。待汝解信手。斫方圓。自然規矩符合。則巧在其中矣。雖然如此。亦是暫時岐路。小小歇場。便從衲僧門下。過更參三十年。始得且道。衲僧門下有甚長處。

示祖聰藏主
見徑山無準和尚
前往潭州智度

世尊拈花。迦葉微笑。世尊便道。吾有正法眼藏。涅槃妙心。分付摩訶大迦葉。自此西天四七唐土。三二人傳一人。如水傳器的的。相承至於今日。皆是上梁不正。下柱參差。以致天下老和尚。各據一方。播揚大教。明眼漢沒窠臼。且道有甚麼事。無甚麼事。若道有甚麼事。大丈夫氣宇。又安在哉。若道無甚麼事。只如天下叢林。列剎相望。又作麼生排遣。五峯頂上有箇無面目漢。可往見之。脚未跨門。必爲子說破。

示巽升維那前往梓州牛頭山

巽升維那。吾蜀英偉之士。久處叢林。浩然有歸省之志。江湖道舊。欲留之而不可得。道過鍾山。出此紙覓語。余謂之曰。所謂法語者。蓋前輩有道之士。提持佛祖。不傳之妙。警悟學者。余之不敏。烏足以能之。況子久參浙翁。大得其道。遍歷江湖。飽諸淺深。又安用此。雖然。以子歸省之志。形於夢想。故得發予之緒言。余嘗思今之學者。父母不供甘旨。叢林中行脚大事。選不加意。甘爲明教罪人。真可憐憫。今子非特了行脚大事。又且切切於歸省。是可嘉也。因記得圓悟禪師

示衆云。生身父母居堂上。從本爺娘在頂門。且道如何是從本爺娘。試以子在。潮翁爐鎚之下。如爆龜紋。爆則成兆底時。節考之。則娘生面目。遍界難藏。昔日視親庭奉甘旨。昏定晨省。冬溫夏清。而不爲親及手。別親庭。遊江海。涉山川。尋師擇友。參禪訪道。而不爲疎而今。歸省也。脚纔跨門。母念子之心。子寧親之意。啐啄同時。默默相契。語言不及。融融洩洩。和氣霽然。於一堂之上。不知與當時在。潮翁爐鎚之下。爆底時。節爲同爲異。蔣山口門窄。說不能到子之令兄。儒門宗匠。眼高諸方。必能定當。子若能未言先領。未舉先知。方信道達磨不來東土。二祖不往西天。更能推此一著。以惠來學。使一切人知有從本爺娘在頂門者。真不負生平行脚眼目。

示行彌藏主

正法眼藏。自靈山拈花。少林面壁。而來一人傳虛。萬人傳實。是皆賊證分明。偷心已死。然後於一切處。施白拈手。當面換人眼睛。是故三聖賊行愈高。累及興化於大覺棒下。見徹臨濟在黃檗處。喫棒底意。旨自

茲十一傳而至密菴。向白拈隊奪得箇破沙盆。非特換却松源眼睛和耳根。一時塞却。至今盡大地人。東西不辨。無處雪屈。若是箇善竊者。鬼神不知底。漢向未拈花。未面壁以前。驗得賊證分明。便見從上若佛若祖。歷世老宿。白拈款。按不待鞠勘。一時敗露。則所謂正法眼藏。愈見光明盛大矣。

示正受知客前住建寧府雲溪

古德云。參學人且向著佛不得處。體取時中常在。識盡功成。瞥然而起。卽是傷佗。而況言乎。只如道著佛不得處。體取且道。佛有甚麼過。阿那箇是著不得處。作麼生體取。這裏見得徹去。識雖盡而不盡。功旣成而無成。便見常在底人。脫體現前。妙用縱橫。無有不利。更有何物。瞥起而傷之乎。當恁麼時。一大藏教。千七百因緣。直下水消瓦解。覓一元字脚了。不可得全體。是自家常在底生涯。更須和這常在底一時。颺却。衲僧門下方較些子。千佛不能思。萬聖不能議。乾坤壞不壞。虚空包不包。一切比無倫。三世唱不起。且道是什麼物。得恁麼奇特。十二時中。試著眼看。粹迴

老子家法達磨大師門風。非心思意解。而能洞明豈語言文字。而能造入。是以靈山拈花。少林面壁。便有人領之於一笑之頃。得之於覓心了不可得處。自茲千燈續焰。五葉流芳。的的相承。綿綿不斷。等閑垂一機。示一境。一言半句。盡是與人抽釘拔楔。去離泥水。活人眼目。只要盡大地人。各各悟自心。見自性。初無實法與人。作窠窟。開活路。是故古德云。若以實法繫綴人。士亦消不得。既是不以實法繫綴人。喚什麼作釋迦老子門風。達磨大師家法。這裏若有轉身一路。始不負平生參學眼目。

示覺崇禪人前住建寧府三峯

無一定不易之操。不足以行脚。無堅忍力行之志。不足以辦道。是故古來參學之士。堅守其行脚之操。而不爲虛文之所惑。力行其辦道之志。不以小小不如意。而自沮發之。以強勉爲之。以果敢斷之。以決烈故。其行脚之操。愈久愈固。辦道之志。日進日新。及其日久。歲深。或師友激勵。逢場遇緣。豁然洞明。父母未生以前一段風光。不從它得。如拋家日久。一旦而返。故

鄉父母親屬。舊時半采一時頓現。不著問人。始不孤行脚之操。辦道之志。豈不見雲峯悅禪師參大愚。芝和尚三問佛法大意。大愚初無佛法玄妙。與之開活路。令其乞食。又令其營炭。而又令充悅衆。且道大愚老子意在什麼處。當時雲峯若無一定不易之操。堅忍力行之志。安能一一受大愚之訓。至於聞桶糴爆聲。而悟耶。皆自雲峯不爲虛文所惑。不爲世紛自沮。當乞食營炭悅衆之時。其操一定不易。其志堅忍。力行。是致桶爆聲中。透頂透底。洞明大事。及乎急走方丈。欲吐所悟。大愚纔見。便謂雲峯曰。且喜大事了畢。且道具箇什麼眼目。這裏識破大愚。則知俾雲峯乞食營炭。悅衆如善射者。箭不虛發。覺崇上人見流移壞蘆場安衆之具。事事失準。發心乞食。覓此爲警策之方。但如雲峯有一定不易之操。負堅忍力行之志。何患大事不明。勉之毋忽。

示大方首座前住梓州彌勒

大方首座道業既久。一日袖紙覓語。西泝余見其誠篤。由是以十方虛空爲紙。四大海爲硯。須彌爲墨。大

地草木爲筆用此硯磨此墨蘸此筆以此紙將從上佛祖傳不及說不到底法門一筆寫就聊以爲贈乃遂歡喜踊躍一心諦受而謂余曰好法語但中間腕頭用力太過錯了數字余曰非子之敏不足以知此然余方以土木之役裝懷未暇釐正姑持以歸當有具大眼目者爲汝點破便見蔣山未曾容易錯誤人

示宗定書記前住明州興善

若論此事非是智惠辯博多聞強記而可髣髴又非泯默忘言澄心靜慮而可造詣設使擊石火裏挨拶得出電光影裏鞭逼將來正是弄精魂漢至於機境上作活計理性中求妙解皆爲依草附木之妖詭總不恁麼自有轉身一路也是癡狂外邊走所以道絲毫繫念三塗業因譬爾情生萬劫羈鎖將知此事纔恁麼便不恁麼是句亦刻非句亦刻若有毫芒及不盡總是天魔外道眷屬是佗得底人出得一切險難離得一切窠臼終日只閑閑地如癡似兀亦不爲此事所縛等閑用將出來自然裂破古今搖撼坤悉使盡大地人各各洞明此事獨脫無依不隨許多塗

轍亦未是此事根抵在豈不見三角示衆云若論此事。眨上眉毛。早是蹉過。時麻谷出衆云。蹉過。卽不問。如何是此事。三角云。蹉過了也。谷便掀倒禪牀。三角便打箇條活路。踏著。便知。二大老雖則把手共行。未免各自奔前程。若是此事。夢也未夢見。在宗定書記久歷叢林。深諳此事。我且問書記。那裏是二大老未夢見處。穿天下人鼻。孔無出這些子。稍或躊躇待山僧換却舌頭。款款爲書記道破。

示道如書記

眞如不動。動用三界之中。至理絕言。言滿四天之下。只如世尊拈花。達磨面壁。是眞如不動。是至理忘言。若明辨得出。便知世尊不曾拈花。達磨未嘗面壁。眞如至理。皆是空花。動之與言。俱爲夢事。自家田地。觸處現成。拈毫端於文彩未彰之前。天回地轉。用一機於語默未施之際。鬼泣神號。如是則未出瞿塘。南詢事畢。不移寸步。已到家山。若是行脚大事。未曾夢見。豈不見石頭示衆云。言語動用。沒交涉。藥山云。直得非言語動用。亦沒交涉。頭云。這裏針劑不入山。云。這

裏石上栽花。箇條活路。踏著便知。二大把手共行。雖則各自奔前程。要且同時而到。若是行脚大事。亦未曾夢見。在道如書記。久從天童老子。遊行脚大事。此老必爲說。破江湖興。闌浩然有歸志。故來採水袖。出此紙。覓語爲警策之要。然蔣山素來乾爆爆地。石上栽花。針劑不入。要知淺深。但向未見天童時。薦取

示宗仁禪人遊廬山

叢林高士。辦一片眞實身心。出叢林入保社。尋師擇友。只要洞明自己了達生死。若不如。此只是箇遊山。既水空踏破草鞋。贏得脚板。闕於已無益。所以永嘉大師道遊江海。涉山川。尋師訪道。爲參禪。自從認得曹溪路。了知生死不相干。古人怎麼告報。已是十分入泥入水。若是箇漢。能善其機。通其變。則不移寸步。獨跨大方。掀翻自己。山川竭盡。本來江海。脚根下踏。斷釋迦老子性命。拄杖頭。獨踏達磨大師眼睛。無道可訪。無師可參。發無師智。縱自然智。豈不見龍濟修山主。再參地藏琛和尚云。已有未決。這回跋涉許多山川。極是辛苦。地藏云。許多山川。於汝也不惡。看佗

地藏不費纖毫氣力。用將出來。豈止藥龍濟向外馳求之疾。直得盡大地人。馳求之心。於此冰消瓦解。宗仁禪人。鐵塔上足。欲爲廬山遊袖。紙覓語。途中爲助道之要。但能於地藏所示。許多山川。於汝也不惡。急著眼看。忽然覷透地藏用處。便見一切時。一切處。無虛弃底工夫。一舉足。一動步。盡在曹溪路上。信知生死不相干。廬山面目。處處發現。直饒怎麼。更須知有諸佛未出世。祖師未西來。底一著。始稱行脚高士。蔣山已是不惜口業。前途親見廬山面目。和自己鼻孔。一時打失。却回鐵塔堂上。爲師拈背放光。始見蔣山。敗缺不同小小。

示祖傳維那

祖宗門下。據令而行。何雷法堂前草深一丈。直得乾坤大地。一時荒却也。未得其髣髴。何況三婆兩嫗。說黃道黑。窮性理。談玄妙。辨古今。從事泯默。遊神覺觀。廣立門庭。展開戶牖。簷鼓人家男女。以謂祖宗門中。實有恁麼事。大似鄭州出曹門。是佗從上老宿。具大眼目。初沒周由者也。及其用將出來。如張道陵丹筆。

等閑提起自然石裂崖崩神號鬼哭看者不容眨眼。參學之士到箇裏若非蘊大根。哭有大力量。往往望崖而退。豈不見興化和尙。一日爲克賓維那云。汝不久爲唱道之師。克賓云。不入這保社。興化云。汝會了不入。不會不入。克賓云。總不恁麼。且道克賓恁麼。祇對還契得興化意也。無若也。契得興化爲甚麼。便打。罰鑽飯。趕出院。若契不得爲什麼。嗣化興化祖宗門下得人。憎無出這些子。看化父子相投。水乳相合。雖則就中要妙。未免遞相鈍置。當時興化更若盡令而行。臨濟正宗不到如此。祖傳維那親從華藏會中來。此相聚興化打克賓底拄杖。在今天下。惟淳菴老子一人有之。想法戰時。決然別有長處。惜余無定古今眼。以辨之子。雖理西泝之舟。不暇與余道。破然化曰。再南。驚劄相逢。不勘自敗。始知祖宗門下令不虛行。青山一會。儼然未散。

示惠濟藏主

達磨西來直指人心。見性成佛。且道有恁麼事。無恁麼事。若道有埋沒自己。若道無孤負先聖這一脉。雖

則如天普蓋。似地普擎。如風普吹。如日普照。其奈無你會處。無你不會處。設使有亦不立。無亦不著。不求諸聖。不重己靈。本自天真。不假工夫。學得正是依草附木。精靈守古塚底鬼子。那更擬心湊泊。著意研窮。斷寂默之鄉。遊語言之域。執性難相拚。妙剖玄考古論。今契理就事。譬如蒸砂作飯。豈療飢瘡。掘地覓天。莫覩霄漢。行脚人等。是踏破草鞋。索性一踏踏翻。天崩地裂。周行無轍跡。四顧絕遮欄。驅八面風。鬼神莫測。說甚麼達磨西來。恁是黃面瞿曇。也須向手中乞命。雖然要且只明得達磨西來事。未明得達磨未來事。且道如何是達磨未來事。此去天台瑞岳有大導師。名曰高原達法源底。善說法要。到彼炷香作禮。而問曰。如何是達磨未來事。此老必爲說破。却款款來。鍾山請木上座爲汝證明。

示思遠禪人

宗乘一唱十二分教。瓦解冰消。祖令當行。盡大地人。亡鋒結舌。咸音那畔。無師自悟。正是倚牆傍壁。漢在母胎中。便解作師子吼。何異野干鳴。將知箇一脉子。

若不是箇有力量大人。全身擔荷。未免向骨董袋裏。頭出頭沒。豈不見德山。未出峽時。幸自可憐生。纔到南方。向吹滅紙燭處。中龍潭之毒。此毒一發。只據一條白棒。但有來者。從頭打去。直至。于今。盡大地人。忍痛不徹。雖然。要且。未曾有一人。知得此痛來處。思遠上人。罷講行脚。有志於道。若知此痛來處。便見德山。未出峽時。性命已在龍潭手裏。龍潭心肝五臟。未吹滅紙燭。已被德山。覷破如是。則萬里南來。孃生面目。在在處處。分明及其西歸。本所住處。剎剎塵塵。頓現。苟或未然。前途築著脚指頭。驀然悟去。始知蔣山多口。

示海印禪人

大凡挑囊負鉢。出叢林入保社。見尊宿。究明袈裟下。一段大事。要得透頂透底。常光現前。自由自在。直是三界二十五有。八萬四千塵勞煩惱。籠罩不住。等閑行一步。直得盡乾坤大地。震動道一句。則從上若佛若祖。一切言句。盡情冰消瓦解。得到恁麼田地。猶謂之暫時岐路。小小歇場。亦未是袈裟下大事。在那更

尋言逐句。向外馳求。古今因緣裏。剖拆玄微。諸方禪牀角頭。囉哩野狐涎。睡以當平生。將謂袈裟下事。只如此真。所謂地獄劫住。未有出期。豈不見古德云。地獄未是苦。袈裟下事。不明。最是苦。古人恁麼告報。雖則一等和泥合水。然就中要妙。若是翻身。師子返轉。無蹤大闢。提人佛也不識。更有甚麼袈裟下事。地獄劫住。又向什麼處著。伊自有超宗異目。底氣槩。又何患達磨正宗。寂寥耶海。印上人久歷叢林。今欲西泝。道過鍾山。一見而別。又且需語信筆遺之。若向此紙上下度。則山僧當墮無間。

示宗亮藏主

見成公案。不涉廉纖。匝地普天。籠今罩古。擬心湊泊。分明對面。隔西天。脫體承當。猶是依草附木。漢將知此事。無備會處。須是自家。纔生鐵鑄就底身心。擔得性命。二六時中。密密體究。時時履踐。驀然打箇沒合殺。逢境遇緣。親師見友。輕輕點著。如睡夢覺。如雲開見日。方省箇事。遍周沙界。爲山河大地。根源作四聖六凡。本要而蘊在當人。方寸之中。不從他處發揮。常

在頂門顯露。得到怎麼田地。正好尋大爐。精惡鉗鎚。底宗師千煅萬煉。去却從前頂門顯露底許多光影。然後眉毛只在眼上。鼻孔依舊大頭垂。只可隨緣放曠。任性逍遙。設或與慈運悲等閑拈一絲頭。自然搖乾撼坤。與一切人截生死根源。碎聖凡窠臼。真不負平生行脚志。豈不見馬大師因水潦問如何。是西來的大意。馬祖當曾一踏踏。倒水潦起來。拈掌大笑云。百千法門。無量妙義。只向一毫頭上。識得根源去。且道這一毫頭。從甚處來。這裏知得來。處便見馬大師與賊過梯。不爲好手。若總道便是馬大師。拈一絲頭。與人截生死根源。碎聖凡窠臼。非但不識馬大師用處。亦乃孤負行脚本志。方今天下。得馬大師用處。惟長蘆老子一人而已。宗亮藏主宜往問之。將見脚未跨門。先遭一踏。莫言不道。

示聞解上人

吾蜀有志行脚之士。經萬里之遙。歷三峽之險。初不爲遊州縣看景致。而過直爲生死心不明。著身叢林中。尋師擇友。斬一言半句。以脫生死。然此事惟在當

人辦長久之心。立決定志。晝三夜三。孜孜地於十二時中行住坐臥。默默提撕。切切體究。直令自家三百六十骨節。八萬四千毛竅。以至盡乾坤大地色空明暗。無一絲毫不是我生死不明之心。若如此體究如此提撕。從朝至暮。無有間斷。時節既至。或逢緣遇境。或師友觸撥。驚然啞地一聲。前後際斷。三祇劫空。卽此生死不明之心。當下如十日並照。如鬧市裏逢著故人。相似方省。本有之物。元來只在這裏。參學人得到怎麼田地。十箇有五雙。盡向這裏點頭。嚙唾。自謂快活。不徹殊不知。正是生死根本。若不是具大眼目。宗師用盡毒底手段。爛却肚腸。斷却性命。未免打入依草附木。魍魎孤魂。隊裏無出頭處。在今天下。用得這箇手段。底宗師。惟天童老叔一人而已。行脚人往往貪生畏死。不肯親近此老。聞解上人。旣拈得性命。而往決定未過錢塘江。被毒氣一熏。喪却命根和骨頭。一時換却。非特不負行脚本志。抑亦見吾言不妄。

示士杰侍者

近來學者。挑囊負鉢。見善知識。求朋擇友。到處千百

成羣總道我行脚及乎問佗如何是行脚事。十箇有五。雙目瞪口。吐或道不知。或云不會。至於拂袖而出。掩耳便行。豎指擎拳。揚眉瞬目。畫箇圓相。作女人拜。繞禪牀。躑足立。千般妖恠。萬種技能。總是業識茫茫。無本可據。若是行脚大事。直是未在。且畢竟如何是行脚事。但於十二時中。回思發足出叢林。入保社。諸方知識。指示良朋。善友激勵。其行脚大事。到與不到。徹與未徹。一一在當人方寸之中。不待他人指注。然後始知。如是其已徹。已到底。消息未曾添一絲毫。其未徹。未到底。消息未曾欠一絲毫。只要當人日用中。念念不忘。心心無間。一旦如三家村裏人。於耕田處。拾得一粒金丹。等閑喫了。直得渾家白日升天。相似。其徹與未徹。到與未到底。盡向這裏水消瓦解。覓此方寸之地。了不可得。然後於不可得處。拈一絲毫用。將出來。自然一一蓋天。蓋地。便可於一切處。造千般之妖恠。用萬種之技能。使一切人。知有行脚大事。直饒到恁麼田地。猶是業識茫茫。無本可據。畢竟如何。明眼漢。沒窠臼。却物爲上。逐物爲下。透得過者。人面。

玲瓏。透不過者。未免死在句下。可不勉哉。士未侍者。覓警策之方。因筆此。以示之。倘能信於言意之外。行脚大事。現前始不孤所示之要也。

示宗寶藏主

昔睦州勉臨濟。問黃檗佛法大意。三度發問。三遭痛棒。議者謂三入爐鞴。不犯雜毒。殊不知已深中黃檗之毒了也。只是不知此毒來處。是他睦州不知具何眼目。又謂黃檗云。問話上座。甚如法。若辭和尙。方便接伊。向後穿鑿成一株大樹。陰涼天下人去在。若果是陰涼大樹。肯受人穿鑿耶。逗到大愚此毒一發。便能築大愚三拳。揮黃檗一堂。看他知得此毒來處。拈來便用。豈止天愁地慘。鬼哭神號。縱千佛出來。也不奈伊何。雖然未免已被人處分。當時睦州勉令問黃檗佛法大意之時。便用此拳揮此掌。則黃檗宗乘何翅如此。後來獨據一方。專以一喝用事。快如倚天長劍。鈍似無孔鐵鎚。至於三玄三要。四種料揀。微盡鬼怪。皆是此毒現前。今天下叢林浩浩。地處有幾人。知得此毒來處。若要知得。但於臨濟未見黃檗時。會取。

宗寶藏主道聚甚久。袖紙覓語。以爲警策之方。因出此以遺之。

示祖印侍者

達磨祖師自西天來。將个無文印子。印破盡大地人面門。更無一个漏網。底其奈十个有五雙。不知落處。在今天下。叢林老宿。各自謂能用此印。譬如三家村裏人。妄號帝王。自取誅戮。若要作達磨兒孫。遠之遠矣。除是有一口吞盡佛來。生底氣宇。万知得此印落處。便能信手拈來。於一切處印破人面門。不爲忝矣。是他古靈和尚。於百丈處。得此印入手。便將此印。於受業師面前。倒拈逆用。不守故常。一日爲其師浴時。抓背錯用此印。令其於無佛處。放光動地。至今掛人唇吻。祖印侍者。以師老而歸汝。師若効古靈之作。勸證汝之所得。試爲拈出。

示祖微侍者見住治平

佛法淡薄。祖道凌遲。無甚今日。間有一个半个。有志於道。天資不高。氣宇不大。急近功。忘極果。便軟暖。悅紛華。師家順之。則喜逆之。則嘆。示之以諸佛菩薩境。

界樂以相從。鍛之以夜叉。羅刹手段。懼而棄去。欲佛法之興。祖道之盛。不其難乎。臨濟見黃檗。痛棒大愚。言下知歸。德山見高亭。隔江招手。便乃橫趨。黃檗德山。恁麼爲人。且道逆耶。順耶。諸佛菩薩境界。耶。夜叉羅刹手段。耶。這裏須是有臨濟天資。高亭氣宇。纔索得明擔荷得行。佛法之興。祖道之盛。盡在是矣。

示繼能淨頭

古人云。若人欲知佛境界。當淨其意。如虛空遠離妄想。及諸取。令心所向。皆無礙。如何是佛境界。元是自家自心。日用常行之道。只爲當人。日逐埋頭於事事物物之中。隨境流轉。要得與佛境界相應。但能十二時念念無間。心心不捨。一旦如闢市裏。逢著故人。你元來只在這裏。到這箇田地。妄想諸取。當下冰消。事事物物。皆爲吾之妙用。便可向糞掃堆上。現丈六金身。廁坑裏。虫深談實相。運籌酌水。不是別人掃地。滌槽。皆非他物。譬如虛空。具含衆相。於諸境界。無所分別。便恁麼去。猶是小小歇場。若不遇大手腳。底宗師。爲伊盡底揭翻。別行一條活路。未免坐在這裏。向

解脫毒海。頭出頭沒。無透脫之期。繼能淨頭。直須猛省。徹底洞明。以透脫爲期。則諸方具大手脚。底宗師必能爲子點破。

示本覺長老

祖道之不振。蓋始於爲師者之不遠。到專立於語言。眩耀於知見。以爲籠罩學者之具。而學者無大志。徒徇世之所慕。時之所習。甘自陷溺於知見語言之域。而不知反師與學者。遍相狐魅。回視拈花微笑面壁安心之旨。寧有不愧於心乎。大抵無拈花面壁之體裁。不足以爲師。無微笑安心之根器。不足以參學。雖曰去古既遠。世變益衰。人心愈訛。淳者日漓。厚者日薄。拈花面壁之風。不復作。微笑安心之人。不常有。而不知此道之在天下。雖歷百千萬億劫。惟一日如也。有人於此。立地頓證佛法。世法羅籠不著。凡情聖解殞碎無餘。不墮語言之域。渠自有超宗異目。爪牙等閑。用將出來。非特一洗世之所慕。時之所習之弊。便見拈花面壁。已是欺人。微笑安心。未得獨脫。儻能如是。何患祖道之不振耶。

示智光侍者

逢蒙學射於羿。盡羿之道。於是殺羿。被僧家尋師擇友。訪道參禪。縱饒盡羿之道。若無殺羿之心。未免只是箇依草附木。精靈守古塚底鬼子。有什麼用處。山僧百無所解。亦無羿之道。可學。縱有殺羿之心。亦無施展處。

示祖慶藏主

世尊拈花。金色頭陀失笑。達磨面壁。二祖覓心了不得。自此西天四七唐土二三的的相承。如水傳器。涓滴不漏。皆是上樑。不正下柱。參差直得盡大地叢林。浩浩地商量。總道我單傳心印。是有怎麼事。無怎麼事。若道有丈夫氣。宇安在。若道無。只如諸方列刹。相望各各自謂。直指人心。又且如何排遣。明眼漢沒窠臼。却物爲上。逐物爲下。試向未拈花未面壁時。薦取有臨濟喫黃檗。拄杖體裁。始可參學。無黃檗打臨濟。底拄杖。安可爲師。而今南万浩浩。師與弟子。遍相狐魅。而不以黃檗臨濟爲則者。吾知其爲佛法中罪人。相率爲地獄種子。豈不大哀也哉。祖慶藏主乞語。

以此示之儻如所示而行佛法不致寂寥也

示德瑩侍者見住超化

衲僧家出叢林入寶社直欲透生死超佛祖然則生死之變人之所畏作麼生超佛祖之道人之所欲作麼生超這裏若是个沒量大漢呼喚不回籠罩不住孤危峭絕獨行無侶便見未嘗有生安得有死奚畏之有未嘗有佛安得有祖奚欲之有透與不透超與不超生死之變佛祖之道更無一絲毫爲障爲礙然後念念生死不爲生死所畏處處佛祖不爲佛祖所拘方始名爲了事衲僧真不負平生行脚本志苟或不然則十二時中被生死之變所惑佛祖之道所欺無自由分便是地獄劫住可不勉哉

示以南侍者

江西以南侍者欲乞語往參徑山佛鑑老子余聞暫到傳其上堂語云徑山今夏安衆萬指口在凌霄峯頂米在平江管下將口就飯則易將飯就口則難飯是米做諸人備知且道喚什麼作口良久云老老大搖兩片皮口也不識佛鑑老子大施門開來者不

拒南欲往見之而需山野之語是渠通身是口通身是針豈問難易就不就耶佛鑑縱有兩片皮無處施設方見山僧三十年前未嘗與人錯下个注脚

示法印首座

無上法印自黃面老子於拈花處一錯分付之後累及西天四七唐土二三天下老和尚遞相印授直至于今將錯就錯然窮其錯處初無他術別沒謂訛只要个沒量大人離心意識出聖凡路提此法印於一切處與人印破面門使其个个將錯就錯知此無上法印不從他得不辜黃面老子一錯分付之旨而今列利相望據位稱師莫不自謂提此法印者而參學之士挑囊負鉢在處如林亦莫不自謂求此法印者雖則各各孜孜克己汲汲用心或散於他意成涉於他岐或竊美名以自誇或飾空言以欺世師與弟子互相熱瞞猶如水母以鰕爲目欲望其黃面老子一錯分付之旨直是遠之遠矣昔永首座與慈明同辭汾陽而永未盡此法印之妙相伴慈明二十年終不得究竟一夕圍爐夜深慈明以火筋敲炭曰永首座

永首座永咄之曰。野狐精。慈明遂指永曰。訝郎富漢。又怎麼去也。永由是方得此大法。印入手。看慈明自汾陽處得此無上法。印便解將錯就錯。用將出來。果能藥永首座無病之疾。雖然亦未免遁相鈍置。蓬山印首座親自浙翁會中來。深明黃面老子一錯分付之旨。與余數處道聚此無上法。印已不待舉火。飭敲炭時。頓領其要。行將提此印以印破一切人面門。誠不辜浙翁印授將錯就錯之根源也。

示紹甄首座前住衢州南禪

佛法至妙妙在明心。心若洞明。十方通徹。既是十方通徹。只如北鬱打三更。因甚西霍日未暮。這裏見得徹去。便見西天四七唐土。二三天下老和尚。主賓互換。棒喝交馳。拈拂敲床。搬土曳石。擎杈豎指。打地斬蛇。一機一境。一言半句。盡在未扇以前。只要個人於父母未生時。薦取自己本來面目。自然有言皆破。無法不摧。風塵草動。辨端倪。放去取來。無剩法。至於睦州識臨濟爲陰涼大樹底眼目。亦不出這個元由。在今天下。具此眼目者。如星中之月。紹甄首座有志於

道心憤憤口排排。探盡諸方淺深。平分靈山半座。已見一斑。更力勉旃。莫惜此大眼目。試請指出一个半个大樹之蔭。俾陰涼天下。非特見凌跨睦州。生吞臨濟底氣。字亦乃不負平生行脚眼目也。

示寶傳維那

寶傳維那自靈山來。乞語因記得雲峯悅禪師參大愚芝和尚。別無玄言妙語。以警之。只向他道。佛法不怕爛。却且爲營炭。且爲乞食。且爲我悅衆。一一就職。殊無難色。然終恨大愚不爲其說。正茲悶悶不已。忽聞後架桶穽爆聲。驚然契悟。急走方丈。大愚見之。便云。且喜維那大事了畢。只如雲峯不措一詞。大愚便謂其大事了畢。大愚初無一語。以警之。雲峯因甚。悟去。大抵煅聖凡。烹佛祖。大爐鞴。惡鉗鎚的的相承。以壽後世傳罔極。施無窮。斷要个生鐵鑄就底漢。脫體荷擔如雲峯。聞桶穽爆。一回始可作達磨種草。若不然者。吾宗喪矣。寶傳維那乞語爲警策之方。以雲峯見大愚。因緣示之。更能向雲峯未見大愚以前。著得一隻眼活便。見山僧敗闕。不同小小。便以此所示之。

語投諸火中。大丈夫之能事畢矣。

示紹隆禪人住慧果

參學人見地不脫理智。不忘墮在解脫毒海。情識未泯。識境不空。全是業識。癡團業識。癡團不破。解脫毒海不竭。正是生死根本。欲造佛祖之道。直是三生六十劫。但能於此從空放下。盡底掀翻。獨脫無依。絲毫不犯。未是禪僧家泊頭處。在豈不見雲門大師道。直得盡乾坤大地。無絲毫過患。猶是轉句。不見一色。始是半提。更須知有全提底時節。且作麼生是全提底時節。這裏著得一隻眼活。便見雲門大師。遍界橫屍露骨。佛祖之道。當甚破草鞋。始不負平生參學眼目。

示師智知客。監收前衡州花藥。

日用常行之道。豈在事物之中。千聖不傳之宗。不拘玄妙之域。若不是箇腳踏實地。漢妙在轉處。安足以語此事物之中。見得徹去。千聖不傳之宗。念念現前。玄妙之域。打得脫去。日用常行之道。處處合轍。昔晦堂一日見黃龍有不豫之色。因逆而問之。黃龍曰。監收未得人。晦堂以感副寺爲對。黃龍曰。感尙暴忍。小

人所謀。晦堂曰。化侍者稍廉謹。黃龍曰。不若秀莊主有量而忠。看他黃龍擇一監寺。其精審如此。則其煅聖鎔凡。三昧不妄。予人它可知矣。然則參學道流。處事物之變。暴性一發。鮮克有濟。果能於日用中廉謹處。已忠亮御物。則千聖不傳之宗。夫何遠之有。

示若敬藏主。見住普門。

游江海。涉山川。尋師訪道。爲參禪。自從認得曹溪路。了知生死不相干。永嘉大師才開鼻孔。便見鄉談有人。向永嘉未開口。已前著得一隻眼活。掀翻本有之江海。踏碎自己之山川。無禪可參。無道可訪。發無師智。縱自然智。曹溪一路。只在目前。南閩故家。不居心外。全生全死。不爲生死之所拘。自去自來。豈有去來之所礙。如是則未跨飛猿嶺。遍遊江湖叢林。不出圓悟關。已到海南鄉井。豈不見玄沙和尚。行脚到飛猿嶺。驀然觸著脚指頭。血出忍痛云。身非我有。痛從何來。後來雪峯謂之曰。備頭陀何不遍參去。玄沙云。連磨不來。東土二祖不往。西天大惠云。此語已遲了。當觸著脚指頭。流血時。便怎麼道。亦免雪峯指注若敬

藏主出嶺遍參而不知曾觸著脚指頭也未若曾觸著脚指流血不知在未出嶺時已出嶺後世無雪峯爲子證據山僧亦無定古眼底目爲子印之然玄沙自觸著脚指流血時非但玄沙忍痛不禁至今盡大地人忍痛猶未徹在不知藏主曾覺痛麼三十年後亦未免遭人檢點

示本然禪人化僧侯

古德云道在邇而求諸遠事在易而求諸難只知道之與事爲一爲二若也若白得出便見難之與易近之與遠皆爲吾之妙用自然在在處處皆用此心物頭頭復有何事設使是非得失極於萬變逆順取舍日用萬差無非活人之路參學道流得到恁麼田地豈止隨處作主遇緣卽宗一切時一切處行住坐臥逆順縱橫不動秋毫搏妙喜世界於掌中取上方香積以飽三萬二千衆皆是游戲三昧贏得邊事所以道佛法至妙妙在明心心若洞明十方通徹正恁麼時若向衲僧門下天地懸隔本然禪人極有志於道見山門三莊被水一衆乏糧損自己資千餘緡斬

轉化一切檀信自正至八月開供養門以濟常住之乏因袖紙覓語余嘉其運心殊勝且問其衲僧門下有何長處然曰待化事畢卽爲說破余曰靈利衲僧不撥自轉前途必有聞絃賞音者

示至明維那前住袁州報恩

大哉心乎巨無不周細無不入增不爲贅減不爲虧缺爾而自運寂然而善應不疾而速不行而至方體不能拘度數下能窮昭昭然在於日用中而學者不得受用者無他蓋言想汨之利慾昏之細則爲生住異滅所役羈則爲地水火風所使忘已逐物棄真取僞卒於流蕩不返者舉世皆是儻能去心之蔽復性之本於日用中明見此心則情想利慾生住異滅地水火風皆爲吾之妙用以此隨緣自適更何生死去來之爲礙耶克賓維那在興化會中喫棒趕出院所謂精金百煉要須本分鉗鎚非興化不能行此令非克賓不足以當之雖然當興化舉令之時若有一人拈掌呵呵大笑管取興化父子別有長處當時既已放過且道卽今事作麼生却請至明維那下取一轉

語

示智永禪人開接待

海智隸洪之普賢。實當四通八達之衝。凡發足遊方之士。罔不由茲。而寺素乏恒產。難於供給。智永上人山中之俊。慨然曰。我遍走諸方。脚頭所至。四事供養。如歸故家。豈我此方雲水往來。無所棲息。由是發心。募十方檀信。共辦茲事。乞語於余。余謂之曰。百丈以前。無住持之責。無寸土之蓄。得道先輩。隱於深山窮谷。一旦腥羶發路。四方學者。屢糧相從。以覲一言。脫去生死。是故當時。坐脫立亡。扶宗豎教。在在皆是。今則不然。凡出叢林。入保社。游江海。涉山川。足迹所及。即享溫飽。然求一人。半人洞徹此心。宏大此道。蔑聞者何也。永曰。然有是哉。去古既遠。人根微劣。即其草衣木食。山栖水宿。必有顛覆莫能與之病。我之所志。蓋亦黃面老子。化城寶所之本意。請爲我書之。以勸一切檀信。共成茲事。自今已往。去來休息之士。者豈無不歷化城。直登寶所。別有生涯者耶。又何患心之不徹。道之不宏。所謂百丈以前事。夫何遠之有。余嘉

其用意之博。書以遺之。當有知子之意了此勝緣。

示德琛書記

德琛書記以翫珠歌相示。山僧展卷諦觀。被珠光一燦。東西不辨。南北不分。不知此珠自何而來。而珠乃千變萬化。七縱八橫。玩弄此珠如此之奇絕也。山僧每患兄弟不識此珠。隨物所轉。三界流浪。間有得此珠者。一味寶惜。以爲家珍。不肯放捨。於光影裏自現神通。向解脫海。自呈妙用。無有出期。正是生死根本。恰似箇蠅。抱糞團相似。只管從淨地。滾來滾去。自不知止。亦不知臭。忽被人一擊。擊碎糞團。抹殺蠅。元只是舊來一片淨地。兄弟既得此珠入手。正好入大爐。鞠求惡。鉗錘千煅。萬煉。俾此珠消殞。光影頓忘。解脫海竭。依前只是舊時人。亦無許多神通。不做這般妙用。終日閑閑地。如尋常人一般。等閑觸著。自然水底火發。豈不見南泉和尚示僧云。如是弄珠說珠。光偏有金盤在。即得忽被拈却。金盤去。何處弄珠。向甚麼處尋他。光遍與不遍。僧禮拜。泉云。大難大難。古人罵備田獵。漁捕。喚作運糞。人南泉老人慈悲深厚。

以譬喻言詞使人識自本珠。願忘所解。要且只爲拈却金盤。不能爲此僧擊碎此珠。是故目之爲田獵漁捕。爲運糞人也。大丈夫漢氣吞佛祖。終不學田獵漁捕。爲運糞人者。碎却此珠。自成活計。亦免初旣再旣三旣底工夫。流出胷襟。蓋天蓋地。始不辜負平生行脚本志。然雖如是。且道此珠畢竟自何而來。却請下一轉語。

去俗人家寄宿。看他得底人吐露箇消息。直是天回地轉。雷動風行。相似無備。近傍處無備。湊泊處豈待人禪床上說雪紙上寫得。以爲參學耶。山僧不是作家。只是瞌睡老和尚。雖千聖亦不知其落處。繼定上人相聚既久。縱爾有脚纔跨門。便知宗旨底眼目也。未夢見蔣山在。且道蔣山有甚長處。試檢點看。

癡絕和尚語錄卷下終

龜銘

予紹熙壬子出峽。夏於公安二聖時松源倡密庵之

道於饒之薦福。旱暵艱於著衆。適西湖妙果虛席松源學雲居首座。曹源應選亦密庵之嗣也。聽其入門提唱。有省。遂投誠而住。未幾歸侍司甲寅夏。曹源有信上龜峯之命。復從其行。留三年。出潮松源由虎丘遷靈隱。遁庵住華藏。肯堂住淨慈。皆往從之。松源在靈隱。門庭孤峻。入閱月而後得歸。堂凡求掛搭必呵斥不得。親一日忽曰。我八字打開。掛搭它自是它。踉過了當下。始知昔在龜峯三年。曹源怒罵嬉笑皆爲人之方便也。自此不疑天下老宿。到與不到皆瞞我不得已而隨緣放曠。曹源順寂後二十年爲人推出。瓣香不敢忘。凡六處所聚兄弟不可謂無。只是用翳睛法者少。苦哉吾宗喪矣。今年八十二時節將至。扶病執筆直叙得法之由。刻諸龜陰。以昭至信。淳祐十年歲在庚戌三月初六日癡絕書。

徑山癡絕禪師行狀

師名道冲。自號癡絕。武信長江荀氏子。母郭氏。嘗夢經行木瓜樹下。其實累累。取而食之。占者謂當產奇。

士已而師生豐上短下資稟過人長應進士舉不利。受釋氏學於梓州妙音院。禮修政落髮。游成都習經論於大聖慈寺。未幾以名相厭人。雅有志於出世間。法紹熙壬子出峽。回旋荆楚間。時松源嶽倡密庵之道于饒之薦福徑。造其廬適值歲饑。聞曹源生首衆雲居松源以西湖妙果舉出世師。聽其入門語。有省。參堂俾侍香。甲寅夏復從之。徙龜峯。留三年。以偈辭入潮。有尙餘窮相。一雙手要。向諸方。養處肥之。句江湖至今傳誦。松源主靈隱門庭高峻。不妄許可。師棲笠八閱月。未得歸堂。每囁嚅欲自言。斐呵斥不容近。一日有告之松源者。松源曰。我八字打開。挂搭他目。是他當面蹉過。師聞此語。口耳俱喪。始知侍曹源於妙果龜峯時。嬉笑怒罵。無非善巧。方便自此不疑。天下老和尙。舌頭既而曹源順寂。遍歷諸老之門。踰二十年。淨慈肯堂无華藏通庵演一見以爲法器。知密庵之傳必復興於異時。其後潛庵光一翁如癡鈍。顯掩室開澗。翳琰皆分半座。俾倡所學。嘉定己卯。由徑山應嘉興光孝。請一菴爲曹源修末後供。寶慶乙酉。

被堂帖移蔣山。蔣山田多依山瀕水。旱潦不常。歲租不足以供衆師。攻苦食淡。相安於寂。寔十四年始終如一日。時參樞抑齋陳公開闢金陵。素敬師操行。孤高舉似於國師。東畎曹公會鼓山。虛席卽命師主之。未行。遷雪峯。嘉熙戊戌入院。甫半載。有旨住太白名山。適育王住持未得人。因師之至。又強之兼領。師往來兩山間。四方學者從之如歸。市聲聞京師。淳祐甲辰。詔移靈隱。說法飛來峯下。追念密庵松源舊游。方思所以振起祖風。而魔事出於意料所不及。難以口舌爭。遽動終老故山之志。伐鼓亟去。雖京兆尹節齋趙公致書力挽。堂帖有虎丘之命。昇師虎齋。趙公以蔣山起之。俱莫能回其意。戊申春。育王散席諸大老落。落如晨星。惟師爲蔡林尊宿。衆舉於朝。日夜俟師之出。亦固辭。乃已。明年己酉。訪丞相弘毅游。公侍郎滄洲。程公於茗溪私第歸塗。京兆節齋趙公命駕遣書要於路。留連郡治。彌兩旬。欲挽之爲法華開山。懇祈再三不得。請而

勅牒住徑山之命繼至師謂先諾固不可違

君命豈應引避乃以九月至法華踰月登雙徑實踵無準範之後人神嚮合聲懽如雷俄染疾在心膈間飲啖日減自冬涉春形體雖羸而陞堂提倡精明如平時三月六日忽手書龕記叙得法之由遣遺書十數且口占法語寄無準塔所曰無準忌在十八吾以十五卽行不得辦香修供矣侍僧駭其言而以遺偈請師笑曰末後一句無可商量只要箇人直下承當卽命筆書辭衆上堂曰世尊臨入涅槃告衆云汝等善觀吾紫磨金色之身瞻仰取足無令後悔今日卽有明日卽無拈云世尊平生用盡伎倆臨死之際求生不得求生求死不得死山僧則不然要行便行要去便去八臂那吒攔不住自是屏醫却藥果至十四日夜分起坐移頃而逝後三日茶毗舍利五色粲然弟子遵遺教奉靈骨以庚戌五月十九日歸葬金陵之玉山庵學徒追悼不舍中分其半建塔徑山菖蒲田玉芝庵實是月二十四日也壽八十二臘六十一師純誠無僞表裏如一待人恕而律已嚴應世圓而領

衆肅住山三十年所至以激揚宗風爲已任以道法未得其傳爲已憂平居簡淡沉默若不能言及坐籌室勘驗衲子機鋒一觸猶雷奔電掣海立江翻皆茫然莫知湊泊誓不輕以詞色假人重誤來學晚年無他好多留意字法於小楷寂得三昧往往端嚴凝重類其人僧俗歸敬求法語偈贊無虛日雖祁寒盛暑揮染不倦士大夫多樂從之游而尤爲名公鉅卿所推重以至聲名喧傳海外有具書禮犯鯨波而來問法者其道德有以服人一至於此方在天童育王時被

旨開堂靈隱東擔將戒行而隣峯疾之者聲言欲嗾群大逞梗於中道左右聞之舉以告師曰吾平日以誠實接人將何以加我略不爲之動彼亦終於無所施而止雙徑冷泉太白雪峯海內甲剎也近年以來萌欲速之念者挾輿援矜智巧歷階而上力可以通神師則不然短褐布衣終其身不爲勢利所動故其進不由介紹其退心常泰然眞法門之棟梁後學之標準也鍾阜去東陽六十里玉山實介其間由潤而

昇禪錫經從曾無駐足放包之地師誅茆結廬鑿石開徑倒囊鉢所有不足以給土木之費京湖制師無庵孟公秋坐賈公間而爲之助京尹節齋趙公繼捐金粟以相其成於是卽庵之傍定瘞骨之所峯巒回環龍虎對峙旣盡挹金陵諸山之秀而玉山玉芝其名又適相符夫豈偶然哉故其亡也葬如其志旣葬後一月嗣法弟子法鑑致師遺書以行實屬若珞爲之狀顧方屏迹田里多病侵陵有所未暇越再歲其徒了源持木石侍郎尤公所作語錄叙引切切申前請益力慨念丙申之春識師於獨龍岡下一見傾蓋如故今回首十七年矣誼不容辭因撫門人所編行實間參以所聞緒次始末面授了源使持以乞銘于當世大手筆爲蔡林不朽之傳謹狀

淳祐十二年六月朔朝散郎新權知南雄州軍州兼管內勸農事借紫趙若璩狀

徑山玉芝庵主源上人持

癡絕老人語錄求作行狀留連踰月談論鏗

鏘音吐鴻暢衆中之龍象也臨別書二絕贈
行孺翁若琚

暑入單絺。雨壓塵扣門。仍喜客來頻。從容爲說西來意。庭栢青青正可人。

應密單傳的的真一番舉起一番新老師末後殷勤語直下承當正要人

淳祐壬子。六月朔。書于

結論

秀野閑人徐敏子。微物塵納併以一頌上呈。

癡絕有菴不肯住。弄老挑雲徑山去。地水火風分裂時。親書贈予黃葛布。蛻封讀罷咽無語。會得龍鬚能辟暑。豈知玉骨本清涼。書則珍藏布不取。源老忽踏幽深路。道在隔山遙望處。巨帙已載閑葛藤。何堪又送閑家具。開眼一看笑呵呵。猶有這箇可奈何。來而不往非世法。聊効芹忱媿不多。兩角茶十袋。麤寶瓶。飛錢五十萬。虔心獻此一瓣香。奉爲禪師作清薦。且問先師來不來。玉山菴頂碧雲開。更煩大眾打圓相。

撥取青蓮火裏灰

事師不難於生難於死了源菴主送

凝絕翁死奮不顧身於艱棘中當大事結集流通
自不爲難而成其難豈不難歟

秀野

嬾翁

皆翁方外友也贈源祇夜勉終其難多叙於翁所
得恰如無垢對妙喜葛藤嬾翁又爲塔狀以盛其
死囑源歸刻兩菴間不玉山則玉芝豈特蔣徑知
此翁不死天下老和尚亦皆知此翁不死寶祐二
年四月八日枯山比丘良傳敬跋

東山正脉無些子氣息啐啄同時失底猶未夢見此
徑山癡絕大禪師說不說約博徧轉將瞿曇七處開
口不得底撒向諸人面前爭奈盡大地摸索他不著
摸索不著只緣師自不知著落到這裏彈指一下拂
袖便行總使不著且道有訛在甚處珊瑚枕上兩行
淚半是思君半恨君淳祐辛亥五月既望顏汝動敬

議

嘉熙戊戌余假守四明已亥癡縱沖老來天童間至
那齋款語竟日莫逆於心甲辰奉勅移靈隱宗風大
揚一日拂衣去蓋爲法界立砥柱不作桑下計也乙
巳訪余於金陵余以蔣山屈之師云老僧纔展坐具
四方學徒雲集此山產薄向住十四年至行乞以供
粥飯今老矣不能爲也余爲虛其座俾保寧兼管專
以奉師丁未余召還師亦入浙得旨主徑山席又
復過我往來一紀如初識時庚戌三月遺余書偈且
留銅爐古鑑爲別愴然歎斯人之不作而佛法之中
微也余嘗問師佛法大意師曰日間做底種種皆是
孟子曰君子欲其自得自得則居之安資之深取之
左右逢其原且道自得得箇甚麼於此薦取即是佛
法辛亥其徒了源出師語錄示余云語錄十冊今取
其一行於世蓋師手編也因書于卷後而歸之中伏
日雲泉野客趙以夫

補遺

讚偈頌

佛成道

正覺山前失眠睛。是凡是聖盡盲生。至今夜夜明星現。誰肯向伊行處行。

佛涅槃

山花如錦水如藍。觸目熙熙春正酣。若謂雙林曾滅度。分明蹉過老瞿曇。

二祖

隻臂冷隨霜刃落。雪花分墜立齊腰。覓心無得安心竟。行到窮源逢斷橋。

三祖

了知罪性本來無。絕後何曾得載甦。元是從前風恙病。被佗斷臂強塗糊。
通身是病骨粘皮。舉世無人識得伊。縱使罪根都懺了。依前失却兩莖眉。

四祖

抹過從前解脫坑。雙溪路上絕人行。衣盂至老無分

付。逼得栽松死復生。

破頭峰頂掩禪關。三却天書不下山。究竟全無些氣息。有何面目見龍顏。

五祖

萬本青松手自栽。老來無復強追陪。可憐溪畔周家女。也被渠儂晚賺來。

六祖

七百高僧總會禪。眼空四海鼻遼天。黃梅若也無私曲。有甚衣盂到汝傳。
菱花撲碎已誦訛。夜半傳衣事轉多。從此曹溪玄路絕。無風夜起拍天波。

談命

無位真人赤骨律。面門出入有誰知。太虛元與渠同壽。庚申憑君子細推。

省親

娘生面目既分明。遠不疎兮近不親。試向途中門歸客。不知誰是倚門人。

水燈

萬里烟波接素秋。銀缸耿耿泛中流。自從一點光明後。逐浪隨波未肯休。

宗派圖

列派分宗定此圖。繩繩相貫茲聯珠。不知佛祖未興日。還有許多消息無。

茗壽

五蘊山頭脫得身。草茆因此不同倫。幾番信手拈來用。大地從教絕點塵。

面桶

做時不費工夫用。處全無滲漏。任是鼻孔透天。未免低頭相就。

寶永己丑夏對考補寫于范興室中

隨隱漫錄第五宋臨川陳隱隱撰云。閻妃以特旨奪靈隱寺菜園。建功德寺。住持冲癡絕。退隱示衆云。欲去不去。被去礙。欲住不住。被住礙。渾不礙。十洲三島。鶴乾坤。四海五湖。龍世界。隨隱拈云。長長還有人看。方丈也無。

癡絕頂王像贊

古崖許二條出枯崖漫錄卷下

癡山住徑山山門疏

璨無文

湯榜

衆寮祭癡絕

題靈源癡絕二禪師二帖

南堂了庵禪師

題癡絕和尚書願庵師祖法語

題癡絕示衆墨跡

元叟端禪師

題癡絕墨跡

跋癡絕讀迦文頂王二墨跡

題癡絕和尚龍陰墨跡

松月印月江和尚語錄

悼癡翁

露叟

題癡絕墨跡

北磬

跋無準癡絕北磬送演上人法語

璨無文語錄

跋癡絕和尚墨跡

松源崇嶽禪師語錄

宋
•
善 松源崇嶽
開
等 撰
編

松源和尚語錄序

宗師提唱各有語錄叢林故事也或曰釋迦掩室於
摩竭淨名杜口於毗耶祖師西來單傳直指果何取
於言語文字之間差乎道一而已或語或嘿何間焉
宗門諸大老說法如雲如雨後之學者因其言而有
省者多矣且以近事觀之多福一叢竹是寶覺之悟
門也東山水上行是妙喜之悟門也玄沙之語靈源
交得之而悟汾陽之語甘露滅得之而悟機緣感發
箭鋒相直又奚有語嘿之異哉松源禪師道眼孤高
具正知見一盞去就爲諸方重輕者三十年矣師既
歿其嗣惠足會稗其平生之言黃龍一翁禪師又
撮取其玄要集爲一編予嘗諦觀自顧至末無非提
持佛祖向上之機爲人至深切也予久從師遊其爲
人天恣純篤造詣端實接引後學一以本分見成公
案未嘗以詞色假借衲子盍專意於荷法而已嗚呼
佛道陵夷得密菴之髓以壽楊岐正脈非師其誰
歟或問曰禪師千言萬句莫祇是發明箇破砂盆消
息麼咄無孔鐵槌

嘉泰三年十月 回菴 譚令憲 謹序

松源和尚示徒云明明向汝道開口不在舌頭上賊
賊已露學者不解勦絕其命根返記剎語殆成巨秩
攜入龍峯請爲編次予竊諦觀破砂盆遺其凌蔑痛
的的地處克由耐耐雖欲掩藏之而不可得然家醜
外揚三十年後當必有爲雪此屈者嘉泰三季癸亥
重九日住黃龍山法弟比丘慶如謹書

世尊拈花迦葉微笑點檢將來漏逗固已不少是以
德山臨際一棒一喝直欲喪盡已靈茲豈容擬議以
豪髮間隔於其間哉近世宗師情解俱亡言語路絕
負荷佛法而能覺悟後學者微

松源老人其誰與歸松源於予有交游之舊自言出
家未受具足戒從應菴華公有所契入後從木菴永
公密菴傑公及徧參知識雖屢有省悟然猶以未能
脫漚爲疑如是者又不知幾年刻苦自厲至忘寒暑
一日留道場全公席下驀有所得疑網盡除時全公

緣化出外數日而后反亟欲求證先衆入室于時全
公機鋒不轉松源詈言而出卽挑包過鳳口謁密菴
未及語密菴云且喜大事明了吐露卽不堪松源於
是歸堂憩息其去道場也有偈云當頭一著沒諸訛
去住還如水上波有意氣時添意氣從教平地起干
戈後自澄照至顯親報慈凡住院者入予見松源無
恙時樂稱參學弟子光睦與大純惠足今惠足以其
師語錄來求序因爲紀其師得道之本末予獨惟黃
龍如公旣明明知得松源開口不在舌頭上底消息
便合將此剩語屏置影滅跡絕處今乃與之編次外
揚家醜予恐它日鈍置松源者在黃龍無以逃其責
嘉泰癸亥臘月八日 汲郡孟猷後序

目次

序三則

卷之上

平江府陽山澂照禪院語錄

江陰軍君山報恩光孝禪寺語錄

無爲軍治父山實際禪院語錄

饒州薦福禪院語錄

明州香山智度禪院語錄

平江府虎丘山雲巖禪院語錄

卷之下

臨安府景德靈隱禪寺語錄

開山顯親報慈禪寺語錄

秉拂普說 法語 頌古

贊佛祖

偈頌 塔銘 跋

松源和尚語錄卷上

平江府陽山澂照禪院語錄

參學 善開 光睦 等錄

師在靈隱首座寮受請拈帖云殺人刀活人劍祖令當行以此爲驗

拈法衣云黃梅夜半大庾嶺頭咬定牙關牽拽把爲什麼如此禍不入謹家之門

指法座云諸法空爲座行則與諸人共行坐則與諸人共坐是汝諸人還見須彌燈王如來麼且看起模畫樣去也

陞座僧問黃梅夜半則不問把拽牽犁事若何答云佛手遮不得進云怎麼則杲日當空去也答云捏目生花進云佛佛授手祖祖相傳未審傳箇什麼師豎起拂子進云若然者西天四七唐土二三答云點即到卽不點僧問保壽開堂三聖推出一僧壽便打意旨如何答云咬定牙關進云三聖道與麼爲人瞎却

鎮州一城人眼去又作麼生答云開口見臚進云龍袖拂開全體現象王行處絕狐蹤答云切忌隨邪逐惡進云未審新澂照又作麼生答云鐵旗鐵鼓進云豁開三要三玄路把定乾坤更有誰師云錯僧禮拜師乃云摩竭陀國已涉繁詞少室峰前遞相鈍置便乃承虛接響棒喝交馳顯大機明大用覲面提活鐵鐵得失俱喪是非杳亡倒用橫拈當機有準一一從自己胸襟流出蓋天蓋地所以一塵纔起大地全收一句無私全彰寶印雖然如是猶是半提且道如何是全提時節卓拄杖云青山不鎖長飛勢滄海合知來處高

復舉三聖道我逢人卽出出則不爲人藥化又道我逢人卽不出出卽便爲人師云箇一條路踏著者便知二老漢也要把手共行未免各自奔前程新澂照逢人卽出出卽便爲人不將佛法作人情且看于今甚時節喝一喝下座入院指三門云一見便見一得永得八萬四千法門盡從此門而入喝一喝

入佛殿燒香云文殊乘獅普賢乘象迦葉擎阿難合掌且道黃面老子面皮厚多少咦遂禮拜

判府大卿度疏師呈起示衆云靈山付囑底清淨大解脫無盡藏三昧門總在箇裏還見麼

指法座云三世諸佛據此座而全提正印歷代宗師據此座而說大脫空且道今日合作麼生多虛不如少實遂陞座拈香云此一瓣香恭爲

兩宮皇帝祝延睿筭恭願義風永播舜日長輝

又拈香云此一瓣香奉爲判府殿撰右司官使

判府大卿諸位貴官資崇台筭

又拈香云此一瓣香更不囊藏直爲前往徑山後住靈隱密庵大和尚薰向爐中一任天下衲僧敲磚打瓦遂就座白椎罷乃云第一義諦一椎擊碎了也莫有不甘者麼僧問纔到陽山艸木春森維影裏絕纖塵豁開戶牖當軒坐永日寥寥賀太平祝聖開堂願聞法要答云天長地久進云更把少林無孔笛迎風吹起萬年歡答云許由不洗耳進云如何是陽山境答云有眼者見進云參差松竹煙凝薄重疊峰

巒月上遲答云引不著進云如何是境中人答云偏向什麼處去來僧便喝師云割僧禮拜師乃云化育之本物我同途祖佛之源古今不易靈然獨露透色透聲坐斷千差孤危不立如天普蓋似地普擎若聖若凡皆承恩力所以我此法印爲欲利益世間故說在所由方勿妄宣傳今日人天普集對衆明明剖露乃豎拂子云還見麼靈山一會儼然未散西天此土的相承不立階梯獨標象外正恁麼時如何千峰勢到巖邊止萬派聲歸海上消

復舉昔日洪州大守宋令公一日大寧寺僧陳乞請第二座開堂令公云何不請第一座僧衆無語後來保寧勇和尚云我當時若見令公問只對他道爭敢瞞令公師云令公高提正印保寧略露風規正眼洞明且不傷鋒犯手自然千里同風且道同風一句作麼生道豐年野老謳歌盛大化無爲道太平

上堂拈拄杖云入荒田不揀信手拈來艸長者長法身短者短法身是汝諸人還知麼卓拄杖下座上堂三人證龜作鱉有口都不能說須彌頂上浪滔

滔大洋海裏遭火熬別別金色頭陀曾漏泄喝一喝
上堂若以佛法供養帶累諸人入地獄如箭若以世
法供養長老便乃眉鬚墮落坐一走七橫三豎四揭
却腦蓋眼睛突出且道是凡是聖拈拄杖卓一卓喝
一喝

請典座殿主上堂春風浩蕩古佛榜樣春水潺湲急
著眼看燈籠跳入露柱佛殿走出三門撞著箇無面
目漢却道衆口難調須是臨機妙轉大衆且道臨機
作麼生轉驀拈拄杖云或是或非人不識逆行順行
天莫測卓拄杖下座

上堂上士聞道勤而行之弄泥團漢中士聞道若存
若亡一刀兩段下士聞道大笑之彩衲衲家澄照恁
麼告報且道節文在什麼處利刀割肉瘡猶合惡語
傷人恨不消

上堂第一句下薦得佛祖乞命第二句下薦得天魔
膽裂第三句下薦得虎口裏橫身乃拈拄杖橫按云
諸人便恁麼去未免無繩自縛且道利害在什麼處
若不同床睡焉知被裏穿

上堂佛法禪道一時颺放太湖裏也未爲性燥一日
鉢盂兩度濕直是一點也少不得何故衲僧家要須
自家肚裏飽始得咄

天中節上堂天高無極無極有尊地厚無垠無垠有
主胸中懷六合袖裏有乾坤發大機顯大用行不言
之教啓無爲之化是故諸佛出世祖師西來或拈花
或而壁不立文字直指單傳亦只明此箇無爲宗旨
福流沙界慶襲一人還委悉麼文明齊北極壽筭等
南山

上堂學古德道君若隨緣得似風飛砂走石不乖空
但於事上通無事見色聞聲不用聲古德與麼告報
正謂按牛頭喫艸若是澄照又誰管得備有問西來
便答東從教人笑我佯聾白雲乍可離青嶂明月難
教下碧空

請知事上堂眨上眉毛不容擬議橫身負荷須是當
人不顧危亡丁一卓二機輪上定當分毫裏不差雖
然如是猶是衲僧家常茶飯且道畢竟如何大鵬展
翅盡十洲籬邊燕雀空啾啾

上堂萬般施設不如常又不驚人又久長喝一喝云這裏說什麼久長良久拍膝云誰知遠煙浪別有好思量下座

江陰軍君山報恩光孝禪寺語錄

參學 善開 光睦等 錄

指三門云君山有路到者還稀解脫無門從何而入喝一喝云一盲引衆盲

入佛殿燒香云德山拆了佛殿忍俊不禁雲門打與狗喫未爲分外岳上座到來一時坐斷要且和光同塵從教黃面老子自然腦門著地

據坐方丈云太虛挂劍全生殺星馳電卷煙雲豁可中誰是出頭人長嘯一聲天地闊

上堂僧問無邊刹境毫端見不涉程途已到家如何是到家底句答云月似彎弓少雨多風進云不是玉堂人具眼未應容易到君山答云我行荒艸裏汝又入深村進云謝師答話師便喝僧禮拜

師乃舉保壽開堂三聖推出一僧保壽使打三聖道與麼爲人瞎却鎮州一城人眼去在保壽擲下拄杖

歸方丈師云大凡扶豎宗乘須具頂門正眼懸肘後纔符二尊宿等閑一挨一拶便乃發明臨際心髓只是不知性命總在這僧手裏還有人檢點得出麼昔年覓火和煙得今日擔泉帶月歸

上堂橫按拄杖云彌勒眞彌勒分身千百億時時示時人時人皆不識是汝諸人還識得也未見之不取千載難忘遂擲拄杖下座

上堂邪人說正法正法悉皆邪邪人說邪法邪法悉皆正慕拈拄杖卓一下云這裏是什麼所在說邪說正雖然笑我者多晒我者少遂靠拄杖下座

上堂殺人刀活人劍上古之風規今時之樞要古人恁麼道太煞小膽山僧百醜千拙波波擊擊也無殺人刀活人劍只是當時行脚不著便踏碎一箇破砂盆直至而今収不得衆中莫有収得者麼喝一喝上堂有利無利不離行市張公喫酒李公醉伸脚打睡有來由纔放醒醒成忌諱非不非是不是遇貴即賤遇賤即貴狸奴白牯念摩訶祖師不會西來意四月八日上堂拈拄杖云黃面老子下生也卽今在

拄杖頭上一手指天一手指地云天上天下唯吾獨尊諸人還見麼若道見被拄杖子熱瞞若道不見諸人自瞞靠拄杖下座

上堂月旦日朔月圓曰望八字打開有収有放薩怛阿竭二千年前摩醯首羅頂門正眼覷面提持生鐵門限俊底揀起便行漆桶一任擔板

上堂拈拄杖橫按云一不成二不是突出眼睛失却鼻少林剛自覓安心瞎驢不受靈山記

上堂學南泉和尚云王老師自小養得一頭水牯牛擬向溪東放不免食他國王水艸擬向溪西放不免食他國王水艸不如隨分納些些總不見得師云王老師傾腸倒腹卽不無未見移風易俗在山僧只養得一頭驢一向東倒西攆順時一日何啻千里萬里恁時直是一步不肯移且道與王老師水牯牛相去多少良久云漁人舞棹野老謳歌

上堂舉雪竇爲道日損頌云三分光陰二早過靈臺一點不搭磨食生逐日區區去喚不回頭爭奈何回天輪轉地軸指南作北截鐵斬釘還他雪竇老漢只

是不合坐在這裏喝一喝

上堂千年田八百主廳當屋舍沒人修不風流處也風流便恁麼去達磨一宗掃土而盡

上堂千說萬說不若親見打破漆桶胡來漢現有一般漢便恁麼會去抵死不肯放正謂靈龜負圖鳳縈金網纔被人撈著縋索不分瞞瞞預預却道歷長爲賤空過一生且道如何救得此人兩手拍膝云龍得水時添意氣虎逢山色長威聲

退院上堂生平活計一絲頭嘯月迎風得自由管甚澄江興逆浪等閑平步過滄洲

無爲軍治父山實際禪院語錄

參學 普嚴 等錄

入院指三門云妙用縱橫十方坐斷未諳此脉舉步猶難且看新長老這裏放憨去也喝一喝

入方丈據坐云治父方丈了無遮障拳踢相應當人不讓妙轉綿綿一脉通誰知滅却臨濟宗

陞座拈香祝

聖罷問答乃云祖師心印狀似鐵牛之機去卽印住

住卽印破所以達磨不來東土二祖不往西天黃梅
七百高僧衣盂分付盧行者燈燈相續物我俱忘直
指單傳甚生標格還委悉麼行盡江南遍江北得風
流處且風流叙謝復舉僧問百丈如何是奇特事丈
云獨坐大雄峰僧禮拜丈便打師云騎虎頭収虎尾
還他百丈老人若論奇特事未免有些諸訛諸人還
檢點得出麼冬不寒臘後看

上堂不著佛求不著法求不著僧求猶是把纜放船
喝散白雲穿開碧落奔流度刃疾焰過風未稱衲僧
門下且道畢竟如何任從滄海變終不爲君通

上堂舉楊岐云楊岐乍住屋壁疎滿堂盡布雪眞珠
縮却頂暗嗟吁飄憶古人樹下居楊岐師公只解収
不解放治父乍住孰疎孰親將無作有全主全賓和
其光同其塵誰道金針不與人喝一喝

上堂治父門風別無道理家田米飯早眠晏起洗面
摸著鼻啜茶滋却腎忽有箇漢出來道低聲低聲牆
壁有耳也怪他不得何故洞山佛無光韓信臨朝底
喝一喝

上堂舉汾陽示衆云識得拄杖子行脚事畢師云汾
陽雖是開口見膽未免落在第二頭驀拈拄杖云這
箇不得喚作拄杖子漆桶參

上堂三世諸佛不知有未爲分外狸奴白牯却知有
雪上加霜乾三連坤六段透今古沒遮欄聲前有路
轉應難盤走珠吟珠走盤喝一喝

上堂舉三祖云眼若不睡諸夢自除心若不異萬法
一如且如何是一如底不是射鵰手徒說李將軍

應庵密庵和尚六月十二日同忌齋拈香云兩箇老
凍膿咬牙嚼齒麝麝簾土有彌天罪過我自江湖四
十年慚愧不入這保社既不入他保社因甚今日以
此供養遂以手搖曳云嗚呼嗚呼此意分明說向誰
上堂拈拄杖云動絃別曲葉落知秋舉一明三目機
鉢兩便與麼去治父未放懶在何也月中仙桂和根
拔海底驪龍摘角拖

上堂拈拄杖云千說萬說不如一決且道決箇什麼
直下見得九旬無虛弃之功若不然者且向甚處安
身立命卓拄杖云更嫌何處不風流

上堂云單刀直入猶隔重關百發百中撞牆撞壁直饒面南看北斗知底盡掀翻佛殿裏燒香三門頭合掌也落衲僧窠臼畢竟如何投子下禪床

上堂舉僧問同安如何是向去底人安云寒蟬抱枯木泣盡不回頭又問如何是却來底人安云火裏蘆花秀逢春恰似秋又問如何是不來不去底人安云石羊遇石虎相逢早晚休師云入理深談隨機應物還他同安老人若據衲僧門下未免漏逗何故只解順風張帆不能逆風把柁或有人問治父如何是向去底人對云眼睛突出如何是却來底人對云天闔地闔如何是不去不來底人對云明月照幽谷寒濤響夜砧此語無偏皎嚼處直須是悟始得

開爐上堂冷月霜天道者孤一堂禪侶守寒爐衲衣破處冰侵骨夜靜更深炭也無古人太煞不近人情山僧且要通一線道治父山門齋粥臘文章佛法一時無地爐些子無煙火且與禪人樂有餘喝一喝上堂舉歸宗云歸宗事理絕日輪正當午自在如獅子不與物依怙師云大小歸宗脚跟不點地

冬至上堂暑運推移日南長至上下四維慶無不利且道中間事作麼生擲下拄杖云如是如是

上堂雪雪明明漏泄枯木開花虛空迸裂無位真人徹骨寒燈籠露柱眉毛結忽然晴沒可說齊賀豐年好時節

上堂舉臨濟道有一人論劫在途中不離家舍有一人離家舍不在途中那箇合受人天供養師云眼觀東南意在西北

歲旦上堂元正改旦事事成現有時放行有時坐斷不替兩莖眉和坐盤撥轉佛法世法都盧一片既是佛法世法如何得成一片但辨肯心必不相賺

上堂舉梁山云南來者與三十棒北來者與三十棒雖然如是不當宗乘後來瑯琊云梁山好一片真金將作頑鐵賣却瑯琊即不然南來者與三十棒北來者與三十棒從教天下衲僧貶剝師云治父即不然一任南來北來只恁麼過嘉然打破漆桶却來與三十棒

上堂明明知道只是這箇爲甚透不過只爲脚跟下

紅絲線不斷，纔被人撈著，便轉不得，憤憤地不甘畢竟有箇礙膺之物，推不進，前拽不退後，且如何透脫去南泉斬猫兒。

上堂從上來，千人萬人中，只羅籠得一箇半箇，自餘騰騰任運，任運騰騰，豈堪持論與麼告報？且看治父眉毛在麼？呌呌。

上堂舉梁山拂子頌云：我有一枝拂，真接鐵作骨，顯道嚇蚊蠅，指南不相屈。掃除佛祖病，擊碎衲僧窟。若是上上人，終不喚作物。德山云：梁山好頌話，作兩橛。梁山云：是老僧當時少子，細師云：二大老也，甚奇怪。以急縛寬，則易以寬縛急，則難治。父鼻孔今日落在諸人手裏，一任橫拖倒拽，喝一喝。

結夏上堂，今朝結制，叢林體例，長期短期，似兀如癡，離四句絕，百非大家相聚，喫莖薑喝一喝。

上堂：今夏堂中隘窄，上中下座逼迫，忽若一人發真歸源，直得人人破家散宅，唯有燈籠露柱，冷笑嘻嘻，却道：恁麼恁麼，學世還稀，須知腦後少一椎。

上堂舉僧問南院云：亦肉團上，壁立萬仞，豈不是和。

尚語院云：是僧掀倒禪床，院拈棒，僧擬議，院便打。越出師云：這僧一味小心，放大膽。南院老也是養子之緣。

端午上堂，今朝五月端午，節禪僧門下，無一說千妖百怪，自潛蹤萬里，長天一條鐵。

上堂舉僧問仰山：法身還解說法也？無山云：我說不得。有一人說得，僧云：說得底人在什麼處？仰山推出。枕子：潯山云：寂子用劒刃上事，師云：仰山尋常一條脊梁硬似鐵，被這僧連撈兩撈，便乃四稜踏地。潯山一期忍俊不禁，不知失却一隻眼。忽有僧問：治父法身還解說法也？無便與攔胸一踏，踏倒教伊起來作箇洒洒落落底漢，不見道：犀因翫月紋生，角象被雷驚花入牙。

上堂舉僧問曹山：佛未出世時，如何？山云：曹山不如問出世後，如何？山云：不如曹山師云：輟已讓人弄巧，成拙。出世未出世，虛空裏釘橛。曹山有沒量罪過，治父亦有沒量罪過，汝等諸人還檢點得出麼？一東二冬叉手當胸。

上堂江月照松風吹永夜清霄何所爲無孔笛吹雲
外曲相逢知我者還稀

上堂拈拄杖云入荒田不揀信手拈來草懷州牛喫
禾益州馬腹脹懷寧獨山張主管鑄鍋三口賓頭盧
尊者不知失却琉璃碗且道落在什麼處擲下拄杖
云衆眼難瞞

上堂十五已前取不得十五已後捨不得正當十五
日築著磕著七花八裂明眼衲僧只得一槧

上堂舉五祖云先入白雲門次過白雲隈吞底栗蓬
禪喫底秣米飯君子如到來好好看方便師云五祖
老漢家醜外揚治父不然入得治父門不避治父劍
劍下薰翻身爲君通一線喫底劈胸拳透底生鐵面
莫恠羶羶藥方便沒方便

上堂一葉落天下秋一塵起大地收是人知有三世
諸佛爲什麼却不知有握土成金猶可易變金爲土
却還難

上堂拈起拄杖云諸佛降生好與三十拄杖諸佛成
道好與三十拄杖諸佛轉法輪好與三十拄杖爲甚

麼如此鶴有九臯難翥翼馬無千里謾追風喝一喝
下座

請知事頭首上堂拈花微笑立雪安心祖室光輝魔
外拱手聯芳續焰賓主交參的的相承不移易一絲
毫許且道泗洲大聖因甚在楊州出現入水見長人
上堂秋光清淺時白露和煙島良哉觀世音全身入
荒艸分明道了也會也好不會也好一鏃破三關低
頭何處討

請典座上堂日可冷月可熱衆魔不能壞眞說且道
如何是眞說鉢盂一日兩度濕

上堂舉馬大師入室罷西堂百丈南泉隨侍旣月次
大師云正當恁麼時如何西堂云正好供養師云望
梅林止渴百丈云正好修行師云金不博金南泉拂
袖便行師云只得一槧馬師云經歸藏禪歸海惟有
普願獨超物外師云噉嚙呢嚙哩吽噉吒這一火落
鼻孔總被穿却了也備諸人且向什麼處出氣擊拂
子下座

上堂舉楊岐問慈明幽鳥語喃喃辭雲入亂峰時如

何明云我行荒艸裏汝又入深村岐云官不容針更
借一問慈明便喝岐亦喝明又喝岐亦喝明連下兩
喝岐禮拜師云二人父子譬如弄珠不觸其手不墮
其地不住於空亦無玄妙箇裏如何眨眼喝一喝
上堂舉雲門云聞聲悟道見色明心觀音大士將錢
買餬餅放下元來是箇饅頭雲門大師自倒自起五
祖師翁云聞聲悟道見色明心遂以兩手作打杖鼓
勢云棚入囉扎是熟處難忘師云治父有條活路要
與諸人共行拈拄杖云穿入諸人鼻孔裏燈籠露柱
直得眼睛突出卓拄杖下座

上堂盡令提綱乾坤黯黑放開一線道泰時清且道
本身廬舍那還知慚愧麼三生六十劫

上堂治父生來百拙開口都無一說今朝指空畫空
笑倒清風明月

上堂一方一所叢林保社或廢或興截鐵斬釘推倒
嘉州大像扶起迦葉師兄管取曹源一派清喝一喝
上堂虛頭人便說虛頭話敢作虛頭事實頭人只說
得實頭話做得實頭事若教虛頭人說實頭話終是

不甘又教實頭人做虛頭事畢竟不穩只如馬大師
云卽心卽佛非心非佛且道是虛耶是實耶喝一喝
卓拄杖下座

祈雨上堂當陽顯赫神龍妙訣倒嶽傾湫雷轟電掣
所以雲門扇子踴跳上三十三天策著帝釋鼻孔東
海鯉魚打一棒雨似盆傾直得治父拍掌呵呵大笑
且道笑箇什麼後三日看

解夏上堂橫按拄杖云結也如是解也如是解結分
明人人營地唯有這箇拄杖子不肯營地且道因甚
如此遇賤卽貴靠拄杖下座

紹熙元年九月十五日雲居薦福專使同至對衆拈
闍得雲居乃曼帖拈起示衆云一見便見來之卽難
直下來也急著眼看

上堂恁麼也不得不恁麼也不得恁麼不恁麼總不
得鐵壁银山無壅塞恁麼也得不得恁麼也得恁麼不
恁麼總得萬里長空雲一突機輪轉處作者猶迷轉
啄同時遠之遠矣今日不免通一線道與諸人露箇
消息會麼不勞懸石鏡天曉自鷄鳴 復云有句無

句如藤倚樹，築著磕著了，無回互，八臂那吒留不住。
次日，本軍淮監司牒廬江縣官勸赴薦福拈帖云：「
不做二不休，取不得捨不得，且道是什麼？」良久云：「公
驗分明。」

上堂不著佛求，不著法求，不著僧求，孤舟短棹，任性
優游，警轉玄關，縱橫妙用，在此了無間然，所以道：「動
若行雲，止猶谷神。」既無心於彼此，寧有家於去來？坐
斷千差，壁立萬仞，還委悉麼？大鵬展翅，蓋十州離邊，
燕雀空啾啾。復舉三聖道：「我逢人則出，出則不爲
人與化道。」我逢人則不出，出則使爲人。二老漢，丁一
卓，二因邪打正，以常住物作自己用，帶累我臨濟正
宗，直至于今扶不起。

辭衆只箇長行粥飯僧，江南江北震乾坤，而今又却
隨他去討甚楊岐八世孫。

饒州薦福禪院語錄

參學 光睦 等錄

入院指三門云：「入門正路不容回互，千人萬人當陽
蹉過，畢竟落在什麼處？」喝一喝。

指法座要行便行，要坐便坐，自古自今只是這箇陞
座祝。

聖罷就座，僧問：「歐阜峰頭安樂神，神通用盡覓無門。
東湖伏虎資緣重，握手歸來一笑新。遠涉程途卽不
問，入門一句作麼生？」師云：「千車同轍，進云大衆沾恩，
去也。」師云：「切忌錯流通進，云爭奈賢使君留心妙道，
老伏虎有意當仁。」師云：「一時坐斷，進云龍得水時添，
意氣虎逢山色長。」威憚師云：「未在，更道僧問如何是
東湖境？」師云：「青山疊疊，煙波裏進云鄱江景物從茲
好。」衲僧巴鼻任流通，師云：「六耳不同謀。」進云：「如何是
境中？」師云：「眼橫鼻直，進云莫莫，堂前添瑞氣，青青
亭上奪高標。」師云：「放下著。」進云：「人境已蒙師指示，開
堂演法事，如何？」師云：「高祝。」萬年春進云：「如是則密
庵一派，轉見光輝去也。」師云：「汝向什麼處見密庵僧
便喝？」師云：「腦後蹉過。」師乃云：「言前薦得已，涉繁詞，
句下精通白雲萬里，所以識不可識，智莫能知，全體
與麼來全體如是住，橫該萬有，豎透金輪，如印印空，
如印印泥，如印印水，頭頭合轍，應用無虧，法隨法行。」

法幢隨處建立拋三放兩意在鉤頭不立階梯如何洞曉龍袖拂開全體現象王行處絕狐蹤不叙謝復舉俱胝和尚凡有所問只豎一指又道我在天龍得一指頭禪一生受用不盡且道如何是一指頭禪乃豎起拂子云見麼若也見得可以與俱胝把手共行脫或未然新薦福不免重說偈言一著高一著一步闢一步坐斷佛祖關迷却來時路

上堂十五日已前取不得十五日已後捨不得正當十五日取卽是捨卽是問汝問余都不會可伶只解那斯那

上堂薦福住院事事成現露柱燈籠三門佛殿若上若下和光同塵有時又却神頭鬼面汝等諸人向什麼處與薦福相見喝一喝

上堂舉臨濟示衆云我於先師處三度問佛法的的大意三次喫六十拄杖如蒿枝拂相似如今更思一頓喫誰爲下手時有僧出云某甲下手際拈棒度與僧擬接際便打雪竇拈云臨濟放去較危收來太速師拈起拄杖云臨濟據令而行不知孤負黃鶯雪竇

盡力擔板也只見得一邊且道薦福節文在什麼處擲下拄杖

上堂僧問虛空消殞時如何答云驢不成馬不是乃云天不能蓋地不能載虛空不能容日月不能照是什麼標格野老不知堯舜力皐皐打鼓祭江神

上堂舉僧問楊岐天得一以清地得一以寧衲僧得一堪作什麼楊岐云鉢盂口向天師云衲僧一拶鉢盂口闔天下楊岐望林止渴

上堂風不鳴條雨不破塊五百載聖人出現三千年黃河一度清不作佛法商量不作世諦流布分明恁麼道也是久日譚來唇

上堂橫按拄杖云赤肉團上壁立萬仞入泥入水石裂崖崩因什麼人人不會良久云咩咩拄杖下座元正上堂元正改日來千去萬物物咸新眼上生塵拶破多年桃核裏分明只是舊時人

元宵上堂橫按拄杖云過去燈明佛本光瑞如此所以西天四七唐土二三續焰聯芳真風不墜唯有薦福不入這保社因甚如此卓拄杖云天闔地闔

二月十五上堂如來有密語實買賤賣迦葉不覆藏累及後代汝等諸人盡是釋迦老子兒孫住他屋喫他飯二六時中且如何受用以拂子擊床下座

上堂舉一明三言多道遠一切智智清淨無二無二分無別無斷故且道無盡藏三昧門又如何學良久云識法者懼

上堂達磨九年面壁和賊捉敗盧行者不識箇字露出尾巴禪僧家氣宇如王走徧天下只是這些子因甚透不過樊噲踏鴻門

上堂張弓架箭魚游網物外安身鳥入籠生殺盡時靈作靈如何透得這三重應庵老人盡力與麼道也是與賊過梯

上堂滿口說得底又無箇入頭處有箇入頭處又却開口不得且道病在什麼處只見波濤湧不見海龍宮

上堂達磨九年面壁二祖立雪齊腰三人證龜成鱉一塊頑銅鈍鐵

上堂機不離位墮在毒海智不到處切忌道著且道

山河大地有什麼過汝若會得向日本國裏橫三豎四若也不會長連床上喫粥喫飯

上堂拈拄杖顧視大眾云殺人刀活人劍那吒眼睛金剛正焰咬定牙關赤心片片法堂前艸深一丈也未爲分外畢竟如何道得通方句良久靠拄杖下座六月十二十三應庵師祖密庵先師忌辰拈香云出家不著便撞見這兩箇老漢一箇太煞不近人情一箇只管遮遮賢賢和泥合水虎度時光落魄放癡憨打箇沒折合錯禮三拜後悔難追而今冷地思量不覺令人惡發所以供香一炷羨茗一甌不是報德酬恩且要通相鈍置

解夏上堂有解有結虛空釘橛無解無結咬著生鐵二千年代錯流傳天下衲僧無處雪雪不雪崖崩石裂

上堂莫莫大海乾枯須彌倒卓逆行順行將錯就錯明眼衲僧休卜度

上堂舉師祖問南泉摩尼珠人不識如來藏裏親取得如何是藏泉云王老師與汝往來者是雪竇著語

云艸裏漢師祖云直得不往來時如何泉云亦是藏雪竇云雪上加霜師祖云如何是珠泉召云師祖祖應喏泉云何不會老僧語師祖忽然悟去雪竇云百尺竿頭作伎倆也未爲驗若向這裏著得一隻眼賓主互換便能深入虎穴若不恁麼直饒師祖悟去也是龍頭蛇尾圓悟和尚頌云蒼鷹逐兔驪龍翫珠透青眼不瞬照物手不虛往來不往來艸裏謾茶胡百尺竿頭入虎穴分明月上長珊瑚師云雪竇與麼注脚圓悟與麼頌薦福也有箇道處分明月上長珊瑚一段風光燦太虛大地衆生同受用如來藏裏本來無上堂拈拄杖卓云須彌山大海水從上諸佛祖師總被拄杖子吞却了也且道燈籠露柱向甚處安身立命若也會得事同一家若也不會萬別千差靠拄杖下座

緣化歸上堂僧問去日湖山秋正好歸來滿眼菊花黃箇中消息無人會便請今朝爲舉揚師云脚頭脚尾進云有一人終日在途中不離家舍此意如何師云艸鞋跟斷進云有一人終日在家舍不離途中又

作麼生師云鼻孔遼天進云長沙和尚一日遊山回至門首首座問和尚到什麼處來沙云遊山來此意如何師云勘破了也首座復問到什麼處沙云始隨芳艸去又逐落花回又作麼生師云頭上漫漫進云首座云大似春意沙云也勝秋露滴芙蓉師云一坑埋却僧禮拜復舉僧問雲門樹凋葉落時如何門云體露金風師拈拄杖云雲門可謂騎賊馬趕賊奪賊刀殺賊只是諸人不得恁麼會何也命若懸絲卓拄杖下座

上堂開口有時道得著只是不會開口明明道不著又却獨自點頭且道救取那箇卽是喝一喝上堂舉百丈侍馬祖遊山歸忽然哭同事問云憶父母耶丈云無事云被人罵耶丈云無事云哭作什麼丈云問取和尚同事問馬祖祖云備去問取他同事回至寮中見百丈呵呵大笑同事云適來爲甚哭而今爲什麼笑丈云適來哭而今笑同事問然師云當時若撞著聲頭說什麼百丈馬祖也須倒退後來大慧頌云有時笑有時哭悲喜交并暗催促此理如何

學向人斷絃須是鸞膠續師云大慧和尚甚生氣槩猶向古人背後叉手薦福亦有一頌哭不徹笑不徹倒腹傾腸向君說父子非親知不知擡頭腦後三斤鐵

上堂舉玄沙示衆云常將汝等諸人放頂顙上不敢錯誤諸人一絲毫子師云玄沙怎麼道大似知而故犯何故未著手脚時早是相埋沒了也何況將放頂顙上雖然如是不是苦心人不知

上堂卓拄杖云定乾坤決猶預擊石火閃電光賓主歷然壁立萬仞若非具徹法眼懸肘後符往往當面蹉過且道以何爲驗遂擲拄杖下座

上堂舉興化示衆云今日不用如之若何便請單刀直入興化爲汝諸人證據時有旻德長老出禮拜起便喝化亦喝德又喝化亦喝德禮拜歸衆化云旻德長老今日較興化三十棒若是別箇一棒也較不得何故蓋爲他會一喝不作一喝用師云興化勾賊破家旻德把髻投衙更道他會一喝不作一喝用不知凌蔑我臨濟宗風不見道作家不啐啐啐同時失

出鄉歸上堂古者道蓬若出麻終不直僧離清衆太無端山僧拋離大衆出鄉月餘日不覺拖泥帶水且道面皮厚多少般人以栢周人以栗

上堂舉雪竇云春山疊亂青春水漾虛碧寥寥天地間獨立望何極師喝云大小雪竇不覺四楞塌地雖然如是路遙知馬力事久見人心

上堂舉盤山道譬如擲劍揮空莫論及之不及斯乃空輪無跡劍刃無虧師云正怎麼時如何鐵作心肝也斷腸

上堂舉僧問馬大師如何是祖師西來意祖云近前來向備道僧近前祖攔腰與一掌云六耳不同謀黃龍南禪師拈云古人尙道六耳不同謀那堪二百三百浩浩地商量禍事禍事薦福看來直是好笑且道笑箇什麼賊無種相鼓籠

上堂月生一賓中天子勅月生二觀面無回避月生三燈籠露柱放癡憨驚起新羅與占波闍額汝等諸人三十年後切忌忘却

上堂舉僧問岩頭起滅不停時如何岩頭喝云是誰

起滅師云古人慈悲之故有落艸之談薦福即不然忽問起滅不停時如何但與一喝

上堂舉肇法師云天地與我同根萬物與我一體師以拂子擊禪床一下云汝等諸人還覺痛痒麼若不覺孤負山僧若也覺去埋沒自己分明恁麼道也是烏龜陸地行

上堂有情之本依智海以爲源含識之流總法身而爲體豎起拂子云這箇不是法身語默動靜不是法身萬像森羅不是法身且道喚什麼作體以拂子擊禪床云三生六十劫

龜峰栢庭永和尙遺書至上堂海上爭馳老栢庭生憎佛祖長無明驀然打箇轉身轉依舊龍門一派清解夏上堂今朝解制是何體例馬面驢頭心空及第黃面老子二千年前說脫空話行瞎底不覺不知一任笑恠

重明節上堂佛身無爲不墮諸數佛相無相其相儼然山河大地發異種光艸木昆蟲現殊勝事是以神霄降慶眞主誕生傾萬國丹心祝一人睿筭當陽有

路列派朝宗一句無私靈光洞耀還委悉麼淨智莊嚴功德聚聖躬彌億萬斯年

上堂舉睦州示衆云裂開也在我捏聚也在我時有僧出問如何是裂開州云三九二十七菩提涅槃眞如解脫卽心卽佛我只恁麼備又作麼生僧云某甲不恁麼州云蓋子撲落地碟子成七片師云也是好笑大小睦州被這僧拶得恰似落湯蟻七手八脚一時露

上堂舉南泉一日刈茅次有僧問南泉路向什麼處去泉提起鎌子云這箇是三十錢買僧云某甲不問這箇南泉路向什麼處去泉云我使得最快師云南泉門前活路子八字打開這僧肚裏惺惺伴驀詐啞當時若見南泉道我使得最快便乃轉身一步云賺我來大小南泉也須倒退

上堂仰面不見天低頭不見地喫飯了瞌睡畢諦第一義

上堂舉雲門道觀世音菩薩將錢買餅放下手元來是箇饅頭師云面赤不如語直

上堂一切障礙卽究竟覺得念失念無非解脫釋迦老子披肝露膽截斷衆流只是見地不脫至今未有一人檢點得出若檢點得出也是賣八布衫

上堂舉睦州示衆云我見百丈不識好惡大衆纔集以拄杖一時趕下復召大衆衆回首丈云是什麼有甚共語處黃蘗和尚大衆纔集以拄杖一時趕下復召大衆衆回首蘗云月似彎弓少雨多風猶較些子雪竇云說什麼猶較些子直是未在若據雪竇以拄杖趕下便休可中有箇無孔鐵鎚善能擔荷可以籠罩古今乾坤坐斷遂拈拄杖云放過一著師云轉見諸訛這幾箇老漢出來張羅布網却向平地上擺蜆撈鰕殊不知用盡自己心笑破他人口咄

上堂文殊普賢東倒西攪泥猪疥狗成羣作隊拽脫釋迦老子鼻孔天帝釋夢中驚覺不覺拊掌呵呵大笑且道是什麼境界具眼者辨取

謝知事上堂雙放雙收眼睛雖瞞赤手全提誰是知已是以同聲相應同氣相求全體與麼來全體如是住雖然如是且道風恬浪靜一句作麼生三臺須是

大家催

元宵上堂今朝正月半舉箇舊公案一燈百千燈千人萬人看百艸頭邊威音那畔相逢若是箇中人終不隨他光影轉

上堂舉維摩云其施汝者不名福田供養汝者墮三惡道師云還見維摩心肝五臟麼移花兼蝶至買石得雲饒

送化主上堂萬戶千門到者稀一挨一拶在臨時威音那畔真消息不是知音莫與知若也知去便乃拋三放兩不論高低盡情收拾了和月載將歸

上堂舉瑯琊道若論此事如洪鐘待扣聲應長空如寶鑑當軒影臨萬像又道若論此事說甚龍樹馬鳴提婆鷲子辯似懸河智如流水莫能知之師云瑯琊怎麼剖露也是官路販私鹽

上堂牛頭橫說豎說不知有向上關捩子趙州訪茶黃輕輕靠拄杖便去也堪笑也堪悲鵝王自能擇乳鴨類從教插泥

上堂舉忠國師問僧甚處來僧云江西馬大師處來

國師云大師說何法僧云常說卽心是佛或云非心非佛國師便喝出復召云更說何法僧云不是心不是佛不是物國師云却較些子死心拈云大小國師向語默裏轉却當時若見道不是心不是佛不是物更與喝出豈不光前絕後師云諸大老也甚奇怪打鑊敲枷平高就下說也說得到行也行得到只是未

有出身之路喝一喝

上堂薦福少方便拳頭如掣電千眼無摸索千耳不可見且道爲甚如此家家門首透長安

上堂威音那畔眞消息累及瞿曇老祖翁四十九年顛倒說人間天上謾流通

上堂舉風穴示衆云若立一塵家國興盛野老聾聵不立一塵家國喪亡野老安貼於此明得闍梨無分全是老僧於此不明老僧卽是闍梨闍梨與老僧亦能迷却天下人亦能悟却天下人欲識闍梨麼右邊拍一拍云這裏是欲識老僧麼左邊拍一拍云這裏是應庵師祖拈云大小風穴不曾轉身句師云薦福見處又且不然大小風穴醋氣猶在何故始作翁如

也縱之純如也皎如也釋如也以成喝一喝下座

上堂目前無法意在目前不是目前法非耳目之所到薦拈拄杖云切忌認驢鞍橋作阿爺下領雖然如是有時乘好月不覺過滄洲

上堂達磨面壁九年無摸索處二祖禮拜而立口似礪盤卽心卽佛非心非佛不是心不是佛不是物未免抱橋柱澡洗且道禪僧分上合作麼生拍禪床云掀翻海嶽求知已撥亂乾坤建太平

上堂五月端午薦福直舉不會諸方書符呪土風從虎兮雲從龍千妖百怪自潛蹤

上堂十五日已前鐵壁鐵壁十五日已後將逐符行且道正當十五日如何石火一揮天外去時人休看月邊星

上堂舉雲門問首座乾坤大地與自己是同是別座云同門又問一切物命飛蛾蟻子與自己是同是別座云同門云何得干戈相待師云雲門平地上弄險好與他一割首座恣意賣峭也好與一割一割兩割且道意在甚處將爲鬚鬚亦更有赤鬚鬚

上堂今朝九月二十莫恠光陰電急游人南北憧憧不識自家城邑。薰拈拄杖卓一下云。眨上眉毛從此入。

上堂十方同聚會箇箇學無爲。此是選佛場心空及第歸。喝一喝。猶有這箇在薦福門下十方同聚會一切卽尋常寒則圍爐向火熱則各自乘涼。信道盡中日月長。喝一喝。

上堂拈拄杖卓一下云。過去諸如來斯門已成就現在諸菩薩今各入圓明未來修學人當依如是住。只如德山拆却佛殿又作麼生相逢說盡平生話夜深方見把針人。喝卓拄杖下座。

上堂舉雲門大師道若實未得箇入頭處三世諸佛在彌脚跟下一大藏教在彌口唇皮上且向葛藤處會取師云雲門大師雖是善因未必招於惡果薦福敢道燈籠吞却佛殿蚯蚓薰過遼東馬無千里謾追風喝一喝。

上堂舉百丈開田次問黃檗云運闔梨開田不易檗云衆人作務丈云有煩道用檗云爭敢辭勞丈云開

得多少田。檗將鋤築地三下丈震威一喝檗掩耳而去師云百丈一喝風雲從獄黃檗掩耳諸人自摸索看。

上堂舉僧問汾州如何是接初機。汾州云汝是行脚僧僧云如何是辨衲僧。汾州云西方日出卯僧問如何是正令行。汾州云千里持來呈舊面僧問如何是定乾坤。汾州云北俱盧洲長粳米食者無喜亦無嗔。汾州云我將此四轉語驗天下衲僧後雲峯悅云汾州此四轉語被天下衲僧勘破師云二老漢滿口含霜總跳不出薦福有一條活路要與諸人共知便下座。上堂德山入門便棒臨濟入門便喝俱胝豎指雪峰輾毬成得箇什麼光陰如電掣年老覺心孤。

上堂春風似箭春雨如膏曠劫來事不隔絲毫欄且道佛未生時一句作麼生道試向七縱八橫處道看若道不得薦福失利。

上堂舉良遂座主初參麻谷谷見來便將鋤頭去鋤艸殊不顧良遂到鋤艸處谷便歸方丈閉却門遂次日復去谷亦閉門遂敲門谷乃問誰遂纔稱名忽然

大悟云和尚莫瞞良遂良遂若不來禮拜和尚幾被
經論賺過一生便歸講肆示衆云諸人知處良遂總
知良遂知處諸人不知雲門云便有逆水之波師云
爲人爲徹咬著生鐵逆水之波虛空釘橛

上堂行亦禪坐亦禪語默動靜體安然市地普天取
不得都來不直半分錢

上堂石鞏張弓魯祖面壁正令不行拗曲作直下座
報恩珍長老受請引座列祖出興牽犁拽杷爲此一
大事因緣打開無盡寶藏運出自己光明利物垂慈
應時應節全提正令如獅子王哮吼一聲壁立萬仞
且如何道箇相續句作家不啐啄未舉已先知

上堂欲得現前莫存順逆豎起拂子云祖師來也還
見麼切忌扶籬摸壁

佛生日上堂今朝四月八處處皆浴佛薦福討便宜
大家厮漏漚既討便宜又道漏漚任是明眼衲僧也
跳這些不出

上堂僧問雲門大師如何是佛門云乾屎橛此意如
何答云鷓鴣啼處百花香乃云空手把鋤頭蚊子上

鐵牛步行騎水牛黃河水逆流人從橋上過猛虎富
路坐橋流水不流佛祖是仇讎

上堂拈拄杖召云拄杖子自應喏卽心卽佛作麼生
會云不會非心非佛如何云不會不是心不是佛不
是物喏云不會既是不會如何擔荷我祖師擔子復
云阿呵呵無物堪比倫教我如何說卓拄杖下座
師受香山請拈帖云放開也在我捏聚也在我不容
擬議商量且看目前包裹

上堂五年於此謾隨緣去住無心自坦然六月霏霏
飄瑞雪須知別是一壺天

明州香山智度禪院語錄

參學 善開 等錄

入佛殿燒香云賓則始終賓主則始終生爲甚德山
拆却佛殿乃云禮防君子

據方丈云據令而行一時坐斷佛之與祖齊立下風
金剛圈栗棘蓬箇中無肯路端的有誰通

陞座拈香祝

聖罷僧問祖印高提雖見聞顯揚今古益宗門常雲

峰下全提處未委將何報。國恩答云：市地普天進，云惟憑一滴曹谿水，爲雨爲霖遍九垓。答云：引不著。進云：保壽開堂三聖橫身相爲臨濟住，院普化盡力扶持未審和尙承誰恩。力答云：燈籠罵露柱，進云：休言卜璧無人識，自有知音笑點頭。答云：策著鼻孔進云：臨濟問黃檗佛法的大意，三度喫六十棒，意旨如何。答云：不快漆桶。進云：壁開華嶽連天秀，放出黃河徹底清。答云：見箇什麼。進云：兩眼對兩眼。答云：料掉沒交涉。進云：後到大愚却云：黃檗佛法無多子。見箇什麼。道理答云：策著磕著。進云：肋下三拳攔腰一掌爲復是得牛還馬爲復是據令而行。答云：前三三進云：照用主賓都印破，三玄戈甲一時分。答云：什麼處見黃檗僧便喝。師乃嘯一聲僧禮拜。師云：世尊拈花迦葉微笑，世尊云：吾有正法眼藏，涅槃妙心分付摩訶大迦葉。黃面老子面皮厚三寸，達磨云：吾本來茲土，傳法救迷情，一花開五葉，結果自然成達磨大師面皮厚三寸。雖然如是，且畢竟傳箇什麼。驀拈拄杖擲下云：大家齊著力。

上堂：山僧入院又一箇月，汝諸人水牯牛作麼生拈拄杖卓一下云：若向這裏明得，諸人鼻孔總在山僧手裏，若也不會，山僧鼻孔今日在諸人手裏。且道：請訛在什麼處。風吹石裂，旱地遭釘，靠拄杖下座。上堂：舉稅闍梨問曹山：清稅孤貧乞師賑濟。山云：稅闍梨稅應啼山云：清原白家三盞酒喫了，猶道未沾唇。師云：稅闍梨拋磚引玉，不知換得箇整子。曹山雖來風深辨，可惜不一等。與他本分婢料免致。今時向黑山下作活計。上堂：有時堆堆坐禪，有時一向打闍，年來行脚衲僧都是箇般病痛。報君知：休打闍，入門拈却箇渾身頭，頭自有生蛇弄。上堂：舉五祖云：四五百石麥，二三千羅稻，好箇休糧方。著婆不得妙。師云：五祖老人好語，只爲探頭太過。香山有箇方便，也要諸人共知，透得金剛圈，細嚼鐵餒餒，一飽忘百飢，始信不相賺。上堂：舉古德云：去年貧，未是貧；今年貧，始是貧；去年貧，有卓錫之地；今年貧，錫也無。師云：去年去年來貧復

貧祖師擡脚重千斤愁人莫向愁人說說向愁人愁殺人

浙西出隊歸上堂舉僧問蘇谿和尚如何是定光佛谿云鴨吞螺師僧云還許學人轉身也無谿云眼睛凸出後來佛燈云忽有人問山僧如何是定光佛只對他道奔南走北還許學人轉身也無走北奔南師云鴨吞螺師不妨勦絕且道奔南走北取得箇什麼邊事種田博飯喫饒憶老楊岐

上堂舉大慧云有佛處不得住生鐵秤鎚被虫蛀無佛處急走過撞著嵩山破竈墮三千里外逢人不得錯舉兩箇石人相耳語恁麼則不去也此語已行遍天下摘楊花摘楊花噉嚙呢嚙哩吽噉吒師云大慧老人盡力只道得到這裏還知香山落處麼鐵山崩倒壓銀山盤走珠兮珠走盤密把鴛鴦閑繡出金針終不與人看

上堂舉趙州訪臨濟州纔洗脚濟便下來問如何是祖師西來意州云正值老僧洗脚濟近前作聽勢州云會即便會啗啄作麼濟拂袖便行州云三十年行

脚今日錯爲人下注脚師云半雨半晴桃紅李白點著便行不勞啗啄那箇是它錯下注脚處試道看

上堂舉趙州問南泉如何是道泉云平常心是道州云還可趣向也無泉云擬向即乖州云不擬爭知是道泉云道不屬知不屬不知知是妄覺不知是無記若真達不疑之道谿如太虛豈可強是非耶趙州忽然大悟師云青天白日悟箇什麼咄咄驪珠擊碎蒼龍窟

上堂舉僧問明招虎生七子那箇沒尾巴招云第七箇沒尾巴師云第七箇沒尾巴不落羣隊獨露爪牙擬心湊泊終難見須信蓮開火裏花

上堂橫按拄杖云靜處鬧浩浩鬧中靜悄悄鐘動月黃昏谿鳴五更早拄杖子却懊惱可惜好光陰等閑空過了靠拄杖下座

上堂舉法華示衆云不結毗盧印那弘古佛心明月照幽谷寒濤響夜砧今日亘庵居士到來山僧亦有一偈坐斷毗盧頂超然亘古今萬緣俱剝脫一片祖師心

師受平江府虎丘請拈疏云古之今之同道者知一言纔出駟馬難追

上堂僧問作家不啐啄啐啄同時失時如何答云一字入公門九牛車不出乃云摩竭提國親行此令小室峰前鈍置他人揮戈佛日未稱全提棒喝交馳自救不了恁麼也得不恁麼也得恁麼不恁麼總得識取鉤頭意莫認定盤星

平江府虎丘山雲巖禪院語錄

參學 師肇 等錄

師入院指三門云入門一句賓主歷然不勞彈指天

寬地寬壺中消息異人間

據方丈云淨名一默大士點頭言下爭鋒不消一割舉頭天外看須是箇中人

陞座拈香祝

聖罷僧問聲名藉藉冠諸方二漏管扶大法幢不是賢侯重請命慈光焉得過錢塘四衆臨筵願聞法要師云是甚麼進云劒閣路雖險夜行人更多師云放爾三十棒進云莫便是和尚爲人處也無師云切忌

啗啄進云祇如和尚道入門一句賓主歷然如何是歷然底師云劒去久矣進云如何是賓中主師豎起拂子進云如何是主中賓師擊禪床一下進云如何是主中主師云聲前薦取進云如何是賓中賓師云簸土颺塵進云主賓歷然無向背壺中消息許誰知師云裂破僧禮拜師乃云豁開向上一竅威音那畔坐斷封疆自己胸襟流出應用無差頭頭合轍透聲透色絕見絕聞非三賢十聖所知非神通變化所測不拘得失不昧當機不躡前蹤如何舉唱三世諸佛祇言自知歷代祖師全提不起直得輝天鑑地換斗移星作者相逢只覓得眼所以道向上一路千聖不傳未曾親近早隔大千正恁麼時且當陽一句如何割露道泰不傳天子令時清休唱太平歌謝詞復舉不錄王常侍訪臨濟回到僧堂侍云這一堂僧還看經否濟云不看經侍云還坐禪否濟云不坐禪侍云既不坐禪又不看經作箇什麼濟云總教伊成佛作祖去侍云金屑雖貴落眼成翳濟云元來是我家裏人師云一著高一著一步闊一步明眼人前猶涉路布鳳

棲不在梧桐樹

上堂佛眼覷不得祖師提不起石裂崖崩掀翻到底不風流處更風流也是波斯入鬧市

上堂夫爲善知識須是驅耕夫之牛奪飢人之食驅耕夫之牛令他苗稼滋盛奪飢人之食令他永絕飢虛雖然有時逼到萬仞崖頭又須是備當人自肯放身捨命始得

上堂恁麼恁麼率犁拽把不恁麼不恁麼泥多佛大臨濟三玄趙州勘破鼻孔大頭向下以拂子擊禪床下座

上堂舉僧問睦州高揖釋迦不拜彌勒時如何州云昨日有人問越出了也僧云和尚恐某甲不實州云拄杖不在筥箒柄聊與三十師云以毒攻毒以楔出楔還它睦州老漢始得今日有人出來與麼問虎丘也只與麼答何故盡法無民

上堂舉五祖和尚云老僧游方十餘年參數人善知識將謂了當及到浮山圓鑑會下更開口不得末後又到白雲因咬破箇鐵餞箇直是百味具足且道箇

子一句作麼生道乃云花發鷄冠媚早秋誰人能染紫絲頭有時風動頻相倚似向堦前鬪不休師云五祖恁麼說話猶欠悟在

上堂欲得大用現前直下頓忘知見諸見若盡昏霧不生大智洞然更非他物且道文殊是七佛之師因甚出女子定不得悉達多波怛囉

上堂舉藥山一日齋時自打鼓高沙彌乃捧鉢作舞入堂山便擲下椎云是第幾和沙彌云第二和山云如何是第一和沙彌就桶舀一杓飯便行師云停囚長智

上堂古德道我若全學宗乘汝諸人向甚麼處領會所以古今獨露隱顯殊途師云古德開却口合不得解夏上堂虎丘一夏與兄弟說話管取生身陷地獄莫有一箇半箇皮下有血麼良久吽吽下座

上堂今朝九月初一祝聖陞堂已畢若是達磨兒孫警轉雲門念七

上堂舉雪峰道盡大地撮來如粒粟大拋向面前漆桶不會打鼓普請看師云陝府鐵牛不覺膽顛嘉州

大家通身汗流且道象骨老人面皮厚多少

上堂舉僧問睦州一言道盡時如何州云老僧在爾鉢裏又問雲門一言道盡時如何門云裂破二老漢猶墮時人窠臼或有問虎丘一言道盡時如何只向它道無牛使馬

開爐上堂諸方如法開爐虎丘家風淡泊拈出箇鐵餞箇裏寧容啗啄休啗啄丹霞燒木佛院主眉鬚落上堂舉趙州一日齋次有一婆子入堂指云這一堂僧盡是婆婆生得復指趙州云唯有大底孩兒五逆不孝州瞪目視之婆婆便出去師云一人打穩拍板一人吹無孔笛梵音清雅令人樂聞且道是什麼曲調洞庭山脚太湖心

上堂舉僧問鹿苑如何是實際理地苑云南瞻部州北鬱單越僧云恁麼則事同一家苑云猶隔須彌山在師云夫善知識者是大因緣有來由沒窠臼纔擬恁麼便不恁麼雖然到頭霜夜月任運落前谿上堂舉保寧勇和尚云大方無外大圓無內無內外聖凡普會瓦礫生光須彌粉碎無量法門百千三

昧拈起拄杖云總向這裏會去蘇盧蘇盧悉喇悉喇薩婆訶師云這老漢業識忙忙不奈船何打破屎斗上堂舉麻谷坐次有僧參纔展坐具谷乃垂下一足僧便出谷云青天白日有恁麼事僧回首云某甲有過在谷便與一掌師云擊石火閃電光賓主歷然窮則變變則通攔頭便掌且道賞伊罰伊不犯清波意自殊

上堂舉風穴問南院云入門須辨主端的請師分院以左手拍膝一下穴便喝院以右手拍膝一下穴又喝院舉左手云這箇且從閣梨復舉右手云這箇作麼生穴云瞎院拈起拄杖穴云作麼奪拄杖打和尚去莫言不道院擲下拄杖云今日被這黃面浙子鈍置一上穴云大似持鉢不得詐道不飢院云上座莫會到此間麼穴云是何言歟院云好好相借問穴云也不得放過院云且坐喫茶師云喫也甚奇恠一箇生筍筍一箇破糞箕搥搥堆頭也用得著未免鈍置門風若據正令而行總欠一著在歲旦上堂年去實不去年來實不來山僧都不會露

拄笑哈哈

上堂舉趙州云諸人被十二時辰使老僧使得十二時辰師云也是徐六擔板

上堂舉睦州示衆云汝等諸人未得箇入頭處須得箇入頭處若得箇入頭處不得辜負老僧木庵和尚又道諸人未得箇入頭處須得箇入處若得箇入處直須闕下入處始得師云二老漢總放不下在既能明似鑑何用曲如鉤雖然如是養子方知父慈

上堂一大藏教不是黃面老人說底直指人心不是達磨大師傳底盡情爲汝諸人道了也還覺頂門重麼見之不取千載難忘

四月八上堂今朝四月八處處皆浴佛驪憶雲門大師一棒打與狗喫也是一番性燥爲渠雪屈既是打與狗喫因甚道雪屈明眼衲僧跳不出

上堂深聞淺悟二更問路深悟淺聞痛處遭針胡盧子放教沉莫將閑學解埋沒祖師心

上堂舉寶公和尚道鷄鳴丑一顆圓光明已久內外推尋覓總無境上施爲渾大有師云寶公和尚只認

箇昭昭靈靈雖然如是不因夜來鴈爭見海門秋能仁光睦長老通嗣書上堂鷺嶺峰前黃梅夜半通相鈍置直至如今若是陶淵明攢眉便歸去然雖如是不是一番寒徹骨爭得梅花撲鼻香

上堂盡大地箇獨脫底直是萬中無一何況荆棘林中坐荆棘林中臥然雖如是千年常住一朝僧

上堂舉黃檗在南泉作首座甘贄行者齋僧次入堂請首座施財座云財法二施等無差別贄昇錢出堂須臾復云請首座施財座云財法二施等無差別贄便行觀翠岩眞和尚拈云甘贄行錢點兒落節首座施財何曾夢見妙喜云一等是隨邪逐惡只有雲居羅漢較些子師云總是掩耳偷鈴殊不知甘贄有取有放首座徹底惺惺雲収雨霽長空闊一對鴛鴦畫不成

上堂今朝五月五廳言及細語會得也尋常不會超佛祖喝一喝

孝宗皇帝大祥上堂吾大聖人之道不在有言不在無言不礙有言不礙無言寂而妙虛而靈恢恢焉見

晃焉迥出思議之表不生不滅處處流輝且追嚴一句作麼生道不見一法卽如來是則名爲觀自在上堂全鋒敵勝未稱宗乘就下平高固非作者虎丘有一條活路要與諸人共良久云喫茶去

上堂舉僧問乾峰十方薄伽梵一路涅槃門未審路頭在什麼處乾峰以拄杖劃一劃云在這裏師云乾峰未免釘椿搖櫓

上堂舉僧問洞山時時勤拂拭莫使惹塵埃因甚不得他衣鉢山云直道本來無一物也不得他衣鉢後大愚芝和尚云總不得他衣鉢與古佛同參且道參阿誰師云到江吳地盡隔岸越山多

上堂舉保寧和尚示衆云有手脚無背面明眼人覷不見天左旋地右轉乃拍膝云西風一陣來落葉兩三片師云將常住錢作自己用

解夏上堂虎丘一夏無可供養諸人諸人合有沒量罪過諸人若識慚愧虎丘也有沒量罪過且道因甚如此石牛沿古路一馬生三寅

謝知事頭首上堂威音王已前也與麼威音王已後

也與麼三世諸佛也與麼歷代祖師也與歷若上若下東之與西悉皆與麼雖然如是睡則同床睡夢則獨自做拍膝云一聲來鴈長空過

上堂舉外道問世尊昨日說何法世尊云說定法外道云今日說何法世尊云不定法外道云昨日說定法今日何說不定法世尊云昨日定今日不定師云釋迦未免隨據撒忽問虎丘昨日定今日爲甚不定只向它道無雲生嶺上有月落波心

上堂去却一拈却七佛祖玄關元不識百尺竿頭掉臂行笑指西方日頭出透金圈吞栗棘明眼衲僧沒氣息

聖節上堂靈源洞徹真照無邊萬機旋復十方目前聖中聖天中天最尊貴復何言文明齊北極睿筭等南山

上堂懷州牛喫禾益州馬腹脹天下覓醫人灸猪左膊上也好笑也堪悲耳墮元來兩片皮

上堂舉寒山頌吾心似秋月碧潭清皎潔無物堪比倫教我如何說師云寒山好頌只易見難說虎丘却

有箇方便說與諸人若教頻下淚滄海也須枯

上堂舉僧問楊岐如何是佛岐云三脚驢子弄蹄行僧云便恁麼去時如何岐云湖南長老師云大小楊岐被這僧靠倒

上堂舉趙州訪茱萸法堂上從東過西從西過東萸云作什麼州云探水萸云我這裏一滴也無探箇什麼州以拄杖輕輕靠壁而去師云由基弓矢張頭艸書作者相逢不容眨眼且道趙州以拄杖靠壁而去意在甚處青山不鏤長飛勢滄海合知來處高

瑞慶節上堂十月瑞慶節真人降中天萬國葵藿心虔祝一爐煙龍圖鳳曆等乾坤睿筭彌隆億萬年

上堂舉睦州問僧甚處來僧便喝州云老僧被一喝僧又喝州云三喝四喝後作麼生僧無語州便打云這掠虛漢師云老睦州甚生氣槩却向這僧手裏呈款

上堂舉靈觀和尚常閉門坐一日雪峰敲門觀便開門峯擲住云是凡是聖觀乃唾云這野狐精拓開又閉却門雪峰云也要識老兄師云一不做二不休賓

主互換有來由焦埽打著連底凍赤眼撞著火柴頭上堂有句無句如藤倚樹孟八郎漢便恁麼去乃拍禪床云蘇嚕蘇嚕

謝知事上堂舉死心道江南人護江南人北人護北人浙人護浙人川人護川人廣南人護廣南人福建人護福建人虎丘聞之不覺大笑雖然如是三臺也要大家催

上堂舉達磨大師道吾本來茲土傳法救迷情一花開五葉結果自然成師云義之筆畫入石三分杜文章光燄萬丈是卽是成人者少敗人多

元正上堂元正月旦千千萬萬厨庫僧堂三門佛殿喝一喝

上堂舉仰山問潞山大用現前如何辨白潞山下座歸方丈仰山隨後至潞山云子適來問什麼話仰云大用現前如何辨白潞山云錯仰山回首云香巖師弟來莫道無語師云是卽全是非卽全非大用現前攜手同歸不知猶自涉離微

上堂舉僧問鼎州文殊萬法歸一一歸何處殊云黃

河九曲木庵頌云九曲那容眨眼看操舟誰解別波
瀾文殊曾展回天手直得朝宗萬派乾師云木庵和
尙與麼道只具一隻眼

上堂達磨九年面壁摸索不著二祖禮拜而立強自
惺惺何曾夢見衲僧汗臭氣在諸人還猛省麼喝一
喝

師出鄉緣化寄歸示衆云明眼衲僧失却鼻孔有賊
無賊○

上堂舉臨濟在黃檗堂中打睡黃檗下來見以拄杖
打板頭一下臨濟舉頭見是黃檗又却睡檗又擊板
頭一下却去上間見首座坐禪乃云下間後生却坐
禪懶在這裏妄想作麼又打板頭一下便出去師云
打睡坐禪坐禪打睡有利無利不離行市老黃檗太
慈悲深耕淺種少人知

上堂僧問有句無句如藤倚樹如何答云秤槌蘸醋
進云樹倒藤枯又作麼生答云換骨洗腸單霄獨步
進云瀉山呵呵大笑又且如何話會答云殺人刀活
人劍乃云汝等諸人終日喫飯未嘗咬著一粒米終

日著衣未嘗掛一縷絲虎丘許你有箇入處汝諸人
終日喫飯未嘗咬著一粒米終日著衣未嘗掛一縷
絲未免瞎驢趁大隊還知虎丘入泥入水麼三十年
後

慶元三年五月二十二日恭奉

聖旨住持臨安府景德靈隱禪寺師領衆望

闕謝 恩捧

勅黃示衆云靈山消息自九重降來一段光明如十
日並照千靈景仰百谷風生驗在目前大家薦取
拈疏云見成公案未學先知不涉毫端顯正法眼儼
或尙留觀聽請爲敷宣

上堂僧問道價遠聞天上去宸恩今日邊來四衆
仰瞻願聞祝

聖師云南嶽萬年松進云一言已祝南山壽八表無
私賀太平師云天闊地闊進云如何是第一句師云
破燈盞進云如何是第二句師云裂破虚空進云如
何是第三句師云斬釘截鐵進云壁破華山雷未迅
照開滄海月非光師云也尋常進云僧問百丈如何

是奇特事。丈云獨坐大雄峰。此意如何。師云話墮也。進云未審向甚處見。百丈師豎起拂子云。還見麼。進云非。惟佛日重輝。亦乃叢林有賴。師云只是蹉過百丈。你僧禮拜師。乃云祖師心印狀似鐵牛之機。去即印住。住即印破。若也不去不住。全機大用。觸處流輝。溢目清光。實通今古。發揮正法眼藏。傳持佛祖心宗。妙用縱橫。頭頭合轍。直得堯天舜日共樂昇平。鼓腹謳歌歸家穩坐。且道當陽一句作麼生。道天高羣象正。海闊百川朝。復舉三聖道。我逢人則出。出則不爲人。與化道。我逢人則不出。出則便爲人。師拈云。二老漢滅却臨濟正法眼。却向長安路上把手共行。直至如今。通相鈍置。且如何是共行一句。掣開金殿。鑼撞碎玉樓鐘。

松源和尚語錄卷上

松源和尚語錄卷下

臨安府景德靈隱禪寺語錄

參學 道嚴 等錄

慶元三年六月五日入院。指三門云。靈山一路達者。猶迷不立。堦梯憑誰措足。到頭相見。無餘事。月下披雲嘯一聲。

指法座云。要行便行。要坐便坐。坐水長船。高泥多佛。大陞座。拈香云。此一瓣香恭爲祝延。

今上皇帝聖壽無疆。萬歲萬歲萬萬歲。次拈香云。此一瓣香奉爲 丞相國公闔朝文武百官。賁陪祿筭。次拈香云。此香爇向爐中。供養前住。當山後住。天童密庵先師大和尚。用酬法乳。遂就座。僧問。鼓響鐘鳴。談實相。燈籠露柱放毫光。不須更覓長安路。已是全身入帝鄉。學人上來請師答話。師豎起拂子云。還見麼。進云。只這住山。非有意向來成佛。亦無心師云。相隨來也。進云。昔日圓悟禪師示衆道。有一人不離家舍。常在半途。有一人常在半途。不離家舍。意旨。

如何師云金剛手中八楞棒進云今日和尚在家舍
在半途師云驚子神通不奈何進云恁麼則今朝喜
得主人歸師云一時坐斷進云昔日王常侍訪臨濟
問好一堂僧爲復是看經是坐禪濟云不看經不坐
禪此意如何師云無孔鐵槌進云常侍云畢竟作箇
什麼濟云總教成佛作祖去又作麼生師云慚愧慚
愧進云只如今日靈隱也好一堂僧未審作箇什麼
僧師云一任卜度僧禮拜師乃云若論此事不可
以有心知不可以無心得不可以語言造不可以寂
默通大智洞明千差坐斷大機圓應著著全彰所以
諸佛出世爲此一大事因緣祖師西來直指人心見
性成佛是故靈光洞耀共贊皇家萬國懽心同傾舜
日且知恩報恩一句作麼生道一人端拱無爲化徧
界開敷五葉花叙謝復舉世尊一日陞座纔歛衣文
殊白槌云諦觀法王法法王法如是世尊便下座師
豎起拂子云世尊三昧文殊三昧總在拂子頭上諸
人還見麼臥龍纔奮迅丹鳳便翱翔
上堂舉僧問巴陵祖意教意是同是別巴陵云雞寒

上樹鴨寒下水白雲師祖云巴陵只道得一半白雲
則不然掬水月在手弄花香滿衣師拈云白雲盡力
道只道得八成有問靈隱只向它道人我無明一拂
穿
上堂天不言四時行地不言萬物生拄杖子不言佛
祖榜樣是汝諸人長期百二十日還曾夢見也未禹
力不到處河聲流向西
密庵先師忌日拈香百丈耳聾黃檗吐舌後代兒孫
半生半滅破沙盆曾漏泄炎天六月飄霜雪
上堂舉雪峰拈拄杖示衆云我這箇只爲中下機人
時有僧出問忽遇上上人來時如何雪峰擲下拄杖
後雲門云我不似雪峰打葛藤蕭拈拄杖云我這箇
只爲中下機人有僧問忽遇上上人來時如何門便
棒師云大機圓應大用直截雪峰雲門只得一槩畢
竟如何不說不說
上堂仰面不見天低頭不見地眉毛在眼上鼻孔裏
出氣於我諸僧門下正好喫痛棒爲甚如此易分雪
裏粉難辨墨中煤喝一喝

上堂舉睦州見僧來參便喝云上座如何偷常住菓子僧云某甲方來因甚道偷常住菓子州云賊物現在嚮師頌云傾盡山寶全身入荒艸若是鳳凰兒不向那邊討

上堂萬法是心光諸緣惟性曉本無迷悟人只要今日了拍禪床一下云今日了大盡三十日小盡二十九

上堂靈隱開爐火種全無將無作有孰辨精粗擬議烏藤劈脊撻從教箇箇背廬都

出鄉歸上堂東過西西過東主中賓賓中主大地全收千差一舉打鼓普請看通身是泥土

上堂千人排門不若一人踏關一人踏關千人萬人皆到無疑安樂之地與麼告報莫有不甘者麼良久云入水見長人

上堂葉落歸根來時無口神仙妙訣父子不傳且如何道得接手句多處添些子少處減些子

上堂今朝十五陞堂直舉全主全賓燈籠露柱不是佛不是祖剔起兩莖眉三更日卓午

浴佛上堂年年此日潑惡水箇事從悉達多起自云徧界獨稱尊後代兒孫誰管徧

上堂舉教中道若謂如來有所說法則爲謗佛且如黃面老子七處九會當爲何事水長船高

上堂舉雲門大師道釋迦老子與天帝釋在中庭相爭佛法正關師云雲門大師大似巧媳婦等閑做出無麪飢飢雖然如是人人也少一分不得

上堂忽雨忽晴天平地平釋迦彌勒打失眼睛喝一喝下座

上堂拈拄杖卓一下云三世諸佛歷代祖師萬象森羅人畜艸芥總在這裏放開也在我捏聚也在我又卓一下云爲見諸人不覺不知倒騎佛殿出三門去也復卓一下下座

上堂舉睦州和尚陞座云首座響答云在又云寺主響答云在維那響答云在三段不同今當第一向下文長付在來日師云借手行拳驚羣動衆龍門上客未舉先知若不然者靈隱失利

上堂舉古者道十五日已前不得住我者裏若住我

這裏我有錐錐爾十五日已後不得離我者裏爾若離我者裏我有鉤鉤爾正當十五日用錐卽是用鉤卽是師云一字不著畫

上堂隔牆見角便知是牛隔山見煙便知是火以拂子擊禪床一下云諸人還見麼下坡不走快便難逢韓少傳請上堂說偈云大人具大見大智得大用一舉定千差百發而百中密贊中興業了無毫末共福如滄海壽如山赫赫聲名繼前踵

上堂舉僧問瑯琊清淨本然云何忽生山河大地瑯琊抗聲云清淨本然云何忽生山河大地其僧有省師云日長夜短諸人還省麼青天復青天打失調轡前看看日又過爭教人少年

上堂舉洞山云諸人還知有佛法向上事麼時有僧出云如何是佛法向上事山云非佛雲門云明不得狀不得所以言非師云雲門好語未免釘釘膠粘楊寺義和尚至上堂道人相見如如不變同氣連枝略通一線笑揖飛來峰大家看佛面上堂西天四七唐土二三天下老和尚的的相承不

容眨眼老德山因甚拆却佛殿良久云艸本天下同瑞慶節上堂龍吟霧起虎嘯風生瑞氣祥光普天匝地森羅萬象發歡喜心物物頭頭咸沾帝澤且當陽一句如何剖露皇基磅礴三千界

睿筭延鴻億萬年

開爐上堂拈拄杖云不是心不是佛栗棘蓬金剛圈枯木寒灰去銀蟾迸海門卓拄杖下座

上堂第一義諦分文不直略露機鋒青天霹靂恁麼恁麼不識不識

上堂舉僧問楊岐如何是不動尊岐云大家齊著力靈隱則不然若有人問如何是不動尊只向它道退後著

湯侍郎入山請上堂舉達磨西來直指人心見性成佛遂說偈云急水波心下直釣魚龍蝦鱖一時收祖師活計無多子惱亂春風卒未休

上堂從上來事合作麼生橫亘十方豎窮三際子承父業賺殺幾多人良久云惺惺著喝一喝下座上堂言無展事語不投機承言者喪滯句者迷和底

掀翻了趙州東院西

上堂舉古者道結夏來五日寒山子作麼生靈隱結夏來十日無陰陽地作麼生良久云風吹荷葉動決定有魚行

上堂舉僧問曹山恁麼熱向甚處回避山云鑊湯爐炭裏僧云鑊湯爐炭裏作麼生回避山云衆苦不能到師云或問靈隱恁麼熱向甚處回避也只向它道鑊湯爐炭裏問鑊湯爐炭裏如何回避云風恬浪靜上堂未離兜率已降王宮未出母胎度人已畢黃面老子末上擔一片板只見一邊致令後代兒孫盡力擡脚不起

解夏上堂舉灌谿參臨濟下禪床欄胸掙住云道道灌谿云領濟推開云且放爾一頓棒灌谿住院後云我見臨濟無言說直至如今飽不飢師云爐韆之所鈍鐵猶多雖然如是不因夜來鴈爭見海門秋譙寺丞請陞座舉古德云莫行心處路不掛本來衣何須更恁麼切忌未生時師云古德與麼說話且道是放行是把住復云一鑊破三關喝一喝

出鄉歸上堂從上佛祖向紅塵裏轉大法輪自餘人入鼻孔遼天箇箇眉毛厮結抽釘拔楔異類中行倒腹傾腸通相供養莫有不甘底麼良久云吽吽

上堂依經解義三世佛冤雖經一字還同魔說達磨九年面壁老盧踏碓春糠檢點將來也是寸釘入木上堂一向恁麼去道絕人稀一向恁麼來辜負先聖窮即變變即通佛祖由來在夢中

上堂舉盤山道向上一路千聖不傳楊岐和尚云口上著師云千聖不傳到今日口上著來無等匹洞庭山脚太湖心行人路上空啾唧

天童全和尚至上堂太白名山飛來峰頂隔江招手便乃橫移所以撞著道伴交肩過平生參學事畢且道參箇什麼一州一縣鹽賣米賤

上堂法尙應捨何況非法豎起拂子云這箇是拂子且作麼生捨離婁行處浪滔天

浴佛上堂諸佛降生鼻直眼橫打與狗喫據令而行流通正法眼日午打三更

上堂今朝月半見成公案臨濟德山猶是鈍漢靈隱

恁麼道也是不著便

上堂按拄杖云拈起拄杖更無向上放下拄杖是何模樣。髑髏山後即不問汝諸人且道下馬臺裏轉身一句作麼生道良久云不到烏江不肯休卓拄杖下座

上堂釋迦老子半夜逾城直造雪山已是漏逗不少又道於三七日中思惟如是事且道更思惟箇什麼人平不語水平不流

上堂舉中邑和尚見僧來乃拍口作和聲仰山來邑亦拍口山從東過西邑又拍口山從西過東邑又拍口山當面而立邑云爾從何得山云從瀉山得山却問邑師從何得邑云我從章敬得師云二老漢正是癡人說夢雖然笑它者多晒它者少

上堂舉教中道無我相無人相無衆生相無壽者相畢竟黃面老子爲人眼在甚處主山高案山低

上堂舉雲門云直得乾坤大地無纖毫過患猶是轉句不見一色始是半提更須知有全提時節師云百尺竿頭弄險是非海裏橫身更有全提底時節只堪

惆悵不堪陳

上堂舉香嚴端和尚示衆云語是謗寂是誑語寂向上有路在老僧口門窄不能與汝說得師云香嚴恁麼且道是說是不說良久云喫茶去

上堂善言言者言所不能言善迹迹者迹所不能迹入林不動艸入水不動波因甚南泉無語歸方丈擊拂子云開口見膽

上堂舉僧問白兆和尚如何是萬行兆云今年桃核也無說什麼爛杏又問如何是妙覺兆云若是妙藥見示一服僧云不問這箇兆云你問什麼僧云妙覺兆云若是皂角分付浴頭師云這僧不妨懵懂白兆終是惺惺不惺惺藥因救病出金瓶擊拂子下座上堂坐深井者不知太虛之寬廣亡偏見者方明至理之圓融棒喝交馳時清道泰摩訶般若波羅蜜甚深般若波羅蜜

上堂大智洞明大機圓應德山隔江招手高亭便乃橫移百丈遭喝因甚三日耳聾秦時轆轤鑽

上堂舉黃檗云自達磨大師到中國唯說一性惟傳

一法以佛傳佛不說餘佛以法傳法不說餘法法即不可說之法佛即不可取之佛乃是本源清淨心也師云不可說不可取不是心不是佛擊禪床一下云急急如律令

出鄉歸上堂不著佛求不著法求不著僧求揚帆鼓棹任性優游收拾南州與此州都盧無有一絲頭喝一喝

上堂德山入門便棒望風豎降旗臨濟入門便喝諸人還猛省麼攻乎異端斯害也已

上堂行羅漢慈破結賊故行菩薩慈安衆生故行如來慈續慧命故且道行衲僧慈合作麼生掃除佛祖渾閑事須知刃下有針錐

上堂絕羅籠脫羈鎖雖是善因而招惡果咄

上堂舉僧問投子萬法從一法生未審一法從何而生子云回首看師云從門入者不是家珍倒燈籠露柱嘆

上堂捏碎虛空出汁石火電光莫及二祖不識安心拜依位而立喝一喝下座

上堂舉僧問靈樹如何是和尙家風樹云千年田八百主僧云如何是千年田八百主樹云郎當屋舍没人修又僧問死心如何是和尙家風心云張公喫酒李公醉云如何是張公喫酒李公醉心云任從滄海變終不爲君通師云二老漢同床打睡各自做夢忽有人問靈隱如何是和尙家風只向它道靈毒之家水莫管如何是靈毒之家水莫管只云波斯入關市上堂橫按拄杖云汝等諸人各各命若懸絲復卓拄杖云且救得一半

浴佛上堂梵志翻著襪摩耶生悉達聲迹不相干今朝四月八

四月十五日上堂禁足護生安居聖制此土西天十方三世

上堂舉趙州道諸方難見易識我這裏易見難識師云識不識見非見說易說難如油入麵

上堂舉僧問芭蕉和尚如何是透法身句蕉云一不得問二不得休僧云某甲不會蕉云第三度來與汝相見師以拂子擊禪床云還見麼握土成金猶可易

變金爲土始知難

上堂舉僧問多福如何是多福一叢竹福云一莖兩莖斜僧云某甲不會福云三莖四莖曲死心拈云斜卽任斜曲卽任曲喚什麼作一叢竹師云三年一閤喝一喝

上堂舉雲門問僧云天下甚麼人會佛法僧云露柱會佛法門喝一喝云這死蝦蟆師云這僧還甘也無入水見長人

上堂舉僧問北禪如何是無心法禪云灌稻水車鳴憂憂又問如何是有心法禪云機關木人笑夫休師云北禪只解把定不能放行或問靈隱如何是無心法只向他道種田博飯又問如何是有心法鼓腹謳歌

上堂舉青原和尚問六祖作何所務卽不落塔級祖云爾曾作什麼來原云聖諦亦不爲祖云落何塔級原云聖諦尙不爲何塔級之有祖深器之師云是卽是總未有出身之路靈隱門下莫有獨脫底麼敲出鳳凰五色隨撲碎驪龍領下珠

上堂卽心卽佛非心非佛已是停囚長智靈山指月曹谿話月突出糞掃堆頭且道臨濟掌黃檗如何官不容針私通車馬

開首座受雲居請上堂云世尊拈花迦葉微笑西天四七唐土二三諸祖出興分宗列派發大機顯大用垂慈利物有的相承直至于今眞風不墜雖然如是且感音王已前一句作麼生道牽犁拽把幾時休

上堂舉明招行脚時到象田欲去累辭不得招云某甲有一問和尚若道得卽不去若道不得莫妨某甲進途乃拈起布毛吹云古人意作麼生田無語明招珍重便行師云象田無語坐斷天下人舌頭諸人還見明招麼參

舉首座鳳山義和尚立僧上堂諸佛不出世祖師不西來佛法遍天下談玄口不開既是談玄因甚口不開問取鳳山和尚

上堂世尊良久維摩默然便恁麼去十萬八千十月朝上堂開爐開爐柴炭全無星兒火種照徹十虛且問諸人會也無

上堂僧問藏身處沒蹤迹沒蹤迹處莫藏身如何答云毒蛇鼻頭措痒乃云天不言四時行地不言萬物生牆壁瓦礫橫說豎說禪僧家併却咽喉唇吻道將一句來以拂子擊禪床一下云百發百中

韓郡王請掛報慈寺額云長者建梵刹竟我佛開解脫門題目分明當陽顯示有權有實有照有用一段風光千車合轍直得寂而妙虛而靈不墮斷常圓明了了以此祝

君王之壽以此報祖先之恩法界無邊同延景福雖然如是且當機一句如何剖露高提西祖印正眼自流通

上堂有人說到行不到有人行得到說不到假饒行說俱到檢默將來俗氣不除

開山顯親報慈禪寺語錄

參學 了能 等錄

拈帖云惟此一事實餘二卽非真且如何是此事試辨看

入寺指三門十字街心是人蹉過百艸頭上古佛道

場豁開大解脫門普請一時證入咄

入佛殿燒香云有你我不有我我不有偏咬定牙關齊之以禮

據方丈端居丈室青天白日寶八布衫雲門念七陞座拈香恭祝

聖壽無疆次拈香奉爲 太師郡王資培祿筭遂陞

座僧問大根大器不尋常百寶莊嚴勝道場今日請

師爲鼻祖山河大地盡輝光正恁麼時請師祝聖師

云虛空書卍字進云一氣洪鈞資幹運

皇圖永固太平基師云須彌山進云昔日賢于長者

與佛行次佛指面前地云此處好建梵刹意旨如何

師云鈎頭有餌進云賢于插標於指處云建梵刹已

竟又作麼生師云啐啄同時進云當時佛讚嘆如是

如是爲復是機投箭挂爲復是偶爾成文師云一任

卜度進云後來無盡相公頌云一根脩竹建精藍風

捲蟬蛭入海南惡水潑來成第二鈍根蹉過落前三

還端的也無師云錦上鋪花進云只如

大師郡王於一毫端不勞彈指成就如是清淨寶刹

與昔賢于是同是別師云動容揚古路不墮悄然機
進云如是則萬古報慈功不朽 郡王心與佛心同
師云一句道著僧禮拜師乃云以大願力作殊勝事
以方便智演最上乘一句子出於千聖頂門一妙機
發於無盡寶藏所以大人具大見大智得大用諸佛
說不到祖師提不起獨標物外自古自今列五位君
臣具三玄三要建法幢立宗旨風從虎雲從龍萬派
朝宗千差合轍正與麼時如何割露良久云風前有
路超群象鼓腹謳歌樂太平謝詞不錄復舉龐居士問馬
大師云不與萬法爲侶者是什麼人馬大師云待汝
一口吸盡西江水卽向汝道居士當下大悟遂有偈
云十方同聚會箇箇學無爲此是選佛場心空及第
歸師云且道是什麼標格不因風捲浮雲淨爭見長
空萬里天

端午上堂一二三四五五四三二一風過樹頭搖天
晴日頭出會得日頭出不會而自屈

上堂僧問寸絲不掛赤肉猶存時如何答云白飯元
來是米做遂以拂子擊禪床一下云上來講讀無限

勝因扇子踴跳上三十三天蚯蚓驚過東海入荒田
不揀信拈來呷諸人還知落處麼幾度賣來還自
買爲憐松竹引清風

上堂兩刃交鋒略通一線有耳者聞有眼者見且不
落見聞一句作麼生道良久云鄭州梨青州棗

上堂舉雲門問洞山近離甚處山云查渡門云夏在
甚處山云湖南報慈門云幾時離彼山云八月二十
五門云放汝三頓棒山至次日云昨日蒙和尚賜棒
未審過在什麼處門云飯袋子江西湖南便與麼洞
山於此悟去師云諸方盡謂父子投機啐啄同時殊
不知雲門正令不行却向艸窠裏覓致令洞山打失
鼻孔直至如今無摸索處下座

上堂達磨達磨不識這箇直指單傳胡揮亂做且道
還有過也無喝一喝下座

秉拂普說

靈隱首座寮秉拂僧問人天眼目堂中上座四海叢
林還佗一箇三德六味拈放一邊祖意西來便請裂
破答云一字入公門九牛拽不出進云大衆得聞於

未聞去也。答云：聞底事作麼生進？云：耀古騰今，普天
市地。答云：賺殺閻梨僧。禮拜師云：豁開正眼，直截根
源。一句全提，千差絕跡。識不可識，智莫能知。全體與
麼來全體如是。住如王寶劍，孰敢當鋒？擬欲衝前，橫
屍萬里。任是德山、臨濟，直須倒退三千達磨祖師也。
只得一場懺懺，天下老和尚又何啻亡鋒結舌？一向
與麼盡法，無民秉拂。上座今夜且向第二義門露箇
消息。乃豎拂云：看看拂子豎，萬象森羅一時豎。拂子
橫，萬象森羅一時橫。掃蕩擒擒，剪除狂寇。所以道護
生，須是殺殺盡。始安居，要會箇中意。鐵船水上浮，又
道目前無法意。在目前，不是目前法。非耳目之所到，
識取鉤頭意。莫認定盤星，意能刻句句，能刻意意句。
交馳誠爲可畏，要且不是禪，不是道，不是心，不是佛。
不是物。若是箇漢，撩起便行。如俊鷹快鷂，相似迷影。
梢空背摩霄漢，可謂奮丈夫志氣。操佛祖威權，鐵壁
银山，單刀直入，撓旗奪鼓。電卷星馳，物物頭頭出身。
有路靈苗異草，和根拔大地，從教荊棘生。雖然如是，
未稱衲僧。且道畢竟如何？密把鴛鴦閑繡出，金針終

不與人看。復舉僧問馬大師：如何是佛？馬師云：卽
心是佛。後來南堂靜和尚頌云：卽心卽佛，鐵牛無骨。
戲海獐，龍摩霄，俊鶻西江吸盡，未爲奇。火裏生蓮，香
麝乃云：馬大師裂破面皮，南堂老漢敲骨出髓，後
代兒孫若總與麼爲人，達磨一宗掃土而盡。
冬夜秉拂僧出禮拜，便問匹馬單鎗，便請相見。答云：
若是陶淵明攢眉，便回去。進云：今日小出大遇，答云：
你得箇什麼？進云：智日出時，無一物明頭。未曉暗頭，
明答云：要且沒交涉。進云：如何是有交涉？底答云：待
你換却骨頭來，卽向你道。進云：直饒換得骨頭來，亦
未免沒交涉。答云：話墮了也。進云：記得汾陽和尚示
衆云：夫說法者，須具十智同真。若不具十智同真，邪
正不辯，縹素不分，不可爲人天眼目。如何是十智同
真？答云：提水放火，問如何是一同？一質答云：裂破問
如何是二？同大事答云：一毛頭上定乾坤，問如何是三？
總同參答云：蝦蟇蚯蚓，跋鱉盲龜，問如何是四？同
眞智答云：一不成，二不是，問如何是五？同遍普答云：
大地撮來無寸土，問如何是六？同具足答云：猶欠一

著問如何是七同得失答云入泥入水問如何是八同生殺答云自救不了問如何是九同音吼答云八角磨盤空裏走問如何是十同得入師云寒山逢拾得問與什麼人同得入答云胡張三黑李四問與誰同音吼答云狸奴白牯問作麼生同生殺答云德山棒臨濟喝問何物同得失答云草裏輓問那箇同具足答云信手拈來著著親問何物同遍普答云針鋒影裏騎大鵬等閑挨落天邊月問何人同眞智答云黑山死鬼窟問孰能總同參答云燈籠入露柱問那箇同大事答云嘉州大象陝府鐵牛問何物同一質答云碗脫丘進云十智同眞蒙指示向上還有事也無答云向下亦無進云作家首座天然猶在卽云這裏著不得僧禮拜乃豎起拂子云三世諸佛也與麼六代祖師也與麼天下老和尚也與麼現前大眾也與麼山河大地萬象森羅有情無情悉皆與麼只有秉拂上座却不與麼爲什麼如此劒去久矣所以譬轉玄關大機獨脫呵佛罵祖斬釘截鐵猶是鈍漢何況立問立答舉古舉今激濁揚清談玄說妙大似掉

棒打月笑破他人口于今不獲已據實而論虛空未足爲廣日月未足爲明乾坤未足爲大萬象未足爲衆秉拂上座有口也無說處諸人有耳也無聽分千聖只言自知誰敢正眼觀著直饒通身是眼不墮情塵坐斷千差孤危不立臨機妙轉大用現前亦能殺人亦能活人步步有出身之路頭頭具生機一著擒縱自由收放在我破的衝關不借他力向我裨僧門下也只是家常茶飯所以道向上一路千聖不傳未曾親近早隔大千除是英俊方能這裏著得一隻眼便見皇風蕩蕩海晏河清君子道長小人道消無一法不是眞乘無一物不是妙用塵塵爾利爾爾念念爾如盤走珠有什麼留礙如斯剖露是是嗜底東西不辨南北不分則故是不知落處久參先德腳踏實地且道恁麼時如何拍繩床云機關不是韓光作莫把胸襟當等閑復舉堂頭和尚夜來舉洞山冬夜喫菓子次問泰首座有一物上拄天下拄地黑似漆常在動用中動用中收不得過在什麼處泰云過在動用中山喚侍者撥退菓子卓這些說話堂上老

人夜來已是八字打開徹向諸人面前了也檢點將來大似扶強不扶弱秉拂上座今夜也不可放過洞山布長蛇陣只要直取中軍泰首座不動干戈當鋒一捏便見七花八裂直至如今收不得久立

普說趙州南石橋北觀音院裏有彌勒祖師遺下一隻履直至如今覓不得行脚道人眼似流星機如掣電聊聞舉著徹骨徹髓亦未爲性懌何況尋言逐句意根下下度有甚警脫處大丈夫要了大丈夫事譬如上將軍破陣不顧危亡直教透徹所以參禪須是悟若不悟總沒交涉且如稜道者往來雪峰玄沙二十年只看箇驢事未去馬事到來坐破數箇蒲團忽一日因捲簾豁然大悟便道也大差也大差捲起簾來見天下有人問我解何宗拈起拂子劈口打香嚴在百丈問一答十問十答百及到潞山山問你在百丈先師處問一答十問十答百是你聰明記憶底你向父母未生已前試道看當時道不得却把從前看過底文字從頭檢閱要尋一句祇對都使不得不奈何了却去請潞山說山云我若說與你你他時後日

罵我去在遂云休休我此生與般若無緣去做箇長行粥飯僧過遂往南陽結庵應是佛法禪道從前許多學解一時放下父母未生前底也放下因一日打併庵基次擲瓦礫擊竹作聲忽然大悟便云一擊忘所知只這豈不是它著實悟得底便乃望潞山禮拜云和尚恩逾父母當時若說與我焉有今日事等閑開口動舌自與尋常不同縱饒你學得大藏教從它達磨肚裏過不曾自悟如何敵得生死而今學道兄弟緣是多知多解將它古人言句比配下得語好做得頌好皆是錯用心你若實有悟入不怕不會古人言句所以一處通千處百處絕羅籠看他前輩打得一箇半箇出來直是驚天動地大慧初入閩時晦庵光和尚在廣因相從一日入室問喫粥了也洗鉢盂了也燒香行道了也除却藥忌道將一句來光云裂破大慧喝云爾又來這裏說禪光於此大悟有頌云當機一拶怒雷吼驚起法身藏北斗長鯨吞月溟滔天拈得鼻孔失却口直是性懌警脫傾瀉倒岳一番今之叢林浩浩地只是名字參禪其間有一知半解

稍知觸淨早是罕有若要荷擔此事實難得人所以大慧因圓悟云如何是諸佛出身處云薰風自南來殿閣生微涼打破漆桶了每至入室圓悟只是道未後因舉樹倒藤枯時如何云相隨來也驚忽知非圓悟便請立僧參禪須是悟悟了須是遇人若不遇人莫教有箇拂子柄在爾手裏爲人爲不得驗人驗不得只是杜撰阿師瞎學人眼不是小事你看五祖說話只用尋常語言須知他爲人處別後得三佛出來甚生氣槩是他真箇踏著正脉底決定不干事也如何味得他這星子你若踏不著自無轉身一路只守一知半解鄭重寶惜不肯放捨乃是大病畢竟不堪爲種艸明明向汝道開口不在舌頭上弄潮須是弄潮人急著精彩大丈夫兒阿誰無分夜深久立心外無法用王庫刀法外無心發千鈞弩通身無影像遍界絕遮攔一句截流萬緣俱透超越格量控佛祖機象王行處絕狐蹤龍袖拂開全體現三世諸佛出與只爲此一大事六代祖師傳持惟示此一心法如金剛幢如無盡藏如烈火焰如大日輪通徹十虛

彌綸萬有直得威音已前以至窮未來際未嘗移易一絲毫許盡十方世界無邊香水海只向一絲毫頭上識得根源所以道目前無法意在目前不是目前法非耳目之所到怎麼揭示直下如青天轟一箇霹靂相似眨得眼來已過那裏去了更擬擡頭尋他蹤跡便如你兄弟參禪將古人公案心思意解作道理商量築取一肚皮葛藤逢人撒將出來以當平生參學子細觀來爾也好癡臘月三十日賺你皮囊去山僧頃年在蔣山隨侍應庵師祖常聞道今時兄弟不濟事做工夫二十年也不抵我在衆時一日如何見得他怎麼說話師祖初行腳時在一尊宿會下住多教學者過公案時師祖同一僧在佛殿裏過一則公案恁麼過也過不得又恁麼過也過不得二人商確不覺鷄唱遂拊掌散去後來一一過得了只是依前肚裏黑漫漫地遂冷地思量道若恁麼參禪如何敵得生死閒隨州水南遂和尚道行乃洞下尊宿法嗣恩官人徑往參禮便得歸堂有一連單兄弟長時坐禪不與人交師祖一日問他還少睡麼其僧厲聲道

老兄而今是什麼時節更有工夫打睡師祖直得面熱汗下遂發志不捨晝夜以悟爲則不過一月連單先有發明師祖亦有發明自此每每入室得路便擇將去遂和尚並不奈何一日入室次喚華兄你也好只是公案未明師祖抗聲道盡大地是一箇公案和尚作麼生明遂和尚便低頭師祖道這老漢了我不得束包望方丈禮三拜便行聞得圓悟住雲居直造會下凡遇入室機機相副得數時圓悟提起向上巴鼻竟不能開口圓悟每向人說這箇蘄州子得即得只是腦後少一錐在圓悟歸蜀師祖也要隨他去圓悟道你不須隨我去有杲首座元侍者彰教隆藏主見處共老僧一般但去見他必爲汝了却大事遂依教特去宣州彰教參隆和尚門庭孤峻直是不容湊泊未經數時遷虎丘亦參隨去續請元維那一日室中學五祖牽牛過窻話擬祇對次被他劈胸一拳自此打斷命根是時隆和尚欲命首衆會中有圓悟者舊云華維那嫩在師祖間得遂書偈於壁間云江上青山殊未老屋頭春色放教遲人言洞裏桃花嫩

未必人間有此枝不辭便行此庵元和尙時住處州連雲師祖道我舊在雲居時每喫這漢無滋味如今看來未必他到我田地且去驗他看如何纔到便上方丈侍者通報此庵聞得即忙出來一見便云華兄此番且喜大事了畢師祖道我未曾開口他已知了得底人相見不在形言便知落處這箇便是參禪底榜樣豈似今時一般長老與學者相見一句來一句去末後多一句便爲贏得禪究竟不知深淺蓋他不曾踏著正脉只在言句裏作活計且如拄杖子話你有拄杖子我與你拄杖子便道你是這般人即與你說便是與拄杖子你無拄杖子我奪却你拄杖子你不是這般人我不與爾說便是奪却你拄杖子洞山麻三斤話便道數目分明又讓和尚示馬祖譬如牛駕車車若不行打牛即是打車即是馬祖當時便悟去却商量道車喻身牛喻心有甚交涉但是佛祖直截爲人處一時錯會如此見解自誤誤他不可勝數兄弟行脚也須帶眼始得不可胡亂食人涎唾且如山僧尋常見做工夫兄弟不奈何通一線路引你行

一兩步便歡喜纔下毒手與你未分料便發無明
自謂長老不識我語或道生滅我移挽我你纔怎麼
見解便是肚裏不安樂既不安樂便是悟處不諦當
既是悟處不諦當則大法不明既大法不明如何透
得祖師關板所以道參禪須透祖師關妙悟要窮心
路絕祖關不透心路不絕盡是依舛附木精靈兄弟
你若是未透且莫亂心直須晝三夜三把將做事古
人亦大有方便控你入處豈不見藥山問石頭三乘
十二分教某甲粗知承聞南方直指人心見性成佛
實未明了乞師指示石頭云怎麼也不得不怎麼也
不得怎麼不怎麼總不得這箇已是八字打開撒放
諸人懷裏了也因甚不肯承當衆中久參兄弟不能
得透徹病在於何爲你耳裏聽多眼裏見多頑了返
不如初機放孟八郎一拶便透如白衣拜相相似緣
佗無許多揸揸知解兄弟門這般病痛諸方決是不
奈你何嶽上座却有箇方便只要你盡情放下從前
學得底參得底悟得底諸方傳得底一時颺向佗方
世界作箇百不知百不會底人舌不寄私意不停玄

心無所恃行無所倚驀然失腳踏蹻可以作箇沒量
大漢滅却臨濟正宗與一切人解粘去縛拔楔抽釘
則一一縑素皎然所以道你若高高峰頂立我便深
深海底行不是與人難共住大都縑素要分明兄弟
山僧今夜盡情道了也須知開口不在舌頭上喝一
喝

法語

明眼漢沒窠臼鈍置牟尼子孫後驢地斷碎地折大
洋海裏遭火熬寒山拾得笑呵呵有理分明沒處雪
不是禪不是道各不得狀不得這裏如何著眼如何
湊泊不見臨濟大師道若也住心觀靜舉心外照攝
心內澄凝心入道如是之流盡入邪魔種族臨濟老
婆禪和底一時翻却了也若向未開口前薦得未免
平地喫交假饒警轉玄關敢保老兄未徹何況只認
得箇光影縑素不分開眼自瞞以當參學不知被這
些子賺過一生軒知參禪須是悟悟了須是遇人若
不遇人動著便見尾巴露且道遇人了如何速道速
道

宗門下接上根利器。提出生死絕知見。離言說。越聖超凡之道。妙豈淺識。小見機境。解會路布。上作活計者。所能擬議。要須是殺人不眨眼。漢格外領略。不涉情解。直得孤迥迥。峭巍巍。不依倚一物。全身荷負。佛來也。眩惑他。不動方許你。少分相應。所以德山入門。便棒臨濟入門。便喝。俱抵豎指石鞮。張弓如擊石。火似閃電。光略露風。規已是拖泥帶水了。也豈更論量淺深得。失圓融事理。明知是土上加泥。若是本色學道之士。驚踏著此箇正脉。直下如十日並照。無幽不燭。上門上戶。未舉目搖唇。已先觀透心肝五臟。蓋本分手段。初無造作。只貴直截。踢起便行。點著便轉。轉轍地。可以籠罩古今十方。坐斷看他保壽和尚。問後保壽如何。是汝父母未生已前。本來面目。後保壽罔措。因作街坊。在市。中見二人。厮爭。次一被揮拳劈面。打云。你得恁麼無面目。後保壽忽然大悟。當知此事。不問山林中。開市裏。築著。磕著。便百了。千當。但辨肯心。必不相賺。

達磨西來獨唱此大法。謂之直指人心。見性成佛。持

接上機要。利根種性。靚面相呈。更不擬議。綽得便行。未爲性燥。所以此事。無你用心處。無你湊泊。蹲坐處。萬機收攝。不著千聖羅籠。不住如是。參究如是。證入如是。提掇殺人不眨眼。拶著便轉。轉轍地。始得少分相應。稍若躊躇。白雲萬里。不見臨濟大師道。若約山僧見處。要與諸佛共知。直下坐斷。報化佛頭。恁麼告報。豈是世間淺識之所卜度。要須併蕩。從前學解妄想。情塵勝劣。知見執著。毫末不存。發現本地風光。明見本來面目。全作用是佛祖。全佛祖是作用。活鱖鐵地。如風偃艸。豈非至要至妙。安穩大解脫哉。靚面相呈。盡情分付了也。若是利根上智。全身荷負。將去不妨峭峻。纔涉思惟。形紙筆語言。路布即沒交涉。故云。道在邇而求諸遠。但能於二六時中行。住坐臥著衣喫飯。折旋俯仰。一切處著精彩。退步就已返。反覆默默。提撕看是什麼。看來看去。看到無滋味。無著脚手處。身心如虛空。亦不作虛空等量。驚地失腳踏。本地風光。直得一回汗出。豈不慶快平生。便乃隨機應物。信手拈來。信口便道。現成受用。著著有。

出身之路佛法世法打成一片却就他真正善知識
抉擇深奧如人入海旋入旋深纔有執著自負依他
便同外道今時學道者不及前輩者何也多是得少
爲足似是還非不堪爲種艸知之

衲僧家具眼行脚須知有本分向上鉗鎚不容擬議
如金剛王寶劍當鋒一截透頂透底洒洒落落了無
窠臼著著有出身之要所以道向上一路千聖不傳
未曾親近早隔大千可中要須龍象蹴踏直拔超升
且非靈淺機境所料亦非理性深入淵源故我祖師
西來唯單傳直指不立階梯不拘得失警然知非頓
忘情解徹證向上巴鼻活卓卓地千聖羅籠不住便
能於日用中以此正印印破目前一切諸法即非異
法築著碯著無非真淨明妙大解脫境豈不見古德
山參龍潭一吹滅紙燭便不疑天下老和尚舌頭此
衲僧行脚榜樣豈艸艸也

紹續此箇門風爲如來種子直須猛利一切時中孜
孜矻矻以出家大事未辦爲懷不憚勤勞奉事善知
識求一言半句發藥雖遭呵斥怒罵而力向前非昔

夙熏成自然種智未免心生猶豫或卽退墮惟能處
於恬然初無動搖則此本有之性現定見聞覺知父
母緣不可生境界緣不可奪只麼閑閑到一念不生
薰割掀翻從得妄想顛倒情解不落意識機境直下
承當無第二見則玄妙理性尙不可得況隨世間事
物所轉耶

示譙寺丞回庵居士

從上乃佛迺祖接上乘利根敏明之士直要超情離
見機關活卓卓地未舉先知未言先領才有朕兆一
剪剪斷終不向意根尋思放教身心空勞勞地虛而
靈寂而妙內明已見外絕纖塵內外洞明惟一真實
不與萬法爲侶不與千聖同羣獨脫超升自由自在
韓愈文公問大巖云弟子軍州事繁省要處請師一
言巖良久公問措時三平侍立即敲禪床三下巖云
作麼平云先以定動後以智拔公乃禮謝三平云和
尚門風峭峻弟子却於侍者邊得箇入處你看他師
資互作方便向不可名不可言處發揮非韓公利根
種性安能一撥便轉耶所謂揮斤者斂手亦須受斤

者有不動之質然後二俱得妙不然則成一場漏逗也

祖師西來不立文字直指人心見性成佛又道心不是佛智不是道又不是心不是佛不是物如擊石火似閃電光不可以有心知不可以無心得不可以語言造不可以寂默通不得已謂之一句謂之正位謂之頂門謂之得住謂之歷歷謂之惺惺謂之的的謂之佛未生時謂之金剛王謂之無諍三昧以此修身行已以此澤及生民位望轉隆心術愈正萬年一念萬世一時十方猶目擊造化握掌中納須彌於芥子擲大千於方外豈難爲哉

寺丞乃道中人既已深諦更資陶鍊使轉有力量而不勞神泰然大定豈止窮此生盡未來際罔不資此遇同道同證不舉而知不言而契捨此置之勿論可也傳云如來有密語迦葉不覆藏獨迦葉不能覆藏乃所以爲密爾

題梁光遠居士法語後

法無二法達者同歸靈雲見桃花香嚴因擊竹上古

先德皆證此箇時節因緣光遠居士觀宏智禪師所授禪人法語不覺觸著先君之諱淚出痛腸正是這箇時節因緣也老佛照慣將方木逗圓孔盤雲臥猶更逐惡隨邪若據此事總沒交涉松源不惜眉毛盡情下箇注脚具眼者辯取

題孫氏道堅親書華嚴經後

曉無說聞無聞見無見目前無法意在目前於此見得高步毗盧頂賴苟不然者未舉筆已前已是蹉過

頌古

世尊初生下一手指天一手指地云天上天

下唯吾獨尊

開口分明便操根指天指地獨稱尊成羣作隊隨他轉幾箇男兒有腦門

南嶽讓和尚示馬大師云譬如牛駕車車若不行打牛即是打車即是馬師悟去

平生心膽向人傾過犯彌天已不輕帶累馬師胡亂後至今錯認定盤星

藥山問石頭三乘十二分教某甲粗知覺

南方直指人心見性成佛實未明了頭云恁麼也不得不恁麼也不得恁麼不恁麼總不得

坐斷千峰路穿開碧落天那容問端的端的觸體前
僧問趙州如何是道州云牆外底僧云不問
這箇道州云問那箇道僧云大道州云大道
透長安

大道透長安言端語亦端臘盡雪消去春來依舊寒
雲門問僧光明寂照遍河沙豈不是張拙秀
才語僧云是雲門云話墮也

分明寫出與君看意在鈎頭不在盤縱使石人開得
口不知猶被舌頭瞞

女子出定

出得出不得擲落精靈窟何處不風流祖師無妙訣
龐居士問大梅和尚云久嚮梅子熟也還許
人摘喫也無梅云你向甚處下口士云百雜
碎梅云還我核子來

大梅梅子熟龐老已先知正眼驗深要相逢拍手歸

僧敲鶴林門林云誰僧云僧林云非但是僧
佛來也不著僧云佛來因甚不著林云無你
栖泊處

十月清霜重臨風徹骨寒苦無栖泊處攪手出長安
僧問古德如何是冬來事古德云京師出大
黃

京師出大黃見賊便見賊竹杖化龍去癡人昇夜塘
普化云明頭來明頭打

水急魚行溢峰高鳥不栖世情看冷暖人面逐高低
翠巖芝和尚上堂云大家相聚喫莖薑若喚
作一莖薑入地獄如箭

殺活全機覷面提大家相聚喫莖薑後生不省這箇
意只管忙忙打野糲

五 僧問雲門如何是雲門一曲門云臘月二十

雲門一曲徹髓徹骨霽雪千峰寒梅破萼啼啄公子
風流鳴木鐸

僧問洞山寒暑到來如何回避山云何不向

無寒暑處回避云如何是無寒暑處山云寒

時寒殺閹梨熱時熱殺閹梨

寒暑分明說向君不容擬議辨疎親區擔嘉折兩頭

脫舉目長空一笑新

風幡

不是風兮不是幡分明裂破萬重關誰知用盡腕頭

力惹得閑名落世間

僧問雲門如何是佛門云乾屎橛

雲門小厮兒作大獅子吼鼻孔得半邊不知失却口

臨濟問僧甚處來僧便喝濟揖坐僧擬議濟

便打又僧來參濟豎起拂子僧禮拜濟便打

又一僧來濟豎起佛子僧不顧濟便打

閃電光中賓主分虚空背上立綱宗祖師活計只如

此後代兒孫掃地空

趙州喫茶去

趙州喫茶去毒蛇橫古路踏著乃知非佛也不堪做

不是心不是佛不是物

夫子不識字達磨不會禪大唐天子國依舊化三千

六祖一日云汝等諸人當偕舟楫吾歸新州

去僧問和尚去後幾時却還祖云葉落歸根

來時無口

雲開空自闊葉落即歸根回首煙波裏漁歌過遠村

僧問智門蓮花未出水時如何門云蓮花又

問出水後如何云荷葉

出水何如未出水蓮花荷葉有來由定光金地遙招

手智者江陵暗點頭

僧問滄山如何是百丈真山下禪床叉手立

僧又問如何是和尙真山復上禪床坐

百丈狸奴面滄山鬼眼睛見人空解笑弄物不知名

僧問天衣和尚古鏡未磨時如何衣云撐天

拄地僧云磨後如何衣云夕陽影裏快藏身

拄地撐天全體用夕陽影裏不藏身有時獨坐孤峰

頂寂寂猶聞落葉頻

盤山云心月孤圓光吞萬象光非照境境亦

非存光境俱亡復是何物

描不成兮畫不成臥龍長怖碧潭清擬心湊泊終難

會達者應須暗裏驚

僧問香林如何是衲衣下事林云臘月火燒

山

臘月燒山天寬地寬築著磻著徹骨毛寒

舉僧問古塔主如何是佛主云莫莫又問如

何是祖師西來意主云莫莫

莫莫拈出一條斷貫索任從我佛及衆生揀天鼻孔都穿却

贊佛祖

釋迦出山相

棄輪王位放癡默夜半逾城心未灰冷坐六年無折
合有何面目出山來

無量壽佛

四十八弘誓願百千萬億彌陀水鳥樹林開正眼爲
人親切不消多

觀音

月團團星斗寒風振海雷破山圓進大士瑞應人間

九祖

半生足不履地軒知路遍天涯得箇冬瓜印子至今
目瞠口呿

維摩

深入不二門巧盡翻成拙一默定千差常說熾然說
說拙萬古清風寒徹骨

達磨

鳳凰城闕不通水泄少室巖前話作兩檝賺它人家
男女開眼喚龜作鱉

直指西來分明禍胎渡江面壁偷心未息從茲皮髓
分張轟起青天霹靂

一葦渡江無處埋藏分皮分髓瞞神諱鬼忙忙直向
西歸不知失却隻履

龐居士

心空及第深根固蒂共說無生異類中行憐亂禪家
至今日不知日午打三更

臨濟

一棒一喝傾湫倒嶽凌蔑吾宗這白拈賊

金華聖者

千兵不若一將伎倆何如帳樣不識古佛定光稽首
豬頭和尚

大巔和尚

趕首座出院勘三平中箭放過韓文公鈎頭通一線
謾道晝夜一百八也是和盲悖訴瞎

應庵師祖

深入虎穴有屈難雪天下應庵只得一槓
虎口裏轉身拳頭上捏恠胡亂三十年起東山正派
不知過犯彌天大

密庵先師

咬猪狗之手討甚巴鼻奮劈胸之拳瞎却項門出達
磨身血斷衲僧命根纖毫不肯放過叢林爲謎爲冤
箇般種艸決定累及兒孫

芝山智默長老請贊密庵先師

擊石火裏穿遼天鼻孔妙轉機前打鳳羅龍正法眼
瞎驢邊滅却破沙盆扶臨濟正宗門庭峭峻孰敢當
鋒鐵壁銀山一線通

能仁光睦長老畫師頂相請贊

恣拍盲性用劈胸拳併蕩三玄三要管甚栗棘金圈
渠儂已是滅胡種不知將底付兒孫

雲居善開長老請贊

爲人巴鼻一點渾無明眼衲僧失却鼻孔鐵餒餓金
剛圈分明開口不在舌頭邊累及後代結佛祖深冤
道巖首座請贊

人我如山狠氣如雲炊無米飯接不來人電光影裏
賓主分不是冤家不與隣

師肇首座請贊

這箇漢太愚癡一句子佛不知臨濟老客作兒四天
下更有誰擬開口劈胸椎肇首座真學伊學伊彼此
落便宜

師警維那請贊

冤有頭債有主鬘鼻蛇白額虎活捉生擒當陽直舉
發機須是千鈞弩

希蓮書記請贊

臘長年高甚生風彩南來北來無可相待黑漆竹篋
聊一揮看你當人在不在蓮書記甚耐耐鎮海明珠

懸空撲碎

大成藏主請贊

一段風光寧容描邈祖祖相傳將錯就錯不以佛法
作人情掣電機前活卓卓

文蔚侍者請贊

心龜膽大少實多虎睛僧眼斷肘後符臨濟東山
之道命若懸絲念念刀耕火種老此殘軀寥落林泉
意自殊

惠文伯居士請贊

不著佛求不著法求人
大眼目佛祖冤讎香岩下指南
作北劒池上看樓打樓機輪妙轉一絲頭不得覩
鯨不肯休

這箇賊無面目指東南看西北不住雲居又憎薦福
自知不解守叢林永劫甘心入地獄

這漢生來無狀佛祖亦難近傍趨出金圈栗蓬開口
不在舌上

是人道渠執恟不知年老成魔偏要時時入室所招
恠恨者多阿呵呵屈指東西誰似它咄

肋下三拳欄頭一掌據令而行誰知痛痒轉身一撈
驗來端楊岐種艸鐵心肝

無卓錫之地有無價之寶元不用安排拈來用恰好

没人情佛亦掃這般村僧脫空到老

行脚不到廬山住院只在江浙偏要冷笑諸方忘却

自家百拙討便宜破邪說一錫一劄不妨凜冽

偈頌

送悟藏主還姑蘇

靈隱笑庵和尚
時在西島巨山

玲瓏巖畔警不警豎起脊梁生鐵橛無端林下錯商
量攜手相隨入虎穴甕裏蒸然失却鑿箇事明明向
誰說彼時只是此時人誰知眼裏重添屑我攜拄杖
奔南北君入西山恣輕忽放下蛇頭捋虎鬚驪身便
作自拈賊太虛全布目前機生殺交馳誰敢窺我來
一笑重相見鼻孔由來向下垂密庵家風徹骨貧密
庵有眼且無筋將無作有這些子透這些子能幾人
西風落木天宇迥君兮不住別峰頂曹谿一滴杖頭
挑漲起吳江千萬頃

題張直閣亦庵

曹溪無一滴誰道庵名亦問訊老維摩鐵壁復鐵壁

題先登齋

大道難將萬物齊先登猶自涉階梯
躡身直透青霄外回首方知宇宙低

送聰首座之弋陽兼呈陳郎中

兼庵和尚時在徑山

當頭一著沒巴鼻坐斷諸方成忌諱
此心不向白雲閑一錫飄然下層翠
晦庵過犯彌天大居士無端也捏怪
至今落賺有誰知也要大家償夙債

栢庭永和尙出世天禧以頌寄之

林下相從知幾年好因緣是惡因緣
雖然不受靈山記鼻孔依前著那邊

孟知府令嗣求法名與福

與福奇兒福無邊表一點靈臺青天月皎

與密

密在汝邊諸法亦然一舉兩得無黨無偏
趙州八百箇中立箕裘事業尤堪傳

孟府判令嗣求法名與璞

眞璞無瑕實際無涯心空及第震耀邦家

與一

只這一脉人間顯赫妙轉綿綿甚生標格

與祖

有祖以來世不可陪當機日用著著全該

示惠文伯宣義二偈

見色分明便見心此心非我亦非人
臨機不用從它覓信手拈來著著新

盤走珠兮珠走盤靜中消息閑中看
一毫頭上忘知解始覺從前被眼瞞

示如理道友

如如不動已周遮理事馳求路轉賒
直下踏翻樵子徑知君未到葛洪家

題張四直閣容庵

大辯若訥大巧若拙太清點雲千江并月
直爲我容庵故作如是說

題王子庸上舍寶齋

世出世間法和底盡掀翻唯此一事實
眞金火裏看

山居

路嶮人稀到窮居稱野情雲開空自闊月落夜深清

風動數莖卿鳥啼三四聲箇中無限意唯我與誰評

惠康伯宣教請陞堂舉張拙秀才問長沙百

千諸佛只聞其名未審居何國土沙云黃鶴

樓崔顥題後先輩曾題否拙云不曾沙云無

事題取一篇好因說偈

黃鶴樓前一首詩把將掃箒畫娥眉百千諸佛真消

息觀面分明學似伊

送疏書記還長樂

相見相從道自親妙高峰頂謾因循業風忽起波濤

惡一錫飄然到七閩

甌閩佛法半生滅江浙叢林日漸凋携手十年如一

默孰云生死不同條

迢迢故國三千里忽憶萱堂送別時拄杖生風興何

極楚天遼遼遠山低

題金山郭璞墓

要識先生眞實地龍門浪裏碧崔嵬時人著眼這邊

立親切何如到一回

送光長老住顯親

同條端的不同條箇箇爲山水牯牛一做這般蟲豸

去牽犁拽把幾時休

送鹿野珍禪友還七閩

六處十年眞歲寒山邊水邊相盤桓撈倒幾回扶不

起未嘗說著祖師關

密庵的子是冤讎疾惱過風第二籌笑裏一場無折

合不容提撥轉風流

千差坐斷路頭通萬里鄉關一信風不負靈山親記

前好音專待寄來鴻

送謙侍者還鄉省親

有句無句藤倚樹鐵壁银山沒回互三千里外面尊

堂一毫頭上全體露睦州謾說編蒲屨新豐賣峭不

歸去今人不比昔時人出門便是還鄉路

示智弼禮混源塔

相逢不相識去後空相憶靈骨撒長江清風有何極

緣識滔滔浪裏休尋覓

示丁都院

鑊湯爐炭三禪樂，劒樹刀山大覺場。此日撥開心地，印了無佛法可商量。

三千條法爲今時，一性圓明要自知。會得自知知底事，人間何處不光輝。

思齊化士

拔劒紅塵斬萬機，直教佛祖浪頭低。我儂贏得呵呵笑，老倒思賢愧不齊。

示葛都院

從來佛法無多子，利益人天越古今。棒喝交馳難近傍，信知徹底老婆心。

贈蜀中李道士

透出重關一瘦筇，湖湘江浙絕行蹤。自從得箇安心法，禪道先儒只此宗。

尤氏妙蓮讀普說，學僧問風穴語默涉離微。如何通不犯穴云長憶江南三月裏，鷓鴣啼處百花香。因說偈。

百花香處鷓鴣啼，百歲光陰七十稀。飄憶世間多少事，落便宜是得便宜。

觀法鼓求頌

內空外空內外空，一聲纔舉迅雷風流通。佛法無多子，千古靈山氣象雄。

送普岩維那

治父門庭索索東，湖風波甚惡知心。能有幾人萬里秋，天一鷗。

正現上人遊廬山

透過重關得自由，相期佛祖雪冤讎。西湖風景無留戀，南嶽廬山拄杖頭。

雲翼書記歸鄉

慣嘗甘艸與黃連，大海波濤盡底掀。誤吸冷泉無味水，方知不在舌頭邊。

林上人歸蜀

明明此事不由他，喫飯無端咬著沙。自己靈光皆喪盡，三千里外摘楊花。

三衢椿監寺修造佛殿

黃面瞿曇放搭癡，千方百計討便宜。而今無著渾身處，却要兒孫盡覆伊。

白牛接待

田園穩密白牛閑近揖湖光遠對山何似踏鰲無寸
土上方香積在其間

示如淨禪人

劈面三拳連顯兩堂撒手懸崖喪盡伎倆德雲不在
別峰上

茶湯會求頌

春風吹落碧桃花一片流經十萬家何似飛來峰下
寺相邀來喫趙州茶

福州黃檗送廣州化主

不住煙籬第一層翻身要勘嶺南誰謂言檗嶠三千
指不比黃梅七百僧

黃檗送茶化主

百艸頭邊法戰時鎗旗未展露全威直饒陸羽知端
的也落吾家第二機

送泉州化主

少林無孔笛橫吹此曲誰人和得親向曉洛陽江上
路一聲喚起幾多人

衢州祥符僧堂帳化士

滿堂蟠螭臥僧龍一片閑雲下碧空舒捲當機元自
在從教蚊蚋弄狂風

示汪居士

參禪悟道染泥沙見佛與祖生冤家破塵破的栽荆
棘壁立萬仞有諸訛也大差也大差一刀兩段火裏
蓮花十分無伎倆處處有生涯

南侍者還莆陽

若將此語定宗綱任是靈山未斷當大地撮來無粟
粒令人翻憶老曾郎

孜侍者行乞

不學文章不學書孜孜於道自忘軀黃塵堆裏挨身
轉一任清風捲太虛

且侍者持鉢

靈山無法與人傳臨濟宗風盡滅門唯有道人知此
意赤心扶起破砂盆

接待

茶飯家常沒可陪臨機元不在安排門前有客來相

訪試問朝從何處來

超禪人持鉢

秋風颼颼乘興悠悠因行掉臂南州北州相頭買帽
看樓打樓格外知音纔領略虎頭虎尾一時收

祐水頭

風吹不入水瀝不著擬轉玄關隨緣自若任是碧眼
胡兒從頭與汝一杓著不著誰言過水不濕脚

鹽街坊

紅爐鼓浪瞥然間突出銀山照膽寒便是馬師胡亂
後要須不被舌頭瞞

尹山接待

千古尹山寺家風不厭貧只將這箇意接待往來人

送化主

卽心卽佛眼中屑非心非佛轉乖真大唐國裏無南
北盡是靈山一會人

勞生擾擾夢喧譁夢破喧譁也大差雲淨水天江上
望一輪皎潔落誰家

把得袈裟裹艸鞋相逢只麼笑哈哈孔門弟子還知

否曾向靈山及第來

百億分身利有情驢頭馬領實難明有時閑裏聊伸
手意在鉤頭不在星
日用分明直似絃不將佛法污心田自言世上無仙

客老倒維摩得半邊

不依本分要參禪賣了山前祖父田赤手出門無活
計好兒終不使爺錢

敗壞多年筓篲椿等閑拈起定宗綱這些標格天然
別不比諸方孟八郎

題寄巢

巢穴通霄眼塵勞無住心經行及坐臥萬古至于今

題有餘齋

日月雙螢火乾坤一鵲巢大千沙界外總在目前包

源上座秉炬

住便住行便行出門步步清風生寒不寒熱不熱烈
焰堆中飛片雪萬里迢迢恁麼來靈山會上無生滅
既無生滅且道源上座向甚處去別別大海乾枯虛
空迸裂

欽首座秉炬

叢林老大欽首座鐵石身心同達磨三十餘年湖海間佛祖立關俱裂破尋常開口不順人情有時點胸更無兩箇末後打箇翻身未免紅爐煅過且道煅過後如何口似礮盤佛也不做

通藏主入塔

一日復一日一年復一年皮穿骨露鼻孔遶天直饒怎麼更須知有末後句通藏主末後句再出頭來隻手分付

松源和尚語錄卷下終

塔銘

太中大夫竇謨閣待制致仕陸游撰

松源禪師名崇嶽生於處州龍泉之松源吳氏故因以自號自幼時以卓犖不凡處羣兒中未嘗嬉蕩稍長聞出世法慕向之二十三棄家衣掃塔服受五戒於大明寺首造靈石妙禪師繼見大慧杲禪師於徑

山久之大慧陞堂稱蔣山華公爲人徑捷師聞之不待旦而行既至入室未契退愈自奮勵終夜學狗子無佛性話豁然有得卽以扣應庵應庵舉世尊有密語迦葉不覆藏師云鈍置和尚應庵厲聲一喝自是朝夕咨請應庵大喜以爲法器說偈勸使祝髮棟梁吾道隆興二年師得度於臨安西湖白蓮精舍自是徧歷江湖諸大老之門平當其意乃浮海入閩見乾元木庵永禪師一日辭木庵木庵舉有句無句如藤倚樹師云裂破木庵云瑯瑯道好一堆爛柴壽師云矢上加尖如是應酬數反木庵云吾兄下語老僧不能過其如未在他日拂柄在手爲人不得驗人不得師云爲人者使博地凡夫一超入聖域固難矣驗人者打向面前過不待開口已知渠骨髓何難之有木庵舉手云明明向汝道開口不在舌頭上復當自知逾年見密庵於衢之西山隨問卽答密庵微笑曰黃楊禪爾師切於明道至忘寢食密庵移蔣山華藏徑山皆從之會密庵入室次問傍僧不是佛不是物師侍側豁然大悟乃云今日方會木庵道開口不在舌

頭上自是機辯縱橫鋒不可觸密庵又遷靈隱遂命師爲第一座旋出世於平江澄照爲密庵嗣徒江陰之光孝無爲之治父饒之薦福明之香山平江之虎丘皆天下名山惟治父最寂寞又以火廢師一臨之四方被踵至棟宇亦大與人謂師能使所居山大慶元三年靈隱適虛席僉曰安得嶽公來乎果被旨以界師驪聲如潮居六年道盛行得法者衆師席爲一時冠而師有栖遯之志卽上章乞罷住持事上察其誠許之退居東庵俄屬微疾猶不少廢唱道忽親作書別諸公卿且垂二則語以驗學者曰有力人因甚麼擡脚不起開口不在舌頭上又貽書嗣法香山光睦雲居善開囑以大法因書偈曰來無所來去無所去警轉立關佛祖罔措跣跌而寂實嘉定二年八月四日也得年七十有一坐夏四十奉全身塔於北高峰之原塔成之四年香山遣其侍者道敷以師八會語錄來求銘於游游方謝事居鏡湖上年過八十病臥一榻得書不覺起立曰亡友臨川李德遠浩實聞道於應庵蓋與密庵同參德遠每與游談

參問悟入時機緣言句率常達旦今讀師語峻峭峭崿下臨雲雨如五千仞之華山蹴天駕空駭心眩目如錢塘海門之濤虎豹股栗屋瓦震墮如漢軍昆陽之戰追思德遠所言然後知師爲臨濟正宗應庵密庵之眞子孫也銘曰

臨濟一宗 先佛正傳 應庵父子 以一口吞

金圈栗蓬 晚授松源 松源初心 論劫參禪

於一咲中 疾雷破山 八坐道場 衆如濤瀾

金鏃脫手 碎骨裂肝 彼昏何知 萬里鐵關

後十大劫 摧山湮川 法力所持 此塔巋然

跋

臨濟十四世孫松源和尚語錄板留靈隱鷲峰菴至元年間菴旣回祿板亦隨燼禱子慕之而不可得然少林的旨東山正傳微此錄不足以顯發當時之大機大用由是募緣重刊以壽後世開學者之正見掃邪說之肆行豈少補哉皆泰定三年二月初五日金陵鳳臺法孫 比丘 清茂 謹書

後序

曹谿的流東入日國二十餘派出自松源者居其十而天澤一支尤衍松源之流毒吾國也如此之多且久矣然其語錄雙卷舊版湮滅而副墨之子亦將爲烏有焉今時至於輓近陳爛之類往往災本此猶未免無焰之秦豈容在字下者而恬然坐視斯闕典耶此與友人謀勸諭闕氏以揭耿光於叔運之秋雖然師之道之行也先天地而窮來際則未必在於是錄刊與否矣

元祿庚午六月中浣

晚學師點薰沐書于法山度香橋寓舍

今茲應諸子請將評唱松源禪師語錄也就市索之花園點老所刻舊本最爲精製天明間遭災爲烏有焉諸子生焚玉之嘆遂相謀翻刻之藏之寺門以給衆所須然此舉也不期公于世而足以公于世矣余嘉諸子勇義附數語於其尾不覺貽續貂之嘲

寬政辛酉春正月

東浦山主 隱山 謹誌

破菴祖先禪師語錄

宋
•
圓 破
照 菴
等 祖
編 先

破菴語錄序

佛祖正法眼藏初不可傳可傳者筌蹄耳然而師承真正根蒂分明則有言無言無非正法凡所以發揚祖道開示後學使人因指見月其可無傳乎先破菴老和尚九坐道場說無義語壁立千仞峭絕巉巖售用縱橫打破密菴窠窟行持高峻遠紹佛果家風正令全提諸方風靡大機密用外道潛蹤獨運本分鑪錘烹鍊幾多禪衲近世宗師如公無幾嗚呼當此法弱魔強之際倚公一柱以障頽瀾今其已矣後學將安仰乎予雖未識師顏而書問往來商訂是事千里同風固若符契今侍者圓照編次法語求序板行三復玩味非惟如已識面又得其心乃知破菴老人有不亡在續佛慧命非在斯文乎學道高人要須具眼

嘉定壬申孟夏 浩齋居士 楊子 謹書

破菴和尚語錄

目錄

序文 楊浩齋

夔府臥龍山咸平禪院語錄

平江府秀峰禪院語錄

臨安府廣壽慧雲禪院語錄

平江府穹窿山福臻禪院語錄

湖州府鳳山資福禪院語錄

秉拂 普說 法語

行狀附 跋國臻法姪道嚴

偈讚

夔府臥龍山咸平禪院語錄

參學比丘 圓照等 編

入院指三門此箇大解脫門是離見超情無欲無依底入之所住處咄且居門外

指法座諸法空爲座處此爲說法乃云也要頭上安頭便陞座遂拈香云此一瓣香恭爲

今上皇帝祝延聖壽萬歲萬歲萬歲恭願聖明逾

日月睿算等乾坤又云此一瓣香奉爲
判府安撫太中泊合府尊官伏願永佐

明君長居祿位復拈香願視大眾云還知落處麼劫
石固來終有壞此心毒恨恨難忘奉爲見住明州天
童景德禪寺密菴大和尚以齋法乳遂就座云善舞
太阿劍必無傷手厄能持猛虎鬚須有轉身策莫有
不傷鋒犯手底麼僧問衣孟昔日親傳得籍籍聲名
冠四川無限人天俱側耳請師一句祝堯年師云巫
山十二峯進云皇圖祝贊人皆委使旆臨筵事若何
師云清風來未休進云伯牙不遇子期老高韻那能
徧九垓師云塞斷耳根進云向上一路千聖不傳黃
梅因什麼半夜傳衣師云一時不著便進云既有七
百高僧爲什麼衣鉢分付盧行者師云多少人眼熱
進云明上座趨到大庾嶺頭爲什麼提掇不起師云
非但明上座進云明上座道某甲不爲衣來特爲法
來乞行者指示此意如何師云未是好心進云只如
行者道不思善不思惡正恁麼時那箇是明上座本
來面目明便悟去還端的也無師云三生六十劫進

云見月休觀指歸家罷問程師應聲云如何是你家
僧禮拜師云却也相似乃云霧鎖長空風生大野韶
光溢目萬彙敷榮罷遊百城直登寶所是故道我本
無心有所希求今此寶藏自然而至上是天下是地
且道寶藏在什麼處這裏見得便見判府安撫秉造
化權持公正論向毛錐子上點出住山鉗斧直得有
眼者見有耳者聞聞見歷然以何爲驗以主丈卓云
欲明少室無私句便是黃堂利物心復舉麻谷問臨
濟大悲千手眼那箇是正眼際云大悲千手眼那箇
是正眼谷拽濟下禪床却坐濟近前云不審谷擬議
濟却拽谷下禪床却坐谷拂袖便出師云二大老機
如掣雷眼似流星未免被傍觀觀破且道誰是傍觀
者良久云久立尊官伏惟珍重

謝知事頭首上堂扶持臨濟正法眼出手還它勇毅
人利物應機全體用叢林又見一番新
上堂舉心月孤圓光吞萬象光非照境境亦非存光
境俱忘復是何物師云先聖一期慈悲未免拖泥帶
水臥龍卽不然光境俱忘切忌喚鐘作響

上堂隔山見煙便知是火隔牆見角便知是牛乃拈拄杖云這箇不隔一絲毫必竟喚作什麼有時倚向古屏畔任使丹青入畫圖

密菴訃音至上堂客從南方來報我天童老撞破太虛空全身入荒艸而今子細思量令人哭不成哭笑不成笑寥寥目斷千峯曉

解夏小參未離兜率已降王宮未出母胎度人已畢已是起模畫樣了也那堪乘日輪香象示生王宮半夜逾城六年苦行至於布漫天網垂萬里鈎打鳳羅龍隨方任器如印傳印似空藏空全提本地風光揭示正法眼藏大似傍若無人至令守株待兔之流以爲實然殊不知我王庫內無如是刀利根上智之士終不向裏許嘔噉滋味求覓解會進前退後持擇論量向上向下盡底踏翻赤手擎空羅籠不住呼喚不回簸土撮塵飛星撒火覓冤覓讎猶未能髣髴豈不見道玄門無法不立紀綱若欲討尋聲前薦取見今二期告滿九十日中坐臥經行克念修證修證已畢梵行已立且作麼生說箇聲前薦取底道理堪羨一

堂無事客臥雲深處不朝天

復舉金峰問僧你還知金峰一句子麼僧云知來久矣峰云作麼生僧便喝云金峰一句子今日百雜碎金峰云稍曾問人就中閤梨門風峭峻僧云不可要人檢點峰云真箇不博金後來圓悟道金峰拖泥這僧涉水雖然末後殷懃未免當頭踉過師云山潤石含玉林秀淵藏珠珠玉兩交輝情窮意難極因甚却道當頭踉過路遙知馬力歲久見人心

上堂一夏九十日今朝喜告畢二千年前事切忌更尋覓

上堂舉紫胡和尚中夜於僧堂前高聲云捉賊捉賊衆皆驚起胡乃擲住一僧云捉得也捉得也僧云不是某甲胡云是卽是只是不肯承當師拈云紫胡只知驚羣動衆賣峭誇俊不顧傍觀自招其咎何故誣人之辜以辜加之

上堂德山棒起模畫樣臨濟喝翻成忒怛堪笑無位真人出入面門失却多年破襖

上堂舉僧問崑頭路逢猛虎時如何頭云拶師云崑

頭一拶虚空迸裂父子不傳神仙祕訣

上堂舉藥山久不上堂院主白云大衆久思法要山云撞鐘著衆纔集山便歸方丈院主隨至方丈云和尚許爲大衆說法何得一詞不措山云經有經師論有論師爭恠得老僧師云藥山徑歸方丈却似箇好人只被院主隨後輕輕一捏便見忘前失後

上堂暑威尙熾喜見新秋潘浪倒騎驢子梵志飄著襪頭堪悲堪笑自唱自酬有時乘好月特地過滄洲上堂大家共住喫莖藎熟煮爛炊麤食易飽細嚼難飢冷淡沒滋味從來少人知拍膝一下云此意明明說向誰

上堂舉僧問古德萬境來侵時如何德云坐却著師云古德雖是鐵作脊梁未免費力或有問臥龍萬境來侵時如何只向道見恠不恠其恠自壞

上堂今朝又見開爐浩浩諸方煖熱臥龍冷落門庭也要人前細說夜靜更闌炭也無衲衣破處氷侵骨

平江府秀峰禪院語錄

參學 圓照等 編

上堂舉古人道楊岐乍住屋壁疎滿堂盡布雪珍珠縮却頂暗嗟吁翻憶古人樹下居師云楊岐鬪勝不鬪劣秀峰鬪劣不鬪勝秀峰乍住沒親疎箇箇盡懷滄海珠滿眼湖山看不足釋迦彌勒是他奴

謝故舊相訪上堂撞著道伴交肩過一生參學事畢師云先聖怎麼道也似平地陷人撞著道伴交肩過正落曹溪第二機拍禪床云不是苦心人不知

上堂舉密菴先師道有問冬來事京師出大黃食它一粒米失却半年糧師云秀峰不恁麼有問冬來事京師出大黃只圖一粒米却得百年糧或被知事道長老長老莫道百年糧只得半年不少也得只向他道但辦肯心必不相賺

上堂馬祖陞堂百丈卷席正令不行拘曲作直還知雪竇老人落處麼少林幾坐花木落庚嶺獨行天地寬

上堂舉汾陽道識得拄杖參學事畢勸潭澄云識得拄杖入地獄如箭師云識得拄杖且拈拄杖歲夜小參一不做二不休大丈夫當自由掃蕩從

前知解掀翻路布葛藤已靈不重聖亦不求無依無
欲無喜無憂一向恁麼冷啾啾徒悠悠不如據見定
向平田淺艸拋三放兩且任隨流入流而況否極泰
來春風滿野韶光溢目萬彙發輝拍拍是令物物惟
新達磨九年面壁搏量未就至今厥疾弗瘳臨濟雖
具隻眼等閒未可同謀惟有主丈子卓一下云有來
由氣憤憤布縵天網垂萬里鈎羅龍打鳳拳踢相酬
彼彼分縊定素只貴知慚識羞爲什麼如此大海若
知足百川應倒流復學睡龍和尚一日上堂拈起
拄杖云二十年住山全得者箇氣力時有僧問和尚
得它什麼力龍云過溪過嶺東拄西拄後招慶聞云
我則不恁麼道僧云和尚作麼生道慶將杖下地拄
行師云睡龍好條拄杖可惜龍頭蛇尾更得招慶隨
後打撲揪大似畫虎添斑當時待它道和尚得它什
麼力拈拄杖便擲管取掣雲騰霧
上堂向上向下全提半提風行艸偃斗轉星移總是
諸方普請邊事秀峰箇裏只是多年上大人丘乙巳
拈起則乾坤失色放下則瓦礫生光不拈不放又作

麼生卓拄杖下座

上堂晉夏初臨薰風乍扇急景如梭萬化千變惟有
拄杖子黑輪皴沒思算解道厨庫揖僧堂三門朝佛
殿

密菴忌辰燒香箇尊慈不賭是挨著便捏靠著便諱
鬼面神頭不容擬議我昔被渠鉤置至今怨入骨髓
此怨難雪此恨難洗以手加額云南無真本福州庵
蘇嚕悉哩

上堂身口意清淨是名佛出世身口意不淨是名佛
滅度如是則九旬禁足三月護生盡是無風起浪剗
肉作瘡更言過去心不可得見在心不可得未來心
不可得何異釘椿搖槽總不恁麼蝦跳何曾出得斗
豈不見靈山會上廣額屠兒放下屠刀大肆八體道
我是千佛一數若過秀峰且居門外自餘一釋迦二
元和三佛陀當甚碗墻丘拍膝一下

聖節上堂祖道綿綿王道平平同歌舜日共樂堯年
道貫無邊刹境德合一統乾坤且林下道人以何報
稱遂起身云萬歲萬歲萬萬歲

開爐上堂舉趙州道我在南方行脚火爐頭有箇無
賓主話未曾有人舉著師云趙州老老大有年無
德殊不知火爐頭無賓主話觸目發輝聞見歷然土
曠人稀相逢者少

上堂開口卽錯擬心卽差倒攜蒲帽繫著欄衫看看
暮天欲雪普請各宜照顧且道照顧箇什麼自云照
顧火燭

上堂要明此事若言有道理也賺你若言無道理也
賺你不有不無也賺你何故不是弄潮人莫入洪波
裏

上堂寒食清明節韶光映林樾壠上標墳人眼中流
出血生滅本無蹤時人當自決君不見水潦曾經馬
師踏直至而今笑不徹

上堂今朝五月端午不用書符呪語只將者箇拄杖
卓一下云用作降魔鐵杵楚大夫活捉獐龍張天師
倒騎猛虎觸翻東海鯉魚直得傾盆下雨

上堂一夏九十日今朝喜圓滿拈得鞏縣茶甌敲碎
饒州磁碗冷笑布袋平欺懶瓚天堂不拘地獄不管

空腹高心擔片板無端瞎却頂門眼

謝藏主上堂舉昔有一僧在藏殿裏坐藏主見乃問
云上座何不看經僧云我不識字主云何不問人僧
乃緩緩起來叉手問云這箇是什麼字主無語師云
從上佛祖遭這一問也無啓口處諸人還會麼這僧
問處字義炳然藏主無言文不加點還它老成人扶
持正法眼

中秋上堂靈山話月曹溪指月玄沙已是嚼飯餵嬰
孩寒山子無端更道無物堪比倫教我如何說秀峰
路見不平卓拄杖云打破窠窟

臨安府廣壽慧雲禪寺語錄

參學 圓照等 編

師在靈隱山受請陞座云釋迦掩室已見諸訛淨名
杜詞翻成狼籍若非頂門眼正何以辨明縑素所以
道鏡無心而取像妍醜自分劍無意以求人殺活自
在顯諸仁藏諸用其惟至理乎便恁麼去亦菴居士
新建寶坊永延慧命饒益一切可謂功不浪施其或
未然但有路可上更高人也行

復舉昔有一官人請米倉保壽二人齋官人云請二人長老談論佛法壽云請米倉師兄長答話倉便喝壽云未曾問著喝箇什麼倉云猶嫌少在壽却隨聲與一喝師云二大老雖眼辦手親爭奈箭鋒不相拄直饒齊發齊中向官人面前只成一場敗闕且道官人具甚眼目慣從五鳳樓前過手握金鞭賀太平入院陞座拈香祝聖罷次拈香云奉爲建寺大檀越亦菴居士闔府貴眷增崇祿算乃就座云言無展事語不投機承言者喪滯句者迷還有獨脫底麼僧問破菴爐韞諸方少居士門庭八字開等是靈山親授記何妨握手笑哈哈且道賓主相見合談何事師云舌頭不出口進云得聞於未聞也師云聞底事作麼生進云學人到這裏結舌有分師云狼籍不少進云昔日世尊布髮掩泥於然燈佛前然燈指掩泥處云此處好建一梵刹此理如何師云意在鉤頭進云會中有賢于長者以標插于指處云建梵刹已竟又作麼生師云大地震動進云於是諸天散花贊嘆云庶子有大智矣又且如何師云世情偏向富門多進

云只如今日亦菴居士建大寶坊與賢于長者是同是別師云一會儼然進云可謂古今無異路達者共同途師云重說偈言僧禮拜師乃云建法幢立宗旨明明佛勅曹溪是敢問大衆且道曹溪事作麼生若向個裏知得落著便見亦菴居士建大寶坊廣容佛子俾一人人衣珠顯赫照世明燈一箇箇正眼豁開昏衢巨燭是謂勇義大丈夫希有能難能之事以此盡人子之義造次必備以此盡臣子之心顛沛罔欺夫是之謂躬行而不息深入淨名不二者也

復舉適來禪客問布髮掩泥因緣隨說偈云插一莖艸建梵刹畫出規模何太窄爭似亦菴新建立容盡十方雲水客鸞嶺風高少林月白光明寂照遍河沙萬古流輝有張拙

當夜小參佛以一音演說法衆生隨類各得解敢問大衆那個是一音所演底法莫是一卽一切一切卽一麼莫是識得一萬事畢麼莫是一月普現一切水一切水月一月攝麼如斯理論鄭州出曹門畢竟是那個一音以拄杖卓一下云一音既演直得三艸二

木萬象森羅情與無情隨其根性而得解脫雖然如是惟有拄杖子不在其數爲甚如此遂卓一下云單重交拆

復舉南泉示衆云自小牧一頭水牯牛擬向溪東牧未免犯他國王水艸擬向溪西牧未免犯他國王水艸不如隨分納些些總不見得師云山僧自小亦牧一頭水牯牛也不向溪東牧也不向溪西牧也不隨分納些些只是流行坎止遇緣卽宗一任諸方檢責上堂眼見色耳聞聲棒喝交馳拖泥帶水便怎麼太乖張人貧智短馬瘦毛長

亦菴居士生日上堂佛語心爲宗無門爲法門入得無門之門便見天無四壁地絕八維通上徹下是箇微妙大解脫門輝騰今古迥絕見知全提鸞嶺拈花揭示西來密旨津梁九有利及四生不歷化城直登寶所只如功勳不昧又且如何朝廷有道青春好門館無私白日閒復說偈云鷓鴣啼處百花香日暖風和春晝長昨夜虛空開口笑祥光瑞氣滿華堂上堂十方國土中惟有一乘法開市門頭張三李四

東頭買賤西頭賣實定盤星上秤來未免七差八錯廣壽長老贏得張口掛向壁角從它露柱燈籠打瓦鑽龜搏量卜度誰知笑倒黃幡綽

上堂舉僧問洞山天上無彌勒地下無彌勒什麼人與他安名立字洞山云老僧被上座一問直得禪床震動師云洞山老漢雖則口甜心苦也是王小破艸鞋或有人問廣壽天上無彌勒地下無彌勒什麼人與他安名立字只向他道賊身已露何故萬里崖州未是遠

結夏上堂二千年前公案今朝重爲提撕同住大光明藏無修無證無爲腦後依前欠一匙

上堂今朝五月端午節千妖百怪盡消滅艾虎桃符相耳語搖頭不肯向人說無端被者主杖子卓一下云對衆一時俱漏洩復卓一下云只得一概杖錫雲簷和尚至上堂曉來鵲噪一聲聲象駕蟬噪喜見臨欵聽琅琅終日語異苗翻秀映叢林

上堂舉普化云明頭來明頭打暗頭來暗頭打四方八面來連架打臨濟令侍者去問云總不怎麼來時

如何化云明日大悲院裏有齋師云者風顛顛不妨
令人疑著及至被人窮詰將來却只道得箇羅齋打
供也似熟處難忘若是廣壽卽不然待它道總不恁
麼來時如何便與攔臂攔住云道道若是皮下有血
管取價增十倍

密菴忌辰燒香老漢從來拍盲偏笑鼻直眼橫大徹
堂前落節做出許多敗缺累及平人無處伸雪閩蜀
同風有甚交涉六月火燒空由來未是熱將此身心
奉塵刹

上堂如是知如是見如是信解不生法相早是不著
便了也當爐不避火却須說破免見通相鈍置

上堂達磨西來事今人謾度量天河爭起浪月桂不
聞香何也見成公案東山祖師漏逗不少乃云達磨
西來事今人謾度量人貧智短馬瘦毛長何也兵行
說道

上堂天氣或晴或雨白雲乍卷乍舒行脚漢奔南走
北似信不信老臊胡游梁歷魏似有似無拍膝云銅
閣路雖險夜行人更多

上堂舉教中道於三七日中思惟如是事我寧不說
法疾入於涅槃釋迦老子不知思惟箇什麼事得恁
麼難說大眾如是事實難說今日分明爲饒舌夏有
涼風冬有雪

上堂纔涉唇吻便落言詮不落言詮卽耽默默耽寂
默則成謗滯言詮則成誑不誑不謗拄杖子從頭說
破卓一下

上堂舉有僧辭歸宗宗云向什麼處去僧云諸方學
五味禪去宗云我這裏只有一味僧云如何是和尙
此間一味禪宗拈棒便打僧云會也會也宗云試道
看僧擬開口宗又打師云歸宗幸自好一味禪無端
傷鹽傷醋却成五味了也而今忽有人來辭去諸方
學五味禪只向他道善爲道路若是箇漢必然別有
生涯

上堂老東山道先入白雲門次入白雲隈香底裏蒲
禪喫底糲米飯君子如到來好好看方便師云辦能
開飯店誰怕肚皮寬說甚方便不方便先入南湖門
次入南湖室吞底熱鐵丸喫底洋銅汁本色人到來

沙糖更澆蜜

上堂諸法寂滅相不可以言宣拍膝一下云老來不著便過犯已彌天

珉講主請上堂舉良遂座主訪麻谷得旨後歸謂衆云諸人知處良遂總知良遂知處諸人不知師云諸人知處良遂知良遂知處人不知王維已死無人畫留得青山對落暉

上堂不是心不是佛不是物大丈夫兒當下便担舁偃風行崖崩石裂廣壽長老贏得合掌當箇道個菩薩摩訶薩

聖節上堂堯仁廣被三千界舜德長敷億萬年珍重聖恩何以報只憑一柱海檀煙

冬節上堂僧問昔日瀉山問仰山仲冬嚴寒年年事晷運推移事若何仰山近前叉手立此意如何師云點卽不到瀉云情知你答者話不得師云年老成魔進云瀉山復問香嚴子又作麼生嚴云某偏答得者話師云上頭上面得人憎瀉山復舉前話嚴亦近前叉手立又作麼生師云到卽不點進云瀉山道賴遇

寂子不會師云瀉山恁麼道那進云那裏是它不會處師云莫瞋睡進云一等是叉手近前因甚肯箇不肯箇師云果然瞋睡進云瀉山大似將錯就錯師云甚處見瀉山進云終不隨人言語轉師云你已被轉了進云冬節已臨和尚以何法示人師云夜來菓子甚如法進云一衆忻然去也師云只是你不知慚愧僧云爲衆竭力禍出私門便禮拜師云逃得火災更防水厄

復舉僧問古德如何是冬來事德云京師出大黃師云有問冬來事京師出大黃漢家勳業在樊噲與張良

上堂舉教中道生滅滅已寂滅現前大慧道真生無可生真滅無可滅寂滅忽現前蝦蟇吞却月大衆不見道驗人端的處下口便知音

退院上堂資緣於此得安閑屈指三年一瞬間好是今朝乘快便又携藜杖過它山

平江府穹窿山福臻禪院語錄

參學 圓照等 編

指三門常獨行常獨步咄莫來攔我毬門路

上堂拈香祝 聖罷歛衣就座云直指單傳已成迂

曲明宗定旨轉見周遮便怎麼去執之失度必入邪
路放之自然體無去住當爐不避火點出瑕疵與他
開山祖師相見去也卓拄杖一下云萬疊湖山磨不
盡一天風月鎮長存

上堂百不知百不會似兀如癡隨羣逐隊誰云趙壁
無瑕類

上堂僧問請和尚答話師云天寒日短兩人共一碗
進云莫便是和尚爲人處麼師云逢人但怎麼舉僧
禮拜歸衆師云無端無端

復舉大悲和尚有僧問請師便道悲云開口卽錯僧
云怎麼則真是學人師也悲云今日向弟子手中死
師云還知麼甜瓜徹蒂甜苦瓠連根苦

上堂舉東山和尚道如何是禪閣浮樹在海南邊近
則不離方寸遠則十萬八千畢竟如何禪禪師云穹
窿也有箇道處如何是禪閣浮樹在海南邊撐天拄
地拄地撐天巧說不得只要心傳畢竟如何禪禪

歲夜小參智慧弓堅固箭射破虛空成兩片海門斜
去兩三行驚起暮天沙上鴈牛頭沒馬頭回鐵壁銀
山一拶開上苑玉池方解凍湖光澈灩映崔嵬却笑
普通年遠事不從葱嶺帶將來有般漢便道以指喻
指逐物却物幽谷寒巖春風偏野是則是斬新日月
特地乾坤順朱填墨且從你諸人七頭八倒或者新
故交參倒轉律管何以明辯須知將僧家拄杖頭上
有回天轉地底生涯不掛本來衣不據空王殿謗於
佛毀於法不入衆數過橋斷橋得路塞路誰問你七
十三八十四者也周由也未是它棲泊處只如金不
博金水不洗水又且如何任大也須從地起更高爭
棄有天何

復舉欽山問德山天皇也怎麼道龍潭也怎麼道未
審和尚作麼生道山云你試學天皇龍潭底看欽擬
議山便打欽被打下延壽堂云是則是打我忒煞嵩
頭云你怎麼他時不得道見德山來後來雪竇道欽
山致箇問頭也甚奇特爭奈龍頭蛇尾當時待他道
試學天皇龍潭底看以坐具便撼大丈夫將虎鬚不

爲分外它既不能可惜德山令行一半令若盡行雪
峰巖頭總是涅槃堂裏漢師云大小雪竇錯下名言
若人知得落著許他喫著大虫膽

病起上堂臥病恰旬餘氣力無一銖皮穿筋骨露勉
強且支梧無鹽無米誰爲分疎拈起拄杖云拄杖子
起來呵呵大笑乃卓一下瀉出百斛明珠各請點檢
倉庫畢竟是有是無盡道內空外空內外空空空大
空勝義空有爲空無爲空畢竟空山僧不免隨後念
箇蘇嚕蘇嚕

上堂畢教中道假使滿世間皆如舍利弗盡思共度
量不能測佛智且畢竟如何是佛智乃云雪子落紛
紛烏盆變白盆忽然日頭出依舊是烏盆
上堂十五日已前明似鏡十五日已後黑如漆正當
十五日又且如何鶯遷喬木頻頻語蝶戀芳叢對對
飛

湖州鳳山資福禪寺語錄

參學 圓照等 編

穹窿山受請拈疏示衆云一切數句非數句與吾靈

覺何交涉字義炳然當陽一決

陞座云心鏡明鑑無礙豁然瑩徹周沙界萬象森羅
不覆藏一顆圓光非內外既非內外則在彼在此初
無間然或去或留寧存轍迹住福臻則福臻長老住
鳳山則鳳山主人任器方圓無適不可雖然怎麼猶
是順水張帆諸方共用底且道不墮格則一句作麼
生道不欲當頭便拈出恐驚雲綻碧天寒

入院據方丈大凡據此丈室亡能所滅影像掃蕩情
塵不立窠臼者裏還有與鳳山相見底麼良久云此
擬張麟兎亦不遇

陞座祝聖罷僧問東三條篾幾年簸土揚塵鼓兩片
皮不妨說青道黑只如不落唇吻作麼生道師云箭
過新羅進云直得鳳山作舞雪水逆流師云未是分
外遷云如何是鳳山境師云有山有水進云如何是
境中人師云見面勝聞名只如人境歷然主賓互換
一句如何通信師云錦衣公子貴林下野僧閑僧云
謝師答話便禮拜師云切忌錯流通乃云離相絕言
之道擬心即差動念即隔不擬心不動念直下見得

徹去便乃如龍得水似虎登山高步毗盧頂不稟釋迦文一切處作殊勝因一切處現奇特事津梁九有利及四生盡未來際無有窮盡正恁麼時獨脫一句作麼生道離相離名人不稟吹毛用了急須磨復學臨濟參黃檗佛法大意因緣乃云黃檗山頭喫棒大愚肋下築拳佛法的大意猶隔十萬八千爲和王上堂乃云大人具大見大智得大用胷中懷六合掌內握乾坤致君爲堯舜之君使民爲堯舜之民地久天長河清海晏功業已著勳德已成繫綬金章垂蔭後世肅嚴梵宇開大施門運出家珍永延佛子成就無窮佛事莊嚴萬古規模是名特達大丈夫能爲世出世間希有事便乃從無住本示有去來於無去來示同生滅且道具如是威猛作略底人即今在什麼處靈山有路平如砥月戶無人冷似秋復說頌云世出世間希有事顯發須還過量人出沒卷舒驚世夢蓬萊山色又重新

上堂舉圓悟祖師道參禪參到無參處參到無參始徹頭後來水菴和尚道參禪參到無參處參到無參

未徹頭歸云還見二大老節角處麼星河秋一鴈砧杵夜千家

上堂舉教中道凡所有相皆是虛妄遂拈拄杖云若道是有心外有法若道是無心法不周作麼生道得恰好卓一下云劒去久矣

受密印師號上堂不坐空王殿不掛本來衣何須更恁麼切忌未生時又道聖名凡號盡是虛聲殊相劣形皆爲幻色一向恁麼土曠人稀順俗和光聊通一線某丘壑之姿與梓木俱腐豈謂堯天霽澤霑旣衰殘此乃觀使御帶不忘付囑遂致林下野人有盜意外之遇祇受之情不勝感佩復說偈云只箇垂垂白髮僧一生兩度受皇恩只憑少室無私句地久天長祝聖君

中秋上堂天上月圓人間月半子細看來從頭錯算姮娥昨夜失金鍼撼動玉樓尋不見

上堂不是心不是佛不是物忍俊不禁爲諸人做個警脫卓拄杖一下流水暗銷溪畔石勸人除却是非難

冬至小參宗乘一舉三藏絕詮祖令當行十方坐斷
達磨大師眼空四海踰海越漢見他武帝只道得箇
廓然無聖及至對朕者誰却言不識計窮力盡打箇
沒合殺向少室峰前堆堆冷坐知他是會不會致令
二祖隨後斷臂安心依模脫殼及乎勘證將來却只
禮三拜依位而立大似巧盡拙出其餘德山棒臨濟
喝俱抵豎指祕魔擎叉又何足較量不見道言跡之
興異途之所由生若能向世界未立佛祖未興已前
著得眼去方知道明暗交謝寒暑迭遷全提少室單
傳顯示自家風月便見一陽來復萬彙發生陰極陽
升冰生於水且涉流轉物一句又且如何東君漏洩
陽和力不萌枝上也抽條

復學德山小參不答話因緣師云德山老漢雖則全
壁而歸要且被新羅僧勘破

冬節上堂節屆書雲陰極陽升冰河發焰枯木抽英
惟有拄杖子依舊黑輪皴不遷不變無辱無榮卓一
下云笑殺當年面壁人

謝維那上堂舉興化打克賓話乃云興化打克賓猛

虎鷲腰騎養子不及父家門一世衰

上堂種種性相義我及十方佛乃能知是事晝見日
夜見月坐臥經行曾無間歇昨昨有甚交涉

歲旦上堂舊歲夜來去去從何處去新年今日來來
從何處來既無來又無去鐵壁銀山或指注卓拄杖
下座

上堂廣尋知見猶如鏡裏求形息念觀空大似日中
逃影當此之時如何卽是僧繇雖敏手難邈志公眞
上堂舉先聖道今古應無墜分明在目前片雲生晚
谷孤鶴下遙天岸柳和煙綠巖花帶雨鮮無人知此
意令我憶南泉且道他古人意作麼生蒼竹掃簷基
局冷野雲籠石裯衣寒

秉拂

華藏普座寮解夏以大圓覺爲我伽藍身心安居平
等性智從四月十五日結也十方世界若艸若木情
與無情盡向拂子頭上熏修練行宴坐經行婢視聲
聞奴呼菩薩如今七月十五日解也十方世界若艸
若木情與無情盡向拂子頭上各各以所得所證法

門所修所行願遍布於微塵之中而彼微塵之量亦不迫隘饒益一切各得其宜直得小根小莖小枝小葉中根中莖中枝中葉大根大莖大枝大葉諸樹大小隨上中下各有所受一雲所雨稱其種性而得生長幸自可伶生被憐陳如尊者起來兜一喝便見三三兩兩把不定不往河南便往河北不妨自由自在驀然中路被人攔住道只如萬里無寸艸處作麼生去十箇有五雙撈天摸地直饒總道出門便是艸也是蝦跳不出斗何故人無遠慮必有近憂

復舉雲門大師道盡乾坤大地天下老和尚以拄杖畫一畫云百雜碎後來雪竇道這老漢是則是要且未有出身路如今拄杖在雪竇手裏乃橫按云南北東西甚處得來師云二大老一條拄杖縱奪可觀大似字經三寫秉拂上座咬牙奮齒敢道箇瞎諸人若甘去未必善因而招惡果

靈巖曾座寮結夏聲前一句靈山問測其由肘後一機少室何曾夢見便恁麼去眼見色耳聞聲又有什麼過因甚雲門大師道聞聲悟道見色明心觀世音

菩薩將錢買胡餅放下手却是饅頭獨脫漢善其機通其變可以操菩薩乘修寂滅行於如來大光明藏三期之內九十日中披精進鎧秉智慧弓執堅固箭入如來室坐如來座不離此座稱法界性與山河大地若艸若木情與無情異口同音演說摩訶衍法羅四句絕百非說情塵沒窠臼直得坐底立底說底聽底明明歷歷寂寂惺惺拄杖子忍俊不禁眼笑眉垂合掌贊善只道得箇以大圓覺爲我伽藍身心安居且從你諸人驀拈拄杖卓一下云切忌喚作平等性智

復舉臨濟同普化赴齋場倒飯床因緣拈云二大老有撼動乾坤手段喝散白雲意氣雖然世諦門中羅齋打供則無可不可若是少室門風未夢見在金山首座寮至節出叢林入保社暑往寒來忘晝夜面門振轉越僧祇方得名爲觀自在拈花特地乖張面壁分明話墮遠水不救近火短鞭那及深泉膏肓痛處著鍼捏出從前露鱗臨濟問心黃蘗大愚薄處先穿德山意氣洋洋活浸龍潭死水魯祖偏工面壁

空腹高心趙州喚人喫茶禮防君子更說睦州擔版
到頭空過一生至於雪老輓毬千古爲人笑具總是
揚聲止響掩鼻偷香弔影揚鞭投崖寄帽丁一卓二
當頭決斷往事莫追正當君子道長小人道消陰極
陽升冰生於水曠達之士自合乘時騰踏馬駒蟬蟻
象駕不見靈山會上廣額屠兒放下屠刀昂昂然道
我是千佛一數且從你諸人飛星撒火論量可上可
下只如興化被大覺道箇瞎漢待卸下衲衣痛與一
頓當下便明得臨濟當時在黃檗處喫痛棒底道理
却又如何縑素不是王維手徒說繪丹青

復舉黃檗示衆云汝等諸人盡是瞋酒糟漢恁麼行
脚何處有今日還知大唐國裏無禪師麼時有僧出
云只如諸方臣徒領衆又作麼生檗云不道無禪只
是無師師云黃檗據闔外權持不犯令直得威風凜
凜賴略雙全只被箇僧等閒一撈便見和身放倒衆
中莫有爲黃檗作主底麼良久云先上座今夜平地
喫交

靈隱首座寮解夏大事因緣出射洪就中豐義更尤

强未形問答先明得六用門頭盡放光便恁麼去聞
禪與道風過樹頭說性說心水澆頑石眼橫鼻有棒
打不回向他祖師門下遠之遠矣者裏若有一箇半
箇不受人瞞去我當斬首以謝脫或未然天之高地
之厚日月之昭回四生之浩渺三年一閏九日重闕
今年靈隱山中堂頭法兄社裏無禪無道與人商量
一夏九十日中只有一味清水白米直得有情無情
渴飲飢食盡證法喜禪悅之樂無端露柱不甘面面
相覷較量大小法門曹洞五位君臣臨濟四種料揀
窮幽極微至簡至要秉拂上堂躡脚近前低頭側耳
一一聽覽分明不敢囊藏被蓋將爲已有向諸人面
前從頭說破良久云幾乎錯下注脚
復舉僧問雲門秋初夏末前途忽有人問如何祇對
門云大衆退後著僧云過在什麼處門云還我九十
日飯錢來師云夫善機變審來端雲門有全生全煞
之令者僧大膽麤心擬跳龍門却遭點額可惜許它
雲門九十日飯坐在窠窟裏翻成隨世流布若到諸
方不得錯舉

普說

華藏普座寮告香涼薄之跡棲遲於此得依堂頭遜菴和尚席下將謂知照可以安閒乃蒙道義推挽勸切俾令版普又復許時茲又承鳴鼓集衆獎飾過分令爲兄弟提撕話頭深愧不敏所謂自疾不能救何暇救他人事到如此有不能免只得勉從嚴命謾且領略而況此間盡是諸方羅籠不住呼喚不回底飽參碩德在此豁光晦迹藏器待時可謂龍象蹴踏若遇掛牌並不煩見訪恐有初機兄弟一箇半箇力志於道者無惜相與切磋蓋此段事諸人見行作爲六根門頭放光動地自是諸人不自覺知返從他覓所以道分明不了却成迷無限風光付與誰若得家山田地穩自然處處不思議又道山僧十九上經過太湖水今年五十二此水尙宛爾清清兩岸流金沙布其底爲物所轉人通身便迷已箇是前輩參禪如實而證如實而解吐露出來爲光明幢饒益一切可謂萬世典型千古榜樣掬其旨歸不出一心之妙用妙用既的如風行空不留朕迹初不言我能我解馳騁

於世取笑識者心尙不存何法之有某舊時曾見一菴主其菴主曾見老琮和尚琮參晦堂後在昭覺圓悟會中作西堂嘗自屈指云遠磨大師晦堂先師至老僧其包齒漢指頭早屈不得也蓋圓悟齒包耳悟嘗畏敬之嘗有法語送僧行脚云老僧八十有二十八上不娶妻捨緣出家十九受菩薩大戒而後捧鉢趺趺至二十五擔兜行脚出一叢林入一保社亦嘗成都參二三尊宿於它語下殊未鈎深造入後至黃龍晦堂老人處詰風幡話一言勘破而老人大笑曰子且先求箇入處以爲基址然後起樓臺殿閣四年之後果於老人棒下得入方見十方無壁落四面亦無門始終一十七載方得穩當今八十有二方且無疑今者塵上人忽來告別且曰人命無常富貴如幻我知之矣殊不知其所從今欲普游天下究其根源當以悟爲則至祝至祝兄弟家曾如此履踐曾如此做工夫麼這箇是佗參禪底狀子一本且不似今時人一向高傲濶行大步禪將去脚根下殊無著實及至被人靠著又却面青面黃撞牆撞壁蓋緣打頭著

脚手時便自錯了也。又有一等兄弟似信不信似做不做不能一往直前遂致千差萬別。逗到頭白齒黃一無所成誠可憐愍。更有一等兄弟皮下無血見人說青道黑淨地上胡撒亂撒採集向情誡中將爲己有增長我見到處逢人浩浩商量張老如何說李老如何說下語又如何頌乎又如何只管理會別人底自己依舊黑漫漫地却不知理會底盡是糞埽肥膩生臥根株轉見婆娑如何得根株倒去等是禿却頭壞却服何不一切拚捨盡三夜三行住坐臥以智慧刀把生臥根株東剉西斫一下倒去方爲快活無事人自然一舉萬里豈燕雀之所能爲雖然如是更須知有白雲道底且道白雲道箇什麼若遇掛牌時却來爲爾說破

徑山西堂寮入室罷衆請就座普說乃云百二十日夏過了半月日參禪學道人緊急要著實果能兩脚踏實便是一生事畢所以道參須實參悟須實悟你若自憑智眼觸淨有歸佛祖病關永拋游刃蓋爲你出言吐氣亮處不孤暗鋒自合塵泥自異貴眼難諸

道存目擊早傷途轍況復守株待兔殺瓜兩箇掩抑迅光卒難緝辨所以睦州見僧便道見成公案放你三十棒或時見僧便道擔板漢且道他垂慈爲人在什麼處何不抖搜精神著些眼腦觀看是什麼道理參禪漢若自無管地分參來參去參到彌勒佛下生只贏得箇肚裏熱鬧若眞實以參學爲要但只向他古人一言一句一機一境崖靠將去自然恰恰相當有箇奮發時節只如長慶和尚參箇驢事未了馬事到來向雪峰玄沙會裏坐破幾箇蒲團一日卷簾眼豁開不覺漏逗便道也大差也大差卷起簾來見天下有人問我解何宗拈起拂子劈口打似此豈不驚羣動衆且非小根小器之所能爲除是不鳴鳴則九霄之間定矣回視尋常室中爲兄弟學箇話頭了撐眉怒目下喝下拍做盡萬千伎倆寧不面熱汗下有愧它先賢分明向道潭又不見龍又不現子親到龍潭直然領略得早是拖泥帶水那堪踏步向前求覓解會轉疎轉遠有時又向道魯祖見僧使面壁向這裏插得脚入作得去多少省力看他得底人自在乾

淨處立你自向泥坑裏輾輾得通身泥水却更說道說理豈非大錯山僧昔曾涉獵伶俜辛苦備嘗此味以故不惜父母所生口奉告兄弟果於省力徑截處擔荷得去便乃身心蕩蕩地無欲無依自然形直影端仰不愧天俯不愧地口無擇言身無擇行言滿天下無口過行滿天下無怨惡正如壯士展臂不假他力方謂之學佛種族曠達之士出叢林入保社豈徒然哉便可以迴天關轉地軸救必死起膏肓建此大法幢然此大法炬何往而弗利雖然如是爭奈破菴未肯點頭在且道利害在什麼處良久云時暑各自散去莫妨我東行西行便起

法語

示誼禪人

學道人立處孤危用處峭拔何止掀天撥地換斗移星向生臥長夜爲光爲明爲雨爲露饒益一切傍觀看來只眨得眼除非知有乃辨端倪不見臨濟參黃檗問佛法的大意三遭痛棒眼裏耳裏眯哩麻囉逗到大愚處輕輕一撥猛省起來不覺道噫元來黃

檗佛法無多子老大虫當下睡眼豁開礪齒磨牙掀鼓舞生殺全提大方獨步觀其最初著脚覷捕已自不羣操履堅實逢人便喝擬山崩擬海竭臨老極頭返被三聖倒與一喝却只隨摸搜道個誰知吾正法眼藏向這瞎驢邊滅却所謂唱愈高和愈峻其苦澀硬辣如此要個性燥猛烈底擔荷誼禪頃年在蜀曾得聚管相別既久顧我於湖山之濱求語爲助道之要謾書此段葛藤示之決欲究明少室之道不必問如之若何但只抵死擠生窮他三回賜棒看是什麼道理嘉地覷破便知道黃檗佛法無多子豈虛語哉回視從前憤憤悻悻只贏得個咬牙切齒先上座一場罪過不小如其不然大事爲你不得小事各自擔當

與戔菴居士張御帶

道在平常日用中一段光明蓋天蓋地情塵瞥起便見千差萬別是故趙州問南泉如何是道只對他道平常心是道已自當頭掇出却更問還假趣向也無不免隨摸搜向道擬向即乖又更腦板道箇不擬爭

知是道。釋見四稜踏地事不獲。已不顧傍觀。盡情剖露道箇。道不屬知。不屬不知。知是妄覺。不知是無記。若達不疑之道。如太虛空。豈可強是非耶。者個便是十八上解。作活計底。一欸子招狀了。也是故寒山子見徹平常心。便道吾心似秋月。碧潭清皎潔。無物堪比倫。教我如何說。龐居士見徹平常心。便道心如境。亦如無實。亦無虛。有亦不管。無亦不拘。不是聖賢了事。凡夫是謂一錯百錯。無乃錯之甚矣哉。菴大居士動靜可觀。容止可法。雖居富樂而富樂無惑。存誠妙道。兢兢業業。念念無間。不肯自欺。直以大休大歇。到不疑之地。爲期登泰山。還它有力大人也。蒙索鄙語。不覺許多葛藤。只欲發居士大笑一回子。且道。道箇什麼。三賢尙未明斯旨。十聖那能達此宗。

示辯禪人

行脚漢出叢林。入保社。風塵艸動。鑒在機先。猶爲不唧溜。那堪依它作解。存知見。懼得失。如之若何。何止白雲萬里。是故先聖道舉不顧。即差互。豈非大張羅網。千人萬人中。攬撈一箇半箇。以爲種艸力量。漢眼

卓朔地法。燭才點當下。便發無你近傍處。做它曹溪門下客。却須如是履踐。如是操持。逗到崖崩石裂。猶是半提邊事。江西辯禪人。從遊既久。器識超卓。念念以克證爲期。可謂本色道流也。袖軸求語。愚以退閒養病事。不獲已。因爲葛藤云。

示崑山虛堂願居士

教外別傳之旨。徧布羣機之中。而羣靈具此真心。威德目在全體。作爲光明。烜赫晝夜。無間而不覺。知自作障礙。蠲在腦後。却向他方問佛問祖。覓禪覓道。是故名爲可憐憫者。不見古德道。汝但無心於事。無事於心。自然虛而靈。空而妙。若毫端許言之本末。皆爲自欺。先聖垂慈。愍物當頭。揭示只欠箇性。燥勇猛離心意。識出凡聖路。全機領略。一念不生。前後際斷。仰不愧天。俯不愧地。蕩蕩無拘。熱則乘涼。寒則向火。至於飢食渴飲。復有何事。不見龐居士道。日用事無別。惟吾自偶。諸頭頭非取捨。處處勿張乖。朱紫誰爲號。丘山絕點埃。神通并妙用。運水及般柴。雖則盡力描畫出來。未免喚鐘作響。虛堂居士。天姿洒落。存誠妙

道徧謁當世宗師間以法義數相往來袖軸炷香云
者回被肯堂老詰云你開口便是業識某更無開口
處却自嘆息許多時用意參禪枉了心力愚乃合掌
告之曰慚愧慚愧見義不爲見成槌揆因行掉臂也
借一槌直饒未開口也是業識了又如何道得恰好
去速道速道

示寫法華經求僧行者

止止不須說我法妙難思諸增上慢者聞必不敬信
已是成痕成迹那堪將青黃碧綠彩畫虚空添得一
場熱鬧向曹溪門下天地懸殊要得相當只向止止
不須說我法妙難思處冷地裏捋下面皮自笑一回
子是眞勇猛是眞精進是名眞法供養方知道寫經
求僧也不是不寫經不求僧也不是問人討法語也
不是不問人討法語也不是畢竟如何此是選佛場
心空及第歸子宜往矣無滯於此會有聞絃賞音者
栢堂劉居士持大慧禪師與成節使法語復
藏寶光塔求跋
大慧老人心手無礙沛然之作流無窮矣展轉自成

而至栢堂既能寶之奉寶光塔廟所謂照世燈精進
幢誠有在焉

達磨已下遺偈

梁皇殿前不能把定少林山下風波愈盛若解謹初
護末不到圖形畫影

六祖

颺下採樵斧直入堆坊春一脚踏到底黃梅信息通
臨濟

揎拳捋肘只有一箇電卷星飛擡頭蹉過
布袋

散誕不拘儀軌街頭走到街尾逢人大笑呵呵那個
知渠肚裏

定光

天涯海角俱行徧鬼面神頭只自謾却憶當年舊風
月杖頭挑出與人看

戢菴居士請贊濟顛

瞎堂之子附馬之後出處行藏一向漏逗是聖是凡
莫測掣顛掣狂希有一拳拳碎虚空驚得須彌倒走

周正字請贊 亡母宜人王氏真

盡得十分依前不是端坐北堂琅琅仁義文殊罔明
把手行入定出定恣游戲

戴菴居士持壽像求讚

似僧有髮似俗無塵淡默自處惟德與鄰曾向鳳池
親聖訓更來鹿苑奪芳春

性長老寫師真請贊

頑無所知說無照對弄假像真遭人笑恠花壁臨濟
黃檗佛法未夢見在在在是處清風動天籟

本禪人請贊

學道不根參禪莽鹵似恁趣向乖疎如何傳燈繼祖
本禪畫出人前轉見和泥合土就中更有些子誚訛
焦尾大虫元來是虎

禪人請讚

錯錯錯徒名邈盡得十成欠蹄少角一任天下人貶
剝

寄蔣山如一翁

悠悠世路絕躋攀臥看白雲空往還惟有同參一句

子肯將容易混塵寰

寄王承務

經年相別無他囑莫只波波煮裏求病去藥除消息
盡紅塵堆裏等閒游

送虎丘晉座住菴

劍池拾得豐城劍凜凜寒光射斗牛爲報不平平底
事艸菴蓬戶也風流

示禪人寫華嚴經

毗盧大經卷塵識久埋藏上人筆端力撥出放毫光
笑他自城游歷自倒自起自忙江天月曉夢破斜陽
一印印定無法商量

示楞嚴座主

見猶離見非真見還盡八還無可還木落霜天山骨
露不知誰識老瞿曇

示南華行者

黃梅會裏七千指虎驟龍馳空點胸確踏老盧愚且
拙坤維占斷最高峰

自詒

宴坐白雲裏經行碧嶂中遊人窮不到幽鳥自忽忽

眞上人秉炬

眞不立妄本空有無俱遣不空空直饒空盡無一物
正好投身烈焰中

初上人撒骨

颺下娘生袴投身大火聚火聚裏翻身失却最初步
正恁麼時如何鴈影落寒潭孤舟橫野渡

然藏主撒骨

小乘錢貫大乘井索權實半滿已被然藏主一時穿
鑿如今煙滅灰飛尙有者些零落雖零落佛祖位中
難容且向太湖安著

穎菴主撒骨

掉却錢塘佳致湖山占得清幽泥牛闌入海便乃賦
歸休皮膚脫落短棹孤舟不著此岸不著彼岸不滯
中流有時乘好月特地過滄洲

行狀

師諱祖先蜀廣安新明王氏子幼警悟父母繼喪從

羅漢院僧德祥出家時已知教外之意聞緣老宿者
住昭覺有道行往歸之一見相投令奉圓悟菴香火
一日從方丈前過緣問菴頭有人麼師云無人語未
竟緣劈臂與一拳云你暫師忽有省從而奮勵緣化
去遂出峽依澧州德山涓禪師識其爲法器與落髮
受具令徧參諸方嘗謁鴻山行和尚常請益狗子無
佛性話行云非有無之無如何師云即今亦不少行
云又道不會久之捨去至平江萬壽旦過值天大雪
夜坐乃自念言行脚十年矣此回若不徹去又是虛
生浪死正悶悶間不覺鐘動移後架舉頭見照堂二
字疑情頓釋繼見虎丘瞎堂遠淨慈月堂昌後見水
菴一於雙林嘗入室一問師子尊者被劬賓國王斬
却頭故是你道西天胡子爲什麼無鬚師云非雙林
不舉此話一云今日撞著箇作家師云心不負人面
無慚色一遂拓開師云勘破了也水菴退雙林遂往
見密菴於烏巨衆纔滿百然皆一時龍象命師爲典
客常隨衆入室密菴爲傍僧舉不是風動不是幡動
師聞豁然大悟從此機語相契一日密菴遇師於衆

寮前謂師曰不得問訊不得叉手總不得作伎倆你試露個消息看師應聲云万丈裏有客密菴呵呵大笑密遷蔣山師亦侍行首尾凡五載辭歸蜀密菴以頌送之云萬里南來川蠶苴奔流度刃扣玄關頂門歡睹金剛眼去住還同珠走盤其許與之重如此師既歸蜀初住果之清居梓之望川未幾復振錫而南至夔門時尙書楊公輔素聞師名以臥龍招之留三年出峽至常州華藏遯菴演始延師分座立僧衆皆傾服至於金山退菴奇靈隱笑菴悟徑山蒙菴聰師至必延居第一座衆輒倍常歷住常州薦福眞州靈岩平江秀峰後居張循王所捨宅廣壽慧雲禪寺爲開山住持三年辭去衆爭留之師云箭既離弦豈有返意衆不能強師平生去就多若此又住平江穹窿學者爭爲出力持鉢以自贍雖藜羹糝飯而談道終日有古風焉會楊和王府以鳳山資福延師師以年高無往意而學者強之居無何卽辭上徑山時淨慈闕主者朝旨下諸山舉有道者三人師嘗預焉相繼鎮江侍郎傅公以甘露起師師不樂就蓋知時節

將至也師苦脾疾忽一日付囑後事親作遺書別常所厚善者至晚書四句偈云末後一句已成忉怛寫出人前千錯萬錯書訖端坐而化實嘉定四年六月九日也後三日茶毗先是師遺囑欲弃骨山下主人石橋禪師爲建塔於凌霄峰別峰塔之右壽七十六臘四十九今略記錄親聞於師之出處大槩當求名世大手大書碑銘以傳無窮云嘉定五年五月日住鎮江府昭慶禪寺嗣法宗性編次

後跋

天下衲僧盡道破菴師伯擊碎破砂盆所以五處全提佛祖命脉開鑿人天眼目正是謗他殊不知此老未出關時不開口不動舌已是布縵天網打鳳羅龍烱烱光明照耀千古豈待道嚴爲蛇畫足倒捋虎鬚其徒持此錄來因獲諦觀敬書于後具頂門眼者必不於言句中尋討嘉定壬申元日住平江福臻法姪道嚴跋

月林師觀禪師語錄

宋
•
法 月
師
寶 觀
編 撰

月林禪師既沒於武康烏回山其徒德秀宗月哀語錄一編屬余爲序余曰此老於無分別中強生分別又欲追而記之何耶二子曰夫道不屬有言不屬無言有言無言皆落邊見學者誠知所謂終日言而未嘗言者則此錄之作於解黏去縛不曰亡補不然醜翻上味翻成毒藥爭怪得老師余杜門僻處思方外莫逆如月林者不可多得二子又能知師之意如此聊爲書之以慰其勤以紓余之思禪師名師觀道號月林續楊岐正傳爲七世嘉定戊寅上元日三山陳貴謙益文書

月林觀和尚語錄

月林和尚住平江府蠡口聖因禪院語錄

侍者 法寶 編

師於嘉泰元年七月十四日入院指三門云佛語心爲宗無門爲法門箇裡全身入別是一乾坤

指佛殿云若見諸相非相卽見如來山河大地森羅萬象盡皆是相作麼生說箇非相底道理時難只得同香火莫聽傍人說是非

據方丈云坐斷要津全提正令佛祖到來也須乞命承天同菴和尚度衣師提起云大庾嶺頭提不起同菴親手付將來等閑搭在肩頭上凡聖齊教眼豁開拈帖云靈山付囑有大因緣擲地金聲分明舉似指法座云法法不隱藏今古露堂堂更進這一步明爲舉揚

陞座拈香云此一瓣香恭爲

今上皇帝祝延聖壽萬歲萬歲萬歲次拈香奉爲判府顯謨大監闔郡官僚資崇台筭又拈香云此一

瓣香還知落處麼。更不囊藏。熱向爐中奉爲。

前住隨州大洪山老衲大和尚。用酬法乳之恩。一任薰天炙地。遂歛衣就座。乃云。毫端寶刹。慧劍光輝。出格道流。便請相見。僧問。承師道。若見諸相。非相。卽見如來。還端的也。無師云。不端的。僧云。爲什麼不端的。師云。爲你信不及。僧云。孽破面門。醜拙露元來。胡子沒髭鬚。師云。照顧話頭。僧云。只如法眼禪。師道。若見諸相。非相。卽不見。如來未審。如何。師云。言中有響。僧云。一念不生。全體現六根。纔動被雲遮。師云。當頭道著。僧云。三聖道。我逢人則出。出則不爲。人意作麼生。師云。錯。僧云。興化道。我逢人則不出。出則使爲人。又作麼生。師云。錯。僧云。興化槍旗倒卓。三聖肝膽齊傾。師云。引不著。僧云。只如今日新聖因。和尚作麼生爲人。師云。一棒一條痕。僧云。効古束腰三條篋。接物唯憑一指頭。師云。錯。下名言。僧禮拜。師噓一聲。師乃云。諸法空爲座。處此爲說法。法法不隱藏。清風生六合。一著高一著。一步闊一步。黃面老瞿曇。西來箇達磨。盡向者裏納一場敗闕。敢問大衆。那裏是他。

納敗闕處。毗婆尸佛早留心。直至而今不得妙。

復舉世尊一日陞座。大衆集定。文殊白槌云。世尊說法。竟世尊便下座。大衆還知古聖落處麼。動絃別曲。葉落知秋。風生大野。水向東流。

當晚小參云。聖因古蘭若湖邊絕藩。酒知他幾百年已屬斯人也。以至東弗于逮西瞿耶尼。南瞻部洲北鬱單越。置于掌握之中。擲大千於方外。又作麼生。拍膝云。風光都買盡。不費一文錢。

復舉誌公令人傳語。思大和尚何不下山教化衆生。一向目視雲漢。作什麼。思大云。三世諸佛被我一口吞盡。何處更有衆生可度。師云。要識思大麼。貧恨一身多。

上堂。日可冷。月可熱。衆魔不能壞。眞說且道。如何是眞說。十語九中不如一默。

上堂。古鏡闊一丈。虛空闊一丈。豎起拂子云。這箇在虛空內。虛空外參。

上堂。結夏又十日。箇事作麼。住無風。荷葉動。決定有魚行。

上堂。日日是好日。時時是好時。爲什麼。人人向脚跟下。踉過。只爲分明。極翻令所得遲。

廣度和尙。至上堂。真正舉揚法堂前草深一丈。有如是作略。有如是勝樣。箇是阿誰。廣度和尙。以拂子擊禪床下座。

上堂。舉僧問趙州。狗子還有佛性也。無州云。無。師云。斷人性命。不勞餘刃。四海一家。風恬浪靜。

慈懿皇后大祥陞座。此世不移。動彼世。不改變。惟一堅密身。一切塵中現。

上堂。今朝十月一。開爐。是此日。趙州賓主話。聖因爲拈出。拈也拈了也。說也說了也。畢竟如何。歸堂向火去。

承天禮和尙。遺書至上堂。去去實不去。來來實不來。去來如夢幻。虛空絕點埃。正恁麼時。同庵和尙。在甚處。豎起拂子。云。佛祖位中。留不住。夜來依舊宿蘆花。上堂。五日上堂。朝朝入室。三八念誦叢林規式。喝一喝。云。美食不中飽人喫。

上堂。本無迷悟人。只要今日了。了了了。了了。面南看。

北斗卅

上堂。熱卽取涼。寒卽向火。飢卽喫飯。困卽打睡。莫將無事會無事。困人心。

住平江府承天能仁禪寺語錄

侍者 法璫 編

上堂。世尊三昧迦葉。不知迦葉。三昧阿難。不知阿難。三昧商那和修。不知從上。諸聖三昧。互相不知。敢問諸人。且道。不知箇什麼。若是俊流。便知落處。其或未然。莫將閑學。解埋沒祖師心。

上堂。舉賓頭盧尊者。因阿育王。問承聞尊者。親見佛來。是不尊者。以手策起眉毛。良久云。會麼。王云。不會。尊者云。阿耨達池。龍王曾請佛齋。吾是時亦預其數。師云。今日大檀越。入山供養羅漢。山僧因齋慶讚。下箇注脚。以手策起眉毛。千聖從來不識。一會靈山。儼然說甚。今朝昨日。

上堂。我有一轉語。歷劫常如此。迴絕無人處。聚頭相共學。既是無人。阿誰共舉。高聲云。漆桶。

歲旦。上堂。天得一以清。地得一以寧。君王得一天下。

治禪僧得一眼橫鼻直皇恩。佛恩一時報畢。

上堂滿眼觀不見滿耳聽不聞空劫已前事分明學似君須記取逢人莫錯舉。

佛涅槃上堂諸佛於此轉大法輪諸佛於此而般涅槃正恁麼時甚處見釋迦老子良久云三門頭合掌佛殿裏燒香。

上堂十方諸國土無刹不現身舉頭天外看誰是箇中人。

四月八上堂目顧四方指天指地獨弄單提無不是是普請惡水驚頭澆不忘靈山親受記。

上堂解語非干舌能言不是聲刹刹塵塵爾何處著渾身拈拄杖云看看拄杖子與諸人相見了也卓一下下座。

謝典座上堂云叢林法社共成禪雪老當年用此機頸上手巾腰下杓至今千古有風規。

老和尚尙忌辰拈香云咄這尊慈口甜心苦帶累我儂破家蕩戶者僧話墮處直下明明舉一炷栴檀充宇宙誰道黃金如糞土。

上堂臘人是今朝如來成道日夜半見明星從此生荊棘荊棘生人間天上錯流傳。

除夜小參去年來年年事日來日往日新木人撫掌呵呵笑一段風光盡不成見便見莫沈吟樓上已吹新歲角堂前猶點舊年燈。

復舉僧問古德年窮歲盡時如何德云東村王老夜燒錢師云年窮歲盡有何言東村王老夜燒錢野鬼閑神俱屏跡無依無欲是金仙。

上堂此衆無枝葉唯有諸貞實我法妙難思五千人退席豎起拂子云看看劒刃上事非等閑擲拂子下座。

赴萬壽請上堂嘉然平地一聲雷驚得蟬銀眼豁開是聖是凡俱不立何妨隨處舞三臺。

住平江府萬壽報恩光孝禪寺語錄

侍者 慶會 編

上堂橫按拄杖云既爲達磨種草須是識得者箇若也識得者箇十二時中許汝諸人有箇受用處三世諸佛也恁麼歷代祖師也恁麼天下老和尚也恁麼

獨有萬壽却不怎麼何故老僧笑指猿啼處更有靈蹤在上方擲拄杖下座

上堂無法可說是名說法。搥擗堆頭重添擗盡底掀翻歸家穩坐。且道到家後如何。良久云。切忌鉢盂安欄。

上堂一二三四五。五四三二一。無量妙義門。皆從此經出。且道此經從何而出。卓拄杖一下下座。

上堂舉乾峰示衆云。法身有三種病。二種光。須是一種一透得。始解穩坐。雲門出衆云。庵內人爲甚不知庵外事。峰呵呵大笑。門云。此猶是學人疑處。峰云。子是什麼心。行門云。也要和尙相委。峰云。直須與麼始解歸家。穩坐。門喏喏歸衆。師云。乾峯眼空四海。大似傍若無人。雲門是精識。精不覺舌頭。挖地正恁麼時。向甚處見二大老。一點水墨兩處成龍。

上堂趙州無佛性。豐干太饒舌。南泉一枝草。雲門乾屎橛。萬壽又作麼生。滿口是舌。都不能說。

上堂光陰何太疾。如白駒過隙。惟有衲僧家。日日是好日。畢竟衲僧有甚長處。良久云。千虛不博一實。

上堂去年梅今年柳。馨香顏色常依舊。不別陰陽別是春。靈根本是吾家有。

上堂彌勒真彌勒。分身千百億。時時示人時。人俱不識。且道不識底作何面目。以拂子打一圓相下座。四月八上堂。目顧四方。法中之王。將何報德。一杓香湯。

上堂唇上碧斑。寶豹博舌。頭常的帝都。丁爲鷲繡出。從君看不把金針度。與人擲拂子下座。

上堂舉盤山道心。月孤圓。光吞萬象。光非照境。境亦非存。光境俱亡。復是何物。擲拂子云。直下來也。急著眼看。

上堂暑退涼生。風高露冷。葉落歸根。藏頭露影。趙州喫茶。雲門胡餅。如何是道。明眼落井。參。

住臨安府崇孝顯親禪寺語錄

侍者 法清 編

上堂云。去年貧。未是貧。買帽相頭。今年貧。始是貧。據款結案。去年貧。無卓錫之地。千口猶嫌少。今年貧。錫也無。一身猶恨多。正當恁麼時。又作麼生。誰人知此。

意令我憶南泉

上堂惺惺寂寂是寂寂惺惺非弃却甜桃樹松山摘醋梨如是句中能會得從教人競覓玄微

上堂六月炎炎如火聚就中自有清涼處犀牛扇子護相隨頭角崢嶸誰敢觀觀著如何鷄子過新羅

上堂時不待人月不破五那一著子未敢相許

上堂舉臺山有一婆子凡有僧問臺山路甚處去婆

云驀直去僧纔行三五步婆云好箇師僧又恁麼去

趙州聞云待老僧爲你勘過州往如前問婆亦如前

對州歸爲衆曰臺山婆子我已爲勘破了也師云驀

直驀直青天白日勘破了也一文不直

開山湖州報因佑慈禪寺語錄

侍者 有宗 編

入院指三門云開池不待月池成月自來寒山逢拾

得拈掌笑哈哈

陞座祝香罷師方歛衣就座僧便出衆云選佛場開

有疑卽問師云遲三刻僧禮拜起云便請答話師云

蹉過了也僧云據虎頭收虎尾第一句下明宗旨師

●口疑宅

云裂破僧喝一喝師亦喝僧云是第幾句師云將爲具眼僧云天得一以清地得一以寧君王得一天下治在坐開府相公得一爲國安民和尙得一又作麼生師云橫按鑊鐸行正令僧云記得王右軍捨口爲寺天下歸宗今日相公新建梵宇請和尙開山是同是別師云春蘭秋菊各自馨香僧云有意氣時添意氣不風流處也風流師云文不加點僧云向下文長付在來日師云願觀盛作

師乃云德合乾坤名齊日月最尊最貴惟一惟精如來證此稱無上慧至人得之號無上尊直得天垂玉露地湧金蓮赫赫當陽十方坐斷一句作麼生道四海浪平龍睡穩九天雲靜鷗飛高謝詞不錄

復舉世尊因地布髮掩泥獻花供養然燈然燈指布髮處云此地宜建梵刹時賢于長者拈一莖草插於指處云建梵刹竟師云插一莖草鼎新梵刹然燈賢子已是忒怛且道只今事作麼生等閑坐斷金車峰百川倒流鬧聒聒結夏上堂如來結制日諸緣俱頓息九十日長期禪

僧口掛壁咄正是黑牛臥死水

上堂舉楊岐示衆云身心清淨諸境清淨諸境清淨身心清淨還知楊岐老人落處麼就船買得魚偏美踏雪黏來酒倍香

上堂薰風自南來殿閣生微涼要知端的意拄杖爲敷揚擲拄杖下座

上堂上元佳節是今日匝地普天星斗出好向機先著眼看莫教蹉過然燈佛

上堂舉僧問馬祖如何是佛祖云卽心是佛師云若也直下見得三世諸佛盡向箇裏發現其或未然更聽古人一偈無形無影透人懷二月桃花被拆開就樹撮將黃葉去入山推出白雲來

上堂伎倆有盡我默無窮達磨不識眼睛耳聾

住平江府靈巖山崇報禪寺語錄

侍者 惟珪 編

上堂開眼見明合眼見暗開眼合眼知而故犯一毫頭上現乾坤堪笑雲門嘖顧鑑

上堂僧問曰可冷月可熱衆魔不能壞眞說未審如

何是眞說師云一棒一條痕一摺一掌血僧云只如保寧勇和尚道潮田種稻重收穀村路逢人半是僧還諦當麼師云只道得八成僧云恁麼則今日和尚出他古人一頭地去師云莫埋沒人好僧云承聞和尚先曾有言十語九中不如一默還當得眞說也無師云老僧無此語僧云領師云切忌向那裡掇根僧云德山入門便棒臨濟入門便喝二大老恁麼爲人相去多少師云總是隔靴抓痒僧云未審如何是和尙親切爲人處師云禮拜著僧便禮拜師云捧上不成龍師乃云一棒一條痕一摺一掌血自古至今人幾箇親薦得直饒薦得只得一撇爲甚如此若是棟梁材豈假栽種得

上堂舉南泉示衆云我自小牧一頭水牯牛擬向溪東放未免食他國王水草擬向溪西放未免食他國王水草不如隨分納些些總不見得師云南泉水牯自天然隨分些些任變遷長嘯一聲天地窄了無佛法與人傳喝一喝下座

上堂秋風冷秋桂香秋露白秋葉黃秋蛩吟聲短長

此時景有餘光。便怎麼去。正好喫棒。須知遠烟浪別。有好商量。

上堂。今朝七月一解。夏半月日。摩挲拄杖子。笠頭動拂拭。狗子無佛性。一文也不直。何故。黃金自有黃金價。豈可和沙賣與人。

上堂。大事未明。如喪老妪。大事既明。如喪老妪。大事未明。如喪老妪。即且置。大事既明。爲什麼。亦如喪者。妪明眼。衲僧一舉。便知其或未然。清平渡水。

上堂。時節若至。其理自彰。一番新雨過。禾稻弄微黃。上堂。拈花微笑。接響承虛。斷臂安心。埋沒自己。以至拈椎。豎拂。擎杈。輓毬。總是乞兒伎倆。若是箇漢。豈肯受這般茶飯。須知人人脚跟下一著。如十日並照。更來這裏討甚碗子。拈拄杖下座。一時趕散。便歸方丈。上堂。雲門有一曲。臘月二十五拍拍是令。全身裏許。阿呵呵。萬像森羅。齊作舞喝。一喝云。是何言語。

上堂。梵志翻著襪。是人皆道錯。寧可刺你眼。不可癢我脚。莫莫。醒醐上味。醞成毒藥。

上堂。便怎麼去。千了百當。不怎麼去。百了千當。畢竟。

事作麼生。襌帳蒙頭萬事休。此時山僧都不會。二月十五日上堂。一切法不生。一切法不滅。若能如是。解諸佛常現。前箇裏薦得。便見黃面老子。法身常住而不滅也。設或未然。下座。詣大殿炷香。作禮。忽然磕著額頭。整著鼻孔。始信道不欺於爾。

上堂。收麥纔了。插秧來終日忙忙。安在哉。直下更無回避。所優鉢羅花。當處開。

上堂。前念是凡。後念是聖。脫體無依。因那打正。便與麼時。如何須彌頂上。擊金鐘。七佛如來。合掌聽。

上堂。舉洞山示衆云。初秋夏末。兄弟東去。西去。直須去萬里。無寸草處去。師云。洞山怎麼告報。已是入泥入水了也。若也未知。下落靈巖。更爲重說。偈言。萬里無寸草。衲僧何處討。蘼雪喫冬瓜。誰知滋味好。上堂。撼動禾山鼓。吹起少林笛。當機覲面。提覲面當機。疾咄。一任風吹日炙。

至節上堂。暑運推移。日南長至。自古自今。同天同地。靈山一會。尙儼然雷音堂中。談不二。便下座。退院上堂。孤雲野鶴。何天不飛。這一句子。同道方知。

住臨安府西湖澄翠庵語錄

侍者 道果 編

指門云。礙處非牆壁。通處沒虛空。雙關俱透徹。別是一家風。

陞座。三人爲叢林。四人爲大眾。拈起拄杖子者。箇有殺有活。有擒有縱。等閑信手拈來。用直教凡聖盡潛蹤。卓一下云。百發百中。

上堂。葛公住此山。此山湛如藍。只今何處去。猶自口喃喃。

上堂。月已破。五年又過半。拄杖拈來如何判斷。百年三萬六千日。也是秦時轆轤續。

上堂。此世不移動。彼世不改變。當處發生。隨處滅盡。阿呵。呵。見不見。秋風一陣來。落葉兩三片。

上堂。問。訊燒香。閑行靜坐。與麼分明。是箇什麼。

上堂。一日不作。一日不食。太平搬土。石霜泥壁。洪山斷足。仰山作息。澄翠門下。朝朝入室。如上所供。並皆詣實。

上堂。一法若有毗盧墮。在凡夫萬法若無普賢失其

境界。正當與麼時。如何猛虎當路坐。

上堂。臘盡春至。頭頭顯。示雪裏梅花。馨香撲鼻。喝云。認著依前還不是。

上堂。衆集定良久云。露便下座。

上堂。一九與二九相逢。不出手。因甚不出手。免見揚家醜。

上堂。山奇水秀。洞中天。與麼分明。知幾年。左右逢原。無限意。幾人於此徹根源。

住湖州烏回山密嚴禪寺語錄

侍者 惠開 編

上堂。法法本來法。無法無非法。拈起拄杖云。這箇是烏回拄杖子。那箇是本來法。擲拄杖下座。

施主設粥。開浴。請上堂。昨日入院。今朝設粥。齋罷喫

茶。參前澡浴。箇是靈山。親付囑。以拂子擊禪床下座。

除夜小參云。朝朝相似。日日一般。年窮歲盡。盡底掀

簾。且道。掀簾後如何。依舊孟春猶寒。喝一喝下座。

上堂。人笑鶻鴂。鶻鴂自不拙。兩莖柴子。上一生打

得徹。打刀須是并州鐵。

上堂身心一如。身外無餘。爲什麼火熱水冷。喝云。一任安名立字。

上堂今朝四月一結夏。又在卽。若是到家人。日日是好日。

上堂鶴立松梢。月魚行水底。天風光都買盡。不費一文錢。須知此語無窮。日只恐滄溟有盡年。

上堂今日十。昨日九。日來日往。阿誰知有未了之人。聽一言。只這而今誰動口。

十三日參前入室。罷就座。再鳴鼓。普設衆集定。師拈起拄杖云。有拄杖與拄杖。無拄杖奪拄杖。衆中莫有會底出來。道看衆無對。擲下拄杖云。高著眼。師於是端坐。至更盡。遂顧左右曰。釋迦老子也如是。吾亦如是。侍僧請留偈。師卽書云。來時無蹤去時無跡。七十五年。青天霹靂。書罷放筆而逝。

頌古

侍者 德秀 編

世尊初生下時。周行七步。目顧四方。一手指天。一手指地。云。天上天下。唯我獨尊。

指天指地。無處回避。瞿瞿瞿。討甚巴鼻。

卽心是佛

青天霹靂。何處尋覓。一人傳虛。萬人傳實。

僧問古德。嶮惡道中。以何爲津梁。德云。以何

爲津梁

以此爲津梁。赤髯露堂堂。風光都買盡。當處是家鄉。

雲門話墮

青出於藍。而青於藍。坐籌帷幄。鍛聖鎔凡。

南泉云。我三十年前住庵時。有箇剎利道者。

至今尋覓不見

剎利道人何處去。至今尋覓杳無蹤。有時冷地思量。

著不覺。全身在碧峯。

平常心是道

張打油李打油。不打渾身只打頭。今朝有酒今朝醉。

明日愁來明日愁

德山托鉢

傀儡棚頭。全火祇候。明眼人前。一場漏逗。

趙州夾火。示衆云。我喚作火。汝不得喚作火。

趙州喚作火。全身入荒草。我今不是渠。渠今正是我。
德山初到龍潭。問久嚮龍潭。及乎到來。潭又不見龍。又不見潭。云子親到龍潭。

出乎爾者。返乎爾。箇裡那容說道理。踏雪沽來酒。倍香就船買。得魚偏美。

僧問立沙學人。乍入叢林。乞師指示。沙云。還聞偃溪水聲麼。僧云。聞沙云。從這裏入。

乾坤獨立。從者裏入。風吹不著。雨打不濕。

僧問報慈情生智隔。想變體殊情未生時。如何。慈云。隔。

報慈一隔。描邈不得。大用現前。不存軌則。

僧問智門。如何是衲衣下事。門云。臘月火燒山。

臘月火燒山。毫髮不相瞞。佛手遮不得。人心似等閑。

雲門乾屎橛。

虚空迸裂。當處超越。堪笑雲門多這一橛。

世尊陞座。文殊白。隨云。諦觀法王法。法王法如是。世尊便下座。

見成活許。莫周遮。椎下分疎事。轉差若是咬人獅子。子何須牙上更安牙。

風幡話

不是風兮。不是幡。入泥入水。與人看。莫把是非來辨。我浮生穿鑿不相干。

鬬賓國王斬師子尊者因緣

佛法王法。更無兩樣。直下一刀。未爲諦當。

洞山麻三斤

唇上碧斑。賓豹博舌。頭當的帝都。丁頻呼小玉。元無事。只要檀郎認得聲。

讚佛祖

三教

一卽三三卽一者。一箇讚不及。天人羣生類。皆承此恩力。

須菩提

老老大大。岩中宴坐。帝釋雨花。見箇什麼。

千手眼觀音

通身是遍身。是觀世音。無盡意願。以此功德。普及於

一切

達磨祖師

手提金錫。銀山鐵壁。對朕者誰。還云不識。透過玄關。
青天白日。

百丈和尚

獨坐大雄峯。宗通證亦通。咄者老漆桶。不落有無中。

黃檗和尚

一棒一條痕。一摑一掌血。殺人能活人。不傳之妙訣。

臨濟和尚

一喝當陽寸絲不挂。撓括叢林至今話。欄。

雪峰真覺祖師

三到投子。九上洞山。鰲山成道。已是自瞞。阿呵呵。惹得虛名走世間。

禪人寫師頂相求讚

或處禪林。或居樹下。或在僧房。或白衣舍。法惠寫出。如是觀。單明張拙秀才話。

同

禪不參道不學。箇樣村僧唱喏也。錯錯一段風光無。

處著

自讀

者村叟。能傑斗。臨胡床。一不守。臨機拶著。火星飛。驚起須彌。顛倒走。

信菴居士畫 月菴老衲月林頂相 求讚

佛祖權衡。人天眼目。瞻之仰之。鼎分三足。休言六耳不同謀。斷絃須是驚膠續。

小佛事

入塔

圓侍者。諾三呼三應。話頭圓。只這些兒。不受傳別起。眉毛何處去。太湖依舊水連天。

起龜

唯一堅密身。一切塵中現。把住放行。萬化千變。堅禪人急須。薦西風一陣來。落葉兩三片。

生死俱不道。明明已說破。透脫兩重關。活計天來大。周大德還知麼。有佛處不得住。無佛處急走過。

入塔

若人識得心。大地無寸土。脫體絕承當。何處有生死。

心上座須記取無形本寂寥。能爲萬象主。

爲滿上座下火

滿目是風光。臘月二十五。警爾便知歸。唱起無生曲。且道無生曲。作麼生。唱以火把指龜。回照顧火燭。

爲閻上座下火

地水火風夢幻泡影。三十三年一彈指。頃間上座宜猛省。烈焰光中轉得身。乘時坐斷毗盧頂。

偈頌

化佛五臟先被人偷了

古佛行藏識者稀。爲人一著太孤危。驚然撞著白拈賊。倒腹傾腸付與伊。

題中峯方丈

森森松竹聳中峰。八面玲瓏眼界空。盡向石根尋馬跡。誰人親見道林翁。

木魚

敲空作響人皆聽。聽之時非是聲。海藏龍宮留不住。却來箇裡現全身。

祖芳求僧

要得聯芳繼祖燈。直須發憤傲盧能。三更月下傳衣鉢。驚動黃梅七百僧。

幹簾席

捲起簾來見天下。千古叢林作話欄。承天今日再提撕。一段風光無縫罅。

和蔣御帶瀾閣中三偈

威音那畔絕安排。箇裡何曾有去來。如是住而無所住。摩醯眼向頂門開。

唯憑者箇薦巖妻。借路經過般若池。撒手那邊無避處。大洋海裡火星飛。

威風凜凜實難棲。正是靈山受記時。老倒月林無別說。非心非佛總非非。

辭李大諫再住萬壽

年來老倒覺癡頑。振作叢林豈等閑。珍重賢侯休更問。且容懶散臥雲間。

靈巖金鉢堂化長明燈

龍潭吹滅吊燭真。箇人天眼目。舉似龐公點頭祖。祖燈燈相續。

上伯井亭

曹源一滴水散作人間瑞茫茫宇宙中幾箇知慚愧

童子求頌

山童山童叉手當胸高低普應當在其中

惺惺石

惺惺石上坐頻呼絕後依前又再甦自古自今無變異直教觀著眼睛枯

月林觀和尚語錄終

爲人師友人天眼目與一切人不同凡事更宜子細不可草草一言半句落在人耳作萬古罵門寺門大。小事務盡付司局不可屑屑地放教肚皮如海關世間無物不包容專一行方丈職事晝夜不捨與兄弟朝參暮請單明此事凡百省緣諦審先宗是何標格老僧四十年前在潭州龍牙山見信無言和尚逐日入室與兄弟說話入室罷不下田使牛便入園種菜放作隨人工瓦碗竹筴生平一紙衣布袴而已豈非

豈非下語

徒恐從

文章之士張安國。迺天下狀元。尊敬之爲師。今之長老。此風掃地。令人塞心。子宜自勉。雖然。又要左右辨事。得人道心。廣大凡事。聽徒主法人區處。始得內方外圓。不可杜撰。取笑。傍觀須知。此語無窮。極只恐滄溟有盡。年嘉定丙子十月。中泠澄翠庵月林老僧師觀書付天平方丈孤峯長老。

體道銘

上士參玄人。光陰莫虛棄。渡江須用船。爲人須有志。名相各不同。非一亦非二。佛法苦無多。於中無別伎。動著關楫子。非師自然智。徹底老婆心。觸人無忌諱。剎境一毫端。到此無迴避。唱起德山歌。道者合如是。佛祖出頭來。吞聲須飲氣。作略這些兒。古今無變異。混沌未分時。早有箇田契。人人本具足。不肯回頭視。箇箇達本鄉。切忌著名位。過去諸如來。不離而今嘆。現在諸菩薩。轉次而受記。智者暗點頭。心空親及第。愚人不信受。拋家自逃逝。哀哉猛省來。現成真活計。箇裏用無窮。宗門第一義。左古逢其源。亦不離行市。

銅頭鐵額兒。腦門須著地。願以此功德。普及於一切。

祭文

維嘉定十年歲次丁丑四月丁未朔十六日壬戌朝奉大夫主管建寧府武夷山冲佑觀陳賁謙謹以齋蔬香茗之奠致祭于

新圓寂月林大禪師。嗚呼學佛之道。以偏爲病。行不究理。或遺行。既落斷常。云何究竟。堂堂月林。獨得其全。高提心印。佛祖單傳。六度齊修。果滿因圓。毘盧怒罵。消融太空。包笠翛然。任性西東。我始識師。闔廬之城。契濶歲年。再見益親。今我來遊。值師示疾。雷音晝吼。蛻質夜寂。深知至人。本無來去。而我何爲。未忘惻楚。迦陵絕鳴。衆鳥飛舞。豈惟緇流。莫破聲響。吾道非耶。失此良助。尙有後緣。重爲師舉。實實的子。素所印許。當結法社。龍山之塢。師逝不遠。與之共住。齋饌陳前。尙證我語。尙饗。

月林觀禪師塔銘

朝散大夫知太平州軍州兼管內觀農營田事陳賁謙撰 朝奉郎尙書禮部員外郎陳 誼書 朝請大夫眞寶文閣兩浙路計度轉運副使趙伸夫篆

師名師觀。道號月林。福州候官黃氏子。八歲牧牛。鞭叱間。忽若有省。遂屏羣血。不茹。十四歲入雪峯山。投忠道者出家。尋至荆南二聖寺。朝夕研究。趙州狗子話。因洗滌。次口自成頌。從此慧解橫發。師心知其非。不作聖說。閉門苦參。二十四祝髮受戒。具禮住山。戒準爲師。時證老衲住澧州光孝道法盛。行師徑造其室。衲云。若能轉物。卽同如來。面前香臺作麼生。轉師云。築著。撞著。衲叱云。去。會衲退席。師往來雲蓋。馮仰者。四季復歸雪峯鼓山。時可菴然。尤溪印俱在。閩中師歷扣與之爭鋒。然自以爲未足。聞老衲移住饒之麓福。卽徒步從之。看雲門話。墮話者又十年。一日遷蓮池而行。自舉云。那裏是有僧話。墮處豁然大悟。遂造方丈。自通衲問。諸訛在什麼處。師云。豈不是張拙。

秀才語訥云禮拜即以法衣付之自此盡得向上機用前無堅壁矣訥遷四祖移大洪師皆與俱又嘗至廬陵見常不輕舉不是心不是佛話師又手常率衆留師居第一座久之東遊雪竇山足菴鑑學以立僧遊育王山佛照光問師悟底人還有自己也無師云適來舉似禪師了照云漆桶師即喝照知師爲老訥法子問那裏是者僧話匪處師云文不加點照益奇之一時禪林法窟爭欲得師爲上首常不輕住瑞巖塗毒策住雙徑皆以偈延師分座師皆諾之塗毒又贈偈云喪盡平生家珍偶到徑山峯頂塗毒微笑一聲唯渠點頭自領繼又爲遜庵演無證修分座說法於蘇常間縑素歸重不容晦藏嘉泰初年踰五十矣吳門聖因寺虎席諸山合辭請師出世宴坐凡四年遷住承天再遷萬壽吳人久服師道行施者傾園學者問法戶外之屨常滿如是者又幾十年老勸應酬退處西湖爲終焉計李開府姜叔寺於上柏日報因具衣冠造師固請爲之開山其後復住平江靈巖又其後也武康烏回寺僧偕鄉人數百環拜而請師復

勉從之所住卽爲大叢林垂慈接物隨其根譬示以方便至室中則機鋒峻峭不可湊泊晝夜危坐念慮□徹六坐道場僅以巾鉢自隨微有不合倏然去之未嘗回顧人多不知其所往芒鞋徒步至老不變始或疑其出於矯拂隨起深信因自調伏者良不少也後住烏回時已示疾日猶再鼓入室且曰桂花開時吾行矣俾其徒預結夏制已而桂果盛開晨輿集衆普說趺坐深定至夜一鼓顧左右曰釋迦老子如是吾亦如是侍僧請留偈書已擲筆而行嘉定丁丑四月十有三日也閱世七十五坐五十一夏闍維煙霧結如臺蓋舍利無數皆成五色其徒卽寺之西壘塔以藏其骨弟子妙湛繼踵住山實崇奉之造余門而請曰先師託交遊甚久且嘗遺之以詩又題其語錄矣今願得銘銘曰

楊岐七世 冷然家風 現水中月 似空非空
六坐道場 單提祖令 如大火聚 鎔凡煅聖
惟烏回山 是爲師塔 青山流泉 常說妙法
毋曰是塔 足以見師 夜半有衣 尙克嗣之

嗣法小師德秀 重刊

敬贊

月林觀禪師

示現人間忍辱仙。單提獨弄祖師禪。生涯一鉢無安處。惟有聲名萬古傳。
傳得西林夜半衣。解將鐵笛逆風吹。重重話墮金擔。荷青出於藍。只自知。
與師曾結宿生因。一笑吳門二十春。再見已忘標月指。無言可贊法王身。


嘉定丁丑浴佛日

三山陳實謙益文

月林禪師。蔡林老作。聲譽四馳。七菴名山。緇素欽敬。應機垂語。信乎方圓。繩墨無拘。脫略窠臼。誠開口不在舌頭上。若向言中取。則紙上追求。要見月林遠之遠矣。皆嘉定十年丁丑十月望日。住平江承天鐵轅元韻跋。

運菴普巖禪師語錄

宋
•
元 少瞻普巖
靖 等撰
編



運菴和尚語錄

目次

鎮江府大聖普照禪寺語錄

眞州報恩光孝禪寺語錄

安吉州道場山護聖萬壽禪寺語錄

法語

贊佛祖

頌古

偈頌

行實

運菴和尚住鎮江府大聖普照禪寺語錄

侍者 元靖 編

師開禧二年三月初八日平江府寶華山受請入寺
三門豁開戶牖直出直入鮎魚上竹竿俊鶻趣不及
泗洲殿出現楊州坐斷壽丘脚跟不點地贏得一身
愁不是冤家不聚頭
方丈日面月面霹靂閃電直下來也急著眼看
拈帖馬頭回牛頭沒一字入公門九牛曳不出
拈衣箇樣皮毛千化萬變黃梅鶻頭謾自流傳後代
兒孫可貴可賤

法座坐而不住住而不坐滴水生氷因風吹火陞座
拈香祝

聖畢次拈香云此香堪笑又堪悲剛把愁腸說向誰
治父山前曾落節千鈞之重一毫釐盡情拈出供養
前住臨安府景德靈隱禪寺松源老師大和尚用酬
法乳之恩遂就座甘露諾庵肇和尚白槌云法筵龍
象衆當觀第一義師曰鼓聲未動此座未陞好箇古
佛樣子莫有知時別宜底麼僧問橫擔拄杖縱橫虎
穴魔宮倒握吹毛直下殺佛殺祖正與麼時如何師
曰崖崩石裂進曰今日小出大遇去也師云勾賊破
家進云師唱誰家曲宗風嗣阿誰師曰驢事未去馬
事到來進云莫是松源的子東山正傳麼師云此去
西天十萬程進云向上還有事也無師云一東二冬
叉手當曾進云學人不曾師云江西馬大師南岳讓
和尚僧禮拜師云今日失利 乃云衝開碧落萬象
平沉喝散白雲古今獨露全彰意氣不在躊躇撒火
飛星擡眸萬里鞠其趣向別有來端妙轉綿綿甚生
標格直得三世諸佛六代祖師只眨得眼到者裡推

不進前搜不退後世出世間承誰恩力還委悉麼萬
方有慶歸明主又見黃河一度清

復學閩王請羅山陞堂山欽衣顧視大眾便下座王
近前執山手云靈山一會何異今日山云將謂你是
箇俗漢師拈云龍驤虎驟玉轉珠回裂破古今白珪
無碯雖然坐致太平要且未能勦絕擊拂子打刀須
是別州銀白槌云諦觀法王法法王法如是

當晚小參納僧家如龍似虎飄風驟雪阿誰奈何得
你有時拈一莖艸作丈六金身有時吹一布毛傳正
法眼離四句絕百非清寥寥白滴滴直透萬重關不
住青霄外千手大悲提不起燦迦羅眼莫能窺至於
提一機示一境崖崩石裂百川倒流爲佛祖梯航作
人天榜樣與麼告報還有人檢點麼卓拄杖云驢不
及舌復舉瑯琊和尚問法華和尚近離甚處公案師
拈云盡謂瑯琊被法華干戈爭知法華被瑯琊勘破
雖然豈不見道見利而忘義故君子之道鮮矣
謝兩序上堂風雲合匝龍虎交馳一進一退各適其
宜叢林烜赫慧命流輝壽丘面皮厚多少惟許通方

作者知

上堂入院數日來人事開闔兩脚走如烟眼不見
鼻孔大聖囑師聞得出來道箇希有何故過去燈明
佛本光瑞如此

淮東歸上堂歸來出去迦葉貧阿難富出去歸來南
天台北五臺目前包裹滿面塵埃禹力不到處河聲
流向西

上堂舉靈雲見桃花悟道頌玄沙云諦當甚諦當敢
保老兄未徹在師云同坑無異土決定有疎親
松源先師忌日拈香近之不遜遠之則然無義無情
可貴可賤一年一度雪深冤畢竟無人是的是傳

上堂過去諸如來斯門已成就一槌擊碎現在諸菩
薩今各入圓明風火交煎未來修學人當依如是住
舌拄上齶壽丘與麼道也是與賊過梯

瑯琊蒙谷和尚至上堂故人方外來相見便相悉倒
指三十年道義同一日鐵壁銀山十分狼藉直得同
聲相應同氣相求西河師子在汾州

上堂舉曹山因僧問清稅孤貧乞師賑濟山召云稅

閻黎僧應諾山云青原白家三盞酒喫了猶道未沾唇師云毒攻毒楔出楔老曹山不識別那裡是者僧喫酒處

眞州報恩光孝禪寺語錄

侍者 智能 編

拈帖令不虛行箭不虛發儻或躊躇二九十八歲旦上堂舉僧問鏡清新年頭還有佛法也無清云有僧云如何是新年頭佛法清云元正啓祚萬物咸新僧云謝師答話清云鏡清失利又僧問明教新年頭還有佛法也無教云無僧云年年是好年日日是好日爲什麼却無教云張公喫酒李公醉僧云老老大大龍頭蛇尾教云今日失利師拈云有與無非意氣明教鏡清二俱失利有問報恩新年頭還有佛法也無拈拄杖使打何故總不可作野狐精見解上堂黃蘗示衆云汝等諸人盡是噇酒糟漢公案舉了拈云洞門無鑰劍閣崔嵬風露高寒且非人世是則是天上人間知幾幾者僧一問不將來黃蘗通身是泥水

冬至上堂卓拄杖云一陽生也樹頭驚起雙雙魚石上迸出長長筍靠拄杖云即日伏惟兩序高人現前清衆履茲長至倍膺戩穀喝一喝俗氣未除

上堂季春漸暄鳥啼花笑恒沙數見聞覺知悉皆了了因甚西天老凍膿總被聲色轉却致令後代兒孫一箇箇擡脚不起且道利害在什麼處金屑雖貴落眼成翳

上堂一葉落天下秋一塵起大地收臨濟掌黃蘗南泉喚趙州開口不在舌頭上夜濤催發海南舟

安吉州道場山護聖萬壽禪寺語錄

侍者 惟衍 編

上堂龍吟虎嘯斗轉星移剗除上古風規開闢今時樞要法社自然號令斯文可以日新一舉堂頭如何敲唱妙舞不須誇拍變三臺須是大家催上堂舉臨濟入京教化至一家門首云家常添鉢婆云太無厭生濟云飯也未得何言太無厭生婆便閉却門師拈云家常添鉢臨濟平地活埋太無厭生婆婆死而不吊

上堂舉石霜慈明或時方丈內以水一盆上割一口劍下面著一繡草鞋以拄杖橫按膝上僧入門便指擬議棒出師拈云巧笑兮倩美目盼兮素以爲絢兮顯慈諸庵和尚至上堂顯慈鼻祖諸庵法兄機如電掣辯似河傾無心相撞著分外得人憎彼此不堪爲種艸先師之道轉踰躡

上堂山僧昨夜三更夢中被一陣黑風吹墮羅剎鬼國幾乎性命不存賴得曉鐘一動驚覺起來開眼合眼千頭百緒帶累胡達磨釋迦文祖闍漆桶堂中上座總少他一分不得何故仁義盡從貧處斷世情偏向有錢家

松源先師塔頭拈香斷楊歧正脉壞臨濟綱宗赤土塗牛欄密室不通風身前身後不了深塵白雲之中非父子挾路相逢澗溪猿相鈍置謝郎錯認釣魚船

上堂舉資福示衆云隔江見資福利竿便回脚跟下如與三十棒何況過江來時有僧纔出福云不堪共語師拈云勾賊破家

顯隱石鼓和尚至請上堂師引座云宗門中有一千七百則公案號曰古令又爲長物拈起則汚人唇齒且撥置一邊禪僧家各有一則公案離畔壁倒塞壑填溝直是扶持不起問佛不會問祖不會問向來大白無用叔祖不會問靈隱松源先師不會道場也不會幸遇石鼓法叔光訪山間必爲解粘去縛抽釘拔楔使小姪舉衆得箇安樂也不定所謂一東二冬又手當胸下坡不走快使難逢下座同伸拳請願垂開示

開山伏虎禪師忌日拈香老訥今朝死老巖今日生二俱無伎倆有夢不同牀黃緣繼踵香火荒涼肝腸鍊作也須裂驢屎如何比麝香元宵上堂一燈然出百千燈燈燈無盡不審這一燈從甚處出卓拄杖且不從者裡出良久云竹杖化龍去痴人屎夜塘

上堂毀於佛謗於法不入衆數是什麼人道場賦性偏窄直是不容不免與它本分草料橫向他方世界冷地裏有箇舊地終不孤負老僧

冬夜舉洞山與泰首座喫果子公案師云老洞山玷辱宗風泰首座埋沒自己雙雙繡出鴛鴦千古扶持不起

伏虎禪師忌日拈香四年承乏雲峰寺暗寫秋腸寄阿誰每到十一月初五一狐疑了一狐疑故我開山伏虎禪師指柳罵楊傷龜怒鼉你死我活莫說一盤鹿茶一炷香也勝和盲教訴瞎

除夜小參千聖不傳底機填溝塞壑衲僧道不得底句戴角擎頭年窮歲盡命若懸絲臘盡春回石人撫掌與麼與麼法出好生不與麼不與麼徐六擔版如斯告報且不作佛法商量又不作世諦流布只如東村王老夜燒錢又作麼生喝一喝

復舉德山小參不答話公案師拈云德山平生據一條白棒佛來也打祖來也打無端向這僧面前納疑致令千古之下遭人檢點今夜莫有救得德山底麼

擲下拄杖
松源先師忌日拈香頂短耳聾千妖百怪如是三十年續東山正脉我也錯商量三拜一爐香一任傍人

說短長

法語

示守德禪人

佛祖之道如大日輪昇于虛空無所不燭只爲情生智隔想變體殊故勞我黃面老師四十九年東說西說末後拈花微笑至於西天此土祖祖聯芳燈燈分焰無非提持箇事不妨透頂透底截鐵斬釘可謂一盲引衆盲相牽入火坑若是箇殺佛殺祖底漢便乃逆風揚塵衝波激浪朝游羅浮暮歸檀特羅籠不肯住呼喚不回頭於佛界魔界刀山火聚出沒變通自由自在滅却臨濟正宗瞎却正法眼藏似與麼操志立身似與麼出家行脚似與麼提持正令也只救得一半況或三咬兩咬咬不斷依前打入骨董袋裡去非唯埋沒自己亦乃鈍置先宗莫恠壽丘多口你自冷地相度

示龍華會首韋德通

抱道之士根器不同舉措有異凡吐言出氣千聖莫知趣向縱是釋迦彌勒亦難近傍至於警轉生死去

來淨穢兩境逆順是非塵勞煩惱轉見力量彌著確乎其不可拔豈止虛而靈空而妙如青天轟一箇霹靂擬擡頭早覓他蹤跡不得蓋命根一斷到大安樂之場了無餘事日銷萬兩黃金亦未爲分外喚什麼作涅槃般若喚什麼作直指單傳喚什麼作生死根塵喚什麼作天堂地獄大咲一聲天回地轉若如是操履方有少分相應稍胸中礙膺之物不除妄相升沈不歇要擬向上宗乘如掉棒打月若欲易會一發打辨精神屏却舊時窠窟一躍龍門飛騰雲漢至不可說不可說香水海那邊猶有餘地豈止散生死者哉不見蟾首座問洞山佛真法身猶若虛空應物現形如水中月作麼生說箇應底道理山云如驢覷井蟾云是則是只道得八成山云首座作麼生蟾云如井覷驢看它古德漆桶相挨便乃生風起艸向未開口以前捏定咽喉則彼此有分堪爲從上爪牙後世龜鑑者也余丙寅歲季秋來掃洒是刹適滋事未寧米價湧貴而會中供辨米麥不輟蓋會首處士韋德通正因出家正因修行正因操履留心於法門有年

補於常住者多矣晚年之間究竟向上一段光明爲敵生死照破昏暗超出三際乃是不虛出家之志袖炷看求語警策書此昭示云

贊佛祖

觀音大士

草木丘陵風雷雲氣具足妙相尊證入三摩地萬象森羅從鼎沸

達磨大師

事航身險風急水寒九年面壁用盡心肝大唐人不識隻履過西天單傳直指待驢年

百丈大師

親見馬簸箕面目甚奇怪鼻痛野鴨飛漆桶好不快只見祥麟一角尖定知罪犯彌天大

布袋和尚

山月未出海雲忽飄眼目而坐歸路迢迢布袋裡頭無長物許誰胡蝶夢溪橋

濟顓書記

毀不得贊不得天台出得箇般僧一似青天轟霹靂

走京城無處覓業識忙忙風流則劇末後筋斗背翻
煨出水連天碧稽首濟顛不識不識挾路相逢捻鼻
頭也是普州人送賊

頌古

世尊指天地

自謂五更侵早起誰知更有夜行人條風塊雨今非
昔堯舜垂衣萬國賓

初祖見梁王

擡頭霹靂不容追缺齒胡僧陷鐵圍六合空空風悄
悄杜鵑啼月不如歸

心不是佛智不是道

月淡江空泛小舟唱歌和月看江流更深欹枕夢何
處兩峰清霜曉未収

狗子無佛性

鎖壁銀山幾萬重有無之字若爲通斬關豈在拳旗
手枉有虛名落漢中

趙州洗鉢

洗鉢家家事一同新羅不在海門東因行掉臂趙州

良隱吳

老身在烟蘿第幾重

百丈野狐

搥杯抹粉沒人猜五百生中與麼來觀體風流有多
少不知何處可安排

趙州百骸

百骸一物貞薰天風起今朝病一般酷恨雙雙醫不
得枕邊空聽鴈聲寒

青州布衫

等閑提起七斤衫多少禪和著意參盡向青州做窠
窟不知春色在江南

芭蕉拄杖

洗腸換骨老芭蕉拄杖拈來價轉高賣與買人人不
買翻令平地起波濤

密菴沙盆

如是如何正法眼驀然突出破沙盆依稀渭北春天
樹彷彿江東日暮雲

偈頌

大義渡

孩兒不見棄渾身可惜婆婆眼不親白浪洪波無了
日至今愁殺渡頭人

大藏主號鏡中

孤光不墮有無間碧落衝開萬象寒撲破果然亡朕
跡從教大地黑漫漫

寄天目禮書記闍回

爪牙消息露三山勘破曾郎想不難一嘯歸來千嶂
曉菸菴不似舊時斑

寄太白幸首座

篝火堆頭潦倒身且無花鳥鬧芳春口邊白醖心如
鎖甘作叢林不義人

題戢菴居士竹亭

疎疎綠葉起清風屈指巡簷數不窮幽致果然難比
況此君未必在其中

送僧見孟侍郎

三秋月冷半山雲來謁維摩必有因特見嶺梅開一
朶也應知道不干春
乘禪者歸蜀

出劍門兮入劍門眼空寰宇一閑身杖挑一滴江南
水散作西川劫外春

送洪維那

笑把虛空一口吞髑髏臂轉振乾坤破沙盆有兒孫
在玉笛橫吹出海門

自贊

斷楊岐正脉滅臨濟綱宗猿啼碧嶂月鎖千峰影落
于闐國人在大遼東應緣淡泊無分從容謂是運菴
眞面目澄潭不許臥蒼龍

又 智密副寺請

妙在轉處密在汝邊繪予面目正中乖偏踏蹊却謝
郎船不撥萬象火冷灰寒我有半子分誰道不完全
十分狼藉難收拾微風吹動碧琅玕

運菴和尚語錄終

炎宋安吉州道場山護聖萬歲禪寺

運菴禪師行實

師諱普嚴字少瞻 高宗紹興廿六年丙子生於四明杜氏也稍長泊然不肯從俗屈首亟從剡落初與石鼓夷公謁無用全公泊諸老

孝宗淳熙十一年甲辰春正月松源岳禪師出世平江澄照唱密菴之道洗鉢衆底參叩勤確時年三十也未幾松源遷江陰之光孝無爲之治父師皆從室中激揚水乳相合命師侍香山中 光宗紹熙改元庚戌秋九月董饒之薦福引師居悅衆解職錦旋矣松源以偈一章驢之治父門庭索東湖風波甚惡知心能有幾人萬里秋天一鷗松源領明之香山蘇之虎丘杭之靈隱報慈凡八會十八年形影相從玄微鑠盡管在靈隱分座接納以母故回鄉北磻簡公作長句唱出叢林至今咏之 寧宗嘉泰二年壬甲秋八月松源臨示寂以所傳白雲端禪師法衣再頂相授與師却衣受像倩破菴師叔請贊江湖伏其識矣師之兄喬仲創菴于四明卽運菴也請師居之

甲辰中

台州般若北磻簡公製勸請疏開禧二年丙寅春三月師在蘇臺寶華受鎮江大聖請出世拈衣云箇樣皮毛千化萬變黃梅驚嶺漫自流傳後代兒孫可貴可賤陞座拈香祝 聖畢次拈香云此香堪笑又堪悲剛把愁腸說向誰治父山前曾落節千鈞之重一毫釐盡情拈出供養前住臨安府景德靈隱禪寺松源老師大和尚用酬法乳之恩移真之天寧湖之道場蓋道場開山訥禪師者湖州許氏目有重瞳垂手過膝抵豫得心印於翠微學禪師乃憩止于此山薙草卓菴參徒四至遂成禪苑廣闡法化所遺壞衲三事及拄杖木屐現今在影堂中嘗行道之時猛擊之獸馴戢如奉教以故學世稱伏虎祖師者也師從領寺事宿弊爲之一革胥曰伏虎再來也夢菴在居士讚師像曰松源嫡嗣伏虎後身接物有驗見地不親叢林沾潤恩波闊萬古雲峰翠色新 理宗寶慶二年丙戌秋八月初四日坐化于此山享年七十有一請靈隱石鼓夷和尚爲對小參云

天澤之道流入東海，汜濫浩濫，暨于無垠者，從我
老運菴一片古帆發洋出來也。其三會錄雖舊刻較
存，亥漫漶，惜乎不與贖翁陳祖之語並行也。予嘗
藏一本，爰并之江月玩公重修自不揣庸劣，覃意校
讐，且加訓點，以授闕氏儻或有箇漢道天澤玄源，果
流通也。未遑，卽曰君其問諸水濱。

元祿甲戌七月小至日

武丘容安軒屬末宗著拜識

天童如淨禪師語錄

宋
•
文 天童如淨
素 撰
等 編

如淨禪師語錄序

五家宗派中曹洞則機關不露臨濟則棒喝分明苟得其由門戶易入雖取捨少異作用弗同要之殊塗一致耳惟天童淨禪師不流不倚兼而有之自成一家八面受敵始以竹篋子久知痛癢後因一滴水漸至澎湖斷壑懸崖斬釘截鐵所謂用法得法外意得魚忘筌得兔忘蹄者也觀其登寶華座若猛虎踞擊大遼鼓作獅子吼直使人天讚仰魔鬼歸降至於一偈一頌一話一言呼風吐雲轟雷掣電千態萬貌不可窮盡近世尊宿絕無僅有者凡歷四大寶刹孤雲野鶴去住自如皆於是見焉故勇猛精進者得之猶入暗室遇大光明見種種色退縮未諭者畏之如子弟之對嚴父師殊不知藥瞑眩而厥疾瘳終有益矣師之得力處出生入死處固難以形迹求作實法會然觀水必觀瀾涉大海從津涯故舍其言無以求其奧也宗上人以師之法語俾予序其篇首予則安能蓋予與師爲鄉國人爲道誼友且心眼相照不可無數語以述大槩因卒爾以附于軼尾若夫發揚盛美

使燈燈相續師之名愈久而愈隆則有當世之名公鉅儒在

紹定二禩歲在己丑桐栢散吏呂澹 敬書

如淨禪師語錄目次

上卷

序

清涼語錄

瑞岩語錄

下卷

天童語錄

上堂

頌古

跋

小參

讚佛祖

普說

小佛事

法語

偈頌

淨慈語錄

再住淨慈語錄

如淨和尚語錄卷上

住建康府清涼寺語錄

侍者 文素 編

師於嘉定三年十月初五日於華藏褒忠禪寺受請入寺

指山門截斷程途、驚直來乾坤洞徹、此門開左邊拍、
兮右邊吹倒翻關板起風雷

指佛殿開殿見佛、眼中毒刺咄拔却刺、禮拜燒香顛倒鉤置

踞方丈扶出達磨眼睛、作泥彈子打人、高聲云看海、
枯徹過底波浪拍天高

師至法座前

拈帖筆頭禿盡一毫、通至治寥寥靜極中舉帖云看、
點起風雲傳號令、雷霆潑墨振綱宗、莫有共相證據、
底麼切忌側耳

拈請疏瞿曇頂骨、夫子眼睛兩彩一賽、玉振金聲、
指法座大地平沈、此座高廣千變萬化無功受賞

斂衣就座問客不錄乃云提綱雲柱懷胎忽然爆裂突出無

孔鐵龍歷劫都盧敗缺直得金粟大士陸王麟堂親

從毛錐子上吹一陣業風使其變作水牯牛徹顛徹

狂東撐西拄南倒北搖未免犯太平水草破清涼田

地深栽荆棘偏布蒺藜以此斷臨濟命根以此瞎

僧眼目以手拍膝云叱叱者畜生驢馬領相勾引

惱亂闍浮笑殺人雖然與麼畢竟功歸何處總在吾

皇聖化中復舉結座三聖道逢人則便出出則不爲人

與化道我逢人則不出出則便爲人此兩則公案驗

盡諸僧難爲著眼忽被我大檀越建康府主等開顛

破舉似清涼可謂龍吟雲起虎嘯風生未免借尙書

鼻孔爲叢林出氣有箇口號舉似諸人一舉首登龍

虎榜太平親到鳳凰池全生全殺超言象更透機先

向上機

請首座上堂拔斷毒蛇尾巴穿住黑牛鼻孔虛空背

上牽來大地六番震動甚惡毒兮甚仇讎屎尿腥臊

汗血流擬將眼覷無蹤跡箇是清涼第一頭喝一喝

元宵上堂過去然燈佛相率弄業識現在漏燈盞光

影瞞人眼未來乾紙撚賊賊無處典咄嚙體前點破
鼻孔裡看見衲僧門下黑漫漫歷劫不分通一線
諸方道舊至上堂大道無門諸方頂額上跳出虛空
絕路清涼鼻孔裡入來恁麼相見瞿曇賊種臨濟福
胎噴大家顛倒舞春風驚落杏花飛亂紅
謝綠西堂上堂梅花清曉香爛熳而借功柳線早春
濃日喧而轉位非那邊去從者裡來哆哆和和兮主
賓妙叶跛跛掣掣兮偏正全該直得泥人舞袖石女
吹笙自然清白傳家猶是兒孫邊事且道威音已前
一句又作麼生千光不照空王殿夜半烏雞帶雪飛
陳宣義生日陞堂春風輕春日晴柳眼青黃鶯鳴鬱
鬱葱葱生瑞氣世上老人天上星恁麼見得釋迦讚
歎彌勒證明蟠桃仙果笑中呈雖然且道林下衲僧
將何酬獻手中千古一枝藤

上堂三分光陰二早過遲日江山麗雲臺一點不措
磨春風花草香貪生逐日區區去泥融飛燕子喚不
回頭爭奈何沙暖睡鴛鴦大衆清涼夾頰念詩還有
綱宗眼目麼啞杜鵑啼不徹血流山竹裂

四月八日上堂雲開山嶽露雨過色新鮮瞿曇不出
世敗關未生前天上天下賊是小人三拜起來澆惡
水漫將掩彩當慙慙

秋早上堂一葉落空索索天下秋乾剝剝大衆若還
坐在者裡總是渴死底漢且作麼生討條活路清涼
有箇方便卓拄杖一下霹靂一聲滂沱大霆笑看烏
藤倒上樹

臘八上堂六年落草野狐精跳出渾身是葛藤打失
眼睛無覓處誑人剛道悟明星清涼恁麼讚歎喚作
知恩報恩其或不然年年臘八一甌茶禮拜燒香鈍
置他

正旦上堂今朝正月初一一舉上上大吉吉無不利
春風和氣散入花梢百草頭塵塵剎剎轉風流
元宵上堂嚙體前腦蓋後一點洞明光影裡走畢竟
如何咄然燈古佛轉諸訛

二月一日上堂大衆無面目漢面目全該日烘楊柳
眼烟抹杏花腮其或不然黃鶯啼不盡特地枝來
涅槃上堂瞿曇夜半翻筋斗萬像平沈大地空贏得

波旬拍手笑燈籠露柱暗扭胸清涼當時若見亦乃
拍手大笑何故理長則就既到今日又作麼生無限
山花與流水幾多啼鳥共春風

四月八日上堂龍生龍鳳生鳳指天指地獨稱尊老
鼠養兒巡屋棟大衆勘破了也共將惡水蘸頭澆萬
兩黃金也合消

玉頑石住報恩陞座白圭無玷頑石點頭轉關一拶
佛祖仇讎噴咬猪狗漢轉風流

中秋上堂雲散秋空卽心見月舉拂子云看家家門
前照明月處處行人共明月騎鯨捉月撐船載月忽
然月落夜沈沈笑殺胡僧齒門缺

請緣西堂再充首座上堂當堂不露主人翁元是舊
時借影全彰第一座屈煩今日雪夜金烏歷堂炎天
玉兔轉懷妙叶兒孫全該祖父木人執板雲中拍石
女含笙水底吸雖然如是且道垂手那邊一句又作
麼生陋巷不騎金色馬回途却著破襦衫

請知事上堂清涼大火聚炎炎沒回互衲僧赤骨律
通身是劍樹在裡許相挨厮拶在裡許放行把住放

行把住逞風流總是冤家笑點頭

冬至上堂昨日一線短今朝一線長針眼裡過尺寸
上量短長烹割斷巧綉出鴛鴦舉拂子云看還見麼
我見人見衆生見壽者見咄都不見最親見斬新慶
賀千化萬變

十月朔一書記至上堂天地一指萬物一馬二由一
有一亦放下舉拂子一下云然後向者裡拈起謂之
衲僧火柴頭大海波心輕律動須彌頂上汗通流今
朝以此開爐無賓主話勘破趙州雖然擬歸暖處箭
過觸體

臘八上堂瞿曇打失眼睛時雪裡梅花只一枝而今
到處成荊棘却笑春風繚亂吹諸方說禪清涼念詩
還當得麼其如不然燒香點燭拜泥團腦後遶天鶴
子飛

祈晴上堂一滴不息兩滴三滴滴瀝瀝連朝至夕
變作滂沱勿奈何山河大地衰風波打噴嚏一下云
總不出衲僧噴嚏一激直得雲開日出舉拂子云大
衆向者裡看朗朗晴空吞八極若還依舊水灑灑渾

家飄墮羅刹國稽首釋迦南無彌勒能救世間苦觀
音妙智力咄

建來寮上堂喝一喝大地平沈側布黃金虛空透闊
高架旃檀依稀稀馬廐彷彿牛欄鵠眼鷹睛不許看所
以立無功之功受不賞之賞鐵漢痛拔毛金剛齊合
掌風吹雨打日頭瞞坐臥經行相慶快咄

煨羹上堂活剗群牛腦後毛風吹日炙轉腥臊不堪
狼藉熏天地罪惡重將業火燒恁麼見得切忌死灰
尋舍利臭烟蓬煇燄頭高

米船歸上堂船無底米無粒積岳堆山洪波直入恁
麼歸來得自由清涼門下盡點頭且道清涼說箇甚
麼大功不賞千古標榜

寮禪客至上堂金剛寶劍入紅爐煨出楊岐三脚驢
到處沙場鏖死戰鬪骸交衮血模糊

四月一日上堂糝徑楊花鋪白氍點池荷葉疊青錢
兩彩一賽其或未然竹根稚子無人見沙上鳬雛傍
母眠

上堂秋風涼岩桂香未歸客思故鄉吾無隱手爾捉

賊須捉賊會麼舞蝶遊蜂過短牆

台州瑞岩禪寺語錄

侍者 妙宗 編

指山門不會動步上天台金鎖玄關盡豁開坐斷晚
峰第一句萬機俱透起風雷

踞方丈飢來喫飯困來打眠爐韠亘天莫有透鉗鎚
底麼咄倒退三千

指法座平沈大地高出虛空機先坐斷遊戲神通須
彌燈王立下風

索話提綱
寫者遺落

謝知事上堂打破黑漆桶十方空豁豁爆雷一喝變
通掣電千機頓發便可以東行撐架門庭西班牙罵
佛祖收放絕來由縱橫透今古正當恁麼且道不立
功勳一句如何大家頭上添灰土

上堂韓信造浮橋李廣入布袋一箭透雙關乾坤無
罣碍瑞峯門下還有此人麼設有斬爲三段何故老
婆心切

冬至上堂暑運推移打圓相云看日南長至眼睛裡
放光鼻孔裡出氣還知向上事麼飽飯快活厨一堆

超過瞿曇親授記

上堂斬鯨龍頭角截虎豹爪牙爛泥團受用不盡踏
著刺方見作家其或未然誰在畫樓沽酒處相邀來
喫趙州茶

上堂今朝九月初一打板普請坐禪第一切忌瞎睡
直下猛烈爲先忽然爆破漆桶豁如雲散秋天劈脊
棒迸胸拳晝夜方纔不可眠虛空消殞更消殞透過
威音未朕前咦栗棘金圈恣交袞凱歌高賀徹風顛
上堂夜半烏雞抱鵲卵天明生出箇老鸛毛長觜短
鷺鷥形飛起一天星斗亂古人恁麼道只今衆中莫
有眼明心悟底麼出來與古人相見其或未然一筆
拳倒黃鶴樓一踢踢翻鸚鵡洲咄離邊燕雀空啾啾
歲旦上堂元正啓祚萬物咸新伏惟大衆梅開早春
還見麼舉拂子云一枝拈起眼中塵
退院赴淨慈上堂半年喫飯坐艱峰鎖斷烟雲千萬
重忽地一聲轟霹靂帝鄉春色杏花紅

臨安府淨慈禪寺語錄

參學 唯敬 編

指山門淨慈門下牛欄馬廐一拶透關豁開宇宙咦
切忌追風捕影

至法座前焚香謝恩捧 勅黃云黃金殿上一轉語

炬燭紅輪照萬方草木叢林成正覺磚頭瓦礫放毫

光學 勅黃云看恩大難酬

歛衣就座乃云問答截斷千差單提一著那邊放下

龜毛者裡拈起兎角咦敲開歡喜妙樓閣瑞靄祥雲

尤碧落轉入梅花爛漫看春風撼動玉欄干所以人

天普會佛祖透關發大機顯大用鐵鎚毬毬骨毛寒

正當恁麼衲僧鼻孔切忌相瞞畢竟如何四海五湖

皇化裏太平無象有來端

復舉僧問趙州如何是大道州云大道透長安今則

大家到者裡大衆且道理事相應著得甚麼語還委

悉麼四五千條花柳巷二三萬座管絃樓

謝新舊知事上堂一言相契萬古不移柳眼發新條

梅花滿舊枝舉拂子云總在者裡看看機先箇箇英

靈漢

上堂今朝二月初一拂子眼睛凸出明似鏡黑如漆

驀然踣跳吞却乾坤一色。衲僧門下猶是撞牆撞壁。畢竟如何。盡情拈却笑呵呵。一任春風沒奈何。

上堂霖霖大雨豁遠大晴。蝦蟇啼蚯蚓鳴。古佛不曾過去。發揮金剛眼睛。咄葛藤葛藤。

二月十五上堂。不曾生。不曾死。洞裡桃花紅。照水可憐。開眼被渠瞞。人間天上風波起。還有不被瞞底麼。一盞清茶。一瓣香。分明天曉打三更。

四月一日祈晴上堂。簷聲不斷。前旬雨。電影還連。後夜雷。麥怕水。侵秧怕冷。蚕桑猶要暖。來催正當。恁麼衆生。沒在苦蒼天良可哀。且道如何。是佛法靈驗一句。咄。杲日當空。慧眼開。

四月八日上堂。無憂樹下浴嬰孩。清曉薔薇帶露開。轉過衲僧相見處。後槽驢馬出胞胎。其或未然。同詣大佛殿修法灌沐。

端午上堂。將三世諸佛爲頭。以六代祖師爲體。天下衲僧爲手。爲脚。以拂子打圓相。云看畫作一道神符。向鬼門上貼。且道如何。赤口白舌。盡消除。踣跳楊岐三脚驢。

中夏上堂。結夏已過。了解夏猶未來。中間一句子。蓮花照水開。因甚落草止啼元。只爲嬰孩。

解夏上堂。四月十五日。結夏老。單入飯。登七月十五日。解夏。烏龜上竹竿。諸方恁麼淨慈。不然。翻身透出竿頭路。開眼掀翻。瓮裡天。咄。兩段不同。休。麻語。機先。鷄子隔驢年。

中秋上堂。雲漫漫。雨漫漫。中秋當此夜。漫漫黑漫漫。莫有衲僧麼。箇般真境界。贏得倚欄干。

徽宗皇帝忌上堂。風颯颯。雨霖霖。聖人不曾滅度。演出清淨妙音。若將耳聽。終難會一句機先。透古今。

上堂。至人垂化。無生。死。示現閻浮。有去來。利。利。塵塵。成正覺。黃金寶殿。玉樓臺。

出鄉歸上堂。把釣歸來。得錦鱗。充天塞地笑忻忻。雖然也。只尋常事。歷盡風波。驗盡人。

謝維那上堂。清淨法身。盧舍那。衲僧隊裡。乾羅蔔。逐日呼來打一槌。萬像森羅。轉轉轉。且道功歸何處。知恩。以此報深恩。大家贏得。啗齋粥。咄。

上堂。綠竹半含簾。序品第一。新梢才出牆。正宗第二。

雨洗娟娟淨風吹細細香流通第三淨慈借詩說教
要與衲僧點眼莫有眼開底麼咄向者裡跳出草窠
其或未然華亭舊有能言鴨越國今無寫字鴝

清禪師歸水菴塔上堂壽皇頂顙老冤魔痛念先師
舊草窠聊借蒲團供打坐大家拍手唱山歌正當恁
麼湖海觀光人天交慶咦滅盡綱宗行正令

大石鼓至上堂獨瞎頂門眼大人具大見掀翻瓮裡
天大智具大機以大入小萬化普施且道以何爲驗
鶯遷喬木調新舌梅吐清香發舊枝

上堂涅槃堂裡死功夫風袞葫蘆水上浮恁麼點開
參學眼釋迦彌勒是他奴忽有箇漢出來道爭似春
眠不覺曉落花處處聞啼鳥又且如何拍禪牀云將
謂無人

上堂雨打虛空乾剝剝日明大地黑漫漫箇中開得
金剛眼生死何嘗有異端須彌山大海水衲僧頂上
波濤起

歲朝上堂天得一以清元正啓祚地得一以寧萬物
咸新且道衲僧得一合作麼生太平歌有道和氣笑

迎春

元宵上堂燈點點月團團遊人歌鼓鬧中看且道如
何是具眼一句咫尺鳳樓開雉扇玉皇仙仗紫雲端
重午上堂天蒼蒼地皇皇還知麼鍾馗元是鬼咄赤
口併消亡且道如何衲僧八面無門戶今古寥寥白
晝長

解夏上堂解却禪和布袋頭虛空豁達逞風流去亦
得住亦得大用現前無軌則諸方恁麼淨慈不然嘆
當機切忌錯流傳

中宮賜錢建祝聖水陸會陞座佛祖同根寂然不動
乾坤合德感而遂通十方三世之寰區億萬斯年之
景運巍巍乎自化蕩蕩乎無爲當今雨順風祥時清
道泰所以三軍歌笑萬姓歡呼乃至草木昆虫塵沙
瓦礫盡開正慧皆悉朝宗且道林下臣僧如何學唱
還相委悉麼長將日月爲天眼指點須彌作壽山
復舉記得僧問古德如何是佛答云殿裡底大眾還
知麼大海汪洋須彌突兀現在說法不思議稽首光
明最奇特

上堂連雨初晴九月一打圓相云日頭依舊東邊出
照見五蘊皆空衲僧參學事畢忽然雨又落時如何
一尺水一丈波謝郎船上唱山歌

再留首座上堂殺人刀活人劍轉磨轉精累試累驗
還知麼乃上古之風規亦今時之樞要淨慈門下實
相當倚天照雪寒光耀

上堂開寒水窟口是福門發猛火鑪牀身

上堂人從平江來却得福州信寒食拜新年虛空笑
出柄嘍打破虛空笑不休大家徹底驗聲頭

不_レ虧_二詩_一春風吹作鷓鴣詞

撥棹賀新年

必竟如何得惹門下轉風流飯滿鉢盂茶滿園

上堂時有講人相訪春雨洗春雪雪消湖上山雨晴相對看
突兀鬻骸寒且道是祖意是教意咦贏得風光遶盡欄

上堂一番雨一番風風雨湖山圖畫中莫有全機領
略底麼風搖水色瑠璃滑雨潑山光翡翠濃尙餘瞋
睡咄杜鵑啼血滴花紅

煎笋上堂大衆開淨慈玄門現懽喜世界時有寶蓮
峰竹尊者再三彈指慇懃發聲自念風月精神冰霜
骨相和氣啓勾芒爐韜春風生頭角兒孫盡大地領
來與作家相見相見既了而說偈言禪禪猛火著油
煎通身赤骨律交輓出人前覲著則眼睛枯嗅著則
鼻頭裂一任牙如劍樹口似血盆塞斷咽喉損破漆
桶於是竹尊者呵呵大笑辭退而歸直得高拂雲霄
靜摩崑壑化龍應有日鳴鳳在今時正當恁麼且道
南山主人如何批判還委悉麼依舊一堂風冷淡轉
添千古意馨香舉古德云石上迸出長長笋今日將
來剝了煎海底泥牛噉一頓鑽天鶴子肚皮穿
上堂大衆鐵酸賺金剛劍吞了斬了以活爲驗作家

恁麼共提持超過佛祖增光焰

明州瑞岩語錄

侍者 如玉 編

指三門回避無門此門大開且道如何進步家私都
脫盡平白起風雷

指佛殿黃金妙相著衣喫飯因我禮備早眠晏起咦
談玄說妙太無端切忌拈花自熱瞞

據法座舞衫歌扇花鼓拍板總是者箇戲棚賣弄許
多伎倆咦任他千聖出頭來立在下風高著眼建法
幢立宗旨明明佛勅曹溪是舉拂子云法幢已建宗
旨已立且道如何是曹溪佛勅還相委悉麼太平歌
有道萬化樂無爲舉庭前栢樹子話了云西來祖意
庭前栢鼻孔寥寥對眼睛落地枯枝纔踣跳松蘿亮
鬲笑掀騰

上堂卓拄杖云此是瑞岩境界又卓云深固幽遠無
人能到又卓云既到者裡合作麼生咦老僧笑指猿
啼處更有靈蹤在上方舉僧問古德深山崑崖中還
有佛法也無古德云石頭大底大小底小頌曰深山

岩崖問石頭大小答崖崩石迸裂虛空開聒聒

上堂一言相契卽住笑面花開玉樹諸方恁麼點頭
瑞岩剗地惡聲喚拳頭無私絕後看瞿曇頂上活鱖

謝兩班上堂十二峯前上戲棚那吒亦脫點天強屈
煩鼓笛低頭舞弄醜真堪笑一場

上堂秋風清秋月明大地山河露眼睛瑞岩點睛重
相見棒喝交馳驗衲僧

冬至上堂今朝日南長至黑豆生芽大衆恭惟懽慶
鐵樹開花如何結果龍馳虎驟撒土拋沙

退院上堂瑞岩一隻破木靴幾箇攪來盡要托唯有
老僧能踢脫出門赤脚笑呵呵

再住淨慈禪寺語錄

侍者 智湖 編

指山門淨慈屋裡門淨慈屋裡開昔日淨慈曾此去
淨慈從此又還來且道如何進步咦淨慈關板袞風

雷

指佛殿大開此殿親面一見合作麼生眼裡抽釘腦

後拔箭本來無象通機變

踞方丈坐斷維摩方丈發露闍羅地獄莫有相見底
麼千古萬古黑漫漫劍樹刀山轉轉轉

至法座前焚香謝恩捧 勅黃云當天一句萬機顯
露呈起云看衲僧頂戴奉行鼻孔機先證據

指法座淨慈法座木頭一棚橫撐豎撐黑漆光生

歛衣就座乃以拂子擊禪床左邊云者箇是主擊右
邊云者箇是賓大衆昔日從主中去以爲賓今日從

賓中來而爲主還知麼去來無間笑忻忻元是南山
舊主人以拂子打圓相云面目分明復舉拂子云向

者裡變去也牛頭戴角馬腳踏蹄雲從龍風從虎萬
像軒騰森羅作舞所謂瞎人天眼目眼目開明破佛

祖門庭門庭振耀毗贊皇都花錦發揮大古風光普
應群機聊隨時節若約衲僧向上未曾親近早隔大

千耕破太虛不消一饅直饒恁麼猶落草窠向下文
長不如且置只如知恩報恩一句又作麼生四海五

湖明似鏡太平無象賀堯天

復舉記得古來有兩人尊宿一人云我逢人則不出

出則便爲人一人云我逢人則便出出則不爲人淨
慈借兩人尊宿作箇擔子擔在肩上要令四海五湖
衲子通代相傳也怎麼擔謂之荷擔佛祖且道淨慈
只今作麼生擔來擔去又擔來撼動風光透九垓
望日上堂雲無心而出岫四年前昨日是今日水有
時而迴淵四年後今日是昨日以拂子打圓相云若
向者裡薦得年年是好年日日是好日且道以何爲
驗水雲相會笑呵呵笑滿風光沒奈何

聖節上堂視須彌山之高高而出須彌比大海水之
深深則逾大海所以聖人慶誕臣僧舉揚且道如何
爲堯爲舜萬壽無疆

水鄉歸上堂漫天大水雲翻墨捲地狂風浪浪山掣
斷絲綸歸喝彩鯨鯨只在此山間莫有頭角軒昂者
麼出來透關其或未然操舟又入洪波裡愁殺漁翁
兩鬢斑

元宵上堂打殺然燈佛墮落黑暗獄永劫無出期衲
僧歌一曲其或未然滿天星斗輝華屋

上堂楊柳粧腰帶梅花絡臂韝黃鶯偷眼覷舞得最

風流且道是何人境界淨慈門下蘿蔔頭

謝進退兩班上堂舉拂子云者箇是百尺竿頭進一
步則有象退一步則無蹤進退全機變從衡振祖風
復舉拂子云且道如何都在南山掌握中

上堂今朝五月正清和榴花詩句入禪那且作麼生
舉舉拂子云看濃綠萬枝紅一點動人春色不須多
佛生日上堂莫謗瞿曇今日生插天山獄勢崢嶸一
番雨洗添狼藉萬古風烟恨不平

派和尚遺書至上堂萬派朝宗一派取揚清激濁幾
經秋忽然到底都乾却露柱燈籠笑不休且道笑箇
甚麼下座同詣靈几羞法供養

徽宗皇帝忌上堂古佛不曾過去現在法如是還相
委悉麼一聲婆餅焦啼在竹林裡

上堂惆悵杜鵑鳥哀哀晝夜啼落花飛絮怨流水芳
草懊恨迷東西嗚呼春光浩蕩可吊而不可送醉倒
愁人爛似泥且道是何人境界若匪丹山鳳徒勞語
楚雞

上堂六月連三伏人間似焰爐且道如何是衲僧行

上堂以拂子打圓相云。上大人丘乙巳。西湖南山圖畫裡。還知麼。孔門弟子無人識。空有三千七。十士且道如何。忽然一陣秋風吹。吹作秋雲送流水。退淨慈赴天童。上堂拈拄杖云。衲僧拄杖子。漫漫黑似烟。西湖九箇月。可惡亦堪憐。卓拄杖云。忽然飛過鄞江去。攪動滄溟浪。拍天。

如淨和尚語錄卷下

侍者
祖日
編

佛殿黃金妙相驢腮馬嘴喫賊是小人智過君子
方丈橫一丈豎一丈文殊維摩隔壁抓痒卓拄杖云

至法座前焚香謝恩捧勅黃示衆云雲開九天呈起云看彩鳳翔出且道如何委悉急急如律令勅指法座爐炭爲牀鑊湯爲座口吐黑烟彌天罪過歛衣就座乃云有問有答屎尿狼藉無問無答雷霆霹靂於是眉毛慶快鼻孔軒昂直得大地平沈虛空迸裂正當恁麼且與宏智古佛相見舉拂子云相見已了合談何事從前汗馬無人識只要重論蓋代功雖然知恩報恩一句如何四海浪平龍睡穩九天雲淨鶴摩空

上堂外不放入內不放出痛下一槌萬事了畢且道如何大白峰前令斬新內外紀綱俱委悉

道舊至上堂冤有頭債有主一劍當鋒豁開門戶拽隊成群恁麼來放火殺人相合聚且道如何老胡頂

顛跨龍虎

上堂心念分飛如何措手趙州狗子佛性無只箇無字鐵掃帚掃處紛飛多紛飛多處掃轉掃轉多掃不得處拚命掃晝夜豎起脊梁勇猛切莫放倒忽然掃破太虛空萬別千差盡豁通

開爐上堂只箇柴頭煨火種諸方聿起競開爐天童直截超宗處爐與柴頭盡底無恁麼却有煖氣正好猛做工夫且道如何驚忽雷霆轟烈焰從教深夜雪糝糊

謝新舊兩班上堂開無間地獄現閻羅大王聚夜叉一部列牛頭兩行與其進者劍樹上猛火進用與其退者刀山裡寒水退藏且道理會甚事耐耐飯飽弄筋判斷尿急尿床其或未然花柳春風入戲場

上堂天童鐵鼻老拳頭打殺江湖水牯牛夜深忽然生箇卵天明推出大日頭且道如何晒眼語人蒸濕處免教行步滑如油

上堂靈雲見處桃花開天童見處桃花落桃花開春風催桃花落春風惡靈雲且置莫有與天童相見底

麼春風惡桃花躍浪生頭角

壽慶節上堂至哉坤元誕佛國摩耶之瑞大矣貝典祝仙桃王母之春正當恁麼且道以何爲驗觀音瓔珞妙莊嚴勢至花鬘長自在

結夏上堂結却衲僧布袋頭天童拈來作氣毬脚尖趂出佛無數付與叢林作馬牛

謝知事齋首座秉拂上堂鐵酸齋金剛圈塞斷咽喉拽脫鼻孔天童立地有分衲僧乞命無門且道如何堪與瞿曇作子孫

新起妙嚴慶讚陞座推倒多年老鼠窠掃空平地笑呵呵從空架起生頭角蓋覆驢牛不厭多今朝成就大緣千古發揮大事且道如何祈願任他門外客到家還我箇中人

復舉文殊問無著近離甚麼處著云南方殊云南方佛法如何住持著云末法比丘少奉戒律殊云多少衆著云或三百或五百師云春風勾引鷓鴣啼著問文殊此間佛法如何住持殊云凡聖同居龍蛇混雜著云多少衆殊云前三三後三三師云平地波瀾釣

鐵船者兩轉語要與諸方眉毛厮結更有兩轉語要與諸方點眼或三百或五百銅錢鐵錢省數足陌前三三後三三羅蔔芋爛盞貯滿擔諸方忽然眼開決定拍手大笑笑箇甚麼不笑巴人便笑杜撰雖然笑者還稀忽有人問天童多少衆但向他道新起妙嚴誇第一一齊都在畫圖中

請監收上堂寶八布衫穿大家出隻手橫須彌爲槩量大海爲斗所以生殺在前收放在後歸功塞破虛空口還知麼天童不敢相辜甘作啼雞吠狗

上堂蝦蛉之子殪而逢螺贏祝之曰類我類我天童門下莫有類我底麼禹里不掛片雲天地一團猛火謝監收上堂金剛王寶劍在匣有望風不犯之威天童喝下飛出變作無孔鐵鎚輾入荒田亂草任教日炙風吹因甚如此拈匙把筯知多少不是知音不易知

謝造橋上堂去那邊去來者裡來中間絕壑斷崖且道如何相接以拂子作彎橋勢云看依稀金磴闢彷彿彩虹彎人從橋上過又作麼生松蘿影裡開天巧

汗黑光中入盡看

上堂眼見黃葉落耳聞孤雁鳴且道是什麼物得與麼靈咦溪上秋光分外清

浙翁遺書至上堂八月十八錢塘潮潮聲價潑天高盡教四海弄潮手徹底窮淵輟一遭重揀擇不辭勞要透龍門繼鳳毛忽然收卷還源去萬古曹溪風怒號

上堂陸脩靜陶淵明文殊普賢打圓相云咦一款具呈且道憑誰批判若是孔夫子吾無隱乎爾

開爐上堂召大衆打圓相云箇是天童火爐近前則燒殺退後則凍殺忽有箇漢出來道合作麼生因火爐動也

上堂天童仲冬第一句槎槎牙牙老梅樹忽開花一花兩花三四五花無數花清不可誇香不可誇散作春容吹草木衲僧箇箇頂門禿烹割變恠狂風暴雨乃至交衰大地雪漫漫老梅樹太無端寒凍摩挲鼻孔酸

上堂古今大雪滿長安天童賣却這心肝無神通菩薩

薩猛劈一椎千手眼大悲捏恠多端還會麼獅子教
兒迷子訣老婆心切不相瞞

上堂世尊道一人發真歸源十方虛空悉皆消殞師
拈云既是世尊所說未免盡作奇特商量天童則不
然一人發真歸源乞兒打破飯碗

上堂舉五祖演和尚云有人向虛空裡寫得祖師西
來意五箇字老僧大展坐具拜他師拈云當時天童
若見只對他道款出囚口今則莫有同款者麼既無
依稀斜去雁驚破海門秋

上堂霜風號肅殺霜葉墮蕭蕭舉拂子云看唯有玲
瓏岩崔嵬望轉高所謂天童滯貨今朝短販一遭莫
有酬價底麼下座巡堂

佛成道上堂瞿曇臘月八夜半走出山賊路羊腸曲
偷心虎背斑鈍置人天者一番天童恁麼檢舉且道
諦當也無落賺兒孫頭盡禿葫蘆藤種纏葫蘆

退院上堂進院得住便住退院要行便行還相委悉
麼箇條烏拄杖莫恠太生擲擲拄杖下座

小參

侍者 義遠 編

除夜小參年盡月盡日盡時盡以拂子劃一劃云盡
情劃斷舉拂子云者箇無盡還見麼喚作清涼拂子
受用無盡今夜共諸人分歲說法無盡所以春水滿
四澤無盡夏雲多奇峰無盡秋月揚明輝無盡冬嶺
秀孤松無盡一年如是過去無盡一年如是到來無
盡若恁麼見得日日眼睛定動時鼻孔軒昂依舊
年月日時悉皆無盡雖然盡與無盡與者拂子總不
相干正當恁麼忽有箇漢出來對衆奪却免見葛藤
無盡大家慶快無盡其或未然伏聽處分舉拂子云
斬新曆日明朝看大歲騎牛倒上天學僧問香林如
何是衲衣下事香林云臘月火燒山師頌云衲衣下
事火燒山臘月家貧徹骨寒堪笑連延曾未息眉毛
焦赤面皮斑

結夏小參打破黑漆桶十方空索索不受靈山記安
居大圓覺早晨喫粥齋時喫飯入夜打眠早朝又起
歷劫見前終而復始生死悠悠無定止恁麼徹去過
去諸如來斯門已敗缺現在諸菩薩今各無折合未
來修學人切忌顛倒走可中若有箇漢出來道未

猶是繫縛盲驢守他鬼窟因九旬垂釣正要上釣還知麼麻三斤乾屎橛拳頭脚尖更須悟去始得且道有什麼長處毗婆尸佛早留心直至如今不得妙

瑞岩解夏小參十方聚會魚游網三月安居鳥入籠生殺盡時蚤作繭心空及第黑山中大衆直饒句外透關機先驗臘靴峰頭有刺喝下爆雷酌然未肯何故釋迦元不出世達磨斷不西來天生豈受差排誰肯輒從抑屈況復威音那畔空劫已前早成掩彩今日既到者裡合作麼生咦放過一著三千里外咬猪咬狗荒草葛藤還有借路底麼卓拄杖云摘楊花摘楊花舉僧問洞山秋初夏末向什麼處去洞山云向萬里無寸草處去大衆洞山怎麼答話雖則老婆心切未免平地陷人今夜忽有人問淨上座只向他道隨行踏斷流水聲縱觀寫出飛禽跡

冬夜小參鑽冰取水憑誰信拚命工夫入死門脫體一交翻得活金剛正焰透乾坤瑞岩門下以此見一陽來復萬物咸新露柱燈籠歡喜說偈五臺山上雲蒸飯佛殿堦前狗尿天利竿頭上煎餛飩子三箇胡孫

夜窺錢咄落草之談應時納祐只今衆中莫有句外透關底麼出來點眼慶快平生其或未然黃梅石女繡鴛鴦一日新添一線長

淨慈入院小參大衆西湖湖裡水南山山上雲卓拄杖云天台拄杖子相見笑忻忻時節因緣合談何事卓拄杖云喚作拄杖則觸不喚作拄杖則背不得有語不得無語卓拄杖云霹靂聲前破款電光影上發機這邊那邊逢場作戲咄露布葛藤切忌屎涕還知麼未曾親近早隔大千向上全提轉無交涉向者裡莫有脫窠臼透離微底麼出來與拄杖子證據不妨攪動西湖水攪起南山雲拄杖子踴跳上三十三天卓拄杖云聖著帝釋鼻孔與天下諸僧出氣慶快叢林正當怎麼所謂拄杖子相見底時節因緣只如未相見已前又作麼生卓拄杖云今夜小參不答話惱亂春風拄杖頭

結夏小參平地起骨堆虛空剎窟籠燕透兩重關拈却黑漆桶打圓相云圓覺伽藍十方聚會咄淨慈門下切忌屎涕其或尙留觀聽癩馬繫轡所謂搖扇取

風涼喫飯伸脚睡更有甚事雖然照顧蚊虫虱蚤住
向下文長早先珍重正當怎麼須知有不入者保社
底又且如何花陰輕舞蝶山影靜穿雲

解夏小參毀於佛毀於法不入衆數墮三惡道淨慈
門下甚生標表還知麼九旬結款今日放行驢三千
馬八百吹笛打鼓唱歌促拍直得清風不敢清白雲
不敢白鷺過瞿曇者一著雖然逢人切忌錯舉咄巢
父飲牛許由洗耳

皇后殿秋會小參妙音觀世音具足神通力十方諸
國土無刹不現身於是莊嚴天妙仙衣端坐坤寧寶
殿贊一人皇化作萬國母儀道德淳熙雨賜嘉泰直
得光齊日月春風永茂於金枝壽等山河瑞氣長新
於玉葉圍繞毗盧眞境發輝菩提妙花茲者慶遇清
秋忻承佳運特頒大施崇建小參點開佛祖眼睛普
會人天鼻孔一敲一唱盡林下之愚誠載喜載瞻滿
天中之心願廣大如法界究竟若虛空正當怎麼以
拂子打一圓相云妙音觀世音說法故如是且道四
衆合掌信受奉行一句又作麼生天上有星皆拱北

人間無水不朝東

天童入院小參跳出淨慈牛欄撞入太白馬廐一團
罪業黑漫漫風吹日炙薰天臭怎麼見得今夜小參
不答話引賊入界莫有入界底麼牙如劍樹口似血
盆霹靂雷霆尤難紹續且道如何紹續佛殿掘東司
權喜入地獄其或未然疥狗不願生天却笑雲中白
鶴舉僧問當山啓禪師學人卓卓上來請師的的啓
云我者裡一扇便了有甚麼卓卓的的大衆好箇一
扇便了只是雷聲浩大雨點全無且合作麼生一棒
打翻連底脫太平無象唱山歌

冬夜小參長至迎新如何話會記得黃面比丘道如
破鏡鳥以毒樹果抱爲其子子成父母皆遭其食好
箇消息今夜天童乞食見小利未免拚身捨命將現
前大衆作枚毒樹果念一道眞言抱捕去也類我類
我出來出來舉拂子云看出來了也有能食其父母
者麼可謂知恩報恩方堪傳授其或未然第二頭相
見異種靈苗火裡栽鐵花無影樹頭開蓊然結箇團
團果舉似時人収得來於是轉作龍眼荔枝甘蔗蒲

桃元屬自己家園。普請自家咬嚼吞也得吐也得別團圓也得百雜碎也得有也得無也得恁麼也得不恁麼也得恁麼不恁麼總得總不得也得咄狼藉滿地笑殺傍觀且道如何收拾得誰在畫樓沽酒處相邀來喫趙州茶。

普說

喝一喝云大衆者一喝威音王未現已前早是蹉過了也。況復今日更來者裡胡喝亂喝是甚麼尿沸碗鳴聲衆中若有人勇猛出來劈尿口椎落牙齒壓向屎坑裡去免見狼藉取次欺人直饒恁麼也是背後捏拳揚聲止響然曲設多門放開一路莫有人出來麼良久云既無暫借一喝重疊狼藉欺人去也。喝一喝有主有賓有照有用還知落處麼若知得落處便知得起處若知得起處便知得滅處便知得滅處便知得起滅俱滅寂滅現前於日用中六處發現在眼曰見直須扶却眼睛迥無所見然後無所不見方可謂之見在耳曰聞直須塞斷耳根迥無所聞然後無所不聞方可謂之聞在鼻曰嗅直須敲落鼻孔香臭

不分然後無所不分方可謂之嗅在舌談論直須拔却舌頭天地緘默然後熾然無間方可謂之談論在身曰人直須四大脫除了無依倚然後隨類現形方可謂之人在心曰識直須永絕攀緣三祇劫空然後起滅不停方可謂之識如上六處發現無所間斷前來所謂有主有賓有照有用直得賓主互換照用交參上至三世諸佛六代祖師下及傍生異類草木昆蟲皆此一喝無有遺者便見威音王未現已前只是如今如今只是威音王未現已前無二無二分無別無斷故若約山僧所論喝箇甚麼論箇甚麼本無許多般總須喫棒有甚蹉過有甚不蹉過更有臨濟四喝因行不妨掉臂亦與一一穿却鼻孔咄一喝如金剛王寶劔尿廁籌一喝如踞地獅子窟裏老鼠一喝如探竿影草釣蝦蟇漢一喝不作一喝用髑髏前脰麵今夜清涼恁麼喚作醫死馬縱然活去者一喝爭免箇尿沸碗鳴聲雖然且道威音王未現已前從什麼處得來還定當得出麼若也定當得出胡喝亂喝有甚麼過免向繩牀角頭叉手覓其或未然拳頭脚

尖切忌惡發咄

法語

示祖清禪人

老僧少年臥牛背上吹烏鹽角調入梅花引忽然轉
鳴噎不知所以乃其角破而氣絕天地豁空吾心忘
矣久而返吾心即天地之太祖嗚呼岩花開松風鳴
至於萬像無作而作皆吾心之用而初未嘗用也於
是騎牛還家尙記其彷彿祖清上座求語參禪禪固
不知因筆聊塞來意

頌古

青原白家三盞酒

清貧三盞便輕酬萬里曹門出鄭州盡情斫却月中
桂惱亂春風卒未休

阿難問迦葉世尊傳金襴外別傳何物迦葉
召阿難阿難應諾迦葉云倒却門前刹竿著
喚一聲兮應一聲兩箇分明好弟兄倒却門前刹竿
著芳草漫天荊棘生

雲門云世界恁麼廣闊因甚鐘聲裡披起七

條

鐘聲披起鬱多羅妙用靈通變化多賊是家親須掃
跡太平無家始安和

黑老婆

萬物朝元不較他拈來直截辨請訛游春浪子風流
甚賣弄三文黑老婆

金剛圈栗棘蓬

肘後驚生閑絡索風前忽布關又撐那吒八臂空惆
悵夜半三更白晝行

空假中三觀

張來張打油李來李打油通身骨軀轉打得最風流
雲雲見桃花悟道玄沙云諦當甚諦當敢保
老兄未徹在

一箇烏梅似本形蜘蛛結網打蜻蜓蜻蜓落了兩片
翼堪笑烏梅咬鐵釘

波斯匿王問賓頭盧尊者承聞尊者親見佛
來是也不尊者以手策起眉毛示之

策起眉毛答問端親曾見佛不相識至今應供四天

下春在梅梢帶雪寒

讚佛祖

侍者 德霑 編

觀音

端坐圓通微妙相衆生眼裡堆青嶂曉來窗外聽啼禽春風不在花枝上

頭上寶冠牛戴角脚下蓮華馬踏蹄通身瓔珞皮毛債歷劫風流靦水泥

心塵脫落開岩洞自性圓通儼紺容天之敬龍之恭不以爲喜安然中噴更薦海濤翻黑風

出山相

凍不死餓不死深山走出這面背噴人間天上風波起

摩耶落賺扇出來撞入草窠打一回誰知有屈叫不得殃害兒孫作罪魁

維摩

大病現前乾坤一默老而不死是謂之賊賊賊春風啼鳥花狼藉

達磨

豁然無聖自作自敗面壁釘椿猶敢捏怪耐耐神光扇一堆引他臭穢遭他壞喫葛藤荒草徧乾坤年年臘欠春風債

金烏飛上玉闌干黑漆崑崙背面看畢竟者些傳不得落花流水太無端

脚下莖蘆到岸也未直指人心驢屁狗屁喫千古叢林遭鈍置

聽松風布袋

松風鳴側耳聽捫腹而笑賊精賊精喫千古萬古得人憎

靠箇布袋瞌睡平地突出毒刺有人一踢踢翻天下脚跟出氣

四睡圖

拾得寒山老虎豐干睡到驢年也太無端喫驚地起來開活眼許多妖怪恠自相瞞

圓覺圖

一隊猪狗漢圍繞衆識幢只管要說傍人罪過不知

敗缺自己賊賊因太平無家打一椎驚破虛空閃電飛

善財

捏住乾坤粉一團大人剛被小人瞞機先若具機先
眼走殺從教起雲端

普化

者漢走從何處來鼓合臨濟白拈賊鐸聲搖撼動風
雷至今大地俱狼藉

泉大道

棒頭挑起葫蘆手裡伸出鉢盂噯酒噯肉破落戶天
上人問大丈夫

端獅子

咄哉捏怪老狐狸披起金毛獅子皮弄盡任從天外
去尾巴敗露已多時

言法華

脚下長拖破木屐口內不知道甚底惱亂風光沒奈
何南北東西無定止

南山律師道宣

優波離後身韋將軍捧足布衣真童男瓦鉢天厨食
喫歷劫戒光秋月明南山靜照烟霜色

臨濟

捏箇空拳嚇殺天下這般祖師畜生驢馬

濟顛

天台山裡五百牛跳出顛狂者一頭賽盡烟花瞞盡
眼尾巴狼藉轉風流

無用頂相

打殺宣州花木瓜爆出越州翁木大血滴滴風衰劍
輪黑漫漫彌天罪過喫描邈者箇賊頭三千里外誰
耐面熱而汗迸流

自贊

烏龜殼空索索打一鑽響剝剝也是張拳嚇野狐描
邈出來增醜惡雖然三十年後只管有人卜度
突出娑婆世界一枚真箇村頭行脚都無用處推倒
只好做牛釘雙角插條尾綠楊芳草春風裡可殺有
力會耕田賣與閻王還飯錢不然掣電機先喫痛拳
無明業識幢豎起漫天黑一句不相當拳頭飛霹靂

嘆老婆心切血滴

源山主求贊頂相

箇是淨慈毛和尚口言禍福有定當逐日隨緣去赴齋是謂兩脚功德藏彫裝千佛布砌兩廊判斷一切魍魎鬼主管五百羅漢堂至於修橋造路與夫浴主街坊聞一切善事如蠅見血聞一切惡事似蟹落湯有時隨撻撻若萬回老子懽喜有時放歇蹶若布袋和尚顛狂得一文錢不曾落地合十爪掌常乃謝天只一味朴直無些子堪塵所以打動好事檀那畫出這般面觔且道如何比擬八月十五中夜涼一輪月照西湖水

小佛事

侍者 清茂 編

一上座下火

萬法歸一生也猶如著衫一歸何處死也還同脫袴生死脫著不相干一道神光常獨露嘆疾焰過風發大機塵塵刹刹沒回互
醫者下火

人間死病君能活君死憑誰救得甦我有單方一把火爲君燒却藥葫蘆某人諾活也甦也且道以何爲驗以火打圓相云嘆本來面目無生死春在梅花入畫圖

祖典座下火

佛祖眼睛無柄木杓東谷西谷雷奔電爍放下忽地轉關透過跳竈一著嘆餒餒馬有來由驗盡生薑不收辣淨慈背後掉柴頭惱亂春風鬧聒聒

真正上座下火

真正參禪不存佛祖踏翻圓覺伽藍說甚七月十五怎麼去真快樂固異類中行披毛戴角南山點首笑呵呵燒却娘生破直裰

祖師堂主下火

影戲棚頭箇老驢忽然踉蹌跳入紅爐爲伊點出眞驢面雪霽千山展畫圖

知覺上座下火

大智大愚大覺大迷愚迷具大闢提遊戲無間泥犁某人淨慈句下怎麼會得不曾生不曾死嘆亘天烈

焰紅驢起

宗太上座下火

心地開通太虛齊照極忽忘死生談笑嘖燒却娘
生鴿臭衫切忌斫額新羅鷄

新知庫下火

脫下舊襴衫舞起新秋曲秋水舞清光秋山舞蒼綠
舞罷秋風歸去來萬古秋蟾寒此玉某人且道脫下
舊襴衫向甚處安著唳丙丁童子趁風流借作送行
歌一曲

慧印堂主下火

秉智慧火燒無文印烈焰發光風頭峭峻且道因甚
如此高超佛祖無生死

爲彌翁入祖堂

昔從太白凌霄去今自凌霄太白來不墮去來生死
路展真云看堂堂面目笑哈哈且道笑向阿誰以真
指祖云大家元是主中主慣入驢胎與馬胎

偈頌

侍者 德祥 編

幹藏

瞿曇老賊口親扇驢屎相兼馬屎多打作一團都攪
轉潑天臭惡惱娑婆

化炭

一刀兩段沒商量透出無明大火坑再入死灰烹得
活歲寒聲價轉崢嶸

起淨慈方丈

方方一丈牯牛欄佛祖驅來要透關聊借眉毛相架
構遮天蓋地黑漫漫

牧翁

自家鼻孔自家穿自家繩索自家牽自家忽地都忘
却一笛清風送楚天

講人更衣

老胡教網漫天闊當甚多年碗脫丘勘破轉關千聖
外別行條貫結冤讎

風鈴

通身是口掛虛空不管東西南北風一等與渠談般
若滴丁東了滴丁東

拄杖頌寄松源和尚

七尺烏藤掛東壁，春風忽來生兩翼。
鞭起飛龍越不得，洞庭攪碎琉璃碧。
去兮去兮明歷歷，梅花影裡休相覓。
爲雨爲雲自古今，古今寥寥有何極。

敬溪翁

揭翻古剎岸雲開，峻發清機劈箭來。
裂轉面皮乾剝剝，萬山奔浪笑哈哈。

送亮藏主謁碧雲

咬狗猪漢爛泥團撮著，參天劒刃寒轉入春風。
開笑眼桃花紅照碧琅玕。

送僧見明極和尚

機絲抽盡萬緣平，休倚寒岩轉路程。
千聖不携無影像，那邊借伴月華明。

送僧

生逼彌猴坐鐵砧，一槌天地盡崩沈。
橫來豎去呵呵笑，喫飯噉眠遇古今。

送覺兄歸洞庭

覺盡還源見本心，洞庭無蓋碧沈沈。
衲僧不作這伎倆，斷潮頭大海枯十方。

偈浪急風高意轉深

提舉太尉張求頌

平生道德邁前賢，著漢衣冠拜漢天。
自是名高閑不得，阿難依舊世尊前。

觀使太尉張求頌

居士眼睛吞佛祖，衲僧鼻孔透乾坤。
眼睛鼻孔初無間，萬古宗門結痛冤。

相士

月落滄溟夜渺漫，衲僧面目太寒酸。
擬將禍福輕偷眼，惡浪狂風滾亂山。

牛圖

柳堤煙斂春風靜，鼻孔遶天一牯牛。
拽轉通身依舊黑，野花香草轉風流。

贈僧

喝聲霹靂震晴空，白棒飛星化活龍。
不入這般兒女隊，亂花翻袖舞春風。

塗田

斷斷潮頭大海枯，十方公界個官租。
寥寥萬古平如掌，斷斷潮頭大海枯。

掌不許傍人揚契書

送蜀僧得母書歸鄉

雁落秋空剝萬金寥寥一片老婆心先天後地難回互風急恩深冤亦深

接待

飯籬無底乾坤窄谷出炎炎熱鐵丸爛斷飢腸重營地佛魔無處辨來端

禮真歇塔

歇盡真空透活機兒孫相接命如絲今無倒指空腸斷杜宇血啼花上枝

師六坐道場未稟承衆或是請師云待我涅槃堂裡拈出果臨終拈香云

如淨行脚四十餘年首到乳峰失脚墮於陷穽此香今不免拈出鈍置我前住雪竇足庵大和尚并書辭世頌云

六十六年罪犯彌天打箇踣跳活陷黃泉嘆從來生死不相干

如淨和尚語錄卷下終

歲次己丑六月初伏日小師廣宗募刻板
臨安府靈隱景德禪寺住持祖泉投勸焉

後序

淨禪師得無師句用遼格機婁至德已前青葉警之後突出無面眼底髓暴生獐通身是眼要看看是錄子保渠未夢見此老脚跟下汗臭氣在

紹定改元開爐日

靈隱高原祖泉敬跋

獅子吼無畏說百獸聞之皆腦裂天衣舉似箇中人邁古超今離途轍

紹定戊子中秋

天衣住山比丘文蔚謹跋

余嚮較正永平語錄并其正法眼藏二書之中斑斑有稱先師天童云者蓋如淨禪師之語也溫然如天球樸然似生鐵只應寶愛不堪咬嚼因欲見全錄也尚矣今茲之夏禪山上座携其錄兩本來先出一本云是某師父雲龍義林老人久所貯也又出一本云

是某同參所持而渠自云其師遍歷之日親以唐本
寫之今偶得兩本實較韓時到願師合正梓流之余
欣然接取拜而誦之鏗鏗法曲殷殷雅音洋洋乎悅
心聞譬如乾闥婆王彈瑠璃琴須彌踣跳大海洶涌
草木叢林盡發絃聲金色頭陀不覺起作舞再展兩
本沉思點對寫手不同互有得失不可不正乃分水
乳於結角羅紋之處揀金沙於刀刁參差之際加倭
點著旁訓問考事跡細書其上意在爲初學也兩次
涉月始得脫手禪山歡喜不止自辨紙筆辛苦繕寫
直付印生以令刊行其爲法用心可謂勤矣於是重
檢永平所稱者十而得四五方知錄外猶多而未全
收也背瑞岩遠公拔取永平廣錄輯爲一卷作之跋
云得百千之十一抑此亦天童之十一歟想必有廣
錄在只願後賢勤搜羅之

皆延寶八年龍次庚申中元後一日後學沙門白

石山涉筆于東海王子峰

天童如淨禪師遺錄

宋
•
義天童如淨
遠撰
編

天童遺落錄序

夫佛祖道實際理地本離言語相然佛事門中爲物垂慈則雖非有爲又非無語洞山五位臨濟三玄共是垂慈心聲止啼黃葉若就語中生實解者求馬於唐肆待兔於枯株也璨無文之無文印第五卷天地雪屋韶禪師塔銘序中云嘉定間淨禪師倡足菴之道于天童懼洞宗立學或爲語言勝以惡拳痛棒陶治學者肆口縱談擺落枝葉無華滋旨味如蒼松架擊風雨盤空曹洞正宗爲之一變所謂懼洞宗立學或爲語言勝等實得淨公意抓著其癢處永平正法眼藏中有言云有一般野猫兒言洞山高祖有偏正五位只須知洞山高祖有正法眼藏是亦會淨公意懼爲語言勝也但所謂曹洞正宗爲之一變者不爾其似變者唯語言跡而如正宗冥合洞山本旨莫過於淨公譬如言能學柳下惠者不師其跡也淨公有六會語錄二卷所謂建康府清涼台州瑞巖臨安府淨慈明州瑞巖再住淨慈寧波府天童之六會而侍者文素妙宗唯敬如玉智湖祖日等所編次桐柏吏

呂瀟作序靈隱高原泉天衣嘯巖尉共作跋淨公小師廣宗以理宗紹定二年乙丑夏所募刻而永平廣錄第一卷有天童和尚語錄到上堂云箇是天童打踣跳蹈翻東海龍魚驚乃此二卷錄也延寶八年庚申之秋予在東武王子峰按鍵鏤梓至今三十五年而偶得見丹州德雲室中所祕梵清和尚眞筆瑞巖遠公所撰天童如淨禪師語錄一卷但是天童上堂法語二十則而已矣於其卷末高祖元和尙記淨公法嗣六人機緣淨公略傳了云日本仁治二年歲次辛丑二月中旬瑞巖遠公遙送此錄付吾蓋仁治二年者廣宗募刻後十三年也而其六會中之天童錄者祖日侍者所編而其編中遺落二十則瑞巖搜出編集寄元和尙者分明也而今德雲寺主了山師南陽寺主大鏡師捨衣資圖災本甚是好心可以嘉矣予乃考其顛末令其附前刻併爲三卷前刻有跋云昔瑞巖遠公拔取永平廣錄爲一卷作之跋云得百千之十一抑此亦天童之十一歟想必有廣錄在只願後賢勤搜羅之而今二師附此一卷則實後賢搜

羅之一數也好事不乏天必錫類則正好摩眼待附之附矣

皆

正德五年龍舍乙未春二月吉日

永平遠孫山白嗣祖比丘稽首拜書

天童山景德寺如淨禪師續語錄

住瑞巖嗣法小師 義遠 編

師初到明州上堂示衆云受與不受空谷橫雲寒溪濯月住與無住虛舟駕浪夜宿蘆花這裏還有出頭者麼理理泯絕事事和融良久云高處高平低處低下下座

蔣山夷和尚白槌云法筵龍象衆當觀第一義又白槌云諦觀法王法法王法如是便人事已畢

上堂云靈靈而時時昧不得月隨流水歷歷而處處混不得雨逐行雲畢竟作麼生聖人無已勿所不已良久云周徧十方心不在一切處還會麼南岳嶺頭

雲片片天台峰下雨漓漓

上堂云山披錦雲而爛成春意水含碧月而淡存秋容恁麼也恁麼說似曾不中黃頭并碧眼消息子難通卓拄杖一下云西天用梵語此土使唐言

上堂云是不是是江光鋪練非不是非花岳疊錦畢竟成什麼邊事三界無法何處求心便下座 揭云嶮

上堂云我爲法王於法自在霽寒破夜霜月行空安穩衆生故現於世露沾衣袖秋苦吟心畢竟如何履踐去良久云多歲定眼夢未醒一朝風月作清明又云放

上堂云世尊有密語寒潭月夜圓迦葉不覆藏枯木雲籠秀若人死中得活活中得死以知有箇是消息展開兩手云花林馥郁芳春氣一點靈光照世明

上堂云眞如實際一切了然山雲冉冉而江水滔滔跡包寒溪之流聲送冷嶂之松處處觀音入理之門家家古佛堂前之心若人欲知爭得知還辨得麼一喝云山河不隔越處處是光明且道何處是光明阿

嚕嚕繼是什麼章句

上堂云太白峰高影沈四海之波濤堂前雲湧勢吞九天之皓月區分杖拂而烹煉爐鎚至這裏作家衲子如何下嘴良久云還會麼放行也瓦礫生光而輝煒煌煌把住也眞金失色而暗暗默默畢竟如何若不得流水還應過別山

上堂云月增寒影蘆花底夜宿江邨漁父歌可謂絕學無爲閒道人不知清夢老來事得坐披衣瑩徹麼也是知趣能有幾人良久云自此陽春應有脚百花富貴艸精神

上堂云列坐昭鑒古今無間豈起拂子云還見麼德雲比丘從來不下山善財童子於別峰相見已是不下山爲什麼別山相見良久云風鄰寒水波月浸雲中鏡

上堂云金牛弄得爛銀蹄耕破劫空地開不帶泥痕今古路牧童踈笛入雲來一氣發生萬德作化靈靈而運步密密而轉身德雲不下山誰相見別山經事長一智善財隔關山畢竟如何立命良久云山虛

風落石樓靜月侵門

上堂云善行者不移雙足善入者不動雙扉清秋夜冷波心月誰問安禪友亦稀出入從來曾不覺所以騰騰和尚了元歌曰今日任運騰騰明日騰騰任運畢竟古佛堂前無可不可學人須怎麼體取

上堂云不勞澄九鼎流動百花新木雞前樹報月磨羅鏡輪還會麼掛拂子於禪床角而云用何豎拂拈杖自是國有賢臣民悉安寧滿堂雲衆如何商量去現成公案大難大難

上堂云青蘿倚喬松之勢紅尾競禹門之浪還有出頭人麼舉拂子云寶劍振來試霜刃何用埃塵惹匣中一喝云超方者委又云吾王庫裏無如是刀良久云敕

上堂云念念勿生疑碧波江上靜觀世音淨聖翠竹眞如體於苦惱死厄曾錦紋添花能爲作依怙山色春猶香畢竟如何世界無心塵不染山河不盡意無巧乃下拂子云且低聲

上堂云一花開五家宗要一葉綴九室訣機朝朝暮

暮只斯是何用瓊林覓玉枝畢竟如何良久云虛谷傳聲妙應手塵塵刹刹達磨宗又云關

上堂云一機織作錦衣裳是可太平君子牀只許寶山堆這裏細把玉鍼貞上方畢竟如何良久云須知佛國三千界只在吾皇一化中

上堂云一片閒田地荒艸曾不鋤誰把金鋤犁方彰玉手段無鼻之鍼穴細無頭之線芒長所以道古鏡臺前荒艸秀未曾與人天相見畢竟如何將劫外之口正辨那人之心

上堂云時節因緣佛性義共移靈棹渡頭舟玉麟帶月離雲漢金鳳啼花下彩樓若能如是通自己心又合萬象體所以洞山大師道盡底來徹底恁麼見畢竟如何內既不可得外又不思議還會麼掛拂子於禪床角云是什麼

上堂云靈鷲山頭無師句少室峰下不傳妙直下道得堪報不報之恩畢竟作麼生高天日上煙猶冷而地月輝雨正晴還會麼良久云梅花依舊綻紅墀上堂云帝力山岳重君恩雨露深丹霄步轉清曉風

迥野菊銜金山泉漱玉正與麼時作麼生是一念萬年一氣契同萬象生成畢竟無位真人在什麼處學

拂子云夜深水冷魚不食滿船虛載月明浮

上堂云倚天長劍明珠在掌太虛有月老兔含霜大海無風華鯨吐浪有時萬年松下擊金鐘有時三昧門下握玉印畢竟作麼生委悉去良久云觀彼久遠猶如今日

上堂云田地穩密言行玄妙至這裏知音路斷而無伴獨行還發一步作水牯牛此眼可將來若不將來有什麼活處諸人是活是死言語道斷非去來今拈拄杖云天台柳標黑鬚皴

上堂云舉仰山問潞山如何是祖師西來意山云大好燈籠仰云莫便是也無山云適來道什麼仰云大好燈籠山云果然不會師云無明暗室勿人近暮日江山相映紅處處煙塵收不得早來晚去失真風諸人畢竟如何委悉去一喝云南山向海望北岳接雲高參

上堂舉僧問曹山如何是布袋家風山云奇哉此老

笑滿腮僧云有何忌諱山云朝入僧堂暮歸方丈師云雲形水意擁通身德用不孤道正親年少風流猶一段花棚鋪錦蝶飛頻且道布袋即今在什麼處曹山老子見之有分山僧又如何以手指面前云看看百艸頭上閑和尚爲露柱燈籠說法參

上堂舉古德云道也須臾不可離可離非道莫尋思師云且道如何是道心田法地有靈苗不動金鋤耕步休何事長松脩竹下風師雨客逐春秋諸禪德畢竟如何覓即知君不可見且道如何即是舉拂子云即此用離此用手參

上堂舉僧問曹山如何是真實人體山云儂是虛頭人體僧云家業解什麼活計山云無是非交結之憶僧禮拜山云若真實如是今日也不妨師云淨妙妙時解活計露堂堂處有家風須知脫體卓然道廓落圓通是箇宗諸禪德心跡俱泯體上無滄真實人體也若不與麼只是虛頭漢參

上堂舉僧問曹山如何是四稜蹈地處山云入摩訶三摩地異性湛然僧云還存分別智麼否山云是是

僧禮拜山云鳳穴雖皆好龍門客又新師云如何是四稜蹈地入三摩存分別智若是有事而不通知未知伊彼元氣諸兄弟畢竟作麼生照東方萬八千土天上人間金色尊參

上堂舉僧問曹山如何是純無學處山云雲吐波中月天橫雨外山僧云恁麼去時如何山云意氣天然別神筆畫不成僧禮拜山云他不受人禮道濟師云到鈍無學處語路若何生意氣天然別神筆畫不成諸人者且道如何是純無學處良久云槐夏日長麥秋風涼參

上堂舉曹山因慧霞參問如何是佛袞袞山云汝披得始得霞云學人披得時如何山云非公境界霞云還和尚境界也無山云老僧又不得披得霞云與麼則無方便乎山云從無相田披得始得霞云從無相田披得時如何山云生下還有一句子霞擬進語山乃打霞禮拜退山後令侍者喚慧霞霞乃來山畫米字與之霞受之捧云大好大好無相福田衣山云如是如是師云一粒曾生無相田異苗繁茂試機先莊

嚴劫佛借他力雙樹蔭涼本自然諸大德是箇曹山老子米袈裟後曹山慧震大師已得披得卽今這裏誰爲我得披便學拂子云這箇又佛袈裟那箇是米袈裟人人正命食佛佛正傳授衲僧披得底衆類活眼睛畢竟非米袈裟乎參

天童山如淨禪師續語錄終

觀音導利興聖寶林寺入宋傳法沙門道元記

師初自芙蓉山到明州雪竇山鑑禪師處鑑問云什麼處來師云芙蓉來鑑云來事爲什麼事師云吾聞和尚有一夜三千里語是也無鑑云是師云如何是世尊有密語鑑乃打師云如何是迦葉不覆藏鑑又打師擬分疎鑑又打師於此大悟燒香禮拜鑑云燒香事如何師云賜師三頓而遍體汗流鑑乃休師云咄咄咄乃出去自此相待一十五年有時鑑授于師洞上玄奧云汝善保護師受之密好山居不望出世後從皇帝受詔二度辭之至第三度乃住持天童

山景德禪寺問答提唱無有怖畏再興陽廣山頭宗風法嗣出世者六人卽六處盛化承天孤蟾如瑩瑞巖無外義遠華嚴田翁頃公自菴師楷嶽林擬翁師瑩及日本吾而六箇也皆受師印記出世今日本仁治二年歲次辛丑二月中旬瑞巖遠公遙送此錄付吾頂戴奉獻五體投地重集所記得問答機緣書其末以酬法乳之恩者也

師因請益次承天瑩公致問云佛是幻化身祖是老子丘和尚還免得乎師乃打瑩禮拜師云正是幻化底者

師因普請次瑞巖遠公致問云如何是無盡藏師云當途者昇清霄失路者下水底遠云出頭人又作麼生師云非儻境界遠云學人如何得會師良久遠云非和尙境界師云如是如是遠禮拜

師因華嚴頃公致問云如何是洞門宗風師云須彌立太虛日月輔而轉頃云一般兩般乎師云羣峰漸倚他白雲正改變頃乃禮拜師云金鳳宿龍巢宸苔豈車碾

師因自菴楷公致問云世尊云吾不見時何不見吾不見處意旨如何師云老僧若答汝喪兒孫楷云幸有回互底時節師云如何是學人分上事楷乃禮拜師云是回互不同回互乎楷云不見道和之以禮不禮親切師云如是如是

師因嶽林瑩公致問云新豐雪曲如何得和師云無孔笛撞著版上莫道更無音響曲瑩云是什麼曲調師云一任他雪曲始得瑩禮拜

師因入室次予致問云青天無片雲時如何師云猶是半提予云全提時節作麼生師云青天功盡後一步更一步予云秋疎山瘦月落潭空師云尙帶凝然予禮拜師云且去也

師因歲旦上堂予致問云如何是心中寶珠師云汝心外有何嫌底予乃禮拜師云瞻之仰之予收坐具而立師云諦觀法王法法王法如是予乃歸衆

師因入堂懲衲子坐睡云夫參禪者身心脫落只管打睡作麼予聞此語豁然大悟徑上方丈燒香禮拜師云禮拜事作麼生予云身心脫落來師云身心脫

落脫落身心予云這箇是暫時伎倆和尙莫亂印師云我不亂印衲子云如何是不亂印底事師云脫落脫落予乃休

師因僧問如何是祖師西來意師云古德問答來多僧擬議師云問什麼僧云西來意師乃打僧於此大悟

師因示云老僧見今時師僧皆是無鼻孔而誇名誇利未曾休歇勸諸兄弟一一如而一一玄玄若不如是悉不免生死之緣且道作麼生離却生死底一句子良久云一鑒透骨人人意三世難諸箇箇真師諱如淨明州葦江人也俗姓俞氏子也振法柄於太白峰麓顯密語於流水香白鷺立雪明月庭青山直聳蘆花外於是曹洞宗要再紹大陽本宗青鶴飛九天老鶴棲梧桐時人皆推望玄風依之問答提唱興一代宗風受芙蓉龔祖衲法衣而祕在屋裏收真歇老子竹杖子而靠却室中其餘家訓訣無一不領略見此集者一見證無數勝果焉

時日本仁治辛丑之春書道場釋宅觀音導利興聖

寶林寺

天童如淨禪師續語錄跋終

天童淨和尚門風高古當世無雙超凡超聖十方坐斷或時孤峰頂上白浪滔天或時干戈叢裏神通遊戲宜哉永平高祖入宋之日僧覺寔者語曰人天導師一代宗匠者長翁淨公其人也元朝以來所編之僧史載其法嗣不詳而今此續錄無外義遠和尚所編永平高祖作跋其所記之略傳宛如雨中見杲日也五百年之後此錄行於世高祖之所謂留在人天光照夜者也然誰是知實知價人乎哉噫

正德乙未歲仲春穀旦

洛北麀蜂寶樹林下心聞 海香焚香九拜撰

吳山淨端禪師語錄

宋
•
師明
表淨
皎端

重撰
編

湖州吳山端禪師語錄序

左朝奉大夫兵部侍郎賜紫金魚袋劉誼謨

禪師諱淨端字明表族姓丘氏本貫湖州歸安人也。受業吳山解空院得法於臨安龍華院齊獄禪師一參。宗匠頓悟全機。解不存玄見。量穎脫三千法席。衆少投機。退隱本山。自號安閑和尚。誼行將赴官南方。因入山禮師。又有偈贈曰。天公不見過祇爲肚皮大。奉勸劉誼爲官。依此做言。詠玄妙於里中石壁間。詩頌頗多。皆如寒山拾得之流。諦寔至理。或有可觀。師以無礙辨才。中傳富於有緣。法施故序。

古佛應世。順行逆行。風顛浪顛。凡四登山。普化寒山。拾得之流。只要當人。時時省捕。不隨八風。所漂忽然一念相應。卽是到家時節。禪師名淨端字明表。歸安丘氏子。肄業吳山解空講院。始見人弄師子發明心要。遂詣翠峯月禪師得遊戲三昧。卽以綵帛像其皮而衣之。故以爲號。凡四住小糾。皆荒涼不給人不堪其憂。而師獨得其樂。多與賢士大夫遊戲爲偈頌。有

若戲謔。群昧久之。極有深旨。示寂百餘年。微言奧旨。膾炙人口。法孫比丘師皎得其平日與士大夫調唱并撰著述。輯一冊開板流通。以惠後世。其志可嘉。謁余正其訛舛。義不可辭。觀者苟於語言文字外見師子奮迅。則師皎上人不虛刊此錄也。

時嘉定己巳秋後五日。前住持衛場山嗣祖比丘定隆書於鐵觀音東堂。

予客代之清涼山。一夕夢一僧蒙師子皮。自東而西。斜陽在天光燭其面。忽然啓齒口如血盆。牙似霜劍。夢竊自計曰。如彼者我當爲之。及讀端師子語錄。驚其脫略。窠臼大用縱橫。不存軌則。果若金毛師子。跳擲露地。百獸聞風。靡不腦裂者也。嗚呼。去古既遠。宗門爪牙希邁。率皆如妖狐怪狗。輕暖委靡。凡見可欲。搖尾乞憐。萬態迎合。一充其欲。閻羅老漢。叱咤其前。猶不暇顧。況顧我道哉。至於由機緣而頌古作由頌古而評唱。集由評唱而所謂祕要者。行祕要行則後之學者。評唱不知。安知頌古。頌古不知。安知機緣。機

緣不知安知自心。自心不知安知祖意。夫機緣者。活句耳。生殺自在。抑揚莫測。凡聖路窮。是非藥病。苟非其人。道不虛行。唯了悟自心者。卽病爲藥。卽藥爲病。卽生而殺。卽縱而奪。正抑乃揚。正殺乃生。以棒喝爲廣長舌。以鐵丁飯木札羹爲供養。臨机擘吼。天龍欣悅。狐兔魂銷。若然者。今之以祕要自謂。正傳慢侮。法道寧不有愧於師乎。 皆

萬曆壬辰仲春十三日。達觀衛人釋真可書於五臺山叶斗之陽妙德庵。自肯寮。

湖州吳山端禪師語錄卷上

法孫比丘 師皎 重編

長興壽聖禪寺語錄。劉道翁請師住持疏附。

壽聖舊非禪刹。罕見衲僧。吳山久隱作家。還同古佛。墮于太守。願得高人。恭惟禪師。乃夙悟大乘。弗拘小節。縱橫妙用。出處不羈。勘破回頭。撞翻不托。龜言細語。皆是上機。糲食惡衣。唯修密行。慣遊遊於城市。常笑傲於林泉。瀟灑餘清。徜徉雅措。白雲

虛室七軸蓮經。皓月空潭一聲漁父。況茲所好。豈是不佳。若也爲人何妨。行化衆心。皆喜。思作禮於象王。十日具瞻。願歸依於師子。旣伸虔請。寧假謙辭。

師受請拈帖云。伏承太博士承野翁先生請。山僧住持壽聖禪刹公文。已至。辭不獲免。然住持之事。勉旃向前。若教出來。紹嗣宗風。難爲擔荷也。況端平生不曾行脚。偏參知識。始欲說經說論。荒廢多年。說道說禪。難爲啓口。雖然如是。事無一定。官不容情。私通車馬。

陸堂師云。彌勒真彌勒。分身千百億。時時示時人。時人自不識。衆中還有識者出來。通個消息。良久云。大衆爲甚麼不識。只爲太近。衆生久流轉於生死。蓋乃日用而不知。未登真覺。常處夢鄉。古人道。昨夜得個夢。夢見一團空。今朝擬說夢。夢頭又見空。爲當空是夢。爲復夢是空。料想浮生裏。還同此夢中。此是古人一夢。山僧夜來得一夢。與古人不同。夢見土地向山僧道。來日太博士承野翁先生與諸人入山請和尚。

住持壽聖禪利況和尚。不曾行脚。焉可住持。山僧向土地道。聽教不在多聞。參禪亦非廣走。若是真師子兒。生下便能大哮吼。土地問。如何是師子兒。豈不見永嘉云。師子兒衆。隨後三歲。便能大哮吼。若是野干逐法王。百年妖怪。虛開口也。大奇也大奇。自笑吳山師子兒。數年長臥深林裏。今朝徐步出巖扉。露爪牙。展毛威。雙睛晃晃。迸光輝。碧眼胡僧。猶不識。土地山僧。焉得知。夢中被山僧挂杖子。打一下。土地忽然不見。大衆不煩久立。伏惟珍重。

上堂僧問。羚羊未挂角時。如何。師云。怕進云。羚羊已挂角後。如何。復云。怕進云。既是大善知識。爲甚麼却怕師云。老僧未曾見。恁麼差異。畜生僧退。師云。今朝二月二。禪翁有何謂。春風觸目百華開。公子王孫日日醺醺醉。唯有殿前陳朝檜。不入時人之意。禪家流只這是莫思慮。坦然齋後一甌茶。長連牀上伸脚睡。辨才法師至上堂。學龐居士頌云。十方同聚會。個個學無爲。此是選佛場。心空及第歸。只是壽聖門下。還有及第也。無山僧若放一線地。個個無非金榜高名。

若也把定乾坤。直教釋迦老子。歷代祖師。出來也。個個只是多年措大。良久云。法師尚不出。復成一偈云。古人經絡一般絲。織出華幔世所稀。莫怪老婆無好手。都緣堂上不逢機。

上堂云。久雨天晴。好春風。萬象和白雲。本是無心物。南山飛過北山坡。急著眼。絕諸訛。弄雲堂上笑呵呵。遙望太湖波浪靜。漁人盡唱太平歌。

新歲上堂云。新歲新春雪。又濃森羅萬象盡皆同。相逢莫認這般事。筋斗全拋。示祖風。遂打筋斗下座。

西余大覺禪寺語錄

上堂云。端禪老。端禪老。住持落魄。無煩惱。朝參僧衆數十人。夜觀一輪明月。皎勸諸人勤學道。識取衣中無價寶。山光堂上雪初晴。洗出峯巒尤更好。諸人會麼。僧問。如何是西余境界。師云。七零八落。進云。如何是境中人。師云。天上無雙月。西余只一僧。進云。人境已蒙師指示。祖意西來事。若何。師擲下拄杖。復成一偈。山僧一生愚拙。葛藤無可得。說若問祖意。西來一日兩度展鉢。

祈雨上堂云。山澗水流如鑿。開旱年祈雨爲民災。不知雲從何處起。只見雨從頭上來。頃刻下雨。

宣州廣教長老至上堂云。浮雲散盡天凝碧。春色消融山更清。我愛禪翁淡如水。時來相伴度殘齡。

師到華亭祇園寺衆請升座云。本是書川師子。却來雲間哮吼。佛法無可商量。不如打個筋斗。遂打筋斗下座。

靈山孝感禪院語錄

童申公同諸官員送師入院拈香畢。師擲手良久歌漁父一聲問相公。聞麼。此是太平曲。便升座拈起拂子。目顧四衆云。三台命我住靈峯。四面森羅再映中。度日將何報恩德。竹連牀上演宗風。

上堂云。面黃頭白作禪翁。住在靈山嶺東。心靜可觀明月照身閑。懶與世人逢。高低鬱密千千竹。近遠森羅萬萬松。衝底衝兮偃底偃。老枝枝上猛重重。根蟠怪石龍歸洞。聲徹長空虎嘯風。當年曾遇君王用。至今常有白雲封。

西余大覺禪寺修造疏

西余端老打錢修造捨也。好不捨也。好更過幾年。箇墻壁倒。

示衆呼云。當山僧堂漏損。寮舍崩摧。經年無施主燒香。累歲少檀那。羞設恐有十方禪侶。雲水高人。暫入荒山。難爲駐錫。可以溪山爲樂。松柏充飢。名利不干。懷飲食不爲念。罷參知議。懶訪禪林。聞說教似春風。聽談禪如說夢。共居巖畔。同受寂寥。謹白。

入城化緣回

元豐七年中秋上旬。忽因四大相逼。思昔日之願心。摸寶殿之大柱。修僧堂之正門。箱無一寸之帛。囊無挑藥之金。不免入城乞化。徧扣豪門。莫非人人歡喜。處處相忻。盡道承長老親自到。及拈捨五文十文。纔問求千錢百貫。一似抽筋。盡是我福緣淺薄。莫怨他人。自知蒲繩子短。爭嫌苦井源深。不如早歸巖畔。作個閑人。觀月色之清輝。望孤鶴以爲隣。誓弘般若。報佛深恩。奉勸後代兒孫。莫打此般鼓笛。聒噪他人。

豐年詞

莫怪野老閑言。禪宗近日有多端。第一須會五家宗。

派然後熟念傳燈祖源更談諸家語錄鈔寫印版雕鏤連曉至夜看讀也與閨黎一般更須廣走天下贏得兩腿疼酸入到知識門下先看古老因緣長廊下胡喝亂喝僧堂內聚話誼誼料想曹谿路上應無如許多般更學文章四六廣覽莊老詩篇自視風流雅措且要攀接官員出入纔登寶座拈起拄杖敷宣道我卽心卽佛學著絕妙絕玄那個得悟至理到底肚裡顛預且是撥無因果惜懂必落魔邊終日業識擾擾有甚出頭之年馳騁陰陽術數醫藥鍼灸相便收拾市廛行貨一味只是要錢更貪恩澤院舍貴要徒弟駢駢若也有些莊產躬親畊墾田園嗟夫世人無識道他心力周全聚徒二十五十便言福鮮無緣匡衆三百五百聲譽遠動朝賢薦舉錦衣師號帝澤累累須宣誰知藥山衆不滿十趙州禪椅初無半邊德山喫泥喫土巖頭無醋無鹽無業三詔不赴騰騰任運隨緣若教今日眼見也道無福無緣野老如斯檢點大也陸地行船我今別無見解且弄師子隨緣身毛卽非線作頭尾豈假繩牽看時千邪走怖動著百

獸茫然靈山只此伎倆與人萬古流傳

謝章庭臣同李八入山

紹興四年閏四月山間林下無炎熱清風明月冷光輝山澗水流流不絕雲間白鶴唳長空巖畔新篁露高節此時此景正堪眠忽覺柴門有人撥山童出問是何人報道庭臣與李八向我道聖人急召樞密曾廳呂大資相將朝帝闕我向伊二人道好似我師子奮迅威猛出巖穴哮吼一聲見太平百獸聞知皆腦裂奉勸公心佐聖明莫爲私讎生毒孽

打睡說

世人處身有四儀惟我最奇人間萬慮都遣富貴名利都不能知翻思釋迦老子不知人之所宜却令晝夜修習善法初夜後夜亦勿有廢中夜誦經以自消息無以睡眠因緣令一生空過無所得也若教老僧親見令向靈山頂上塊石枕頭大家一時打睡薰地拽起來時要他知道睡中有這般滋味

熙寧雪中觀貧

熙寧乙卯季冬節凜凜寒風飄密雪獸依巖谷鳥依

巢老幼貧人無處歇。苦夜長愁歲月。父母妻兒各離別。頭髮鬢鬆似鬼形。肌肉乾枯如墨刷。手足皴皮剝裂。行步艱辛滴鮮血。瓶爲鍋鏊。艸爲衣。策杖庭羸語。嗚噎叫聲頻。誰采括。往往無知將水潑。蓋謂前生不早修。致使今生衣食缺。生不生滅不滅。爲報聰明與賢哲。負却青苗助役錢。餓死黃泉向誰說。

師一日詣章公府相公。留齋下羊肉饅頭與

師喫了。相公言。曠師云。我向道好喫那個畜生。撞著我。遂留一偈云。

早年祈得雨。高山好種田。喫菜若成佛。驢馬也生天。

住靈山與章相公

章敦章敦請我看墳。我却喫素你却喫葷。

章丞相誕日。師以白犬一隻上壽。

山中無羊犬。當羊頭。無雙肉尾巴長。非但補勞并益髓。夜間別有好思量。

師到平江府接章相公

眼昏耳聾老身孤。林下無人淚似珠。相公許我雲中雨。救取甘泉澗底枯。

送平上人隨章相公之潭州

子來別我去潭州。要見瀉山水牯牛。水牯原來頭角在。當途一見便回休。

章相公被召以母老辭免

點鐵成金易。忠孝兩全難。仔細思量著。爭如長與靈山。孝感禪院青松林下。無用老僧閑。

祭銀青章相公

維某年月日。謹以宇宙爲器。明月爲奠。祭於章公之靈。曰。了本真性。上升安養。五福生臻。子孫將相。千足萬足。伏惟尚饗。

悼章相公

生兮大海一漚發。死兮大海一漚淪。章公了此辭清。世一夢。今經九十春。

章相公赴召別師

師請入方丈茶湯罷。師云。且爲愛護佛法。相公云。不與不廢。愛護佛法也。師令侍者取糖與相公。送路喫。糖次。師云。相公甜麼。公云。甜。師云。甜便住。相公一笑遂起。

師因入京謁章相公夫人不悅乃留頌

天上一聲雷。老僧頭上過。幸自安閑人。何用做這箇。
師因章相公請供。賺下餛飩。

腥餛飩。素餛飩。滿碗盛來渾崙吞。垃圾打從灘上過。
龍宮海藏自分明。

退靈山

樞密樞密聰明正。直見我老衰。教我種植桑柘千株。
松柏萬億。思量祖教苦極苦。極辭歸林下。爲報恩德。
武康章法禪院行化偈。

破落長老著破襖。住箇破院無煩惱。借得破轎去人。
家破絮肚腸慢慢討。

陸朝奉請赴任 字蒙老

正是炎炎六月天。白雲深處恣高眠。山童忽地來驚。
我報言。蒙老在溪邊。拏舟遠遠來相訪。問余臨別有。
何言。不說教不談禪。專聽政聲如我山。前水流歸滄。
海清。清常湛然。

答陸野翁入山偈 野翁諱師偏附

浪生浮世雖無益。祖道龐公喜爲傳。了得宗風無。

個事買琴沽酒未還錢

老僧兀兀山中坐。物外良朋來訪我。物外良朋忽下。
山我儂依舊山中坐。

示虞提刑

少年天子少年臣。治國安民德最深。奉勸公心揚政。
化此心便是祖師心。

同諸公遊衡陽山

水牯年深氣力頽。登山下嶺喘如雷。野華春艸滿山。
秀幽鳥聲聲教我回。

贈吳少卿入山

友人相訪入柴關。雲水寬閑溪澗寒。莫道山家無可。
待老松脩竹任君看。

別周察院

但滅心頭火。前程路坦夷。三冬無雨雪。各自著便宜。

宣城呂大資招遊黃蘗山

黃蘗昔年裴相召。老僧今日大資留。須知此理非今。
古一月分明照萬流。

和友人入山韻

閑來無事對山屏。古澗寒松暢野情。是處巖華高下色。幾般幽鳥往來聲。

呂公求坐禪頌

呂公好坐禪。張公好學仙。徐六喻擔板。各自見一邊。

舒王請益

師在京師。王荊公請講禪。就大相國寺設齋看經。次荊公入院焚香畢。問諸方云。佛未出世時。看甚麼經。衆無語。師云。相公。周孔未出世時。讀甚麼書。公云。伶俚衲僧。又云。南無觀世音。說出種種法。古今沈沒者。聲聲怨菩薩。

一日因蔡察院入山云。和尚道眼雖明。好去

見法涌禪師。淘汰古今。因緣師以頌答之云。野老平生懵懂模樣。一似漆桶。看來孔竅全無。粥飯也解口動。出言鄙野。無文愚拙。不能取奉。自知道眼不明。不會葛藤。骨董忽逢。道友良朋。勸我去參法涌。我聞法涌禪師。福德王臣所重。行則隱隱轟轟。坐處千從雲擁。喫著錦衣細食。住處雕梁畫拱。野老仔細思量。也是一場闌閑。

遊西湖

不愛禪家翁。唯談上上宗。不愛講家流。日日揮清風。却愛西湖上。鳳皇橋下水流東。

別丞議赴宣州呂大資請

今日宣城去。蟾光照竹扉。途中唯一袽。寒便把來披。

別呂大資

嶺上梅華猶未絕。岸頭柳眼綠依依。臨歧執手不忍別。爭奈春風送我歸。

偈答周察院

林下無人老。自悲袈裟權。且當蓑衣駱駝橋上觀。明月不爲鱸魚尾更肥。

師在京師。慧林院見圓照禪師。圓照出迓曰。村裏師子。村裏弄眉。毛與眼一齊動。開著口肚裏直

備。何不愛人取奉。假饒弄到帝王宮。也是一場乾打閑。

又頌上圓照禪師

仁者樂山。智者樂水。竹月松風。常爲伴侶。絕學無爲。

眞我師白雲深處孤峯裏

師入城太守李丞議相見云和尚既是清淨

法身何得頭白師云老僧有十愁因茲頭白

遂索筆書云

第一愁常怕黃河水決流年年疊土如山嶽歲歲須防布袋頭

第二愁江湖水漲寔難留蘇湖盡是低鄉住須防洪水沒田疇

第三愁人間穀米少人留忽然一日飢荒後餓倒貧人無處求

第四愁看看翰苑少文儒國家若要才人用詩賦通經雙淚流

第五愁臣僚代代報冤讎子子孫孫何日了勸君爲國早回頭

第六愁近來將相寔難求兒孫受祿黃金貴纔聞邊用皺眉頭

第七愁人間廣闊老僧憂近來改寺爲宮觀臺殿橋梁社稷休

第八愁國家節用最爲憂忠臣慈孝應難得小人嬌逸逞風流

第九愁懶養爹娘要剃頭刮削民財求度牒還他宿債眼惺惺

第十愁林下無人雙淚流去聖遠兮邪見近野老因茲白了頭

師觀浮生富貴貧賤皆屬幻空而人不悟遂作十空警世

人生難滿百華無十日紅有錢不布施死了一場空
衣食皆前定隨緣任命終假饒彊討得橫死一場空
錢多轉不足餘剩尙言窮莫教時運退懊惱一場空
俗事如麻粟妄想起重重多貪心不足折本一場空
色身不堅固常憂火宅中佛經不持念閑過一場空
他事不干已聞時似耳聾自身不會理閑管一場空
骨肉權相聚妻兒防命終無常一旦至離別一場空
在堂不恭敬死了疆隄胃寒食因遊翫祭奠一場空
富貴多豐足前緣所種功今生不修福後世一場空
勸君家有剎報答四恩濃結緣須及早不捨一場空

答妙庵主 步庵主同附

伏觀章法禪院有眼未嘗逢見數間破漏行廊一所崩摧古殿不堪雨雪風霜盡是玲瓏橡葉香爐永絕香煙經案更無經卷看來一所孤村到者須生嗟念又無雲水高人徒弟任他穩便門徒施利爭收應不用心營建莊產只用資糧蠶熟各收絲絹齋蔬尚沒油鹽飯食難逢乳麪豺狼日日成羣施主何曾見面十方禪客到來怎不教他厭賤週迴甚處安身轉脚一時行徧可憐端老高僧住此非他意願豈圖佛法流傳可爲名利留戀却緣強順人情枯淡暫時吞嚥不如及早辭歸此處莫勞營變山居寂寞猶常且是門無半片諸方多少禪林惟此不堪學薦奉咨縣宰檀那空把祖師勞練教他幾個村僧且自獨營獨膳不須更作十方免見須州括縣聊書數句風詞盡是寔頭相勸

大宋無心野老不會葛藤禪道好處不肯住持破院隨緣養老忽同庵主入城撞見武康尋討野老不肯承當庵主勸道也好受疏相伴入山翻笑我受枯槁

因公送到豐詞野老隨緣十好就以十好偈答

第一好碧嶂重重何處討龍迴虎轉少人知圖畫難成非所造

第二好寂寂松門通大道柴關不掩絕塵囂白雲片片時時到

第三好塵埃一任風來掃白牛隨步過巖前一時喫盡路傍艸

第四好林裡霜猿忽然到中宵嶺上啼一聲天邊明月雲開照

第五好燕雀不來林下噪時時老鶴憩高松清唳一聲驚百鳥

第六好乾柴輭米山田稻雖無百味及珍羞粥飯隨緣宜進道

第七好前溪後溪明月皎夜深靜坐念浮生蓮經七卷聲聲了

第八好前人相見無可道只願一年疆一年官中苗稅供輪早

第九好門前古澗生蘋藻藥苗旋植四時供守貧林

下無煩惱

第十好且無蚊蚋來相惱。松風吹簌響長空。真是山僧堪養老。

吳山解空院建輪藏榜

夫轉輪經藏。廼彌勒大士所建也。觀末世衆生。懶墮懈怠。不能誦經坐禪。如法修造。此良因。徧周沙界。續佛慧命。無令斷絕。當山比丘。常智竭力。千求施主。共結良緣。施主入山。捨財宜志。心恭敬。願來世龍華三會。與諸上善人同會。一處。皆崇寧癸未六月日老僧書。

師於寺側建一小庵。乃號歸雲。每書偈詠於壁間云。

老來林下養閑軀。茆屋清虛蚊蚋無。一徑松風何處起。入松穿竹兩三株。

睡起

石枕藤牀一榻低。覺來還自日沈西。白雲堆裏翻身轉。一曲漁歌在碧溪。

觀松

片雲忽起去老鶴。又高飛。惟有巖前老松樹。青青長長歲寒枝。

負暄

茆屋正當南。天寒好負暄。太陽勝輭火。第一且無煙。

戲書二十三字

誰知萬象是無常。林下閑閑人自忙。思憶高僧守孤節。慚惶。

老病

也不能誦經。也不能坐禪。日中噉一頓。困來伸脚眠。時至卽行。無繫絆。從他東海變桑田。

自述

自歎老一身。七十餘三歲。田不耕一坵。蠶不養一簇。肚裏不曾飢。未寒有衣蓋。幸遇太平時。未可便辭世。又述。

山僧落魄隱巖居。靜坐端披古聖書。惟愛月明松竹長。不扳朱紫佩金魚。蒲漚巖居畔。結茆唯一庵。清風銷暑氣。寂寞少人貪。幽有鳥聲碎。禪無衲子參。齋餘林下去。華雨落毳毳。

睡起懶移步。日落松房陰。寥寥萬籟息。獨聞山鳥音。
兀兀如凝坐。方名真出家。孤猿天外去。百鳥不銜華。
夜深山鳥息。唯唳鶴沖天。野老毛骨冷。聞聲不得眠。
鱸灰湯似水。寂寞少人知。老朽不成睡。天寒夜半時。
眼昏難辨字。耳聾不聞聲。夜靜巖邊坐。見月不見星。
凡聖不同歸。佛祖不同道。灑灑落落入。應笑拈華艸。

山居詩

吳山古寺近溪邊。高閣虛堂景象全。林下寂寥爐火盡。未眠猶聽夜行船。

七歲居山今七十。山光松竹逼人寒。夜深火滅爐灰冷。紙被擁身白雪團。

吳山古寺寒松直。老鶴巢居最上頭。唯愛月明中夜後。一聲清唳滿山愁。

松竹青青古澗深。結茆爲屋號歸雲。自從參徧官僚後。野老無心見貴人。

自笑年衰雪滿頭。任他冬夏與春秋。林間寂寞何爲樂。山鳥自鳴泉自流。

自覺年高無所爲。詩人笑訝小人嗤。眼昏耳聾無心

力。是是非非都不知。

老嫌俗客來相訪。獨泛孤舟溪上遊。夜宿蘆華賞明月。應無閑事挂心頭。

老來無事掩柴扉。林下閑閑何所爲。莫道茆庵無一物。窗前片片白雲飛。

老朽龍鍾不下山。庵居巖谷坐林間。月華入戶時時照。幽鳥聲聲聞更閑。

野老欣欣任自然。齋餘無事翫林泉。門前竟日無人到。夜對喬松月在天。

年老醒醒神更清。夜深幽室誦蓮經。兒孫睡覺應嫌我。石版時敲四五聲。

老拙懶陪塵俗客。茆堂靜坐復安眠。林間莫道無看待。松竹溪山在目前。

無事老來心下樂。得閑坐處念頭輕。一身之外無他物。秋水澄清夜月明。

眼昏耳聾是何緣。此事誰能爲我宣。林下無人共遊樂。困來獨倚老松眠。

無事老來心下樂。山中養性度殘齡。經年四遠無人

到吾門白日是黃昏

巖前松竹兩三株。日炙風吹漸漸枯。葉落縱橫人不掃。清聲猶自響朝晡。

人事悠悠懶更攀。茆堂靜坐白雲間。夜觀明月爲高燭。一道清光照萬山。

因觀楊柳垂青眼。始覺人間春到來。遙望南山雪消盡。寒梅猶有一枝開。

水澄山色暎青天。靜坐茆堂未欲眠。好翫巖頭松與月。更聞高柳一聲蟬。

耳聾不聽樓頭鼓。眼暗難看夜半燈。一曲漁歌聲盡後。歸雲天外自騰騰。

不覺日又過。寂寞庵中坐。野禽飛去不銜華。唯有白雲來伴我。

和神智講師止觀三境

性德

思量佛祖老婆心。性德從他疆立名。嶺上寒梅帶春雪。九年面壁自勞形。

修德

黃金誰把水銀和。萬象森羅未是多。恁大也須從地起。更高無奈有天何。

化德

入海求珠深更深。摩尼衆寶與黃金。今朝爲報波斯道。莫把玻璃賣與人。

總頌

化他修性并總別。思量盡是天邊月。大家話得是場空。各自掃門頭雪。

聽楞嚴七處徵心。八還辨見。以此頌呈本講。本講云。汝當以禪得法。

七處徵心徵不遂。懵懂阿難不警地。直教徵得見無心。也是泥裏洗土塊。

八還之教傳來久。自古宗風各分割。假饒還到不還時。也是蝦跳不出斗。

別本講

彎彎曲曲似門鉤。一番拈起一番愁。不如做箇禪和子。參到無心即便休。

蘇幕遮

遇荒年每常見就中今年洪水皆淹徧父母分離無
可戀幸望豪民救取莊家漢最堪傷何忍見古寺禪
林飄作悲田院日夜燒香頻禱告黃天救護開方便

牛歌

牛牛牛休休休更莫牽犁拽耙任從冬夏春秋無繩
無索無準無鈎朝來放向荒坵去杳杳冥冥休便休

木魚歌

本是深山林下木。拗屈藏形寄幽谷。被他巧匠伐將
來。苦使鏤刻作眼目。懸向堂前號魚鼓。教我聲聲爲
衆苦。長連牀上帶刀眠。火棒時時打我肚。一等爲魚
甚高格。挂紅梁上居峭壁。五湖四海任遨遊。誰怕龍
門點破額。

十二時歌

平日寅鷄鳥噪聲。頻眼開猶懶起牀上。更飄身
日出卯著衣洗面了。啜盡一鉢粥。直到齋時飽
食時辰。猛火不著薪。一升是十合。八兩是半斤
日暝未。湯瓶常滾沸。若無閑客來。便好打瞌睡
哺時申。舉頭無點親。千年桃李核。覓甚舊時人

日入酉無人到門。簷屋裡自優游。誰能外頭走
黃昏戌穴中老鼠出。拍手趕不去。相叫咬唧唧
人定亥。不是多懈怠。脫鞋上牀眠。無可相抵待
半夜子。睡得恰正美。總得一場夢。說向何人是
鷄鳴丑。殘月照戶牖。樓上曉鷄鳴。天寒星轉斗
禺中巳。口腹無定止。羹菜少鹽醋。常時食些子
日南午。兩手挪抄肚。布褲膝頭穿。更覓何人補

湖州吳山端禪師語錄卷上

湖州吳山端禪師語錄卷下

法孫比丘 師皎 重編

漁父詞

師或坐觀明月歌。漁父詞人樂聞其聲。莫不奔驟
而至。皆欣然忘歸。

斗轉星移天漸曉。驚然聽得鷓鴣叫。山寺鐘聲人浩
浩。木魚噪渡船過岸。行官道。
輕舟再奔長江討。重添香餌爲釣釣。釣得錦鱗船裏

跳呵呵。唉。思量天下漁家好。

浪靜西溪。澄似練。片帆高挂。乘風便始。向波心通一

線。羣魚現。當頭誰敢先吞嚥。

閃爍錦鱗。如閃電。靈光今古。應無變。愛是憎。非都已

遣。回頭轉一輪。明月升蒼弁。

讚淨土

七寶池中。堪下釣。八功德水。煙波渺。池底金沙。齊布

了。羨魚鳥。週迴旋。遶爲增道。

白鶴孔雀。鸚鵡噪。彌陀接引。毫光照。不是修行。何得

到一般好。西方淨土。無煩惱。

一隻孤舟。巡海岸。盤陀石上。垂釣線。釣得錦鱗鮮。又

健堪愛。羨龍王。見了將珠換。

釣罷歸來。蓮苑看。滿堂盡是真羅漢。便爇名香。三五

片焚香。獻元來佛。不奪衆生願。

徒弟稟師。修行淨土。師云。你箇小頑兒。那生理會

得。因書偈示之。

淨底行淨底。土美酒沽來。鱸魚作舖。困則伸脚打睡

起來。自歌自舞。吳江橋下。碧波中。一輪明月。爲喪主

說易道

夫易之道。幽玄難會。問著時。流指天。劃地二儀未分

之前。只言太極太始。混沌一氣。清濁纔分之後。不離

乾坤。巽艮。震離。坎兌。出來十字街頭。撞見南山張二。

見我拍手呵呵。略與我說易中梗槩。天雷是我爺泄

氣。大海是我娘尿囊。問他上代祖宗。却是我離鄉人

子孫。不知次第。

哭果超法師

山僧何故也。悲辛爲憶鄰間善友人。萬部蓮經猶未

滿十方緣熟。已分身庭前老樹。飄黃葉雲外。蟾光滿

素輪。若問我師歸甚處。無邊境內已棲神。

爲超法師舉火

性空眞火。性火眞空。來從此來去。復其中。法師圓寂。

我等難逢。若問歸何處。白雲無定踪。

尼僧悟道因緣

師抵鄣南。見上方超和尚。有一尼師來參。師云。待來

日五更三點。入來。師侵早。紅粉搽面而坐。尼入見驚

而遂悟超和尚有頌附。

堪笑吳山老禿奴。巧粧紅粉接師姑。茫茫宇宙人無數。那個男兒是丈夫。

村婆送一百光錢與師。薦丈夫往西方求頌。婆婆惠我一百光。要薦丈夫往西方。此去西方十萬里。百錢纏裹到餘杭。果然托生餘杭。

湖州做袈裟會衆僧奔驟以頌示之

蒼溪溪上古禪房。出水荷華月照窗。莫怪衲僧行太速。袈裟引得腳頭忙。

聞壇下講主說禪

何山長老修長懺。壇下闍黎却說禪。兩處都緣無別事。大家只是要光錢。

戒壇示沙彌

登壇受具戒。第一莫疑師。摘取果子喫。莫管樹橫枝。

因一禪人有省示之

揭起天庭骨。露出鬼眼睛。直饒恁麼會。也是假惺惺。

道婆送鞋求頌

已知道婆能好手。雙履野人焉敢受。著却踏到趙州關。免教赤腳林下走。

小山請齋不赴爲果超法師示寂

隣僧盡向小山去。唯我獨從溪上來。莫笑山僧無用處。平生於義不於財。

去杭州見法湧禪師不出相見留頌

閑向南山尋老牯。山童報道睡方濃。乘興來兮乘興去。白雲千載生遺風。

乘舟西上

嗟見世間人。風義不長久。唯有天邊月。處處隨我走。

登慈雲嶺

千古慈雲嶺。往來南北行。江波與湖水。極目兩分明。

勸世辭

我見世人癡。又癡不記照。寧入載時如今米。賤無慚。愧朝漁魚肉。暮肥脂。路上骷髏無限數。人喫人時復是誰。六趣輪迴自流轉。世人各自著便宜。

又

野老與君憂世間。三斧頭貪財并酒色。到老不知休。壞得人性命。乾得人骷髏。忽然四大病。牀上眼惺惺。前頭黑如漆。心行未曾修。勸君早覺悟。莫待雨淋頭。

多見人念佛口甜心裏苦滿肚是蛇兒瞋心如猛虎
枉把藏經看念佛是惡口口善心不淨念佛無感應
一照四方明心如天寶鏡

勸學

學則成聖不學是凡聖貴凡賤賢在其間春日喧喧
鳥聲喧喧光陰可惜爭敢安閒

詠骷髏

曠劫不能逃輪迴多出沒只爲世間情無緣生慧日
晨昏多不省運用如膠漆只這示諸人非空亦非實

長興周承事相訪

吳山長碧水長流水轉山灣路更幽多謝龐公遠相
訪旋燒松火薦茶甌
漸覺清和四月天一聲清磬響山川心澄氣爽無拘
束留得高人伴夜禪

謝紫梅飽潛衛人入山

自知無福又無緣老朽茆堂白晝眠潛衛今朝遠相
訪汝無阿堵我無禪
盡道先生活計貧高談雄辯此珠珍信知探得無生

理甘作雲堂林下人

王居士參報本政和尚

王居士用心參曹溪滴水不須耽碧眼胡僧難得遇
莫圖些子口喃喃易則易難則難雲水東流奔嶺灣
消暑樓前會處清風明月對溪山

張居士相訪

清河居士別多年一笑相逢信有緣莫訝老僧無別
話平常心是祖師禪
崇寧癸未元宵節浮雲散盡天邊月一道清光照雪
溪靚面相呈無可說

德清沈居士相訪

因訪瑤師跡穿雲入小山忽聞沈居士雲臨到此間
月照寒松碧霜凝翠竹斑却觀堂上影恨在見生顏
謁報本政和尚

贈輝長老

祖道久不明臨濟一枝折今日忽重榮暎掩蒼溪月
昔日烏龍老今向南蕩住坐斷臨濟禪透出雲門路
咨示雲水客時來須薦取莫莽園苦瓜偏甜甜瓜偏

苦觀面相呈在半途。休說禾山解打鼓。九月九是重陽。五月五是端午。

徒弟常度遊方

數年林下養雛兒。今日和雲物外飛。高立老松山頂上。清唳一聲天下知。

師孫道月參方

秋風黃葉落如月。出山扉。照見長空無罅隙。片雲獨鶴好相依。

一夥兒孫勿奈何。旋收旋放出煙蘿。平原莫訝生荊棘。直向滄溟起大波。

師孫宗式遊方

子今欲向山前去。且向山前問路行。山下若逢驢與馬。小枝須有一枝榮。

我家活計勿來由。說與兒孫不肯休。今朝放向師前去。入戶須教便出頭。

聞祥景休結茆庵

我愛祥景休超然。格趣別身不與俗交心。可同明月近。聞結茅庵。何不向余說。外須基址堅。內要圓無缺。

前茅爲平頭。立竹宜高節。搗練灰炭和乾來。硬似鐵。冬天常自溫。夏月無炎熱。老兒毛骨寒。居此禦風雪。莫要大工夫。弄巧翻成拙。

贈祥景休嗣正

熙寧季冬節。夜坐更已久。月色射窗戶。松風鳴谷口。忽思祥景休。同門素爲友。欲作詩相寄。苦吟不成就。磨盡半錠墨。污却一雙手。眼目儘尋思。天寒星轉斗。茆庵裡向火。盤桓日上簷。不覺天雞鳴。一句也不有。

開元寺證閣黎受僧職師與書

某頓首。吾門多幸。新受僧正。爲居山谷。未及詣賀。此者是能純二師。退於僧職。可謂脫却多年炙脂布襖。蒙老著得恰好。非惟當郡江潮之間。惟公清閑雅好。每見寺中佛生之日。涅槃之忌。公尙私門不出。隨喜燒香。何期今日。爲於僧職區區。於車馬之前。役役向墻墀之下。同流成隊。弟子成羣。思量世間難得人也。聊書片幅。以達所懷。諒在同門。必當高照。

與天聖月老

前日山童入山來。報道天聖禪師在溪頭。欲入靈山。

相見野老乃命人掃開松下。拗鋤却路。傍唧汲山泉。炳松燎礪茶。待於禪師。山童又來報道。禪師絕早去了。何緣如此。爲冬節日。近侍者相催。要目錄早了。算來住持人有許般煩惱。只此黃面老子道。若樂衆者。則受衆惱。渾如此道。只在靈山住著。破院便乃箇墻壁。倒又無十方禪侶。來入室相惱。又不去諸方求討。免將門狀牛屎堆頭。謁見父老。何緣如此。蓋乃無福無緣無禪無道。

智老歸平江

你住在城隍中。我住在深山裏。山深少人到。不知你儂起你。又不戀我。我又不戀你。你又無書來。與我。我又無書去。送你。他年白首忽相逢。始知今日淡如水。

呂大資求坐禪頌

大資要坐禪。山僧只愛眠。若問祖意。西來萌荒。只在面前。

題明靜軒

性明非月照。情靜不干山。最好此山幽。隱處悠悠溪水下前灣。

爲妙庵主題布袋和尚

老古雖畫得著。拖一脚。進一脚。一個布袋。何時放却。懷妙庵主。

閑思老古。雖一去無消息。寂寞惟有風。巖前松與月。

答陸蒙老韻。蒙老赴官晉陵別師詩附

枕上浮生過半百。短髮毵毵霜樣白。西溪溪上舊家山。歲歲故鄉歸似客。船頭漸進古松門。云是吳筠讀書宅。煙雲半嶺見層樓。崢嶸鰲頂蓬宮窄。有人挂衲歸盤陀。稜稜瘦骨真維摩。幾年面壁舌不動。忽然拍手演漁歌。秋來滿船載明月。直釣不釣閑龍鼉。一雨笠一煙蓑。五湖深處任風波。黃梅渡口水流急。救護心誰如老婆。

世上何人年一百。大家須要心明白。山堂寂寂誰爲主。富貴榮華一宵客。我愛吾官清更貧。囊無金玉居無宅。溪頭相別去安眠。肚皮如海無寬窄。病僧無力効頭陀。烏兔從他兩自摩。物外良朋來相訪。高吟白雪紫芝歌。笑我臨行指天月。遺骸江海似龜鼉。忘箸笠不披蓑。浮生後浪逐前波。林下一炷爐煙遠。用薦

野翁并野婆

示朝散劉誼翁

聰明富貴少延年。淡泊虛心壽自延。林下寂寥甘自樂。山間幽鳥自茫然。

贈長興王省元四絕句

誰測先生意趣難。貧如原憲學宗顏。年年酒債將琴當。歲歲詩狂待月還。

縱道暫時辭雪水。惠然相訪到林間。勢來不要求榮貴。好隱吳筠舊隱山。

混然一氣派三才。今古誰逃日月催。耳聾不聞山鳥語。心閑惟喜老儒來。

呼童林下烹新茗。情別溪頭懶度杯。但把詩書教諸子。主人應不見空回。

答丁大夫入山頌 丁大夫呈師頌附

端巔端巔高臥雲煙看箇老。牯三十餘年近來情。悄或放或牽莫教放去。侵却良田且道鼻孔落在那邊。

茆堂寂寂無火無煙。老牯放去不記何年。牧童打睡。

無繩可牽。貧無寸土。說甚良田。林下休閒。那邊這邊。同宜興蔣叔明遊吉祥茶山。

平生聞說眞山境。此日追遊喜有因。滿目高山流水在。舊來靈跡不通神。

題吉祥寺茶山

吉祥山水與雲連。清韻來聞二十年。知道老僧無熱惱。金沙池內不流泉。

同蘇饒文宿吉祥寺

孤峰峻嶺翠光寒。山勢奔湖去又蟠。今夜虎頭巖下宿。更無歸夢出林巒。

與公昔作長城別。一去塵埃六七年。夜靜書堂尋舊約。定將生計話林泉。

贈武居士爲僧

憶昔卯角年。慈母正恩憐。老父心膽硬。捨我入林泉。相去百餘里。雙淚滴胷前。弱冠酌親志。蓮經誦萬千。合格爲僧相。霜壇受五篇。先窮台嶺教。後學祖師禪。今年四十八。長城古寺邊。心閑無所作。萬慮已茫然。忽聞武居士。捨俗取金田。苦了心頭事。可惜百年錢。

送陳官人之三衢

今日忽相見。俄然又相別。三衢山水清。好賞中秋月。
袁解元赴京

猿啼東嶺上。楊柳綠依依。一別經年去。終須帶角歸。
答宜興單解元韻。單解元入山上師偏附。

松老何年老。庵中人獨知。幾回經歲月。還似始生時。

老松千尺老松枝。古澗雲深誰不知。忽地一聲雷雨。便爲龍須起。應天時。

題假山石

無用無知頑石頭。天生奇巧世人求。算來世上無閑物。假使無情不自由。

昭亭山石盞泉

行到昭亭山頂上。下觀石盞泉如鏡。羣鷗野鳥不見飛。孤鶴自騰天外影。

正老赴召

臨濟兒孫大道通。雲溪溪上演宗風。一片白雲留不住。飛向皇城見帝宮。

中秋月

千溪萬溪水。一樣天邊月。堪笑世間人。盡道中秋別。
大雲寺清泉池

我來觀清泉。泉清徹見底。耳目本無人教我。我如何洗。
弔佛川明禪師

山居

莫問野老教我禪。但見山前一溪水。今古悠悠流歸滄海。無盡年多少。英雄壯士一去無回。惟有青山常湛然。

不風流處却風流。占得吳山山頂頭。有人問我途中事。西指鄣南東入州。

松月庵

莫怪庵中無所畜。一條拄杖生涯足。東嶺蟾光散影時。捲簾獨對天然燭。

松風亭

松風歷歷清人耳。結構泥亭跨流水。明月夜坐東嶺。照吹破雲霞無一縷。

會曇老

漁家生計好。終日泛輕舟。翦竹爲竿釣。裁荷作酒甌。
只知溪上樂。不識世間愁。昨夜嚴隈下。蓑衣忘却收。

贈如老

說眞說假未是眞。無眞無假是全身。日中喫飯夜間
睡。野沖閑華幾度春。

送上方亮老

何故無心戀雪溪。鄣南風景白雲齊。有人若問宗門
事。水自東流日自西。

祥符寺溪堂

開窓滿目見溪山。雲水東流下嶺灣。夜月深明漁櫂
靜。白雲無事到禪關。

祥符別友人

共賞溪堂上。俄然又相別。爭如後夜間。獨對秋天月。
張行者買度牒問羊道求絹。

野衲兩字上羊十六道。只此一回聒惱爲行者買禮
部牒一道。更捨絹三匹。染皂千好萬好。願你子孫年
年起早。

元宵

昨夜看元宵。一覺睡到曉。紙被煖如春。被底呵呵笑。
且道山僧笑箇甚麼。你正忙時我眠倒。

示世

兒童鬪百艸。處處去尋討。鬪罷各回家。狼籍教誰掃。
雲峯和尚相訪。

三三兩兩話叢叢。師子何曾怕大蟲。任是雪山高萬
丈。太陽一照竝無踪。

同僧遊金山張公洞

白雲忽起到龍遊。仙洞雖深敢不留。今日重歸舊巖
畔。行人無不雨淋頭。

述懷

晦跡歸巖塢。僻居人到稀。穩眠高靜榻。策杖遶荆扉。
遠謝名兼利。能忘是與非。松風祛暑薄。山月照螢微。
烹茗滿甌雪。掬泉半濕衣。窮通雲意密。終與世人違。
追憶蓮峯社。惟恐華頂奇。何人肯回首。深造妙玄機。
謝人雪中惠麪。

春雪徧巖谷。山中一物無。雪中承惠麪。更少十斤麪。

謝人惠炭

山中火柴頭。熏得眼淚出。雪中承惠炭。願君日勝日。

贈小王秀才

南山一子植於地。他日須成百尺松。若得風雲相際會。騰身漸漸見於龍。

茶

幽雅烹輸貢。罐煙爇瑞英。幾分雲葉細。長泛雪華輕。蟹眼增新興。清甘滌睡情。枯腸禁三盞。稍覺夢魂清。

寄駱道求浴缸

端老傳語駱道。我覓浴缸送老。你若捨待歡喜。不用別處尋討。

武居士看禪冊

野老到君家。見君看禪冊。你自著眼。筋莫被祖師嚇。

三教吟

儒釋道尊三教深。恩我等慚恥殃及兒孫。

尙庵主病

四蛇忽擾亂。篋中弗條線。林下老古錐。去住隨他便。

無力打筋斗

本無明與昧。明昧只由心。日用雖無計。應須仔細尋。

病中示鑑二徒弟

吳山山水連天目。山色常青水常綠。山光水色共流通。祖祖燈燈相繼續。

示徒弟文慧辭世

千足萬足平生不畜纔。死便埋莫墮流俗。

真贊

四十七傳寫畢。露神光現幻質。從來把道說向誰。披蓑自笑維摩詰。嘆。

樹樹有皮。人人有面。紙上傳來兩重公案。自古至今。何如此見。好箇畫師。不傳死漢。

湖州吳山端禪師語錄卷下

西余端禪師傳 高安沙門釋德洪撰

端師子者。吳興人也。始見弄師子者。發明心要。則以綵帛像其皮。時時著之。因以爲號。住西余山。嗣姑蘇翠峯月禪師。西余去湖州密邇。每雪朝著綵衣入城。

小兒爭譁逐之。從人乞錢得卽以散饑寒者。錢穆父赴官潮東。見之約明日飯。端黎明獨往避雨。入道旁人家。幼婦出迎。俄其夫至。詬逐竟爲邏卒所收。穆父吏速客見之。問故曰。煩寄聲錢公。本來赴齋中。途紆情事發。請自飯。穆父聞之驚且笑。顧客曰。此僧胷中無一點疑事。又嘗見持死雞疾行者。挽衣問何之。曰雞爲狸害。法不可食。將棄水中。端苦求之。道路聚觀。諷曰。當得偈乃可。與端跪作祭文曰。維靈生有鷹鴟之厄。死有湯鑊之災。生時要汝報曉。死後無人收埋。奉爲轉化。檀越施肚爲汝作棺材。一本云。團聚無可。布施施肚爲汝作棺材。言卒携雞去。以施饑者。能誦法華經。湖人爭延之。必得錢五百。乃開帙目誦數句。卽持錢地坐去。缺薄者易之而去。好歌漁父詞。月夕必歌之。達旦有狂僧號回頭和尚。以左道鼓動流俗。士大夫亦安其妄。方對丹陽守呂公肉食。端徑至。指曰。正當與麼時。如何是佛。回頭不能遽對。端捶其頭推倒。乃行。又有妖人號不托掘秀州城外。地有佛像。建塔其上。傾城信敬。端見。搭住曰。如何是佛。不托擬議。端趨之而去。章丞

相子厚請升座。使俞秀老撰疏敘其事。曰。推倒回頭。趨翻不托。七軸之蓮經未誦一聲之漁父。先聞端聽。僧官宣至此。以手耶掄曰。止。乃坐引聲吟曰。本是瀟湘一釣客。自東自西。自南自北。大衆雜然稱善。端顧笑曰。我觀法王法。法王法如是。下座子厚留飯。端眞說偈曰。章惇章惇。請我看墳。我却喫素。汝却喫葷。子厚爲大笑。時呂太尉吉甫亦留丹陽。三人者。日過從吉甫誦禪定功德諸般若。中第一曰。惠卿修之。十年子厚獨稱鍛可忘憂。嵇康得僊。竟作劍解。端說偈曰。章公好學。僊呂公好坐。禪徐六喻。檐板各自見一邊。聞者傳以爲笑。樂元祐初。圓照禪師自京師慧林退歸姑蘇。見端於甘露。曰。汝非端師子乎。曰。是圓照戲之。曰。村裏師子耳。端應聲曰。村裏師子。村裏弄眉毛。與眼一齊動。開却口。肚裏直籠。何不受人取奉。直饒弄到帝王宮。也是一場乾打。圓照粹美不悟其譏也。端客無錫。欲歸湖。旦行江上。問有湖秀便船乎。篙師曰。我行常潤船也。端欣然曰。亦可。乃附船尾。高郵秦觀少游聞其高道。請升座於廣慧。端以手自指曰。天

上無雙月人間只一僧一堂風冷淡千古意分明少
游首肯之端高自稱譽吐語奇怪逸人也病牙久不
愈謂衆曰明日遷化去衆以爲戲語請說偈端索筆
大書曰端師子太慵懶未死牙齒先壞爛二時伴衆
赴堂粥飯都趕不辦如今得死是便宜長眠百事皆
不管第一不著看官第二不著喫粥飯五更遂化閱
世七十二東吳祠之以爲散聖

贊曰予竄海外三年而還叢林頓衰耆年物故無餘
所至雖道人成阡陌皆飽食游談無根而已喟然長
想如政黃牛端師子輩皆三十年前少叢林者然高
風逸韻且爾況其傳法度生者乎因載兩士平生大
槩使後之俊流得以覽觀焉

端禪師行業記

起服朝請郎權發遣提點淮南東路刑獄
公事借紫金魚袋郡人劉燾撰并書

宋故吳山端禪師諱淨端字明表俗姓丘氏吳興歸
安人也丞相舒王道德之學出言爲經局貫九流尤

味禪悅常見師偈頌稱之曰有本者如是爾觀文呂
太尉留意內典多所論著天下緇紳鮮獲印可嘗道
過吳山停舟相訪一語相契謫居宣城屢書招延館
之數月丞相章申公神鋒高峻一世龍門疏請傳法
靈山墳寺奏賜命服曲留累年師與諸公談道之際
不可少屈飄如浮雲去來唯已未嘗肯以名位惜詞
色也以三公之尊重師如此則其道行不言可信而
其高風遺韻流通後世爲不謬矣始住長興壽聖時
有號回頭者倡於嘉禾眩惑愚俗誑妄方熾數州之
人施予山積適過邑境見師於佛殿師擊其首回頭
罔測顏面無語師顧謂之曰龍頭蛇尾爾遂慚汗而
奔於呂公座嘗遇妖人衆咸以爲神異師一言折之
卽知其妄不復與語後伏誅其高鑑遠識類皆如此
後至京師圓照禪師尙在惠林師往禮焉圓照迎謂
曰非端師子耶師作師子勢圓照以俚語探之師隨
繼以伽陀圓照爲笑而肯焉申公時典機政欲留師
都城聞之不告而返其所駐錫之地如壽聖西余孝
感章法之類聊復爾耳不得其意卽去人競挽之不

還顧也。師生而慕佛。六歲棄家。精於習誦。其師保還數欲度之。非其願也。二十六歲。遂以策試應格。既受具戒。始從淨覺仁岳師學。天台教觀。聽首楞嚴至七處徵心。入還辨見。以頌自跪。淨覺覽之。謂曰。往矣。汝當以禪得法者。後參寶覺齊岳禪師。臨濟宗風室中。默契。卽出庭下。飄身自擲。衆駭異之。後觀倡戲。至弄師子。益有警悟。故問答之際。多爲奮迅之容。由是稱師端。師子云。素不學詩。應聲成偈。天然自韻。咸有可觀。膾炙人口。多能道之。或以北寒山拾得其逆知未來迎事。與人道意中語。應若合符。節亦莫得而致詰也。還乃居吳山寺。食糧不給。每乘扁舟。將行。所詣舟人告以風逆不可行。師曰。何往而順。舟人指所向。卽飄颻乘輿而去。足未及岸。岸上人望見。爭迎拜信。施糴載而歸。楮中無一毫之畜。有施者。隨輒散之。至或窮冬解絮。扶續乞寒者。願以破絮自裹。人聞立遣衣易之。或議其乞隣爲惠。似近名者。師曰。不然。吾亦露人或見憐。若彼卽凍死矣。其用意多稱是。雖其行若遊戲。自在黨蕩。無所拘關者。而誦妙謔華經。未嘗虛

日持戒嚴潔。未嘗破犯。奉親至孝。養之終身。死葬山側。恤患念貧。傳方賦藥。雖老不倦。自號安閑和尚。芒鞋筇杖。遇溪山勝處。披蓑戴笠。行歌漁父人。遽能事熱惱者。頓獲清涼。拘窘者。暫成樂易。凡所至處。輿盡欲返。雖積金留之。不少駐足也。名公鉅卿。舟及吳興。必首問師起居狀。自爲二陶器。曰。死則此埋之。素無病惱。崇寧二年十二月初五日。忽謂衆曰。吾緣謝已今日矣。索湯與浴。留頌辭衆。歌漁父數聲。一笑整衣。跌坐而化。卽以陶器瘞於歸雲庵下。實明年正月初七日也。俗壽七十四歲。僧臘四十九年。師本受業於吳山之解空。其徒捨本。逐末犯義。毀戒至靡。不爲師遊學出山久。比歸。一切屏斥。軍血瓶罌。不以入門。與俗方隔。始延靈照講師爲之肄業。復得方陽居士陸懿野翁先生先後表裏。營求香積。補苴罅漏。迄今遂爲淨衆名刹。度徒弟若孫四十四人。常照宗禮宗鑑皆以其學傳法。立衆知名於時。予方髫髻。師一面卽相歎異。比竊登科第。朝廷補外。投閑備吏。幽思每從師遊。必曰。我死爲作碑。師入滅云。久隨世推遷。願

以此願未償爲恨。宗鑑爲疏始末。一夕而文就。且以詞系之。其銘曰。由禪而教。如駢羅萬象。而觸鑑斯照。則爲往而非要。由教而禪。順風恬波。而挽以過船。亦左右而逢源。如端師子。飽學乎經論。而自得乎蹄筌。蓋寶公之神悟。寒山之微言。普化之直。覆而船子之釣竿也。其可形似者。見其人矣。其不可卽者。孰知其天乎。

覺悟教院住持傳天台教法。孫眞悟大師宗鑑立石陽羨鈕完同弟寧模刻。

宋故安閑和尚端師墓誌

朝請郎新權知江陰軍兼管勸農事賜緋魚袋林旂撰并書

朝請郎兗州東路安撫司參議官賜緋魚袋林樞隸額

吳山解空院端師子七世孫師皎因住衢場隨侃以其情來告曰。吾祖崇寧二年圓寂。葬金殿之後。疇昔師於是山大開法席。廣來十方海衆。師與此山俱名。

播於天下。旣沒。梵唄香燈不絕。如綫士大夫與吾徒。又來瞻敬之。徘徊上下。歎佛法不振。善陰陽宅相者。以爲師之宅兆固吉。其所以弗昌厥後。向背不應古法耳。相卒聞於縣請吏。更之道人施皓。願出力築亭於其前。仍祖庵舊榜曰歸雲。香火嚴奉之。先是文慧親承師授。六十年後。開視吾冢。至期諸徒相顧曰。敢幸因此時。毋墜我祖師之命。乃以庚戌之望二十有一日。鳩工。斷土。遠近奔赴觀者如堵。顛隙不動。陶器儼然。發視其中。了無一物。四衆譴譁。歎爲希有。相與悲感流涕曰。是不可不記也。如來住世演說四大六塵中外假合。如幻師結鬼巾。解兔網。破一切我執。又說六度萬行。爲己爲人。如鏡像滅。鏡空破一切法執。端公禪師蚤年觀師子戲。悟三昧。胡言漢語。正提倒擲。風驅電掃。不可致詰。奇奇怪怪。剎那萬狀。有心縱被欺瞞。有眼盡遭愚弄。幻身旣沒。幻法常存。億萬劫灰燼滅。生謂之散聖。死謂之尸解。如此忖度。幻法愈熾。臨濟疑著。普化大慧眞贊金毛橫塘疑則不疑。未免贊歎重贊。偈曰。鏡中師子分明是。瞬目揚眉死不

無明慧性禪師語錄

宋
•
妙 無明慧性
儼 撰
等 編

大宋無明慧性禪師語錄

目錄

序 顏一齊汝勳撰

蘄州資福禪寺語錄

蘄州北山智度禪寺語錄

南康軍廬山歸宗能仁禪寺語錄

南康軍廬山開先華藏禪寺語錄

南康軍廬山棲賢寶覺禪寺語錄

平江府陽山尊相禪寺語錄

平江府雙塔壽寧萬歲禪寺語錄

頌古 法語

眞讚

遺偈

塔銘 顏一齊汝勳居士撰

徑山無準禪師後序 淨慈北磻禪師後序

無明性和尚語錄序

東山一脉最得人憎。認草本者多作平常會。奇特會某處是生機。某處是死句。互分巧拙。俱落窠臼。縱跳得出。又墮解脫深坑。非獨蹉過此老。亦蹉過天下老。

和尚添得幾箇冊子。只益雜毒耳。余因序無明語。不覺饒舌。怕有軟頑底。爲一齋懺悔。也不見得。淳祐癸卯上巳。長洲一齋顏汝勳敬書。

蘄州資福禪寺語錄

侍者 妙儼 編

入院指山門云。萬疊峯巒秀。清虛杳靄間。跨門一衲子。擬議隔重關。

佛殿拈香。指天指地。有甚巴鼻。目顧四方。不知失利。累及後代。兒孫以此遞相鈍置。

踞方丈。電激雷奔。以毒攻毒。撒土拋沙。拗直作曲。箇裏翻身。控角弓。誰能背手抽金鏃。

法座云。不知立處高多少。回頭四顧白雲低。等閑移步毗盧頂。拽轉南辰安向西。

拈衣云。要入牯牛隊。還披水牯皮。全身行異類。拽杷又牽犁。

陞座拈香祝。聖罷次拈香云。此一瓣香。昔在佛照禪師處。得其體松源和尚處。得其用。雖然體用雙全。

參等二字
疑刪

浮沈湖海未曾有一人酬價而今一客不煩兩主蘇
向爐中奉爲前住臨安府靈隱先師和尚用酬法乳
遂歛衣就座 僧問云龍象四集寶座已登學人上
來請師祝 聖答云一氣不言含有象萬靈何處謝
無私進云如何是把定要津句師云擬議則差白雲
萬里進云如何是坐斷乾坤句師云天高群象正海
闊百川朝進云如何是坐斷報化佛頭句師云大用
現前不存軌則進云便怎麼去時如何師云更參三
參三十年僧禮拜師乃云行盡迢迢路無山不是家
跨門一句子擬議隔天涯四山空闊一徑幽深樓閣
崢嶸峯巒疊翠全是自家本地發明古佛家風不免
高掛鉢囊拗折拄杖安家樂業鼓腹謳歌更不他求
是成活計至於山禽聚集牛動尾巴虎嘯龍吟風清
露白溪山雲月處處同風水鳥樹林頭頭顯露且道
共樂昇平一句如何話會倒把少林無孔笛逆風吹
了順風吹
復學保壽開堂三聖推出一僧保壽便打師云將謂
侯白更有侯黑三聖云恁麼爲人非但瞎却這僧眼

瞎却鎮州一城人眼去在師云賊須賊捉保壽便歸
方丈師云虎頭虎尾一時收諸人要識二大老子落
處麼卓拄杖一下云風定花猶落鳥啼山更幽
上堂云有語中無語達磨九年空面壁無語中有語
空生巖畔花狼藉有無俱泯又且如何南斗八北斗
七

上堂云啞却我口禿我舌明眼禪僧難辨別遂擲下
拄杖云今朝撒向諸人前須彌燈王笑不徹

上堂云舉雲門示衆云天寒日短兩人共一碗師云
雲門家風太儉實福則不然天寒日短三平二滿虎
咬大虫雄鷄生卵且道明什麼邊事參

謝知事頭首上堂云迅雷聲裏閃電光中棒喝交馳
主賓互顯正恁麼時且道是誰家風月以拂子擊禪
牀云數片白雲生宇宙普天無處不垂陰

上堂云言發非聲舌頭無骨色前不物狐狸戀窟畢
竟如何是不落聲色底句鷓鴣啼處百花香

新州北山智度禪寺語錄

侍者 圓澄 編

上堂云新梅雪裏依稀拆。愛日。窗前。迤邐。長漏。泄東君好消息。分明。遍界。不能。藏。且道。藏不得。是箇什麼。卓拄杖云。但得到家田地穩。更無佛法可商量。

上堂云。鳥牙絕頂。結制安居。包羅萬有。吞却十虛。且道。無位真人在什麼處。良久云。切忌從它覓。迢迢與我疎。

出城回上堂云。往來無間。動靜一源。譬然而往。譬然而還。大方無內。無外。管甚新年舊年。歸來偃臥。青松下。只這些兒妙。不傳。

上堂云。方挹新春。又迎朱夏。山不爲高。水不爲下。梅雨連綿。虎空貼卦。浸爛石鳥。龜黃梅添話。欄。烏牙峯頂。浪滔天。犀牛扇子。增高價。

上堂學寒山子詩云。吾心似秋月。碧潭清皎潔。無物堪比倫。教我如何說。師云。寒山子坐在解脫深坑。若是北山門下。打你頭破額裂。

上堂云。秋風清秋月。白鴈過長空。蟬噪庭柏。踢出鐵崐崙。大機要頓發。好肉剜瘡。觀著。即睹隔山人。唱太平歌。元是胡笳十八拍。

上堂云。爽氣生襟袂。清颺襲四維。白雲抱幽石。冷淡更清奇。玲瓏八面。自回合峭峻。一方誰敢窺。因事上堂。毒蛇頭上。能揩痒。正是吾家跳鼉兒。竊得這些窮伎倆。白拈手裏。覓便宜。面高仞崖頭。獨立頭長三尺。知是誰。

上堂十五日。已前一冬二冬。又手當胸十五日。已後背手抽金鏃。翻身控角弓。正當十五日。時如何。風從虎。兮雲從龍。擡眸。鷄子過遼東。

南康軍廬山歸宗能仁禪寺誦錄

侍者 妙全 編

上堂云。春行萬國。春無跡。臘雪消殘。始見功。頭頭應現。處處流通。木馬泥牛。吼花柳。撼春風。

上堂云。春山。青春水。綠草。茸茸花。簇簇。若能喪盡目前機。便見廬山真面目。

上堂云。元宵正月半。是處金蓮現。貪看燈明佛。蹉過新羅箭。以拂子擊禪牀云。閃電光中。聊通一線。上堂云。柳色含煙。千葩競秀。森羅萬象。互顯家風。無位真人。橫身徧界。正恁麼時。如何以拂子擊禪床云。

鯨吞海水盡露出珊瑚枝

爲首座典座上堂云法社棟梁藁林綱紀全殺全活
建立宗旨雙放雙收總在這裏虎嘯風生龍吟霧起
擊拂子云大家扶起破砂盆無限清風來未已

上堂云句中句絕露布閃電裏分縑素且道紫霄峰
高巒溪水急如何縑素以拂子擊禪牀云戴嵩牛臥
綠楊陰韓幹馬嘶芳草渡

上堂云向上一路滑壁立萬仞嶮石火電光鈍定乾
坤句錯良久云水牯牛常甘草麒麟只有一隻角
千手大悲難摸索

謝知事上堂云主中賓賓中主南山大虫元是虎踢
起眉毛著眼看閃電光中急薦取擊拂子云發機須
是千鈞弩

上堂云知有底人眼中著屑盡底掀翻只得一撇堪
笑巴陵老古錐解道銀碗裏盛雪

上堂云滿口道不得底天下祖師結舌有分滿眼覷
不見底撞著燈籠露柱滿耳聽不聞底鐘鳴鼓響切
忌啗啄休啗啄滅却臨濟正法眼破砂盆子何處著

上堂云歸宗見成行貨別無單傳心要二時展鉢開
單逐日桐尿送尿飢餐渴飲一般露柱燈籠大笑且
道笑箇什麼毗婆尸佛早留心直至而今不得妙
上堂云風蕭蕭兮疎林葉落月皎皎兮虎嘯猿啼或
聞或見或悟或迷會與不會脫體全提鼻孔元是向
下垂

上堂云一葉落天下秋一塵起大地收明明祖師意
明明百草頭相頭買帽看樓打樓拂子擊禪牀云更
嫌何處不風流

上堂云秋色連天淨秋花滿地香圓通門大啓切忌
錯商量

開爐上堂云丹霞燒木佛院主眉鬚落兩箇無孔鐵
錐彼此將錯就錯焦塼打著連底凍笑它普化搖鈴
鐸

上堂云雪覆千山孤峯不白突出難辨覷著則瞎鐵
樹花開冰河焰發不萌枝上月三更切忌龍門遭點
額

上堂云搖唇鼓舌展事投機千佛出世不通懺悔歸

宗知而故犯是汝諸人向什麼處著眼以拂子擊禪
狀云焦巴焦巴有葉無了長天秋水孤鷺落霞
上堂歸宗無法可商量獨撥單提不覆藏有問西來
端的意天寒日短夜偏長

浴佛上堂云指天指地獨稱尊攪動乾坤海嶽昏自
從賺殺人無數直至而今無腦門

上堂云雨過長空簷頭滴滴觀面相呈人信不及信
得及萬古長空元不濕

上堂云一卽一切一切卽一拈青玉峽向焦螟眼中
撮大地來如粟米粒會則事同一家不會則知我受
屈

上堂云獨標萬象物外宣揚卓拄杖云天長地久地
久天長

上堂云無作無爲無說無示可以濟群類統萬邦同
六虛融三際卓拄杖云此是吾家第一義

南康軍廬山開先華藏禪寺語錄

侍者 道隆 編

入院指山門云瀑布懸崖落半空等閑平步廣寒宮

乘時坐斷孤峯頂千聖從教立下風

佛殿云祖禪不了兒孫遺累祝著磕著無處回避不
辭禮拜燒香也要遞相鈍置

方丈云作家爐鞴本分鉗鎚不用埋兵施陷虎白拈
手裏覓便宜

法座云喝散白雲穿開碧落一步闢一步一著高一
著

陞座祝 聖罷據坐云未舉先知孰與論掀騰海嶽
動乾坤嶮崖句裏翻身轉盤走珠兮珠走盤僧問云
如何是臨濟宗師云迅雷不及掩耳進云如何是潯
仰宗師云父子不相傳進云如何是雲門宗師云劍
去久矣徒勞刻舟進云如何是曹洞宗師云白雲影
裏怪石露流水光中古木青進云如何是法眼宗師
云心外無法滿目青山進云宗派已蒙師指示向上
宗乘事若何師云花須連夜發莫待曉風吹進云且
道昨日歸宗長老今日開先主人畢竟如何師云兩
頭俱坐斷一劍倚天寒僧禮拜 復云滿天和氣匝
地韶光溢目晴輝影臨萬有山花似錦澗水如藍蝶

戀芳叢。篆不彫之心。印鷲啼谷口。演不說之妙門。全提鷲嶺拈花。揭示西來密旨。便恁麼去。是處是慈氏。無門無善財。只此便是大安樂田地。只此便是大解脫之場。雖然如是。共樂無爲一句。畢竟如何。話會以拂子擊禪床云。淨智莊嚴功德聚。祝融峯頂萬年松。復舉藥山示衆云。與我喚沙彌來。侍僧云。喚沙彌作麼。山云。我有一箇折脚鎚兒。教伊提上。掣下。師云。儉生不孝。義出豐年。覲面提持。當陽有準。何故鯨吞海水。盡露出珊瑚枝。

聖節上堂云。一眞合法界。大用等虛空。祥如霧集。萬善若雲臻。卓拄杖云。用祝吾皇無量壽。天高無極地無窮。

上堂云。郊原雨過春日熙。熙桃紅李白。發最上機。啞却口落盡眉。就中一曲江南好。蘆管迎風掣亂吹。上堂云。聲前一句。十方顯露佛祖不知。衲僧罔措拂子擊禪床下座。

上堂云。萬壑千巖。雲霞鎖霧。洞然明白。覲面分付。還有知時。別宜底麼。良久云。鴈影落寒潭。孤舟橫野渡。

上堂云。毗盧師法身主。縱奪臨機些子。許目前分付。與阿誰。踢起眉毛急薦取。

上堂云。去聖時遙。人多懈怠。逆則生嗔。順則生愛。不嗔不愛。東海剪刀。西番布袋。解脫門頭。緊著關。休誇鋪席無人買。良久云。腦後見腮和賊捉敗。

上堂云。一番秋雨。一番涼。道路無塵。野菊香。翻笑昔年陶令。尹攢眉歸去。錯商量。恁麼不恁麼。破鏡不重光。若把拈花微笑。是切忌。將奴喚作郎。

上堂云。以拄杖橫按云。鼓沒絃。琴復作。吹笛勞云。吹無孔笛。共樂堯年。同舜日。達磨九年空面壁。

上堂拈拄杖云。提起則天回地轉。觸處光輝。放下則息慮忘緣。聖凡罔措。不拈不放。又且如何。卓拄杖一下。翡翠踏翻荷葉雨。鷺鷥衝破綠楊煙。

上堂云。久雨不晴。纔晴又雨。陰陽交泰。萬物得所。明百草頭。能爲萬象主。以拂子擊牀云。覲面相呈。切忌莽鹵。

上堂云。秋風雖離。秋色依依。秋雲淡佇。秋月分輝。篆不彫之心。印狀似鐵牛之機。阿呵呵。力因希。再三撈。

據始應知

上堂云。月掛長空。孤峯獨宿。幽鳥數聲。清白雲斷處。續佛眼難窺。拗直作曲。羶羊掛角。絕蹤由。無限清風生八極。

松源和尚忌日上堂云。是句亦剗。非句亦剗。瞞瞞預預。生鐵門限。如斯出世。爲人瞎却。衲僧正眼。子細檢點將來。也是徐六擔板。

南康軍廬山棲賢寶覺禪寺語錄

侍者 圓照 編

上堂云。巢知風穴。知雨此是。世人知有。只如世尊拈花迦葉微笑。且道是什麼人知有。卓拄杖云。林間木馬嘶。海底泥牛吼。

佛成道上堂云。瞿曇夜半見明星。確觜挑開眼裏筋。四十九年無畏說。至今錯認定盤星。將頭不猛帶累三軍。曹溪波浪如相似。無限平人被陸沈。

上堂云。草離離煙漠漠。雨如膏雲如鶴。說了也錯錯錯。五老峯高徹。骨寒野猿啼。斷山月落。

上堂云。天得一地得一。王得一兮無等匹。一得一又

何必閃電光中加霹靂。朝來細雨灑危層。八面風清照紅日。

上堂云。大包無外。細入無間。內外絕瑕玼。古今無背面。森羅萬象影中藏。四聖六凡光裏現。分明常在諸人前。未審諸人見不見。卓拄杖云。鐵壁银山通一線。上堂云。雪埋松徑。梅著寒梢。露保保赤漉漉。獨孤標。寒山逢拾得。撫掌笑呵呵。

上堂云。初三十一。中九下七。更不囊藏。當陽拈出。以拂子擊禪床云。一氣轉洪鈞。八方開壽域。上元日上堂云。心月孤圓。清光皎潔。吞盡十方空。銀碗裏盛雪。以拂子擊禪床云。本光瑞如此。笑倒燈明佛。

上堂云。木犀花散一山秋。更約清風作勝游。笑嗽幽香翻葉底。西來祖意在枝頭。沒回互。與悠悠。遼天鼻孔齊穿却。更嫌何處不風流。上堂云。殺人刀。活人劍。劈破虛空成兩片。千妖百怪盡潛蹤。萬象森羅光影現。艾人與門神端的見不見。卓拄杖云。拄杖子。聊通一線。

解夏上堂云。有結有解。俱錯到底。無繩自縛。一夏九十日。終箇箇眉鬚墮落。入水長人。填溝塞壑。相逢只解那斯。邪明眼。納僧休卜度。

上堂云。纔開口。又成刺語。不開口。又成增語。發機須是千鈞弩。草店家風。別翻雲。又覆雨。若是陶淵明。攢眉便歸去。

上堂云。松蘿影裏。積翠堆中。白雲爲蓋。流泉作琴。隻影獨標。巖上月。不知那箇是知音。耳卓。朔頭蓬鬆。擡眸。鷄子過遼東。

上堂云。言語動用。沒交涉。非言語動用。亦沒交涉。傾腸倒腹。爲楔出楔。啞却我口。禿却舌。明明萬里一條鐵。

上堂舉寒山頌。秋光清淺時。白鷺和煙島。良哉觀世音。全身入荒草。點檢將來罪。過不少。只憑拄杖。一切靠倒。遂靠拄杖下座。

上堂云。掀翻四大海。踢倒須彌盧。心髓膽大。少實多。虛夜見明星。曾落節。兒孫隨後受塗糊。

松源忌木落。高秋玉露垂。慎終追遠。又思惟。無端一

世滅胡種。累及兒孫。說向誰啞。却口落盡眉。牽犁拽把。帶水拖泥。順捋虎鬚。拈蝎尾。白拈手裏覓便宜。冢肥生孝子。誰是五逆兒。棲賢今日。以此供養松源。先師且道。還來歆饗也。無以手搖拽云。嗚呼。嗚呼。秋露春風消息。在不知誰薦上頭機。

平江府陽山尊相禪寺語錄

侍者 法洪 編

入院指法座云。喝散。白雲穿開碧落。須彌燈王。無處摸索。

上堂云。深藏古寺。老垂垂。冷暖相諳。只自知。不謂使符相苦逼。依然拽又牽犁。

覺報長老至上堂云。開門待知識。知識不來。過知識。既來過畢。竟如何。通信拂子擊禪床云。開口不在舌頭上。佇看平地起風波。

晚小參云。控佛祖機。瞎人天眼。用生殺句。截葛藤窠。點著不來千里。所以向上一路。消壁立萬仞。嶮石火電光。鈍定乾坤句。錯箇是從上來。垛生招箭。尊相則別有條章。諸佛不曾出世。亦無一法與人達。磨

不西來二祖不得髓。見佛見祖如生冤。家說色說心。如逢猛虎。若是錦鱗。賴尾底纔聞。怎麼舉著。踢起便行。大棒打不回頭。誰敢正眼覷。著若是鈍鳥棲蘆底。一恁三三兩兩。何故曾爲浪子偏。憐客爲愛貪。孟惜醉人。

謝知事頭。首上堂云。佛祖大機。目前密布。主中賓賓。中主雲從龍。風從虎。卓拄杖云。發機須是千鈞弩。歲夜小參。歲盡年窮。無可不可。烹露地牛。燒槽枥火。野菜只添一筋油。滿鉢和羅唯一飽。笑傲煙霞白雲。風拂韶陽一曲自高歌。困來一覺。和衣倒淺種。深耕得自由。珊瑚枝頭日杲杲。復舉僧問古德。年窮歲盡時。如何德云。東村王老夜燒錢。乃舉頌云。東村王老夜燒錢。打著南邊動北邊。赤骨歷窮誇富貴。日高三丈尙慙眠。

穹窿圓太虛。至上堂云。穹窿山裏老菴菴。一點圓明。爍太虛。八角磨盤空裏轉。寥落林泉意。自殊超物象。絕名模。將爲胡鬚赤。更有赤鬚胡。上堂云。舉僧問鏡清。深山巖窟中。還有佛法也。無清。

云有僧問。如何是深山巖窟中佛法。云石頭大底大。小底小。或有人出來問尊相。如何是深山巖窟中佛法。只向他道。無因甚如此。只爲太近。乃舉頌云。一人道有一人。無正令。全提肘後符。昨夜虎空開口笑。石人吞却洞庭湖。

上堂云。離四句絕百非。一言已出。駟馬難追。一任金烏東出。徒教玉兔沈西。拂子擊禪床。云千鈞之弩。不爲鼯鼠而發機。

舊住至上堂云。春雨如膏。春雲如鶴。客從天外來。正是魔王脚。閬外威權。麒麟一角。擊拂子云。轉身一拶。驗來。端外道天魔俱膽落。

上堂云。春山。青春水。綠春。雨濛濛。春花簇簇。春光滿目。畫難成。春風萬里。何拘束。肥馬。轆轤瘦馬。轆轤日逐忙忙。等閑過些兒。毒氣誰輕觸。

上堂云。今朝四月初一。萬像難逃。影質馬祖。陞堂百丈。捲席祕魔。擎叉魯祖。面壁喚驢。作馬蝦跳。不出麒麟一角。尖鳥龜三眼赤。

上堂云。雲收天際杲。日當空。生立儼然。如何通信擊。

拂子云自是不歸歸便得五湖煙浪有誰爭

楞嚴會上堂云八還正眼頂門開悟得門門有善財
要識九旬行道處薰風依舊自南來

二齊相訪上堂云學問馬大師不與萬法爲侶是什麼人師云問處如毒龍攪海答處似猛虎靠山然雖
電激星馳未免總在門外且道門裏人如何話會移
花兼蝶至買石得雲饒復舉頌云不與萬法爲侶
咬定牙關錯舉西江吸盡鐵船浮活提獐龍和角煮
倒騎佛殿出三門翻手爲雲覆手雨

上堂云鬼馬有角牛羊無角智不到處切忌道著道
著後如何擊拂子云拈得鼻孔還失却

爲沂首座上堂云相見不揚眉雷轟閃電遲知音纔
側耳擬議落便宜威行閭外警轉機輪拍禪床一下
云大千捏聚一微塵

勘堂至上堂云息菴去世肉猶暖五逆還它五逆兒
海湧峯頭行正令白拈誰敢覓便宜

中秋上堂云舉長沙和尚道盡大地是一隻眼盡大
地是箇全身盡十方世界在自己光明裏拍禪床一

下云若人於此見得清風常滿座一念百千年

平江府雙塔壽寧萬歲禪寺語錄

侍者 唯道 編

上堂納僧門下手擎日月游運神通背負須彌全機
敵勝移星換斗奪食驅耕又且如何拂子擊禪牀云
不因汗馬功成力爭見黃河徹底清

上堂云舉雪竇云十方無壁落四面亦無門畢竟向
什麼處見客若道得接手句許你天上天下壽寧則
不然金剛圈栗棘蓬拈來便用耀古騰今格外知音
纔領略四方八面起清風

上堂云無語中有語名曰死句有語中無語名曰活
句可謂剝肉作瘡皮穿骨露舉不顧即差牙閃電光
中走烏兔

上堂十五日已前風吹不入十五日已後水灑不著
正當十五日時如何擊禪床云月中仙桂和根拔海
底泥牛把角牽

上堂十九二十人信不及拈拂子云喚作拂子則背
不喚作拂子則觸而今背觸分明一句了然百億且

道是那一句參

上堂天寒人寒。大家在這裏洗面。摸著鼻喫茶。濕却
背向上。還有事也。無擊拂子云。韓信臨朝底。

魁首至上堂。廬山華藏太湖濱。確嘴挑開眼裏筋。來
越壽寧爐竈熱。大千獨步見鵬程。

上堂云。智不是道。心不是佛。輟雪峰毬舞道。吾笏且
道明什麼邊事。搖手云。不說不說。

道舊至上堂。二月春過半。園林一樣新。傍花看蝶舞。
近柳聽鶯吟。遠客來相訪。還曾悟此心。林鄭珍井底。

種林擒。今年桃李貴。一顆直千金。

上堂云。觀音菩薩將錢買糊餅。放下元來是箇饅頭。
相席打令看樓打樓。擊拂子云。不風流處也風流。

上堂云。燕語鶯吟俱談實。相春風吹動桃李花。淡煙
疎雨籠青嶂。說了也。還會麼。擊禪牀云。切忌起模畫

樣。

上堂云。歸宗事理絕。日輪正當午。布袋放憨癡。貓兒
捉老鼠。若人會得超佛越祖。卓拄杖下座。

上堂云。大道縱橫觸目成。現坐微塵裏。轉大法輪看。

看且道畢竟是左轉右轉。夜來有人從湖州來。接得
淮南信。泗州大聖道吳中石像不合一口吞却洞庭
湖。直得須彌倒卓。海水逆流。且道明什麼邊事。參。

頌古

趙州見二菴主

南枝向暖北枝寒。一種春風有兩般。寄語高樓莫吹
笛。大家留取倚欄干。

外道問佛

外道懷藏寶鏡時。世尊良久爲高提。渾如良馬窺鞭
影。不覺全身陷鐵圍。

開口不在舌頭上

明修棧道暗度陳倉。刻舟猶覓劒。夜雨過瀟湘。

大力量人擡脚不起

只許老胡知。不許老胡會。白雲盡處是青山。行人更
在青山外。

大力量人脚下紅線不斷

放兩拋三。瞞神諱鬼。換盆換盆。誰不識你。

嵩山晷運推移

鴻山養子沒來由。又手人前不識羞。更把琵琶半遮面。不令人見轉風流。

南泉斬貓兒

當陽利劒斬狸奴。刃下翻身會也無。脫下草鞋頭戴出。石人吞却洞庭湖。

法語

寄顏一齊居士

去月特承遣介。費香信物之贖。出示教益十餘年間。介注於此。方得入頭處。得句不凡。早是著得手腳快。當方見如此。今既得入處。如人喫茅柴酒。少間又悶。然而散又不見了。雖然如此。却已得著手脚處。但只於所得之地。崖將去。如一座鐵壁銀山。把得定。作得主。從此有大發明。方始慶快平生。又有一說。若悟目前。不悟自己。爲之有足。無眼。若悟自己。不悟目前。謂之有眼。無足。於此兩頭。打徹百千法門。無量妙義。只在一毫上。千變萬化。到此方是大法明。一切處通透。古今諸訛公案。更須遇人始得。所以涅槃心易會。差別智難明。欲得透脫生死。但只依門下末後一段見。

處崖將去。於無滋味處。正好著力。大疑之下。必有大悟。十二時中。具決定志。必不相賺。古人見七十員善知識。其中只有一二具大眼目。其餘具正知見而已。宗乘中難得大手段。底爲人抽丁拔楔。若擠得一生。不會做。將去有心做。無心得。終被門下了。却干生百世。得大自由。萬丐痛自加鞭。是幸。

雖得入頭處。且喜神氣定。動外魔難入。但胸次有疑慮。追究午夜。入神體。究虛而靈寂。而妙大休大歇。無妙極深。無深極妙。拌一生具決定志了。取此一點靈驗。必不辜負。只恐到無折合處。却不向前。亦枉用前頭工夫。切不可退志。無滋味處。正好著力。方爲大力。量人一切語句。下却物爲上。逐物爲下。切忌隨語生解。是爲大病。

室中敲磬足。何嘗以此事之篤。若是佛法門庭。在諸方。無有不鑒覺者。更望一念不生。全體作用處。微細磨窮。究得來。方知體用雙全。去住自在。莫聽人口快。須是自有定力。始得。

參禪爲透脫生死大事。不是爲參口頭禪。以求衣食。

直須放下身心。退步扣已。萬不失一。所謂蠶食易飽。細嚼難飢。未得知如喪考妣。得知了亦如喪考妣。胸次不明。不可妄爲。做長老稱善知識。所謂靈龜負圖。自取喪身之兆。切須照顧。一失人身。萬劫不復。拚却一生。不會埋頭衆底。救取自己一段大光明藏。今生得之。百劫千生。自得受用心。爲帝王主人。若迷客得。其便時時提取金剛王寶劍。纔有向上向下。聊起斬爲三段。不妨性燥。其或未然。莫將閑學解埋沒。祖師心。

寄顏一齋閣內寂室方氏

卽心卽佛。沒諸訛不動舌頭。意氣多打破。虛空行活路。夫妻撫掌笑呵呵。

付淨徹首座竹篋

竹篋付了復何爲。佛祖當頭劈面揮尺水。便能翻逆浪。儘教人薦截流機。

沈安齊草菴號常收

尙墮功勳不自由。還同死水臥泥牛。何如闢進竿頭步。撒手懸崖萬仞頭。

自贊

紫霄峰下。以毒攻毒。撒土拋沙。拗直作曲。撼動四大神州。拳踢掀翻地軸。性禪沒興。遭逢切忌。望空呵囉。坐斷千峰頂。顙頭一任虛聲聽杓卜。

橫按吹毛。全提正令。毀佛謗法。因邪打正。有時裂轉面皮。天下衲僧乞命。

辭世

七十八年內。空外空。撒手便行。萬古清風。

淳祐辛丑八月乙丑。太白名山比丘迢冲敬校。

無明和尚語錄終

塔銘

迪功郎温州永嘉主簿顏汝勳撰并書

朝散郎知信州軍州事方萬里篆額

此道有正脉。惟無半點氣息。其殆庶幾。知其可庶幾。謂正脉在是。則妄也。迎之而不留。捨之而不遺。北雨南雲。斗移星換。忘存失照。鈔亦何立。泉奔嶽頂。探源

皆死水。雹降青天。追蹤皆客塵。擬翬朵。願欲變歛色。抽關轉軸。乾坤爲之黯。黑龍天。雖夙誓呵衛。終無處。所此師以手搖拽。嗚呼。久之不能自己。余知爲楊歧九世孫也。師名慧性。姓李氏。達之巴渠人也。混然其初。不以點黑汚胸臆。才祝髮。束包南游。適淳熙戊申歲也。首謁佛照光光奇之一叩。得其體。師以無宜路益孜孜。一時昂頭驤角。措範輝錯。頂癢足胝。每甘心焉。知松源岳得於密菴。傑傑得於應菴。華迦而上之。白雲東山。皆楊歧流出也。師造松源座下。奉勤給侍。奔走爲裴回。咨決地。晨敲夕磬。針度線引。尤不唧囁。於些子。請訛師毒深矣。出世斬之資。福越兩年。遷智度法社。正耀湖海。翕然歸宗。開先棲賢。爲古精藍。露沐雲敷。此湧彼沿。獅子一滴。何翅散十斛。驪乳師膺高矣。奧林窾谷。將終遯矣。所至道價寶璧。宗旨淵源。大用脫軌。則推出分常之華藏。半座老作。願點額於龍門。時余未識師。以水僧骨傳云。雪覆蘆花。欲暮天到。撐沒底謝郎船。離鈎三寸。如何道海底泥牛。挖角率則師之脉有自矣。贊參請禮往來叩答。余不覺悚。

汗。撲庵居士以大根器。棟此道來。守姑蘇。勉其主。陽山尊相金。奏玉響。主林改色。部使者輿。敬稅駕於雙塔。俊。請信友如赤子。赴慈父母。賴以受用者。衆在在。籌室。非時相見。臨閒冰暑。闡提亦有作室中多。舉開口不在舌頭上。大力量人爲什麼。擡脚不起大。力量人爲什麼。脚根下紅絲線。不斷虎踞。倪座返。擲橫拈。撒火飛星。學者株守已靈。錯認鑒。覺。窠臼情識。墮解脫坑。無地容。雖無錐可卓。猶未夢見在其示衆。曰。向上一路。滑壁立。萬仞巖石。火電光鈍定。乾坤句錯。又曰。心路不絕。祖關不透。盡是依草附木。精靈大法。洞明正好。痛棒孤涎。螢火望風。剝落余之恩。怨始啞者。陷藥矣。師慨此道累卵。每哽涕眼目。護常住口體等土木。應世如童。甘逆如飴。履寔踐真。氷堅霜厲。行解相應。名之曰祖之調也。感微疾。譚笑却藥。即室候安起居。如常遣某書。遺某偈。誨尤渠。渠於余投筆。澡浴跌坐而逝。嘉熙改元七月二十日也。年七十六。茶毗舍利珠貫。雪骨了聰。久侍師席。確志而正信。併奉鬚髮歸故里。建窰堵。庸示般若靈驗。師示何加損。

以余出師門請銘力甚於辭受頃不落擬議乃銘之
曰

楊歧正脉 出廣入細 白雲東山 互換失利
彷彿依稀 終闕半偈 咄破沙盆 松源飲器
毒流至師 剔骨剝髓 嗚呶嗚呶 以手搖拽
七鎮寶坊 非即非離 有赫厥後 人自侈異
吐吞其誰 如水行地

一齋居士示及 無明和尚語一編炷香拜觀三嘆
無已徑山師範書

後序

圓悟等閑道出四箇字道言如枯柴道盡陳尊宿近
時操曲彖木床三日五夜努得箇上堂四句偈以顯
爲倒以逆爲順因邪打正必曰因正打邪指鹿爲馬
必曰指馬爲鹿反是謂之順朱噫不知朱順耳此弊
僅四五十年餘波末流渺不可遏
開先老子提倡一編度火金虞其或變度海震虞其

或滲反覆指摘了不可得異時商確推一言半句言
猶在耳今非吳下蒙也兵車會同請辟三舍

淨慈北磬 居範

西山亮禪師語錄

宋
•
覺 西山亮
心 亮
等 撰
編

西山和尚語錄序

比丘慧真將與刊布西山亮和尚錄。蓋予三十年舊交。來福泉。爾若求序。引此筆示之云。

四八年間。誑後昆。

纔開臭口。謗宗門。

如今更刻閑題倡。

擊水依前覓杖痕。

淳祐三祀。履端人日。天目樵叟文禮書于李侯功德寺之退居。次第登五峰。丐無準跋尾。蒙不得辭。以此似它使拂我浪言也。

西山和尚住建康府清眞禪院語錄

侍者 覺心 編

師於嘉定四年

上堂。舉三聖和尚道。我逢人則出。出則不爲人。與化道我逢人則不出。出則使爲人。三聖與化各出一隻手。要扶豎。臨濟宗風。殊不知臨濟宗風。祇因二大老掃土而盡。今日亮上座出世。畢竟如何。幸是太平無事。客相逢。何必動干戈。雖然如是。也是雪峰道底。上堂。一葉落。天下秋。幾人於此辨。來由。藉僧冷地呵。

呵笑南嶽天台拄杖頭

上堂。舉南院問僧名。什麼僧。云普魯院。云忽遇屎橛。時如何。僧云不審。南院便打。師云兩箇屎橛合作一團。熏天炙地。誰能。𨔵千古叢林作話端。

上堂。今朝十一月十五。光陰似箭。歲將莫。參禪學道。如何切忌守株而待兔。若是金毛師子兒。翻身一擲。無回互。無回互。驚殺南山白額虎。

上堂。兩國戰爭。萬民逃竄。直得清眞寺裏前廊後架。一時占斷。佛殿上繫牛。僧堂中繫馬。屎放。漏更無縫罅。遮般境界。鏡額銅頭也怕。唯有釋迦老子。懽懽喜喜。屎堆上來。來去放光動地。諸人還見麼。若也見得。夜夜抱佛眠。朝朝還共起。其或未然。莫道無罪。過。擊禪床下座。

上堂。今朝三月半。百花開爛熳。祖意甚分明。何妨著眼看。看看忽然花謝。樹頭空。又被風吹別調中。上堂。舉僧問報慈。情生智隔。想變體殊。情未生時。如何。慈云隔。師云者。僧問處絕。請訛。就便拈來付與它。嫩綠枝頭紅一點。動人春色不消多。

解夏上堂九旬禁足今朝滿漆桶掀翻快活人莫恠
點胸夸獨步只緣過夏在清真

上堂舉趙州問南泉知有底人向甚處去泉云檀越
家作一頭水牯牛去州云謝師答話泉云昨夜三更
月到窓雲峰云南泉若無後語洎被打破蔡州大慧
師祖云雲峰老人失却一隻眼殊不知祇因后語當
下打破蔡州師云行到水窮處坐看雲起時

開爐上堂舉趙州和尚道火爐頭有則無賓主話我
在南方卅年更無一人舉著師云趙州老子太無厭
足今日開爐清真不免頭上安頭舉無賓主話一遍
布施大眾便下座

上堂說參禪彌天過緣是見成行貨可憐背覺合塵
飯籬邊忍飢餓

西山和尚住慶元府靈隱禪院語錄

侍者 志清 編

指三門

踰斷千差路撥天門戶開擡頭空蕩蕩脚下起風雷

拈帖

號令聖凡須憑考箇且道者箇從甚處得來還知麼
塞却耳根分明聽取

上堂八十老婆心已灰強顏抹粉與涂坯自知潦倒
無羞耻遇興何妨舞一回問答山野今蒙使府給帖
俾令住持爲

國焚修今晨入院打鼓上堂祝延

聖壽外合譚何事若要說規矩規矩隨身若要說禪
道鈍置殺人畢竟如何四海浪平龍睡穩九天雲靜
鶴蜚高

舉併辭開堂三聖推出一僧與賊過梯保壽便打令
不虛行三聖云恁麼爲人非但瞎却者僧眼瞎却鎮
州一城人眼去在爲衆竭力保壽擲拄杖歸方丈大
衆會麼醉后歸來明月夜笙歌引入畫堂前

臘八上堂便恁麼去蚤是雪上加霜那堪更說見明
星成正覺者般說話掩彩兒孫靈隱當時若見他祇
向道換盆換盆

上堂柳綠花紅春鳥啼明明祖意報君知箇中直下
知端的已落吾家第二機

結夏上堂安居之首禁足爲名禁足之意在進道而護生衲僧家有何生而可護有何道而可進睡一睡睡破釋迦老子面門行一步。蹋斷釋迦老子脊梁骨。大眾白雲祖師恁麼說話。大似捏目生花。靈隱門下。前無釋迦。後無彌勒。說甚結制解制。長期短期。十二時中。在在處處。如倚天長劍。誰敢正眼覷著。諸人還會麼。良久會之一字。也不消得。

上堂參學事絕商量。急著眼快承當。處處無非安樂鄉。阿呵呵。好快活。萬兩黃金也消得。雖然且喫大麥飯。

上堂舉雲門問洞山云。近離甚處。山云。查渡門。云。夏在甚處。山云。湖南報慈門。云。幾時離彼。山云。八月二十五。門云。放子三頓棒。洞山來。日上。方丈。問訊。云。昨日蒙和尚賜棒。未審某甲。過在甚處。門云。飯袋子。江西湖南。便與麼去。師云。狂風暴雨。轟霹靂。滿庭撼動。花狼籍。紅紅白白。已周遮。何勞飯袋重拈出。

上堂金風起。樹葉落。體露堂堂。活鱖鰲。報君知。快領略。回頭轉腦。擬思量。錯認茶籬作木杓。

眞大師相訪上堂。舉實際訪俱胝。不下笠。胝云。放下箸。曰。道得。卽放胝。無語。際便出。胝云。且小住。曰。道得。卽住。胝又無語。師曰。無語。且置。實際也是弄巧成拙。眞大師今日相訪。且無如之。若何。自是超出古人一頭地。具眼者辨取。

上堂舉五祖演和尚示徒云。譬如牛過窓欄。兩脚四蹄都過了。尾巴因甚却踞難。與伊道箇谷。呱呱。教它滿面自羞慚。

上堂舉明上座趁盧行者至大庾嶺。頭見義不爲何勇之有。盧乃擲衣盃於石上。云。此衣表信。可力爭耶。退已讓人。萬中無一。明上座舉之。如山不動。乃云。我爲法來。非爲衣也。願乞開示。欸出。囚口。盧云。不思善。不思惡。那箇是明。上座本來面目。寶劍當頭。截明上座於言下。大悟。好與二十棒。畢竟那箇是明。上座悟處。撥闍華岳。連天秀放出。黃河徹底清。

偈頌

芭蕉拄杖子

你有主文與主文。你無主文奪主文。撥亂乾坤幾箇。

知鸞啼不在花枝上

靈雲見桃花

幾年湖海不知羞。一見桃花自點頭。堪笑傍觀猶眼熱也來趁隊逞風流。

趙州勘婆

飢時定聞飢飽時定聞飽。婆子在臺山趙州勘破了。

雪師子

一色通身白。天然絕點塵。吒沙當古路。不吼也驚人。

建康黃尚書請住清真曾以頌却之

徹骨窮來不厭窮。橫眠倒臥白雲中。飢冷一盂和雜飯。此外無能振祖風。

悼遜庵

無端拗曲作直平。白換人眼睛。而今隻履歸去且喜天下太平。

藤簾

打成一片凝如水。風吹不動寒光起。飯飽齎快活。眠不知身在秋波裏。

開塗田道者求語

大海波濤湧道人。願力堅當頭一截。斷萬頃看平田。

光維那歸鄉

光境俱亡了。寒潭徹底清。汴流翻巨浪。五十四州驚。

寄天童癡絕和尚

潦倒西山百不能。隨身賴有一枝藤。東撐西拄消閒日。甘作荒山小院僧。

達上人乞語

達道應須併六賊。六賊併了何所得。十方坐斷眼頭空。觀音院裏無彌勒。

碧雲寄華藏故舊

碧雲深處望湖山。時步松門獨往還。眼底故人都不見。但聞幽鳥語關關。

見侍者求語

三呼三應箭鋒挂。不呼不應全體露。汝從雪竇到靈山。步步踏著無差互。

光上人求語

光明寂照徧河沙。認著依前滿眼花。喪盡諸緣回首看。寥寥四顧絕周遮。絕周遮處未爲是。更須知有祖。

師關透得關。生死佛魔甚。屎屁時來平地一聲雷。四海五湖如鼎沸。

古禪人乞語

底事完全亘古今。何勞特地徧參尋。草鞋踢破知端的。悔涉山川恨轉深。

佛事

普上座下火

未出母胎一句子。普天匝地絕諸訛。無端特地要行脚。大似將身入網羅。平白網羅忽地斷。四顧寥寥無畔岸。烈炎堆中轉法輪。三世諸佛立地看。

妙塔上座入塔

妙不妙。堪不堪。到頭終是不相干。灰飛烟滅盡一劍。倚天寒。

塔銘

鄴在梓爲壯哉。縣稅氏有子讀書無味。耆貝葉不啻悅。錫象志銳超俗。父母百計不得留。禮當縣文才院僧普明爲師。受具畢往成都大聖善寺。擇三學名流。

◆吾一作若

北面師事之居。無何振策出三峽。徑造毗陵華藏參禮。塗毒策策器之俾。執侍左右。逮移徑山與之偕策。喜作小入室。師直前曰。非古人意也。吾進惡石。輒不聽。堂中第一座。遂庵演。是其況。乃依演決所疑。演開法華藏亦與之偕。出世金陵清真。辯香爲演拈出。晚住四明。小靈隱。冰凜自若。人不堪其憂。年九十。閱七十三。臍無疾而終。淳祐二年二月十有九日。龜留七日。葬全身於寺之東隅。得銘無媿。銘曰。

虛空講經。四花亂零。亮公不來。瘖萬竅聲。法不終否。崛起梓亮。亮自真訥。以訥提倡。清眞把茆。金陵佳麗。小試全提。霧沈半壘。以古爲鑑。以身代舌。波波挈挈。一生打徹。惟小靈隱。近小淨慈。樹此勝幢。悠悠我思。淳祐三年春朔。淨慈住山人北礪居。書于西湖南岩。

西山老人如證而說。如說而行。不犯雕琢。渾然天成。句句敲出。佛祖骨髓。字字點開。猶子眼。瞻文彩。未彰。

時薦得圓音。貫耳儼如生。淳祐二年重午。天童比丘
道冲謹書。

西山眞實一老翁。不事枝葉有古風。風韻後學觀此
錄。則知予言之不虛也。淳祐癸卯上元。徑山圓照叟
師範敬書。

枯崖漫錄中卷曰。西山亮禪師頌趙州勘婆子云。
飢時定聞飢。飽時定聞飽。婆子在臺山。趙州勘破
了。遯菴可之。出世金陵清眞提唱語言。發若機括。
寄天童癡絕云。潦倒西山百不能隨身。賴有一枝
藤。東撐西拄消閑日。甘作荒山小院僧。住四明小
靈隱。而終西山蜀人性。方雅不喜與俗流。交無準
叙。其語稱爲本色宗師者也。

又下卷曰。西山亮禪師福州人。枯硬儉約。嘗蓄紙
被一張。補粘殆遍。寒暑不易。由鼓山首座寮赴雲
門。請及遷黃檗。未嘗別換侍僧。一夜潛以絹衾易
之。亮驚叫責曰。我鮮福平生。未嘗敢服縑素。況此

被相隨三十年矣。其可棄乎。聞者謂其住山有古
人風。後退席入永陽。屬湖山中。與道者刀畊火種。
莫知所終。日本道忠按此西山。非嗣遷菴者。

大川普濟禪師語錄

宋
•
元 大川普濟
愷
編撰

靈隱大川濟禪師語錄

目錄

上堂 小參 舉古 頌古
贊跋 偈頌 小佛事 行狀

大川和尚住慶元府妙勝禪院語錄

門人 元愷 編

師嘉定十年三月入山門云春山疊亂青春水漾虛
碧大解脫門開把手拽不入喝一喝

據方丈知有底也與麼來不知有底也與麼來拈拄
杖靠左邊云因甚總去不得

拈帖夜明符無文印正按旁提佛祖乞命放過一著
大家知有

拈衣佛佛授手不及祖祖相傳不到呈起衣云者箇
漚一肩擔荷去未免玷門風

法座大包虛空細入無間突出當陽如何履踐看看
陞座拈香此一瓣香恭爲祝延

今上皇帝聖躬萬歲萬歲萬萬歲

次拈香奉爲 判府殿撰大卿暨闔郡勳貴增崇祿
筭 又拈香此香熱向爐中奉爲見住太白名山天
童景德禪寺楊岐第七世淵翁大和尚用酬法乳之
恩 就座乃云開作家爐轉運向上鉗鎚鈍鐵頑銅
拈放一邊透指柔金更須敲磑僧問太白峰前道香
果熟鄞江江北瑞現曇花四衆臨筵願聞提唱師云
一片月生海幾家人上樓進云此猶是文言如何是
爲人一句師云八臂那吒輓繡毬進云恁麼則又見
睡虎也師云靈蹤更在猿啼處進云昔日保壽開堂
三聖推出一僧保壽便打此意如何師云腕頭少力
進云三聖道與麼爲人非但瞎却這僧眼瞎却鎮州
一城人眼去此意如何師云道得八成進云與麼則
昔日三聖今日和尚師云道聽途說乃云諸佛出世
倘若無人祖師西來欺胡瞞漢一言相契錯認驢鞍
橋作阿爺下領大用繁興正是業識茫茫無本可據
須知向上一路千聖不傳把住放行隨緣自若有時
孤峰頂上目見雲霄有時古渡頭邊和泥合水與麼
也得不與麼也得只如三聖道我逢人卽出出則不

爲人興化道我逢人則不出出卽便爲人又作麼生
曹谿波浪如相似無限平人被陵沈叙謝不錄

復學僧問曹山佛未出世時如何山云曹山不如僧
云出世後如何山云不如曹山師云要識曹山麼一
從事却潘郎後也解人前不識羞

上堂諸佛出世祖師西來遭人怪笑妙勝臨深淵履
薄冰知而故犯誰是怪笑者良久無人知此意令我
憶南泉

上堂十日雨今日晴一則多年公案明明舉似諸人
若是覆盆之下又爭怪得老僧喝一喝

上堂舉僧見翠岩岩云出門見釋迦入門逢彌勒者
僧不肯復見修山主云出門見阿誰入門逢甚麼
其僧便悟師云翠岩勞而無功修山主惠而不費者
僧悟則不無拔舌犁耕有日在

中秋上堂翳盡還明極家鄉萬八千懸崖重撒手古
劍髑髏前

開爐上堂禾山打鼓雪峯輓毬妙勝不打箇般車裏
油一雙窮相手兩箇死柴頭擬議則燎却面門且道

妙勝眉毛在麼

上堂舉僧到鶴林敲門林云誰僧云僧林云莫道是
僧佛來也不著師云鶴林門牆萬仞甚生次第等閑
被者僧彈指一下便乃高豎降旗

四月八上堂淨法界身驢腮馬面本無出沒萬化千
變拈拄杖云釋迦老子來也來也會則同證如來淨
法身不會則我今灌沐諸如來

上堂眼耳鼻舌身意八萬四千法門晝夜放光動地
喝一喝一翳在眼空花亂墜

上堂僧問靈雲道三十年來尋劍客是如何師云瞞
他不得進云幾回葉落又抽枝響答云是箇甚麼進
云自從一見桃花後又作麼生答云鼻直眼橫進云
直至如今更不疑那裏是他不疑處答云作賊人心
虛進云玄沙道諦當甚諦當敢保老兄未徹在答云
樂則同歡復舉適來禪客問靈雲見桃花悟道頌
云三十年來尋劍客幾回葉落又抽枝自從一見桃
花後直至如今更不疑玄沙道諦當甚諦當敢保老
兄未徹在乃云一人徹見萬法根源一人提持千聖

項。賴今時箇箇不疑人人未徹。又爭與古人相見。

上堂。舉鹽官示衆。虛空爲鼓。須彌爲椎。甚麼人打得衆無語。南泉云。我當時若見。只向他道。王老師不打者破鼓。師云。南泉下者一椎不妨正當。惜乎土曠人稀。今朝莫有爲衆竭力底麼。

上堂。知之一字衆禍之門。殺人放火活捉生擒。不是今日樞要。亦非上古典刑。與賊過梯了也。攻牆割壁何人。

上堂。舉鼓山晏國師示衆。鼓山門下不得咳嗽。時有僧咳嗽一聲。山云。作甚麼。僧云。傷風。山云。傷風卽得。師云。國師令行盡大地。人亡鋒結舌。爭奈掩者僧口不得。雖然如是。要識者僧麼。不到烏江不肯休。

上堂。有句無句。如藤倚樹。截鐵斬釘。水不借路。樹倒藤枯。西天胡子沒髭鬚。踢殺楊歧三脚驢。喝一喝。謝監收上堂。趁晴蓋了屋。乘時刈了禾。輪納王租了。鼓腹唱謳歌。洞山和尚不在佛法裏。不在世法裏。會經巴峽猿啼處。鐵作心肝也斷腸。

上堂。舉乾峰因僧問。十方薄伽梵。一路涅槃門。未審

路頭在甚麼處。峯以拄杖面前劃云。在者裏。僧以此語請益。雲門門云。扇子踣。跳上三十三天。築著帝釋鼻孔。東海鯉魚打一棒。雨似盆傾。師云。乾峰巧盡拙出。雲門物極則返。諸人適問從僧堂裏來。少刻從僧堂裏去。且道路頭在甚麼處。依而行之。十萬八千。

慶元府寶陀觀音禪寺語錄

門人 元愷 編

觀音殿我無巴鼻。你證圓通。薰剗相逢。放過不可。

陞座拈香祝

聖罷。又拈香云。盡大地人都肯諾。潮翁和尚未點。

頭。明明此理難伸。雪炙地熏天。第二籌。

就座云。靈山分付正法眼。三聖者瞎驢邊滅一千七百。到而今箇箇虛空裏釘橛。軒知此事。聲前非聲。色後非色。蚊子上鐵牛。無你下。觜處釋迦老子未曾說到。上頭圓通大士爭敢正眼覷著。天下老和尚又且如何。插觜濟上座。到這裏未免弄巧成拙。遭人檢點。若也檢點得出。未具衲僧眼。在檢點不出。衲僧眼在甚麼處。莫謂寶陀風色惡。前頭波浪愈驚人。

復舉南泉新入院知事頭首請歸方丈時有僧便問師居丈室將何指示於人泉云昨夜三更失却牛天明起來失却火師云如鐘在虞扣之則鳴似鏡當臺物來斯照因甚麼被者僧拶得忘前失後夢中說夢今夜忽有人問師居丈室將何指示於人只向他道新來晚到不知井竈

上堂天晴日頭出雨落塔頭濕寶陀岩上人猶自不條直道我從聞思修入三摩地者裏是甚麼所在卓拄杖一下喚回枕上三更夢惹動江南萬斛愁

解夏上堂七月十五日九旬夏已畢不透金剛圈眼橫鼻直不吞栗棘蓬點胷點肋三十年後忽有人問極則事作麼生道

上堂古人道若從文殊門入者牆壁瓦礫爲汝發機若從觀音門入者蝦蟇蚯蚓爲汝發機若從普賢門入者不動步而到寶陀者裏第一不得從觀音門入何故玉本無瑕雕文喪德

上堂舉僧問古德如何是鎮鄒劍德云塵埋牀下履風動架頭巾師云古德應機如雷如電無湊泊處無

解會處若約衲僧門下正是鉞刀忽有人問寶陀如何是鎮鄒劍只答他道一九二九相逢不出手中秋上堂大火已西流千山爽氣浮秋河鳴一鴈砧杵掃離愁會則萬里八九月一身西北風不會則黃鶴樓詩無事題取一篇好

十月初上堂拈拄杖云逢臨濟則楔破腦門遇德山則敲出骨髓汝等諸人不得妄想各自歸堂向火

上堂冬至前後沙飛石走佛祖潛蹤寸鐵在手寶陀換水養魚去也黃絹幼婦外孫壺白喝一喝

暫到請上堂舉華嚴經云普眼欲見普賢而不能得乃至三度入定遍觀三千大千世界亦不見乃白佛佛云汝但靜三昧起一念便見普眼於是纔起一念果見普賢乘六牙白象住於空中師云釋天明朗慧日高輝普眼普賢兩得相見諸首座未起一念游寶陀早與圓通大士相見了也且道登巨舶涉鯨波時如何須知遠烟浪別有好思量

上堂橫按拄杖云衲僧威令風颯颯地添一線則西天義墮減一線則此土爭鋒直饒不減不添也是寒

雞獨立卓拄杖一下

解夏上堂釋迦老子在法華會上開佛知見。示佛知見。悟佛知見。入佛知見。寶陀今夏一百二十日內也。有四件事。飢則喫飯。困則打眠。健則經行。熱則搖扇。薦不薦。西風一陣來。落葉兩三片。

故舊至上堂舉汾陽示衆。汾陽門下有西河金毛獅子。當門踞坐。來者敲殺。有何方便。入得汾陽門。見得汾陽人。師云。重壕重壘。重塞重營。前遮後關。未免脚手齊。靈爭似寶陀者裏。三門大開。方丈不鑰。來者任來。要見便見。何故相識。滿天下知心能幾人。

上堂月不過五事。不過三便。請洗脚上船。回頭轉腦。髑髏徧野。更向這裏下一針看。卓拄杖一下。靈龜無卦兆。空穀不勞鑽。

上堂鵲門流急。馬乳流深。綠師頭外是梅岑。有人過得。不妨三頭六臂。因甚麼到者裏。寶陀猶隔海在。上堂圓通門戶開。湛然應一切星。羅雲漢低山嶽起。空翠風雨雪霜寒。人驚雞犬吠。正法明如來。依然在門外。

上堂舉臨際問院主甚處來。主云。州中糴黃米來。際以拄杖畫一畫云。還糴得這箇麼。主便喝。際便打。典座至。際舉前話。座云。院主不會和尙意。際云。你作麼生。典座便禮拜。際亦打。師云。透得金剛圈。一喝分賓主。吞得栗棘蓬。禮拜終不錯。然棒頭眼正。有功者賞。薦拈拄杖云。有麼。有麼。鉢盂裏薦取。

上堂舉趙州示衆三十年前。南方火爐頭有箇無賓主話。直至而今。無人舉。善師云。趙州年老。心孤。向冷灰裏東撥西撥。若也知得一任。更更做夢。若也未知。直須更更做夢。

上堂世尊三昧迦葉不知迦葉。三昧阿難不知圓通。大士三昧善財童子不知善財。童子三昧月蓋長者不知暗鳴叱咤。萬人氣索是甚麼人。三昧良久。果然不知。

解夏上堂九夏無超佛越祖之譚。又不將世法塵網高閑。今日解開布袋。只據見成公案。以拄杖敲花灘云。將謂吾負汝。元來汝負吾。上堂大事未明。如喪考妣。鈍鳥逆風。飛大事已明。如

喪考妣打水魚頭痛雖然不因夜來鴈爭見海門秋
上堂舉僧問睦州如何是祖師西來意州云一隊衲
僧來一隊衲僧去師云一隊衲僧來一隊衲僧去打
破睦州關大地無寸土

監收上堂去日炎威重歸時秋半過林間坐磐石不
覺笑呵呵不笑仰山插鉢叉手不笑地藏博飯栽田
二勝米料人人有笑他餓死飯糲邊

上堂舉教中道如我按指海印發光汝暫舉心塵勞
先起靈山百萬大衆不會做客勞煩主人以拄杖靠
禪牀云一條拄杖兩人扶

住慶元府岳林大中禪寺語錄

門人 元愷 編

三門大道無路早成途轍解脫無門關隔了也喝一
喝六合風雲隨步發

上堂舉善財童子於毗盧樓閣前曰是解空無相無
願者之所住處彌勒大士彈指出聲樓閣門開命善
財入入已還閉師云者裏見彌勒則易見善財則難
彌勒復彈指云起法性如是師云者裏見善財則易

見彌勒則難或出或入見易見難若不同牀睡焉知
被底穿

上堂祖師不西來少林有妙訣江南兩潮春寒秋熱
錯佛法遍天下談玄口不開這个是露柱那个是香
臺錯直饒薦得分明未免將錯就錯

淨慈偃谿和尚出世付衣信衣不傳賊無空手法傳
天下垛生招箭且道當時五峰中的者誰干聞不如
一見

上堂舉僧問投子如何是十身調御投子下禪牀立
又問凡聖相去多少投子亦下禪牀立師云家貧未
是貧路貧愁殺人兩度下禪牀立老不以筋力爲能
喝一喝

冬至上堂有物先天地仰之彌高無形本寂寥鑽之
彌堅能爲萬象主瞻之在希不逐四時漏忽焉在後
披毛從此得作佛也由他

新正上堂最初一句開宗明義章第一末後一句二
十五聲秋點長中間一句諸佛出世祖師西來天下
老和尚無唇口處官有定條許民私約卓拄杖一下

謝首座上堂路逢道伴交肩過。一生參學事畢。古人向金剛水際。造一條獨木橋。直至須夜摩天。多少人向這裏手蹉。脚踏只是難瞞。當行誰是當行者。咄。上堂天上無彌勒。地下無彌勒。開口重千斤。面皮厚三寸。城東老母。以手掩面。靈龜曳尾。拂跡跡生。結夏上堂。禁足護生。脚跟下。乞命底。紛紛紆紆。克期取證。平地上埋没人。千千万萬。併却咽喉唇吻。道得一句。岳林墮落。拔舌地獄。不入虎穴。爭得虎子。上堂臘極嚴寒。凍破泥團。不可默會。不可形言。雞上樹鳴。下水明朝。更獻楚王看。喝一喝。

上堂舉晦堂問僧甚處來。僧云南雄州堂云出來。作甚麼。僧云尋訪尊宿。堂云不如歸鄉好。僧云未審和銜令某歸鄉。意旨如何。堂云鄉里三錢買一片魚鮓。如手掌。大師云寧可碎身如微塵。終不瞎箇師僧眼。目晦堂可謂熟處難忘者。僧不知小出大遇。當時若解奮拳張意氣。世間何處可容伊。

解夏上堂三百餘會。不博一笑。十萬里來。伎窮三拜。江湖不是無麟鳳。自是他家結網疎。岳林一夏以來。

東奔西掃。未委布袋裏有多少。乃抖擻裏裏角云。啞解空第一。

病起上堂。驚嶺拈花。少林得髓。病痛一般。脉息有異。脉得著。目前見鬼。脉不著。死而不吊。所以教中道。衆生病。我則病。衆生愈。我則不病。諸人還委。悉麼。文殊提起殺人刀。淨名抽出活人劍。

上堂吾無隱乎爾。對面相瞞。吾道一以貫之。話作兩。撇睡美不知山雨過。覺來殿閣自生涼。

上堂舉玄沙示衆。常將諸人安頓。向頂額上不敢錯。誤一絲毫。許岳林動便熱喝。噴拳進亦無門。退亦無路。忽然墮坑落壑。方知亦不錯。誤一絲毫。許且道玄沙底是岳林底是。

佛心禪師忌日。拈香者。个是祭鬼神茶飯。人人少一分不得。長汀特爲安排。初非顯異惑衆。只恨當年錯步。越王城撞入鮑郎山畔寺。被伊頭上安頭。今日與伊加尖矢。上若道雪屈酬恩。直是霄壤。

上堂栽田博飯。詭計百出。插锹叉手。通身荆棘。枷棒場中。親不親。草窠交親。見富人誰是富人。放筋忘恩。

冬至上堂擊鼓陞堂不談世法。冬至月頭賣被買牛。
冬至月尾賣牛買被。喚作佛法得麼。攻乎異端斯害
也已。

上堂經行及坐臥。常在於其中。要識其中事。長汀江
水東。

苦筍供上堂一莖兩莖斜。三莖四莖曲。鞭影不露頭。
角崢嶸。討縫尋根轉疎轉。遠不以一重去一重。黃金
滿地以一重去一重。白玉堆盤較定牙關三十年。不
少鹽醬透湯落火。不是苦心人不知。還有入林不動
草底麼。清癯勁節兒孫在。萬壑千巖扇祖風。

偃谿和尚至上堂。同條不同條。心眼自相照。翻覆論
歲寒。不覺拍手笑。且道笑箇甚麼。先師無板齒。眉毛
只一莖。

閏月十五清明上堂。橫拄杖便與麼去。已落第二月。
更說三年一閏寒食。是清明。轉見無交涉。喝一喝。達
磨大師當門齒缺。

浴佛上堂。一手指天。一手指地。釋迦老子飯飽弄筋。
雲門一棒打殺。岳林今日澆惡水。大家輓入草窠裏。

上堂舉五祖演和尚道。有人向虛空中書得祖師西
來意。五字老僧展坐具。拜他師云。岳林今日向弓弦
上結紐。有個頌子。綠樹陰濃夏日長。樓臺倒影入池
塘。水晶簾動微風起。滿架薔薇一院香。

道場故舊到上堂。舉光嚴童子問維摩。從何所來。士
云。吾從道場來。子云。道場者何。所土云。直心是道場。
無虛假。故乃至諸有所作。舉足下足。皆是道場。師云。
淨名探頭太過。忘却處所。縱懸河辯。去道轉遠。今日
有人問道場何所。向道到江吳地。盡隔岸越山多。
開神正閣碑。上堂彈指樓閣門。開彌勒因正打邪。從
門入已還閉。善財因邪打正。直得龍吟霧起。虎嘯風
生。過去說見在說。未來說。塵說利說。三世一時說。正
與麼時。就中要覓一句子。上碑無有是處。喝一喝。文
彩已彰。

上堂三到投子。九上洞山。窮斯煎。餓斯吵。鰲山撞破
虛空。鰲鼻蛇頭。措痒長慶。玄沙總是喪身。失命底漢。
下座巡堂喫茶。各各照顧脚下。

至節上堂。拈拄杖云。一陽生。盡大地草木萌動。拄杖

子不知一線長總塵刹書明夜暗拄杖子不覺不知不覺醒翻毒藥放過文殊普賢靠倒石頭南嶽卓拄杖下座

鑄鍋上堂銅公塘鐵奉化本色鉗錘爐鞴且不零敲碎打雷奔火迸迴脫規模把住放行難覩縫罅一千五百善知識杓頭召來雪峰弄粥飯氣四十二恒沙國土一鉢擎歸維摩齋後打鐘岳林總不如此揭却頂門蓋趙州東院西

退院上堂。著碎明月珠。始爲家寶。颺下鉗斧子。方是住山。古策風高。天寬地闊。別別別。峯妙轉風雷舌。

住嘉興府報恩光孝禪寺語錄

門人 元愷 編

佛殿具正偏。知呈起坐具云不識者箇展坐已展不縮爲伊說破

法座高廣正等無欠無餘。從上佛祖坐在者裏。濟上座裂古破。今去也。便登座。

拈香祝

聖罷問答。乃云。作麼作麼。只許老胡知。不許老胡會。不錄

四七二三器傳一器水漉漉無一箇真正舉揚累及兒孫盡向鬼門貼卦爭似行古人行不到處用古人用不到底點開彌勒背後眼睛盡大地人扶離摸壁突出衲僧向上巴鼻盡大地人安家樂業莫有羅籠不肯住呼喚不回頭底麼天寧拄杖不到折在不錄復舉黃檗問百丈從上宗乘如何示人百丈據坐檗云後代兒孫將何傳授丈云我將謂你是箇人便歸方丈師云皂纛旗下一犯不再

上堂僧問蓮花峯庵主拈拄杖示衆云古人到者裏因甚麼不肯住是如何答云愁人莫向愁人說蓮云蓮花庵主自代云爲他途路不得力畢竟如何答云說向愁人愁殺人進云庵主又代云柳栗橫擔不顧人直入千峯萬峯去又作麼生答云腦後見腮莫與往來師乃云止止不須說我法妙難思含血噴人先汚其口鐘未鳴鼓未響天寧早喫棒三十了也諸人若知落處也好喫三十棒

清明上堂。乍晴乍雨。禁煙天。桃花爛熳。春風寒。靈雲見利忘義。玄沙蔗較甜頭。天寧今日向古墓上添新

士去也卓拄杖一下前三後三

上堂舉金牛和尚於僧堂前作舞大笑乃云菩薩子喫飯來菩薩子喫飯來有僧問長慶古人道菩薩子喫飯來意旨如何長慶云大似因齋慶讚又問大光因齋慶讚意旨如何大光作舞僧便禮拜大光云見甚麼道理便與麼僧亦作舞大光云者野狐精師云金牛二十年如此捏怪總道當時在馬祖處得此三昧殊不知神方秘訣父子不傳長慶因齋慶讚也是把火助熱大光作舞盡虎成狸者一隊野狐精未曾夢見金牛和尚在

上堂大道亂縱橫大方無處所火雲燒碧漢薰風滿寰宇眼裏不著金屑百尺竿頭進一步嚙郁山主白日迷路

浴佛上堂我今灌沐諸如來掬水月在手淨智莊嚴功德聚弄花香滿衣五濁衆生令離垢大底還他肌骨好同證如來淨法身不搽紅粉也風流杲日麗天盲人摸地下座大佛殿重宣此義

結夏上堂護生須是殺殺盡始安居成人者少敗人

者多會得个中意鐵船水上浮孟八郎漢又怎麼去相識滿天下知心能幾人

端午上堂正當五月五日午大地無不是藥者拈拄杖者个在江南爲橋在江北爲枳在天寧手裏爲無病藥能醫無病人無病人作麼生醫薦卓拄杖一下打破毗耶城靠倒維摩詰

上堂舉文殊三處度夏迦葉欲指出文殊纔近椎邊乃見百千文殊迦葉盡其神力椎不能舉世尊遂問汝擯那个文殊迦葉罔然師云去聖時遙人多懈怠未是差異世尊眼見手把便有許多不唧啣要知者一火敗闕處麼元首明哉股肱良哉

上堂舉雲門因僧問初秋夏末前途忽有人問作麼生祇對門云退後退後僧云某甲有甚麼過門云還我九十日飯錢來師云這僧進甲於前絕糧於後總道當時不與他本分草料殊不知雲門前箭猶輕後箭深

潏慈天目和尚至上堂舉黃龍禪師訪法昌禪師上堂拏雲攫霧數如麻點著銅睛眼便花除却黃龍頭

角外其餘盡是赤斑蛇師云善知識者一念普觀無量劫法昌只具一隻眼。只知有當日事。不知有今日事。如何是今日事。清風生八極。老虎出南山。

上堂居一切時不起妄念。於諸妄心亦不息滅。輕似鴻毛。重似山住。妄想境不加了。知於無了。知不辨真。實捏不成團。壁不開靈。山節外生枝。報恩依文解義。諸人還知落處麼。自是不歸歸。便得五湖風月有誰爭。

佛心禪師忌日。拈香白鶴五通賢聖。警喜警嘆。無定聞名。不如見面。見面依然錯認。從來與渠水米無交。年年今日鉢盂安柄。因甚如此。雞不喫穀。鼈裏有病。開爐上堂。地爐無火。事在莫嫌。遲冷灰豆。爆放過則不可。四藤條五火杪。三十棒。古人都用了。且聽天寧倒行摩竭令。卓拄杖一下。

上堂毗婆尸佛早留心。直至如今不得妙。又道妙高峰頂善財。七日不見德雲比丘。又道文殊普賢。昨夜起佛見法見。貶向二鐵圍山。此三段義是同是別。有時輓入洪波裏。盡日漫天鼓黑風。

上堂西來無意。遍天遍地玉兔東昇。金烏西墜。老鼠齧牀頭。貓兒正憨睡。莫教動著渠。動著便禍事。二祖動著招禍。上身天寧今日開眼。失利鄰拂子下座。歲日上堂正月初一。若說佛法三百六十日被佛法縛殺。若說世法三百六十日被世法使殺。天寧到者裏無啓口處。却有箇說得卓拄杖一下。是佛法耶。是世法耶。春來游寺客。花落閉門僧。

淨慈笑翁和尚至上堂。兩不成雙。單不成隻。四七二三。拈弄不出。南山彈指一聲。秀水波翻。獄立。所以道我本無心。有所希求。今此法王大寶。自然而至。大眾還知麼。有利無利。不離行市。

上堂風不鳴條。雨不破塊。老胡忽西來。撥亂清平世。直指人心。見性成佛。不知是何章句。南斗七。北斗八。臘八上堂。一天星斗。大家看。獨有渠儂。見處偏打失。眼睛拈得口。至今脚下黑漫漫。

上堂學石梯和尚侍者。一日托鉢次。梯問云。向甚麼處去者。云。赴堂齋去。石梯云。我豈不知你赴堂齋去。我只問你本分事者。云。若問本分事。實是赴堂齋去。

梯云不謬爲吾侍者。師云侍者平地上輓方木不能圓轉。石梯一向順毛。持養子之緣二俱不了。當時若見他道。若問本分事實。是赴堂齋去。只向他道。不得坐人牀榻。攪起亂筋。管取光前絕後。

徑山無準和尚到上堂。舉僧問雲門。如何是雲門一曲門。云臘月二十五。師云大衆只知門迎徑山和尚。不知徑山和尚與雲門大師唱拍相和。五音流暢。天寧雖不解音律。未免順朱寫字。輒舉一頌錦城歌。晉日紛紛半入江。風半入雲。此曲只應天上有人間。能是幾回聞。

豐長老出世精嚴。引座煨玉已經三日。火探珠曾下九重淵。毀珠撻玉無人識。十字街頭踢碌磚。

解夏上堂。禦谿東橋李北古聖伽藍。祖佛交參。住此者喪去此者亡。不去不住。觸體徧野。只如今夏一百二十日。還有不通方者麼。不勞懸石鏡。天曉自雞鳴。慶元府大慈名山教忠報國禪寺語錄。

門人 元愷 編

觀音殿十四無畏力三十二應身住。住不會作客勞。

煩主人

上堂。具足凡夫法。凡夫不知鐵裹絲團。具足聖人法。聖人不會錦包特。石達磨九年坐在者裏。不敢正眼觀著。何故識法者懼。

上堂。山家冬境。致何處不光輝。大地冰稜。合漫天雨雪。飛佛法世法。總被保寧和尚說了也。若是衲衣下事。今日只恐無人問。良久。救得大慈一半。

上堂。肇法師道。天地與我同根。萬物與我一體。春生夏長。秋凋冬落。總是諸人現前三昧。卓拄杖一下。還覺腦門重麼。

上堂。風頭稍硬。暖處商量。纔到煖處。便見瞋睡生。逼鮎魚上竹竿。曹谿路上少室峯前。也要打草蛇驚。何似大慈巡堂喫茶。

上堂。今日初一。明日初二。達磨大師在脚底。大盡三十日。小盡二十九。又隨流水過他山。噯。大慈無端將眞珠作豌豆糶了。

上堂。舉藥山問僧。甚處來。僧云湖南來。山云洞庭水滿也。未僧云未滿。山云許多時雨水爲甚麼未滿。師

云洞庭黑風浩浩白浪滔滔。跛鼈盲龜迷源失所者。僧道未滿惜乎不知來處。若還知得。便見藥山功不浪施。

上堂。去年貧有錫。有地今年貧。無地無錫。窮則變。變則通。風暖鳥聲碎。日高花影重。

上堂。是柱不見柱。非柱不見柱。是非已去了。是非裏薦取。良久。射虎不真。徒勞沒羽。

臘八上堂。目擊道存。南星北辰。四十九年。眉毛落盡。二千餘載。今日重生。以手撥開。眉云。是多少。

明惠權長老出世上堂。諸佛不出世。達磨不西來。欸出囚人口。佛法遍天下。談玄口不開。淨地上撒屎。直得白雲堆裏。不見白雲之舒卷。流水聲中。不聞流水之潺湲。千聖不携。四方絕唱。放行把住。頭頭具生殺之機。合水和泥。著著有出身之路。且道。如何是新明惠出身之路。天高東南。地傾西北。

上堂。霏霏梅雨。灑危層。五月山房。冷似冰。莫謂乾坤乖大信。未明心地。是炎蒸。醯尖。鱗方。鴈白。烏玄。寧可移山。不可改性。明覺祖師。要回天輪。轉地軸。直待塵

沙大劫

顯慶和尚至上堂。舉阿難問迦葉。世尊傳金襴。外別傳何物。迦葉召阿難。阿難應諾。迦葉云。倒却門前刹竿。著師云。者一道真言。惜乎大慈不在。當時若見彈指一聲。扣窗三下。教他難兄難弟。再往靈鷲山問佛。上堂。祖師開口道。不得底句。簷前滴滴。分明歷歷。衲僧家。正是放身命處。天台作夏。南嶽游山。因甚。越王城裏。聖箭子不知落處。

上堂。達磨未來山。是山水。是水老胡。既至僧。是僧俗。是俗神光不知時節。錯禮三拜。大慈時節。不知一言。引衆盲下座。巡堂喫茶去。

歲旦上堂。新一舊。嘉熙淳祐。皇天大曆。歲在辛丑。莫是東湖。爲人處麼。平蕪盡處。是青山。行人更在青山外。

門前七塔。堅菴主造石佛。請師奉安云。一二三四五六七。古佛不曾過去。七六五四三二一。妙轉如是法輪。菴主向崖崩石裂處。領話三十二相八十種好一時出醜。直得西風陣陣。高秋雨番番急。塔戶鎮長開。

無出亦無人。且道毗婆尸佛之昔釋迦文佛之後。還有者箇消息麼。彈指一下。唵毗盧枳帝掌訶。

紹興府蘭亭天章十方禪寺語錄

門人 元愷 編

山門南北山朝對東西有路分一步不相到大地入無門。

佛殿天人師作禮天人師誰是賓誰是主插香云衆眼難護。

陞座乃云崇山峻嶺茂林脩竹終日提綱神號鬼哭雖然如是未當宗乘以拂子擊禪牀云後五日看復舉黃檗示衆鐘樓上念讚牀腳下種菜學者下語皆不契一日勝首座云猛虎當路坐黃龍乃退黃檗與勝首座自住積翠菴師云老黃龍領下明珠勝首座懸空撲碎黃檗山吐霧與雲遍地走南山鼈鼻謝兩班上堂臨濟建立黃檗宗旨普化克符各出隻手天章壁倒離圜東邊底撐者自撐西邊底拄者自拄雖然不及古人也勝王老師不打者破鼓出隊上堂爲衆持鉢去七佛舊儀式菴園塔廟間處

處遍敲擊施主一聲慢愧化主當面著賊賊已著了且道如何拔本太無厭生。

浴佛上堂周行七步爲衆竭力雲門棒頭短藥山杓柄長還有報恩分麼若言其有恩無重報若言其無這一杓惡水又向甚麼處著拍禪牀一下。

謝秉拂幹齋上堂碎佛祖玄關瞎人天眼目雲明胡餅四方絕唱居士香飯七日乃銷雖然如是大章拄杖子猶未曾動著在。

謝書記并講人上堂犬吠枯椿鷄鳴古檜不是四六文章不是西來祖意喚作三乘十二分教得麼得莫不得麼不得龍蛇易辨獅子難瞞。

上堂修禪入定縛殺閻黎入理深譚走殺衲僧趙州狗子無佛性間不容髮忽然手蹉脚跌虛空釘橛端午上堂拈拄杖劃云長一劃短千聖入泥入水之病又劃一劃云短一劃長萬法無根無源之藥藥病相治彌滿十虛張天師燒錢引鬼李道士勑水書符上堂一夏過半前四十五日老僧不曾孤負諸人後四十五日諸人不得孤負老僧把手上高山各自著。

精力你若證龜成鼈。我便喚鐘作甕。你若喚鐘作甕。我便證龜成鼈。雖然三十年後。要人檢責。

上堂。舉西堂藏普請次云。因果歷然。爭奈何。爭奈何。有僧出。以手托地。藏云。作甚麼。僧云。相教相教。藏云。者箇師僧。猶較些。子。僧拋下鋤頭。便走。藏云。獅子身中。虫自食獅子肉。師云。西堂截斷人天路。頭打開。五無間獄者。僧知時。別宜負一具鐵枷。直入驢胎馬腹裏去。也不易得。只如獅子身中。虫自食獅子肉。是成甕。他不成甕。他具眼者。辨取。

上堂。旱地一聲雷。青天撒白雨。不是諸佛說底法。不是祖師傳底心。不是衲僧參底句。日月輪邊氣象高。魚龍穴下蟠根固。

上堂。起滅不停。如珠走盤。收眎返聽。墮在黑山。卓拄杖一下。擊碎窠窟。又云。截斷路布。有理伸不得。有口開不得。却較些。子。要做臨際兒孫。直是未。在。畢竟如何。未。在。未。在。

開。且過上堂。開門待知識。知識不來。過有个來。不入門。去不出戶。問他。洞山麻三斤。趙州栢樹子。便惡發。

昨喫茶去

上堂。不參禪。不問道。豎起鐵脊。梁死蛇鑽出草。不是禪。不是道。雲門千歲。僧越山。歸長老。

上堂。元正啓祚。萬物咸新。功不浪施。咄。便下座。

上堂。行脚曾見人。驢馳馬載行。脚未曾見人。衣錦夜行。若到天章明憲下。安排別飯。炊香待他。知飯是米。做二十拄杖。貶向二鐵圍山。

上堂。說法不應機。是弄時。是德山棒如雨點。臨際喝似雷奔。且道。應機不應機。毒龍行處。草不生。鴉羽落水。魚皆死。

枯椿和尚臘八示寂遺書。至上堂。夜半悟明星。一時證寂滅。看看四大海。無邊香水海。須彌山目真隣陀。山放光。現瑞東湧西沒。枯椿枯椿。叢林妖孽。

上堂。至道無難。平地起堆。唯嫌揀擇。倚天長劍。三日風。五日雨。三祖大師。甚處相見。

上堂。前無釋迦。後無彌勒。雖無卓地。大有生涯。扣鉢一下。家在蘭亭九曲西。

上堂。綠暗紅稀。古佛心。朝朝風雨。演宗乘維摩詰言。

辭顯脫田庫奴見得分明禪知子說黃道黑一籌不及於他莫將支遁鶴喚作右軍鶴

住臨安府淨慈報恩光孝禪寺語錄

門人 元愷 編

佛殿悉達脚下七花八裂韶陽棒頭有禮有樂拈起香云者箇響三段不同

方丈田園穩密者不可放過無地卓錫者放過不可拍禪牀一下領領

陞座拈香祝

聖罷就座問答不錄乃云六震動四雨華三轉法輪一乘

獨唱好與掀倒禪牀喝散大眾十萬里來九年壁觀好與掀倒禪牀喝散大眾當時既無其人便見二三四七各說異端列派分宗滋蔓不已今日新淨慈向諸佛未生已前祖師未來之日通个消息卓拄杖一下

天高群象正海闊百川朝

次日 陞座拈香云此香恭爲

徽宗皇帝上資

聖駕乃舉天親問無著人間五百年兜率天爲一畫

夜彌勒於一時中成就五百天子證無生忍未審說个甚麼法無著云只說這個法師云鶴飛千尺雪龍起一潭水

上堂龍象蹴蹋非驢所堪釋迦老子二千年前漏洩南屏事貶向二鐵圍山了也今日莫有爲這老子出氣者麼如無和南屏眉鬚墮落

上堂赤竹寸絲一鉤香餌湖波練練釣著鰲頭咄麟龍不爲瑞草木生光輝

天基聖節上堂殿角一鈴鳴庭前雙檣青是法非思量分別之所能解臣僧借水獻 龍門上祝

天子壽起立躬身云萬歲萬歲萬萬歲

上堂舉僧問覆船抱石投師師還接不船覆香盤一下僧禮拜船云禮拜即不無如何是其中事僧亦舉香臺一下船云舌頭不出口師云鍾在虞鏡當臺覆船不負來機者僧依樣畫葫蘆克由耐耐當時覆船若道參須實參悟須實悟者僧未必死在者裏浴佛上堂天上天下唯吾獨尊雲門一棒要且打他影子不著遵布裙浴佛水浸剛石卵南山當時若見

向他道。瞿曇瞿曇。未在未在。非惟截斷諸祖葛藤。免見兒孫水瀉瀉地。

元宵上堂。迦葉首傳龍潭吹滅一燈。一燈燈燈不絕。燈影裏行底。蹋著秤椎硬似鐵。撞著露柱底。目前伸手不見掌。奇哉者裏。罰油出院。他家別飯炊香。

上堂。南山虎。蛟大虫。鼈鼻蛇頭生角。大地六反震動。文殊普賢驚愕。諸人還知麼。更參三十年。

上堂。大家相聚。喫葢蓋也有。栽田博飯。喫洗脚上船者。多淨慈與人。拈却炙脂帽。去却觸鼻衫。拗折鐵脊。梁佛祖不傳妙直。饒與麼。猶虧一半展兩手云。有者箇在。

因唱衣上堂門外雨滴聲。鏡清觀面全提洞庭水。未滿藥山當機。不讓二大老。互爲賓主。共相酬唱。諸人還知麼。一唱兩唱三唱。無人過價打與百丈和。尙卓拄杖一下。

上堂。古者道知有佛祖。向上事方有說話分。只見錐頭利。不見鑿頭方。文殊不識寒山。普賢不識拾得。拍手呵呵大笑。笑倒五峯蒼壁。還知有向上事麼。驢年。

佛涅槃上堂。雪壓雙林樹。風號萬嶺寒。瞿曇曾入滅。褫子眼難瞞。莫有道得者。麼如無三拜一爐香。波旬舞袖長。

開爐上堂。鐵蒺藜。椎轉危丹。霞燒木佛院。主簿鬚眉南山爐添今日火。作者不同歸。

冬至上堂。以拄杖右邊卓一下云。陰從者裏極。以拄杖左邊卓一下云。陽從者裏生。陰陽不到處。一片好風光。連磨西來殘破一缺。直主如今補不得。淨慈與麼說。也是巡人犯夜。

上堂。南山雲北山雨。毗盧樓閣豁開門。戶花簇簇錦簇簇。彌勒大士傾腸倒腹。百城風月目前領。話人畜草芥一時知。有不知有毗目仙人執善財手。

上堂。學僧問曹山。如何是無相道場。山云。曹山肚不大。師云。曹山好語。只是塔不著人。若問南山。如何是無相道場也。對道。南山肚不大。忽有僧出來拍手呵。呵大笑歸。衆南山只得一場懺懺。

上堂。鐘鼓聲喧。喧鳥雀。鬧中庭。圓通門不鎖。眉毛落。又生。諸人還收得麼。若無今日。更成一莖供養大衆。

去也卓拄杖下座

上堂古者道終日忙忙。那事無妨却較些子。南山道終日忙忙。那事無妨。直是未在。且道。請訛在甚麼處。未明三八九。終是病棲廬。

冬至上堂。冬不寒。臘後看無人。知此意。令我憶南泉。呵呵。呵。丹霞燒木佛。院主落鬚眉。風頭稍硬。煖處商量。明招舌上有龍泉。一隊上牢漆。桶夢見少室。單傳臘八上堂。明星一見。悟無生。擲落阿鼻業火坑。三百餘番說不出。爲他閑事長無明。

歲旦上堂。僧問。鏡清道新年頭。有佛法時如何。答云。籬根破草鞋。進云。明教道新年頭。無佛法。齊答云。藏身無路。進云。只如三世諸佛。因甚麼不知。有答云。尺短寸長。進云。狸奴白牯。却知有時如何。答云。雪上加霜。師乃舉僧問。鏡清新年頭。還有佛法也。無清云。有僧云。如何是新年頭。佛法清云。元正啓祚。萬物咸新。僧云。謝師答話。清云。老僧今日失利。僧又問。明教新年頭。還有佛法也。無教云。無僧云。年年是好年。日日是好日。因甚麼却無教云。張公喫酒。李公醉僧云。

老老大大龍頭蛇尾。教云。老僧今日失利。師云。鏡清道得八成。明教過猶不及。忽有人問。新年頭。還有佛法也。無對他道。雨後有人耕。綠野月明無犬吠。花村達磨。祖師忌拈香。壁觀婆羅門家業。大天下傳遠。枝派分寸土不存也。焚香作忌齋。普請禮三拜。大眾還甘麼。若也不甘兒。孫猶在。

上堂。大事因緣出世。單傳心印。西來積弊不可頓除。雖是德山臨濟。一喝大地震驚。一棒須彌粉碎。也打併本。辯或有人問。南山如何。只對道。除却華山。陳處士誰人不帶是非行。

相看上堂。古佛堂前三頭六臂。祖師門下道絕人荒。禪僧者裏。銀山鐵壁。慧日峰頂。春風和氣。湖湘獨本。明牕下安排江浙。淮甸至別。飯炊香總不與麼來時。如何三十棒。南山自喫不干闍黎事。

謝秉拂幹齋上堂。古人有三訣。喫茶珍重。歇淚出痛。腸南山亦有三句。一句勘驗天下。禪僧一句被天下。禪僧勘破一句。今古未嘗聞。總被兩堂首座。餓破一。一許露了也。話人還知麼。知不知。南泉新鑪兒。

住臨安府景德靈隱禪寺語錄

門人 元愷 編

據室驗人眼。截流機拍禪牀。云。德山臨際。伏惟伏惟。捧勅黃云。黃封寶印。九重城裏彩鳳。嚮來因甚得恁麼奇特。靈山付囑靈山事。總在裏許。

陞座拈香祝

聖罷就座。乃云。道不屬知。不屬不知。知是妄覺。不知無記。無記妄覺。雪刃橫揮。四方絕唱。誰敢嬰鋒。三世諸佛。豎毛呬手。六代祖師。搔首頓足。如斯舉唱。未當宗乘。據令提綱。祝一人壽。良久。日月有光。天不老。山川長煖。地無秋。

上堂。橫按拄杖。云。過去諸如來。已用而不識。見在諸菩薩。今用而不知。未來修學人。當用而不會。直得如龍得水。似虎靠山。若恁麼會。未免喚鐘作甕。不與麼會。拄杖子。斷斷是拄杖子。

涅槃上堂。前佛後佛。無生不滅。紫磨金色身。諸僧眼中。屑拈却。屑羅疊。羅疊地。闍天。竟四雙八隻。

上堂。舉梁山因真園頭問家賊難防時如何。山云。識

破不爲冤。真云。識破後如何。山云。貶向無生國裏。真云。真是他安身立命處。靈山云。死水不藏龍。真云。如何是活水。龍山云。興波不作浪。真云。忽然傾湫倒嶽時如何。山下座扭住。云。不得濕却老僧袈裟角。師云。這僧赤身挨白刃。未是作家。梁山慈悲入草。不能截斷葛藤。今日忽有人問家賊難防時如何。向他道。識破不爲冤。識破後如何。貶向大圓覺海。莫便是他安身立命處。麼。劈面便打。何故。祖令不全提。

中夏上堂。九夏已過半。無尾巴胡。獅子七頭。八倒心。徑苦生百尺竿頭。踏破虛空一竅。雷闐闐雨冥冥。東西不辨。南北不分。拍禪牀一下。十聖三賢。望空啓告。索麤上堂。萬仞崖頭。拶出見面。羅籠不住。絲來線去。工夫打斷。不知敗闕。那裏是他敗闕處。叢林鼎沸。呬汁同罪。

上堂。舉藥山久不上堂。寺主白。云。大衆久思和尚示誨。山云。打鐘著。衆纔集。藥山便歸。方丈。寺主隨後白。云。和尚許爲衆說法。因甚一言不措。山云。經有經師。論有論師。爭怪得老僧。師云。總道藥山爲衆竭力法。

堂前草深一丈及乎衆集便歸方丈依然錯下注脚
還有人識藥山麼如無且歸林下去更待月明時

謝首座藏主上堂堂中首座人天眼漢語胡言大藏
經七百諸僧吞佛祖靈山樂得做閑人且道無文印
子畢竟是甚麼人提前日廚司飯紅昨夜前山鹿叫
淳祐十一春 天使捧

覺皇寶殿御書至望

闕謝 恩祝香云根蟠劫外葉茂寰中香風普被於
華夷瑞靄長凝於殿宇巨僧普濟仰聖明如日如月
祝睿筭同地同天揮香萬歲萬歲萬萬歲

上御書殿額云覺皇垂迹左金輪寶殿巍巍表至尊
宸翰親從天上降爛然金碧耀乾坤龍翔鳳舞玉轉
珠回一處最是希奇八法如何定當蒼頡不知向背
鍾繇難辨端倪直饒伶俐衲僧到此也教閑措當陽
揭示闔國咸知纔入門來向上薦取其或未然但看
奎畫橫陳處便是瞻

天望 聖時

上堂大道無門十方有路無門不可不入有路不可

不到 阿呵呵不參禪不說教飽飯熟睡游談三毒
無明浩浩北山免得按牛頭喫草

浴佛上堂雲門大師一棒靈山三沐三薰以拂子作
自勢這一杓洗他指天指地唯吾獨尊之妄誕以拂
子作自勢這一杓洗他四十九年無對口業之重罪
又舉拂子這一杓不可輕舉少間詣大佛殿一時潑
撒何故恩無重報

上堂青蘿黃絲直上寒松之頂白雲澹泞出沒太虛
之中拈拄杖國師來也來也卓一下路從平處險人
向靜中忙

上堂舉古德一夏以來並不爲兄弟說話師云空劫
已前千聖讚不破有僧自嘆云只麼空過不敢望和
尚說佛法得聞正因二字亦得師云無病著艾不是
好心古德聞云闍黎莫瞞速若論正因一字也無乃
扣窗云適來不合恁麼道師云玉本無瑕雕文喪德
隣壁有老宿聞云好一釜羹被兩顆鼠糞汚却師云
三粒也有二古德各出隻手發揚空劫已前事甚善
甚美爭奈衲僧門下總未有出身之路

上堂三八念誦勞動大衆五月陞堂說短論長打鼓入室逼狗透牆。啞走却白。鼈捉得黃。能燈籠露柱笑哈哈。

上堂東去西去南來北來殘羹餒飯門外安排喫則從君喫不喫任東西更覓一單挂搭靈山罪不重科。上堂九十日春多雨少晴苔痕上塔綠草色入簾青。若作境會眼病見空花不作境會團圓無縫罅。達磨西來覷不破何況藏天下於天下。

病起上堂拈拄杖云。靈隱拄杖子。久病諸藥性明脉。又能醫能醫諸佛出世病。祖師西來病。病僧打脚病。忽有人出來道。靈隱何不自醫。都下拄杖。因汝致得上堂深山窮谷。蛇虎縱橫。平田淺草。鴉鳴鵲噪。紅塵鬧市裏賣糲底賣糲。賣菜底賣菜。大衆啞幾乎錯下名言。

歲旦上堂萬法歸一一歸何處。卓拄杖一下便下座。天基節上堂止止不須說。我法妙難思。天之高地之厚。海之闊山之遙。以此難思之法。祝聖人地久天長。

初八日示寂時告衆遠囑。撒骨說偈云。地水火風先佛記。冷灰堆裏無舍利。掃向長江白浪中。千古萬古第一義。

小參

結夏金剛王寶劔一揮盡十方三世冰消瓦解何處是圓覺。伽藍喚甚麼作平等性智。甚麼人禁足定居。忽有个眼不掛尸意不停立。底出來禮三拜依位而立。只向道前車既覆後車改轍。甚麼時節不識好惡。雖然若是鳳凰兒不向那邊討。

解夏心徑苦生。坐在迷魂必死之地。燈影裏行朝打三千暮打八百棒折也未。放在撲落萬仞懸崖。罔然不知所以。可謂大力量人。成就大力量事。然後入佛界入魔界。寸鐵在手。空有爲空。無爲血濺梵天。如斯不唧溜還我九十日飯錢。忽有个背却法堂著草鞋。橫擔拄杖出門去。只向他道。將謂此衆無人證明。結夏德山小參不答話。風從虎雲從龍。趙州小參答話去。松不直棘不曲。機先著眼。未是俊。流旬外明宗。不堪共住。所以高者抑之下者舉之不足者與之在。

孤峯者。令入荒草。入荒草者。令處孤峯。與麼與麼。未稱衲僧。不住圓覺。伽藍不守三期禁制。坐邪見林。行於非道。猶是衲僧。塔下漢。畢竟如何。萬古碧潭空界。月再三撈。撈始應知。

解夏問也得。不問也得。問與不問。於道總無交涉。一句子。該天括地。三世諸佛。不知一句子。密不通風。六代祖師。罔措衲僧。一句子。衲僧不會全體。如是去全體。如是住。如是去。谿月雖同。雲山各異。如是住。暗穿玉線。密度金針。不去不住。平地上。浪激千尋。虛空中。雷奔火迸。鵝護雪。蠟人冰。又向甚處著。且道。今夜與甚麼人。同自恣。座中盡是仙陀。客何必文殊。下一椎解夏。秦望山高。一一斫額而去。賀家湖闊。滔滔誰敢截。流寸絲不掛底。赤肉尙存。萬里無雲時。青天猶在。所以道。百尺竿頭。坐底人。雖然得入。未爲真。百尺竿頭。進一步。十方刹土。現全身。誰管蠟人冰。不自恣。不自恣。天台南嶽。拄杖子。一任踣跳。忽有一个拗折。拄杖高掛鉢囊。越不去。喚不回。許他是個擔板衲子。雖然天章未曾說。阿字法門在。

冬至大道。只在目前。要且目前難覩。欲識大道真體。住住人人。一坐具地。四至分明。陰陽造化。不及三世諸佛。仰之彌高。六代祖師。鑽之彌堅。天下老和尙。瞻之在前。忽焉在後。於茲示一機。示一境。點透龍門。箭穿鴈穴。較人師子。機不容瞬。於衲僧門下。是陳年曆日。不勞拈出。淨慈已展不縮。應个時節。卓拄杖一下。冬不寒。臘後看。

除夜拈拄杖云。過去諸如來。已用見在諸菩薩。今用未來修學人。常用淨慈。總不用隨家豐儉。與大衆分歲。始欲烹露地白牛。唱村田樂。古人殘羹餽飯。臘雪連宵白。春風逼戶寒。又是十方常住物。今夜賓家主。家各出一隻手。應个時節。豎起脊梁。生鐵橛。較定牙關。佛不做雷峯塔。忽然點頭三十棒。不可放過。與麼分歲笑我者多。晒我者少。

除夜鳴爆竹。送殘年。東村王老。夜燒錢。南山短拙。無施設。借婆裙子拜婆年。

至節冬至前後。沙飛石走。三世諸佛。不知有狸奴白牯。却知有兩刃倚天長劍。一團邪鐵鑄就。四七二三。

不敢正眼觀著。當權尊宿。以此爐韜諸方衲子。靈隱即不然。把定則乾坤失色。放行則萬象騰輝。且道把住好。放行好。卓拄杖一下。一百單五。是寒食。四十五日。又逢春。

結夏以大圓覺爲我伽藍。天寬地闊。馬廐牛欄。身心安居。平等性智。五陰界入。一念萬年。墮在毒海。北山今日七百比丘。同此結夏也。無臘人爲驗也。無長期短期。畢竟如何。毒龍行處。草不生。鳩鳥落毛。魚皆死。

舉古

五洩到石頭。便問一言相契。即住不契。即去。頭據坐。洩便行。頭召闍黎。洩回首。頭云。從生至死。只是這個。回頭轉腦。作甚麼。洩於言下大悟。拗折拄杖。

師云。石頭據坐。五洩便行。不妨氣吞佛祖。眼蓋乾坤。末後一喚。便回。翻成不唧溜。且道那裏是他不唧溜。處。山轉疑無路。谿斜別有村。

懶瓚道。世事悠悠。不如山丘臥藤蘿。下塊石。枕頭雪。寶云。者般漢。有甚用處。喚起了打。

師云。雪寶喫李子。向赤邊。較寶陀若。見問他。曾見

誰來待他。擬開口。只向道。打頭不遇作家。到底翻成骨董。

陸亘大夫問南泉弟子。家中一片石。有時坐。有時臥。擬鐫作佛。得麼。泉云。得。陸云。莫不得麼。泉云。不得。師云。陸亘大夫。一代洪儒。負一片石。到南泉王老。師雖好手。鐫鑿不下。至今無頓放處。彈指一下。一里兩里行。三回四回歇。

趙州行脚。到一鄉院。經旬臨去。乃別院主。主云。何往。州云。臺山禮文殊去。主云。某甲有頌相送。無處青山。不道場。何須策杖。禮清涼。雲中縱有金毛。現正眼觀來。非吉祥。州云。如何是正眼。主無語。

師云。平地喫交。忽有人問。院主。平地喫交。耶。趙州平地喫交。耶。只向他道。古佛過去久矣。

睦州問僧。甚處來。僧云。河北睦州。云。河北有箇趙州。和尚上座。曾到彼處麼。僧云。某甲近離彼中州。云。趙州有何言句。示徒。僧舉喫茶。話睦州云。慚愧。却問僧。趙州意作麼。生。僧云。只是一期方便。睦州云。苦哉。趙州被你將一杓屎潑了。也便打。

師云者僧既不從趙州來睦州推勘甚麼當時若是寶陀待他睦州道慚愧只向他道低聲低聲睦州轉得頭來片帆已過河北

昔有僧在經堂長坐藏主云何不看經僧云不識字主云何不問人僧鞠躬叉手而立云者箇是甚麼字主無語

師云這僧叉手以字不成藏主無語八字不是盡西天梵語此土唐言是箇切脚岳林與麼解注節文何在

雲門云釋迦老子與天帝釋在中庭相爭佛法正開大慧云者老漢好與三十棒且道過在甚麼處誣人之罪以罪加之

師云大慧和尚與麼說話也是徐六擔板殊不知雲門大師正是普州人送賊

麻谷到章敬作禮繞禪牀三匝振錫而立章敬云是是又到南泉亦如是問泉云是不是谷云章敬道是和尙因甚道不是泉云章敬是是汝不是此是風力所轉終成敗壞

師云定龍蛇貴要眼正決生死直到無疑二大老不妨諦當一是一不是麻谷小出大遇因甚麼南泉道此是風力所轉終成敗壞前箭猶輕後箭深雪峰領衆到浮江欲寄二百僧就此過夏還著得麼浮江以拄杖劃一劃云著不得卽道雪峰便休去

師云問得孤危答亦深險水到渠成風行草偃古佛堂前無可不可若約衲僧門下正是扶籬摸壁外道問世尊昨日說何法佛云說定法外道云今日說何法佛云說不定法外道云昨日說定法今日因何說不定法佛云昨日定今日不定

師云世尊如大日輪昇於虛空四天下無所不照昨日說定法今日說不定法還是非得麼

德山小參不答話問話者三十棒時有一僧出禮拜山便打僧云某甲話也未問因甚麼便打山云你甚處人僧云新羅人山云未跨船舷好與三十棒

師云德山門庭孤峻行佛祖不行之令誰敢嬰鋒者僧不顧危亡直前扣關擊節入其闥與雪竇因甚麼喚作撞著露柱底瞎漢

梁山和尚示衆南來者三十棒北來者三十棒雖然如是未當宗乘

師云梁山一期振領提綱風颯颯地爭奈落草不知且那裏是梁山落草處

無著上五臺禮文殊路上逢一老人著問莫是文殊麼老人云豈有二文殊耶著作禮老人不見

師云深山無人水流花開文殊隱身無路無著無處藏身且道二大老還有相見分麼龍蛇易辨

子難瞞

瀉山摘茶次謂仰山云終日只聞子聲不見子形仰山撼茶樹瀉云子只得其用不得其體仰云未審和尚如何瀉山良久仰云和尚只得其體不得其用瀉云放子三十棒

師云仰山撼茶樹只得其用瀉山良久只得其體互相印證玷辱門風當時若是父爲子隱子爲父隱子孫不致斷絕

教中道於一切時不起妄念於諸安心亦不息滅住妄想境不加了知於無了知不辨真實

師拈云就船買得魚偏美踏雪沽來酒倍香

鄧隱峰在襄州破威儀堂著襦衣砧椎邊立舉椎云道得則不打一衆嘿然乃打一下

師拈云贏得八百自損三千

僧問永明潛禪師至理無言假言證而顯道如何是顯道底言潛云切忌揀擇僧云如何是不揀擇潛云

元帥大王太保令公

師拈云貴賤賤賤

頌古

分皮分髓

一片爺爺古化基又逢寒食拜標時滿前骨肉俱承蔭一个無聊乞養兒

三聖道逢人則出出則不爲人興化道逢人則不出出則便爲人

肩擔口叫曉夜撐船道路各別養家一般

瑞巖喚主人翁

青氈本是家中物時復拈來抖擻看貴要傍人知下落不知下落被人謾

明招風頭稍硬煖處商量

風頭策起羅生網。更向無風煖處張。兩度勞心又勞力。更無驚鳳敢呈祥。

道也者不可須臾離也可離非道也

睡濃天曉弗梳頭。洗面無湯也。卽休。大底還他肌骨好不搽紅粉也。風流。

文殊問維摩疾

示疾毗耶閻訊。疎知音惟有老文殊。問來答去膠投漆。一病翻成兩病夫。

山

僧問香林如何是衲衣下事。林云。臘月火燒。臘月火燒。山胡僧入漢關。一頭卷螺髮。兩耳帶金環。

洞山喫菓子話

奴見婢慙。懃懃喜。懃然嘆。瀟湘圖上看。分外好精神。陸亘大夫問南泉。師姓甚麼。泉云。姓王。陸云。還有眷屬麼。泉云。四臣不昧。陸云。王居何位。泉云。玉殿苔生。陸云。玉殿苔生時如何。泉云。不居正位。

金鴨香消更漏長。沉沉玉殿紫苔生。高空有月千門照。大道無人獨自行。

盤山道。光境俱忘。復是何物。洞山道。光境未忘。復是何物。

光境俱忘。與未忘殺人利劍。活人鎗。太平時節。渾無用。夜夜神光射斗旁。

保壽開堂三聖推出一僧。保壽便打三聖云。與麼爲人。非但瞎却者僧。眼瞎却鎮州一城人。眼去在。保壽擲下拄杖。便歸方丈。

電電喧轟。海岱昏。怒濤翻覆。拍天門。錦鱗不會乘流去。空向桃花浪裏奔。

贊佛祖

出山相

龍章鳳質出王宮。肘露衣穿下雪峰。智願必空。諸有界。不知諸有幾時空。

觀音大士

空如來藏立大圓鏡。水落石出。月明雲淨。瞻之仰之。群機普應。

金剛經書大士像

大士應身三十二。一身三十二重。非金剛正體。是非外。鵲噪鴉鳴。無了時。

馬即婦

有願必從。無利不現。鬻亂釵橫。金沙灘畔。稽首皈依。漏危難滿。

善財

福城東際。錯商量。誤入烟蘿白鳥鄉。水遠山長無限意。到頭難寫此愁腸。

維摩

指桃罵李。敗種發機。詞窮理盡。一嘿橫施。大地山河。背震吼七佛之師。懷懺歸。

布袋

南無阿逸多。忙忙走寰宇。等個人未至。放下寬腸肚。來也來也。噓。泰嶽何曾乏土。

九十七大人之相。百千億微塵數身。兜率長汀人不識。抖擻精神一欠伸。

達磨大師

的的西天末法僧。來分此土最初燈。神光冷地一吹滅。葱嶺忙忙只暗登。
五天竺國東震旦。土傳佛心宗。無本可據。無本據一葦。橫移大江東去。

五祖

萬本松杉山山栽。遍闕下。鑊頭再呈舊面。雙峰峨峨翠插天。天下人見渠不見。

六祖

應無所住。白日迷路失脚黃梅道。傳千古。不是風動。非幡動。會也。蚍蜉撼鐵柱。

五祖送六祖渡江圖

有傳有受。恩成怨。無受無傳。怨似恩。船到岸頭。恩怨絕。遍天遍地一兒孫。

懶瓚

垂頭寒涕。滿頭霜。黃獨煨來別有香。三詔入雲。三不起。兒孫各自立封疆。

楊歧祖師

三脚驢子弄蹄行。金毛師子大哮吼。五峯峭峻摩蒼蒼。

穹千古萬古揚家醜

夾山見船子

毒手一撓難彈避。點頭不見問津人。烟波浩渺無窮恨。父子雖親未是親。

馬祖接石鞏

三十年不少鹽醬。一簇群狐中的時。大地山河諸草木。至今盡發箭鋒機。

鳥窠

道高德高名愈高。問佛法而吹布毛。不是尋常兩畔啄。飛出鳳兒空鷲巢。

諾詎羅尊者

石壁攪空起銀河。一派懸食觀無斷續來去不知原。

四睡

離了峨嵋別五臺。倒騎白額下天台。松間石上夢中夢。喚得閭丘太守回。

寒山

採樵松嶺去提水。傍谿歸个般無出谿。七佛不曾師。

佛心禪師頂相

保福朋長老請贊

千聖頭邊殃禍作。春風和氣滿叢林。隨其機上者上之。任其器下者下之。一處不通回天轉地。活天下死。禪僧死大地活禪子。是謂父不傳子不記之妙。如保福千聖頭邊殃禍者。鮮矣。

石佛清長老請贊

東山之源東澗之淵。截流之機驗人之眼。揚清激濁地覆天翻。六代祖師豎毛呵手。三生大像頓足擊拳。彼又何須指南吳越。令行而後有傳。

圓覺頭空覺講主真贊

頭鬚髻眼乖角得天台之奧旨。繼永嘉之先覺。執文字見離文字縛。說大義則四座風生。微異解則百川潮落。昭昭乎教苑之祥麟。昂昂乎雞群之野鶴。雖正席四處不足暢其設施。然分座五山亦不負其所學。是爲廣智九世之孫。曠嚴一枝不致寥寞者矣。

又贊

眼裏有筋舌頭無骨。卓然特立天台祖室。寫懸河辯而四方絕唱。離文字相而諸天雨花。扣其關者紛紛紘紘而退席得其旨者。靜靜嶢嶢而莫及且不以慈。

悲寶帳破塵白拂而當家傳自有鸞膠續斷絃

隨 龍都知王提學喜容

幅巾懶衣風生步武叩竹杖頭高懸玉璽奉

至尊則雲從龍勘衲僧如出林虎夫是之謂吾教之

外護 皇家之內輔也

悅堂穆知閣寫師頂相請贊

春水滿四澤夏雲多奇峰秋月揚明輝冬嶺秀孤松
難描邈絕知音悅堂不是閑相識贊不欣兮罵不嘖

覺如周居士圓相

一片虛凝絕謂情眼橫鼻直強圖形不如不覺全聲
色罵得毗耶老淨名

自贊

出林虎方怒橫岡蟒正嘖世無途路客終是不傷人

福州長谿樂山王居士遣兒惟惺投師薙髮

寫師頂相請贊

聞名不如見面見面不如聞名兩重虛假一對眼睛
不近人情處是句也刻非句也刻一味拍盲時逼犬
透牆證龜成鼈如斯杜撰豈堪人師誰知千里同風

句却有樂山居士知

瘦骨稜層一擔夫幾年寥落在江湖面皮捩轉無人

識有甚閑名上祖圖

跋

通庵居士頌維摩經

淨名一經方等時說所謂彈偏折小數大褒圓者也
居士示疾毗耶離城鉤在不疑之地菩薩聲聞咸往
問候不是好心二千年後通庵頌出據款結案三段
不同收歸上科

跋北磬和尚語錄

北磬和尚自是甘露滅舟峯庵秀紫芝之流亞見佛
照師祖後巧盡拙出如虎插翅嗟嗟冥冥垂垂厓厓
人知其一未知其二九會葛藤自揚醜惡從苗辨地
余言豈認眼裏無筋此老受屈

跋笑翁和尚語錄

希佛後佛過塗毒鼓笑翁一笑起死學者如稻麻竹
葦若有一語隨流截流此錄即是魔說

偈頌

彌勒大士二月八生

契此老翁無記性。都忘生月與生辰。春風桃李能多事。特地年年說向人。

化炭

皮膚脫盡黑。鰕鰂猶有當時刀斧痕。待入門來重點化。教伊隨處食烟塵。

雪庭

一度寒來不可禁。森羅萬象盡平沉。个般門戶誰能入。著脚分明三尺深。

蜘蛛

一絲挂得虚空住。百億絲頭殺氣生。上下四維羅織了。一無漏網話方行。

示覺悟侍者

起家難似破家難。蕩盡田園出故關。佛祖二千年冷債。不消咳嗽一時還。

水茶磨

機輪轉處水潺潺。機若停時水自閑。末上一遭知落處。十分春色滿人間。

浮香閣

江城夜雨滿樓臺。池上殘紅撥不開。慈氏家風都漏泄。善財南去未回來。

送清涼淮海和尚住萬年

潮聲忽轉石頭城。大舍峯高側耳聽。五百箇僧都不會。教他一一侍巾瓶。

送夢聰和尚住淨慈

誌公有語問思大。東顧無言記夢聰。今日夢聰下山去。笑他思大舌頭長。

送廣州泰長老

老盧曾見老黃梅。一首長廊落韻詩。既是同坑無異土。家私莫與路人知。

鍼醫

藥知性亦病知源。誰管屍靈骨已寒。痛下一針雙眼活。耆婆應未得其傳。

西隱

泥牛闖入海門關。直到如今萬象閑。百鳥不來春自老。柴門依舊向東山。

大死

上門上戶拚窮命。不覺全身墮險崖。盡十方空俱殞。
滅玲瓏八面露死骸。

送貓兒

大慈悲種小斑斑。軟血功能也是閑。首尾直舂眸子。
正不知走却屋頭山。

寒衲

針鋒不露重重補。線脚通時密密參。放下無針無割。
處凍雲垂地一肩擔。

起水陸堂

一漚大覺海中興。十趣波濤不暫停。返本還源空覺。
海滿堂風月雨初晴。

幹藏

惡語重重放出門。只圖一个不知恩。二千年事難遮。
覆動便隨人脚後跟。

示若臨侍者

一思面門擲不斷。放下重新買草鞋。有路莫行無路。
入照顧渾家落險崖。

在庵

世間幾見劫灰飛。老屋依前對落暉。四大部洲都遍。
歷到頭還向此中歸。

機屋

鷲薪無價嶺南歸。尚有兒孫在翠微。執樹縛扉門戶。
別離離荆棘惹人衣。

送人游方

南有天台北五臺。分明記取莫疑猜。話頭打失不知。
處乞我三文買草鞋。

胡桃

枝頭棄底不能藏。獨脫無依未厮當。一擊渾身如粉。
碎不堪收拾始馨香。

送日本國僧

壁觀胡僧入大梁。單傳必死活人方。至今此術遍天。
下航海梯山空自忙。

又

大舶浮空駕浪來。頂門有眼未曾開。南山虎口翻身。
出日本生成一福胎。

送祖達侍者

呼喚不曾離左右。大都相見一番難。攢眉切齒歸來日。痛罵國師南北山。

枯體人我擔

一我一人裝一擔。不知出入幾胞胎。鐵圍山嶽高如許。撞破髑髏歸去來。

造龜子

病病相尋早是遲。鎖空龜子做多時。北邙山下明朝約。火後誰收眼底眉。

栢岳

苗裔忽生崖石裂。不同松檜拂雲長。蒼蒼無一閑枝葉。子落叢林也有香。

進月軒

桂輪孤朗碧天寬。簾卷清光入座寒。底事明明人不薦。又移花影上欄干。

示資壽慧一監寺

二由一有一莫守。面首面南看北斗。勘破末山不露頂。玄機無著高叉手。

竹谿

漱石穿崖落。落隨流。截流自斷。窮到不知源處。風枝雨葉蕭然。

山翁

重疊春風面。高低雪滿頭。渠無生老相。孤峻罕人游。刀鋸。

得心應手乖毫髮。心手俱亡處處通。摘一莖髭彈一

鋸。有相同有不相同。

復古日者

試問先生蘊底術。卦盤撥轉呵呵笑。毗婆尸佛早留心。直至如今不得妙。

示宜上人之雪竇

無常迅速入門欺。撒手懸崖末後機。一欸一機自欺屈。谿邊有箇石烏龜。

接待

目前來往競紛紛。那箇師僧有腦門。坐熱鐵牀吞熱鐵。石頭南嶽下兒孫。

損窻

六處虛明不假修。七穿八穴有來由。霜風霰雪縱橫入。不是愁人也著愁。

演史

干戈場是太平基。休把英雄較是非。試問長空風與月。周秦漢魏不曾知。

惜煙

爐無獸炭坐無氈。三箇柴頭只自然。家醜莫教輕放出。定應炙地與熏天。

示圓鑑沈淨明

天寬地大一圓鑑。明暗色空四無限。道人受用未生前。白雲祖師頂門眼。

蘭亭四威儀

行崇山峻嶺。失脚蹋翻古井通。身是口波瀾。何須三止四請。

住晉朝古寺。無米無鹽無醋。歲歲偏乞諸隣。三百六十餘度。

坐茂林脩竹。高節虚心滿目。个个落是兒孫香。敲口啞舌禿。

臥流觴九曲。青源白家香。熟三杯。席地幕天。不辨東西南北。

寶陀三句

寶陀一路來來去去。撞著鰲頭風波無數。寶陀一立掣臂揎拳。打失鼻孔蒼天蒼天。寶陀一妙。無人能到。喫飯著衣。屙屎放尿。

小佛事

爲淨慈無極和尚入祖堂

打破劒門關。徧地栽荆棘。無處可安排。堂高附南極。拈起位牌云。這裏見無極和尚。卽未得。

爲下天竺閑雲信講主入壙

涅槃後有大人相。盡十方空藏不得。一片閑雲卷復舒。千峰萬峰凜寒色。便與麼去時。如何土曠人稀相逢者少。

靈藏主火

一靈真性不假胞胎。堆堆地。瞥然東湧復西沒。火迸雷奔追不及。向上更有事在靈藏主。昨夜西風撼林樾。千山萬山翻貝葉。

如副寺火鐵牛小師

喚作如如早變了也。如如不變十分成現。聖人如凡夫。如一如無二。如如副寺。如不如。若從如生。如本不生。若從如滅。如本不滅。追隨佛祖。鐵牛機。臭烟蓬。煇桑風吹。

化庵主入骨

透生死關。出有無見。打破虛空。何處履踐。冷灰堆裏。露影藏身。無縫塔中。萬化千變。也是秦時。較轆鑽。

淵監寺火

淵深無涯。淡白浪翻。空立撼動。涅槃城火。地鑽壞壁。勝熱婆羅門。點頭須彌燈王。不識。

源上座火

道之有源。渴鹿奔陽。燄道之無源。日中逃影迹。此是其源。不受方便。平地上浪激千尋。虛空裏星飛火迸。

通上座火

宗通說通。關山萬重。一句不相到。打破太虛空。入得南山爐韞。住得虎穴魔宮。熨斗煎茶。銚不同。

行者淨清火

清淨行者不入涅槃。死在者裏。南山爲汝點化。擲下火云。美玉精金。無定價。

大川和尚語錄終

靈隱大川禪師行狀

師名普濟。大川其自號。四明奉化六詔張氏子。父友崇母俞氏。有善操平。居飯水雲。施芒屨。常願得佳子。業儒持家。外又願得學佛。而出家者。則善可以及其族。果生三子。師其季也。少沈厚。處群稚中。獨罕言笑。束髮浮沈鄉校間。然無經世意見。見佛書。則端坐探繹。忘罷怙恃。見其然。則曰。吾三子。以一出家。固所願也。年十九。依香林院文憲師。薙染受具。戒憲俾由律而入教。乃預籍郡之湖心。討論開遮之說。既又負笈赤城。染指性具之理。一日幡然曰。持犯束身。義學支離。何能超生死乎。於是舍教而入禪。小留瑞嚴。荷屋席下。卽往天童。見無用。一單深穩。赴衆外。不出僧堂。靜定中。發明語默。無滯用室中學。有句無句。如藤倚樹。


師云斬丁截鐵用云。鴻山呵呵大笑。謂師云。寸釘入木。用器之令入。侍司師遜不就。乃之玉几。時佛照禪師佚老東菴。一見別爲法器。照指往越能仁。見洵翁。翁問上座甚處人。師云奉化。翁云還識愁布袋麼。師提起坐具。翁奪坐具。便打師。當下脫然。乃應聲云。今日觸忤和尚。依之久。如徧歷諸方。松源肯堂癡鈍。息菴空叟無證。泊諸老之門。龍象蹴踏處。咸周旋往返。激揚欵密。又絕淮渡湘。禮列祖塔。俄洵翁移鍾阜。拉師偕行。又被旨移天童。職師知藏。嘉定十年三月。妙勝虛席。制府下諸禪期集。師膺其選。瓣香爲洵翁記所證也。旋遷補陀。岳林秀之報恩。鄭之大慈。越之天章。京之淨慈。靈隱凡八遷。其岳林則丞相史忠獻王欽其道。價延見而遷大慈。則忠獻之子同知恭惠公敷奏給勅。而遷淨慈。則京尹趙大資敷奏起乳竇之隱。而遷靈隱。則序遷也。居二年。以疾求退。衆闔辭懇留。當天基陞堂祝堯下座。衲子隨至方丈。喜其有瘳。師忽垂語。勉勵激切。與常時不同。衆異焉。初八日凌晨。隱几從容。親札別諸。

朝賢之弘護者。徐語衆曰。吾行矣。其送終之禮。令與常僧等勿厚。勿侈。勿襲末流之弊。以貽識者。晒火葬。後拾遺殖。投諸江。乃書偈曰。地水火風。先佛記冷灰。堆裏無舍利。掃向長江白浪中。千古萬古第一義。衆泣請遺偈。師笑曰。猶嫌少。在。復書曰。來無地頭去無方。所處空。迸綻山嶽。起舞擲筆移時。而化。茶毗得舍利五色。如菽。諸徒欲遵治命。水塋。前資尹趙公特捐金幣。命建塔焉。於是塔于寺西。龕童禪師塔之左。寶祐元年正月十八日也。壽七十五。臘五十六。弟子七十餘人。嗣法者出相先後。師孤硬趣操。嚴冷面目。其當機妙轉。珠不容觸。臨事定見。山猶可拔。一以身徇道。而世相逆順。學不足以回撓。其爲己爲人。皆推此而行之。學者苦其峻厲。難於近傍。久則眷戀。而不忍去。其提唱。的切省徑。如蠱家之孟。飲者必死。如良醫之劑。咀者必活。當洵翁示寂時。語其徒曰。岳林濟長老識我舌頭落處。可令校吾語。錄今佛心。語行于世。師所訂也。斥已長。以資常住。輕於擲磔。補缺與壞。視時之宜。其居淨慈。日相視面勢。宜於左昂右低者。

乃傾鉢盂一闍於東南舍三世佛益發湖山之勝
上聞而厚錫焉至親陞宸翰正偏知闕華嚴法
界兩篇以揭之燁如也住山掩關冰檠一節丈室蕭
然如傳舍視給侍輩如路人公使令外一無以役之
其與竊借名位驕盈睢盱者可同日語哉故江湖裨
子愈久而思之寶祐乙卯冬余居慈雲其子用楫過
我言師始末與余曠昔所聞者合乃爲條理其事以
備當世名公採摭銘以傳遠其八會語師臨終時舉
以投諸火今所行者乃諸衲傳誦會粹成編以示後
云寶祐四年正月幾望慶元府大慈名山教忠報國
禪寺特差住持屬末比丘大觀謹狀

石田法薰禪師語錄

宋・石田法薰
了覺
等撰編



石田和尚入破菴室乳水相投認取祖翁遺下一片
荒田隨水牯牛牽犁拽耙是菑是穫普爲一切傾出
所儲作大受用五處法會雲集展鉢隨其福力各使
屬厭至若談笑起癢支傾莫非遊戲如幻三昧世緣
欲辨退藏於密不知三月十五之最後垂誨但得本
莫愁末一句子公案已是合殺了也諸仁者於此薦
得方知這老漢淵默雷聲元有不死者在淳祐六年
九月廿日滄洲子程公許敬書于玉堂直廬

高峯小寺石田最初說法所也有單丁畫乞村落之
風開爐日欲聚泥人聽法泥人亦不可得時高源無
淮卽菴中岳照與余偕至石田上堂睽視云些子死
柴頭上火大家著力試吹看其孤寂中詞氣若此未
久遷楓林拈古有黃龍易看頭面難見心肝等語雲
巢稱之痴絕筆之瀏翁亦曰老僧只得避路及入圓
悟關則曰雖是舊時車子山僧也要橫推後二十年
南北兩山凡提唱或平實嶮絕處左轉右轉皆生機
活路未易殫舉姑以親所聞見者書之若謂余鄉情

未忘請看是錄淳祐丁未結制日心月敬書

石田和尚語錄目次

序

卷第一

平江府高峯禪院語錄

平江府楓橋普明禪寺語錄

建康府蔣山太平興國禪寺語錄

卷第二

臨安府淨慈報恩光孝禪寺語錄

臨安府景德靈隱禪寺語錄

請因緣普說 拈古

卷第三

小參 法語

卷第四

讚佛祖

偈頌

小佛事

行狀

祭文

跋

石田和尚語錄卷第一

石田和尚初住平江府高峯禪院語錄

住隆興府龍泉資福禪寺門人師坦等編

師於嘉定七年閏玖月二十二日入院

指三門云。此大解脫門。窮劫已來。與諸人同出同入。今日因甚麼。翻成特他。良久云。只恐諸人忘却。

佛殿燒香云。雲門一棒。高峰三拜。一家不知。一家各自保守疆界。

踞方丈云。高峰方丈。內外皆空。垂釣四海。只釣獐龍。拈帖云。禪僧公驗。突出難辨。手眼通身。只得一半。且道。更有一半在什麼處。却請維那注破。

入院上堂云。諸佛未出世。人人鼻孔遼天。出世後。香無消息。薰上座。今日打破面皮人。這門戶。別也。无他。只要盡大地人。箇箇知得鼻孔元。在面皮上。恁麼告報諸人。還甘麼。若也甘去。未必善。因而招惡果。若也。不甘爭奈。車不橫。推理無曲。斷衆中。莫有道得。接手句底麼。若無新長老。失利謝詞。不錄。復學大慈寰。

一著皮字

中和尚示衆云。老僧不解答話。只是識病。時有僧出。大慈便歸方丈。師拈云。用向上爪牙。應向上時節。則不無大慈點檢。將來只解答話。未識病在。且道。請訛在什麼處。喝一喝下座。

上堂舉魯祖見僧來。便面壁。師拈云。魯祖一旦垂慈。不知筋骨太露。高峰見僧來。和南問訊。寒則言寒。熱則言熱。終不敢錯誤他。一絲毫。何故彼此出家兒。散聖節上。堂有大聖人出現。世間不言而化。無爲而治。節逢瑞慶。萬國歡聲。金輪永御。三千界玉葉長敷。億萬春。

冬節上堂。晷運推移。日南長至。佛法世法。因行掉臂。高峰更囑諸人。第一莫眠冷地。

住平江府楓橋普明禪寺語錄

嗣法門人 師坦 等編

師於嘉定八年正月二十一日入院。上堂云。瞿曇拈花。達磨面壁。暗中書字。文彩已彰。迦葉破顏微笑。神光斷臂安心。作業相似。來生我家。自此遞代相承。虛空釘橛。天下藥林浩浩。地皆言我。繼紹黃頭碧眼。各

遲已能亂呈。情袋殊不知雕砂無鏤玉之談。結草乖道人之意。薰上座。雖則伎倆全無。終不作這般見解。既不作這般見解。畢竟如何。施設卓拄杖一下云。慣從五鳳樓前過。手握金鞭賀太平。叙謝不錄。

復華僧問百丈。如何是奇特事。丈云。獨坐大雄峯。僧禮拜。丈便打。師拈云。一問一答。拈向一邊。若不是百丈老漢。幾乎腦門著地。今日若有問新楓橋。如何是奇特事。只向他道。春日晴黃鶯鳴。

佛涅槃上堂。仲春月望。瞿曇涅槃波旬。雙手舞迦葉。兩眉攢冷地。看來總是閑。月華夜夜照長安。喝一喝。上堂。金佛不度爐。木佛不度火。泥佛不度水。且道真佛畢竟在什麼處。只知事逐眼前過。不覺老從頭上來。上堂。一徑直。二周遮。衲僧會得萬別千差。庭前閑放目春。盡尙餘花。老胡不合過流沙。

浴佛上堂。昔日藥山與遵布衲。在殿上浴佛。藥山問遵云。汝只浴得這箇。且不浴得那箇。遵云。把將那箇來。藥山休去。大衆藥山與遵布衲。一往一來。大似勞而無功。然雖恁麼。藥山休去。多少人作休去會。且不

作休去會。畢竟如何。會下座。同到殿上。爲諸人說破。端午上堂。文殊令善財探藥云。是藥者。探將來。善財遍探。無不是藥者。却來白云。無不是藥者。文殊云。是藥。探將來。善財乃拈一莖草。度與文殊。文殊拈起示衆云。此藥亦能殺人。亦能活人。師拈云。善財探文殊用殺人。活人臨機變弄。直須親看海龍宮。莫看目前波浪湧。

上堂。舉僧問智門。蓮花未出水時。如何門云。蓮花出水後。如何門云。荷葉。師拈云。蓮花荷葉。意在言前。神僊妙訣。父子不傳。

上堂。大道體寬。無易無難。相頭買帽。此土西天。

上堂。舉昔日有一秀才。著無鬼論。一日鬼現身云。你道無我。鬻秀才無語。後來五祖道。當時只舉手作鵝鳩。鵝云。谷呱故。師頌云。五祖鵝鳩。啼當機直下提。隔山尋蟻跡。能有幾人知。

中秋上堂。八月秋何處。熱杜衲僧猶未覺。三更半夜。眼聞天上如何揀月。

上堂。教中道如是知。如是見。如是信解。負心人不放。

債。楓橋這裏見成買賣。價若相當。未在未在。

開爐上堂。舉丹霞過一院。凝寒遂於殿中取木佛燒。火向院主偶見。呵責曰。何得燒我木佛。霞以杖子撥火云。吾燒取舍利。主云。木佛何得有舍利。霞云。若無舍利。更請兩尊燒之。院主自後眉鬚墮落。師拈云。丹霞燒木佛。人貧智短。院主眉鬚落彩奔。觀家更有末後著。留與諸人火爐頭卜度。

上堂。舉佛眼和尚道。一日。一時。時龍門老心自知。師拈云。大小龍門。未出陰界。楓橋道。一日。一時。時口如鼻。眼似眉。左搓芒繩。縛鬼子。倒將蒿箭射須彌咄。

元正上堂。新年佛法一切成現。明去暗來。三頭兩面。靈利衲僧。猶隔一線。更問如何。腦後拔箭。

浴佛上堂。指天指地。小兒子戲。無可慙慙。澆杓惡水。結夏上堂。九夏安居。眉毛厮結。一人發真。歸源十方。虛空迸裂。且道迸裂後如何。老鼠嚼鐵。

上堂。舉僧問趙州。如何是趙州。州云。東門南門西門北門。師拈云。諸人還會麼。物是定價。錢是足陌。

力一力

上堂。佛祖真機會。無準的鈎鎖連環。刀挑不出石田。有箇道處。未必諸人委悉。摩訶般若。波羅蜜。甚深般若。波羅蜜。

上堂。舉祖師道心。隨萬境轉。轉處實能幽隨。流認得性。無喜亦無憂。師拈云。祖師怎麼道成。一切人壞一切人。且道利害在什麼處。具眼者辨取。

上堂。東弗于逮。西瞿耶尼。清清之水。遊魚自迷。

上堂。舉五祖頌云。庭開金菊。宿根生來。雁新聞一兩聲。昨夜七峯。牽老興。千思萬想到天明。師拈云。五祖語路分明。知心者少。楓橋則不然。庭開金菊。宿根生來。雁新聞一兩聲。猶握金鞭。問歸客。夜深誰共御街行。

上堂。窮斯煎餓。斯吵驢事。未去馬事。到來正當。怎麼時。且道還有祖意也。無古澗青松。下千年長茯苓。上堂。東去亦是上座。西去亦是上座。提水放水。看風使柁。七出入沒。儒雅風流。幾度黑風。翻大海。何曾覆却釣魚舟。

上堂。舉僧問慈明云。行脚不逢人。時如何。明云。釣絲。

騰八上堂釋迦老子忽覩明星眼光打失敗軍之將
不勞拈出汝等諸人一雙眸子晝見日夜見星莫行
山下路猿叫斷腸聲

上堂棒喝齊施。雷奔電掣。本參事中。總沒交涉。沒交涉有來由。昨夜三更失却牛。喝一喝。

上堂。舉乳源示衆云。西來的的意。不妨難道。莫有人道得麼。出來道看。時有僧出。源云。如今是什時節。你出頭來。師拈云。乳源言中。藏劒戟。這僧姦裏放癡。慙西來的的意。祈額望扶桑。

上堂去却一拈得。七通天大路。萬重鐵壁。楓橋心肝。
五臟一時剖出。臭骨頭信彩擲。百千萬種神通。只消
道箇不必。

上堂雲。月是同。溪山各異。拽新羅與占波。鬪額跛脚阿師。猶落第二。東西南北。甚處得來。好是明明說。從教鴨聽雷。

上堂。識得心。山岳沉握。金成土握。土成金。脚後脚前。

見成行貨。少室峯前交點不過。
冬至上堂。辭語非干。舌能言。不是聲。斬新提活句。冬
後一陽生。

上堂。一言道盡。却成兩橛。擊鼓陞堂。子承父業。
上堂。出一蔡林。入一叢林。不具參方眼。難透祖師心。
地絕人荒。天無四壁。記得南泉昔年住菴日。有箇靈
利道者。直至而今絕消息。

上堂。秋風高。秋葉脫。亂走衲僧。天涯海角。拈拄杖。卓一下。云。然雖如是不出這箇。復靠拄杖云。放過一著。上堂。觸目不會道。運足焉知步。倒腹傾腸。翻成露布。石田頂戴諸人。爭敢絲毫錯悞。却憶王老師。不打這破鼓。

靈隱長老至上堂舉羅山訪坦長老坦至中路煎茶迎之親自過茶羅山接盞坦便問此茶如何山啜茶噴之坦呵呵大笑師拈云坦老勾賊破家羅山就窠打劫勘證將來未免惘懣敲磕且道今日靈隱與楓橋相見作麼生彼此識羞

上堂達磨不會禪。夫子不識字。第一莫將來將來不

相似諸人要會麼卓拄杖一下云出頭便死

上堂舉盤山和尚道似地擎山不知山之孤峻如石含玉不知玉之無瑕卓拄杖一下云可惜盤山老剃髮著袈裟

冬節上堂不是世間法亦非西祖意晷運推移日南長至幽州江口石人不道光陰虛棄

上堂一不成一二不成二喝水成水敲骨出髓眼有瞳人色斯舉矣

上堂無心亦無法非法亦非心大勦不堅賞柴扉草自深

中秋上堂通身無覓處遍界不曾藏閉目中秋坐却笑月無光

上堂昨夜彎弓射破虛空七零八落收拾不上衆中莫有收拾得上底麼直饒收拾得上也免石田痛棒不得何故殺人可恕無禮難容

上堂有祖以來人皆錯會錯則錯了也石田今日且作死馬醫看遂拈拄杖卓一下云錯向甚麼處去良久云龍門客少關市人多

上堂隔江招手診侯臨時橫移而過必死之疾楓林門前是路元不隔江衲子一任往來未曾招手何故袈裟同肩

膈上上堂大地人人具眼明星夜夜流輝瞿曇不著便失却一雙眉後代兒孫那得知一年一度亂針雖謝執事上堂院無大小衆無多寡有箇折脚鐺兒要人提上挈下不墮功勳不觸風化千里追風看良馬

建康府太平興國禪寺語錄

嗣法門人 了覺 師坦 等編

師於嘉定十六年四月二日入院

指三門云透過牢關縱橫獨步脚頭到處生涯誰道此山無路

據方丈云密庵應庵圓悟爐鞴於此曾開雖是舊時車子山僧却要橫推莫有不甘底麼喝一喝

上堂拈香云此一辨香恭爲

北闕之至尊仰祝 南山之聖壽遂歛衣就座僧問云佛佛授手祖祖相傳只如佛祖未與時如何通信答云不勞懸石鏡天曉自分明僧云怎麼則正法眼

藏流通去也。答云：也是杓卜聽虛聲。僧云：法輪纔轉，凡聖交參，正恁麼時，如何祝？聖答云：萬象齊呼，萬歲聲。僧云：祝。聖已蒙師指示，向上宗乘事，若何答云：六耳不同謀。僧云：謝師答話，便禮拜。

師乃云：佛佛授手，祖祖相傳，正法眼藏，千古流通，涓滴不漏，毫髮不移。今日委在新蔣山手裏，一向恁麼去，盡大地是箇荒岑，一向恁麼來，無限人掠虛空過。去此二途，莫有知得新蔣山落處底麼？良久云：不是僧繇手，徒說繪丹青，叙謝不錄。復舉寶公令人傳語：思大和尚云：何不下山教化衆生去？一向目視雲漢，作麼思大云：三世諸佛被我一口吞盡，何處有衆生可度？師拈云：大小思大，把不定，輕輕被寶公一撈便乃和身掇轉。石田辭楓林上蔣山，不見有諸佛可吞，不見有衆生可度，且道畢竟如何？爲人良久云：橫按鎮錫，全正令太平，寰宇斬癡頑。

上堂：鍾山乍住，百事隨宜，無可不可。左之右之，些子不通。方處料想，諸人未知，且道那裏是鍾山不通方處？後五日看。

請首座掛牌上堂，舉古舉今，和泥合水，說心說性，畫虎成狸。所以道：千人排門，不如一人拔關；一人拔關，千人萬人得到無疑安樂之地。且道：誰是拔關者？下座同知事頭首大衆，勸請清真和尚。

上堂：石中有玉沙裏，無油德山臨濟未出常流，却憶寒山子時臨古渡頭。

謝首座上堂，舉雲門大師示衆云：平地上死人無數，透過荊棘林者，是好手。時有僧出云：恁麼則堂中第一座有長處也。雲門云：蘇嚕蘇嚕。師拈云：雲門眼空四海，氣宇如王，却被這僧輕輕一捏，便見隱身無路。若是蔣山待他，道恁麼則堂中第一座有長處也。只向他道：龍蛇易辨，獅子難瞞。

上堂：恁麼恁麼，義出豐年，不恁麼不恁麼，儉生不孝。明眼漢沒窠臼，喝水成冰，將無作有。玉殿瓊樓一莖草，嚙蔣山今日無端平地爲人作保。

上堂：法爾不爾，如何指南？古佛露柱，晝夜交參。蔣山雖恁麼道，西天有人不甘。

結制上堂：四月十五結，虛空遭火，燕此土與西天同。

途不同。轍既是同途。爲什麼却不同轍。鎮州蘿蔔并州鐵。

端午上堂。今朝五月五。石田無刺語。打破鬼門關。三更日卓午。明眼衲僧迷却路。

上堂。見成公案。打疊不辨千載間。名不若一回親見。且道親見後。如何有口只堪喫飯。

上堂。深山巖崖中。迥絕無人處。箇事分明。十成顯露。擬著便乖張。不擬成差互。趙州親見南泉。百丈曾參馬祖。

上堂。舉僧問洞山。寒暑到來如何回避。山云。向無寒暑處回避。僧云。如何是無寒暑處。山云。寒時寒殺閻梨。熱時熱殺閻梨。師拈云。田地穩密。關竅玲瓏。識得無寒暑處。任他寒暑相攻。箇裏同途。轍不同。

中秋上堂。舉長沙岑禪師。一夕與仰山翫月。次仰山云。人人盡有這箇事。只是用不得。長沙云。恰是倩汝用去。仰云。你作麼生用。長沙乃一踏踏倒。仰山仰山起來。云。你直似箇大虫。師拈云。長沙見處。雖親用處。鹿仰山口裏。相呼肚裏。狡灼然好箇大虫。可惜已。

傷牙爪

上堂。舉顯英上座。到慈明。明問近離甚處。云。金鑾夏在甚處。金鑾去夏在甚處。云。金鑾前夏在甚處。云。金鑾先前夏在甚處。云。何不領話。明云。我也不能勘得你。教庫下奴子勘你。且點一盞茶與你濕腎。師拈云。焦磚打著連底凍。赤眼撞著火柴頭。將軍但得嘉聲在。何必榮封萬戶侯。

上堂。見聞覺知行。住坐臥。眨上眉毛。早已蹉過赤脚唱山歌。路上無人和。

上堂。從上若佛若祖。天下老和尚。卓拄杖一下。云。盡向這裏乞命。又卓一下。云。大赦咸放。

上堂。直下是直下。是鈍鳥不離窠。良駒千萬里。德山老漢三十年。不曾打著獨脫底。蔣山門下。還有獨脫底麼。也要擎茶掃地。

上堂。身心一如。身外無餘。長安雖樂。不是久居。元宵上堂。我見燈明佛一翳。在眼本光瑞。如此空花亂墜。山是山水是水。衲僧家眼見耳聞。有甚碑記。喚玄沙道底。玄沙道底。

上堂禪非意想。道絕功勳。青天白日。有迷路人。莫有不迷者。麼。取得安南。又憂塞北。

上堂。靈雲見桃花。悟道。蛇鑽鼠穴。爲山道從緣入者。永無退失。憂人之憂。如己之憂。立沙道。敢保老兄。未徹在。樂人之樂。如己之樂。若是廣寒。攀桂人。連枝帶葉。和根拔。

上堂。兩日晴。三日雨。衲僧皮草。無瞋眼處。蔣山打草。只要驚蛇。白玉無瑕。却有瑕。

上堂。田地穩密。底針。割不入。神通遊戲。底縱橫。自在。若到蔣山。這裏未兔。一時列下。黃金終不和沙賣。謝後堂書記。上堂。言詮不及處。文彩未生時。電光石火。猶尙遲遲。直下橫身。擔荷得藕絲。牽動五須彌。上堂。把定重關。諸人性命。在山僧手裏。放開一線。山僧性命。在諸人手裏。而今也不把定。也不放開。山僧卽是諸人。諸人卽是山僧。三十年後。莫道蔣山和泥合水。

結制上堂。以大圓覺。無繩自縛。爲我伽藍。凡聖交參。身心安居。換水養魚。平等性智。落在第二。莫教事負。

兩莖眉九十日。從今日始。

上堂。明如日。黑如漆。一犬吠虎。千猿啼。寶山僧有口。多時掛壁。却煩拄杖子。與諸人通箇消息。卓拄杖一下。云。東土衲子。心。臘。西天蠟。人淚滴。

端午上堂。今朝端午。節鍾山。強饒舌。家無白澤之圖。妖恠自然。消滅滅。滅夜行一任貪明月。

上堂。有祖以來。無人奈何。德山臨濟。特地干戈。拍膝一下。云。水到滄溟。不是波。

上堂。未過蔣山。關須過蔣山。關過得蔣山。關呼喚不回。牢籠不住。平地鼓洪波。青天撒白雨。石田笑嘻嘻。未敢輕相許。何故射虎不真。徒勞沒羽。

上堂。平如鏡。爛如泥。迷則迷於悟。悟則悟於迷。禹力不到處。河聲流向西。

上堂。舉僧問巴陵祖意教意。是同是別。陵云。鷄寒上樹。鴨寒入水。師拈云。巴陵雖則不負來機。要且二頭三首。或有人問蔣山祖意教意。是同是別。只向他道。江南成橋。江北成枳。且道還有優劣也。無具眼者。辨取。

上堂拈拄杖示衆云。敲空作響。擊木無聲。更若不會。蔣山拄杖子。卽今入淨妙國土。重說解脫法門。遂卓一下下座。

上堂撥塵見佛。佛亦是塵。諸人若向這裏歇得去。上無攀仰。下絕已躬。十二時中。復有何事。雖然如是。照顧撞著杜順和尚。

上堂道非物。外物外非道。蔣山每日方丈裏接客僧。堂裏坐禪。且道是道是物。諸人若辨得出。與你一腰棍。

臨安府淨慈報恩光孝禪寺語錄

嗣法門人 了覺 師坦 等編

入三門。示衆云。慧日峯高。門庭壁立。放一線開。從這裏入。

據方丈云。一徑直。二周遮。擒虎兇。辨龍蛇。白玉無瑕。却有瑕。

拈勅黃云。九重降旨。闔國咸知。一句當頭。諸人未委。只如新長老。還委麼。良久云。寧可截舌。不犯國諱。登座示衆云。向上一路。千聖不然。目前無異草。脚下

有青天。遂驟步登座。拈香云。恭爲祝延。

今上皇帝。聖壽萬歲。萬歲。萬歲。萬歲。恭願百千諸佛。保聖壽於無疆。億萬斯年。等金剛而不壞。

此一瓣香。恭爲

皇太后祝延。

聖壽伏願大安大榮。永對無窮之問。時萬時億。獨觀有道之長。此一瓣香。奉爲

少傅樞使大丞相國公大參相公。

同知樞密相公。簽書樞密相公。

判府安撫侍郎都運寶文都承合朝文武寮僚資陪祿筭伏願乃武乃文。盡忠盡孝。永作天朝柱石。長爲聖主股肱。此一瓣香。奉爲 前住安吉州鳳山資福破菴大和尚。不圖報德酬恩。索性一番鈍置。

遂欽衣就座。時有僧出問云。南屏山下。慧日峯前。選佛場開。請師祝。聖答云。天高羣象正。海闊百川朝。僧云。祝聖已蒙師指示。只如選佛場中。還有心空及第底麼。答云。人人常光現。前箇箇壁立。萬仞僧云。可中忽有个不入這保社和尚。還肯他也無。答云。三十

拄杖且行別時僧云何不當面分付答云不識痛痒漢僧便禮拜

師乃云見聞覺知是法法離見聞覺知未入南屏門湖天蕩漾魚鳥忘機既入南屏門樓閣崢嶸金碧奪目坐底見立底立底見坐底妙圓通悟正在茲時堪報不報之恩共助無爲之化其或未然新長老重重失利謝詞不錄

復學太宗皇帝因

僧朝見乃問卿近離甚處僧云廬山臥雲菴太宗云臥雲深處不朝天因甚到此僧無語雪竇代云難逃至化師拈云太宗大人具大見這僧大智得大用雪竇雖則不負來機未免鰕跳不出若是新長老當時只對云今日小出大遇且道還契得聖意也無良久云慣從五鳳樓前過手握金鞭賀太平

謝執事上堂衆流成海衆毛成毬一棚俊鶻儒雅風流石田無一事坐地看楊州

上堂石田乍到人事紛紛拈得鼻孔失却眼睛佛法二字不怕爛却且聽諸方行棒喝

浙翁遺書至上堂千五百人善知識不念吾宗正岑寂五峯趨倒浪翻空大地山河俱失色金風體露葉

落歸根只堪惆悵不堪陳

上堂不結毗盧印那弘古佛心明月照幽谷寒澣助夜砧師云法華山裏學師叔空擔片板直至而今不是石田提掇幾乎只麼平沉幾箇聞絃解賞音滿散寧宗小祥上堂至人變化體妙難名去來不以象動靜不以形通途自寥邈何處不稱尊更無一法可當情直踏毗盧頂上行

蔣山長老至上堂獨能崗上慧日峯前雲月是同溪山各異正法眼破沙盆勸君更盡一杯酒西出陽關無故人

上堂風蕭蕭雨蕭蕭絲毫動平步丹霄便恁麼去南山門下土亦難消

上堂赤肉團上壁立萬仞臨濟德山因邪打正羅紋結角百匝千重等閑拋一釣驚起碧潭龍

上堂寸絲不掛赤肉猶存黃頭碧眼叫屈無門我行荒草裏汝又入深村

上堂萬古長空一朝風月有祖以來話作兩橛石田好是明明說八十翁翁嚼生鐵

元正上堂。古今日月依舊。山河新年佛法特地干戈。
卓拄杖一下云。水到滄溟不是波。

上堂。盡大地不是自己。參天荆棘盡大地總是自己。
滿目塵埃橫三豎四捏聚放開要與南山相見。還我
第一籌來。

謝諸山上堂。明如日黑如漆。通天大路萬重鐵壁。南
山口似血盆。爭敢妄通消息。何故明眼人前。

上堂。至道無難。惟嫌揀擇。山河大地日月星辰草木
叢林鳥獸人畜。什麼處是揀擇良久云。不是龍門客。
切忌遭點額。

佛涅槃上堂。一生空披露布。末後又把不住。滅度不
滅度。總非吾弟子。破布囊盡底翻出。蒼天中更添冤
苦。可惜黃金成糞土。

上堂。不著佛求。不著法求。不著僧求。春花爛漫春事
稠繆。若將春意會。特地惹春愁。

浴佛上堂。悉達今朝出母胎。無端滿目是塵埃。山僧
傾倒西湖水。索性從頭洗一回。既不洗塵亦不洗體。
畢竟洗箇什麼。下座。同詣殿上與諸人說破。

結制上堂。四月十五同結。此土西天不別殺盡安居。
只得一檟楊花。不是天邊雪。

上堂。是句亦刻。非句亦刻。公案見成。打疊不辨。瞎驢
越隊過新羅。臨濟德山空眨眼。

上堂。眼似流星機如掣電。過得南山門。未見南山面。
莫有要見南山底麼。天氣稍熱。別時相見。

滿散壽慶節上堂。摩耶佛母現女身。身退藏於密。得
一以寧。貴無敵富無倫。節逢壽慶四海歡聲。願將西

祖真消息。仰祝皇齡萬萬春。

上堂。一不成。二不是。建立乖宗。掃除失旨。忽有箇衲
僧出來。道總不恁麼。南山棒折也未放你三十年後。

忽然警地。

上堂。佛法不離日用。日用百發百中。衲僧家動弦別
曲。葉落知秋。因什麼。十箇有五雙。問著口似匾擔人。
貧智短馬瘦毛長。

解夏上堂。僧問。風穴九夏賞勞。請師言。薦穴云。一把
香蒿拈未暇。六環金錫響搖空。師拈云。血脉相連。
箭鋒相拄。則不無風穴老人點檢將來。未免小慈妨。

大慈南山則不然。忽有人問九夏賞勞。請師言薦拈。棒便打何故。南山從來不敢辜負衲僧。

中秋上堂。舉盤山道心月孤圓。光吞萬象。光非照境。境亦非存。光境俱亡。復是何物。師拈云。大小盤山。坐在黑山下。南山則不然。光境俱亡。一任將南作北。上堂佛法二字。不怕爛却。俊快衲僧。隔牆見角。臨濟德山。蹉過一著。

上堂。巧盡拙出水。到渠成。舉足下足。十字縱橫。三千里外。已被南山換却眼睛。若也不信。試摸索看。上堂。雪峯輓毬禾山打鼓。裝覓旨歸。月不破。五上堂。取不得。捨不得。狀不得。西天碧眼胡。盡力道不識。識不識。臨際德山。太平姦賊。

上堂。息慮迷源。明機自昧。祖師知有處。諸人不知。諸人知有處。祖師不會。知不知。會不會。國有憲章。三千條罪。

上堂。有祖以來。遞相欺誑。兩兩三三。隔靴抓痒。山僧有口。未曾開。早已龜毛長數丈。

上堂。舉僧問雲門。如何是雲門。一曲門云。薦月二十。

五。師云。見得徹。用得親。陽春不同。調入水。見長人。可惜黃金如糞土。撒向閻浮人不顧。

謝維那上堂。飽蓁林沒量。漢法戰富先。清機歷掌。假饒千佛出頭也。下一槌定當何故。南山門下令行一半。

上堂。深聞淺悟。淺聞深悟。只知貪程。不覺蹉路。莫有不蹉路者麼。識取最初一步。

上堂。盡大地。燦石流金。諸人總道熱。惟有南山主丈子。三百六十骨節。八萬四千毛竅。冷颼颼地。諸人還信得及麼。若信不及。三十年後。暗裏點頭。莫道山僧多口。

上堂。天無門。地無戶。文殊維摩。撒手歸去。衲僧向這裏。插得觜。南山分半院。與你住。

上堂。深固幽遠。無人能到。山前一片閑田。松竹清風。浩浩缺齒老胡。不得妙。

上堂。九年坐兀兀。胡僧無妙訣。長安路坦然。夜行人不絕。

結夏上堂。布袋頭結聖。凡路絕。蟻人冰鷄護雪。西天。

怎麼此土還別且道那裏是別處今日南山咬著舌上堂舉德山示衆云問卽有過不問又乖時有僧出禮拜山便打僧云某甲話也未問因甚打某甲山云待你開口堪作什麼師拈云大小德山龍頭蛇尾當時這僧道某甲話也未問因甚打某甲便與脫下衲衣痛打一頓他若是箇漢也須別有生涯

上堂竿頭絲線不犯波瀾量外機關豈循途轍只如德山棒臨濟喝且道是竿頭絲線是量外機關若不得流水還應過別山

上堂直下是直下是沒量大人擡脚不起可怜伎死杜禪和猶是曉曉掛唇齒南山只向他耳邊低聲道玄沙道底

上堂前佛紀綱後佛性命衲僧腰間古曆日定是三年逢一閏雖然怎麼不知東平打破鏡何似雲雲打破鏡良久云參

上堂金將石試玉將火試且道衲僧將什麼試良久云敗也敗也

上堂欲得見前莫存順逆祖師怎麼道猶費牙頰在

南山則不然順自順逆自逆日炙風吹一片頑石上堂溪東溪西水牯四海五湖皇化俱胝指頭禪一生受用不盡趙州無揀擇五年分疎不下南山忍俊不禁卓拄杖一下云今日輕酌重價

上堂舉僧問古德萬境來侵時如何德云莫管他師拈云大小古德早已著忙若有人問南山萬境來侵時如何只向他道喚什麼作萬境雖然如是若無舉鼎拔山力千里烏雞不易騎

上堂僧問雲門如何是超佛越祖之談門云餬餅師云諸人還識雲門麼肥體備無腹孔不識字有錢用解夏上堂假使心通無量時歷劫何曾異今日且道今日事作麼生西天蠟人冰樣冷東土師僧未點頭上堂祖師道不用求真唯須息見若也息去諸佛淨妙國土在汝諸人眉毛眼睫裏若也不息一任撞牆撞壁

上堂舉資福示衆云隔江望見資福利竿便回去脚跟下好與三十何況更過江來有僧才出資福便喝云不堪共語師拈云資福老漢雖則盡力提持爭

奈無途轍中翻成途轍。南山見處又作麼生鉢盂口
向天

上堂。真空不礙有。真空不異色。拈起拂子云。且道是
有不是。有是色不是色。若是伶俐衲僧。便好乘時變
豹。儻若躊躇。却被拂子穿却鼻孔。

上堂。一夏過半。久參事。慢伶俐衲僧。一咬便斷。且道
斷後如何。有口只堪喫飯。

上堂。僧問。六祖黃梅佛法是什麼人得。祖云。會佛法
人得。僧云。和尚還得麼。祖云。我不得。僧云。爲甚不得。
祖云。我不會佛法。師拈云。殺人可恕。無禮難容。

上堂。佛法二字。平地波翻。洗脚上缸。已傷物義。卓柱
杖一下云。切忌停囚長智。

上堂。舉長慶。陞堂大衆集定。長慶拽出一僧云。大衆
禮拜。這僧又云。且道這僧有甚長處。却教大衆禮拜。
衆無對。師拈云。明明向道。尙自不會。何況蓋覆。將
來長慶。勞而無功。未免傍觀者哂。

謝梅山西堂。上堂。舉長慶和尚道。撞著道伴。交肩過。
一生參學事畢。師拈云。長慶恁麼道。鈍置道伴不。

少。只如道伴來交肩。還有參學事也。無不是知心者。
徒勞話歲寒。

上堂。不坐空王殿。不掛本來衣。何須便恁麼。切忌未
生時。諸人還見古人麼。渾家送上渡頭紅。

上堂。學法眼云。三通鼓罷。簇簇上來。佛法人事一時
周畢。師拈云。大小法眼。泥裏洗土。南山道三通鼓
罷。簇簇上來。諸人減却多少威光。南山入地三尺。

上堂。當頭一句。無過直與南山有口。不敢錯舉。何故
笑破露柱。

上堂。祖師門下。尺水丈波。若也觀得。破輪王髻中珠。
分文不直。若觀不破。迦葉糞掃衣。價重娑婆千箇萬
箇。伎死禪和。臨濟德山。將奈何。

結制上堂。禁足護生。西天此土。盡是死門。終非活路。
忽有一箇聽事不真。底衲僧出來。道某甲足也不禁。
生也不護。黃連和根煮也未是苦。

上堂。從上佛祖。逆風揚塵。後代兒孫。日中迷路。却憶
禾山老古錐。逢人偏道解打鼓。

上堂。高亭見德山。隔江招手。高亭橫移而過。師召大

此一作東

衆云高亭雖則一期遲俊爭奈與德山猶隔江在錢塘江上衲子往來如織山僧不曾招手莫有橫移而過底麼良久云誰信你

上堂東頭賣買西頭賤賣田地穩密衲僧不妨遊戲自在若到南山門下別有一簇勘過了打

上堂開口道不著偶爾成文開口道得著猶隔海在挑囊負鉢兩兩三三漿水錢且置草鞋錢教誰還

上堂直截一句無人能舉四七二三天下老和尚總是望雲上樹到這裏南山合作麼牛仲冬嚴寒各自且歸暖處

上堂和尚子莫妄想懷州牛喫禾益州馬腹脹南山饒你七穿八穴也未免手中痛棒何故透得龍門風波更險

上堂雲門到乾峯云請和尚答話峯云到老僧也未門云恁麼那恁麼那峯云將謂猴白更有猴黑師拈云相見不須瞋君窮我亦貧謂言侵早起更有夜行人

上堂南斗七北斗八風來樹動魚行水濁諸人三十

年後眼開莫道南山有口無舌

解夏上堂九十日安居徧地無行路意不停玄眼不掛戶布袋頭開乾坤獨露萬里寸草無踏著不相似別浦和尚至上堂全提向上猶涉程途橫按拄杖云大用現前不存軌則南山今日大用去也諸人各自照顧眼睛鼻孔著靠拄杖云休休明眼人前

上堂推不進前約不退後臨濟白拈未是好手南山不惜兩莖眉玉筋空將撐虎口

上堂吾常於此切密意在汝邊麟龍不爲瑞鶴龜自成僊

上堂佛祖行不到處行一步佛祖說不到處說一句且道德山何以卓牌於鬧市般人以栢周人以栗

上堂東西南北壓著磕著四維上下天平地平佛法大有在只是無人證明咄我行荒草裏你又入深村上堂驚拈拄杖召大衆云百千法門無量妙義拄杖子只作一句爲諸人說破遂卓一下云若更腳後脚前山僧沒量罪過

上堂長者長法身短者短法身袖頭打領腋下剗襟

卽不問你諸人紫湖門下立箇牌。見道明什麼邊事。
上堂棒喝交馳。如雷掣顛言倒語。三寸舌。南州打到
北州頭。甕裏何曾失却鱉。

破菴忌日燒香。養子不及父家門。一世衰過山。尋蟻
跡能有幾人知。遂燒香云。老和尚。你知我知。莫教漏
泄天機。

上堂。目前法目前。包裹壁觀婆羅門。九年覲不破觀。
得破海壇馬子似驢大。

上堂。知有底道不得。道不得底。却知有一處不通。兩
處失功。薰拈拄杖云。南山今日且作死馬醫。卓一下
云。救得一半。

上堂。萬古長空。一朝風月。阿逸多。一向魚行酒肆中。
寶峭無神通。菩薩因什麼蹤跡難尋。良久云。二人同
心。其誼斷金。

上堂。無爲無事人。猶是金鎖難。汝等諸人。每日十二
時中行住坐臥。如何免得此過。良久云。嵩山有箇破
竈墮。

上堂。舉雪峯道盡大地是解脫門。把手拽伊不肯入。

師拈云。雪峯老漢著甚死急。南山住箇院子。百事
煎熬。有什麼工夫。拽你入解脫門。然雖如是。知恩者
少。負恩者多。

上堂。舉僧問巖頭。起滅不停時。如何。頭云。是誰起滅。
師拈云。冷水點沸鍋。舌頭不出口。可惜老巖頭。惹
悲成過客。

上堂。舉僧問石霜。如何是教外別傳。底句。霜云。非句。
雲門云。非句。皁是句。師拈云。一箇棺材。兩箇死漢。
上堂。舉僧問巖頭。路逢猛虎時。如何。頭云。拶。師拈
云。大小巖頭。嚇得忘前失後。

冬節上堂。古人道。欲識常住不凋性。向萬物遷變處
識取。只如羣陰剝盡。一陽來復。正是萬物遷變時。畢
竟常住不凋性。在什麼處。一冬二冬。叉手當胷。

上堂。舉僧問保福。雪峯平生有何言句。便得如羚羊
掛角時。福云。我不可做雪峯弟子。不得雪寶拈云。一
千五百箇布衲。保福較些子。師拈云。大小雪寶。如
人喫李子。只向赤邊咬。南山卽不然。養子不及父家
門。一世衰。

上堂舉南泉示衆云。昨夜文殊普賢起。佛見法見。見。向二鐵圍山。師拈云。盡令而行也。惟南泉不得。南山這裏。若有人起。佛見法見。請他喫一碗茶。且道。南山因甚。違他古人。相逢不下馬。各自奔前程。

上堂。臨際三玄三要。洞山五位。君臣汾陽十智。同真黃龍三關。東西十萬。南北八千。到處去來。不如在此。南山今日。借水獻花。諸人切忌。喚鍾作甕。

上堂。巴陵和尚。生平有三轉語。報答雲門。一生不做忌齋。南山。昨朝老和尚。忌日。略做些子薄供。亦有一轉語。諸人還記得麼。若也記得。老胡有望。若記不得。驀拈拄杖云。拄杖子。爲諸人扶頭接尾。看卓一下云。天高誰側耳。地闊少知音。

上堂。秋風凋敗葉。遊子未歸家。直饒歸得後。無處立生涯。白蘋紅蓼對蘆花。令人長憶老玄沙。

上堂。舉僧問玄沙。盡大地是一顆明珠。學人因甚不會。玄沙云。用會作麼。師拈云。大小玄沙。却向這僧手裏供死款。若是南山。待他問盡大地是一顆明珠。學人因甚不會。只向他道去。誰信你教他一場懣懣。

上堂。有句無句。如藤倚樹。樹倒藤枯。切忌向這裏。栽根陣。雲橫海上。拔劍攪龍門。

新大乘受請上堂。舉興化道我逢人。卽出出則不爲人。三聖道我逢人。則不出出則便爲人。師拈云。二大老相逢。不下馬。各自奔前程。新大乘終不踏古人。脚跡。必然自有出身。一路下座。同知事頭首勸請。浴佛上堂。指天指地。討甚巴鼻。釘釘膠粘。刀刮水洗。兒孫一杓香湯。大似恭而無禮。

結夏上堂。敲打虛空。鳴曝曝石。人木人齊。應諾六月。降雪落紛紛。此是如來大圓覺。師云。古人一期恁麼道。白玉無瑕。却有瑕。路途之樂。終不到家。且道如何。是到家一句。待九十日了。却與諸人舉。

上堂。釋迦已往。彌勒未生。正當無佛世界。大地共樂昇平。卓拄杖一下云。不圖打草。只要蛇驚。解制上堂。舉僧問風穴。夏終此日。師意如何。穴云。一把香。藕拈未暇。六環金錫響搖空。師拈云。大小風穴。浮逼逼地。忽有人問南山。夏終此日。師意如何。只向他道。九十日飯錢。且置。漿水錢教誰還。若是眼生。

三角衲僧便解乘時豹變

上堂妙旨迅速。言說來遲。龍門上客。未學先知。且道知底事作麼生。月裏姮娥不畫眉。

解夏上堂。九夏安居畢。布袋結頭開。衲僧無定度。南嶽與天台。中路壓著脚。指頭方知南山一夏不辜負你。

靈隱妙峯和尚遺書至上堂。通天大路。鐵壁萬重。全機拶透。笑破虛空。羚羊掛角。不留蹤。

上堂尋常顛說倒說。何曾開口動舌。不妨雪上加霜。更與諸人一決。豎起拂子云。且道作麼生。

石田和尚語錄卷第一

石田和尚語錄卷第二

臨安府景德靈隱禪寺語錄

嗣法門人 了覺 師坦 等編

入寺指三門云。無門之門。七通八達。入之一字。也不消得。喝一喝。便行。

拈勅黃黃紙黑字。衆眼難瞞。其中一字。請訛諸人眼力。不到。且道是那一字。山僧未欲指出。却請維那說破。

指法座云。有路可行。更高也。上須彌燈王。退身合掌。遂驟步登座。拈香祝。聖罷。歛衣就座。示衆云。法法本來法。無法無非法。飛來峯高眼亦高。冷泉水碧眼亦碧。杉松竹栢水鳥樹林。各住自位。非人得其便。惟我能自知。恁麼會去。皇恩佛恩。一時報畢。其或未然。等閑莫過呼猿洞。聽得猿聲恐斷腸。謝詞不錄。

復舉保壽開堂。三聖推出一僧。壽便打聖云。恁麼爲人。非但瞎却這僧眼。瞎却鎮州一城人眼去。在壽便歸方丈。師拈云。保壽三聖二俱作家。二俱失利。這

僧雖是被人推出買鏡得金一場富貴。新靈隱今日開堂也。無人推出。僧只是隨宜布置。相逢自有知音。知何必清風動天地。

當晚小參說心說性。淺草易爲長蘆。學古學今。苦瓜那堪待客。賓中辨主。土曠人稀。主中辨主。萬中無一。喝一喝云。賓主歷然。諸人還信得及麼。若信得及。行則與諸人同行。坐則與諸人共坐。若信不及。同舟共濟。自相胡越。如何道得不傷物義。良久云。衝開碧落松千尺。截斷紅塵水一溪。復舉玄沙示衆云。三乘十二分教。達磨西來放過則不可。若不放過。不消一喝。師拈云。玄沙只知踏步向前。未免傍觀者哂。新靈隱則不然。三乘十二分教。達磨西來放過一著。何故怕爛却那。

上堂。十八十九癡人夜走。十九二十人信不及。信得及。觀音院裏有彌勒。

謝監收上堂。舉僧問香林如何是衲衣下事。林云。藹月火燒山。師拈云。藹月燒山。火勢炎炎。目前包裹。借手行拳。若是衲衣下事。猶較十萬八千。何故御樓。

看射獵不是刈茆田

元日上堂。大雪滿長安。春來特地寒。新年頭佛法一點不相瞞。且道黃梅石女年多少。速道速道。

謝執事上堂。折脚鐺子。大家知有。左提右挈。勞煩衆手。山僧贏得百無憂。一向面南看北斗。

上堂。舉乾峯示衆云。舉一不得。舉二放過一著。落在第二雲門出衆云。今日有人從天台來。却往徑山去。峯云。典座來日不得普請。師拈云。乾峯錦包特石。雲門鐵裹泥團。築著磕著。言端語端。不是任公子徒勞話釣竿。

上堂。不問有言。不問無言。靈山拄杖斜靠壁邊。風光都占盡。不費一文錢。

結夏上堂。四月十五結此土。西天同途共轍。就中獨有靈山。別別別。日裏藏冰。火中釣鱉。

上堂。古人一指頭禪。一生受用。不盡得。怎麼明白得。恁麼簡徑。靈山這裏不較多三尺杖子。攪黃河上堂。日遷月化。又見中夏。衲僧那事如何。問著人人口啞。有諸訛不借借。六月賣松風。人間恐無價。

上堂祖師門下討甚巴鼻。滿耳春風浩浩地。草木森林。燈籠露柱。心空及第。汝等諸人。因甚却來這裏瞌睡。

破菴忌日。拈香。巴陵三轉語。鈍置老僧門。靈山無半句報盡破菴恩。既無半句。且道將什麼報。無日不畫眉。此意少人知。

上堂秘魔老兒。擎箇叉子。不肯放下。靈山這裏淨裸裸。赤灑灑。沒可把。忽有箇衲僧出來。道勘破了也。靈山別飯炊香供養伊。何故。猛虎口裏活雀兒。

上堂舉琅琊。一日上堂有僧出打。一圓相。琅琊拈拄杖打云。道道僧云。不道。不道。琅琊云。因甚不道。僧云。三世諸佛。不出於此。琅琊又打。趲出去。乃示衆云。律中以手指比丘。犯波逸提。山僧今日入地獄如箭射。師拈云。不是琅琊泊被這僧惑亂。若非這僧琅琊。令不虛行。末後棒頭賣峭。更向露柱藏身。笑殺毗耶杜口人。

解夏上堂。翠巖夏末示衆云。一夏爲兄弟。東語西話。看翠巖眉。毛在麼。保福云。作賊人心虛。長慶云。生也。

雲門云。關。師拈云。水流濕。火就燥。臨安番貴一狀領過。

謝新舊知事頭首上堂。舉雪峯。一日陞座。召大衆云。看看東邊底。看看西邊底。你若會拈拄杖。擲下云。向這裏會取。師拈云。雪峯雖則截鐵斬釘。畢竟傷鋒犯手。靈山今日未免効顰。看看東邊底。看看西邊底。山僧也無工夫拈拄杖。擲下。但直下會取好。

上堂五湖衲子。南來北來。還曾逢著海上明公秀麼。逢之不逢。逢必有事。且道有什麼事。下得一轉語。明窓下安排。

上堂舉僧問馬大師。如何是祖師西來意。師云。近前來。僧近前。師打一掌。云。六耳不同謀。黃龍南拈云。古人尙道六耳不同謀。何況而今三百五百聚頭商量。禍事禍事。師拈云。易分雪裏粉。難辨墨中煤。要見馬大師。則易見黃龍。南則難。今日忽有人問靈隱。如何是祖師西來意。向道近前來。待他近前。却向道去。何故。白雲乍可離青嶂。明月難教下碧空。開爐上堂。舉雪峯和尚。道世界闊一丈。古鏡闊一丈。

玄沙云火爐闊多少。雪峯云如古鏡闊。師拈云雪峯玄沙父子激揚大似泥裏洗土。若望臨際門下遠之遠矣。且道臨濟門下如何。良久云看火色。

上堂拈拄杖卓一下云。子承父業。依而行之。影響之流。三千里外。還有獨脫底麼。退後退後。久雨不晴。妨我晒眼皮革。

上堂舉光侍者向玄沙道。師叔若參得禪。某甲打鐵缸泛海去。後玄沙住院。令人傳語光侍者。還曾打就鐵缸也未。師拈云。猛虎不食伏肉。可惜玄沙撞在光侍者網裏。

冬節上堂。節令不相饒。陽生第一爻。諸佛道長衆生道消。拈拄杖云。拄杖子。獨孤標。且道隨節令不隨節令。良久云。交。

上堂。祖師西來持翼作啞。天下老和尚逆風揚塵。靈山雖則空手捏雙拳。未免被飛來峯覷。破何故太湖跨三州。

天基節上堂。世尊拈花迦葉微笑。正法眼藏永永流通。古佛今佛。心同道同。風從虎。雲從龍。節啓天基。伸。

祝頌壽齊南北兩高峯

上堂。一法不通。萬緣方透。拈拄杖云。這箇是萬緣那箇。是一法卓一下云。不曾與諸人錯下注脚。

謝職事上堂。舉古德云。但將飯向無心碗。自有有人扶折脚。錯大似癡人種空花。望結團欒果。靈山則不然。我若坐時。汝須立。同坐同立。成瞎漢。非瞎漢。把手大家行。那畔。

上堂。海上明公秀。趙州東院西。不移毫髮許。平步上雲梯。山僧怎麼道。已是一品二品。諸人怎麼會。未免七錯八錯。一等賊。賊不是無物。

上堂。舉雪峯示衆云。盡大地撮來。如粟粒大。拋向面前。漆桶不會打鼓。普請看。師拈云。雪峯老漢。粘牙帶齒。累及後人。靈山則不然。盡大地撮來。如粟粒大。拋向面前。漆桶不會普請歸堂。何故怕爛那。

上堂。絕學無爲。虛消信。施奔南走北。辜負已靈。一見飛來。便回脚下。泥深三尺。且道山僧意在什麼處。深沙努眼睛。

上堂。舉趙州問僧云。曾到麼。僧云。曾到州云。喫茶去。

又見一僧問云。曾到麼。僧云。不曾到。州云。喫茶去。院主云。曾到也。道。喫茶去。不曾到。因什麼也。道。喫茶去。州喚院主。主應諾。州云。喫茶去。師拈云。趙州老漢。心如藥口。如蜜一坭。麤茶多。虎少。實院主兩眼。睜睜。畢竟何曾得喫。莫有得喫。底麼。急須吐出。

上堂。諸人開口道。得底老僧。如瘡如啞。老僧開口道。得底。諸人如醉如昏。何故。胡言易會。漢語難明。

上堂。拈拄杖召大眾云。不在內。不在外。不在中間。卓拄杖一下。云。朝看雲冉冉。暮聽水潺潺。

上堂。舉僧問趙州。如何是祖師西來意。州云。庭前柏樹子。僧云。和尚得將境界示人。州云。老僧不曾將境界示人。僧云。如何是祖師西來意。州云。庭前柏樹子。

師拈云。直如絃曲如鉤。易見難識。老倒趙州。世事但將公道斷。人心難似水長流。

上堂。釋迦憍彌勒。富甘草甜。黃連苦。法法小相。千人各自度。咄。莫來攔我毬門路。

上堂。舉五祖和尚云。如何是祖師西來意。庭前柏樹子。怎麼會便不是了。如何是祖師西來意。庭前柏樹子。

子怎麼會去。方始是。師拈云。要見五祖和尚麼。暗裡抽橫骨。明中坐舌頭。

上堂。自從胡亂後。三十年不少鹽醬。馬大師滿地狼藉。靈山即不然。自從胡亂後。三十季不少良久云。請子難瞞。

上堂。拈拄杖云。盲禪暗證。日中迷路。深聞淺悟。未入正流。莫有全機獨脫底麼。卓拄杖一下。云。不到烏江不肯休。

上堂云。大眾登天不假梯。偏地無行路。可憐杜禪僧。邯鄲學唐步。且道如何免得此過。雪峰。毬毬雲門。抽顧。

上堂云。動容揚古路。不墮悄然機。承言者。喪滯句者。迷。不承言。不滯句。蝦蟇跳上梵天。燈籠吞却露柱。

上堂。上士聽法以神聽。中士聽法以心聽。下士聽法以耳聽。且道。拈拄杖子。將什麼聽。卓拄杖一下。云。不覩雲中鷹。焉知沙塞寒。

上堂。百尺竿頭行闊步。紫羅帳裏撒真珠。山僧贏得呵呵笑。未審諸人會也。無怎麼說話。且道是褒句是。

貶句若也定當得出山僧與諸人共鉢盂吃餅若也定當不出三十年後有人說破

上堂飛來峯頂寂寂無人合澗橋邊成群作隊金剛圈栗棘蓬則不問汝腳踏實地處道將一句來良久云問他全句只道半句

上堂一句子寸釘入木一句子目前包裹一句不作一句用卓拄杖一下云不是張華眼徒窺射斗光

謝虎丘雙杉上堂東山正脉不絕如線睡虎去無蹤一斑今復見見則見矣且道劒池那畔一句如何通信毘崙著鐵袴一棒行一步

上堂動是法王苗靜是法王根喚什麼作法王毒蛇吞鱉鼻孝子諱爺名

上堂若論此事何必多言不在內不在外不在中間良久云离婁行處浪滔天

上堂瞿曇元沒神通老胡何曾知有靈隱門下千了百當底衲僧且道如何祇待三十拄杖且與斫蘄上堂識得一萬事畢秘魔擎叉魯祖面壁乃至臨際三玄三要洞山五位君臣雲門念七諸人且道是一

不是一昨夜新州老盧失却腰間特石

上堂不參禪不論義拖箇破席日裏睡賺他伎死禪和至今坐在冷地靈山不然因行掉臂買石得雲饒移花兼蝶至

上堂喝如雷棒如雨大地絕纖塵回頭無覓處無覓處昨日有人從天台來却往徑山去

佛涅槃上堂七十九年間大地遭欺誑且喜葛藤根今朝曝地斷且道斷後如何後代兒孫三馬九亂

上堂佛來也打祖來也打德山老人甚生風彩靈山這裏佛來也著祖來也著手中拄杖權且架閣何故擎茶掃地也要一箇半个

上堂神光不昧萬古徽猷入此門來不存知解乾峯主丈劃一劃雲門扇子踔跳上三十三天因甚十个有五隻眼瞪瞪地幸無偏照處剛有不明時

上堂兔馬有角牛羊無角不知不會事同一家多見多聞千差萬別畢竟天無第二月

立春日。上堂拈主丈召大眾云春日打春牛春色滿林丘打即不無且道向什麼處下手卓拄杖云三十

年後莫道狼藉不少

上堂舉龍牙和尚云日出連山月圓當戶不是無身不欲全露拈云大小龍牙舌在口外靈山則不然天無門地無戶處處逢渠全身獨露忽有个衲僧出來道我會也我會也只向他道杜諸人且道是那个杜字

上堂掩關杜口已涉繁辭天下老和尚各呈情袋未免小慈妨大慈畢竟如何水晶甕裏浸波斯

上堂昨宵困倒床上直至五鼓方甦今日陞堂言句都無且望大眾智不責愚

上堂頭陀石被莓苔裹擲筆峯遭薛荔纏添一絲毫不得減一絲毫不得羅漢院裏一年度三个行者歸宗寺裏參退喫茶潦倒歸宗面赤不如語直諸人還會麼午後打齋鍾金剛曾失色

上堂德山先鋒臨濟殿後且道中間底是什麼人卓拄杖云眼睛定動東魯西秦

上堂舉白雲五祖和尚示衆云白雲不會說禪三門開向兩邊有時動著關棧兩片東扇西扇師云靈山

不會禪空手捏雙拳渾家送上路請諸人續末後一句

上堂網細魚稠藥多病甚棒喝交馳一品二品山僧恁麼逞驢唇癡客徒勞動主人

上堂一切聲是佛聲一切色是佛色物是定價錢是足陌這個從汝諸人商量倒轉舌頭一句作麼生辨白良久云屬羊人本命屬虎人相衝

上堂春光冉冉春日遲遲春風包裹上下四維黃鸝聲在柳陰西此意明明說向誰

上堂欲得見前莫存順逆築著磕著無處尋覓數百年前雲居道箇何必興化道个不必靈山莫也有道處麼夜行莫踏白不是水定是石

上堂鐵壁鐵壁復鐵壁那邊那邊更那邊事到極頭須倒斷瞎驢躑躅跳過西天

上堂舉花藥英和尚示衆云七十八證龜成鱉十九二十人信不及更待枯木生花胡餅出汁師云靈隱雖則無能要與花藥相見七十八證龜成鱉十九二十半夜澣墨直須枯木生花胡餅出汁

上堂海上明公秀衲僧。不知有冷地。忽相逢。尋常無處討。無處討。莫草草。龍王宮殿有誰親到。

上堂赤肉團上壁立。萬仞無位真人入。三眼國士說解脫。法山僧一向懶懶散。散且恁麼過時。諸人莫錯怪同道者。方知。

謝首座都寺上堂。臨際頂中髓。楊岐眼裏筋。欲明這箇事。須還這箇人。風前有路。秤尾無星。大家贏得失忻忻。且道笑个什麼。笑道秤尾無星。

上堂刀不自割。水不自洗。拈拄杖云。山僧拄杖化爲龍。吞却乾坤大地。汝等諸人向甚處出氣。卓一下云。各依舊位。

上堂春花爛漫春光欲暮。杜宇聲聲送春歸去。諸人何不向這裡。眼明心悟。山僧恁麼道。衆中忽有箇衲僧喚一聲。道石田良久云。山僧倒退三千。

上堂明如鏡。黑如漆。四七二三多虛少。實靈山拄杖。且拈靠壁。何故免被傍人冷眼看。

上堂非。非。是不是。建立則乖。張掃除則失。旨德山臨際出來。換却髑髏裏底。

上堂舉盤山道向上一路滑。睦州道壁立千仞險。臨濟道石火電光鈍。師云。三大老眼。睛鼻孔不同心。肝五臟相似。靈山雖則無能。拄杖子爲衆竭力。却有些子。卓拄杖一下下座。

中夏上堂。九十日已過半。那事畢竟如何。直饒窮到底。終是涉風波。忽有个衲僧出來。道某甲百不知百不管。針來開口。睡來合眼。只向他道。去。誰信你這覷漢。

謝書記藏主上堂。舉藏主問僧。何不看經。僧云。不識字。主云。何不問人。僧叉手進前云。這箇是什麼字。主無語。師云。不識字。却識字。合識字。却不識字。石田恁麼判斷。且道意在於何。萬人爭仰處。一箭落雙鷗。上堂一葉落。天下秋。一塵起。大地收。便恁麼去。恰作得箇脫白沙彌。有一人未肯在。何故洞庭無蓋。

上堂青山不舉步。日下不挑燈。黃頭碧眼。臭肉生蠅。諸人三十年後。悟去不得。錯怪老僧。

上堂舉僧問鏡清。佛法如水中月。是否。清云。清波無透路。僧云。和尚從何而得。清云。再問。復何來。僧云。正。

怎麼時如何清云重疊關山路。師云黃面浙子費許多口。頗作什麼。當時待這僧問佛法如水中月。是否只向他道重疊關山路。非惟截斷這僧脚跟。亦乃與後人點眼。

上堂枯桑知天風。海水知天寒。且道衲僧知箇什麼。知道。針是米做。直饒恁麼。閻羅老子索飯錢。有日在上堂。天寒日短。滴水冰生。黃梅石女冷地暗嗟吁。無邊身菩薩凍破一雙耳。汝等諸人還覺麼。若也覺去。事同一家。若也不覺。有處著你在。

上堂摩竭提國水泄不通。少室峯前三三兩兩。到這裏。不開口不動舌。還吐露得出麼。拍禪床一下云。泊合收拾不上。

上堂德山雨點棒。臨際雷奔喝。收拾將來七零八落。靈山咬定牙關。盡力也難提掇。何故睦州拶折雲門脚。

上堂時時九夏日。日日三秋開市裏。百草頭夾山老子賣峭重價。未有輕酬。山僧今日爲他輕輕。酌箇價數。看卓拄杖一下。喚一聲云。夾山老子畢竟千錢賒不。

如一錢見

上堂目前無法意。在目前。從上若佛若祖。天下老和尚。罪過彌天。天天昨夜。山僧針線囊中。打失一文古老錢。

上堂風不來。樹不動。東家點燈。西家暗坐。龍嘶海寶。魚遊不顧。且道是佛法。是世諦。諸人若揀辨得出。石田與你一編草鞋。

上堂西來無意。直指無旨。引得癡兒。盡臥冷地。卓拄杖一下云。起。山僧有一服惺惺湯。與你有般漢。便道如何是惺惺湯。德山道底。

上堂多言復多語。由來返相悞。拈拄杖云。靈山拄杖子。不相悞。諸人還信得及麼。卓主丈一下云。多少人日中迷路。

上堂月旦陞堂。無可垂示。便恁麼散去。諸人未必靈利。且向秤鎚上。捏出些子汁。貴圖有箇滋味。良久云。見之不取。思之千里。

上堂曲曲彎彎。平平坦坦。七穿八穴。十字縱橫。是汝諸人不妨。東行西行。第一莫教撞著跛脚老雲門。

上堂擒虎兇辨龍蛇。茄子瓠子爛冬瓜。山僧直得無下手處。良久云。門外金剛汗如雨。

上堂意到句到。宗通說通。一品二品百匝千重。推倒面前案山子。長衫大袖舞春風。窮鬼子莫莫莫。更須知有朱頂王菩薩。

解夏上堂。靈隱門下不犯之令。九日中頭正尾正。衲僧路活脚下生煙。老僧終不學雲門索針錢。

上堂舉僧問古德。十二時中如何用心。古德云。胡孫喫毛虫。師拈云。恰恰用心時。恰恰無心用。胡孫喫毛虫。若續得這一句。便是參學事畢。

上堂舉香巖和尚道。我有一機。瞬目視伊。若也不會。別喚沙彌。師拈云。大小香巖尾巴拖地。靈隱一機全無所示。若也不會投子道底。

上堂魯祖和尚見僧來。便面壁俱胝。凡有所問。只豎一指。諸人且道。者二老漢還有佛法道理也無。良久云。意在蒼龍不在魚。

上堂入室陞堂。門庭施設無途轍。中纓成途轍。百丈老常得一概。解道喫茶珍重歇。

上堂拈拄杖云。放下竟無蹤。盡力提不起。寸鐵未施刀。鏘滿地。明眼衲僧失巴鼻。

上堂德山棒頭短。臨濟喝聲低。不傷物義句。趙州東院西。

上堂全提半提。向上向下。冷泉直是口啞。何故。真人面前不得說假。

上堂舉雲門示衆云。佛法太煞有。只是舌頭短。良久云。長也。師拈云。說短說長。自起自倒。跛脚老雲門。

慈悲成過。各長安一路坦然。平往來。曾不禁人行。上堂舉趙州示衆云。夫爲宗師。須以本分事接人。

師拈云。行棒行喝。不是本分事。大機大用。不是本分事。一機一境。不是本分事。畢竟如何。是本分事。無智人前莫說打你頭。破額裂。

請石溪和尚掛牌上堂。爐韜之所鈍。鏡尤多。良醫之門病者愈。甚若要鈍者利。病者起。須還作者拈出本。

分惡鉗鎚。却笑德山三十年不曾打著箇獨脫底。

上堂秋聲滿林壑。秋雨滴梧桐。門外未歸客。飄泊在途中。歸也歸也。通身白汗。下載清風。

上堂舉僧問趙州如何是道州云。牆外底僧云。某甲不問這箇道州云。你問什麼。道僧云。大道州云。大道透長安。師拈云。趙州禪口皮邊。牆外底透長安。壓著碯著。言端語端。不是釣鰲手。徒勞把釣竿。

上堂古人云。但得本。莫愁末。喚什麼作本。喚什麼作末。松栢千年青。不入時人意。牡丹一日紅。滿城公子醉。山僧恁麼道。還有人不肯麼。有人不肯。是我同參。

請因緣普說

保寧勇和尚有頌云。祖師門下絕人行。深嶮過於萬仞坑。垂手不能空費力。任教堂上綠苔生。看他恁麼說話。還有開口分麼。才涉唇吻。便落意思。只如瞿曇在摩竭陀國。掩室而坐。說什麼來。維摩在毗耶離城三十二菩薩爲說不二法門。皆被維摩詰難。及乎文殊問維摩何者爲不二法門。維摩默然。說什麼來。臨濟見黃蘗。問佛法的大意。三度被打。黃蘗說什麼來。以至德山見僧入門。便棒。臨濟見僧入門。便喝。說什麼來。雖然如是。不可總啞却口也。道火何曾燒却口。山僧今朝只得放一線開。爲諸人東語西話。五祖。

和尚道。古人留下一言半句。未透得時。如銀山鐵壁。及乎透得了。元來鐵壁銀山。便是我。敢問諸人。透得也未。若要透得。第一須是退步。就已不得。向外馳求。第二須是令暖氣相接。第三不可令雜毒入心。且如燒香禮拜。看經寫字。看文字。一切雜事。總是向外馳求。今日做工夫。一上明日又放慢。半信半疑。半進半退。便是暖氣不相接。乃至策子上。念將來。模子裏脫。將去。啞啖古人。涎唾便是雜毒入心。要得無這許多般病痛。須是全身放下。與之厮崖。崖來崖去。忽然命根子斷。便是到家。有向當底時節。古人道。未得箇人頭。須得箇入頭。既得箇入頭。不得辜負老僧。又有古人道。未得箇入頭。須得箇入頭。既得箇入頭。直須颺下箇入頭。處。山僧道。未得箇入頭。須得箇入頭。既得箇入頭。正好買草鞋行脚。何故。參禪須是悟悟了。須是遇人。若不遇人。無師承。只成杜撰。阿師動便傷鋒。犯手尾。巴露如弄胡孫漢子。逗到臘月三十日。鼓也打破。胡孫子走。濟得甚事。若悟了。遇人開口吐氣。自然如水入水。豈不見投子。青參浮山。有見處。浮山指。

令見棲賢秀。卽是秀圓通也。那時住棲賢。青到彼中。一向堂中打睡。有人去與秀言。堂中有一箇青上座。喫粥喫飯了。只是打睡。秀云。待老僧親去勘過。便拽拄杖下堂中。見青果然打睡。秀將拄杖敲板頭云。上座。我這裏無閑飯。與你喫。教你打睡。青云。不知教某甲作什麼。秀云。何不參禪。青云。美食不中飽人喫。秀云。爭奈大有人不肯你在。青云。教他肯。堪作什麼。秀云。你見什麼人來。青云。浮山秀云。恁得恁麼頑賴。遂相喚握手歸方丈。信知彼此明眼人相見。迥然別也。曾聞破庵老和尚言。今時兄弟做工夫。不索性。所以不見効驗。我行脚時。密庵住衢州烏巨山。我在彼中。充知客解職了。往見水庵雙林兩廊長。我每夜不睡。從東廊行到西廊。提起話頭。做工夫。行兩三匝了。歸堂中打一看。上下間兄弟。一似爛冬瓜相似。我覷了。自思量道。我若不著便也似這一堂爛冬瓜。討什麼碗子。我在那時做得些工夫。堂中也開得口。只是命根未斷。心下畢竟不穩。遂起單。至平江萬壽僧堂前。歇那時。是燈止菴住。萬壽是無鼻孔長老。粥罷打鼓。

入室我心裏欺他不去入室有同行去入室了却來問我道你去入室也未我謾同行云我去入室了却又自思量道他是我同行我謾他心下未穩當漸要歸川去却是如何如此思量心中躁悶遂行入僧堂後去忽然舉頭見照堂二字從前疑情頓釋迤邐上蔣山再見密菴室中無不投合遂辭歸川密庵親送至半山我不曾問他討頌老和尚自袖中出一頌相送云萬里南來川驀直奔流度刃扣玄關頂門歡睹摩醯眼去住還同珠走盤接得頌了便相別歸川後住兩三个院了住夔府臥龍因有一道士南遊遂作書與老和尚通嗣法是時密菴住太白老和尚歡喜謂育王佛照云元來川僧有道義佛照云待你知道遲了蓋密庵平生怕川僧鬧不肯多掛川僧而佛照喜川僧堂中多是川僧故也破菴老和尚蜀中住數院又再南來山僧出來行脚雖去禮拜他只是不曾依棲他住後來在平江穹窿方在他會裏住以至相隨到鳳山楊寺被他送歸藏主寮見其室中機用及尋常提唱迥爲諸方不同令人心死所以今日出來

承嗣他老和尚云。禪和子室中下語。總是知見解會。如何了得。須是向言句外。臨時別有意智。去離泥水。方得我舊時行脚歸去。與一同行在合州釣魚掛搭。彼中亦是一員前輩尊宿。我去入室再三。免我不肯學話。及至我同行去入室尊宿。却不免他。但搢膝一下云。你向這裏下一轉語。看同行無語。番番入室。只是如此問他。同行云。耐這漢番番只如此問我。我無可應對他。你爲我代一轉語。我這回去下著老和尚云。你待今番。又如如是問你。你但將兩指夾鼻。聲他一聲。便出同行果去入室。依老和尚所教尊宿云。有人教壞你了。信知此事得底人。如兩鏡相似。自然彼此不相瞞。奉勸兄弟做工夫。須是省要處。做令到這般田地。方堪爲種草。昔有一僧見晦堂堂云。從什麼處來。僧云。南雄州堂云。來作什麼。僧云。來見尊宿。堂云。何不回乡中去。僧云。某甲出來參禪。和尚如何。却令某甲回去。堂云。我鄉中三錢買一片魚鮮。如手掌大。且道晦堂意在什麼處。鑒叅庵云。乍可永劫受沉淪。終不瞎却衆生眼。叅菴。怎麼說話。大似方木逗圓。

◆米室來

孔諸人忍別有長處。後次米室中吐露。端午曾說參禪要透祖師關。妙悟要須心路絕。心路不絕。祖關難透。要得心路絕。麼。須是內不放出。外不放入。空蕩蕩地。或若妄念起時。將一箇話頭提起。與之厮崖。如提一柄金剛王寶劍。相似。誰敢當鋒。崖來崖去。久久之間。觸境遇緣。自然啐地。斷曝地。折。那時不著問人。便有入頭處。便不疑天下老和尚舌頭。喚作有根脚。自會作活計。靈山這裏也不摩捋你兄弟。也不捩轉你兄弟。見得一寸與你說一寸。見得一尺與你說一尺。見得一丈與你說一丈。亦不向你道工夫。難做。誑嚇你。亦不向你道工夫。易做。欺謾你。待你透頂透底。自知好惡。佛眼和尚說。兄弟做工夫。有兩般毛病。第一騎驢覓驢。第二騎却驢不肯下。騎驢覓驢。將自己更求自己。騎却驢不肯下。被佛祖玄妙奇特。纏縛擺脫不得。到這裏要騎便騎。要下便下。方有自由。分今時禪和子。蓋爲信自己不及。但不信長老不信他人。却不妨須是信得自己。脚跟下有這蓋天蓋天一段光明。始得箇箇空。只鼻孔遼天。問著十箇。

有五雙不知著落。所以老東山端午日示衆云。老僧取得一道神符。頗有靈驗。一願。今上皇帝聖躬萬歲。二願文武百官常居祿位。三願萬民樂業風調雨順。令鬼使往四天下一告。報鬼使回來云。已去四天下一告。報了無不順從。只有禪和子鼻孔遼天。不奈他何。東山云。莫說你不奈他何。我也不奈他何。雖然如是。澤廣藏山。理能伏豹。畢竟如何。一抽三二。添四黃牛角。向天八脚垂過鼻。急急只如東山。恁麼道。諸人還知落處麼。且不是唐言。亦非梵語。作麼生理。會若理會得。便向東山頂上放扇。不爲分外。恰似泗洲人見大聖相似。是什麼匹似閑。若理會不得。不可靈心也。須向單位上。東咬西嚼。看是什麼道理。始得方冊中參禪透頂透底。大徹大悟。莫如真淨文真淨初行脚時。自言我見處。如吳道子畫相似。十分蓋得逼真。但只是畫底。所以不肯小了。徧扣諸方。一日聞人舉僧問雲門。佛法如水中月。是否。門云。清波無透路。有領解處。往見黃龍。機尚未契。蓋其小小。有悟解。未得透頂透底。所以不契。今普燈却載淨於清波。

普一作普

無透路處。有省悟。往見黃龍。載得差錯了。殊不知淨見黃龍。不契。却云。我有好處。這老漢不識。我遂往見香城順於順。言下大悟。回見黃龍。方得機契。受虎中做普燈。蓋其只會編類事跡。畢竟眼不正。所以差錯了。淨往見老順和。尚順問云。甚處來。淨云。黃龍來。順云。黃龍近日有何言句。淨云。黃龍近日州府委請黃藥長老。黃龍垂一轉語云。鍾樓上念讚。床脚下種菜。有人下得語契。便請住。黃藥勝上座下語云。猛虎當路坐。黃龍遂令去住。黃藥順不覺云。勝首座只下得一轉語。便得黃藥住。佛法未夢見。在淨於順言下。打失鼻孔。方知黃龍用處。遂回見黃龍。龍問甚處來。淨云。特來禮拜和。尚龍云。恰值老僧不在。淨云。向什麼處去。龍云。天台普請。南嶽遊山。淨云。恁麼則某甲得自在去也。龍云。你脚下鞋甚處買來。淨云。廬山七百錢買。龍云。何嘗得自在。淨云。何嘗不自在。自然轉轉地。如水上葫蘆。過捺不得。信知得底人。與得底人說話。自然別也。又死心爲僧了。便發志行脚。初見晦堂。堂問。喚作拳頭。則觸不喚作拳頭。則背死心。罔措。

推尙強辯堂遂抑之一日又強辯不已堂云住住說食終不飽死心云某甲到此弓折箭盡願和尙慈悲與安樂法門堂云一塵飛而翳天一芥墜而覆地汝政坐在知解多若要安樂法門直須死却全心方可心默頷旨一日宴坐忽聞庫下知事捶行者雷忽震遂大悟趨出見晦堂忘納其屨才見晦堂自點胃云和尚天下人是參得底禪某甲是悟得底禪堂云選佛得甲科何可當也這個可謂前輩參禪樣子兄弟要參禪須以此爲標榜始得莫學今時長老蓋今時長老一知半見爭及得古人你若學今時長老便小了事體不濟得事且如薰上座住靈隱亦是不奈何被人東挨西拶拶到禪床角頭迴避不及只得爲祖師有箇門戶壁破面皮出來喚作此地無朱砂赤土以爲上雖然看却今時漸漸赤土也無了米盡到糠糠也無了漸漸食泥食土說著眞箇令人寒心更在後來兄弟發大勇猛出來爲佛祖雪屈第一須去省徑處作工夫莫只管多知多解蹉過截徑一路了且如趙州洗鉢孟話最是徑截兄弟多作無事會了如

睦州示衆云見成公案放你三十棒多少省徑兄弟亦蹉過了如雪峯示衆云飯籬裏坐有餓死漢河水沒頭浸有渴死漢雲門云通身是飯通身是水唱愈高和愈寡省力多少兄弟却不向這裏著眼儘蹉過了今日端午且更舉一箇公案散去文殊令善財採藥善財云徧觀大地無不是藥者殊云是藥採將來善財乃拈一莖草度與文殊殊拈起示衆云此藥亦能殺人亦能活人師拈云採藥與用藥相逢一會家殺人活人不眨眼白玉無瑕却有瑕因甚如此諸人做得工夫到便知著落

拈古

舉馬大師云卽心卽佛非心非佛不是心不是佛不是物

拈云卽心卽佛甜瓜甜徹蒂非心非佛苦瓠苦連根不是心不是佛不是物斫却月中桂清光迸海門箇裏若能開正眼一毫頭上定乾坤

舉僧問趙州學人乍入叢林乞師指示州云喫粥了也未僧云喫粥了也州云洗鉢盂去其僧有省

拈云趙州因風吹火用力不多。這僧雖然悟去也。只做得箇長行粥飯僧。何故更須知有向上一關。

舉雲門示衆云。聞聲悟道。見色明心。觀世音菩薩。將錢買胡餅。放下手却是饅頭。

拈云雲門於無義路中。却開義路。蔣山即不然。聞聲悟道。見色明心。林鳩砧井底種林。擒今年桃李。貴一顆直千金。

舉外道問世尊。昨日說什麼法。尊云。說定法。又問。今日說什麼法。尊云。不定法。道云。爲什麼。昨日定。今日不定。尊云。昨日定。今日不定。

拈云。昨日定。今日不定。大小瞿曇。因邪打正。更問如何。鉢盂安柄。

舉僧問雲門和尚。如何是諸佛出身處。門云。東山水上行。後來圓悟別云。薰風自南來。殿閣生微涼。拈云。見得徹。用得親。不無雲門圓悟。若是諸佛出身處。三生六十劫。

舉僧問南泉師。居丈室。將何指南。泉云。昨夜三更失却牛。天明起來失却火。

拈云。大小南泉。被這僧輕輕一拶。直得手脚俱露。忽有人問南泉師。居丈室。將何指南。拽拄杖打何故。黃金終不和沙賣。

舉鏡清問僧。門外什麼聲。僧云。雨滴聲。云云。

拈云。鏡清以已妨人。壓良爲賤。不覺通身泥水。南山問僧。門外什麼聲。待他道。雨滴聲。却許他具一隻眼。舉瀉山問仰山。天寒人寒。仰山云。大家在這裏。

拈云。大家在這裏。廓徹無依。倚有口難分。踈疎破一雙耳。

舉德山會下有一僧。近前作相撲勢。山云。這無禮漢。合喫山僧手中棒。

拈云。這僧嬌兒失禮。德山小慈妨大慈。當時白棒向甚處去。南山門下忽有僧。近前作相撲勢。山僧只得退身三步。何故。老不以筋力爲能。

舉雲門問僧。盡大地是什麼人會佛法。僧云。露柱門喝云。這死蝦蟆。

拈云。這僧已是露出眼睛。雲門更與揭却腦蓋。若是佛法。未夢見在。

舉同安察和尚問僧。輒不得向人道。我有一則因緣。舉似你僧。作聽勢。安與一掌。僧云。因甚打某甲。安云。我要話行。

拈云。潦倒同安。前頭較些子。後面笑殺人。撞著別箇師僧。豈免返遭毒手。若是南山。待這僧道。因甚打某甲。更與一掌。便見頭正尾正。

舉。瀉山問仰山。卽今事且止。自古事作麼生。仰山叉手進前。瀉云。猶是卽今事。自古事作麼生。仰山叉手退後。瀉云。汝屈我。我屈汝。

拈云。父子水乳。和同無如。瀉仰點檢將來。前不構村。後不構店。若遇臨際。德山更下一槌。定當。

舉。盤山和尚示衆云。向上一路。千聖不傳。學者勞形。如猿捉影。瑯瑯覺。拈云。上來講贊無限。良因。

拈云。具向上眼。目則不無。瑯瑯要見盤山。未可在何故。大力量人。語脉裏轉。

舉。保福云。總似今日。老胡有望。長慶云。總似今日。

老胡絕望。

拈云。一箇有望。一箇絕望。徐六擔板。各見一邊。山僧。

却不然。總似今日。多少省力。三十年後。莫道南山拗曲作直。

舉。僧問大悲。除上去下。請師道。悲云。我開口卽錯。僧云。恁麼則正是。某甲師也。悲云。今日落在弟子手中死。

拈云。來風可辨。駟馬難追。若無後語。討甚大悲。

舉。崔禪。一日陞座云。出來打出來打。時有僧出云。崔禪。擲崔禪。擲下拄杖。便歸方丈。

拈云。崔禪大驚小恠。欺壓平人。却被這僧頂門一錘。直得七零八落。且道。那裏是他七零八落處。喝。一喝。舉。五祖和尚住太平時。示衆云。太平不會禪。一向外邊走。膈月三十日。贏得一張口。且如何是太平口。自云。兩片皮也不識。

拈云。太平老漢。自起自倒。南山雖則不肯。未免効顰。南山不會禪。一向外邊走。膈月三十日。舌頭不出口。因甚如此。見成公案。

舉。馬祖會下。有一僧以手畫四畫。問祖云。上一畫長。下三畫短。不得道。一畫長。三畫短。離四句絕百。

非請師答祖以手畫一畫云不得道一畫長三畫短答汝了也

拈云鼗拍板無孔笛狹路相逢五音六律流落森林知幾年至今誰敢通消息

舉雲山有僧來參山起身僧便出去山云得恁麼靈利僧喝云作這箇眼目法嗣臨際也大屈哉山云且望闍梨善傳僧回首山便喝云作這眼目錯判諸方名言便打

拈云雲山與這僧拳來踢去力敵勢均雲山令雖行棒頭何曾有眼這僧棒雖契心中要且不甘有人辨得出南山請他喫一頓無麵鉢飽

舉前有一尊宿道若有一絲頭卽是一絲頭後有一尊宿道若有一絲頭不是一絲頭

拈云一條拄杖兩人共扶有什麼快活處靈山卽不然一絲頭是不是林下野人高錦衣公子貴

舉智門問僧諸方向平地上打筋斗你還曾見向虚空裏打筋斗麼僧無語雲門代云休踣跳

拈云雲門恁麼道塞他智門口未得在若是靈隱見

他恁麼道只向他道今日小出大遇這老漢雖有劈箭之機已是埋身千丈

舉明招見勝光纔跨門光垂下一足招云伎倆已盡拂袖便行

拈云見機而作不無明招要見勝光則未可在何故魚龍穴下盤根闢日月輪邊氣象高

舉僧問洞山如何是佛山云麻三斤

拈云諸人要見洞山麼有眼無耳梁六月火邊坐

舉鏡清於僧堂前自擊鍾子云玄沙道底玄沙道底時有僧出云玄沙道什麼清作一圓相僧云若不久參爭知恁麼清云還我草鞋錢來

拈云鏡清搖頭這僧擺尾雖則一期可觀爭奈玄沙道底

舉僧問馬大師離四句絕百非請師直指西來意馬師云我今日勞倦不能爲汝說得問取智藏僧問智藏藏云我今日頭痛問取海兄僧問海海云我到這裏却不會僧却問馬師師云藏頭白海頭黑

拈云馬師智藏病痛一般海兒不會當面熱瞞頭白頭黑言端語端衲僧不用空啗啄秤在星兮不在盤舉雪竇頌爲道日損三分光陰二已過靈臺一點不措磨貪生逐日區區去喚不回頭爭奈何

拈云雪豆等閑舉手握土成金諸人若解橫身便乃白衣拜相其或未然且向情識裏頭出頭沒

舉明招示衆云這裏風頭稍硬且歸暖處商量便下座歸方丈衆隨至云及到暖處便見瞋睡以拄杖一時打散

拈云明招兩度入泥入水也不相辜負可惜當時會下無一箇衲僧靈山終不學他明昭老漢蓋覆將來好是明明說從教鴨聽雷

舉雲居謹和尚問雪峯門外雪消也未峯云一片也無消箇什麼師自云消也保福云要且無雪上加霜

拈云雲居打草驚蛇雪峯開口見膽保福獨上高臺要且衆眼難瞞門外雪消也未請諸人試下一轉語舉趙州在南泉井樓上見泉過乃抱定柱懸一脚

云相救相救泉遂於踏梯上打一二三四五州遂具威儀上方丈云適來謝和尚相救

拈云父子至親心眼無二築著磕著透頂透底傍觀只把當兒戲蒼龍攪動澄潭水

舉鼓山示衆云鼓山門下不得咳嗽時有僧便咳嗽一聲山云作什麼僧云傷寒山云傷寒卽得

拈云鼓山老漢前頭赫殺人後頭笑殺人靈隱門下不得咳嗽或有人咳嗽一聲亦云作什麼待他道傷寒劈脊便棒何故若藥不瞑眩厥疾弗瘳

舉雪峯扣老觀門觀開門雪峯扭住云是凡是聖觀睡云野狐精遂拓開閉却門峯云也要識老兄拈云雪峯識則識老觀爭奈不得入門

舉睦州道見成公案放汝三十棒拈云這老漢手頭短靈隱卽不然見成公案與汝三十棒何故棒頭有眼龍蛇易辨

舉許郎中到上藍問首座年多少座云六十八許云幾夏座云四十夏許云聖僧幾夏座云與虎空同受戒許云下官喫飯不似首座喫鹽多

拈云大小上蓋首座却被箇俗漢勘破靈隱當時若
做首座待他問聖僧幾夏只向他道你這俗漢前後
惑亂多少人來若下得這一轉語許郎中便是煨了
精金也須失色

舉僧問石霜如何是祖師西來意石霜咬齒示之
其僧不會後石霜遷化僧問九峯先師咬齒意旨
如何峯云寧可截舌不犯國諱又問雲蓋蓋云我
與先師有甚冤讎

拈云九峯雲蓋不謬爲石霜弟子雖然如是只會保
守家業且無施設門庭或有人問靈隱石霜咬齒畢
竟如何曾經霜雪苦楊花落也驚

舉百丈示衆云你爲我開田我爲你說大義衆開

田畢請和尚說大義百丈展開兩手

拈云開田甚難難中却易展手甚易易中却難說難
說易轉見顛頂自己若無僂骨謾言九轉還丹

舉僧問古德如何是三寶德云麻麥豆

拈云諸人還知古德麼慣使不由家富貴三杯兩盞
背爺娘

舉僧問趙州道人相見時如何州云呈漆器

頌云道人相見問如何舉手寒溫事已多潦倒趙州
呈漆器岳陽船子洞庭波

舉僧問百丈如何是奇特事丈云獨坐大雄峯

頌云百丈機先疾似風巍巍獨坐大雄峯要知奇特
中奇特明月難教下碧空

舉僧問古德年窮歲盡時如何古德云東村王老
夜燒錢

頌云東村王老夜燒錢鼻孔依稀露半邊武帝求仙
求不得王喬端坐却昇天

舉昔有秀才看佛名經問長沙百千諸佛但見其
名未審居何國土長沙云黃鶴樓崖題題後秀才
曾題也未才云未長沙云無事題取一篇好

頌云百千諸佛在何居黃鶴樓詩錦不如問汝秀才
題也未一篇題取莫躊躇

舉僧問趙州萬法歸一一歸何處州云我在青州
作一領布衫重七斤

頌云萬法歸一一何歸海口難辭這一問不得青州

一領衫幾乎喪却窮性命

舉陸巨大夫問南泉。肇法師也大奇怪。解道天地與我同根。萬物與我一體。泉指庭前花。召大夫。應諾。泉云。時人見此一株花。如夢相似。

頌云。天地根。元與我同。撥波求水。謾勞功。時人見此花。如夢坐斷。須彌信不通。

舉僧問古德。如何是冬來事。德云。京師出大黃。

頌云。冬來底事。要商量。向道京師出大黃。多少病。猫飢死。鼠日中擡首眼無光。

舉趙州示衆云。我在南方行脚時。火爐頭有一則無賓主話。直至而今無人舉。

頌云。無賓主話。意深深。流落叢林古。到今火冷灰寒。口挂壁。衲僧凍死不知心。

舉水菴和尚頌。九夏安居。不論心。胡蘆水上。捺教沉。忽然湧向西邊出。驚起沙鷗亂白蘋。

頌云。安居三月。不論玄。水牯朝昏。痛著鞭。拽脫鼻繩。無覓處。山童走得脚皮穿。

舉僧訪趙州。州云。喫茶去。公案。

頌云。曾到未到俱喫茶。爲君抉出眼中花。犀因翫月紋生角。象被雷驚花入牙。

石田薰和尚語錄卷第二

石田薰和尚語錄卷第三

嗣法門人 妙因 至慧 等編

小參

高峰入院。小參。鷲嶺真機。曹溪密旨。三家村裡牛動尾。巴真正舉揚。蓋天蓋地。蹉過者如麻。似粟却認口頭聲。色以當平生。流落他鄉。去家轉遠。諸人還識家麼。若也識去。鍋子大小。杓柄短長。一一盡知。著落既知。著落便能。主賓互換。水乳和同。憂則共感。樂則同歡。逆順隨宜。高低普應。恁麼說話。落二落三。獨脫無私。畢竟如何。剖露良久。云。機關不是韓光作。莫把胸襟當等閑。

楓橋入院。至道無難。惟嫌揀擇。山是山水。是水三門。佛殿厨庫。僧堂什麼處。是不揀擇。是法住法位。世間

相常住什麼處是揀擇若也個儻分明便知道一切時一切處行住坐臥動轉施爲築著達磨大師鼻孔恁麼告報早是少慚愧將惡水潑諸人了也還有搆得底麼搆得搆不得未免喪身失命所以道向上一路千聖不傳未曾親近已隔大千何況說黃道黑立主立賓鄭州出曹門且喜沒交涉既無交涉畢竟事作麼生不勞懸石鏡天曉自分明

蔣山入院如來有密語迦葉不覆藏忙忙者匝地普天獨脫底星中揀月還他具透青眼目旋生風骨方可入作若是迷哩麻囉決定打入葛藤窠裡無出頭分既是屋裡人定知屋裡事前是三門後是方丈一點也瞞他不得然雖恁麼且道臨濟一喝賓主歷然又却如何話會良久云若無舉鼎拔山力千里烏雕不易騎

淨慈入院目前無法意在目前不是目前法非耳目之所到蚊子上鐵牛無你下觜處新淨慈今夜不是借拄杖子威光與諸人做箇瞥脫拈拄杖卓一下云法隨法行法幢隨處建立且道作麼生建立莫是舉

一明三目機銖兩麼莫是問在答處答在問處麼莫是布三玄戈甲列五位君臣麼若恁麼喚作擬人夜走殊不知霧豹澤毛未嘗下食庭禽養勇終待驚人若是眼生三角漢逢人抓著痒處自然徹骨徹髓便能橫身荷負赤手提持然雖如是亦是宗乘中事在且如何是宗乘中事一曲兩曲無人會雨過夜塘秋水深

結夏莫行心處路不挂本來衣何須更恁麼切忌木生時四路葛藤古人一時截斷了也諸人何不吒吒沙沙如生師子兒哮吼一聲壁立千仞若也如是九十日夏布袋結頭出息不涉萬緣入息不居陰界天台普請南嶽遊山龜毛結網裹虛空烈焰堆中撈白月正當恁麼時且道功歸何所猶握金鞭問歸客夜深誰共御街行

結夏我宗無語句亦無一法與人明明向你道何況蓋覆將來而今黃面禪和擔拄杖四世界走道我參禪學道還覺面熱汗下麼饒你參到無參學到絕學騰月扇子一点也用不著楓橋這裡南州北縣三兄

五弟朝看師子山雲起。暮看越來溪水流。只是禪道二字。不許說著。說著則貶向三千里外。若要參著。要學諸方。自有人在。莫來負累石田。且道石田如何得恁麼。膽小一度被蛇傷。怕見斷井索。

結夏黃面瞿曇二千年前。平白畫箇圈子。喚作圓覺伽藍。致令後代兒孫。年年墮在裡許。西天此土。十萬迢迢。九十日夏雲月。是同蟬人爲驗。溪山各異。若是眼裏有珠。漢向不同。不異處。赤骨力地。全身跳出牢籠。不住呼喚。不回如踞地金毛。卓朝吒沙。誰敢近傍東湧西沒。身心安居。七凹八凸。平等性智。熟則山頭洗耳。聽松風。倦則雲會堂中伸脚。睡然雖如是。嘉山未免勘過了。打何故。黃金自有黃金價。終不和沙賣與人。

結夏多子塔前清風凜凜。孫臏門下徒話鑽龜。盡大地撮來。如粟米粒。大百億。四天下。百億日月。百億須彌恒沙國土。恒沙諸佛。恒沙衆生。盡向粟粒內。禁足護生。說安居偈。云床窄。先臥粥稀。後坐耳聾。要聲高。眼昏。宜字大。既是安居偈。却如何。恁麼說。若是通方。

● 遊歷錄

上士一舉便知落處。脫白沙彌。且疑八千年。却待阿逸多出世。爲汝說破。

結夏以大圓覺爲我伽藍。望雲上樹。身心安居。平等性智。熟睡寐語。咄南山只管九十日。爲一夏。不知有恁麼事。只如九十日。前九十日。後豈不安居。行住坐臥。日用尋常。豈不平等。如斯提掇。雕沙無鏤玉之談。結草垂道人之思。更言鵝護雪蟬人。冰西天此土。迢迢十萬南山。有不場物。義句子。且待秋初夏末。分付諸人。

解夏九十日。夏頭正尾。正寒山子。水牯牛。燈籠露柱。一一心空。及第。惟有南山禪和子。頑皮賴骨。抵死護生。道我一夏之中。全無絲毫所證。所得南山。聞得無可奈何。只向他道。願你常似今日。山僧恁麼道。諸人且道。是肯他不肯他。良久云。相逢盡道休官去。林下何曾見一人。

解夏前際不來。后際不去。今亦不住。諸人向什麼處安居。向什麼處自恣。遼天俊鵲。舉著便知。死水蝦蟇。堪作何用。仰山鋤得一片。會種得一籠粟。饅頭具眼。

功不浪施。瀉山日中一食。夜後一寢。季老成魔。經事多矣。且道南山還有這箇消息也。無山僧粗識好惡。諸人亦合知時。

結夏蟄戶不開。龍無龍句。時節既至。其理自彰。且如何是自彰之理。來晨四月十五。西天此土布袋結頭。天下衲僧。拗折拄杖。高挂鉢囊。從前會底。不會底。丁丁東。東骨底。骨董。向何方世界。身心安居平等性。智身心安居。即且止。喚什麼作平等性。智。莫是言發非聲。色前不物麼。莫是眼不挂戶意。不停玄麼。莫是不起纖毫修學心。無相光中。常自在麼。若恁麼。總是金州路上客。南山有箇上樹安身訣。今夜分付諸人。一抽三。二添。四彈。舌念其言。橫眸看梵字。諸人還承當得麼。若承當得。九十日夏。也不虛度。脫或未。然前頭大有事在。

結夏飛來峰。高攀不上。冷泉水深飲不竭。衲僧到此。擬奚爲。盡力神疲。好休歇。若向這裡休歇。得去。似寒岩枯木。大死底人。黃梅石女。老僧與你鼻孔相拄。赤肉相揩。晝三夜三。謾生抵死。待寒岩枯木開花。大死

●平聲手○
穩睡休

底人却活。黃梅石女解語。也不枉度一夏。其或顛顛癡癡。千醜百拙。毒氣流入八萬四千毛竅。化爲魍魎。魍魎老僧。雖有奇方妙藥。也起諸人此病。不得恁麼告報。衆中莫有擊節底麼。良久云。貪觀天上月。失却手中撓。

結夏向上一路。鍊壁銀山。自古自今。佛祖却步。舉話長老。無開口分。直饒舉得作麼生會。直饒會得作麼生。若也明得。大陽門下。日日三秋。明月堂前。時時九夏。然雖如是。還知一件事麼。東弗于逮。西瞿耶尼。南瞻部州。北鬱單越。若僧若俗。總在諸人鼻孔裡。叫鬧鬧。諸人作麼生安居。若安居不得。九十日夏。未免勞而無功。拈拄杖卓一下。云。不是釣鼈竿。穩說把長竿。

解夏祖師巴鼻。峭若五須彌。衲僧眼光。燦破四天下。靈山門下。總不消得我。此一衆三月安居。有飛來峰。可翫有冷泉水。可濯意不停玄。眼不挂戶。或有脫白沙彌道禪之一字。貶向鐵圍山大赦。不放更說文殊三處度夏。迦葉白。搥擯出多季。曆日不用推尋。只如

今辰解制九十日飯錢漿水錢草鞋錢總不問汝諸人洞山向萬里無寸草處去且拈向一邊劉陽菴主出門便是草又且如何無求是處人情好不飲從他酒價高

冬夜知不到處。切忌道著。道著卽頭角生。適半一問。一答。是道著。既是道著。卽頭角生。頭角旣生。諸人且道。是驢是馬。有般杜禪僧。便道驢不成。馬不是。若恁麼盡大地。是个無孔鉢。鎚堪作何用。殊不知乾坤日月。明暗色空。情與無情。總在山僧拄杖頭上。若也放過一切手之舞之足之。踏之共慶一陽令節。若不放過。不消一捏。這箇說話。猶是曲爲中下之機。且道上人來。合談何事。冬不寒。臍後看。

冬夜這一片田地。生佛未具。世界未成。四至界畔。皎然明白。天不能覆。地不能載。日月照不到。風雨洒不著。群陰消與未消。一陽復與未復。與他總沒交涉。從上若佛若祖。只於沒交涉處。順時保愛。遇飯喫針。遇茶喫茶。無一絲毫許。不是放身捨命處。或有一機一境。一言一句。總是向枯木上。繆花虛空中。釘橛。何曾

◆有字疑剩

將實法繫綴人。自是諸人癡狂外邊走。不肯回頭。南山今夜忍俊不禁。倩拄杖子別開一條活路。與諸人共行。薰拈拄杖卓一下云。莫有進得步底麼。若有。有一任十字縱橫。脫或未然。喫粥喫飯也。須照顧。咬著舌頭。

冬節天寒地凍。火冷雲深。長連床上。衲僧兀兀。癡癡今日。明日。年自可。怜生無端。洞山與泰首座。冬夜喫菓子。遺下老葛藤根。季季時節到來。叢林浩浩。地商量多是咬嚼不破。吞吐不下。攪得肚腸如一團麻線。相似山僧。忍俊不禁。向道癡漢。吉凶休咎。總在八八六十四卦中。何不向這裡著力。開眼卓拄杖一下云。開得眼。洞山與泰首座。無地容身。山僧亦有彌天過犯。不干諸人事。

冬夜法法本來法。無法無非法。鈎鎖連環刀挑不出。若無智眼淪入邪途。決定把芦葍根作香象鼻孔拈主丈卓一下。云。群陰向這裡剝盡。一陽向這裡復生。豈不是本來法。諸人還揀辨得出麼。若揀辨得出。南瞻部州托鉢北鬱單越喫飯。文殊提鞋普賢挈杖。若

揀辨不出。前面是案山。後面是主山。拶破你眼睛鼻孔。臨際德山。是甚閑家具。休休莫寐。語阿難。依舊世尊前。良馬不知何處去。

冬節透骨霜風入戶庭。日南長至又逢迎。衲僧不解論時節。只麼堆堆過此生。前際不來後際不去。今亦不住。喚什麼作此生。須知黃面老漢。缺齒老胡。日夜與諸人交頭接耳。陝府鉄牛。是常不輕菩薩。諸人還信得及麼。若信得及。口籠頭卸角。馱上載下。載一時。劃斷眼不挂戶。意不停立。直下如寒岩枯木。相似一陽未生。一陽生後。與他南兩無交涉。飢飡渴飲。閑坐困眠。有什麼過。然雖恁麼。忽遇咬猪狗。漢拽轉坐盤。伸出毛手。又却如何當抵。良久云。幾度沙場經血戰。到頭不改舊容顏。

冬夜老胡西來直指人心。二祖覓心了不可得。後人聽事不真。取意胡卜亂卜。觸著阿轆轤地。蹉過當頭一著。不知鼻孔大頭垂。但道黃河從源濁。休休休。莫莫靈山這裡無禪。與你參無道。與你學。冷湫湫。乾曝曝。來日一陽初復。群陰盡剝。今夜與諸人聚集少。

時應箇時節。終不將百鍊精金作頑石。實却恁麼說話。若是箇漢。三千里外掩耳便回。已遲八刻。何故舍元殿上。覓長安楊花。不是天邊雪。

歲夜金烏急。玉兔速。一季三百六十日。今夜結交頭。陝府鉄牛。黃梅石女。來日各添一歲。諸人分上。合作麼生。記得石頭和尚。參同契末後道。謹白參玄人。光陰莫虛度。若據蔣山。見處燒香禮拜。學佛學法。求玄求妙。總是虛度。光陰既不許。燒香禮拜。學佛學法。求玄求妙。諸人十二時中。如何用心。若也不知未免向情識裡。頭出頭沒。所以德山示衆云。汝若於心無事。無事於心。自然虛而靈。空而妙。趙州道老僧。除二時粥飯外。是雜用心。又道諸人被十二時使。老僧使得十二時。二大老恁麼告報。意在於何。若是眼生三角。漢一覷。觀透便與二老把手共行。其或未然。臘月三十日。是小年夜。忽若大年夜到來。諸人如何。祇對薰拈拄杖卓一下。云。人無遠慮。必有近憂。歲夜烏兔東西疾。一季時序畢。寶八布衫穿烏龜眼。睛亦瞽。法師剛道物不迁。擔片板。見一邊衲僧家誰。

管你天誰管你地。喫飯救飢。開口取氣。今年也如是。來季也如是。後季也如是。更後季也如是。直得阿逸。多出世也。只如是。是則是。忽若閻羅老子。徵飯錢。又却如何。抵擬普化出僧堂。波斯入關市。

歲夜。日日東上。日日西沒。循環三百六十。幾個解知。窠窟雪。豆。恁麼道。且道。這老漢。還知窠窟麼。若道知。禍事。禍事。若道不知。爭解恁麼道。若也於此。個儻分明。便見舊歲。不去。新歲。不來。一念。萬年。萬年。一念。南山。恁麼吐露。恰似小兒子。順朱明眼。請僧未免。取笑。且道。明眼衲僧。有什麼長處。自有一双。窮相手。未嘗祇揖等閑人。

歲夜。古今天地。古今日月。古今山河。古今人倫。不曾移易。一絲毫許。便恁麼將。謂靈隱無合。殺不知。隨世顛倒。送舊迎新。東村爆竹。一聲。盡大地人。打失。觸髅。要識舊歲。麼。左邊拍禪床。一下。云。向這裡薦取。要識新季。麼。右邊拍禪床。一下。云。向這裡薦取。要識新季。舊歲。欲交未交。結角羅紋處。麼。拈拄杖。中間卓一下。云。向這裡薦取。果然這裡著得。一隻眼。活不被寒暑。

之所移。不爲節序之所轉。脫或未。然昨夜積深三尺。雪。前村凍折一枝松。

歲夜。天無門。地無戶。飛金鳥。走玉兔。年年三百六十日。今年三百九十日。一氣不言。何處問蒼天。五歲再。閏巧曆。莫能盡。拶到。臘月三十夜。新舊結交。頭東村。西村。聲聲爆竹。北禪老兒。將無作有。烹露地白牛。燒骨。樵火。煮野菜羹。唱村田樂。這窮鬼子。誰得似伊。靈隱住箇院子。一季不如一年。今夜指空。劃空。無可與諸人分歲。雖然。如是人情。若好喫水也。肥諸人。且道。冷泉是什麼滋味。舌頭。点著。知端的。天上人間不可陪。

結夏。僧問云。以大圓覺爲我。伽藍時如何。答云。望雲上樹。僧云。身心安居。平等性智。又作麼生。答云。熟睡寐。語僧云。忽有箇漢。大棒打。不回頭。不肯入這保社。時如何。答云。只聞其語。未見其人。僧云。和尚何不領話。便禮拜。師云。誰信你。乃云。溪東溪西。國王水草。隨分。納些些。山北山南。祖父田園。清風來。浩浩。時時。九夏處處。安居意。不停。玄眼不掛。戶。這箇說。

黃云只恁麼平白立無個說處。一場氣悶時。有僧出擬問。茱萸便云。爲衆竭力。便入方丈。師拈云。茱萸放去。蟬噪收來。綿密只如他道。爲衆竭力。爲復是茱萸爲衆竭力。這僧爲衆竭力。若人揀辨得出。非但爲這僧雪屈。亦乃與茱萸把手共行。若揀辨不出一場氣悶。何故罕逢穿耳客。多是刻舟人。

結夏鐘未鳴。鼓未響。好箇古佛樣子。暨乎鐘鳴鼓響。諸人簇簇上來問答。抑揚便見七花八裂。明眼漢沒窠臼。拈得鼻孔。失却口名。不得狀不得觀。音院裡有彌勒。不是道。不是禪。長鯨吞月。浪滔天。住住口。如南山九夏安居。未審以何爲驗。二時粥飯。氣力麤。無事湖邊行一轉。舉洞山夜參。不点燈。有僧出問。話退山令侍者点燈。遂喚適來問話僧出來。其僧近前。山令取三兩粉與這僧。其僧拂袖而退。因而有省。遂罄衣資設齋。三季后來辭洞山。山云。善。爲時雪峰侍立。次問山。只如這僧去後。幾時却來。山云。他只知一去不解。再來。其僧歸衣單下化去。及來報山云。雖然如是。猶較老僧二生在。師拈云。洞山前施妙略。這僧

◆如維亦

暗透重關。若不得後著。前話也難圓。良久云。將軍但有嘉聲在。不得封侯也是關。

冬夜僧問云。瀉山問仰山云。仲冬嚴寒。季季事暑。運推移。事若何。仰山進前叉手而立。此意如何。答云。亂呈槽袋。爲云。情知汝答。這話不得。瀉山意在什麼處。答云。醬裡有鹽。僧云。只如香嚴道。某甲偏答得。這話又作麼生。答云。提水放火。僧云。瀉山理前話。香嚴因什麼如叉手進前而立。答云。同途不共轍。僧云。瀉山道。賴遇寂子。不會那裡。是他不會處。答云。菩薩龍王行雨。潤遮身。向上數重雲。僧云。瀉山仰香嚴父子唱拍相隨。則不無。且道是何曲調。答云。五天吹不起。漢地和難齊。僧云。謝師答話。便禮拜。師乃云。佛語心爲宗。無門爲法門。無門之門。須得其門而入。諸人還曾入得麼。拈拄杖卓一下云。從這裡入。若也入得。一任四方八面。若入未得。山僧不免抑下威光。與諸人畫箇影子。趙州南石橋北。觀音院裏有彌勒。祖師遺下一隻履。直至而今尋不得。西天梵語。此土唐言。經律論藏。還有這箇消息麼。古人恁麼說話。意在於何直。

下盤不

有經肯

饒聞得暗地点頭未免死在句下。須知古今山河古
今天地古今人倫。古今日月毫髮下移。塵劫來事盡
在而今。且而今事作麼生。良久云。九九陽生第一爻。
復舉趙州會下有僧參相推不肯作第一座。主事白
州州云。總教作第二座。事云。第一座教誰做。州云。裝
香著事。裝香了。白州州云。戒香定。香惠香解脫香。
師拈云。趙老應機如風吹水。第一座香烟起。驢年夢
見汗臭氣。

冬節晝明夜暗。日往月來。一氣不然而然。萬化無作
而作。便怎麼去。平地上死人無數。衲僧用處自有條
章。斗轉星移。東湧西沒。豈不見瀉山問仰山。仲冬嚴
寒。季季事暑。運推移事。若何。仰山近前叉手立。脚下
如漆。瀉山云。我情知你答這話。不得。父爲子隱。香嚴
云。某甲偏答得這話。家富小兒嬌。瀉山遂問。仲冬嚴
寒。季季事暑。運推移事。若何。香嚴亦近前叉手而立。
果然別有長處。瀉山云。賴遇寂子。不會欲隱彌露。瀉
山怎麼提持。二子怎麼酬對。石田怎麼指注。還當得
宗乘中事麼。良久云。從前汗馬無人識。只要重論蓋。

代功 舉定山首座洗衣。次山問作什麼。首座提起
衣。山云。洗底是什麼。衣座云。福州使鐵錢。定山喚維
那移下挂搭。師拈云。定山可謂借手行拳。一時氣
槩。首座雖則失錢遭罪。千古風流。若是石田當時待
定。山道洗底是什麼。衣以手掬水便潑。便是。千箇定
山未免一場懣懣。

冬節釋迦不說說。迦葉不聞聞。利劍斬虛空。萬象鳴
曝曝。便怎麼去。承虛接響。數若塵沙。謝家人不在。漁
船錯認橋皮。喚作火。所以道。宗門深奧。酌度胸襟。
飢易飽。細嚼難飢。若是英靈。上土翻轉。鐵面皮。豎亞
摩醯眼。萬仞崖頭。騰身撲不碎。須彌那畔。招手喚不
回。等閑拈一機。示一境。總在生。佛未具。已前日月照
臨。不到處。群陰消。與未消。一陽復。與未復。豈干他事。
然雖如是。畢鉢岩中。猶有人未肯。點頭在何故。趙壁
本無瑕。相如誑秦王。復舉洞山請泰首座喫菓子。
公案。師拈云。這箇話頭。其來久矣。總道首座語不
契洞山。所以不得菓子喫。殊不知洞山性命。在泰首
座手裡。莫有爲洞山作主底麼。出來出來。蔣山今夜

要斷不平之事。如無惱亂春風。卒未休。

歲夜金烏急。玉兔速。明而又晦。晦而又明。運行不息。今夜已得成功。拂曉金鷄一聲。舊歲新季交過。東隣西舍。李老張哥。爭先慶賀。拜得疎頭穿衲僧家鉢盂。一日兩度濕任運。騰騰不知月之大小。不管歲之餘閏。目視青霄。且恁麼過。勘證將來似則也。似是則未。是所以雲峰悅和尚。歲夜小參。示衆云。你這一隊後生。經律論固是不知也。入衆參禪。禪又不曾。臘月三十日。作麼生折合。諸人聞雲峰恁麼道。還覺面熱。汗下。麼作麼生出得雲峰圈。積石田。雖則無能。敢倩木上座爲諸人做箇警脫。驚拈拄杖卓一下云。到江吳地盡。隔岸越山多。舉德山示衆云。今夜小參不答話。問話者三十棒。時有僧出山。便打僧云。某甲話也未問。因甚麼打某甲。山云。你是甚麼人。僧云。新羅人。山云。未跨船舷好。與三十棒。師拈云。德山老漢。前頭嚇殺人。後頭笑殺人。這僧不入虎穴。爭得虎子。今夜小參有問便答。無問卽休。亦不能行得棒。何故。九洲四海清如鏡。官路堂取次行。

歲夜佛法世法世法佛法一有多種。二無兩般。鈎鎖連環。刀挑不出。衲僧家襤褸破衲。包裹乾坤柳。標頭邊挑。擎日月腰間。自有多年曆日。不逐四時節令。遷移這邊那邊。透頂透底。這箇說話。喚作把筆順朱。是人總會。臘月三十日。老鼠入牛角。如何是出身一路。良久云。休休。官事不可私酬。舉僧問趙州。如何是不遷義州。以兩手作流水勢。其僧有省。師拈云。趙州用力太過。這僧聽事不真。若問南山。如何是不遷義和聲。便打。何故。南山不曾賺誤師僧。

歲夜天地造化。有陰有陰。日月星辰。有明有晦。雨露風霜。有生有殺。四時代謝。有新有故。總是兩頭事。衲僧家赤肉團上。壁立千仞。一日十二時。時相似。一季十二月。月一般。任運騰騰騰騰。任運合眼開眼。今日明朝。從來鼻孔。遼天誰管多季曆日。雖然如是。季窮歲盡。結角羅紋。轉身一句。作麼生道。良久云。天淨不知雲去處。地寒留得雪多時。舉玄沙問長生。我觀如來前際。不來後際。不去今。亦不住。長老作麼生。生云。放某甲。過有箇道處。沙云。我放你過。作麼生。

道生默然沙云教誰委生云和尚不委沙云我情知
你向鬼窟裡作活計師拈云長生在鬼窟裡玄沙
還免得也無若是臨濟令行便須髑髏粉碎

歲夜天何高地何厚南北東西烏飛兔走明而又暗
暗而又明臘月三十日總喚作季窮歲盡且道季歲
還有窮盡底時節麼若有盡處便有起處且道從什
麼處起若將虛空取意扭捏未免枉勞神用殊不知
七十二候二十四氣只在諸人鼻尖上當恁麼時如
何道得叉手句良久云城上已吹新歲角窓前猶點
舊年燈復舉僧到鶴林敲門林云誰僧云行脚僧
林云莫道行脚僧佛來也不著僧云爲什麼不著林
云無你棲泊處師拈云大小鶴林自納敗缺南山
有箇見處要諸人共知既知是佛來爲什麼不著相
見易得好共住難爲人
解夏文殊昔日三處度夏靈山今夏一處安居釘觜
鎖舌衲僧到這裡管取分疏不下既分疏不下寧免
閉目食蝸牛一場酸澁苦靈山有箇上樹安身法今
夜擬欲分付諸人休休會麼還少病知分不多愁

舉雲門問僧初秋夏末兄弟東去西去前頭忽有人
問作麼生祇對僧云大眾退后門云還我九十日飯
錢來師頌云夏末秋初萬萬千石頭路滑脚皮穿
這僧劒刃翻身疾也被雲門索飯錢

法語

福長老出世乞語

多子塔前付僧伽梨直至而今根苗不絕所謂上祖
不了殃及兒孫既入佛門喫飯飯潑天門戶要人扶
持亦須是箇漢始得況稱長老名既如此實當如何
具向上眼目得大機大用可以開鑿人天饒益後學
方不辜負出世二字就中下機言之亦要識因果勸
香火早晚禪誦不懈新補舊一劫處運真實身心
方有少分相應不可坐方丈領見成勞者責人逸者
歸己瞬息之間頭白齒黃前頭大有事在前輩長老
時節因緣既至不奈何譬破面皮多是住院後却進
得一步蓋不問院之大小衆之多寡千人萬人叢中
亦如此單丁去處亦如此二六時中專以此道爲懷
長久工夫不間斷故能打發也福長老南山相聚數

季出世寧國。雖是房院十方。然一切在人。馬祖百丈已前。無住持事。亦須要十方去處。方不喚作叢林。若是如此分別。乃是弃本逐末。不足道也。古人云。但得本。莫愁末。棒喝交馳。是末。佛祖言句。是末。畢竟如何。是本。得坐披衣。向後自看。

示師覺禪人

眼裡著不得沙耳裡著不得水。何故。若有一絲頭。卽是一絲頭。眼裡著得須彌山耳裡著得四大海。若有一絲頭。不是一絲頭。過得這兩重關了。泗州人見大聖。大凡參學。亦須是擘開頂門。眼分得泥水縈素。方堪入作有般漢。一向杜撰捏合。籠籠統統。只作一句會。便道一卽一切。一切卽一。入荒田不揀信手拈來。草似則也。似是則不是。到這裡。萬仞崖頭。獨足立。銅沙羅裡。滿盛油也。須是箇漢始得。覺相處甚久。臨歸求語。不覺切切。不知覺還解橫點頭舌脫。或未。然開眼也。著合眼也。著

示觀書記

儒釋二家之學。各貴一門。吾人旣已毀形削髮。著袈

衣。自有衲衣下事。若學道有餘力。傍搜儒典。粗知其梗槩可也。往往泥而不知返。未免逐指喪月。必欲窮其底止。曷若極吾家之底止乎。縱有剗剗之才。文章擅一世。可憐自古文士。盡作衙官。於我何有。古人尙謂書足記姓名而已。況吾方外之人哉。觀相聚最久。天姿好學。隆冬酷暑。書冊不去手。發爲言詞。視往季初來南山時。頗覺長進。余勸之云。文章只如此足矣。若那工夫。來這下覷。捕心堅力到。忽然拽脫鼻孔。不是託事。渠面前雖唯唯。未知其曾中以爲然否。一日來別往鍾山。見凝絕以昏求語。余無以塞其請。曾憶古德頌云。庭前露柱。久懷胎產。下男兒頗俊哉。未解語言。先作賦。一操直取狀元來。這箇說話。意在於何。非爲今時學子。答策如晁董爲狀元者。乃是吾家心空及第一等狀元。有爲者亦若是觀嘗試焉。乃知吾言之不妄。因成二十八字。併書遺之。吾家那事。苦無多。不在頻搜故紙羅。未解語言先作賦。却參鍾阜問如何。

示紹文侍者

宗門淵奧。酌度。曾。際。難。食。易。飽。細。嚼。難。飢。根本不明。良由自錯。參學無他。須是根本明。始得。若是摘葉尋枝。錯到阿逸多世。出卒未能打得正。記得國師三喚侍者。侍者三應。國師云。將謂吾負汝。却是汝負吾。且道他三喚意在什麼處。須向根本上看。始得。這箇公案。諸方拈掇。不知其數。各據一時見處。也有五六分。或七八分。相似。老趙州下注脚云。如人空中書字。雖不成文彩。已彰趙州邈得。構九分九釐。猶有一釐。諸訛在文來。南山相聚。煩渠在侍者寮。一年老僧逐日見面說法。何止三喚。他亦隨分應答。何止三應。且道還有佛法道理也。無若也會去。便知趙州一釐子。謂訛若也不會。切忌妄生穿鑿。他日眼開。方知老僧亦不相辜負也。

示得昇監寺

祖翁潑天門戶。潑天生涯。要得大力量人。方堪荷負。若是小根少智。看即有分。豈不見岩頭見德山。便問。是凡是聖。德山便喝。岩頭便禮拜。金博金水投水討。什麼痕縫。洞山云。若不是。幾公也大難承當。贊嘆即。

得岩頭云。洞山老漢。識甚好惡。殊不知我當時一手擡。一手搯。岩頭被洞山一句子。擡出心肝。五臟具參。學眼便解。覷破。今時還有恁麼作家麼。直是星中揀月也。昇遍參諸方。相聚有季。忽起他山之念。特來方丈求語。子迅筆。切。切。開口不在舌頭上。昇若眼裡有珠。終不向句下撈攬。

示禮長老

拈花微笑。焦磚打著。連底凍。斷臂安心。赤眼撞著。火柴頭。自此通代相尋。承虛接響。便道。建法幢。立宗旨。諸方浩浩。地分疆。列界各自霸。旺至分爲五家。弄來弄去。到今日。只有臨際一豚子。不絕然。亦命若懸絲。佛法不是無人主。張無人提。掇不免刀刀相似。魚魯參差之病。其病緣何。後代叢林。弄本逐末。說之有餘。行之不足。人理深談。則不無確實。勘證將來。何翅較他古人半月程。在老東山有言。諸方說禪。我這裡行禪。便謂此也。老僧在南山十載。正是衲子。憧憧往來之地。未嘗見一个不會佛法。底入門來。兄弟送贈長歌短頌。動便成軸。本分事。畢竟在什麼處。禮自潮陽。

來此度夏。志念堅確。初抵南山。懷香請問。做工夫。余不免以本分事示之。夏末又到。方丈言別。求語以爲自警。予云。長老一夏。豈不聞老僧發口業邪。渠笑云。爭奈窮坑難滿。予謂之云。若要坑滿。和老僧埋在裡。許還有人下得手麼。未動鑊頭。早已兼身在內。不如文殊自文殊。解脫自解脫。各自著衣喫飯。免相負累。

示隆禪人

欲把生蛇化活龍。先將毒藥灌喉嚨。從教滿肚生針刺。拋向洪波浩渺中。前輩大老作此頌。發揮宗門向上說話。識取鉤頭意。莫認定盤星。或若學語之流。鑽研卜度。如之若何。古人無屈得屈。向什麼處。雪須是恁麼人。方明恁麼事。所以道得之於心。伊蘭作旃檀之樹。失之於旨。甘露乃蒺藜之藺。翻手覆手之間。利害便見。懸絕冰稜上。走馬劒刃上。橫身斬釘截鉄。禪和別有轉身一路。

示炬都寺

五湖衲子一錫禪人。未見石田。不妨疑著。及乎見了。元來只是頭白齒黃。面黃稜層。一箇老和尚。禪道佛。

之客盡容

法在什麼處。這裡眼裡有珠。決定乞火和烟。得擔泉帶月歸。若是遲遲疑疑。旋向意下。丹青一隻金剛箭。透過頂門上。什麼處去也。所以陳睦州喚僧回首。州云。擔板漢。又云。見成公案。放你三十棒。這老鬼將一百二十斤擔子。頓在人肩上。只要你僚起便行。豈客脚前脚後。若要祖師西來意。西來無意與你參。須是脚跟下紅線子。斷便是一員無事道人。若紅線子未斷。百匝千重鉄網。縵空如何透得。饒你透得。前頭大有事在。不是苦心人。不知待你透得。方知石田不是臨危悚人。咄。寐語得也未。

示祖中禪人

瞿曇拈花迦葉微笑。決定在五十四卷之外。如撫師子筋。琴衆音皆絕。今時學者。多不識血脉。只管胡卜亂卜。公流失淥。莫知底止。深可憐憫。識機宜。別休咎。底三千里外。望風倒戈。却較些子。倘或踏步向前。未免終歸死海。勿謂家不成。成家子。未生勿謂家不破。破家子。未大惟後生有志者。堪任此佛法重擔。苟或未然。佛法不怕爛却。

覺長老出世求語

從上若佛若祖。無法與人。只露目前些子。惟夙有靈骨。一舉便知落處。鞠其旨歸。乃是無病之藥。所以夾山見船子。被打兩橈。點頭三下。法昌遇見泉。大道請益泉。乃解衣抖擻示之。信知此事不在言語上。無指示。無傳授。自家一回親到。便乃心休意歇。既能休歇。三篋束肚。隨處住山。不揀茆茨石室。徹底放下。二十年如癡如醉。果熟道香。自有同志之士。撥草瞻風。遠來扣擊。忽然撈攬得。一箇半个。以爲種草。令相續不斷。共報佛祖深恩。彼此不負出家之志。覺在衆年深靈峰。虛席府主。送諸山舉人。覺亦預保舉之數。府中差人送公帖至。覺堅不肯出。予舉古人不擇茆茨石室之語。諭之。覺不得已。應命袖帟求語。爲警予云。古人所謂師子教兒。迷子訣。何必切切脚頭脚尾。半合半開。直下用得去。未免東村王大伯。勘破行矣。勉之。

行禪人歸鄉乞語

祖師門下。荒草連天。擬欲尋思。白雲萬里。所以德山

之威嚴

招手高亭橫。趁而過。要入這箇門。戶須是舉一明三目。機銖兩尙。恐箭過新羅。何況向古人模子上。脫宗師口頭邊。寬枉用心。神驢年也未夢見。在行禪人相聚。四載臨歸。求語書此。遣之歸到三家村裡。十字路頭。撞著作家。但恁麼舉。似忽有一个半箇。橫點頭。便是老僧話行時節。

示權禪人

大道絕同。各自西東。石火莫及。電光罔通。箇是古人起模畫樣。說話諸人。還曾覷捕咬嚼麼。眨上眉毛。蹉過了也。何況就上爲黃門栽鬚料。掉沒交涉。若於沒交涉處。轉得身。吐得氣。方知道平蕪盡處。是青山。行人更在青山外。權來冷泉相聚。忽起鄉念。袖紙求語。余謂之云。年來西蜀兵火縱橫。如何進步。這裡不顧危亡。進得一步。萬死之中。拾得窮性命。省得親庭與慈明。昔年在兵火中去。參汾陽爲法。爲親更無二致。僧問趙州。四山相逼時。如何。州云。老僧亦在其中。僧云。還求出也。無州云。在裏許。卽求出。這裡不動纖塵。擒下趙州老賊。万堪起我門戶。

示瑩禪人

佛祖一大事因緣。決非小小根器所能荷負。須是將從前惡知惡覺。一時放下。這裡尋箇死路。始得。既得箇死路。又却尋箇活路。方有少分相應。其或影響響遲疑。未免日中迷路。所以道龍象蹴踏。非驢所堪。鵝王擇乳。寧同鴨類。豈不然哉。吁。龍門客少。鬧市人多。

示日禪人

夏末秋初。衲子或歸故國。或遊他方。間有以昏求語者。余謂之云。此事不在言語上。瞿曇一大藏教。豈不是言語邪。何反用老胡西來教外別傳。所以魯祖見僧來。便面壁。麻谷見良遂來。便携鋤入園去。乃至諸大老。或將拄杖打地。或擎叉。或打鼓。或輾毬。總是直截提持。只露目前些子。須是當人性根猛利。一覷便透。復有何事。若向別人口邊覓禪。覓道。臘月三十日。賺却皮囊。悔將何及。日禪人。久在冷泉。忽來告別。求語。書此葛藤。聊塞其請。日若是箇漢。便向這裡跳出草窠。昇騰雲漢。方表行脚本色。道流。倘更擬議。箭過。

西秦遠之遠矣

示南康先藏主

道在平常日用處。不涉思惟。不落唇吻。起心動念。白雲萬里。老胡西來。初無別法。與人只云。直指人心。見性成佛。心是自家本有之心。佛是自家天真之佛。干他什麼事。所以二祖請安心。老胡云。將心來與汝安。云。祖云。覓心了不可得。老胡云。與汝安心。竟正是借水獻花。何曾加一點外料。其他老古。雖盡是直下顯示。要人向這裡直下。搆取見汝。不會畫出一箇樣子。如磨磚作鏡。打車打牛。豈不是樣子。譬如擲劍揮空。不論及與不及。斯乃虛空無跡。劍刃無虧。豈不是樣子。似地擎山。不知山之孤峻。如石含玉。不知玉之無瑕。若能如是。是真出家。豈不是樣子。以至拈一機示一境。眼觀東南。意在西北。伶俐漢。三千里外。如水投水。惟是鈍根阿師。錯認砂糖。喚作蜜。過在阿誰。先乃是谷源老師兄之師弟。南北兩山相聚。山僧見面。只是和南問訊。亦不曾有樣子。與他先亦非向人背後叉手者。切宜勉之。

示壬禪人

行脚高人當爲何事。不是緊峭草鞋。向諸方走一遭。喚作行脚。要須遇真正宗師。理會父母未生前一著。令頭正尾正。透頂透底。將來臘月三十日。生死岸頭。放手脚之際。果然使得著。方不辜負而今東西奔走。經涉寒暑工夫。亦不辜負父母養育師長訓誨恩德。棒打石人。頭曝曝論實事。不是口頭說了便休。須是下鈍工夫。寬作程限。急著脚手。得一回白汗通身。方能不疑天下老和尚。舌頭到得恁麼田地。始是本色衲僧。自然不受人瞞。他人有無邪正自家却辨白得出。壬有省親之行書。此遺之汝。能不問在衆在家。念念不放捨。管取有到家時節。

示遠知客

心本明妙。法自圓成。如一亘萬里晴空。更無絲毫障礙。無端境風忽起。識浪遂騰。日復一日。不自知覺。若根性猛利。劃斷從前許多情識。明見本來心性。方知有心則有法。無法亦無心。淨裸裸。絕承當。赤洒洒。沒窠臼。便能運出自己家珍。隨意借用。何處不是本地。

心拍驢駒

風光何處不是祖師巴鼻。拈一莖草丈六金身。儼然有甚外物。而能掩蔽。不知有此。却向頑空裡撈摸。將謂有禪。可參有道。可學。茫茫儘於外邊打之。遽作實法。會豈不見趙州云。我要覓一箇不會禪底。做國師。五祖演云。向虛空裡寫祖師西來意。五字若寫不得。佛法無靈驗。恁麼告報。意在於何。快人一言快馬一鞭。何不向二老漢。句下瞥地去。更若遲疑。主丈生根。驢年也未到休歇處。南州北縣奔馳。便是鐵鞋亦須踏破。幾緡此輩。名爲可憐憫者。遠在冷泉掛錫。八年浪黑。衆底想亦曾中。自有日月語。不出口。以未參太白老爲不足。翻然欲渡錢塘江。吳不可遏。玲瓏那畔一句子。山僧亦不敢舉。縱舉亦不完全。汝到彼中。切須子細參究。今透徹無邊。回來舉似老僧。賞汝一頓無麵鉢。託。

示性禪人

趙州和尚云。未有世界。早有此性。世界壞時。此性不壞。且如何是此性。莫是言發非聲。色前不拍麼。莫是了了常知。言不及麼。若恁麼。鄭州出曹門。且喜無交。

涉豈不見死心送方侍者云。念念向本家。本家即心也。念念行吾道。吾道即性也。吾心性無二。佛法更無也。雖無棒喝之機。却是金石之語。明性上人相聚已久。混在衆底。不識其面。嘿嘿參究。還曾明見此性麼。不是口皮邊弄些滑頭。便當得去。古人云。了了見性。如觀掌上直須恁麼。方稱本分衲僧。行脚不枉踏破草鞋。若也果然於此。徹見分明。百億須彌。盧百億四天下。近在目前。苟或未然。祈願望鄉關也太遠。在前途各宜努力。

示李制幹法語

佛法不離日用。日用百發百中。飲食起居。折旋俯仰。總在裡許。爲衆生拋家日久。向外奔馳。以此如行暗室。撞牆撞壁。不知自己有大光明。照天照地。豈不見龐居士有偈云。日用事無別。至運水及搬柴。至哉斯言。運水搬柴。既是神通妙用。一切處經行坐臥。開言吐氣。動轉施爲。那更別有李君敬重佛法。出於天資。非是勉強。一日以昏求語。欲爲修行指路之要。見其誠實。只得吐心露膽告之。但請十二時中一切放下。

小兒子監觀

端然宴坐。內不見有四大五蘊。外不見有山河大地。空蕩蕩地。轉向那邊更那邊看。是什麼道理。一旦正眼豁開。便見本地風光。亘古亘今。不曾減一絲毫許。急轉頭來。兒子細點檢。元來尋常日用中。不出這箇。更無第二人也。既得田地穩密。直須遇明眼人。千煅萬煉。方成一片精金。更無銖兩。走作生死岸頭。全憑這箇氣力工夫。不到不周圓。言語不通非眷屬。

示秀監寺

大海波濤。湧于江水。逆流龍王宮殿裡。不見一人遊。龍王宮殿。非乎凡者可得。而到佛祖間。城豈狹劣者可得。而詣大凡參學。須是打頭不撞著邪師。初步穩實。無毒氣入心。進得一步兩步。必然正當。縱不透頂透底。亦可與人爲鑑。爲鑑這箇門戶。非是抱負才學。三經五論。所能了辨。所以牛頭橫說豎說。不知有向上關。板子普化掣風掣顛。却識得臨際小厮兒。白雪陽春和者。蓋寡還他過量人。方明過量事。秀多季相聚南山歸堂司。北山歸庫司。純確篤實。專以此道爲懷。必諳這般說話。以親在堂。欲歸省向求語。迅筆謾

書以塞其請。若是那一著紙墨。取攝不得。秀於語下。直下點頭。亦免山僧手中痛棒不得。

示清菴主

禪非意想。道絕功勳。果要參學。拚得一生不會。口邊白醎。生內外中間。一時放下。向空蕩蕩。處處著眼看。不論期限。以悟爲則。喫粥喫飯。時管幹事。事件時應對。賓客時語言。動用時念念。只在裡許。因緣熟工夫。到一朝如睡夢覺。如蓮花開。不待思量。計較。舉著古人話頭。若破竹相似。節節更無滯礙。還管怎麼做工夫麼。若是工夫不間斷。管取有到家時。節自然不疑。佛不疑。祖不疑。天下老和尚。舌頭一切處。一切時。百匝千重。束縛不住。方知道長安一條直路。來者自來。去者自去。元無禁制。移一步踏著。瞿曇春梁發一機。穿過老胡鼻孔。菴主名志清。欲求別號。號之曰碧潭。更宜著力參究。庶不辜碧潭之號。如或不然。且向冷水裡浸殺。無有出期。

示傳侍者

向上一路千聖不傳。學者勞形如猿捉影。盤山老子

吐出心肝。當陽顯示。罕逢穿耳客。多是刻舟人。後來慈明道向上一路千聖不然。陽春轉入胡笳調。天高地迥少知音。亦有尊宿道向上一路險。亦有道向上一路滑。於唱教門中各出一隻手。別無不可。若是向上一路驢年也未夢見在何故。諭如蚯蚓欲昇烟雲。無有是處。閩中傳侍者癡絕上足。雪峯徒弟在太白坐夏。暫還鄉。因過門相訪。炷香求語爲舉前段。因緣傳忽到途中。猛省不動纖塵。拽取太白峯與象骨山。圓額許汝向本參事中有箇入路。其或未然。眞覺向來行脚時。三到投子。九上洞山。汝更須上太白峰一轉始得。

示師承副寺

究明此事有利鈍之器。故遲速不同。利底一咬便斷。自有生涯。鈍底三二十年粘手綴脚。卒無討頭處。所以高亭見德山。山隔江招手。亭便橫移。而過後來開法嗣。德山長慶坐破七箇蒲團。因捲簾大悟。豈非實有利鈍。故悟有遲速不同。蓋隔牆見角。便知是牛。隔山見烟。便知是火。一提提得去千里萬里。方堪爲種。

草今時叢林淡薄說不得這般話也雖然如此不可因噫廢食乘相處甚久臨歸求語余謂之云許多時相處是有語耶是無語耶若是有語何用求語若是無語尋常寒溫語話是箇什麼到這裡已是命若懸絲一刀兩段老僧代你下手不得更在勉旃或撞著屋裡人從頭舉似若是眼裡有珠底必然有一轉語山僧那時未免耳熱

示聞藏主

赤肉團上壁立千仞宗師用處理出多途只要當人眼孔開情識絕便知著落所以鳥窠吹布毛麻谷見長遂來往園中去其他老古雖拈一機示一境者何限盡在世界未具已前略露目前些子如將折箸攪海令魚龍知以水爲命而已眨得眼來早已三千里外須是夙有靈骨舉一明三方堪共語若是一生兩生出頭向皮袋裡者所願望鄉關遠之又遠況近時衲子用心不純一件件要會要知只這要會要知底便是業諸團子使得七上八下如何得到田地休歇去所以古人道若論此事直須揮劍若不揮劍漁父

棲巢只如仰面不見天低頭不見地喚什麼作劍還用得麼若也用得萬里絕纖塵太平增氣象若是鉛刀子東割西割鈍置殺人不勞拈出聞徧參諸方卓然有立久在冷泉他山矣動以紙求語迅筆書遺聞若有血氣向句下翻身老僧隱身無地設若囊藏珍惜展似同人亦使老僧行年在坎不干聞事

示純上人

子純上人冷泉相聚四載一日告辭欲求語爲自警余云此事決定不在言語上無你用心處無你著力處須是大死一回方見皂白所謂古人曾道懸崖撒手自肯承當絕後再甦欺君不得若是冊子上鑽妍他人口邊三言兩句一期記憶向皮袋裡正是生死根本腦月三十日一場無合殺要急切相應但百不知百不會三二十年如響如啞方堪入作還拚得恁麼工夫麼但辨肯心必不相賺山僧如今攢花撥錦與你寫數句亦不難汝他時異日眼一開喚作惡口決安罵我道是草裡漢無疑況余平昔不曾摩捋人不曾狐媚人行底便是說底說底便是行底純未有

年更在努力萬一有些造入處回來吐露棒打石人頭。曝曝論實事一句不相當。山僧年老拈棒不起。却恐飛來峰在傍。冷笑。

示燈禪人

前輩行脚自家先具眼。目若是小菴小院有氣息處也須驗過。便是三百五百衆處。禪床上老骨。搥口裡水漉漉地。掩鼻便行。寧去古窟裡寄宿。此亦無他。恐邪氣入心。難爲料理。喚作打頭。不過作家到底終成骨董。真正作家宗師。無許多之選。一拍一唱。可以起人膏肓之疾。久久依附之。亦成得箇洒落。僧不辜行脚之志。燈禪人向在南山相聚。又來北山。不覺三載。忽起鄉念。炷香求語。余謂之云。向來有一轉語。已先分付了。還記得麼。若記得當處。卽是家鄉。若記不得。一任斫額。

示禪人法語

參禪上士。眼似流星。救得眉毛早已失却。鼻孔須向十字街頭。携手孤峰頂上翻身。逢強則弱。遇貴卽賤。拈起蓬蒿箭射透須彌山。脫白沙彌。豎點頭鐵面。

否疑合

僧高著價。殊不知恁麼也不得不恁麼也不得。寰中天子。敕恁麼也得。不恁麼也得。草否家風。別這般說話。久在衆中。兄弟不是攢眉。決是掩耳。遂寧照首座游涉江湖二十餘年。相從於湖寺。煩在版首練磨。既久。定知著落。不待老僧。說這兩片皮也。以老娘在懷香告別。未知相見何日。若道日日相見。落在南山窠裡。若道千里同風。西川有人不甘拄杖。頭有眼不妨別道。簡接手句。令老僧口啞。始得其或未然。路邊逢著無文。挨子切忌舉首。

改疑得

靈山會上拈花微笑。胚胎千古萬古一場殃。禍不同小小多子塔。前是第幾重。敗闕鉄作心肝也。未免被它鼓弄。何況趁隊墮飯。泛泛之流。脚下何翅泥深三尺。所以參學先貴眼。正我眼若正。任是三頭六臂一切變現。終不被他撼動。豈不見南泉出世。菴主端坐安然。趙州用盡神通去勸他。納收一場懺懺。而迴常禪師見馬祖。得卽心卽佛之旨。遂入深山。祖令人去試驗他。以非心非佛之語。終是懺懺不動。祖便知是梅子已熟。所謂東家点燈。西家暗生。龍嘶海寶。游魚。

沿流不止問如何。眞照無邊說似它。離相離名人不
稟吹毛用了急須嚙。咄這小厮兒尋常一喝如青天。
霹靂向什麼處去也。却來這裡平地上攪魚蝦討什
麼碗。雖然能有幾人領會。若領會得赤肉團上眞人。
猶未免呌屈在。何況新婦子怕阿家相似低聲下氣。
若據叢林正令而行。合把吹毛斬爲三段。免見鈍置。
後來但恐盡法無民。南山只得放過一著。石泉照維
那偏參年久。曾侍雪峰。自牧老子力材恰似矮闊黎。
亦有紫雲未過白雲先過底。作略乖則乖矣。然無柴
無水三十年倒同。如何免得此厄。阿呵呵老僧辱水
潑。鴛鴦前路逢人休錯舉。

參授須還猛烈漢。如大將軍上陣。與萬人敵。貶得眼來。性命已在別人手裡。豈是殃殃。祥祥。小根小智。所能彷彿。近來法道衰頹。但存叢林規則而已。若論真實要理。會此事。誠如天上揀月相似。設有一個半個。

坦首座住南昌龍泉求法語

夫子不識字。達磨不會禪。御樓看射獵。不是刈茅田。

真正衲僧。目機銖兩舉。一明三終不啞。噉他古人祭鬼神茶飯。十二時中。自行一條活路。東去西去。誰敢障礙。大鵬展翅。衆鳥迷巢。師子嘯呻。百獸逃匿。若是小根小智。一知半見。蘊在冒襟。以爲奇特。纔動步。便凭却拄杖子。忽然被人藏却。一步也移不得。堪作什麼。此無他不曾撞著作家。與伊卸下舊日毛衣。所以耽成窒礙。坦首座南山北山。相從十有餘年。全無近代學者氣。習出來人前一言半句。目前包裹。却不不同。模子裏脫出。江西西山龍泉虎席諸山公舉。隆興使君點請。此亦時節因緣。不屬造化。遂勉之。今著草鞋。便行臨時。出此軸求語。以爲警策。扇子踈跳上三十三天。築著帝釋鼻孔。丈子化爲龍。吞却乾坤大地。箇是尋常言論。更不必舉著。記得五祖師翁有兩言。句萬般存此道。一味信前緣。若存此道。則決定不雜用心。不壞常住。不惱衆不傷物。若信前緣。則院子不分大小。利養不圖厚薄。苦樂逆順。更無二致。果然行得者。兩句一生事。辨五祖所謂諸方說禪。我者裏行禪。自然暗合。燈籠露柱。總是同參。大地山河。元非別。

令字更動

有更有一句子。老僧口門窄。不能爲你說破。得坐被衣。向後自看。

回少保孟節相法語送壽像來寶寺

膺月五日。有一沒量大漢。從西方來。突然在山僧面前。寒溫語話。一切尋常。幸然無事。無端却言捉得靈山大衆真賊。令山僧點檢。山僧子細看來。只是無主賊。賊不勞再勘。末後又令山僧下轉語。有處不得道。無處不得說。太無厭生。殊不知山僧每日著草鞋。在無庵肚裏。過了數百遭。既是屋裡人。豈得不知不覺。且道前來沒量漢。向甚處安頓。送在寶壽接待院。高高掛起。燒香薰他鼻孔。令五湖四海衲子。到來一一勘過。看這漢面皮厚多少。咄。

示澄禪人法語

至道無難。惟嫌揀擇。但莫憎愛。洞然明白。這裏休歇得去。便可罷參。復有何事。古人一言半句。如將一百二十斤擔子。送在你肩上。相似你若是箇漢。揀起便行。更不回頭轉腦。忽若懵懂之流。却問道。你這擔裏是什麼物。便是擔荷不得也。這箇行戶。無你口議心。

思處貶得眼來向甚處去了。快人一言快馬一鞭。已是切恨。何況七十三八十四。如之若何。草鞋驚口。策不爲分。外同生同死。來稱全提。脚後脚前。討甚碗子。澄禪人冷泉相聚。兩夏一意辨道。不知還曾恁麼體究。做工夫麼。莫只向心性上交。觀臘月三十日不濟得事。如人喫飯。饑飽須問自己。他人那得知之。他時後日。眼開方信。老僧不胡亂。錮錮人家男女。勉旃。旃。

示澄上人法語

大事未明。如喪考妣。大事既明。如喪考妣。古人怎麼垂示。意在於何。須知盡乾坤大地。無一芥子許。不是當人放身捨命處。有志之士。咬定牙關。不論歲月。究教徹去。直饒到言發非聲。色前不物。田地亦未是極。則處喚作路途之樂。終不到家。掣開金殿鎖。撞動玉樓鐘。也是暫時遊戲。三昧須是胷中珍惜之物。一時蕩盡。所謂玉屑金錢大丈夫之不寶。始是一員無事道人。無病藥箭後路思之思之。

示常州壽長老法語

諸佛心宗。心非外有。祖師密意。密在汝邊。上根利智之士。才聞舉著。掇起便行。猶恐錯認。橋皮喚作火。何況擬議。尋思。如之若何。黃連和根煮。未是苦鍊牛。不食欄邊草。胡蝶豈戀舊時窠。直須擺動精神。直截當機。要用便用。目前在目前。死上馬見路。借手行拳。才恁麼。便不恁麼。如出窟獅子。哮吼一聲。百獸屏跡。非是強爲法。如是故。或作金州路上客。難語此也。壽長老新得雲居之命。以此軸求一語。迅筆示之。

示詮禪人法語

參禪要透祖師關。妙悟直須心路絕。祖關不透。心路不絕。大似魂不散。死人有甚用處。豈不見芭蕉示衆云。你有拄杖子。與你拄杖子。你無拄杖子。奪你拄杖子。杜撰禪子多。向有無與奪處。處搏量卜度。驢年也未夢見。在有無與奪處。卽且置。喚什麼作拄杖子。這裏眼裏有珠。不動神情。擒下芭蕉。老漢汾陽又道。識得拄杖子。一生參學事畢。且拄杖子作麼。生識曲。禾木。蘆。藕。藜。有眼者見我。且問你如何。是參學事。黃頭碧眼。天下老和尚到這裏。總須茫然。山僧道。解用不須。

雙刃劒。延齡何必九還丹。耐遲□不在家死。獅子那能食兎錢。

示總書記法語

摩騰入漢之初。惟傳經教。老胡航海之後。方有禪宗。所謂教外別傳是也。且道傳箇什麼。須知這一捏子。輕如鴻毛。重如泰山。還他有力量。大人方能荷負的。相承綿綿不絕。所以前輩悟心之後。徹底攪不渾。通身撲不破。三蔑束肚。隨處住山。木食草衣。刀耕火種。向饅頭邊覓一箇半箇。令這一捏子相續不斷。非是爲自己便安之計。苟不然者。驢負麟角。羊蒙虎皮。以黃頭碧眼爲奇貨。賣弄裨販。不足污人唇齒。總書記在衆年深孜孜。念道不墮。此數偶臨江。厨山虛席。使君移書遠來。相招美意。有在古人不擇院之大小。衆之多寡。顧在我如何耳。先德云。萬般存此道一味。信前緣可見前輩履真踐實。若果然行得這十箇字。一生能事云畢。更有不涉紙墨一句子。已是狼藉切宜勉之。

示珂書記法語

參方衲子。出一蓼林。入一蓼林。撥草瞻風。不憚寒暑。喚作參禪。畢竟禪作麼生。參若傾頭側耳。向禪床上。老骨趺七十三八十四。賺過一生。若從古尊宿。策子上尋覓。食人涎唾。白雲萬里間。有發志之士。雖勤苦。猛利晝三夜三。然不識根源。坐在黑山下。鬼窟裏。冥冥漠漠。無出頭分。古人道。時中常在。識盡功成。瞥然而起。即是傷他。何不依他。古人垂示子細著眼。看藏。食易飽。細嚼難。饑立沙和尚道。我與釋迦老子同參。僧便問。未審參什麼人。沙自指云。釣魚船上謝三郎。可謂真鎗。不博金。學者真實要參禪。這箇是第一等樣子。也何不恁麼參。看珂書記從遊。南北山多歷季。所非獨於道介念。又嘗讀古今書。山僧前項許多葛藤。且道五經十七史中。還曾有恁麼消息麼。若道有。那裏一句。是若道無。天下終無二道。但恁麼看。忽然咬著舌頭。省親事畢。急急歸來吐露。山僧別有分付。

示祥禪人法語

無位真人。乾屎橛。大唐國裡無禪師。見成公案。不肯承當。萬里江山。徒勞經涉。靈利衲僧。一喚便回。擔板。

阿師三千里外雪峰。但云是什麼趙州。一例喚喫茶。若是仙陀婆。透徹本參事。須汝自肯。非我所知。

示小師珪上人法語

多子塔前清風匝地。曹溪路上荒草連天。不是苦心人。不知自家肚皮自家劃。瞎驢種草。蹴踏自由。蚯蚓蝦蟆食泥土。更欲尋言逐句。生身活陷阿鼻。直饒蔓玉鏗金料掉。轉沒交涉。神仙祕訣。真堪惜。父子雖親。不可傳。

石田和尚語錄卷第三

石田和尚語錄卷第四

讚佛祖

出山相

未出山時。四方風悄悄。纔出山來。平地洪波湧。箇般醜舉止。邈得將何用也。好長時展起。隨分蘸三錢。兜樓香薰他鼻孔。

健即經行。倦即打坐。思惟四十九年。做得許多口過。開眼堂堂。只成話墮。浩浩清風。樹杪來直下。知機能幾箇。

觀音

入正定。作正觀。衆生受苦。我心何安。隨類現身。無處覓天風。卷海夜濤寒。聞聲聞無所聞。見色見非是。見燕坐盤陀。不定不亂。盡大地悉證圓通。我方滿度生悲願。

觀音思惟像

苦海深悲願。廣作是思惟。云何方便。普使群生登彼岸。

馬郎婦

聲色純真。見聞不礙。宴坐經行。得大自在。腳頭腳底。黑漫漫。又逐春風婦馬郎。

達磨

白壁暗投。遭他按劍。折得莖蘆。還衝巨浪。闔國人追。亦不回掩。羞賴有閑和尚。我東土人。一性純真。被他明破。不直半文皮肉骨髓。

狼藉分爭。當時若藥得死。今日定見太平。

孟浪到梁朝。不契梁朝意。放過一著。走入魏地。神光謾說安心。未免失却一臂。

初祖

航海越漠來。幾度藥不殺。壞我震旦人。至今斯漏漚。

二祖

覓心無處覓。當下便心安。早知永是水。兩臂定完全。

三祖

覓罪不可得。更於何處懺。雲霧豁然開。青天孤月上。

四祖

誰縛無人縛。何更求解脫。未必右軍鵝。便是支郎鶴。

五祖

栽遍滿山松。暗地翻身轉。雖然得信衣。何曾識爺面。

六祖

腰石碓坊春。不識一丁字。無樹亦無臺。猶傳鉢袋子。

布袋

杖挑布袋雲。生脚下前街。後巷渾無顧。籍拊背喚得回。幾人能領話也。且只得奈煩鐵奉化人。難化。

辭兜率。混凡塵。閉眼昨夜肚裏惺惺。何如起來提却拄杖子。東行西行。忽然等看箇人。

乞錢錢。又無等人。人不見。不知兜率天。何如奉化懸拍手。呵呵。天回地轉。

豐干寒山拾得圖

三人必有我師。臭肉元同一味。把手聚頭。蘇盧悉里。只因一等饒舌。兩箇隱身無地。可惜當初。國清寺裏。一隊懵懂師僧。更沒些子意智。

四睡圖

一等騎虎來。兩箇挨肩去。松門外聚頭。覷作一處睡。夢蝶栩栩。不知孰爲人。孰爲虎。待渠眼若開時。南山有一轉語。

言法華

脚踏木屐手。指虚空。法華三昧舌。本玲瓏。連書十三如虫蝕木。引得一類邪徒。至今胡卜亂卜。

寒山拾得望月

木葉題詩。寺厨執爨。遇夜乘閑。林間舒散。一片冰壺。無影像。分明照破渠。肝膽堪笑。當時天台山中。也無

一箇具眼

猪頭和尚

手把猪頭易見難議。莫教說破分文不直。

覬子和尙

把箇里撈波做盡窮伎倆。推出酒臺盤至今收不上。

楊岐和尚

不會禪也住院旨的全無。種田博飯大笑接白雲瞎漢。無端帶累徧地兒孫。至今東西不分南北不辨。

贊五祖演和尚

參錄公猶未瞥見白雲。方始徹果有超師之作。敢道端師。翳語拙。一生居淮不入湖。獨弄單提這一著。至於接三佛控南堂。以一大藏切入囉孃。夫是之謂東山正續。毫髮不移。亘千萬世。源深流長者也。

普化和尙

走城郭。搖鈴鐸。堂前喫生菜。觸著驢性發。勘破河陽木塔。擒下臨濟小卒。賺却鎮州一城人。鐸聲已遠青天闊。

臨濟和尚

空拳捺定。喝聲雷震。閃電光中。要分邪正。駕大脫空。賣無主賊。似恁落賴。心腸至今。却有兒郎。

維摩

據坐胡床。風悄悄地。四八癡人。夜走未免。落他圈穢。七佛之師。也遭連累。石田當時。在傍只消。打箇噴嚏。

靈照女

惡種草生。冤家箇籬。定價分文。不差末梢。猶耐耐機。先不讓爺。

破庵和尚

百無能得人憎。火中釣鱉。日裏藏冰。養子不曾教。繩上更安繩。谷孤古東山。正脉烏戶。呼真本川僧。

贊水月觀音

現自在端嚴。相起利他悲憫。心水茫茫。月沉沉。衆生無盡。我願方興。曉而復昏。混去來今。

贊豐干

走松門。尋寒拾虎斑。易見人斑。難識識不識。惡聲惡跡。成狼藉。

贊布袋

擊風顛走市廊。回頭顧盼。拄杖橫肩。山僧既見。不可無言。因放下破布袋。與你一文錢。

贊三教圖

警世昏三老。翁服雖殊。心亦同於中議。優劣高。箭射虛空。

贊政黃牛

不解倒騎。惟牛所之。郊原平衍。鞭索不施。山黯黯水漪漪。知我者白鷺鷥。

仙人望月濯足

夜靜山空。月半彎。挽衣垂足。滌潺湲。無人領此深深意。別向壺中更覓天。

贊宗道者

走下桐城赤脚歸。半風顛。又半愁。擬草鞋。却把袈裟裹二虎。雙鴉笑殺伊。

贊黃檗和尚

破布裹眞珠。古寺甘守拙。與裴國安名對。百丈吐舌。棒頭敲出小厮兒。却向大愚言下。警警不警。返遭一掌如何雪。

贊蓑衣道人

伴狂混跡。養天和。上界其如官府多。暑了又寒寒。又暑。一蓑衣外更無他。

贊朝陽穿破衲待月了殘經

一衲三冬千針萬線。日影上三竿。眼力增一半。日晷已殂。我經未了。掩卷立須臾。冰壺挂林杪。

福長老繪師像請贊

施不犯令。用無病藥。笑有祖已來錯會者。多將衲僧珍財。盡底藉沒。空腹高心。有年無德。就中一處最堪。怜車子橫推向途轍咄。

潮州禮長老請贊

面如死灰。匙挑不上。祖翁活業。盡情破蕩。無星秤子。拈來也解。分斤定兩。禮長老少。思筭鱸魚。幸自徙化。方勾引渠歸成禍患。

自贊

處世昏昏。臨事草草。太近實頭人。謂古老是非到耳。風吹石臼。只有一般。最不好解。騎三脚驢來往長安道。

總長老請贊

百種無能面冷如水與世落落任運騰騰愛將一字
禪靠倒杜禪僧厨山長老却要稟承谷孤古林鳩砧
各自有響音又何必書此處無金

炬長老請贊

刀不自截水不自洗我真我贊成何道理請之既堅
却之不已有一句子玄沙道底

清菴主請贊

以石爲田舉世恠笑一粒入土不耘自秀也無禪也
無道禪僧未跨門早已勘破了頂門自有通天竅咄

昭長老請贊

全無孔竅指桑罵柳瞎禪僧正眼破東山暗號三點
前三點後起模畫樣已無端一任傍人論好醜

寒岩居士請贊

末法無知老比丘虛空尋縫陸行舟寒岩可謂心腸
毒寫出令人罵不休

尼長老請贊

住山三十載潦倒福緣微全提一著禪子攢眉我無

瀉山之作汝有鍊磨之機自知水底難撈月却倩丹
青染汚伊

秀長老請贊

飛來峰下龍床角畔用沒意志一著師僧遭他惑亂
胡笳忽轉陽春調也有知音來合併描邈將來未得
一半直饒即今此話大行已是彼此兩不著便

贊李源圓澤圖

昭昭靈靈未脫生死等閑狹路相逢無奈這冤家子
天竺山前招角歌至今餘韻在松蘿

贊呂先生

爲儒儒不達學仙仙非真黃龍門下過秋蚊咬鐵釘
回先生回先生岳陽人不識老樹却成精

覺城居士請贊師頂相

全無寸長但據驢性不行深深海底不立高高峰頂
問佛法今日困瞎禪僧眼識毗耶病素與覺城無冤
何事圖形畫影

受業師孫請贊

削髮村院裡嬾陋少見聞信脚到南地也作住山人

龍床角畔脫空話。引得衲子如蜂屯。思歸未得故國夢。頻慙慙藉汝將予去。且看梨花二月春。受業梨花村

自贊

人奔我取人奪我與涉世全乖。獨行無侶超佛越祖。當頭句冷。泉日夜滔滔。舉斂手忘言坐。閑處可憐也。被丹青污。

握拂子坐繩床。默爾無言。其聲琅琅。斷衲僧命脉。壞叢林紀綱。丹青寫出醜惡難藏。一任傍人話短長。

偈頌

道號毒果

鐵樹花開半夜間。枝頭結箇子團團。古今藥殺人無數。不信教伊咬破看。

化柴

祖翁元是賣柴漢。今日無柴却可伶。去謁檀門好取拾。歸來要接午炊煙。

送圭士庵歸蜀在淨慈作首座

昔日隨流今逆流。昔時今日有來由。李將軍本穿楊手。誤向南山射石頭。

化砌竈

鑊已鑄成無滲漏。竈猶未砌正經營。嵩山杖子休拈出。我要粥香聞五更。

送琮監寺住院

桐江江上一絲風。不釣盲龜只釣龍。浮定有無誰識意。夜涼如水月如弓。

上張及庵乞米

南山近日飯籬空。衲子難教口欲風。引臂上方香積界。須勞金粟展神通。

接待

滿甌熟炊無米飯。半途長接不來人。但持此語諸方去。博得知音一笑新。

題石霜雷遷塔

一念慈容元不隔。何須特地肆乖張。平高就下婆心切。惱得雷公一夜忙。

自頌石田

石上栽田世所稀。老農聞說也攢眉。有人下得泥犁種。別甌炊香供養伊。

送韶化士幹靈雲古寺基

劍客重尋眼。翳生至今孤。露不堪聞。老韶直下能扶起。十口精神減八分。

送幹鐘

大爐韜裏笑翻身。空腹高心許十成。好聽玉樓撞動處。和聲送出太分明。

送皎中庵住廣壽

名字馨香滿道途。挽將洞水注南湖。他時把杖來輕探。莫謂從前一滴無。

送月首座住菴

結草爲庵自昔賢。古今誰後復誰先。客來須得通方句。莫只隨邪豎起拳。

送珪上人歸鄉

南高峰對北高峰。兩峰疊上摩青穹。上人闍錫在其下。咬姜呷醋期心空。心空一物無依倚。却笑老胡成曲指。回頭重覓舊家山。莫學我行荒草裏。

吳道夫乞語

走得波波兩履穿。擔頭書卷未能捐。待君思過難摩

病却好重來見石田

送巢道士

一點靈光觸處通。心空不見太虛空。五千言把爲玄妙。濕舌如何裏大虫。

送吉州雲上人

語言動靜總天真。叉手徒勞問別人。舊說青原白家酒。子歸切忌再沾唇。

和真歇墨蹟三頌

箇事全超浩劫前。借功明位不徒然。但能不觸親爺諱。一任水輪在處圓。

縱然萬象體元真。雨沐雲蒸到眼新。開口恐成隨類墮。相逢多是笑吟吟。

撒手懸空萬仞崖。方知佛祖絕梯階。無端諸老爭呈醜。未免將身一處埋。

尼了然幹藏乞語

三邊繩床眼未開。起模畫樣爲安排。葛藤棒子如成就。自有龍天出手椎。

茶湯會乞頌

鋪心無下亦無高一等無心次第。澆便是口吞三世。
佛沾他涓滴也難消。

城中出隊

人家百萬帝城中。應念南山徹骨窮。鐵壁重重挨得。
入策籬無柄。咎春風。

斷臂僧復田業

古人斷臂竟安心。豈有他能我不能。好手手中誇好。
手千年常住一朝僧。

送韶鐵鞭住西余

西余舊說端獅子。解弄如今有幾人。不是區區謾相。
屈要看手眼一時親。

送僧

久旱吳田半不收。子今西浙往東州。且圖有展炊巾。
處佛法從教爛却休。

送圓禪人

靈山無地可容身。好泛江湖去問津。東浙蘂林如海。
闊但參露柱莫參人。

煎笋

錦繡乍脫玉爲肌。更著油煎供養伊。鹽醋費他多少。
了舌頭換却不曾知。

相士朱蓑衣

閱世双眸自有神。酒澆曾次語生春。一蓑衣底乾坤。
大切莫忽忽說向人。

空上人乞頌

冷泉近日飯籬空。無奈栽田歲不逢。有个休粮方子。
妙禪僧競去問天童。

和戒首座韵号石潭

兩目瞳瞳視碧霄。生吞佛祖氣雄豪。石潭誰得知深。
淺盡日金風鼓怒濤。

送照上人歸蜀

我墮南來鬢已衰。汝今何得悔來遲。烏藤蹣跚還歸。
那佛祖從教不展眉。

贈雲谷先生

卦盤撥轉味天機。禍有胎兮福有基。昨夜字星移一。
位先生睡著不曾知。

送祖上人

祖祖相傳直至今天。高地過少知音。到家人問相傳事。但道真鍮不博金。

一化士取血和墨寫藏經乞頌

欲書火後舊時經。剔血和煤字字真。未學筆前全藏了。聞絃應有賞音人。

彬監寺爭田

衲僧公驗既分明。祖父田園盡力爭。他日水雲同一飽。幾人放筯便忘恩。

端大師

峻峴門庭老末山。清風凜凜固難攀。古今彼此元無間。只在當人反掌間。

送小師遊方

莫辭脚力造諸方。佛法無多要久長。歷盡崎嶇到平地。歸來掀倒破禪床。

示衆

劒刃隨身猶是鈍。屋頭問路太無端。楚鷄不是丹山鳳。何必臨風刷羽翰。

送炳藏主歸鄉號南山

江海浮遊歲月移。五峰曾契少林機。白拈果有超師作。和我南山載取歸。

送小然還鄉

及早遊方及早歸。參禪須是後生時。傍人不必輕相笑。臨際元呼小厮兒。

贈通禪客

龍墀問法動天顏。天贈黃金一萬錢。打得衲僧公驗正。通禪依舊是通禪。

送師孫昧禪人

十五爲僧二十歸。途中莫比在家時。老僧留浙汝回蜀。三昧從來古不知。

辭淨慈赴靈隱

湖上牢牢把一關。孤危獨立絕躋攀。老無定力隨風轉。又向南山逼北山。

題參政樓公二圓相圖

皎然書平定字。攻愧寫二圓。相引得多少。平人望雲上。樹且喜雨沒交涉。要知的實却須親見石田。

跋真歇墨蹟

真歇老子與慈闈書諸方題跋各出已見互若不同殊不知書首云再覆則是當自有別幅也言及奉詔住山并問親眷上下亦母子之至情又何嫌焉豈必言言言出世外然後爲得哉學者宜於此求之

題卮菴墨蹟

卮菴空裏探花諸人石上種藕三點前二點后動南星蹉北斗山僧口似礮盤舜若多神失笑

何居士書華嚴經請跋

華嚴大教諸經極談一字含萬法一音徧一切口議心思濕紙包火何君書而施諸名山有緣者披誦非從五十三參長者居士中來安能如此若於白紙黑字外不起一絲毫知解則大人境界其庶幾焉

萬善友書法華經請跋

法有三周喻凡七種止止牢辭不肯容易便說切切勤請必以開演爲期不得已八字打開用副彼四衆渴望萬君善友剡藤墨書毛穎淘泓俱有成佛之分銀鈎鐵畫當收輔教之切是最上因緣豈淺功德哉我有大經卷量等太虛空目前直下辨端倪帋上方

知成染汙

跋家侍郎爲信禪人刻佛偈

資陽宗信禪者在俗時刻石肖佛像極其精妙一旦棄去祝髮學佛乞語於存齋居士說偈示之滔滔委折無異佛口流出不知信能領會否雖然猶欠一著在居士偈首云手中千萬億佛一一悉從心起信可往問居士不知某甲心從甚處起居士決然別有轉身一路若也不能切忌死在居士句下

題劉右司筆蹟

朔齋居士爲傳侍者書龍門及白楊語出以示予求書數字於後予云二老言端語端朔齋心正筆正汝能篤信力行即日策勸聖處毛穎淘泓俱有一分功德況朔齋乎

跋游丞相爲印上人書心經

般若心經大資相公所書一字是一字印上人授持一句是一句石田不敢措一浮辭以謗真實義諦癡絕寫師上堂心禪人以之求語

南山半夜信脚過連雲太白無端走筆追陳跡心禪

人謹謹收藏。不知與山僧有甚死冤。見者不可不爲雪屈。

小佛事

爲太師史衛王起靈

三界無法何處求心。四大本空應無所住。故我太師衛王。乘願力而來。乘願力而去。以去來爲寂滅之場。以生死爲遊戲之具。千載一時。百世一人。位兼文武。澤被寰瀛。曾扶杲日。直掛青冥。視伊傳周召。未肯多遜。孜韋李房。杜莫之與倫。至於相門出相。聲光赫奕。二十七考中書。汾陽亦應避席。登耆壽。保終吉。茹土裂封王爵。世襲此又振古所無。豈可求之方冊。今而已矣。孰不痛傷。仕宦至將相。富貴歸故鄉。昔未得歸。今始歸。生死二途。元不別。二途不別。十字縱橫。腳頭脚底。通霄路。直踏毗盧頂上行。

爲鑒喝堂秉炬二月十六日化

圓悟的骨孫。仰堂破家兒。住山鉤斧子。六七處提持。歲晚力辭佛日。歸掃靈山。室重拈栗棘金圈。拶得二精僧上壁。等閑時節。至撒手臥長空。觸轅山後信息。

不通瞿曇十五日。便恁麼喝堂十六日。也恁麼遊戲。死生無可不可。無可不可。八面玲瓏。楊岐馱倒。踰踰殺丙丁童。

爲燈上座入塔

室內一盞明燈。三人證龜成鼈。只因這個話頭。萬里奔南走北。如今油盡燈殘。覩見本來無物。某既是本來無物。且道這個作麼生商量。日月不到處。特地好風光。

爲遠首座下火

鍾山後板會分座。慧日峰前又聚頭。夢裏翻身忽知有。橫吹玉笛過滄洲。遠首座住南山。有語重分付。且道分付个什麼。海底火燒天。逢人莫錯舉。

爲紹宗上座下火

是何宗作麼生。紹百尺竿頭。放開兩手了。了了無可了。打鐵不離火星。目前一任踈跳。

爲清上座下火廣州

鎮海明珠。絕無瑕類。脚踏南山。親遭擊碎。既擊碎須領會。前路逢人。索此珠一揮。石火青天外。

爲月藏主下火

大藏小藏半月滿。月和底盡掀翻。萬里一條鐵。便恁麼未親切。山僧口似磑盤。却聽火把饒舌。

爲辨藏主下火

辯漏黃河已落第二口。挂壁上雷聲震地。个裏綽得便行。毫髮不容擬議。脚下烟生。頭上火起。

爲林上座下火

玻璃江上方發足。飛來峰下便抽單。不涉程途一句子。烈焰堆中斫額看。

爲燈上座下火

不受燃燈記。不參閑達磨。生死牢關一拳打破。饒你如是也。未放過。直須隔山見煙。不用鑽水求火。

爲小師贊上人下火

一病纏身竟弗瘳。室中又減鞠多籌。須彌那畔重開眼。要見精金火裏求。

爲珍上座下火

從門入者不是家珍。不從門入者亦未是家珍。恁麼則埋沒先聖。不恁麼則辜負已靈。珍禪人當爐不避。

火春來草自青

爲文侍者下火

生佛未具。文彩已彰。觸體覩破。絕依倚。跳出無魔。必死鄉。且道跳出後如何。優曇開火。聚嗅著不聞香。

爲秀禪客下火

多年立戰口。嘴嘴嚙頭頭。有路步步升高。食程太速。擲這一交。擲則擲了也。還記得昨日話頭麼。舉火云。雖然眉毛只在爭奈鼻孔已焦。

爲太法公下火

不書壁間偈。不傳夜半衣。六十三年空守幾莖白髮。垂垂時節。既至忽爾知歸。推倒那邊無影樹。却來火裏再抽枝。

卷第四終

行狀

師名法薰。號石田。眉山彭氏。前靈隱瞎堂遠公當淳熙間。

熙間。

詔問佛法。奏對稱。

旨。賜號佛海禪師。其族祖也。師生而敏三四歲時。見佛僧。卽知禮敬。年十六。懇怙侍欲出家。往從丹稜石。

龍山法寶院智明自知慕禪宗二十二薙髮受具戒。曾振策而南。道湖湘訪諸祖遺蹟。初道吾吾。嗣諸禪師居石霜。相距百二十里。朔望必步往拜。吾之塔。耄猶不輟。一夕大雷雨。塔自遷就之。至今號雷遷塔師。因作禮述偈曰。一念慈容元不隔。何須特地肆乖張。平高就下婆心切。惱得雷公一夜忙。師名因是著。次江西疎山栢庭文。壞衲璉威延留之。未幾至浙。見無用。全於天童見秀岩瑞空。叟印於鄮峯。印職師悅衆。已而聞吳門穹窿破菴禪師道望。遂往依焉。一見則爲法器。室中舉世尊拈花迦葉微笑。師云。焦磚打著連底凍。赤眼撞著火柴頭。破菴陰奇之。每於日用語默故起其疑。師於是決志依棲。時咨詢與無準。範日相激礪。期鑒心初破菴。迂吳興鳳山資福。俾師知藏。偶聞舉錫解秤錙。躍然開發。平昔疑滯泮然矣。破菴嘗曰。二人者。堪爲種草。蓋指師與無準也。自是聲燁然叢林中。居無何。資福散席。師遍遊諸老門庭。見靈隱松源岳淨慈肯堂充華藏。遯菴演咸謂其從作家。爐鞴中出自不同也。後之雪川道場方憩宿覺主人。

無傳宗知之。卽挽以分座。一衆悅服。俄出世蘇之高峰。辨香爲破菴拈出。高峯叢爾剎勞苦。戢縮以身率之。未三年爲收觀次。遷楓橋衆繩。繩然有輩行高德。高原泉無準。範卽庵覺石溪。月五六人相伴而住。提持肇展。厥響益宏。鍾山虛席。廟堂精選擇。乃以師補處寶慶元有。旨遷南山淨慈。端平二復有。旨遷北山靈隱。兩山居各十年。牧萬指如一。易腐撓爲壯。灑每念靈徑中途。水雲憧憧。無食息地。當嘉熙庚子之饑。銳欲規接待。遣其徒可仍相攸。西谿閑林間得塢焉。地主因以施。遂傾衣孟辨集之。請移寶壽院額。租入不令過肆伯。或以問師。師曰。吾爲防道者設耳。過則萌後人侈心。而動觀望。其周防爲遠計如此。淳祐甲辰季春。望示徒云。但得本莫愁。末喚什麼作本。喚什麼作末。松栢千年青。不入時人意。牡丹一日紅。滿城公子醉。山僧恁麼道。若不肯底是我同參。又嗣法師俊。繪師像求贊。有云。末後一句分付。厨山衆頗訝之。明日忽示疾。又明日退而歸寶壽。趣辨終焉。丞相泊京尹委諸山勉留至三。返因舉天童。

癡絕冲自代明季孟春十一日。索浴淨髮。易衣。跌坐而終。龕留半月。承癡絕徑山無準淨慈北禪以師全身。窆于院之後山。不違師意也。壽七十五。臘五十。三嗣法三十餘人。度弟子二百五十三人。有五會錄二卷。五堂程滄洲爲序。已鐫梓行。師貌古性直。音韻朗暢。臨事有定見。而能斷護常住。不啻目睛。而不容人之私慈。恕而行。故久而人思之。嗚呼。爲人師者。無它道而已矣。若夫涉世之法。固土苴緒餘耳。然忽棄不省。則吾事不立。古之人未嘗有所偏也。師握鑒爲人。則機不容湊。泊輿事蒞衆。則明不容欺。蔽五遷望。剝閱三十有二年。其策勵衲子。面目嚴冷。斤其外求。激其自到。當時或不懌而去。久而後知其眞實相。爲也。垂示機語。當時或不樂爲傳稱。及示寂後。惟恐其盡見也。故江湖謂師死後。道行亦其興造實。詣有弗容磨滅。而然耶。擢節而足。用審量而計功。雖有大興建。一毫不以干人。見它處持疏。驚候人門。咕囁縱臾。以希施予者。直鄙而笑之。而土木金碧在處成就。南北兩山殆遍焉。北山又增寘溧隔上腴貳千餘畝。皆

它人所難。而師出於遊戲。至詞章駢儷叢林所需者。雖不從事乎此。或有所爲。操筆立就。敷腴調暢。非凡淺者所能到也。末葉彫零。人物眇然。長於此。或短於彼。若師者可謂兼之矣。士大夫以此道扣擊者。未易殫舉。而少保孟無庵爲尤密。至受衣而稱得法。豈無自而然哉。茲余客北山。師之徒可述與師之孫不昧過余而言曰。子昔從吾師於淨慈。其出處始末。知之悉矣。蓋有述焉。義不得辭。故爲直書其行事之迹。以詳告後之人。若夫掇其大者。銘以垂諸遠。則已屬左史楊公大手筆云。淳祐庚戌仲夏四明比丘大觀謹狀

祭文

中奉大夫試禮部侍郎兼直學士院兼侍講程公許

維石田老江鄉名家五濁海中優曇鉢花弁儒而釋如古丹霞挑起鉢囊周遊天涯邂逅破庵古道鐵蛇赤手捕取雷攫電掣開堂楓橋起廢咄嗟永明靈隱法鼓日轟橫拈豎說西抹東塗參徒雲集袂屬肩差土木餘事無絲粟差八面受敵人莫我加晚管把茆

岩谷餘竚以病得間歸亦可嘉某生晚識昧幾井中蛙言從師遊如陞寶階矧是生緣同眉丹厓忽耳諱間不勝慘懷四大合離撒土搏沙眞見道者何所安排一炷水沈一甌茗芽無縫塔中生耶死耶尙享

武翼郎特差江南東路兵馬鈐轄兼本路馬步軍副總管建康府駐劄 方正

夫情親則千里而肝膽心異則交臂而楚越此上古之至言也師孕眉山我生東浙地角天涯夢不可得一逢笑領如合符節隆我以道全我以義幾二十年而無少衰焉豈非心之與情於此見矣師之遊歷江湖主張法席兩奉 詔旨鎮南北山鍾鼓號令功勞建績雖金石不足以紀其行業有竹帛不足以書其功德至提向上機施不傳妙又非我之所盡知也何期厭棄東土遠携隻屐翻翻而西之嗚呼冷泉寒洗玉眉山踈露骨千古萬古中我師元不滅一甌表世情惟靈來電矚尙饗

朝奉郎前宣州通判

李鏐

嗟嗟石田道尊德偉倒指江鄉如師無幾先君愛師

翁黃檗似師重先君逾裴公美我亦從遊承先君志一往一來山林朝市續倅宣城妙墨遠寄迨歸池濱相望千里旋聞示疾寶轡退止省問莫前累遣藥餌日冀康復胡爲不起遺計踵門悽其罔既來扣岩扃靈蹤遠矣飄憶笑言音猶在耳遺像堂堂松山歸歸拜手難提薦此芬菲


迪功郎雅州推官兼教授史 少南

破菴老虎生兩荻菟鋸牙電目文彩相如一蹲双徑一臨西湖風行草偃分踞齊驅我昔偕計來遊上都勇探其穴北山之隅朝夕明窓夜雪擁廬一言齧簇拊掌顧予四季闊別百里脩途忽報鶴林已露雙趺謂師病歟取呵文殊謂師死歟取誚道吾所嘆匪他法苑空虛寶壽峯前蟲蟲浮圖遠致生芻悲與笑俱佛氏之弱儒其昌乎

吾父翁活業爲石田兄破蕩無遺今觀前頂所供並是詣實至切要處不覺咬斷拇指徑山弟師範拜首

無準師範禪師語錄

宋
•
宗 無準師範
會 範
等 撰
編



佛鑑禪師語錄目次

序

卷第一

慶元府清涼禪寺語錄

鎮江府焦山普濟禪寺語錄

慶元府雪竇山資聖禪寺語錄

慶元府阿育王山廣利禪寺語錄

卷第二

臨安府徑山興聖萬壽禪寺語錄

卷第三

小參 法語

卷第四

普說 拈古

卷第五

頌古 偈頌 讚佛祖 自讚

小佛事 序跋 祭佛鑑禪師文

卷第六

奏對錄 行狀

維佛鑑老自蜀道來早與石田師兄同爲破菴上足得句中眼秉棚外權險如劒閣崇墉壁立萬仞奪却梓潼如意截斷衆流自清涼過焦山由雪竇移鄮嶺業風飄轉驅來五項峯頭宿債難逃爭奈西番劫火你諸人百般較計這些子一味癡頑瓦礫成堆柳栗杖依前橫豎工徒雜作金剛圈各自嚙吞凡五會問答舉揚被叢林勘驗不少順寂之前一月蒐揀而爲臣編況曾信筆親書自甘招伏更引旁人作證忒煞周遮點檢將來有甚交涉祇恐旃檀林下展轉傳抄何如搥搥坑邊等閒拋擲且圖省事免起禍端然雖如是這一則公案畢竟如何合殺不見古人道陽燄何曾能止渴畫餅幾時充得飢勸君不用栽荊棘後代兒孫惹著衣咄淳祐歲辛亥月建丑日壬子滄洲道人程公許希頴雲溪寓隱西瞻堂書

佛鑑禪師語錄卷第一

佛鑑禪師初住慶元府清涼禪寺語錄

侍者 宗會 智折 編

師於嘉定十三年三月二十八日入院指三門云平直道路敲磕門庭豎四橫三是人知有新清涼到這裏又作麼生入寺看額

佛殿你坐我立尺短寸長口耳不及正好商量商量箇什麼三門頭合掌佛殿裏燒香

踞方丈前三後三今日明日達磨不會九年面壁

拈府帖祖師巴鼻衲僧巴鼻有些巴鼻全沒巴鼻因甚如此公驗分明

拈法衣著清淨衣說法身佛著無差別衣說報身佛著無分別衣說化身佛遂提起衣云這箇是什麼衣衆眼難瞞

指法座須彌寶座高八萬四千由旬佛身長八萬四千由旬當自立身如彼座像乃可得坐且道新清涼身長多少乃云俱遂陞座拈香云此一瓣香恭爲

今上皇帝祝延 聖壽萬歲萬歲萬歲恭願

金輪統御玉葉騰芳四海歸仁萬邦入貢次拈香云

此一瓣香奉爲 判府節制尙書洎闔府尊官 判

縣郎中伏願永佐

明君長居祿位次拈香云此一瓣香奉爲楊岐第八

世前住安吉州鳳山資福禪寺破庵禪師大和尚薰

向爐中用釀法乳遂跌座問答不錄乃云靈山話月曹

溪指月遞代相傳證龜成鼈範上座尋常有一張口

挂在壁上未曾動著今日無端入這行戶事到如此

也只得東簾西簾未免拈起多年曆日於中點出些

子悞賺處說似諸人且要郭大李二鄧四張三知道

江南兩湖春寒秋熱然難如是黃河三千年一度清

復舉永明潛禪師僧問達磨西來傳箇什麼潛云

傳箇策子僧云恁麼則心外有法潛云心內無法後

來佛鑑拈云心內心外有法無法稍稍參問底便知

只如道傳箇策子且道策子中說箇什麼孔門弟子

無人識碧眼胡僧笑點頭師拈云大凡明辨古今決

斷是非也須是斬釘截鐵始得佛鑒恁麼提掇前頭

莽爾末後顛預所以蹉過策子裏頭事且道策子裏頭畢竟說箇什麼上大人丘乙巳

當晚小參

不錄

乃云法無定相遇緣卽宗用不停

機隨宜應變有時好未必好有時惡未必惡枰檀林裏噴伊蘭鐵牛擎出黃金角這箇則且置只如據令

一句作麼生道吹毛曾不動徧界觸體寒復舉德

山示衆云今夜小參不答話問話者三十棒時有僧

出山便打僧云某甲話也未問因甚打某甲山云你

是甚處人僧云新羅人山云未跨船舷好與三十棒

師拈云德山老兒一條脊梁硬似鐵拗不折無端被

這僧將一片麻皮等閑纏倒了也且道誦訛在什麼

處具眼者辨取

謝兩班上堂一箇是一箇兩個是兩箇東土小釋迦

西天胡達磨拍膝一下云卞璧驪珠成滯貨

浴佛上堂今朝又值四月八天下叢林皆浴佛清涼

有令不能行隨例大家厮漏酒雖然漏酒於中却有

箇分曉處且道有甚分曉西天胡子沒髭鬚黃面瞿

曇無頂骨諸人若不信少問佛殿裏驗取

上堂四十五錢如泥土十六十七貴如金璧此意分明說向誰天上人間惟我知

上堂來住清涼寺忽忽一箇月閑時閑有餘忙時忙

不徹誰知忙與閑秤鎚渾是鐵舜若多神笑點頭驕

梵鉢提長吐舌

上堂舉一不得舉二放過一著改旦令辰恭惟知事

頭首著舊大衆各各道體起居萬福左顧如冰如霜

右盼如金如玉鵲白鳥玄松直棘曲山僧返復更思

量六六元來三十六

上堂瞿曇瞬目迦葉破顏山僧聞得咬定牙關

上堂一葉落天下秋一塵起大地收新羅打鐵火星

飛燒著廬山羅漢院裏王和尚脚指頭磧境廟大王

忍痛不禁直得通身汗流起來道恩大難酬笑倒瀉

山水牯牛

解制上堂一毛頭獅子百億毛頭現百億毛頭獅子

一毛頭現拈起拄杖云看看十方諸佛諸大菩薩有

學無學盡在清涼拄杖頭上作自恣佛事浩浩地辯

論不已被維摩老子喝一喝直得懣懣散去在東還

東在南還南在西還西在北還北還本土已依位而
住各務本事諸人還見麼若不見且聽拄杖子重說
偈言卓一下

中秋上堂尋常月是中秋月中秋月是尋常月看來
眞箇只尋常道是尋常又還別別別無物堪比倫敦
我如何說

瑞慶節上堂雲從龍風從虎聖人作面萬物觀雪峰
輟三箇木毬禾山老一味打鼓海水揚波須彌作舞
因甚如此皇天無親惟德是輔

老範首座至上堂陽春曲無弦琴聲偃六律韻排五
音月冷兮風清山高兮水深舉世有誰知此心良久
顧示云嚮

上堂索寞清涼寺家風實可憐白雲迷谷口黃葉聚
塔前裙破通身冷柴生滿室烟誰知今日事不異普
通年

謝新舊知事上堂鶴唳于天魚躍于淵涵波泳月兮
悠悠乘雲馭風兮翩翩時哉時哉不可得而明焉令
人長憶老南泉

上堂客從遠方來遣我徑寸壁中有四箇字箇字無
人識雪竇只知開口不覺舌長清涼則不然客從遠
方來遣我徑寸壁中有四箇字不必重拈出何故古
篆分明

上堂一不得收二不得放是則迦葉擎拳非則阿難
合掌誌公不是閑和尚

上堂諸佛知處諸人不知不知最親諸人會處諸佛
不會不會尤切且道因甚如此鷄寒上樹鴨寒下水
佛成道上堂老胡半夜見明星瞎却平生兩眼睛直
至如今無摸索一回舉著一傷情雖然不經一事不
長一智

王知縣到上堂舉王常侍訪臨濟遊僧堂公案師云
臨濟老絲綸在手不妨卷舒自如王常侍明鏡當臺
一點瞞佗不得只如末後道將謂是箇俗漢諸人作
麼生商量須知傳說非傳說莫把曾參作魯參

上堂春日遲遲春風浩浩靈利衲僧點即到唯有
東村王大翁作麼生良久放牛喫我谿邊草
結制上堂舉古者道十方同聚會箇箇學無爲此是

選佛場心空及第歸若道有無爲可學有佛可選無有及第之時若道無可選無可學亦無有及第之時畢竟如何花須連夜發莫待曉風吹

上堂立沙壑著脚指頭至今忍痛水潦喫馬師一踏大笑不休清涼山裏萬菩薩到處覓不得拈拄杖云元來在這裏卓一下云賺殺人

借庵至上堂和慾羅麪夾糠炊米半夜三更瞞神諱鬼冷地有人覷見直得左手掩鼻山僧燒沉香供養他何故不是冤家不聚頭

謝監收上堂穀熟豆熟粥足飯足仰面看天兩手捫腹這箇說話分付他了事衲僧若是口赫赤地說禪說道說玄說妙說有說無說長說短山僧不敢與佗較量何故家住東州

謝職事上堂衲僧用處了無定度握土成金握金成土所以有時進一步百事頭邊沒回互有時退一步衲被幪頭渾不顧只如不進不退又作麼生行者打鼓山僧上堂大衆問訊侍者燒香戒香定香慧香願此香雲遍法界供養過去諸佛現在諸佛未來諸佛

且望大慈大悲乃舉手云莫怪空疎伏惟珍重上堂舉僧問雲門樹彫葉落時如何問云體露金風這跛脚阿師與麼答話悞了多少人不作佛法會便作世諦會了不作世諦會便作佛法會了若是清涼則不然有問樹彫葉落時如何只向佗道體露金風須是怎麼始得

中秋上堂八月十五月圓當戶夜半正明天曉不露取箇眼兮耳必聾捨箇耳兮目必瞽君不見老長沙弄爪牙一踏踏倒小釋迦將謂是箇老大虫元來却是一隻虎

上堂乾坤之內宇宙之間中有一寶拈拄杖示衆云見麼若真箇見得去隨時受用亦只可地終不大驚小怪若不見且安舊處不得動著遂靠拄杖

上堂南泉和尚道山僧十八上解作活計趙州道山僧十八上解破家散宅清涼不然山僧十八上做僧十八上行脚出一叢林入一寶社到處橫草不拈豎草不把於一切時只領現成受用如今四十五也依然只是舊時人懵懵懂懂百無一能阿呵呵堪對暮

雲歸未合遠山無限碧層層

上堂一冬二冬你儂我儂暗中偷笑當面脫空雖是尋常茶飯誰知米裏有虫豈不見南泉道夜來好風吹折門前一枝松

上堂開口卽錯開口卽喪不開不合十萬八千到這裏如何通信監院昨日設齋若僧若行俱飽燈籠露柱亦飽一飽忘百飢人人盡展眉太平無事日唱箇囉囉哩好大哥

上堂一年三百六十日臘月盡是歲除夜夜來臘月已盡舊歲當去今日新歲到來及至天曉大開門戶祇候新歲竟不見來躊躇良久正沒理會處忽然撞著箇聰明大王出來道長老長老好把曆日子細看更有一箇閏月在山僧被他點破不覺呵呵大笑過去已過去未來亦未來卽今名現在現在安在哉三段不同收歸上科卓拄杖一下

上堂若論箇事直是省要易會多是諸人自作艱難自作障礙所以有時東廊西廊見諸人和南問訊山僧便乃低頭相接其實無他只要諸人識得長老是

西川隆慶府人事若識得去便與諸人打些鄉談說些鄉話如今且未說你識得長老且各自知得自家鄉井也得還知麼明州六縣奉化八鄉

上堂年年是好年日日是好日好事大家知今朝正月一

元宵上堂人看人火照火無雜壞忘彼我與麼會得許你親見然燈如來得受記別如今十箇五雙多是坐在光影裏勤輒隨人脚跟後轉乃高聲云大眾衆舉首復云不信道

普請上堂一拽石二搬土三分甜七分苦糞箕拈起兩肩擔颺下饅頭無覓處噉墳噴噴噉噉蘇嚕佛涅槃上堂黃面老漢二千年前五件沒量罪過直至今日未有一人舉著清涼小比丘不惜口業從頭點過也要衆人共知始從兜率宮中不依本分示牛闍浮是第一沒量罪過又不合半夜逾城直往雪山六年苦行做盡萬千模樣向明星現時打失鼻孔便大驚小怪道奇哉一切衆生具有如來智慧德相但以妄想執著不能證得似與麼欺胡瞞漢誑諍闍

間是第二沒量罪過又不合起道樹詣鹿苑列三乘分五教說有說無說頓說漸說偏說圓說出許多閑言長語污人耳目累及後代是第三沒量罪過至於末後打箇沒合殺却向雙林樹下示般涅槃以手摩脅告衆猶自口吧吧道道汝觀吾紫磨金軀瞻仰取足無令後悔若謂吾滅度非吾弟子若謂吾不滅度亦非吾弟子所謂到老不知羞耻是第四沒量罪過更有第五沒量罪過良久休休數人不要數盡罵人不要罵著少間下座與大眾同到大佛殿燒一炷香點一甌茶普禮三拜且與佗一時蓋覆著若蓋覆得去則天魔拱手外道歸心迦葉擎拳阿難合掌若蓋覆不得來年更有新條在惱亂春風卒未休結制上堂安居結制現前三昧普化搖鈴老盧踏碓上堂古聖道是法不可示言詞相寂滅是何言歟清涼今日出廣長舌去也遂指云這邊是香爐這邊是花餅會麼三錢買兩錢賣

中秋上堂舉玄沙示衆云吾有正法眼藏涅槃妙心分付摩訶迦葉猶如話月曹谿豎拂猶如指月鼓山

出衆云月巖沙云這箇師僧却來就我覓月山拂袖歸衆云道我就佗覓月師云這兩箇老凍儂頭處似牛皮爛處如壞絮雖然各有機關爭奈渾無展處只麼低頭懨懨歸不知忘却來時路

謝月首座瓊首座持雲巢語至上堂一止切一止一動一切動入荒田不揀信手拈來用昨日有人從西川來却得江東信說道趙州親見老南泉鎮州蘿蔔三斤重

上堂摩騰入漢平地風波達磨西來重增殃禍是則是且道祖意教意是同是別川僧磊苴潮僧瀟灑上堂舉眞淨示衆云頭陀石被莓苔裹擲筆峰遭薛荔纏羅漢院裏一年度三箇行者歸宗寺裏參退喫茶大眾會麼是大神呪是大明呪是無上呪是無等等呪能除一切苦眞實不虛

謝監寺齋首座秉拂上堂古者道於食等者諸法亦等諸法等者於食亦等如是則監寺施財首座施法所謂財法二施等無差別既無差別不妨以禪悅爲味以法喜爲樂各隨所宜各得受用各得充滿無有

高下無有限量無有平等不平等者因什麼却道共
寶器食飯色有異爭怪得別人

道舊相訪上堂作者相逢你西我東水歸滄海月上
孤峯放出城中老鼠咬殺村裏大虫因甚如此闔蜀
同風

再住清涼上堂鼻繩拽脫上梅谿橫臥千峯適所宜
豈謂業緣逃不得依前拽杷與牽犁如是則重翫故
山風月再耕舊日田園不辭領破蹄穿豈憚拖泥帶
水所以王老師道自小牧一頭水牯牛擬向谿東牧
未免犯佗國王水草擬向谿西牧亦未免犯佗國王
水草不如隨分納些些總不見得清涼有條攀條無
條攀例既然如是且道作麼生是納些些底道望昨
日前山去今朝後嶺歸

上堂上元正月半無油不點燈誰人知此意有月上
危層看看燈明如來在諸人眼睫上放光現端見諸
人不承走入大石國裏去也拍禪床下座

上堂去年梅今歲柳顏色馨香依舊依舊則故是因
甚南枝向暖北枝寒拍禪床云莫道春風有兩般

上堂佛法遍在一切處一切衆生及國土有世界以
光明而作佛事有世界以香飯而作佛事有世界以
寂默無言無說而作佛事有世界以夢幻鏡中像水
中月熱時燄呼時響如是等喻而作佛事是故此方
真教體清淨在音聞卓拄杖云非唯觀世音我亦從
中證復卓一下云喚鍾作鑼
退院上堂住亦無可說去亦無可說賢八布衫穿金
剛嚼生鐵

佛鑑禪師住鎮江府焦山普濟禪寺語錄

侍者 覺圓 編

指三門三門佛殿一見便見踢倒淨鉢撼動門扇
佛殿你不識我我不識你狹路相逢腦門著地仁者
見之謂之仁智者見之謂之智

方丈橫按拄杖云山僧與麼爲中下機人或遇上上
機人來時如何卓拄杖云三十年後

陞座祝 聖罷問答
不錄

乃云枕石漱流正好喚起來
打攔街截巷腦後也與一錐直教昧者明望者通坐
者起行者詣方許跨焦山門登焦山堂入焦山室見

焦山人見則見了然後焦山緩緩地向你道請在何故長江流不盡松露滴無時復學僧問雲門佛法如水中月是否門云清波無透路師云這僧在光影裏行雲門向草窠裏覓直至于今轉身不得且道焦山與麼批判節文在什麼處喝一喝下座

當晚小參一言坐斷千古萬古黑漫漫線路放開前波後波闊聒聒有時恁麼有時不恁麼秤頭斤兩輕重隨宜尺下短長剪裁在我至於安邦樂業順俗和光總四海爲一家會百川同一味此猶是諸方普請邊事只如海門岸闊浮玉峯高浪激千尋雲橫萬疊又向甚處覓佗縫罅拍膝云不是任公子徒勞話釣竿復學雪竇禪師一日與李殿撰坐次有一秀才一道士入來殿撰云三教中那教最尊雪竇起側身而立殿云有口何不道竇云對夫子難言拈云大小雪竇被殿撰一問直得側身而立若無後語忌被打破蔡州

上堂夜暗晝明天平地平三日一雨五日一晴達磨大師不安本分被人打落當門板齒廬山歸宗和尚

無端拭壞一雙眼睛拈拄杖卓一下同坑無異土上堂十字街頭道得一句三家村裏使不著三家村裏道得一句十字街頭使不著雖然三家村裏十字街頭有錢騎馬無錢使牛

佛涅槃上堂正覺山前雙林樹下弄假像真弄真像假臨風哮吼戴嵩牛顧影嘶鳴韓幹馬諸人還見釋迦老子麼豎拂子云來也來也

上堂召大眾以手點鼻云山僧一生被這箇礙衆中有下得毒手底爲我拈却若也拈得許諸人十二時中有箇安樂處若拈不得香自至鼻亦謂之偷

上堂今朝七月一明朝七月二一日是一日幾箇知慚愧顧視大眾云有麼有麼乃搖手云不是不是

謝新舊知事并監收上堂靜中有動動中有靜然於動靜之間無有分別而不見絲毫動靜之相動靜之相既不可得則一動一靜一出一入一放一收一進一退無非神通光明游戲解脫之處既然如是只如默時說說時默獅子吼野犴鳴野犴鳴獅子吼畢竟是分不分良久會麼洞庭山水南嶽嶺頭雲

重九上堂重陽九月九箇箇盡知有喫了茱萸茶多是眉頭皺唯有陶靖節獨歡顏解道採菊東籬下悠然見南山雖然俗氣不除

瑞慶節上堂舉洞山云若論此事如國家二十四路相似若一路信息不通便是不奉於君若據焦山今日看來可謂是太平時節非但二十四路直是塵毛剎海無有不通底信息信息既通奉君盡忠風從虎兮雲從龍

上堂舉僧問古德一陽生後日長一線未審佛法長多少德云長一線後來又有古德云一線長師云前頭道底與後頭道底直是天地寥遠若縑素得出不妨於佛法中有箇入處今時人多是渾崙吞却所謂顛預佛性備侗真如如將魚目亂明珠上堂舉大通智勝佛十劫坐道場佛法不現前不得成佛道既是十劫坐道場因甚麼佛法不現前不得成佛道焦山從來疑著這漢

住慶元府雪竇山資峯禪寺語錄

侍者 如海 妙倫 等編

佛殿迦葉擎拳阿難合掌黃面瞿曇全無伎倆新乳峯一時見了却燒沉香供養從教人道是罰是賞踞方丈德雲不下妙峰頂善財七日無處參尋昨你這一隊漢在這裏眼眨地守待箇什麼何不暫去莫妨我東行西行拍禪床便起

指法座千聖頂額上一著子自古自今少有人踏著罕有人舉著山僧今日因行不妨掉臂

陞座祝

聖罷問答不錄

乃云禱僧行處不在東西遇

緣卽宗隨機應變昨日焦山長老今朝雪竇主人颺下海門國萬頃煙波來看妙高臺一川風月聲色俱泯是非杳亡石頭大底大小底小休將佛法論量山又青水又綠不得作境話會既不作境話會畢竟作麼生會人間縱有丹青手應是難傳入畫圖復舉僧問投子如何是十身調御投子下禪床立師云大衆投子與麼也不較多然雖如是未免有勞尊重當時若見只向面前深深打箇問訊教這老漢隱身無路

當晚小參不起一念威音已前彌勒下生坐斷千差

南瞻部洲北鬱單越與麼會得便乃不離菩提場而
登妙峯頂直得水雲雜沓凡聖交參彼我情忘主賓
道合座則同座行則同行歸則把手同歸到則大家
齊到到則到矣且其中事作麼生雨花千丈雪偃蓋
萬株松復學達磨大師道吾本來茲土傳法救迷
情一花開五葉結門自然成師云祖師與麼道好與
三十棒且道因甚如此冬行春令

謝兩班上堂方交正月一又過了五日世事冗如麻
光陰劈箭急所以道是日已過命亦隨滅如少水魚
斯有何樂乳峯看來又有甚麼不樂處東邊有知事
西邊有頭首山僧贏得倚欄干盡日仰頭看雲走阿
呵呵時人往往聽作山居歌

上堂春日晴黃鶯鳴山花似錦汀草如茵堪悲堪笑
公塘寨裏王節級到處巡捕自己不知不覺打失一
雙眼睛良久云彩奔靨家

護聖小淨慈至上堂舉芙蓉禪師訪實性大師大師
上堂以右手拈拄杖安向左邊云若不是芙蓉師兄
大難委悉便下座後來黃龍南禪師道實性用不得

便休却將佛法以當人情致令千古之下作人笑端
師云實性大師向十字街頭賣賊猶道無人知
覺老黃龍不忍看見巧爲遮藏殊不知欲隱彌露雖
然如是要見實性大師則易要見黃龍稍難何故爲
佗頭匾似扇

上堂靈雲見桃花使道更不疑玄沙又道未徹在後
來五祖又道說什麼未徹更參三十年始得山僧嘗
聞說一畝之地三蛇九鼠初未爲然今日以此看來
前言信之矣

端午上堂舉文殊令善財採藥公案師云若據善財
徧採無不是藥爭奈悞將甘草以當黃連文殊只知
亦能殺人亦能活人要且不知來處文殊卽且置遂
拈拄杖云諸人且道這箇從什麼處得來畢竟是黃
連耶是甘草耶卓一下云江南儘有江北全無

因事上堂只箇現成公案衆中領解者極多錯會者
亦不少所以金鑰莫辨玉石難分乳峯這裏直要分
辨去也張上座李上座一箇手臂長一箇眼睛大總
似今日達磨一宗教什麼人檐荷噓一聲下座

破庵和尚忌拈香這老禿無面目不具些子慈悲却有十分惡毒喜亦不可近怒尤不可觸我昔被渠禁害逼得頑蛇生足以至今日燒一炷香謾禮三拜要且笑不成笑哭不成哭此冤此恨若爲伸噯部臨噯齒臨

上堂山僧自入院來經今半年也未曾與諸人說著本分事今日又值明覺祖忌普請去塔所諷經又不暇說雖然如是你看乳峯眉毛在麼

上堂佛法也不會世法也不會一夏九十日瞎驢隨大隊且畢竟成得箇什麼乃云不知

上堂二由一有一亦莫守新羅日午打三更回首面南看北斗堪悲堪笑黃面禪和到處行脚只管將鼻孔東邊嗅西邊嗅自己鼻尖上有一點糞十箇五雙因甚不覺臭

上堂記得昔日大梅常禪師問馬大師如何是佛馬師云卽心是佛佗便向這裏踈跟更轉動不得住後有人問如何是西來意梅云西來無意良久云果然上堂本色行脚人須具行脚眼千箇與萬箇多是空

檐版檐版則且置作麼生是行脚眼朝看東南暮觀西北

上堂風蕭蕭雨蕭蕭行人弓箭各在腰缺齒老胡剛然不知有却向少林九年面壁要且不在壁上諸人各各丈夫何不轉手摸索看

謝首座上堂舉甘贄行者入南泉設齋請首座施財公案師云前頭也與麼道因甚不行颺後頭也與麼道因甚便行颺今日因行掉臂下箇注脚曲中直直中曲有增減無數目等閑放在暗窓前冷地令人看不足

重九上堂拈拄杖橫案云與麼會得三年一閏若也不會九日重陽卓一下云贏得通人笑斷腸

上堂經有經師論有論師乳峯到這裏說箇什麼卽得今日放一線道隨例分科列段去也以右手拈拄杖卓一下安向左邊云是何章句復云流通分

上堂舉瑞巖和尚近日示衆舉古云秋江清淺時白露和煙鳥長哉觀世音全身入荒草古德與麼道玉本無瑕却有瑕瑞巖卽不然秋江清淺時白露和煙

島十年歸不得忘却來時道師云瑞巖與麼道可謂無瑕矣乳峯今日更資一路也要諸方檢責秋江清淺時白露和煙島擗笳寂寞中望斷無人到拍禪牀下座

上堂上下三指彼此七馬似有似無半眞半假乳峯被人問著直得五年分疎不下阿呵呵笑倒東村王大姊

上堂語是謗寂是誑擬即乖動即喪明眼人難近傍絕塵情忘伎倆江西馬大師南嶽讓和尚

散天基節上堂乳峯有一張琴不是焦桐亦非凡木多年掛在壁上未曾容易品弄今日幸遇

新天子誕聖之辰好日斯臨不可放過試彈一操以祝萬年之壽遂作彈琴勢云丁當丁當良久云會麼願將如是曲長奉聖明君

謝新舊知事上堂世諦門中有新有舊有出有入有進有退佛法向上無高無下無彼無此無黨無偏雖然如是阿那箇些子是佛法阿那箇些子是世諦試爲乳峯拈出一絲頭看良久云放憨作麼

上堂德山老漢平生據一條白棒佛來也打祖來也打却道不曾打著一箇獨脫底與他道東廊也下喝西廊也下喝直饒你喝得與化上三十三天撲下來一點氣也無待與化緩緩地甦息起來向你道未在諸人還知二大老立處麼天高東南地傾西北冬節上堂一冬二冬叉手當胷珠鑽九曲直在其中上堂上元正月半燈火連霄漢千人與萬人聚頭相共看看即不無第一各自照顧眼睛乳峯不著便末上打失了也既是打失將什麼辨緇素良久云文殊頭白普賢頭黑

上堂舉僧問馬大師如何是祖師西來意馬師云近前來向你道僧近前馬師與一掌僧云因甚打某甲馬師云六耳不同謀後來黃龍南禪師道古人偈道六耳不同謀如今諸方浩浩商量禪事師召大眾云盡信書不如無書

上堂十方國土中惟有一乘法諸人還信麼若信得及拽取占波國與新羅國鬪額若信不及采石渡頭船

摘茶上堂作家相見有底憑據迥無人處聚頭共語
寂子無端撼茶樹

結制上堂拈拄杖顯示大眾云安居已竟梵行已立
所作已辦賓頭盧尊者無端向這裏起心動念貶向
二鐵圍山卓一下云諦觀法王法法王法如是

端午上堂僧問文殊令善財採藥云是藥採將來時
如何師云意在鈎頭進云善財云盡大地無有不是
藥者又作麼生師云莫將附子當川鳥進云文殊又
云是藥採將來意在什麼處師云也好一撈進云善
財於地上拈一莖草度與文殊文殊云此藥亦能殺
人亦能活人未審此意如何師云遁相熱瞞僧禮拜
師拈起拄杖云今朝五月端午乳峯收得服藥不
是著婆留下亦非扁鵲傳來雖然不直分文要且無
病不治所謂佛病祖病禪病心病一切毛病凡曰服
者悉得痊愈乳峯不敢珍惜今日擊鼓陞堂普施大
衆若是有病者來左手分付無病者來右手分付且
道因甚如此有亦不有無亦不無乃卓一下云趙州
東壁挂葫蘆

上堂直鈎釣鯨鯨鯨曲鈎釣魚鯨乳峯粗識好惡不敢
屈抑諸人便下座

上堂眼底年來胡種滅叢林喜見太平時太平消息
誰相委只許張公李老知且知底事作麼生東州稻
熟西州米賤

上堂萬木驚霜風千林著秋色堪笑寒山子到處覓
不得拈拄杖云元來在這裏看看卓一下云又入露
柱裏去也

上堂秋風離離秋色依依嶺上白雲一片兩片籬邊
黃菊三枝五枝世間多少登高者只管步步登高脚
跟下蹉過往往不知乳峯恁麼道盡虎成狸

上堂乳峯今日開爐不會挑灰撥火大家衲被幪頭
只麼團團打座不求諸聖不重已靈從佗門外區區
世路擾擾紅塵夏了秋秋了冬冬了春良久云思量
也是慕西秦

上堂舉白雲端和尚謂五祖曰有一事老兄還知麼
祖曰不知有什麼事端云近有數禪客自廬山來問
佗也有箇悟處教佗說也說得頌也頌得批判也批

判得只是未在五祖間得七日七夜不成腸肚師云
白雲和尚用盡自己心笑破佗人口乳峯這裏亦有一件事不得不說與諸人近日亦有數禪客自諸方來問佗也無悟處教佗說也說不得頌也頌不得批判也批判不得雖然如是乳峯却許他是箇千了百當底人諸人聞得亦不用疑著何故南天台北五臺上堂聲前一句不封不樹坐斷舌頭如何通吐昨日有人從天台來却往徑山去

上堂臨濟爲睦州所誤雪峯遭巖頭毒手沒齒齟齬萬世不朽所以學者當深思彼伐木丁丁之聲照古照今兮宜善求友

上堂召大衆云禪禪妙高峯頂千丈巖前作麼生有箇古松樹奇奇怪怪屈屈曲曲彎彎擗擗諸人若恁麼會驢年

謝首座藏主秉拂都寺齋上堂古人道法輪未轉食輪先轉乳峯這裏二輪俱轉二輪既轉使我現前一衆聞所未聞之法得未曾有之食此食勢力至於七日然後乃消此食既消其法亦忘不妨三三兩兩水

邊林下相呼相喚同徜徉

上堂學丹霞訪古寺經宿至早煮粥熟行者盛一鉢與古寺又盛一鉢自喫殊不顧丹霞霞自盛一鉢喫者云五更侵早起更有夜行人霞遂問古寺何不教訓這行者得恁麼無禮寺云淨潔地上不可點汚人家男女霞云忌不問過這老漢師云行者雖好接高賓爭奈手頭短促丹霞不解作客未免勞煩主人當時若自盛粥喫了拽拄杖便行免累佗古寺無點汚中却成點汚且如何免得良久下座巡堂喫茶上堂前面是懸崖萬仞後面是荆棘叢林兩邊烈焰火聚於中如何轉身趙州老漢在青州作一領布衫重七斤

正旦因雪上堂今朝正月一只是尋常日就中殊異處徧界鋪銀色銀色世界已現普賢在什麼處豎起拄杖云看看諸人既不相顧不免却乘六牙香象入五臺山與文殊師兄賀歲去也卓一下

滿散天基節上堂王道平平其壽綿綿漁歌樵唱共樂堯年無爲焉無私焉乾坤一統舊山川

上堂拈拄杖召大眾云未得底人見拄杖便喚作拄杖既得底人喚作什麼若也道得卓一下云即今入地若道不得靠拄杖云直待根生

謝天童垠首座上堂萬別千差處事同一家事同一家時萬別千差太白山前水磨日夜輪轉不歇乳峯寺裏參退喫茶

謝頭首秉拂都寺齋上堂縱無所畏說大脫空離有希求辨最上供雖然又須是大無慚愧之人方能饜飽法味自餘下劣種草未免遇而不遇不遇底且置而勿論只如饜飽者還有報德處也無乃噫氣兩聲下座

壽慶節上堂智度菩薩母容受一切法然於一切法而離分別相分別既離諸法如如蜀江萬派朝滄海閩嶺千尋插太虛

上堂擊鼓陞堂大眾雲集佛法有底商量今日熱如昨日

解制上堂克期取證繫縛盲驢休夏自陳且莫鬼語饒你一坐坐斷別有生涯若到諸方不得道從這裏

過夏來何故雪竇親栖竇蓋東

謝後堂首座上堂舉趙州會中有二僧相推不肯作第一座主事白趙州州云總教伊作第二座主事云教誰作第一座州云裴香著主云裴香了也州云戒香定香師云趙州老漢是則是觸著便動捏著便轉爭奈七手八脚一時露乳峯這裏不用相推要識第一座便是第二座要識第二座便是第一座良久云少室峯前迷逢達磨

上堂秋高增爽氣夜寒添夾被草虫吟壁根黃葉飄庭際直得山僧展轉返側喜而不寐呵呵呵呵脚元在縮脚裏

石巖和尚至上堂拈拄杖云久默斯要不務速說既逢識者玉石難藏既是難藏提拄杖云且喚這箇作什麼爲復是玉耶是石耶卓拄杖云分叙謝不錄復舉阿難問迦葉云世尊傳金襴外別傳何物師云面面相看眼眼厮覷衣外別傳有甚憑據倒却門前刹竿著鳳棲不在梧桐樹

中秋謝焙經兄弟上堂火焰爲三世諸佛說法三世

諸佛立地聽聽在說處說在聽處聽說兩忘如何剖
露經入藏禪歸海唯是馬簸箕拈弄有餘態每遇中
秋翫月時尋思直是令人愛何故不見道簸箕有唇
米跳不出

上堂舉僧問長沙如何轉得山河大地歸自己去沙
云如何轉得自己歸山河大地去後來大慧道轉山
河大地歸自己則易轉自己歸山河大地則難有人
道得不難不易句來徑山手裏請棒喫師召大眾云
衲僧家自己尙不見有山河大地甚處得來又轉箇
什麼大惠老漢無端隨後說難說易拍禪床云拈得
口兮失却鼻

上堂坦坦平如鏡彎彎曲似鈎無人收拾得颺在糞
堆頭諸人還收拾得麼良久云芽生也

上堂去去實不去途中好善爲來來實不來路上勿
傾危古人怎麼道也是踏地怕痛乳峯卽不然要去
便去要來便來善爲箇什麼又有甚傾危處只是昨
日經過新嶺洪水泛漲吹斷三處石橋却被山僧一
時等閑過了今朝打鼓陞堂你這一隊漢擬來這裏

覓佛法良久云且緩緩

上堂拈拄杖示衆云彌勒眞彌勒分身千百億時時
示時人凭拄杖湧身云諸人還識麼往往作須菩提
尊者傳將去也便下座

冬至上堂節屆書雲一陽生於此日一陽既生萬彙
發生萬彙既生無不生者豎起拄杖云且道拄杖子
生多少良久云何啻七尺長卓一下

謝首座秉拂都寺冬齋上堂無味乃眞味眞味眞無
味若知眞味者更不說眞味曾聞一飽忘百飢今日
山僧身便走

上堂一年三百六十日看看盡也所謂一年將盡夜
四海未歸人然未歸之人直須歸去旣歸之者不得
守住家鄉何故座久成勞

上堂舉僧問雲門如何是雲門一曲門云臘月二十
五師云雲門一曲從來無譜韻出五音調高千古就
中妙旨許誰知幾擬黃金鑄子期

天基節上堂君臣道合正是法身邊事且作麼生是
法身向上事祝融峯頂萬年松盤根幹凌蒼穹

故舊至上堂

善演胎禽

拈拄杖示衆云我有一語非甜非

苦既遇知音如何通吐夜來點得柳土獐如今變成

尾火虎卓一下

佛涅槃上堂靈山山上葛藤樹引蔓牽枝徧界生慚

愧波旬推倒後東西有路與人行雖然也須照顧脚

下

住慶元府阿育王山廣利禪寺語錄

侍者惟一了禪了心等編

指三門此箇大解脫門每日與諸人同出同入遊戲

於其間諸人行一步山僧也行一步諸人行兩步山

僧也行兩步然一步兩步較易三步五步較難脚頭

脚底當自看

指法座大衆須彌燈王無時不爲諸人說大般若諸

人還聞麼其或未然鄒峯又從序品去也

陞座祝

聖罷問答不錄

乃云形名未兆玉本無瑕文

彩旣彰物歸有主添些子張三發惡減些子李四生

嗔不添不減雲門扇子踣跳上天壓著帝釋鼻孔東

海鯉魚打一棒雨似盆傾正恁麼時如何話會良久

云南山依舊與雲齊復舉阿育王問賓頭盧尊者

親見佛來公案拈云阿育王等閑借問纓成節外生

枝賓頭盧覲面提持不覺眉毛拖地育王當時若見

佗與麼祇對便與近前以手加額叩齒三下使老尊

者縱有神通亦無展處當時旣已放過只如末後道

阿耨達池龍王請佛齋貧道是時亦與其數意作麼

生風來雲意騰騰湧雨霽雷聲殷殷收

當晚小參三日前五日後佛法委在新鄒峯手裏放

行也得把住也得卷舒在我縱奪臨時倒拽橫拖七

穿八穴與麼與麼狸奴白牯相共證明大難大難碧

眼黃頭亦須莽齒黃連甜甘草苦發機須是千鈞弩

卓拄杖一下復舉僧問鏡清如何是大道之源清

云從這裏流出頌云從這裏流出滔滔無盡日巨浪

湧千尋誰知無一滴

上堂韶光爛熳時百卉皆妍秀處處有春風村村自

花柳雲雲眼裏添釘玄沙袖中出手除非自解倒騎

驢一生不著隨人後

前仗錫率庵和尚至上堂舉趙州訪茱萸公案師云

是則是殺人可恕無禮難容子細看來也是茱萸招得當時若解咬定牙關便趙州縱不斬頭截臂亦須自領出去古人且止只如今日率庵訪來雖則不言探水然而未跨門時屋裏三長兩短已被佗一時覷見了也何故明眼人難瞞

上堂舉古德道說得一丈不如行取一尺說得一尺不如行取一寸鄭峯說也說不得行亦行不得只是當時不著便悞從南方來中途壓破脚母指至今疼痛猶未已

上堂今朝解制佛在世日謂之目恣之辰諸修學人各呈所得我此五百大衆一夏百二十日豈無長處有則出來吐露看諸人既是祕而不言待問拄杖子看遂拈拄杖云拄杖子我此一衆你道還有長處也無自云無衆人既無長處長老莫有長處也無自云無長老既無長處莫有短處也無乃云有試道看巖羹淡飯家常事傷醋傷鹽笑殺人

前住天童淨和尚遺書至上堂太白峯前收陣脚鑑湖歸唱村田樂無端調轉入新豐誰知錯處非常錯

直得洞水逆流乳峯倒卓石女攢眉木人淚落此曲如今誰共聞越山無際天無垠

上堂拈拄杖云三日前五日後藥若不瞑眩疾弗瘳卓一下云折脚雲門見睦州

重陽上堂今朝九月九談禪不開口若是陶淵明攢眉便回首籬邊黃菊正芬披一枝兩枝三枝四五六七枝

上堂一句子墨漆黑無欄柄有準則良久云會麼確搗東南磨推西北

開爐上堂清寥寥白滴滴匙挑不上針割不入是則是須知花發不干春切忌寒灰煨殺人

上堂千討萬討討不見都不要討却成現十字街頭逢阿爺眉毛蓋眼胡鬚面噴

佛成道上堂拈拄杖云天上星地下木見便見休瞞速老瞿曇空捏目三七日心返復從此擎空便脫空天上人間徧流毒帶累兒孫直至今醫得耳聾成瞎禿鄭峯雖與同路行却不與佗同處宿畢竟如何乃攢拄杖唱云月子彎彎照幾州卓一下云欸乃一

聲山水綠

正旦上堂拈拄杖云老僧舊歲一年專與兄弟說虛頭話。退到臘月三十日也無一句靈驗。從今日新年去不免改聲換調。專與諸人說實頭話去也。卓一下云牛角長三尺兔角長七寸。

元宵上堂樓臺上下火照火車馬往來人看人火照火則且止。所謂往來人但能看人十箇五雙不能自看。諸人若解自看直是教你無著面皮處何故投子道底。

上堂擬即差動即隔忘伎倆絕聲色兩手揶揄懨懨休東村有箇王大伯喝一喝。

請淵首座立僧上堂召大眾云山僧數年來泛一隻無底鐵船運載南北東西無家之子游泳於大寂滅海有時順水張帆有時逆風把拖要且不著此岸不著彼岸不住中流然撥轉船頭處須是大家著力前堂首座慣諳水脉善別風雲今日正當千波萬浪之間豈容坐視敢望慈悲出一隻手共相幹運何故不見道船上無散工。

謝保寧即庵和尚至上堂鳳凰臺畔玉几峯前築著磻著夙世生冤且道還解免得麼以手指空云天天結制上堂拈拄杖云育王傳箭令下應是此土佗方人間天上若凡若聖若佛若魔皆集吾拄杖頭上安居禁足共結長期有不順吾令者四門天王飛熱鐵輪追之令至至則至矣合發明箇什麼事卓一下云南斗七北斗八。

上堂舉趙州道老僧除二時粥飯是雜用心且道趙州二時粥飯外在什麼處著倒雖然如是鄮峯即不然遇粥喫粥遇飯喫飯喚什麼作雜用心還會麼若也會得二時上堂許你隨隊喫粥喫飯若也不會闍羅王在你鉢盂匙筯上。

請保寧西堂掛牌上堂善知識者如大醫王善療衆病應是佛病祖病心病禪病一切毛病不待一見便知深淺既知深淺不妨應病與藥所謂羸者益之盛者損之表者汗之裏者導之至於用藥之際不問牛溲馬勃巴豆黃連皆爲妙藥亦能殺人亦能活人灼然能殺而不能活一切死人活不得能活而不能殺。

一切活人死不得善此二者便能起膏肓救必死致一切人於大休大歇大安樂之場至無疑之地然雖如是遂豎拂子云且道這一捏子畢竟是殺耶活耶是黃連耶巴豆耶保寧西堂智眼洞明善能區別下座與大眾同伸拜請敢望慈悲爲衆點出

上堂分曲直定鑑鉢還佗作者觀風雲別氣候須是其人我此一衆盡是其人以拂子指云試著眼看還辨別得麼良久云朝霞不出門暮霞行千里

謝監收上堂舉趙州和尚道夫爲善知識者須以本分事接人鄧峯這裏但願諸莊豐熟粥足飯足供養我禪和子令教箇箇飽駒駒地若是本分事斷然不敢舉著何故老不以筋力爲能

上堂混沌未分已前幸然好一局基無端佛祖競出頭來一時著壞了也鄧峯素非國手今日試與諸人活一著看拈拄杖卓一下云錯

上堂拈拄杖召大眾云飢則傷暑飽則傷風不飢不飽正是膏肓之疾我此一衆固不在此數雖然作者好求無病藥卓一下

解夏上堂鄧峯一夏與諸人說無義語却被閻家老子不肯放過別置地獄相延所謂鑊湯爐炭刀山劍樹碓搗磑磨犁耕拔舌等事倍於無間山僧末上檐頭便入如是衆苦甘受不辭不辭則故是諸人還甘麼三生六十劫

上堂有一物黑似漆亘古今無人識却被秋虫知唧唧空嘆息而今拈出普請看遂拈拄杖云見麼見麼擲下云分文不直

上堂人皆競賞中秋惟有山僧不管大都天上月圓只是尋常月半更有不識好惡底無端指月話月翫月又道正好供養正好修行拍禪牀噫長夜漫漫何時旦

上堂行不動塵語不動唇現成行貨黃金白銀君不見洞山老問佛直答麻三斤

上堂輕如鴻毛輕重若丘山重安排不得處信手拈來用拈拄杖云雖是死蛇却要活弄擲下云爺爺開爐上堂衲僧門下無可不可熱則到處乘涼寒則圍爐向火飢則餐困則臥執法修行如牛拽磨

上堂拈拄杖召大眾云這箇拄杖子在諸人分上過山過水東拄西拄不妨全得佗氣力若到山僧手直是要豎不得豎要橫不得橫何故卓一下云大都縑素要分明

上堂二月春光明媚是處花酣柳醉五湖四海禪流切忌開眼瞋睡我此一衆盡是惺惺底焉拈拄杖豎起云且道這箇是什麼良久云我喚作拄杖子卓一下云你不得喚作拄杖子靠拄杖下座

靈隱高原和尚訃音至上堂來無所從南高峰北高峯去無所至東澗水西澗水幻泡忽滅證得烏龜成白鰲清風未已須信高原元不死既不死且道在什麼處拈起拄杖云見麼見麼卓一下云認著依前不相似

上堂名不得狀不得復是何物見得到用得親不由別人有時恁麼有時不恁麼無毛鷄子貼天飛帶角大虫當路臥

上堂當明有暗當暗有明口說如啞眼見如盲畢竟作麼生門外一條通驛路朝朝暮暮有人行

上堂玄沙不出嶺保壽不渡河高亭見招手乃攬趙資福望刹竿便回去這四箇漢總欠一錐何故人無遠慮必有近憂

破庵和尚忌辰拈香炎炎六月飄風灑雪百丈耳聾黃蘗吐舌海澗山高誰與論一回飲水一回噎

上堂九日今朝是那知是不是若道不是淵明把酒登東臯若道是窮子赤身眠露地到這裏往往十箇五雙有理無雪處且聽拄杖子爲諸人出氣卓拄杖一下

開爐上堂瞿曇你自瞿曇達磨從佗達磨佛法有底商量各自歸堂向火雖然如是也須照顧眉毛入城出隊上堂召大眾云現前坐立儼然面面相看眼眼厮覷諸人也瞞山僧一點不得山僧也瞞諸人一點不得雖然須知有互相熱瞞底句若有試出來露一班看如無山僧不免效七佛威儀倒騎佛殿穿汝諸人鼻孔去也

出隊歸上堂拈拄杖召大眾云半真半假千家貨非實非虎百寶囊卓一下云盡底打開都見了有誰合

火共分賊靠拄杖云一分奉釋迦牟尼佛一分奉多寶佛塔

上堂拈拄杖召大眾云有般漢見拄杖喚作拄杖有般漢見拄杖不喚作拄杖要且總沒交涉還會麼二由一有一亦莫守一心不生萬法無咎擲下拄杖云三祖大師來也

上堂現前三昧了無向背雪壓樓臺風號松檜憶昔水潦被馬師一踏踏倒起來不覺失聲道只向一毫頭上識得根源阿呵呵笑倒明州憨布袋

臘八值雪上堂召大眾云黃面瞿曇昔往雪山六年苦行夜觀明星忽然悟道於是三七日中思惟如是事直得無啓口處非特瞿曇鄒峯展轉思惟亦無啓口處雖然事無一向也要露箇消息良久云會麼今朝臘月八回觀雪山雪密灑鄒峯前曾無兩般色上堂一年三百六十日看看盡也所以道是日已過命亦隨滅如少水魚斯有何樂又道當勤精進如教頭然諸人試各自猛省看是樂是不樂若未得其樂直須如救頭然縱饒樂去亦須如救頭然何故田廡

奴不見道學則不固

謝首座上堂叢林綱紀之設貴在得人有如國家拜將相似須是文武兼備韜略雙全有濟險扶危之手然後可以克服天下莫不從風而靡而吾教亦類於是者所謂肘臂欲其重爪牙欲其利非利不能開鑿人天非重不能權衡佛祖具此二者叢林乃振叢林既振且合發明箇什麼事良久魯祖面壁雪峯觀毬上元謂首座立僧上堂突兀聲前句恢宏量外機未明三八九難辨力困希諸人若辨明得去便見從上來的的相承燈燈相續直至如今真風不墜儻或未然堂中首座深諳此旨各宜師而親之扣而問之莫待老來空手歸

上堂卓拄杖云內空外空內外空四大五蘊不可得山河大地不可得不可得亦不可得復卓一下云舜若多神面皮黑

上堂拈拄杖云拄杖子難摸索有時喜有時惡攪動滄溟衝開碧落卓一下云何如普化搖鈴鐸上堂形名未兆文彩全彰短者自短長者自長黃面

瞿曇徒自說黃道黑胡鬚達磨何須歷魏遊梁拍禪
牀云長憶江南二三月鷓鴣啼處百花香

上堂三月春將老萬木獻青杪微雨濕殘紅泉聲雜
幽鳥堪悲堪笑寒山子歸不得忘却來時道

上堂拈拄杖卓一下云德山不會喝一喝云臨濟不
知諸人向什麼處與育王相見復卓一下連喝兩喝

上堂拈拄杖召大眾卓一下云恒沙世界諸佛國土
索然粉碎釋迦彌勒飲氣吞聲自餘閑佛閑祖又向

甚處出氣然雖如是不當宗乘

端午上堂盡大地是藥無不是藥者信手拈來用頭

頭非取捨拈拄杖云這箇是什麼藥卓一下云萬病
丸

新智門誼和尚至上堂舉僧問智門蓮花未出水時

如何門云蓮花僧云出水後如何門云荷葉師云一

徑直二周遮衲僧會得眼裏添沙若是育王又且不

然有問蓮花未出水時如何荷葉出水後如何蓮花

且道與智門還有優劣也無川僧嘉苴浙僧瀟灑

上堂召大眾云古人九十日夏克期取證而今眨眼

已過半夏了也諸人分上事作麼生是有所證是無

所證若有所證則且置而今止餘半夏也末有所證

底快須證取且證取箇什麼荷葉團團團似鏡菱角

尖尖尖似錐風吹柳絮毛毬走雨打梨花蛺蝶飛

上堂三分光陰二已過作麼生靈臺一點不措磨灼

然屎放尿亦無餘地貪生逐日區區去樊噲踏鴻

門喚不回顧爭奈何不是河南便是河北育王今日

鼻孔在諸人手裏一任橫拖倒拽

中秋上堂萬籟聲沉沉虛堂夜寂寂不見寒山子未

免空相憶休相憶遂舉拂子云元來在這裏與諸人

共賞中秋從而惡口小家道吾心似秋月碧潭清皎

潔無物堪比倫教我如何說說則說了諸人因甚見

似不見聞似不聞拍禪牀云可煞惺惺

上堂古者道從文殊門入者牆壁瓦礫爲汝發機從

觀音門入者蝦蟆蚯蚓爲汝發機從普賢門入者不

動步而到雖然新月有圓夜人心無滿時

上堂今朝八月二十五記得洞山離查渡韶石山頭

打不回直至如今無本據問佛便答麻三斤何似庭

前栢樹子會麼蒼鷹擲臥兔貓兒捉老鼠

上堂萬籟風淒淒千林露滴滴塞鴈起平沙夜虫吟
破壁舉一不得舉二放過一著薦拈拄杖云更聽拄
杖子露箇消息卓一下

上堂召大眾云無道可學無禪可參黃頭碧眼徒話
指南霧歛雲收天宇寬門前幸有千朵青山萬朵青
山徘徊贏得倚欄干

上堂此箇事諸人除是不知不理會則已若知了要
理會直是殃害殺人無理會處何故諸人擬向東邊
尋要且不在東邊擬向西畔討要且不在西畔諸人
只欲硬放下都不管著又却一似宿世冤家相似不
能得脫離去正恁麼時畢竟如何卽是豎拂子云冤
家冤家

謝首座秉拂上堂橫說豎說何曾動著舌頭逆行順
行總是家常茶飯有準繩無畔岸以拂子劃一劃云
會麼吾道一以貫

冬至上堂拈拄杖召大眾云一陽生萬彙生正當生
作麼生卓一下云羣陰消殄吾道大亨

上堂舉僧問普濟如何是祖師西來意濟云庭前一
叢竹經霜不自寒畢竟如何只聞風擊響知是幾千
竿師云諸人還會麼諸人若會便見有宗門直指底
道理若也不會育王更爲頌出仍舉前頌下座

上堂一年十二月此月乃當盡一月三十日此日方
起頭此日卽是尋常日那裏是起頭處此月卽是尋
常月那裏是盡頭處若向這裏著得隻眼許諸人會
不遷義其或未然起滅不停念念遷謝逗到三十日
闍羅老子徵你飯錢莫言不道

臘八上堂黃面老漢二千年前於正覺山前夜觀明
星忽然悟道於三七日中思惟是事直是無啓口處
灼然此事呈似人不得說與人不得其惟證者乃可
知焉且知底事作麼生豈不見眞淨和尚道頭陀石
被莓苔裹擲筆峯遭薛荔纏羅漢院裏一年度三箇
行者歸宗寺裏參退喫茶育王今日無暇與諸人喫
茶下座同詣妙勝殿炷香作禮然於作禮處各宜照
顧且照顧箇什麼莫教磕破腦門

上堂聲前句量外機明歷歷峭巍巍舉者既少見者

亦稀拈袈裟角云見麼見麼抖擻多年穿破衲襪
一半逐雲飛

散天基節上堂虛空廣大聖心廣大虛空無邊聖德
無邊以無邊之德被於華夷以廣大之心包乎天地
包乎天地其心愈明被於華夷其德日新綿綿而長
存蕩蕩而難名正恁麼時如何野老不知堯舜力
鑿打鼓祭江神

上元上堂今日是元宵令節不問紅塵鬧市酒樓花
洞處處放燈王孫公子車馬駢闐往來觀看乃至騷
人墨客長篇短句更相酬酢莫不以燈爲佛事所謂
一燈然百千燈燈燈相續一句演萬億句句句朝宗
雖然如是且道一燈未發一句未形已前如何體悉
良久云寧可截舌不犯國諱

佛涅槃上堂黃面老凍儂賤賣閑骨董爲世大醫王
誰知多病痛到頭力盡計窮猶自摩訶告衆謂吾滅
度非吾弟子謂吾不滅度亦非吾弟子遂顯示大衆
云會麼楚鷄不是丹山鳳

上堂春風浩浩春雨綿綿花凝曉露柳帶寒煙造化

無作而作萬法不然而然達磨九年空面壁善財走
得脚皮穿

上堂人人脚跟下有一坐具地諸佛出世祖師西來
不敢動著一絲毫山僧今日亦不敢動著一絲毫亦
要諸人不動一絲毫直下搆取願祝大衆云還搆得
麼良久苔生也

上堂淺聞深悟深聞不悟迷逢達磨趙婆呷醋

上堂木中有火鑽之始明鑽中有金煉之始精諸人
分上各各有無價之寶如何甘自溺於陰入之坑陰
入之坑卓拄杖一下云打破了也且實在什麼處擲
拄杖云各宜辨取

上堂過去諸如來斯門已成就好與三十棒現在諸
菩薩今各人圓明好與三十棒未來修學人當依如
是法好與三十棒何故不見道齊之以禮

上堂一夏逡巡已過半往往精勤成懶慢幸然底事
十分現成因甚到夜打疊不辦君不見趙州末上見
南泉何似雪峯參老觀

破庵和尚忌日拈香我昔未行脚時便知道鼻孔在

面上及乎遊歷諸方後依前不移易一絲毫許幸自可憐生無端失脚到這老凍儂面前被佗橫兩橫一時打失了也直至如今無言可說無理可伸雖然舉香云喚這箇不是本色道地得麼

上堂阿刺刺橫該抹天何高地何闊碧眼與黃頭徒自開聒聒育王恁麼道也是將鹽止渴

謝監收上堂一處通處處通手頭活落脚下玲瓏常記南泉提起處刈禾鎌子快如風

上堂仰面看天低頭覷地明眼衲僧討甚巴鼻豈不見山前明覺寺裏有箇陳閣黎解道蘇嚕蘇嚕悉喇悉喇

上堂古者道譬如鴈過長空影沉寒水鴈無遺蹤之意水無沉影之心正恁麼時取不得捨不得不可得中只麼得且道得箇什麼展兩手云會麼有錢布施無錢慙愧

中秋上堂前月只此月後月亦此月何得塵世人競賞中秋節競賞卽不無且作麼生是廣寒宮裏事良久云南泉拂袖之何處藥嶠披雲笑不休

上堂臨濟問佛法大意於黃蘗三度喫六十拄杖後來却於大愚處肋下壓三拳所謂爐鞴之所鈍鐵尤多德山出峽來氣吞宇宙逗到龍潭吹滅紙燭失却鼻孔遂將疏鈔一時焚却云窮諸玄辨若一毫置於太虛錫世樞機似一滴投於巨壑猶涉廉纖在臨濟德山且置且道育王爲人在什麼處良久云晝見日夜見星

重陽上堂拈拄杖云九日當佳節黃花處處新相逢多醉客少見獨醒人卓一下云打草只要蛇驚上堂拈拄杖示衆云見見之時見非是見見猶離見見不能及且見不及處如何體悉卓一下云僧堂觀破香積厨鷄吻咬殺佛殿香

上堂舉拂子召大眾云只這是莫過於此隨我者隨之南北不隨我者死住東西諸人若抵死不信後五日十字街頭撞見阿爺莫道育王今日不說

上堂七佛已前無消息處有消息那箇不知七佛已後有消息處無消息是人不會知不知會不曾璞玉渾金泥團土塊

大慈笑翁和尚至上堂若欲發明箇事須過其人既遇其人自然眼眼相照彼彼相諳似金博金如水與水豈不見大慈一日掃地次趙州問云般若以何爲體慈云般若以何爲體州呵呵大笑次日趙州掃地次大慈却問云般若以何爲體州放下苕帚仍復呵呵大笑大慈便去方丈師舉了乃呵呵大笑云這二老漢冷眼看來也是好笑笑須三十年始得何故將謂胡鬚天下赤誰知更有赤鬚胡

冬至上堂六陰剝盡不可停留一陽復生難爲遮掩難遮掩處物物現成不停留時應應解脫舉拄杖云只這箇豈不現成卓一下云豈不解脫恁麼會得許諸人證不退轉地其或不然一九二九三九四九從頭數去前頭大有寒凍在

上堂一年十二月只餘此一月此月極盡處又見明年月循環既無端何勞強分別分別不生則前後際斷前後際斷則眞智現前眞智現前則不見有現前之量亦不作不現前之解正恁麼時如何豈不見瑯琊讚菩提達磨云師心兮戴

上堂錦包特石鐵裹泥團現成活計格外鄉談明眼衲僧會不得月移梅影上欄干

歲日上堂今朝止月一日且要捉景第一不得說雜話說佛說法是雜話說禪說道是雜話說玄說妙是雜話作麼生得不成雜話去良久云果然

散天基節上堂言而足終日言而盡道言而不足終日言而盡物言而不足則且置作麼生是足底道理良久云蟠桃結實三千歲睿筭延鴻億萬春

因事上堂有一人聞此事歡喜讚嘆我說是人永劫沉淪有一人聞此事闢提毀謗我說是人活陷地獄且道二人中那箇可救會麼前三後三十雙五單江南地暖塞北大寒

佛涅槃上堂二月十五瞿曇滅度諸天悲泣羣魔鼓舞且道鼓舞底是悲泣底是育王敢道總不是何故清平世界無閑地

上堂春色依依花木芳菲滿眼滿耳絕毫絕釐惟子規知此意一聲聲道不如歸

上堂黃蘗樹頭蜜菓破蓆袋裏珠珍愈藏愈顯日久

日新爭似鷗從閑壁角聽教人道不逢春

謝都寺結夏齋首座秉拂上堂召大眾云山僧昨夜偶因無事起來東行西行至佛殿前約三更時忽見張上座李上座二人在中庭互相徵問張云今年都寺好結夏齋李云好在什麼處張云施主香至連供者三使我一衆皆獲饜飽一飽之餘更無餘念所謂一飽忘百飢是也李云飽則飽矣更須除却箇飽始得此飽不除爲飽所礙則爲虛飽非真飽也張云某甲只恁麼老兄作麼生李云恰是首座好秉拂張云好在什麼處李云凡出一言道一句莫不驚羣動衆去離泥水活人眼目使我一衆見所未見聞所未聞皆得法喜禪悅之樂張云樂則樂矣也須忘却箇樂始得此樂不忘爲樂所困不爲樂也二人互相問難經八十反山僧在暗地裏聽得忍俊不禁咳嗽一聲二人驚愕云噫元來和尚在這裏二人於是近前問訊復學前話慇懃致問願求一決山僧見他語聲高低遂於手上捏一捏二人懍懍散去莫知所之已而樓頭鐘動東方既白矣卽今擊鼓陞堂重舉一遍以

謝都寺首座也要大家共知學亦學了謝亦謝了知亦知了且道山僧當時於手上捏一捏二人懍懍散去意作麼生諸人還會麼良久云斷碑鐫白字當道種青松

徑山少林和尚遺書至上堂召大眾云少林消息絕大地一團鐵愁殺寒山子無言倚寥沉悲風流水聲嗚咽

端午上堂入荒田不揀信手拈來無不是藥隨手用去無不應効而能把膏肓活必死假使盡大地人一一抱疾各各不同到育王這裏不消一服總教伊脫體安樂而去遂拈拄杖卓一下云諸人還覺神清氣爽麼又卓一下云更饒一服

上堂五五二十五六六三十六縱以大衍數終是數不足數得足無不足碧眼黃頭口啞舌禿

破庵和尚忌日拈香我與這老漢本自無交涉狹路偶相逢歡喜成冤結此結不可解此冤不可雪噉噴噴噉噉勸攝

上堂朝碌碌暮悠悠非懈怠非精修畢竟如何華亭

船子北地趙州

解制上堂九旬今已滿那事竟如何無爲無事人往
往成蹉跎育王敢道不蹉跎何故少年曾決龍蛇陣
老倒還同穉子歌

佛鑑禪師語錄卷第一

佛鑑禪師語錄卷第二

住臨安府徑山興聖萬壽禪寺語錄

侍者普明了南紹曇等編

指三門廣大樓閣門戶不扇了事衲僧未行先到且
到後如何眼不見爲淨

佛殿天上無彌勒人間無釋迦燒香禮拜誰遂燒香
云唵摩尼達哩吽噯吽

踞方丈前佛性命後佛紀綱總被斯徑山今日一把
把定直得盡天下衲僧無出氣處莫有不甘底麼拍
禪牀云果然

拈勅黃從上來莫不貴重這一著子直得不言而化
不約而同風從虎兮雲從龍

指法座召大眾云便怎麼委得暢殺五髻峯儼或躊
躇且行雙徑路

陞座祝 聖罷問答不錄

乃云靈山密府釋迦老子面

皮黃少室單傳達磨大師無版齒聲前得句意外明

宗透過是非關不住羅籠表便可十字街頭橫三豎

四孤峯頂上嘯月眠雲的的無私頭頭有據以此弘

濟大法以此仰助教風豎抹橫該七穿八穴正怎麼

時如何千峯朝華嶽萬派肅滄溟叙謝不錄 復舉世尊

陞座文殊白槌云諦觀法王法法王法如是拈云大

衆幸自好一片無瑕白玉却被文殊一槌打作百雜

碎直至如今收拾不上然雖如是不因樵子徑爭到

葛洪家

當晚小參直下便是劃地爲牢別討生涯鑿空求縫

怎麼也不得不怎麼也不得驪身一躍抹過太虛只

此靈鋒阿誰敢擬能縱能奪能殺能活無高無下無

黨無偏一切處不留一切處成就拍禪牀云不知世

有誰知己相共扶持折脚鎗。復舉三聖問雪峯透網金鱗未審以何爲食公案拈云軟底不奈硬底何硬底不奈軟底何然雖如是點檢將來未免一得一失具眼者辨取

謝兩班并萬年西堂至上堂釋迦出世一時文殊普賢觀音勢至金剛藏彌勒大士佉方國土諸大菩薩聲聞緣覺悉皆畢集莫不各務本事助佛揚化轉大法輪如百川赴海同歸一味山僧此來新住徑山亦有知事頭首大眾耆舊諸方來者大善知識各出一隻手作成保社扶豎正宗然於中間要且你不識我不識你彼彼不相照各各不相知你若忻忻我即不肯且道因甚如此義出豐年

重陽上堂召大眾云去年底今年底輒莫明年更明明年年只如是黃花爛爛醉重陽落葉蕭蕭愁滿地諸人還會麼以拂子擊禪牀云吾無隱乎爾

開爐上堂僧問初冬時節又相催浩浩諸方爐韞開獨有徑山文武火不知煨殺幾人來如何是徑山文武火師云切不得動著我香匙火筴進云只如趙州

道三十年前南方火爐頭有箇無賓主話未曾有人舉著此意如何師云舌頭拖地進云畢竟如何是無賓主話師云言滿天下進云只如玄沙聞得云這老漢脚跟未點地在又作麼生師云一坑埋却進云可謂焦磚打著連底凍赤眼撞著火柴頭師云一劃劃斷僧禮拜師乃云五峯門下三箇五箇襌被幪頭圍爐打坐鼻笑瞿曇平欺達磨又誰管你張三李六然雖如是諸方爐韞正炎炎何似徑山文武火

出鄉歸上堂若論此事如國家出師相似須是先鋒殿後俱得其人人無異志心無異用一往直前折衝千里然後戰無不勝攻無不取且奏凱回戈頓轡自樂一句作麼生道折弓放馬無餘事倚杖逢春點異花復云赤手空拳下山去滿船和月載歸來五峯可煞無慚愧面面相看眼未開何故窮抗難滿天童晦巖和尚至上堂同身共命同氣連枝阿難合掌迦葉揚眉就中一句子不許外人知且道因甚如此營裏天王

謝保寧西堂掛牌及新舊都寺上堂說禪說道易成

佛作相難又道成佛作祖易說禪說道難咄有什麼禪道可說有什麼佛祖可成更有什麼一絲頭許難易來然雖如是忙者自忙閑者閑

上堂不寒不熱好箇時節黃鶯頻織柳絲烟子規猶哭松梢月佛殿脊被鴟吻咬殺則且置且道透聲色一句作麼生道良久云老不以筋力爲能

浴佛上堂指天指地弄精魂只爲生來無腦門韶石一棒打不殺至今恩愛俱成冤正當四月八底事與誰論門外千峯萬峯啼斷猿

上堂南北東西八百牛時來群聚五峯頭飢餐飽臥松風裏晝不拘兮夜不眠然雖如是爭奈鼻頭繩索總在山僧手裏有時一掣教佗去有時一掣教佗住且總不恁麼又作麼生繫拂子云今日費我多少草料

謝西堂首座秉拂上堂萬年石橋三平石梁總沒交涉恰恰相當足陌見錢買賣一毫不用商量因甚如此南泉斬猫兒

火後上堂劫灰飛盡見靈蹤突兀凌霄對五峯意在

目前誰共委相同扶起舊家風

端午上堂五月端午節底事不須說百恠盡潛蹤羣魔俱殄滅是則是且道無病之人如何發藥鄭州藥青州東綿州附漢州薑邠州鐵卓拄杖下座

入城歸謝宣賜上堂去時萬木含愁色歸日千峯展笑容此意此心知有自一爐香爇散天風

上堂七月八月或涼或熱景色淒清蟬聲鳴咽觀音菩薩將錢買胡餅放下手却是饅頭拍膝一下云韶陽老人得一橛

大內陞座及見施主歸上堂逾月走紅塵生涯隨處新逢人陪笑面接物強精神僥倖遇明主蚌蠆感重臣歸來何以報卓拄杖一下云只此謝堯仁

上堂三分光陰二早過靈臺一點不措磨貪生逐日區區去喚不回頭爭奈何古人併盡氣力只抓著徑山癢處山僧自罹劫火奔走紅塵歸來瓦礫堆中從事土水非但業識忙忙和鼻孔眼睛一時打失了也如今要作全人終不可得然雖如是家貧願隣富重陽上堂九日重陽節東籬賞菊花歌權公子事淡

薄野僧家雖然淡薄不妨別有滋味且道是什麼滋味膠膠粘粘黃栗粽苦苦澁澁菜羹茶

上堂舉教中道彌滿清淨中不容他又道云何是中更容他物薰拈拄杖云這箇且不是他物卓一下云豈不清淨你等衲僧家要行便行要坐便坐靠拄杖云切不得動著

入城歸上堂十五日以前常在途中不離家舍十五日以後常在家舍不離途中正當十五日跛跛挈挈百醜千拙張都料李作頭鑿斲底鑿斲著楔底著楔雙徑來來去去人長安夜夜家家月

謝兩堂首座秉拂上堂召大眾云山僧是箇實頭人愛說實頭話凡一切事據實而論前日兩堂首座秉拂所說法要一人全道得著一人全道不著道得著底堪與人天爲師道不著底堪與佛祖爲師若人辨得出自救不了若辨不出南州北州名字行却有何益哉

水鄉持鉢歸上堂六月火邊坐三冬水裏走怒中呈笑面闊處伸毛手滿載沒底船歸來重抖擻且道抖

擻箇甚麼卓拄杖云蘇州有常州有

郡知府至上堂傾蓋相逢已成多事側轡回首早涉繁詞須是恁麼人方明恁麼事恁麼人既在這裏作麼生是恁麼事檐竿頭上鐵龍頭復云達磨西來不立文字教外別傳且道傳箇什麼徑山久默斯要不務速說今日既遇知音不免破慳去也垂下一足云不是撲庵大難委悉

佛涅槃上堂記得世尊涅槃日普告大眾云謂吾滅度非吾弟子謂吾不滅度亦非吾弟子師云滅度不滅度既總不是畢竟合作麼生諸人還見釋迦老子麼其或未然却聽山僧分明爲汝指出遲日江山麗春風花草香泥融飛鷺子沙暖睡鴛鴦

上堂拈拄杖召大眾云韶光去也誰能留長江衮衮無暫休人生既老不復少此心未了空悠悠或有箇漢出來道大小徑山猶作這箇語話卓一下云打草只要蛇驚

浴佛上堂指天指地徒張意氣一棒打殺更無巴鼻徑山今日都盧放過且要一時腦門著地何故豈不

見道禮之用和爲貴

上堂舉應庵示衆云三十三州七十僧驢腮馬領得人憎諸方若具羅籠手今日無因到淨名師云應庵太師祖是則是太煞舌長徑山則不然數百禪和數十州襤褸破衲面搗搜諸方有道不肯學甘共山僧拽木頭

上堂拈拄杖召大衆云今日四月十五結制之辰盡山河大地草木叢林情與無情盡在拄杖頭上安居禁足若凡若聖若青若黃長短洪纖各住自位不得動著候七月十五別有條章這箇則且置豎拄杖云你道這箇拄杖子吞却拄杖子不見有拄杖子依舊是箇拄杖子時如何卓一下云應當如是學

謝兩堂首座秉拂上堂拈拄杖云前既無釋迦後亦無彌勒即今何所觀舉拄杖云見麼天台三百五十錢買得卓一下云賊賊

中夏上堂拈拄杖云前半夏已往已難推究後半夏未來未可討論正當今日有箇現成公案諸人還斷得麼若斷不得且聽拄杖子斷看卓一下云乾三連

坤六段

破庵和尚忌日拈香楊歧設忌做盡鬼怪徑山設忌一無所解隨分淡淡薄薄點一盃茶燒一柱香謾禮三拜若謂報德酬恩兔子喫牛糞

上堂時節不相饒俄當七月初未聞桐葉落已覺稻香飄泣露蟬聲咽迎秋鴈影遙有誰相共委突兀對凌霄

解夏上堂諸人分上各各有一節案牘九十日內推勘已圓今當自恣既到山僧面前無有不了底事且畢竟如何決斷已結證未結證薦拈拄杖卓一下云大赦咸放

出山鄉歸上堂黃面瞿曇昔持鉢入舍衛大城乞食於其城中次第乞已還至本處飯食訖收衣鉢洗足已敷座而坐召大衆云黃面瞿曇幸自可憐生無端被須菩提出來道箇希有直得七花八裂收拾不上徑山出鄉四十餘日今日歸來飯食已了衣鉢亦收了敷坐已了只是諸人第一不得出來讚嘆何故錢是足陌物有定價

御書至上堂拈香祝

聖罷跌坐

問答不錄

乃云須彌山爲筆香水海爲墨盡

大地爲紙吾大

聖人以主天下之力秉此筆蘸此

墨而於此紙大書特書縱橫得妙輝騰今古榮耀林

泉以此修吾佛之光以此霽神龍之澤以此莊嚴寶

所以此成就福田吉祥中吉祥殊勝中殊勝正怎麼

時如何報稱萬年恢正續四海樂無爲臣僧

師範

恭奉

聖旨特賜本寺釋迦寶殿妙莊嚴閣凌霄之閣靈澤

之殿寶所萬年正續之院二十四大字宸翰臣僧領

衆迎接歸寺永鎮名山陞于此座舉揚宗旨上祝

聖壽無疆臣上感聖恩上感聖恩下情無任感天

荷聖激切屏營之至復說偈云堯仁及物麗如春

榮寵名山御墨新將底齋恩崇壽域碧天無際水

無垠

冬至上堂拈拄杖云過去也怎麼未來也怎麼見在

也怎麼卓一下云一陽來復萬彙發生寒谷回春冰

河解凍且道是佛法耶世法耶卓一下云非思量分

別之所能解

上堂摩騰入漢如將蒿枝攪四大海令一切蝦蟇魚

龍知水爲命達磨西來又如將鴆毒置於海中令一

切蝦蟇魚龍飲者皆死雖然如是心不負人面無慚

色

浴佛上堂昔年當此日生箇老妖孽殃害大地人有

屈無處雪雲門憤不甘一棒要打殺打不殺至今年

年有箇四月八

結制上堂徑山今日結夏不分上中下座健則運瓦

搬椽困則橫眠倒臥誰管你孔夫子李老君胡達磨

何故善賈者不停死貨

上堂佛之與祖是生冤家禪之與道是大妄語何故

豈不見道冠者五六人童子六七十人浴乎沂風乎舞

雩詠而歸

上堂拈拄杖云一切有爲法如夢幻泡影如露亦如

電舉起拄杖云拄杖子化作拄杖子吞却拄杖子則

且置只如深沙神怒發將嘉州大像一捆因甚陝府

鐵牛颯然粉碎卓一下云應作如是觀

上堂七縱八橫處見得透徹寒灰死火時恰恰相當
寒灰死火時體得分明七縱八橫處頭頭合轍所以
道古今一貫聲色純真豎拂子云看看德濟龍王向
這裏遇大神通降一陣卒風驟雨瀉向諸人面前還
知麼若也不知却歸靈澤殿去也

上堂古者道爲學日益爲道日損損之又損至於無
損正恁麼時蜻蜓許是好蜻蜓飛來飛去不曾停捉
來摘除兩箇翼便是一枚大鐵釘

佛涅槃上堂舉文殊請佛再轉法輪世尊云吾四十
九年未嘗說一字汝今請吾再轉法輪莫是吾有所
說法耶師云黃面瞿曇以油洗皂欲成素練豈可復
得耶下座詣大佛殿普禮三拜和文殊一時領過
上堂舉梁山和尚道南來者與三十棒北來者與三
十棒雖然如是不當宗乘後來琅琊道梁山好一片
眞金只作頑鐵賣了琅琊卽不然南來者與三十棒
北來者與三十棒一任天下人貶剝師云琅琊恁麼
道瓜田納履未免嫌疑徑山這裏南來者搬泥北來
者運土拔一毫以利天下吾不爲也

破庵和尚忌日拈香這箇老凍儂猛利如虎狼威凜
萬壑風眼搖百步光我昔編其鬚脫命於毫芒至今
數十載毒恨不可忘此世後世永永不願見臨風誓
此一爐香

出鄉歸上堂千峯萬峯濃潑眼十谿五谿深沒腰只
有山翁喜相接聲聲慚愧與難消且道還有所得也
無蝦蟆口裏一粒椒

重九上堂黃菊新開剪剪金忻逢佳節興難禁臨高
無語寫幽思拄杖爲吾聊一吟卓拄杖一下云非但
落韻兼錯平仄

上堂二由一有一亦莫守文殊普賢泥猪疥狗
上堂今時參學多是踏步向前道我參毗盧師法身
主向上巴鼻格外玄機如渴鹿趨陽焰於自己脚跟
下事往往踉蹌殊不知舉步處踏著釋迦老子天靈
蓋開口時觸著達磨大師祖諱要且無你在憑右掩
處徑山恁麼告報還有猛省底麼咄用省作麼
聖節上堂拈拄杖云天地之根萬物之主大千無以
居其尊劫石難以並其固卓一下云直得森羅萬像

草木叢林情與無情悉皆鼓舞時哉時哉正月初五謝智首座惠後堂并新舊頭首上堂徑山一句子似有如無却須是箇具大智慧底領之於文彩未彰已前然後知大藏小藏盡從這裏流出至於或卷或舒或進或退靡不中的雖然如是可惜許

中夏歸新僧堂上堂大凡參學先須自參直須識取自家本來面目然後徧參遊人門戶升其堂奧坐其牀榻至於自受用三昧他受用三昧一時具足儻或倚佗牆壁看佗眉毛眼睫終非究竟既然如是且作麼生是自家本來面目良久云北人不相鼻南人不相色

解制上堂道無彼我踏著不噴用不停留了無轍跡翠巖東語西話著甚來由仰山種粟畬田翻成窠窟文遠於驢糞裏落節洞山向萬里無寸草處彈跟這一隊漢一時裂下了也畢竟事作麼生拈拄杖卓一下云驚起暮天沙上鴈海門斜去兩三行

謝新舊知事兩堂秉拂上堂衲僧家無本據動靜去留無非活路進一步臨機沒回互退一步聲色如響

譬不進不退又且如何前堂首座是果州人後堂首座是蓬州人蓬州人自打蓬州鄉談果州人自打果州鄉談雖然如是君子千里同風

出隊上堂拈拄杖召大眾云衆生擾擾昏昏寢於長夜困於脩途徑山不忍見向三冬裏轟一聲霹靂而使夢者覺行者詣卓一下還覺神清氣爽麼成龍昇天成蛇竄草

檀越捨佛五臟請上堂無量法門同歸方寸河沙妙德只在毫端於一毫端上見得便見靈山一會心肝五臟盡在這裏放行把住不由別人若論把住不消一捏若論放行則釋迦老子自還釋迦老子文殊普賢自還文殊普賢阿難迦葉自還阿難迦葉護法諸天自還護法諸天不妨各得其要各住自位各務本事助佛揚化盡未來際無有退轉正恁麼時如何此功德海無邊際流出當人一念中一念真心无法界當知福報亦無窮

上堂恍恍惚惚杳杳冥冥非精非物非佛非心缺齒老胡得之而不識颺在乎嵩山之陰諸人還識得麼

水上青青綠元來是浮萍

浴佛上堂釋迦老漢初生下時一手指天一手指地云天上天下唯吾獨尊後來有孝順兒孫要一棒打殺與狗喫者又有將惡水薰頭澆者點檢將來總出佗圈續不得徑山則不然當初若見只與佗摩頂云易長易養管取教佗哭也不成笑亦不得

上堂召大衆云猫有歎血之功虎有起屍之德所以柄持佛祖正印者殺活卷舒遊刃自在理故當然若據今日盡天下衲僧到徑山這裏總須乞命然雖如是吹毛雖利不斬無罪之人

上堂釋迦掩室於摩竭淨名杜口於毗耶須菩提唱無說以顯道釋梵絕聽而雨花後來又道斯皆理爲神御故口以之而默豈曰無辯辯所不能言也師云肇法師不謬爲座主善說出格道理若是徑山則不然草木天下同

破庵和尚忌日拈香太湖濱南湖畔行脚不著便撞著這老漢分明兩箇五百文剛然證道是一貫當時被渠漏洩一場究竟成箇不了公案逗到今日如何

結斷炷香云神光斷臂豫讓吞炭

出山鄉歸上堂召大衆云三家村裏神樹子十字路頭牛屎堆拾得寒山曾覷破至今拍手笑哈哈你這一隊後生三條椽下閉眉合眼恣意妄想知什麼茄子瓠子

重九能仁西堂同定首座至上堂召大衆云三十年前與吾石谿商量一段因緣橫也不奈何豎亦不奈何至於七日竟無折合懺懺而休誰知三十年後薰然撞在面前不待商量自然默默相契非但石谿至于定公首座亦同此見毫髮無差且道如何是相契底事節屆重陽日短夜長

爲石谿和尚赴蔣山引座寶公寶山之寶非青黃赤白等色亦非大小方圓等相三賢莫辨十聖那知是故公亦秘惜若非其人未易分付今日石谿不涉安排計較突然在前無心而得既得之已亦不以爲奇特眩曜於是則故是爭奈我此千百衲子虛心久矣皆欲一見是以鳴鼓集衆懇懇虔請願陞此座於香煙起處放此寶光令我一衆因此寶光獲見此寶

同得受用盡未來際求無退失然雖恁麼更有一事
不得不疑或有箇沒意智漢不識好惡犯衆出來道
蔣山蔣山不得將常住物作自己人情吾姪却須自
作支遣莫教累及老叔恐人無憑先此奉白

上堂參禪衲子擔箇不會到處問人東邊問張老西
邊問李老問來問去忽然一旦會得元來便是箇不
會底雖然莫將圖上水喚作洞庭波

上堂佛祖命脉洞然明白黑漆屏風松蘿亮隔

冬至上堂孟冬薄寒仲冬嚴寒寒則普天普地寒結
成冰片凍破泥團達磨不會大難大難

臘八上堂拈拄杖云雪山六年凍不死一麻一麥餓
不死無端更道悟明星墜倒至今扶不起拄杖子試
著力看卓一下普賢蹙頞文殊偷喜

上堂纔擬恁麼便不恁麼成現生涯陳年滯貨雪峰
輟出三箇毬壘著嵩山破竈墮

師嘉熙三年正月二十五日奉

聖旨特賜佛鑑禪師師領衆迎接望

闕謝恩畢遂鳴鼓陞座拈香祝

聖罷據座問答不錄

乃云形名未兆文彩全彰見聞知覺觀體純真坐

臥經行全身奉重應萬機而無滯融十虛而不痕左
右逢原縱橫得妙然雖如是堯舜之君猶有化在且

把定乾坤獨超今古一句作麼生道雲淨日月正風
喧草木香臣僧師範涼薄之蹤於道無取茲者恭蒙

聖恩特賜禪號寵踰其分愧溢于中是由昔日靈
山付囑之重以至今日有茲叨遇上感聖恩上感

聖恩但臣下情無任激切屏營之至復說偈云只

箇叢林粥飯僧濫膺徽號愧無能臨風將底祝君
壽遙指南山千萬層

上堂靈山獨付飲光少室單傳可祖黃梅夜半傳衣
臨濟臨行囑付徑山這裏無衷私底佛法今日普爲

諸人保任此事終不虛也只是第一不得生風起草
第二不得匿影逃形懸崖鳥道不得寄跡留聲白日

青天不得嚙言寐語老僧恁麼告報莫成寐語麼良
久云正是寐語

浴佛上堂僧問未離兜率已降王宮未出母胎度人
已畢此意如何師云頭陀石被莓苔裹擲筆峯遭薛

荔纏進云世尊初生一手指天一手指地目顧四方周行七步意作麼生師云乞兒伎倆進云只如世尊道天上天下唯吾獨尊又作麼生師云屎窖裏出頭來進云雲門道我當時若見一棒打殺與狗子喫貴圖天下太平未審據何道理師云喪車後掉藥袋進云既是未離兜率因甚已降王宮師云南地有竹進云未出母胎因甚度人已畢師云北地有木進云如何是徑山今日報恩一句師云惡水劈頭澆僧禮拜師乃云土宿領下長髭鬚淨飯宮中生悉達西天此土絕知音千古萬古阿剌剌

上堂山僧近日偶因送客下山途中撞著箇田庫翁佗便近前相接見其頗恭遂問云翁翁高姓渠遂指空中一片雲道長老還見麼山僧對云見佗又道見什麼乃依實對佗道是一片黑雲翁云今夜定有雨山僧見其語頗異又問佗翁翁高居甚處渠便荷鋤而行更不回顧信之淺草有毒蛇平田有猛虎雖然已被徑山勘破了也且道請訛在什麼處我這裏七八百衲子盡是禪中之精必能緇辨

解制上堂孤峯頂上百草頭邊豎去橫來築著磬著汝等諸人提坐具向日本國裏作自恣佛事即不問長連床上喫粥喫飯一句作麼生三年一問

上堂一是一二是二天是天地是地南北東西各依本位只是當時二祖不合禮老胡三拜使我東土人至今無處出氣然雖如是蛇無頭不行

上堂昨日九月九過了重陽節今日憶重陽陸堂何可說擬欲問黃花黃花雖有在東籬擬欲問白鵝白鵝雖有非我知不知一時放下裙被幪頭從教門外風颼颼雨颼颼幽州江口採石渡頭三三兩兩釣漁舟

掛御書寶所額五峯插天一塵不到特標寶所雲漢昭回不問南來北來普請一時證入證入則故是其中事作麼生香風吹動春長在瑞氣氤縕夜不眠

掛寺額率宗御書古佛示此額今佛成此額文彩全彰當

陽顯赫直得龍翔鳳翥日月騰輝地闢天開山川改觀凡曰見聞駭心動目莫不因此額而得入此門既入此門則見廣大樓閣清淨道場綿亘十方彌綸八

極重重華藏處處莊嚴交光相雜如寶絲網不相障礙無壞無離而使人人除一切障礙一切惑及得一切諸總持門於少時間入無量劫不動本處徧遊十方得徧處定殊勝境界隨處現前所見不忘所思不亂原其旨歸皆由古佛今佛廣大願力之所攝持不可思議廣大願力既不可思議則知佛之壽量亦不可思議佛之壽量既不可思議則知所化國土廣博嚴淨亦不可思議所化國土既不可思議則金枝玉葉曄曄騰芳亦不可思議然此不思議事非口能宣非言所及則故是只如涓此良辰特標此額千祥併集萬善同歸一句作麼生道但願春風齊著力一時吹入我門來

出鄉歸上堂法無定相遇緣即宗竿木隨身逢場作戲十字街頭橫拖倒拽三家村裏順俗和光桑樹上中箭柳樹上汁出則且置坐斷千差一句如何話會五峯依舊插天寒復云竿頭絲線放還收時有金鱗上直釣風月滿船雖不惡爭如峯頂冷湫湫何故富客不如貧主人

佛涅槃上堂舉世尊臨涅槃時以手摩脅告衆公案師云衲僧家佛之一字尙不喜聞有甚工夫觀他紫磨金身其如滅度不滅度又于我什麼事雖然如是少間大殿內因甚燒香禮拜般人以栢周人以栗上堂舉昔日障蔽魔王領諸眷屬一千年隨金剛齊菩薩覓其起處不得一日忽見遂問云汝依何而住一千年覓汝起處不得齊云吾不依有住而住不依無住而住如是而住師云不依有住而住不依無住而住誠實難見徑山逐日與諸人同出同入同起同坐同鉢孟喫飯諸人還知徑山起處麼若也知得則諸人十二時中無處棄底道理若也不知徑山分明爲汝說破乃云東廊上西廊下

爲新廣壽引座雪峯發九重聖箭誰敢當鋒三聖躍透網金鱗應無雜食要明那畔事須是這邊人三家村裏鬧市叢中妙應無私臨機有準雖然是不是冤家不與隣

結制上堂徑山結夏不論功過飯來展鉢孟困則伸脚臥縱有千人萬人只消一箇半箇豈不見流支要

打胡達磨

因事上堂阿刺刺橫該抹渾無柄欄如何提掇徑山寺裏八百來僧過夏於中多有肉身菩薩畢竟如何摩訶薩

上堂召大眾云一夏九十日只餘半月了也是汝諸人每日區區地理會佗家事自家鼻孔還曾著眼觀著麼若也覷得見便知道元來只在面上十二時中許汝有出氣處若覷不見徑山分明爲汝說破遂噴嚏一聲下座

謝翠巖西堂新舊知事上堂雪峯輟毬睦州擔版楊歧栗棘蓬東山鐵酸餛多處添少處減留得翠巖眉毛蓋眼

上堂拈拄杖示衆云人人有箇水牯牛迴迴地常露現前只爲耽於睡眠役於塵事失於管帶一向走入深草裏去竟無尋處十二時中未免迷悶然雖如是要且元在如今要見麼擲下拄杖云頭不少尾不欠中秋上堂一年十二月月月有月半何獨喜中秋一時爭賞翫人人盡道十分圓我道依前缺一半如何

是那一半待今夜月從西邊出卽向汝道

上堂徑山無伎倆住院多阻障飯在平江府口在凌霄上河港既不通千里空相望暫假維摩手一鉢共分餉分餉卽分餉了也只是其中飯色有異却不干老僧事

上堂現成公案何事不辦百發百中無邊無畔捏不聚撥不散萬籟俱沉兮明月半窻一色難分兮蘆花兩岸

上元上堂從上有祖已來的的相承綿綿不墜譬如一燈然百千燈至于今日燈燈相傳光光相照無彼無此無前無後無壞無雜平等清淨然於其間多在光影裏獨有五祖老兒就中較些子何故不見道無油不點燈

日首座瑞世延慶上堂拈拄杖云釋迦飲氣達磨吞聲德山臨濟曝腮鱗於龍門自餘之輩三千里外研額放一線道卓一下云隨分身春色一枝三兩花結夏上堂徑山今日傳箭令下是汝諸人自今日去眼不得妄眎耳不得妄聽口不得妄言足不得妄舉

一切皆不得妄依吾令者同此安居不依吾令者貶向無生國裏且如何說箇不妄底道理山僧淳熙四年生經今六十五歲本命丁酉西生人屬鷄何故不聞道養鷄意在五更初

破庵和尚忌日拈香這箇老凍儂從來不賭匙剛把胡張三喚作黑李四更於眉上安眉不向鼻中出氣我昔沒興遭逢直得無處回避所以一年罵一頓終未快人意而今對衆盡底揭翻非但教佗舌拄上齶也要天下衲僧腦門著地

上堂達磨西來添鹽減醬後代兒孫千般萬樣誰信碁盤石元在凌霄上山僧恁麼道已是龜毛長數丈開爐上堂徑山門下無彼無我大家疊足挨肩共向無煙宿火若是香匙火筋不得動著何故不見道丹霞燒木佛院主眉鬚墮

結制上堂徑山今夏向瓦礫場中與諸人禁足安居雖凡事不如儀要且人亂法不亂凡出一言布一令各要遵守有四件事告報諸人不得違戾且那箇四件事健時要坐禪困時要打眠肚飢須喫飯陸地要

行船

上堂戶牖見通牆壁生礙礙箕有唇洞庭無蓋若說經律論三藏比量法門現量法門分科列段教中自有人在

上堂達磨未來時此土還有佛法麼既來後別有佛法麼何不返照自看只管向外馳求東邊參西邊學禪牀上老凍儂口角頭嘔嗽大策小策抄寫還當得麼徑山從來無記憶口吻遲鈍無可施設唯是瓦礫場中有一枚鐵釘諸人朝朝暮暮來來往往因甚覷不見若覷得見歡睹你眼若覷不見歡睹你眼

上堂今朝九月九事例皆如舊或採菊或登山或賦詩或飲酒此儒者之事諸方長老遇此佳節亦未免擊鼓陞堂談空說有徑山隨例顛倒遂展手云闌中伸出一隻手良久云作什麼茶鹽錢布施

上堂秋風清秋月明秋葉片片秋露零零缺齒老胡不道佗全不知有只是不合向少林九年面壁未免坐久成勞食飽傷心

孟節使捨財建造上堂萬緣泯息大用現前殺活卷

舒縱橫得妙水盈科而流也。所涸者濟茲持滿而發也。所當者摧不動神情掃清魔壘。致乾坤於掌上。揭日月於域中。顯逸羣過量之機。作希有難能之事。至於不有其德。不居其功。安貼邦家。頓轡自樂。正與麼時。如何通信。深沉滄海。恩波闊皎。潔秋空氣象高。謝首座秉拂并諸莊執事上堂。夫說法者無說無示。其聽法者無聞無得。所以南泉不出方丈。却在莊上喫油糲。既被鬼神觀破。未免土地前添一分供養。還會麼。水高一丈。船高一丈。

端午上堂。以拂子作書符勢。山僧書一道神符。普施大眾。使千妖百怪邪魔魍魎之鬼各退。百由旬外不敢仰視。佩此符者皆獲吉祥。忽有符使者來告云。如上神符莫不靈驗。外鬼爲殃。固以走散。內鬼作祟。最難遣除。山僧向他道。誠如所言。然別有箇神呪。使外鬼內鬼粉爲微塵。悉皆掃蹤滅迹。乃扣齒云。內鬼外鬼是何面。背有大神呪。消弭消弭。良久云。太上老君急急如律令。以拂子擊禪床下座。掛鐘聲。此洪鐘一新。號令有四。願言宜加參聽。扣一

下云。皇帝萬歲。扣一下云。重臣千秋。扣一下云。安鎮邦家。扣一下云。興隆佛法。願以此願同此洪音。殷殷欲欲。久而愈鳴。連扣三下。

上堂。萬籟沉沉。孤月團團。葉零零兮。山瘦風蕭蕭兮。夜寒拍禪牀云。不知誰共倚欄干。

重九上堂。去年不在家。虛過重陽節。今年既在家。須要強施設。淡水養冬瓜。眞箇滋味別。不知滋味者。却似嚼生鐵。何故衆口難調。

上堂。有求皆是苦。無求乃眞樂。山僧前日出鄉四十餘日。晝乞村落。夜寄僧房。脚纔到家。又復入城。謁見檀越區區如此。莫非有求。可謂是苦。然覓一針鋒許。苦相了。不可得事畢。歸來通身放下。晝食三頓。夜臥一牀。一切無求。可謂是樂。然覓針鋒許。樂相了。不可得苦藥。雙亡如何。通箇消息。得與諸人共知。去良久云。德山托鉢歸。方丈麻谷携鋤入菜園。

謝都寺首座上堂。重巖風露清。深院霜天曉。一曲少林春。幾人彈得妙。自古彈者希。亦復聽者少。以之贈伯牙。伯牙不肯要。以之獻子期。子期拍手笑。休休不

如留取自彈一曲謝我新舊知事首座也要諸人共聞以拂子擊禪牀云何似大石調

上堂徑山不敢相謾開口便見心肝今朝十月十五下元解厄水官或有箇漢出來道長老非但飽學亦乃高才只向佗道便是蘇東坡七世爲人也未曾在

出水鄉歸上堂拈拄杖云山僧前日領衆泛一隻無底鐵船徧化南州北縣聚落鄉村無不經過所化既衆所得亦不爲不多末後到一乾闥婆城於閭肆中偶見舜若多神與驕梵鉢提二人對坐於閭浮樹下其前置一寶物價直不啻三千大千世界於是二人論義義勝者得此寶驕梵鉢提乃問舜若多神曰汝既無身憑何立義舜若多曰以虛空爲義舜若多神却問驕梵鉢提汝既無舌憑何立義驕梵鉢提曰以寂默爲義二人辯論經八十返不分勝負山僧聽之既久忍俊不禁於是近前問二賢者可容老僧與此高論否二人曰有何不可吾二人於此論義勝負未分若得吾禪師一決不勝至幸山僧遂云若以虛空

爲義則問者亦空答者亦空聽者亦空其義亦空若以寂默爲義則問者亦寂答者亦寂聽者亦寂其義亦寂有何勝負耶二人不能加答老僧遂向佗道兩人爭不住打歸常住於是得此寶歸脚未跨門庫司知事也要修造諸公也要山僧云二俱不可老僧出去多時我此一衆寂寞既久不若先將此寶散我現前大衆且做箇暖熱擲下拄杖云渾崙休壁破却要衆平分

聖節上堂天清地寧慶襲一人九州四海咸被堯仁熙熙然涵泳化育猶千花萬卉之逢春以拂子作舞勢云山僧恁麼且道意作麼生舞蹈揚塵

上堂五峯門下百種全無僧牀迫窄堂供蕭疎脚下踏著底破磚頭碎瓦礫面前撞見底王獼猴李麻胡恁麼薄福住山眞箇辜負老胡雖然如是更點分明病起上堂山僧病即諸人病諸人病愈即山僧病愈如是則山僧即是諸人諸人即是山僧於其中間覓一絲毫彼我之相了不可得到這箇田地是謂一味平等無有高下然後山僧自山僧諸人自諸人張

上座自張上座李上座自李上座病則各自病愈則各自愈人人不相知彼彼不相涉是謂是法住法位世間相常住與麼說話阿呵呵笑殺杜順和尚開爐上堂禦寒古有家風在三個柴頭品字煨今日無柴又無炭從教各自撥寒灰豈不見道深深撥有些子平生事只如此是汝諸人也且恁麼東撥西撥忽然沒興被你撥著也不定

上堂舉拂子云衆云一見便見更不再見張顛草書李廣神箭

上堂欲明此事如臨大敵須是號令森嚴軍伍整肅謀臣猛將各得其人然後戰必勝攻必取若不然者眨得眼來一箇箇總是喪身失命底卓拄杖一下云且喜天下太平

正日上堂拈拄杖云舊年佛法說到臘月極盡頭新年佛法又從正月還起頭若論起頭與極頭都盧只在拄杖頭遂喚云拄杖子我且問你今日正月一日也新年佛法從那裏起頭卓一下云元正啓祚萬物咸新伏惟首座大衆各各道體起居萬福東邊立底

如龍如鳳西邊立底如鳳如龍人人公辨私辨箇箇宗通說通冤親平等理事圓融又喚云拄杖子我且更問你如何是理事圓融底道理卓一下云一聲遍在諸人耳諸人耳在一聲中

謝兩班執事上堂人之形體有耳目有手足可以視聽可以運用一處不仁不名全人若備具者則隨意所適可以成就一切事業叢林體製亦復如是則有知事有頭首以之掌握寺門紀綱清衆一不得人則叢林衰既得其人則叢林振叢林既振且畢竟成得什麼邊事一二三四五各各面相觀甜瓜徹蒂甜苦瓠連根苦

朝廷降香祈晴陞座拈香云此一辨香九重城裏頒來五髻峯頭拈出薰向爐中爲祥爲瑞供養常住三寶三界龍天祈求晴霽願賜感彰仰符聖主之丹心克遂明堂之大禮遂跌座問答不錄乃云大朴未散古佛家風至理既彰通人活計絕緣而照離念而知言發非聲色前不物塵塵爾剎剎爾圓融無際巍巍乎蕩蕩乎綿亘有餘舒卷自由縱橫得妙且坐斷

千差一句作麼生道四海浪平龍睡穩九天雲淨鳳來儀復舉僧問太平恩禪師日未出時如何恩云衆人皆仰望又問日出後如何恩云萬里照無私師云太平恁麼答話可謂應時應節徑山今日更資一路或有問日未出時如何只向佗道在日出後如何却向佗道普若更問徑山是臨濟兒孫因甚闌雲門宗旨向道千車自古無歧轍四海如今共一家謝首座維那上堂黃蘗赴堂無端向南泉位中座與化行令從而逐出克賓父不父子不子弟不弟兄不兄千載令人恨不平如今莫有報不平底麼良久云呌呌

朝廷撥賜萬年正續院產業上堂田地穩密不妨蕩蕩乾坤寶印發輝又見重重光彩得之諦當用處玲瓏普濟貧乏而有餘饜飽飢虛而無盡而使狂者息昧者明來者安去者適無無不是箇箇歸源法法全彰頭頭有據正恁麼時恩歸何所天高羣象正海闊百川朝復云曉來瑞氣鬱忽忽流出恩波自九重地厚天高何以報飽看南嶽祝融峯

孟少保爲石田和尚齋僧請上堂靈山密付少室單傳的相承綿綿不墜不論緇黃青紫大都達者爲親是故韓文公肯首於大顛裴相國印心於黃蘗李駙馬參石門著手心頭便判龐居士見馬祖一口吸盡西江此皆從上真宗古今一貫我石田師兄末後句子固不容易今付而無庵居士亦不容易承當膠漆相投繩繩有在然這一片田地四至界畔契券分明幸有當人一時承紹了也惟中間樹子莫怪徑山却有分在何故無帶花頭須結子不萌枝上要抽條復云前日無庵以石田拳頭塞石田鼻孔後來靈隱癡絕凡以無庵拳頭塞無庵鼻孔逗到徑山這裏無拳頭可用未免却借鼻孔特爲出氣去也石田不下尋常種一味深耕種蒺藜沒興有人親踏著痛連心髓血淋漓此恨難雪此悔難追慢罵呪詛活陷泥犁這般冤結何時解直待虛空落地時上堂達磨西來不立文字直指人心見性成佛嘗聞大亂之本生乎堯舜之間其末存乎千載之後千載之後其必有人與人相食者也誠哉是言

解制上堂舉岳林振禪師示衆云布袋口開還有買賣底麼時有僧云有振云不作貴不作賤作麼生買僧無語振云老僧失利師云岳林設箇問頭也似從容閑暇及乎被這僧道箇有便見荒亂七手八脚一時俱露徑山今日布袋口開莫有買賣底麼良久云異獸藏頭角靈禽惜羽毛

謝首座秉拂新舊知事上堂夫說法者無說無示其聽法者無聞無得說聽俱忘語默不二如是則一語一默一動一靜一進一退悉皆不二二謂微妙清淨平等不二法門然雖恁麼不落因果因甚墮野狐不昧因果因甚脫野狐以拂子擊禪牀云參

上堂非至巧不能極其妙極其妙處巧亦無所施巧無所施妙亦不存然後可以隨機應變不滯一隅至於垂一機示一境自然去離泥水有活人眼目是故運斤者必須敏手而受斤者亦須有不動之質昔臨濟喫黃蘗六十山藤猶蒿枝拂相似百丈遭馬祖震威一喝直得三日耳聾且道古人還有漏逗處麼爐韆之所鈍鐵猶多

結制上堂龍蛇混雜凡聖交參儼爾伺伺顛顛預預雖則顛預於中却有箇分曉處如何見得前三三後三三

破庵和尚忌日拈香燒香草舍蚊煙禮拜小兒匍匐楊歧頂上握拳何似鎮州蘿蔔噫有年無德

上堂長河裏有一隻爛官船櫓棹蓬席頭尾都無要撐駕又撐駕不得修整又修整不得毀拆又毀拆不得官路上朝朝暮暮來來往往多少人看見多少人覬覦只是不敢動著何故動著即禍生

解制上堂一夏已滿無事不辨遂府鉢孟邛州磁碗謝新舊兩班上堂天知地知你知我知阿難合掌迦葉攢眉盡道徑山寺裏兩班職事各得其人如南泉之有黃蘗慈明之有楊歧新之與舊退之與進各得其宜只如藏頭白海頭黑又作麼生禹力不到處河聲流向西

中秋上堂指月與話月檐雪共填井甃月與捧月未免弄光影月響以拂子打圓相云見麼彷彿似鹽官屬子元來恰是雲門胡餅

開爐上堂世人住處我不住世人行處我不行天下叢林今日開爐諸方老凍儂聲鼓集衆所說法要莫不說火說炭以此二者爲佛事或說炭庫藏身或說折合還歸炭裏坐不然說我喚作火你不得喚作火或說死柴頭上火或說無煙火文武火徑山這裏總不得道著若道著炭火二字便是觸諱犯突吉羅罪既不許道著畢竟如何露箇消息應箇時節去徑山有箇道理乃云通身黑黢黢人人盡知有開口便道著何曾燒却口雖然如是也是蕭何制律

上堂古德道昨夜雨滂澎打倒蒲萄棚知事普請行者奴子拄底拄撐底撐撐拄拄到天明依舊可憐生我今保任此事終不虛也是故我不敢輕於汝等緣汝等一箇箇皆是現在諸佛是汝諸人還自信得及麼遂合掌云噯佛佛

上堂達磨大師道吾法三千年後不移易一絲髮許大衆舉頭看見鉢盂峯一生參學事畢何故不見道不移易一絲髮許

淨慈無極和尚遺書至上堂六十四年作麼生生憎

佛祖黃連未是苦一笑翻身什麼處去也虛空獨露元來只在這裏下座炷香瀟茗以醒瞌睡

謝兩班上堂山僧今日打箇四門斗底陣以阿閼鞞佛須彌相佛等恒河沙數諸佛把定東門以日月燈佛名聞光佛等恒河沙數諸佛把定南門以無量壽佛無量相佛等恒河沙數諸佛把定西門以焰肩佛最勝因佛等恒河沙數諸佛把定北門以釋迦佛彌勒佛盡此土現在諸佛等以爲中軍又以文殊普賢觀音勢至等諸菩薩衆及阿難迦葉賓頭盧頗羅墮等諸二乘僧以爲隊伍陣勢既圓却出箇暗號子而使不期而集不約而同不令而行不戰而勝既是勝矣然後與見前大衆同樂無爲之化事既捷矣所謂暗號者不妨明說與諸人要知麼良久云東山下左邊底

浴佛上堂黃面老子二千年前四月八日纔生下來便乃眩曜螢火之光蚊蚋之見却道天上天下惟我獨尊當時若早遇雲門後代兒孫不至遭他鈍置雖然如是一喜一悲

朝廷降香祈雨滿散水陸陞座祝香罷跌坐僧問震
法雷擊法鼓布慈雲兮灑甘露且慈雲從何而起師
云彌綸八極進云甘露從何而降師云何處不清涼
進云怎麼則法雨均霑大千普潤師云石筍也抽條
進云記得瀉山一日與僧樓上看雨僧云好雨時如
何師云鉤頭有餌進云瀉山道好在什麼處僧無語
又作麼生師云如天普蓋進云瀉山道你問我我爲
你答僧便問好在什麼處瀉山指雨示之又且如何
師云切忌隨佗去迢迢與我疎進云可謂只知看雨
勢不覺濕伽梨師云禪客亦宜照顧僧禮拜 師乃
云欲識佛性義當觀時節因緣時節既至其理自彰
拈拄杖云看看拄杖子化爲龍振鱗鬣奮爪牙鼓動
風雲大霈甘澤直得大根大莖小枝小葉隨其大小
稱法界性各得生長而使苗而不秀者秀秀而不實
者實慶一人之有道合四海之權聲正恁麼時如何
稱讚太平又見風光好旅不費糧戶不_{不敘}不_{不敘}復
卓拄杖一下云喚起凌霄峯頂龍縱橫變化妙難窮
一聲霹靂擎頭角三日爲霖四海通

上堂一葉落天下秋趙州八十行脚中途撞著一塊
石墜著玄沙脚指血濺梵天直得山僧拄杖子至今
忍痛因甚如此不見道一以貫之

上堂擾擾忽忽晨鷄暮鐘瑞巖不會喚主人翁

喜晴上堂雲收霧斂地闢天開處處彌勒門門善財

拍膝云安得眞男子同上黃金臺

上堂入荒田不揀信手拈來一似預辦雪峯毬毬睦
州擔版提起破沙盆却是漏燈蓋徑山三百六十骨
節骨節欲斷是汝諸人還搆得麼若也目顧東西却
是老僧相賺

病起佛涅槃上堂病多諳藥性經驗始傳人老僧自
去年八九月得病恰恰半年是病皆病過病既多隨
分也諳些藥性元來黃連便甜甘草便苦附子至冷
大黃極熱其餘藥草各各有性既知藥性便可療病
而乃見驗所謂經驗始傳人見驗則故是要且却傳
與人不得須是自得其妙始得若自得妙處則手頭
活活指下疎通不問身病心病肺肝胃腎是冷是熱
是深是淺或表或裏或重或輕來到面前一分曉

佛鑑禪師語錄卷第三

小參

結夏小參天高東南地傾西北一句全提乾坤黯黑
三世諸佛望風祈頌歷代祖師退後攢眉德山有棒
無處施呈臨濟有喝亦須架閣清涼長老固是不知
慚愧汝等諸人各自知時寒時寒殺熱時熱殺青絹
扇子足風涼打刀須是邠州鐵然雖如是長期百二
十日中期百日下午期九十日又作麼生清平世界切
忌訛言

解制小參一夏爲兄弟說話老翠巖落盡眉毛正因
兩字不聞衲僧家大無慚愧清涼跛跛掣掣百醜千
拙一夏祇與麼過實無可與諸人嘔啖所幸諸人各
自順時保愛略不相怪可謂上下相諳彼此省力然
雖如是九十日中畢竟成得箇什麼冬瓜直儻侗瓠
子曲彎彎

冬夜小參羣陰剝盡向什麼處去也一陽復生又從
何處來知得來處明得去處冬至寒食一百五籬邊

便能隨病與藥令他一人人脫體而去記得黃面瞿
曇臨涅槃時摩訶曾告衆若謂吾滅度非吾弟子謂吾
不滅度亦非吾弟子是則是膏肓之疾當時若有箇
作者下得服藥便見釋迦老子死中得活當時既
是放過經山今日且作死馬醫試下一服看拈拄杖
卓一下云是你諸人還會麼若也會得古佛元在其
或不然靠拄杖云過去久矣

閏月旦上堂二月復二月韶光尙可留雪消深澗底
花發舊枝頭萬木寒威解千峰翠色浮有誰知此意
拍膝云相共倚危樓

上堂古者道不可以有心求不可以無心得不可以
語言造不可以寂默通是汝諸人還會麼方圓一片
七畝有寬界至已定不用差官

師將順寂上堂山僧既老且病無力得與諸人東語
西話從前說不到底今日勉強出來盡情向諸人面
前抖擻去也遂起身抖擻云是多少

佛鑑禪師語錄卷第二

石筍抽條長丈二鐵樹開花又生子直得寒山撫掌
拾得呵呵釋迦老子鼻孔遼天樓主如來兩腳踏地
惟有山僧拄杖子裂裂掣掣硬葛恒地直是不肯點
頭却道我從賢劫末末嘗聞有這箇消息吽吽幸然
平似鏡誰管曲如鉤

歲夜小參年窮歲盡歲盡年窮東村王老夜燒錢張
公喫酒李公醉不作世諦流布不作佛法商量硬似
綿團軟如生鐵靈利漢子一踏踏著也是泗州人見
大聖其或未然今歲今宵盡明年明日來

結夏小參二千年前尺不如寸二千年後寸不如尺
清涼到這裏眼不見爲淨只將三文錢娶箇黑老婆
長裙短袖拖泥帶水隈隈穩穩且恁麼過更誰管你
結制解制長期短期殺生護生得念失念阿呵呵少
林穿耳客元是老臊胡

冬夜小參天寒人寒當機誰辨的風動旛動切忌亂
針錐單明自己不了目前南北東西撞牆撞壁只了
目前不明自己見聞知覺半醉半醒直須聲色頭上
坐聲色頭上臥不爲聲色所轉不爲寒暑所遷一切

處不留一切處成就方可隨緣度世任運過時寒則
言寒熱則言熱飢餐渴飲閑坐困眠不離塵中逍遙
世外這箇猶是打淨潔毬子抱不哭孩兒只如時當
亞歲節屈書雲敢問金色光明雲青色光明雲紅色
光明雲紫色光明雲以手指云那邊是什麼雲良久
云相顧眼睛俱定動可憐只解那斯祈

歲夜小參法無去來無動轉相燈籠掛在露柱邊露
柱掛在燈籠上一年三百六日日日一般一日十
二時時時一樣所以道是法住法位世間相常住至
於風動塵起雲騰鳥飛夜暗晝明時遷歲改又有什
麼過然雖如是爭奈新歲君與舊歲君兩人間恁麼
告報冷地不甘却向佛殿角頭互相耳語且道說箇
什麼一年好處君須記三月江南啼鷓鴣

結夏小參肉臭來蠅屎生招箭擬要完全却成兩片
所以從門入者不是家珍流出胷中亦須吐却靈利
漢不受人瞞向這裏擔得一片版去我當剷頸而謝
若據見前一衆也有靈利不受人瞞底有則有敢問
西天那蘭陀寺今日有幾人結制若也知得非惟不

受人瞞便見此土西天絲毫無間若也不知清涼分明道破也要諸人共委乃云前三百後五百

解夏小參以大圓覺爲我伽藍癩馬繫枯椿身心安居平等性智黑牛臥死水更說休夏自恣取驗蠟人大似白日青天大開眼了說夢不見道家無白澤之圖必無如是妖怪所以禪僧家尋常蹉口道著佛字便須漱口三年不覺聞正因二字急急臨流洗耳是故山僧一夏九十日與諸人同行同坐同起同臥直是頂戴諸人不敢錯悞諸人一絲頭子分明恁麼道也是久日樺來唇

冬夜小參正令全提十方坐斷放開一線滿路歌謠便見東家走過西家西家走過東家合掌擎拳互相慶賀道且喜一陽來復萬物重榮黃梅石女依舊生兒無角鐵牛安眠少室唯有擔版禪和幪頭打坐寒涕垂頤百不會百不知更誰管你四時八節八節四時卓拄杖一下云無孔鐵鎚

解制小參拗折拄杖子盡大地是無孔鐵鎚解開布袋頭遍十方有通霄活路天台鴈蕩峩嶴五臺羅浮

支提祝融五老腳頭脚底築著磻著東去也得西去也得不妨自由自在只是前途或有人問焦山今夏法道如何却不得妄通消息雖然焦山也瞞諸方不得諸方也瞞焦山不得且道因甚如此蘇州菱邵伯藕

冬夜小參滴水滴凍渾無罅縫明眼衲僧失却鼻孔豈不見適來禪客問瀉山至日垂問云仲冬嚴寒年年事晷運推移事若何仰山進前叉手而立點即到瀉云情知子答這話不得賊無種相鼓籠香嚴云某甲偏答得這話鼠口終無象牙瀉山再理前話香嚴亦進前叉手而立到即不點瀉云賴遇寂子不會休休著甚來由日從西去水東流幾人空白少年頭如今往事莫追只據見定與大眾相見拈拄杖云陽極陰生陰極陽生明中有暗暗中有明且道是何宗旨卓一下云參同契

解制小參大地黑如漆古今無消息達磨老臊胡九年空面壁所以乳峯這裏不敢將晝作夜指東爲西只有一味清水白米大家喫了聚頭一處打眠九十

日中各自開眼做夢如今三期告滿聖制已圓且喜
箇箇眼睛依舊烏律律地終不被別人瞎却然雖如
是要且世尊三昧迦葉不知迦葉三昧阿難不知阿
難三昧商那和修不知彼此三昧互相不知乃至今
日見前一衆三昧亦乃互相不知惟是長老三昧想
見諸人一時知了也遂撥臂云且道山僧有幾莖蓋
膽毛良久未明三八九難辨力圍希

冬夜小參初一初二引手摸鼻釋迦老子兩耳垂肩
達磨大師當門無齒非不非是不是差之毫釐失之
千里只這些子把定天下衲僧咽喉直是無處出氣
拄杖子忍俊不禁咬牙噴齒出來箇消息且要諸
人知道暑運推移日南長至卓一下云九九元來八
十二

除夜小參驪誇作視西天儘有指桑罵柳東土尤多
是皆欺罔良民不顧彌天罪過殊不知年窮歲盡依
舊孟春猶寒淡針黃蘗幸是清平長樂與麼告報瓜
田納履未免嫌疑去却藥忌如何通信夜來遍地春
風動開盡寒梅滿樹花

結夏小參無上法王有大陀羅尼門名爲圓覺拈拄
杖卓一下云流出一切清淨真如菩提涅槃及波羅
蜜乾屎橛麻三斤金圈栗蓬蒸餅飢飢一時撒向諸
人面前一任橫咬豎咬或有一箇半箇咬得破透得
過乳峯鼻孔盡在諸人手裏且聽諸人橫拖倒拽若
咬不破諸人鼻孔却在山僧手裏一夏九十日要去
不得去要住不得住正當恁麼時又作麼生出氣卓
拄杖一下云無雲生嶺上有月落波心

解夏小參乳峯一衆具大闡提九十日夏夫復何爲
所謂四月十五日結也同住五無間獄於一切時游
戲刀山劒樹碓擣磑磨開口悉吐黑烟舉意無非惡
念惡念起時充塞虛空盡虛空之量不能容受如今
七月十五日解也惡業已具證魔王身盡未來際永
無退失如是則見前一衆今夏實不空過見前一衆
既不空過燈籠露柱亦不空過山河大地草木叢林
情與無情悉不空過至於拄杖子亦不空過拄杖子
既不空過且道成得箇什麼通身黑漆蘸刺梨非但
登山兼打狗

冬夜小參過去諸佛闢空鎖夢見在諸佛寄帽投河
未來諸佛望梅止渴大衆古今日月古今山河古今
人倫古今節令汝等諸人各各含齒帶髮第一莫受
人瞞如今有般漢纔聞輕輕舉著便向這裏取次承
當一向定將去合將去要且只知仲冬嚴寒孟夏漸
熱殊不知孟夏漸熱仲冬嚴寒乳峯恁麼告報且道
是瞞人自瞞爲復別有長處良久云傾心吐膽無人
會拔舌犁耕只自知

解制小參拈拄杖示衆云看看十方世界若凡若聖
情與無情盡向這裏安居結制一夏九十日今日告
終其中所得法門所修行願各各不同所謂諸佛則
具足一切種智其諸菩薩則成就波羅蜜門自餘有
學無學這一隊不唧啾漢置而勿論只如見前一衆
與山僧於此眉毛厮結一夏牙齒敲磕且道還有所
得也無若有所得埋沒大衆若無所得辜負山僧正
與麼時如何卓一下云西風一陣來落葉兩三片
結制小參坐斷主人翁不落第二見一念萬年萬年
一念便恁麼去百二十日夏未是長期其或未然鄮

峯別有箇方便窮則變變則通蓋子撲落地樸子成
七八片卓拄杖一下

解夏小參百二十日夏如今已告圓就中一句子切
忌錯流傳衆中莫有通方底出來將錯就錯道一句
看若也道得後園驢喫草若道不得秋至鴈唳蘆
冬夜小參六爻既窮陰魔自殄一陽來復吾道大亨
洞山菓子格外安排皓老布衲依前赫赤鄮峯寡不
敵衆相逢相見隨例道箇仲冬嚴寒且要諸人順時
保愛若據從頭數來灼然大有事在何故九九八十
一窮漢受罪畢方始展脚眠蚊虫獨蚤出救攝急急
結夏小參風恬浪靜切忌彈跟白日青天宜須退步
鄮峯放一線道且與諸人恁麼商量忽然結却布袋
頭直得山河大地變作山河大地吞却山河大地你
衲僧家畢竟向甚處出氣拍禪床云無人知此意令
我憶南泉
解夏小參面門一思長時無間見成句子百味完全
若論結也當處安居不是拽短就長至於解也隨方
任運亦非拽長就短黃連甜甘草苦擲地金聲如糞

土睦州撈折雲門脚南泉不打鹽官鼓卓拄杖一下
冬夜小參諸佛不出世祖師不西來顛頂一句子南
嶽對天台靈利漢不在商量性燥底何勞重舉只恁
麼座著平地陸沉更擬進前藤蛇還足豈不見玉泉
皓老道暑運推移布視赫亦不是不洗無來換替良
久云古今爭戰干戈裏得到清平有幾人

除夜小參舊歲今宵去去實不去新年明日來來
來實不來萬古長空無變異循環日月空相催山僧
與麼告報衆中或有不甘底出來道大小育王話作
兩橛又作麼生祇這雖然如是也須眞箇始得今時
師僧往往語言相似州縣不同所以差之毫釐失之
千里卓拄杖一下云誰識閻羅王是鬼

結夏小參若據正令提綱直須寶幢路上荒草連天
玉几峯前荆榛滿地猶未爲分外而況三百五百聚
頭接耳浩浩商量也大屈哉育王今夜事不獲已略
借古人方便一路與諸人赴箇期限良久以大圓覺
爲我伽藍身心安居平等性智非非是不是虎咬
大虫蛇吞鱉鼻雖然要且不得動著動著則打折你

驢醫

除夜小參無入作處可煞見成恰相當時全沒巴鼻
鶻嶺妄傳迦葉少林謾付神光自餘列派分燈未免
通相屈辱只如今臘月三十日一箇箇豈不知是歲
除夜更來這裏握節當宵側聽箇什麼山僧從而不
識好惡更向諸人面前分拏劈裂也太無端何故彼
此出家兒

解制小參以大圓覺爲我伽藍身心安居平等性智
所謂從四月十五日結也如是至七月十五日解也
如是咸音王已前亦如是彌勒佛下生亦如是萬年
一念一念萬年無古無今不變不異便怎麼去正坐
在靈山窠臼中出頭不得有般漢使道衲僧家有甚
固必要行便行要坐便坐鉢盂裏屙屎淨餅中吐唾
毀於佛謗於法不入衆數熏修十不善因成就五無
間業若怎麼去又却墮在今時窠臼中未有超脫一
路直饒怎麼不怎麼一時坐斷別有生涯點檢將來
亦未可在何故又却墮在自己窠臼中轉身不得如
今要出靈山窠臼則易要出今時窠臼則難要出今

時窠曰則易要出自己窠曰則難既然如是且作麼生出得拈拄杖卓一下云靈山窠曰今時窠曰自己窠白一擊粉碎了也到這裏合作麼生顧視左右云夜來何處火燒出古人墳

結夏小參曹谿路上無端浪起成堆玉几峯前誰信地平如掌往復無間動靜一源伸出手觸著達磨大師眼睛舉起步踏斷釋迦老子鼻孔了無回避迥絕安排更說甚麼長期短期只貴自家心肯意肯既然如是只如九十日中畢竟作麼生履踐拄杖生根休用剪鉢盂無柄不勞安

解夏小參機不離位沉乎醉鄉語不離窠滯在金網豎起拄杖云看看賓頭盧尊者現在山僧拄杖頭上爲諸人作自恣佛事廣說一夏九十日內所得所證法門所修所行願人人具足彼彼無差直得西天那蘭陀寺諸佛弟子悉皆聞已莫不合掌贊善嘆未曾有唯你這一隊漢有若持水納石恬不爲事既無奈何處却入摩利支山去也

結夏小參十方同聚會作麼生箇箇學無爲有甚閑

工夫此是選佛場賺殺人心空及第歸且在三門外山僧恁麼告報且道節文在什麼處諸人還知麼草本天下同

解夏小參拈拄杖示衆云超然獨證未免請訛卓爾見前猶存顧鑒須是擘開布袋口突出拄杖頭得失兩忘是非俱泯一切智智清淨無二無二分無別無斷故文殊普賢豎起拄杖云總向這裏作自恣佛事且道觀世音菩薩在什麼處卓一下云莫向聞時認不聞

出隊至道場冬夜頭首秉拂罷請小參便恁麼委得已是落二落三了也儻或躊躇不免借主人威光赴箇時節拈拄杖云見成公案不涉安排豎去橫來總由這裏天地以之覆載日月以之運行四時以之代謝萬物以之敷榮卓一下云羣陰既剝衆魔已殄又卓一下云一陽來復吾道大亨直得伏虎尊者忍俊不禁將國一祖師背一拍呵呵大笑云慚愧慚愧風以時雨以時蘇湖熟天下足東家西家總是王老師檀越且道到這裏如何教化卓一下云須是堂頭師

叔始得

結夏小參一撥便轉。猶涉程途。三搭不回。故難持論。豈不見廣額屠兒。放下屠刀。我是千佛。一數障礙。魔王道待一切衆生。成佛盡衆生界空。乃至無有衆生名字。我乃發菩提心。直饒恁麼刺腦入膠盆。你這一隊漢。更來這裏聚頭。合火道我禁足安居。克期取證。且擬證箇什麼。皮下還有血麼。以拂子擊禪牀一下。云夜深歸去。便歸去。莫待天明失却鷄。

冬夜小參。當頭坐。斷凍鎖寒潭。覷面提持。暖回幽谷。豎起拂子。云看看神應龍王。與國一祖師。互相慶賀。且喜一陽來復。吾道大亨。雙徑山中樓殿。又見重新。十字街頭米鹽。依前舊價。這箇則且置。祇如俱胫道者。將盤陀石一喝。直得七花八裂。爲復是神通妙用。爲復是法爾。然良久云。北斗東轉。南斗西移。結夏小參。心外無法。法外無心。言發非聲。色前不物。纔開口。觸著空王祖。諱擬動步。踏斷彌勒脚跟頭。頭總是生涯。處處無非妙用。所以道以大圓覺爲我伽藍。身心安居平等性智。咄。曹溪門下。切忌俗談。

解夏小參。將心用心。重增過咎。以智遣智。轉見病深。所以道家無白澤之圖。必無如是妖孽。厨乏聚蠅之糝。自然永絕饑虛。山僧一夏。出入入略無一語。與諸人相資相益。然好一釜羹。且道其中還著得鼠糞麼。良久云。噫。今夜無端打落兩顆。

冬夜小參。土木場中過兩冬。朝忽忽兮暮忽忽。從來業識無憑據。說甚東山大脫空。直得無禪可參。無道可學。四海禪流。何處棲泊。合暉亭上。望東溟。凌霄峰頭。掛南嶽。翻笑老龍牙。手裏把柄破木杓。

除夜小參。瞿曇出世。弄假像真。達磨西來。多虛少實。自餘顯大機。彰大用。玩弄神變。馳聘詞鋒。逗到臘月三十日也。只是箇歲除夜。徑山與麼告報。莫有長處麼。以拂子擊禪牀云。堪作什麼。

結夏小參。無奈何處。狗舐油鐺。絕伎倆時。貓兒見穀。直得眼不掛戶。意不停玄。學步迷蹤。轉喉觸諱。不知大盡小盡。說甚長期短期。世事紛紜。日月忙。一身懶。侗乾坤窄。正恁麼時。且道還有出身處也。無良久云。有功無功。莫使腹空。

解夏小參言無展事語不投機承言者喪滯句者迷
南斗七北斗八廬山羅漢院一年度三箇行者徑山
寺裏每日兩粥一齋是汝諸人九十日內捧鉢孟向
長連牀上恣意啞啖於中還有知飽底麼通身是飯
通身水問著癡頑總不知

解夏小參僧問選佛場開日藁林氣象新心空及第
者畢竟是何人師云只有你一箇不是進云佛鑑禪
師響師云我亦不是進云恁麼則大家隨處樂昇平
師云老僧與上座不同進云昔日瀉山坐次仰山香
嚴侍立瀉山云如今總恁麼者少不恁麼者多時如
何師云鈎頭有餌進云仰山從東過西又作麼生師
云一鈎便上進云香嚴從西過東響師云同坑無異
土進云仰山香嚴恁麼祇對還契瀉山意也無師云
料掉沒交涉進云瀉山道這箇因緣三十年後擲地
作金聲去又且如何師云不中餓狗進云仰山云這
箇須是和尙提唱始得師云不是好心進云香嚴云
卽今亦不少師云喪盡家門進云瀉山云合取狗口
是肯佗不肯佗師云蘇州菱邵伯藕進云瀉山有如

是指示今日見前大衆侍立徑山有何指示師云飢
則喫飯困則打眠僧禮拜乃云打開布袋口擊碎
鐵門關是凡是聖不妨北往南來左之右之自然七
穿八穴說到行不到處行到說不到時吹毛在握凛
凜神威寶鑑當軒澄澄光彩萬法豈能爲擾千聖不
與同塵捏定寶中特標象外正恁麼時文殊三處度
夏卽不問至諸佛集處因甚出女人定不得小處多
官府空山有鬼神

結夏小參集方儲藥病者愈多剖折衡爭端益盛
恁麼也不得不恁麼也不得恁麼不恁麼總不得然
後徑山與諸人向沒交涉處同此受用同此安居忘
彼忘此非實非虛二時粥飯氣力纔試問諸人會也
無

除夜小參舊歲卽新歲新年卽舊年要知新歲歲元
是舊年年到這裏添一鉢則秤尾軒昂減一毫則尺
頭短促須是從空放下當處平和自然律氣潛通暖
生幽谷萬物獻敷榮之態元樞忘煦育之功水月無
心風雲自異正恁麼時如何路不拾遺真古道民皆

樂業見豐年

結夏小參言超情謂理絕正偏確搗東南磨推西北
渾崙無縫罅不坦沒諸訛三世諸佛橫說豎說謾逞
詞鋒歷代祖師全提半提妄生節目是汝諸人九十
日內十二時中如何趣入如何履踐如何受用豎拂
子云若向這裏會得許你融十虛於毫端置塵劫於
當念時時禁足處處安居脚頭脚底七穿八穴其忽
未然佛殿裏隔子門礙殺人

解夏小參江南兩浙春寒秋熱塵沙劫事在如今如
今不異塵沙劫怎麼見得諸人九十日內常在家中
未嘗不與山僧同出同入山僧九十日內奔走於外
未嘗不與諸人同起同倒不見有纖毫彼我之相亦
不見有纖毫離合之蹤豁爾虛融迥然獨脫雖然如
是且道山僧在長安城裏喚你諸人諸人在五峯頂
上還應得也無若也應得如上所說悉皆不妄其或
未然帶累山僧拔舌犁耕無有休日
冬夜小參寒來暑往箇片田地何曾動搖鼓寂鐘停
一會靈山儼然未散怎麼會得便見善財童子不離

本位入普賢毛孔剎中經歷無量國土承事諸佛參
禮知識一期事畢却來徑山面前鞠躬而立合掌白
曰今當書雲令節天下叢林於此時興大佛事或拈
洞山菓子或提皓老布衲或舉趙州茶或示雲門餅
浩浩商量不妨開熱惟是此間冷啾啾空索索聞無
所聞得無所得未審師意如何咄豈不見道朕聞上
古其風朴略

除夜小參光景忽忽若逝川舊年去了又新年年來
年去自來去底事何曾有變遷與麼會得今年也與
麼明年也與麼後年更後年乃至百千萬億年也只
與麼與麼與麼是汝諸人還曾見有不遷變底道理
麼葉生春樹秋歸土日出東方夜落西

結夏小參六合九有情與無情豎拂子云總在這裏
安居禁足徑山令下不許妄行一步不得妄說一句
說須說到行不到處行須行到說不到處說不到處
如何行須是無足人始得行不到處如何說須是無
舌人始得若說得一句千句萬句句朝宗若行得
一步千步萬步步踏實且如何是踏實底道理乃

云明眼人落井

除夜小參從上佛祖的的相承列派分枝遍天遍地
子細看來無非一人瞞一人互相熱瞞而已然雖如
是又須是眞個瞞得過始得若只解瞞人不能自瞞
此人有手無眼若只自瞞得過不能瞞人此人有眼
無手若也自瞞得過亦能瞞人敢保是人手眼俱備
如處晴晝見種種物隨手取與無所疑滯自然不爲
寒暑所遷及時令所轉又不妨見人賀冬也賀冬見
人賀歲也賀歲要且覓它一絲毫起處了不可得到
得恁麼田地方許你說大脫空行無間行無間行則
且止如何是大脫空良久云一年三百六十日臘月
盡是歲除夜

結夏小參一物不爲藥嶠早成多事無言可對仰山
已涉繁詞去却藥忌如何通箇消息孟夏漸熱仲夏
極熱子規枝上一聲聲分明啼破三更月諸人還猛
省麼百丈耳聾黃蘗吐舌

冬夜小參趙州南石橋北松根有茯苓去却一拈得
七龍門無宿客信手拈來信手便擲隨處破蕩隨處

成家卷舒逆順左之右之南北東西無不可此猶
是尋常用底只如一陽未生如何通信以拂子擊禪
牀云京師出大黃

結夏小參三世諸佛說夢歷代祖師說夢天下老和
尙說夢徑山昨夜亦得一夢夢遊圓覺大伽藍中時
主持者空王如來適當結制鳴鼓陞堂爲諸大眾說
安居偈護生須是殺殺盡始安居會得箇中意鐵船
水上浮是諸大眾悉皆默然受教於中一人問說是
偈得未曾有於是起大精進發大勇猛秉智慧劍一
往直前不問佛之與魔凡之與聖有學無學情與無
情一切皆殺殺一切已然後自斷其首首已斷故無
能斷者是諸大眾見是事已皆證無生徑山隨後歡
喜踊躍於踊躍中忽然省覺細詳前事謂是虛耶實
耶謂是有耶無耶謂是夢耶覺耶若謂是夢覺者是
誰若謂是覺因何有夢我此衆中必有智者有則出
來爲我原看若也原得許你與漚仰父子畚田種粟
夜寢晝餐捧水擎茶不妨神通遊戲其或未然鐵船
水上浮莫道不疑好

解制小參我宗無語句亦無一法與人只貴各人自己鼻孔端直而已黃面老漢缺齒胡僧猶自喎斜所以山僧一夏費盡手脚與諸人整頓因甚到夜不正忽有箇漢出來道老和尚且莫口吧吧地只你鼻孔猶欠半邊在何不以手自摸索看遂以手摸鼻云噫龍蛇易辨衲子難瞞

結制小參人人有一片田地自古自今未嘗變易無端被從上乃佛乃祖前後出興互相指占各立門戶或說直指單傳或說克期取證強生節目疑悞後人殊不知進一步犯著李四桑園退一步侵他張三麻地不進不退這裏一踏踏著脚跟下硬糾糾地元是自家本業更不用佗人作保不妨於中隨時受用騰騰任運任運騰騰居不知所爲行不知所之與物委蛇而同其波阿呵呵喚不回頭爭奈何

爲雪竇無相和尚對靈小參大用全提乾坤黯黑大機獨運刹海齊彰行一步象王回旋出一言獅子踞地了無枝葉不近人情逆順卷舒縱橫得妙此猶是無相賢屬禪師平常用底且道葉落歸根如何通信

雲淨八紘無覓處乳峯高插暮天寒復舉僧問黃龍機禪師云和尚百年後鉢袋子什麼人得龍云一任將去僧云裏面事如何龍云線綻方知師拈云黃龍老漢口頭不恠肚裏猶慳爭如無相鉢袋子不待百年後未死已前一時擘破了也若說裏面事人人盡知且道知底事作麼生洞視索空無可有從教千古錯流傳

爲淨慈北磧和尚對靈小參大海乾枯虛空迸裂突然於中產此英傑弃儒服著佛衣說佛非恣儒舌戲笑怒罵爲佛事超然不守於途轍橫說豎說巧說直說浩浩然流布於人間不知幾千萬言如塵如沙如金如玉如長江之波如霽天之月而使四方學者莫知其爲儒耶其爲釋耶是故有口知啞有舌如結不可得而擬議不可得而分別今既已矣令人慟哭流涕而今而後不復見此明教師甘露滅正恁麼時徑山如何剖決拍禪牀云安得鸞膠續斷弦打刀須是邠州鐵復舉僧問長沙南泉遷化向什麼處去沙云東家作驢西家作馬僧云意旨如何沙云要騎便

騎要下便下師拈云諸人要知端的麼風流儒雅

佛鑑禪師法語

示惠侍者前住能仁

文彩未彰已前有一句子不橫不豎突兀地自古自
今乃佛乃祖競頭出世肆口宣揚未曾有一人當頭
道著四海禪流瞻風撥草擇友尋師傍窺暗覷終未
有一人驚直覷透然覷不透處唯在鼻尖頭道不著
時不離唇皮上若向鼻尖頭唇皮上討則千里萬里
沒交涉也的此事要箇爽快俊快底漢擔荷至擔
荷處實無毫髮許擔荷底道理所以迦文老漢於然
燈所無一法可得而得受記二祖覓心了不可得處
而心安然逗到呈臆袋時唯禮三拜依位而立便有
得髓底一杓惡水有祖以來東西繩繩針砭相資水
乳投合大非容易又不見國師一日三喚侍者侍者
三度應諾這裏又容得毫髮許道理麼後來有不識
好惡底漢於無道理中強出道理云譬如暗中書字
字雖不成文彩已彰且莫說夢如今未彰已彰置之
莫論只如國師道將謂吾辜負汝元來汝辜負吾且

道有辜負耶無辜負耶若有辜負那裏是佗辜負處
若無辜負國師因甚與麼道須知明眼衲僧到這裏
直是有氣無出處惠侍者本色英俊歲久相從善能
體理鼻頭既有通天竅試爲山僧出氣看

示心侍者前住馬谿

從上知識競頭出世提持箇事張羅布網接上上根
器鞫其要妙不出乎發明各自心而已此心既明
只這明字亦無著處有若紅爐上一點雪相似逗到
恁麼田地更資悠久煉磨至於純熟根本既固枝條
花葉不愁不茂方可臨大事當大任死生禍福之際
纖粟不能動搖逆順卷舒一動一靜靡不中的與其
動也應變靈通圓融無際與其靜也虛明獨耀不爲
勝妙境界之所桎梏所謂一切時一切處皆吾活業
自然游刃有餘地矣心侍者眞英俊衲子相從既久
告別寧親勢不可遏然通方道人或歸去或再來初
無固必昔香林遠侍者歸蜀潛光匿耀於青城水晶
宮初不欲人知其後吳煙蓬悖不容掩藏竟大雲門
之門豈小小哉此眞良範心宜勉之

示光首座住福林

從上來的的相承底非陰界中事莫不以心傳心以器傳器是須羽毛特異乃可付授如虎之有彪返睨其母不守窟宅嗥吼吒沙始得絕類離倫超越格量不見道不是河南便是河北至索火處豈徇塗轍者之所能及而後益張吾宗肇開太華逗出黃河有何疑滯其道至今浩而不泯豈小小耶光首座乳峯玉几至於茲山首尾相從將十載許中間有克由耐耐處固難備舉惟是分座說法卷舒游刃予切私喜今腥香發露不可掩藏出應福林之請雖未稱設施然道無方所行之在我如不負所囑其於臨濟豈復多讓又何雷遇大風則止者哉

示覺長老

的的箇事須還佗挺特沒量漢奮不顧身直拔擔荷纔涉廉纖則撞頭入棚魘魘魅隊中卒無解脫之日豈不見道俊狗不露牙擬不擬便著從上來唯德山臨濟羅山明招趙睦二州雲門輩頗似箇體才其餘根器有利鈍得之有深淺矣至於極處固無二致而

其用處有妙不妙耳大凡入箇門戶不可草草須得根本正當脚下牢實然後養育成就擴而充之不得已而隨緣應世操佛祖柄開鑿人天要須不近人情是與不是盡與裂下只貴獨脫當頭契證而已不將實法繫綴於人擬與麼使不與麼是句亦刻非句亦刻纔有所重便成窠臼瞎學者眼不是細事可不謹哉覺長老相從甚久於道深有趣向霜露果熟出應人天之請求語爲警因援筆書以贈切宜勉之

示寧侍者見住靈巖

寧侍者自育王雙徑首尾相從已經數載見其孜孜爲道真本色褙子秋風吹衣忽來告別且袖紙求語而謁蔣山吾不欲特地固却之而所請益堅因謂之曰昔應庵據鍾阜大慧居五峯一時龍象往來二開士之門憧憧交武於道又不知悞了多少人家男女吾固不敢仰視前輩而癡絕兄實當世宗匠此行若空去後必實回若使實去必須空回斷無疑矣忽恐問著此間如何若何却不得妄通消息何故彼此老大

示南藏主

昔周金剛弘大經論名震西蜀而不信禪家有直指之要以謂南方魔子吾當倒其巢穴搜其種類免使鼓鬩於人遂負疏鈔憤志南來豈謂持守不堅至中途買點心處觸於邪毒遂生迷悶沒理會處急登龍潭欲求解救之方殊不知撞頭深入魔宮竟爲大魔所攝向吹滅紙燭處喪却平生便作魔語云窮諸玄辨若一毫置於太虛竭世樞機似一滴投於巨壑魔作益熾於是焚却疏鈔至於拆却佛殿而後但持一白棒佛來也打祖來也打又云未曾打著箇獨脫底要且不知佗末上先自粘手綴脚了也却要打著箇獨脫底不亦難乎南藏主親從大慈雨花筵中來遍歷諸方而於老僧相從最久其憤憤之志較之德山亦不少讓萬里汧流後日若見獨脫底當與德山痛出一口氣

示湛上人

學道無過兩種病若不滯在澄澄湛湛中便在紛紛擾擾處猛烈漢痛與擺撥騰身一擲透過那邊非但

彼我聲色能所俱亡求其生死朕兆了不可得方謂之大休大歇大安樂絕學無爲閑道人到得恁麼田地猶只名自悟自了底人若論蜀之三十六江前頭大有灘在切宜勉之

示湛然道士

服有緇黃道無彼我如果能弘道則不見有緇黃彼我之相直下湛然清淨豁同太虛包容一切便見山河大地人畜草芥莫不因茲而立如是則非特超聖凡出生死至於亘百千萬億劫不動不變亦只恁麼所以古人道不出是又道莫過於此要且不得認箇是執箇此認著執著則禍生也須參活句莫參死句佗得底人宛爾不同十二時中只麼閑閑地蕩蕩地如珠在盤觸著便轉不留影迹方得名爲通變道人然後隨機應用轉化同事度所未度擊一切人同遊虛無安樂之地豈不偉歟然更須知有衲僧門下沒巴鼻一著子你且道這一著子灼然是有耶是無耶有則達磨大師無板齒無則老君頭戴楮皮冠然高士宿有靈骨深疑此事偕其徒立上人奮志南詢徧

見知識竭來鄒峯眉毛厮結孜孜不少怠忽中夏錯認橘皮作火克由耐耐臨別炷香求語爲證育王雖有三十棒未欲下手後五日或能再來老夫當不惜也

示彬典座受牒正覺

我宗無語句亦無一法與人這裏只責箇眼橫鼻直底漢不涉廉纖不行理路直下頓領然後隨分著衣喫飯任運過時如是則非但世間名聞利養得喪是非不能干其懷縱有出世間殊勝又殊勝底法亦無心顧著長時只麼閑閑地蕩蕩地不依倚一物長養成就立處孤危自然用處峭拔等閑靠著莫教略露些子便乃坐斷天下人舌頭縱饒佛祖亦無奈何處雖然正覺山頭古有十二松更須一點過一株不見便是不了事祝祝

示日本然上人

我有一句子未離日本未跨船舷時已是兩手分付了也這裏掬得脚便見大唐國裏無禪師儻或遲疑更要進前叉手道箇咨和尚老僧不免向淨潔紙上

重新塗糊去也所以道無南北弘之在人果能弘道則一切處總是受用處不動本際而徧歷南方不涉外求而普參知識如是則非獨此國彼國不隔絲毫至於及盡無邊香水海那邊更那邊猶指諸掌耳此吾心之常分非假於佗術然上人如是信得及則逾海越漠涉嶺登山初不惡矣

示清藏主

本色道流決欲究明此一段大事非陰界中逐旋扭捏逐旋安排不二不四活計是須天姿爽拔志願堅確從跂步時便有吞佛吞祖之量不與千聖並立底氣槩不拘得失不顧危亡只向未肩已前咬牙嚙齒直下頓悟頓證不留纖粟如獅子兒哮吼一聲壁立萬仞又如烈火觸著便燒不容近傍正恁麼時非但蕩去一切知見解礙至於求絲毫頭佛法亦不可得却向絲毫不可得處拈出一絲毫揭示未學轉化未化轉度未度豈不是大丈夫成就大丈夫事業耶所以周金剛未出峽時壓一肚皮骨董充塞乎八萬四千毛孔匝匝地誰奈其何及見龍潭輕輕點發便乃

到底翻轉和根拔却向青天白日中撐開兩眼突出一條白棒佛來也打祖來也打超然獨立如雷如霆震驚寰宇浩浩轟轟至今未泯豈小小哉清藏主本色道流昔常爛遊大慈講席深知非究竟學於是焚舟南來相從於乳峯力究此事憤憤之志其於德山不復多讓臨別炷香袖紙求語因書此段葛藤壯之當如老德山發明獨脫底一解子以救末運異見邪解之疾其佗非所望也

示喻上人

至道無難惟嫌揀擇但莫憎愛洞然明白若端的一到明白之地無有絲毫揀擇之心亦不見有絲毫憎愛之相廓然蕩豁如大虛空無所障礙然更須知有老僧不在明白裏有般漢不識好惡便乃踏步向前却問既不在明白裏又在什麼處似此參究驢年也未夢見在若是俊底鑑在機先領於意外八面玲瓏迥然獨脫又更有什麼在與不在明與不明底事耶瑜上人天姿淳雅萬里南來尋訪知識孜孜於道久而不變鄉信忽通遽有歸寧之行臨別求語以爲警

策祝之曰決欲捉敗趙州切不得向山僧言下尋討

示求堅上人

道在日用若滯在日用處則認賊爲子若離日用別討生涯則是撥波求水這裏絲毫及不盡便成滲漏十二時中觸途成滯殷殷似有一物頓在胷中如受鬼胎未能分解豈可自寬所以古者探究箇事大不容易莫非畢生盡世確志堅忍須得一到大休大歇大安樂地方爲究竟有若架千鈞之弩除是不發發則鐵鼓九重俱透然後於六句外受用了無一法可得不得與千聖並行方爲洒洒落落真正了事衲僧也其或不然更向老僧語下嘔啗則成遞相負累矣堅上人宜痛思之

示超如二上人

古者道密在汝邊妙在轉處誠哉若轉不得動爲一切物刺著眼瞪地擺撥不下如衣壞絮處荆棘林輕輕轉側即便惹絆不得自在若是箇脫灑漢佗自不同十二時中胷次閑閑地蕩蕩地不爲佛法禪道玄妙語言之所籠罩而於語言三昧海中不妨遊戲

所以因言顯道。因道立言。有何是非得失於其間哉。超如二上人。真廣南蠻。無佛性者。頃嘗相從於育王。今既旋鄉。告別於雙徑禪院。且將從上佛祖痛處。恣意扭捏。呈露於老夫之前。因思古人。索鎮海明珠。直得無言可對。無理可伸。將古較今。何啻傾出一栲栳。無準有棒。未暇打得。候再出嶺來。却得分付二上人。還甘麼。

示受業覺上人

動卽影現。覺卽冰生。不動不覺。驀身一躑。抹過那邊。更那邊。不復回頭顧著。始得離倫拔萃。名爲脫洒道人。儻或趁起。未免墮在鬼域中。而爲魑魅魍魎。無有出離之日。須知此事。實無奇特玄妙。要且只是洛陽谿裏有箇普豐院。相似若是其中人。學著便知落處。老拙自幼出家十八上。行脚到處。橫草不拈。豎草不把。如今五十三也。依舊只是舊時人。初無奇特玄妙。吾姪自乳峯玉几五年。相從豈不知之。如今臨別。反持卽庵賢屬法語一軸。相呈。欲老拙復書一段於其前。以爲助道之要。何其特地耶。因見其誠意切切於

是信筆一揮。不覺盈紙。是則是。且道還有一箇元字脚麼。試點檢看。若言有。則埋沒吾姪。若言無。則辜負老僧。這裏撥得開。所謂金剛圈栗棘蓬吞透有暇矣。其或不然。更爲下箇注脚。紹定己丑中秋後五日。阿育王山無準叟書于無異堂。

示溥塔主

世學一伎一能。若不得其要妙。則成常習。非伎能也。況學道乎。然學道是。須得其綱領要妙。不爾。則成口耳傳授。流入名相。終成戲論耳。昔五祖少遊大慈學海。善發鈎深之問。衆皆忌之。及盡教理。知其不爲充竟。於是捨而南來。已半百矣。一見白雲。倒底脫去空拳。索手別立生涯。向佛祖提不到處。拈出沒巴鼻一著。子世莫能辨。皆目之爲演山主。其可見也。而後傑出三佛諸大弟子。縱然密布於四方。其道大振。至今繩繩不絕。皆其兒孫。於宗乘豈小補哉。原其所蘊。錦心繡腸。不爲不無。以世俗鄙俚之語。發明至要。說略規模。調高韻古。誠難擬議。所謂耆婆死百草。皆泣是地。溥塔主真真的的鄉人。當痛省而深慕之。則直指

之道光明有在矣

梁王寺捺塗田來語

香水海底有一片膏腴田不知幾千萬頃往昔威音王傳授與毗婆尸七傳而至迦文老漢展轉相承到胡達磨達磨不守家業將白契逾海越漠欲賤賣與梁王梁王知其意不臧故不納只得恹恹渡江直至少林九年努精神光不忍見折一臂以易之而後子孫既繁中間有不納官稅冒姓名佃之者多矣年來往往墮於農事遂至湮沒良可嘆惜今杲澤二上人憤氣不甘復欲追還舊觀如果確其志則洪波險處白浪堆中試著工夫看或不犯缺鑊等閑驟得轉則非但梁王一衆饜飽有餘至於憧憧往來悉皆饜飽二上人宜勉之吾說不虛

示曇上人號竺源

瞿曇昔起禍於竺乾尋波流於震旦如決河源注而爲海令一切魚龍蝦蟇游泳其中悉知以水爲命昇騰變化者不可以數計適此季運味其源者多徇其流者衆往往甘抱焦渴奔逐陽焰欲求所濟竟乾死

於滄溟之側良可痛惜錦官曇上人智識超然始若不類萬里南詢欲以折筯探其浩渺偶不著便悞需一滴於一滴中窮盡瀟渤之味徹見乎一漚未發之前盡於尾闕之極眞瞿曇敗家種草也東湖率庵一見喜而賊之以竺源吾弟即庵從而肆其惡江湖道舊異口同音呪詛唾罵殆無措身之處於是不得已而理舟西泝相從久之且欲求語固知其勢將不利於蜀矣吾亦無如之何臨岐謾祝之曰行矣善爲方便

示仁上人

道不可求貴在歇心而已然此之一歇不可強也須假朝求暮討至意路絕處忽然自歇一歇之後馳求之心悉皆止息有如途路旅泊之人欲詣其所力在乎行非行不能到一到之後伶俜辛苦等事悉皆止息無復奔走豈不見善財歷五十三參至彈指處樓閣門開入已還閉從前所得法門所見境界悉如夢幻至於有見桃花而絕疑慮聞擊竹而忘所知要且不在桃花上亦不在擊竹邊畢竟在什麼處本色道

流急須著眼仁上人相從且久告別泝流炷香求語以爲道伴且有再南之約然初無固必莫非任緣而已但令一切處無第二人一切時無第二念不變不動則無時不聚首也行矣勉之

示微上人

蓬山微上人冲虛菴之孫萬里南詢遍見知識孜孜切切略不少怠真本色道流也竭來鄮峯相從數載逮移凌霄樂然偕行五峯在天之表一塵不到實古今有道者集大成之地微亦自喜秋風西來鄉信忽通遽告歸寧義不可免炷香求語併記再南之約復出示清節老人疇昔送行及招歸二篇其略曰事須莫學虛頭禪晝參夜請求真實然真實亦不可求也求而得之亦虛頭耳弄虛頭捨真實究竟底事如何體悉行者磨墨山僧走筆寫護身符五月五日

示周司戶

某稔聞德望有日但未遂一見爲快茲沐真染殊慰此心又蒙不鄙特以此段大事因緣相期於形骸之外附到麝香素軸欲索數語以爲日用助道之資自

知林泉野人固不當眩曜知見於名公鉅卿之前然既出誠意切切亦不得不以誠意相告但此事不從它得只是人人脚跟下本有底一段事歷歷孤明亘古亘今不動不變纔疑心相向便是千里萬里沒交涉所貴當仁直下諦信不越一念超然獨脫頓悟頓證至證悟處實無一法可得只是舊時周司戶而已若別有所證則心外有法乃成外道矣今時士大夫不是不聰明不是不靈利只緣以聰明靈利去冥合箇事返爲靈利所惑不見本法要須離心意識參出凡聖路學纔有一絲頭便與剪斷縱有奇特更奇特玄妙更玄妙底事亦與一時裂下至無棲泊處略整頓精神冷眼諦觀鼎鼎是什麼道理稍覺煩悶無入作處却不得放捨只就這裏緊靠著抵死與之作頭底不知不覺忽然洗面摸著鼻孔自笑一回方知道無生死可出無佛法可求釋迦老子是箇黃面漢達磨大師是箇老臊胡一大藏教是甚破故紙至於百千法門無量妙義莫不從風而靡回省前來憤憤悱悱咬牙奮齒必定慚惶無地也寫至此更欲列陳數

段古人因緣以盡斯軸忽思來書所謂非事葛藤塗糊後人之語不覺撫案擲筆于地雖然已是葛藤不少

示鑑侍者

鑑侍者英俊者流憤志南來決明已事始相從於玉几而至五峯首尾數年略不少怠良可喜也秋風襲衣遽起歸歎之興栢庭友于賡歌以壯其行無下數十篇且呈無準老叟因謂曰一吟一詠如拊旂檀片片皆香然於中有意到句不到有句到意不到有意句俱到者語未竟鑑袖出小軸趨前而言曰意句俱不到處願求一語予懼劫火自夏及秋奔走紅塵有口無取氣處何暇及此鑑請之益勤不得已而爲之姑紀歲月時紹定癸巳八月十八日是日也錢塘之潮大於常年觀者如堵迎潮之人莫知其數出沒往來等兒戲耳中間也有出不得者何故不見道弄潮須是弄潮人

示堪侍者

學道如世巨商經涉大海渺無涯際始須假舟楫點

櫓棹及其到也只在須臾正恁麼時回視前來所用功力一時俱息當下自然穩貼貼地奇珍異寶悉皆現前方是自家元物然後周資濟乏隨意運用不由別人豈不見昔日善財遊百一十城參五十三善知識一一善知識各得其法門要且終有限量後於彌勒彈指聲中入大樓閣頓忘前證本智現前方名無限量法門方名得大自在受用當時善財若不得這一解亦只贏得脚板闊矣堪侍者萬里南來遊歷江湖想所見知識亦不少矣其於所證却須超過善財一頭地乃善

示升上人

長老小師不參禪講主徒弟不聽教如忽真箇不參不聽直下踏著瞿曇未生時脚跟摸著達磨未來時鼻孔併將二老胡縛作一束倒卓放尿場下豈不是挺特丈夫儻或泥迹循言準前打入骨董袋裏無有擺脫之期也嘉定升上人乃能仁清谿上足訪予于徑山趨前而言曰自離師日告以欲參鍾山又參雙徑已蒙癡絕和尚示以法語佩服其教不敢少怠袖

紙炷香復欲老僧助拳因謂之曰子合喫六十棒舍汝師而佗求合喫二十棒又受鍾山塗糊合喫二十棒今到老僧處猶更云云不已合喫二十棒適值拄杖不在併送歸能仁行遣後忽自知痛癢吾二人皆犯突吉羅罪

示月上人

學者始入道如月初生曲彎彎地及至望則彌滿清淨光徧十方無幽不燭然尙墮在光影裏坐在法身邊未得透脫一路所以却從十六夜去漸漸消磨至於晦如未生時無異當恁麼時說與人不得呈似人不得只可自知若絲毫許及不盡便成滲漏列在下風向人背後叉手若是上上根器則不在此限豈不見古靈行脚歸師問曰汝出游方學得幾許佛法靈云一似當初未去時噤開口便作屎臭氣月上人相從甚久切切於道殊可尙今以有師有父在堂意欲歸省且炷香求語爲別從而謂之曰子歸與師相見時儻或問著如何若第一不得學古靈亂呈懞袋恐其効德山行事則併吾此軸俱爲拭不淨故紙耳

示寧藏主

語是誑默是謗語默向上別有一竅從上佛祖未嘗敢以正眼觀著德山臨濟雖盡力提掇要且只在左邊立以手指點而已正定處亦未嘗動著一絲頭若欲真實擔荷是須向胞胎未具時究取始得不爾縱學得盛水不漏未免離家失業灼然箇事大難承當寫至此寧一見便喝云住住我未離嘉定時已知大佛坐在九頂山中直至如今轉身不得只你這老漢口裏水漉漉地敢保亦未徹在噫三十年弄馬騎今日被驢撲

示屋上人

古宿道諸方說禪浩浩地爭似我這裏種田博飯喫雖則軟郎當地看來較之巨靈壁太華之威猶未猛也又有聞版聲呵呵大笑及乎編辟將來卻言肚飢於是乎喜此又何曾恣騁驢唇亂呈懞袋耶今時參究往往不本源由動輒撒屎撒尿良可晒也屋上人本色衲子必不雷同見此快以糞箕筯常用事乃可

示湘監寺

湘監寺乃石田師兄上足捨其師而從吾游多歷年所始歸侍司後歸庫司人或曰湘爽拔非籠檻中物以予爲悞予曰昔楊岐慈明振汾陽之道迫慈明晚參此亦一小節也而後應世時曰會監寺也會禪非特一時不知之至於翠巖有曰慈明佛法如一隻船前則大寧中則黃龍後自禪而已而不言楊岐是亦不知之耶是不可容易而擬之耶而後續臨際正統繩繩不泯者又豈以清濁爲累哉所謂不知則爲□誠不妄也湘當知人不知未爲極仍須至自不知乃善

示燈禪客

燈禪客乃法戰場中宿將也大凡出場定當箇事須是七事隨身韜略俱備臨時布置意句著著有出身之路頭頭具生殺之機或背手彎弓或單刀直入或迎鋒破的或詐敗拖旗所以有擔擧有借事有心行有編辟纔手蹉脚跌則性命落在別人手裏燈真差其要者故能全身遠害臨陣對壘諸方老作往往無奈其何而於徑山面前猶敢干戈相待乃持此軸低

情下顏趨前而曰久依巖帳中從前器械皆使不著今就師處別請一箇問頭隨應之曰餅却咽喉唇吻置將一問來

示小師德通禪客

德通吾子中不肖者侍吾最久而嘗病其口多每欲卸下衲衣痛與一頓既默識吾意遂作廬獄滿是避此而逃矣又敢卑辭願求一語爲途中自警恭而無禮尤爲耐耐然嗔拳不打笑面於是引筆而謂之曰既往宜早歸吾晚年雖不澡浴要子洗脚無爽吾祝

示日本爾侍者住東福

道無南北弘此在人果能弘道則一切處都是受用處不動本際而歷遍南方不涉尋求而普參知識如是則非特此國彼國不隔絲毫至於及盡無邊香水海那邊更那邊猶指諸掌耳此吾心之常分非假於它術如此信得及見得徹則逾海越漠陟嶺登山初不惡矣爾侍者勸善財遊歷百城參尋知識決明已躬大事其志不淺炷香求語故書此以示之

佛鑑禪師語錄卷第三

佛鑑禪師語錄卷第四

普說

善哉三下板知識盡來參既善知時節吾今不再三
若據怎麼告報已是埋沒諸人了也直饒向未鳴板
已前各自知時去亦未救得一半那堪三三兩兩聚
頭接耳握節當曾在這裏聽山僧胡言漢語也大屈
哉彼彼丈夫彼彼行脚阿誰無分何不奮發拈坐具
將山僧劈口便撼拽倒禪床掉臂而去豈不慶快平
生雖然也須實到怎麼田地始得所以參須實參悟
須實悟須兩腳踏實地始得須得本道公驗入手始
得若真箇得入手底自是不干事過關過鋪曾次蕩
蕩地掉臂便行了無疑忌你若未得入手纔到關津
去處心下未免不穩縱然硬不管拍盲打過腦背後
忽然有箇人道因地一聲時你便面亦被他人捉下
一場敗闕不同小小又如你衆中兄弟相似若辨得
千百貫錢買得一道真正度牒插在懷裏到處行脚
抽單挂搭不妨自由自在你若來處不分明得處不

正當便是自求不快活也你纔跨門便被人指點這
漢了不得莫教更撞著箇不恰好底將你無巴鼻捏
一捏你便手忙脚亂反不如做箇三家村裏漢過世
却無如許多事所以適來向你道須是兩腳踏地始
得本道公驗入手始得你若到怎麼田地亦未可便
休不見古者道參禪須是悟悟了須是遇人若不遇
人十箇五雙杜撰灼然如是第一不得檐板自恃須
是趁短從長就人決擇我此門中千萬別隱顯殊
途除大智洞明其他莫能知之豈不見木平參洛浦
便致一問云一漚未發時如何浦云移舟諳水脉舉
棹別波瀾平不契却往問盤龍一漚未發時如何龍
云移舟不別水舉棹即迷源木平便悟去後來雲峰
悅和尚拈云木平若向洛浦言下悟去猶較些子後
來不合向盤龍死水裏浸殺住後有問如何是木平
平云不勞斤斧果然只坐在這裏你道他怎麼說話
意在於何多見兄弟往往商量道移舟不別水舉棹
即迷源便是死水如何是木平不勞斤斧所以只坐
在這裏若怎麼會驢年也未夢見在這裏須是覷透

他古人一些子得人憎處始得又不見芙蓉寧訓禪師訪實性大師大師上堂以右手拈拄杖安左邊云若不是芙蓉師兄大難委悉便下座後來黃龍拈云實性大師用不得便休却將佛法以當人情至今千古之下作人笑端你且道黃龍怎麼道是肯他不肯他到這裏若只是參得蘿蔔頭禪底敢保他理會不下所以參禪既是得頭又須得尾方是不疑天下老和尚舌頭你若真箇未有人頭處便須把做至緊至要底一件事理會始得古人大有方便控你入路便須晝三夜三將一則咬不破底話頭冷地裏東咬西咬忽然蹉口咬破自笑一回然後就這裏扶持起來甚生標格更有一事奉告兄弟切不可自作艱難先自退屈纔作怎麼見解便無有得底時節雖然又須是著些眼腦始得若是俊底一覷便透自然不死在句下記得古人道我有一句待懷牛生兒卽向汝道又道我有一句待洞水逆流卽向汝道又道我有一句待案山子倒卓卽向汝道到這裏眼睛瞪底也且莫怪山僧今日老婆更爲你通一線路我

有一句子未到焦山時已與諸人道了也自是諸人當面諱却雖然如是還諱得麼拍禪床下座今夜普說乃是因大師所請意旨伏爲報薦淑妃娘子陳氏欲結般若因緣資薦冥福又爲一切人開發道心直是殊勝直是廣大山僧少曾普說以平生口吻遲鈍又無記性夫蓋普說須是法性寬波瀾闊還佗前輩大珠南陽德山臨濟巖頭羅山後來圓悟大慧應庵近來亦少雖然雲月是同谿山各異大底有大底生涯小底有小底活計然又千說萬說究竟只是說底此事又不在說處蓋當人分上各各壁立萬仞直是坐斷諸訛曾無箇非箇是自是道流於中妄生節目妄生紐捏自作障礙以至不得受用灼然這裏著一點外料不得纔涉一絲毫外料便成剎法爲鉢孟安柄所以動卽影現覺卽冰生直饒你不動不覺正坐在必死之地到這裏如何體悉如何湊泊如何得與此事相應去是須得通身汗出自家冷地裏失笑一回始得你若未得怎麼一回任你說得盛水不漏只或外邊打之邊只添得箇一場熱鬧要且與

此事了沒交涉。豈不見白雲祖師道：你若得真正一回汗出去，一莖草上便現瓊樓玉殿；你若未得一回汗出，縱有瓊樓玉殿，却被一莖草蓋却。誠哉是言。可謂是棒打石人頭，剝論實事。你若真箇踏著這些子，自然無許多勞攘等閑蕩蕩地，閑閑地，蓋被人拶著，便乃水底火發，拈來便用。一一蓋天蓋地，其實無佗一切處，總是自家底，不用安排計較，所以不動一塵，不撥一境。見事便道：「答話長老，插脚不入，是皆前輩見得透頂透底，無一絲毫滲漏。」方有這箇說話。若是膚淺之流，豈可同日而語耶？若陳乳峯這裏，實無禪與人參，無道與人學，只是箇著衣喫飯，屙屎送尿，底一箇無意智。漢、荷、湖、海、禪子諸位大師，不鄙來此孤峯絕頂，共守枯淡，所以尋常亦不敢輕易兄弟。凡遇五日，須要上堂，三、八須挂牌，勉強以塞方丈之責。亦不是矜誇學解，眩曜見知，及造妖捏怪，只據自家所見，赤骨律地與兄弟相見。然兄弟來室中吐露箇消息底，不道全無，亦多有在正路上行底。纔見兄弟在正路上行，亦不敢輕放過，便乃下堦引行一兩步。

纔到放手處，又却多去不得。其實無佗，蓋未曾真正一回汗出，故也。然這一解安排不得，計較不得，若是俊底，一咬便斷；一覷便透，却無許多顧忌。若是機思遲鈍底，却不可等閑放却，直須志願堅確，身銳直前，一切境界搖撼不動，一切語言移換不得。如經蠱毒之鄉水也，莫謂佗一滴壁立千仞，豈將去始終不變，驀地手蹉脚跌，便見倒撲，始得不受人瞞，方可不辜負行脚初志。臘月三十日，亦不怕闔家箇漢，且如因大師佗，雖是箇尼僧，宛有丈夫之作，原其所以佗從富貴中來，正因出家，正因行脚，正因見善知識，正因學道，蓋佗因地既正，始終不妄，所以亦不辜佗前日十月二十八日夜，忽然引手摸著鼻孔，便知道元來大頭向下，便來方丈通其所以。當時悔不痛與一頓想，他如今却思得一頓喫，惜山僧拄杖，又却不在，且待別日分付。然得箇欄杆入手，正好放下雲頭，就人淘汰，佛殿裏黃面老漢，正參禪在，所謂麤餐易飽，細嚼難飢。今時麤餐者多，細嚼者少。山僧今日打開更說與你，如今正好近前理會，也得退後理會，也得乳。

峯長老也是好笑又教人近前理會又教人退後理會是什麼語話若是得底人必然暗地點頭佗前日初得箇消息懽喜無限便自主張諱人道箇不是近來却一向放下聽人說話然參禪第一不得擔板若不擔板自冬至夜數到太年前頭大有雪在你纔擔板便賺了天下蓋無第一手山僧往年入衆參禪自知只得箇不擔板氣力如今雖不望佗古人然却也略知羞耻昔日老東山參得禪了那時也有人不肯佗便有人去與佗說佗便對得別却是諸公盡得老師說話我見老師但識羞耳這識羞兩字子直是軟頑古今知識天下衲僧是到不到總出佗底不得灼然此事須是識羞始得若不識羞直饒你參得徹悟得到只是箇會禪漢纔被明眼人覷見只成好笑且道乳峯與麼道還識羞麼也要諸人檢責更有一頌學似大眾開化因大師正因來行腳踏門一句子等閑親踏著開却無鬚鎖解却無繩縛末山頂上放癡憨牛頭向北馬頭南

拈古

世尊陞座衆纔集迦葉白髓云世尊說法竟世尊便下座

師云世尊所說底只是序分迦葉所說底只是流通分若是正宗分未曾動著徑山今夜不惜眉毛敷演去也拈拄杖卓一下云會麼三段不同收歸上科又卓一下

世尊般涅槃已迦葉後至櫛示雙趺

師召大眾云靈山百萬勝集唯迦葉獨紹祖位誠不忝矣何故爲佗親見黃面老子脚跟來

世尊見文殊在門外立世尊云文殊何不入門來文殊云我不見有一法在門外

師云解說出格道理還佗七佛之師檢點將來不可放過當時待佗與麼祇對從而向佗道且居門外若向這裏透得許佗出得女子定

傳大士道冠衲衣儒履朝 梁武帝

師云傳大士如善玩珠固無觸手墮地之失雖然未免傍觀者晒育王當時若作傳大士待佗問莫是僧耶便以手指衲衣對之免見重重敗闕古人則且置

遂以拳安頂上云諸人只今喚作什麼

梁武帝請傳大士講經

傳大士分科列段已是周遮老誌公曲順人情重增話欄然雖如是要且未曾動者正經在且正經畢竟作麼生講顧示大衆云泊合落在葛藤窠裏

六祖風旛話

師云祖師與二僧恁麼說話總是盲人摸象清涼不然不是風動不是旛動不是心動擲下拄杖云是什麼

布袋和尚以破布裹一塊乾屎逢人拈起云兜率陀天底兜率陀天底瑠瑠云慈氏菩薩圓悟云熟處難忘大慧云不才淨漢

師云若是育王則不然待他拈起恁麼道只向他道牢收取

僧問馬祖離四句絕百非

師云馬師父子傳盃滿泛意在延接高賓惜乎這僧不善開懷到底却成虛設只如道藏頭白海頭黑又作麼生不覺日又夜爭教人少年

馬祖同百丈智藏南泉詵月

師云三箇老凍餒一人曲彎彎地一人圓陀陀地一人黑漆漆地馬大師養子之緣末後念一道真言一時與他蓋覆著可惜放過當時一等與他本分草料後代兒孫不致扶離摸壁

有僧參馬祖祖畫一圓相云入也打不入也打僧便入祖便打僧云和尚打某不得祖靠拄杖便休師云這僧敢將赤體挨他白刃要且入得出不得諸人還知麼馬師一條拄杖至今猶靠壁在

馬祖畫圓相 雪竇云二俱不了靠却拄杖劈脊便打

師云雪竇也只見一邊殊不知馬師當時靠却拄杖這僧至今無奈何處是汝諸人還奈何得麼若奈何不得到雪竇面前總是喫棒底漢

荷澤見思和尚問甚處來澤云曹溪思云曹溪意旨如何澤振身而立思云猶帶瓦礫在澤云此間莫有真金麼思云縱有向什麼處著師云可惜二俱放過當時見他道猶帶瓦礫在便與

掀倒禪牀不然待他更覓真金便好和聲痛打豈不勸絕古人且置遂拈拄杖云且道這箇是真金瓦礫擲下云龍蛇易辨衲子難瞞

西天大耳三藏至得佗心通 唐肅宗召忠國師驗之

師云前兩度互相熱瞞第三度親見國師只是通吐不得諸人只今還見國師麼良久云不是不是

丹霞訪忠國師

國師就源總被丹霞一狀領過然雖如是不會做客勞煩主人

南泉住庵時有一僧到泉云某山上作務汝齋時做飯喫了送一分來其僧齋時喫了却將家事一時打破乃就牀臥泉久伺不來遂歸見僧臥泉亦去一邊臥僧便起去泉住後云我往前往庵時有箇靈利道者直至如今不見

師云這僧雖然靈利翻成情董當時賴是王老師若是別人咬定牙關渾不采著管教佗一生起不得然雖如是却須救取南泉

龐居士問七峯此去峯頂有幾里峯云甚麼處去來士云可謂峻硬不得問著峯云是多少士云一二三峯云四五六士云何不道七峯云纔道七便成八士云得也得也峯云一任添取

師云一二三四五六得者自得添者自添終竟不知峯頂有幾里

歸宗與南泉同行一日告別煎茶

師云南泉慣將冷口喫人熱物若不是歸宗泊遭惑亂然雖如是可惜一銚茶

歸宗斬蛇 本覺云二俱不了待歸宗道你甚處見我斬蛇奪鋤頭便與一鎧然雖與麼死蛇斬得也無用處

師云本覺道二俱不了徒有此話既知是箇死蛇又不能活得如今要見活底麼擲下拄杖云看脚下歸宗有僧辭去諸方學五味禪

師云古今咸謂這僧等閑將箇五味換得一味殊不知帶累歸宗爲佗一人費了多少鹽醬酈峯這裏也有一味今日不惜普爲破慳良久云若到諸方不得

錯舉

這僧將五味換得一味是則是大似惹禍臨身歸宗一味不同五味好則好爭奈分付不著人清涼這裏五味也無一味也無或有人來辭往諸方學五味禪只向佗道善爲道路且道還有講訛處麼也要諸方檢責

勸潭常禪師一日面壁而坐南泉來見遂撫師背一下常云誰泉云某甲常云如何泉云也尋常常云汝何多事

師云古人道箇尋常早成多事汝輩後生晚進朝暮聚頭切切怛怛地驢年夢見

睦州問一座主講什麼經主云涅槃經州云問一段義得麼主云問什麼義州遂踢一踢吹一吹云此是什麼義主云經中無此義州云脫空謾語漢此是五百力士揭石義主無語

師云暖青天白日有恁麼事當時若見佗道此是五百力士揭石義只小小地向佗道不說那知當時若進得此語縱使睦州老漢鐵作面皮也教兩眼覷地

趙州勸婆

師云一人關市裏颺碌搏傷中者方知疼痛一人慣施無病藥解服者始覺輕安注也注了解也解了諸人還知勸婆處麼泊合停囚長智

僧問趙州萬法歸一

師云這箇老漢有年無德被人逼著直得踰牆透壁若是徑山則不然或有問萬法歸一一歸何處只向佗道有馬騎馬無馬步行

趙州訪道吾吾著豹皮襯三門外立

師云諸人還會麼奴兒婢慙慙

趙州到一鄉院經旬辭院主遊五臺山主有頌送之

師云可惜院主開口了合不得若是徑山待佗問如何是正眼攔腮便掴教這老漢知道草窠裏也有大虫

趙州一日向雪中臥乃叫云相教相教時有僧便來趙州身邊臥州便起去

師云這僧好心不得好報當時一期雖教得趙州爭

奈自己一箇渾身至今臥在雪堆裏衆中莫有救得
這僧底麼出來救看若救不得三冬嚴寒總是凍殺
底數

婆子偷趙州笋

師召大衆云婆子下掌快便難逢趙州休去莫道無
事好

瀉山問仰山香嚴仲冬嚴寒年年事

師云瀉山暗拋香餌誰知牽動清波二子擺尾搖頭
未免上佗鉤線是則是只如道賴遇寂子不會又作
麼生商量時人只看絲綸上不見漁翁把釣竿
告往知來道頭會尾還佗難弟難兄若據子細檢點
將來非唯寂子不會只這香嚴猶較三步在具眼者
辨

畚田種粟晝食夜眠

師云瀉仰父子故是無一點佛法身心勘證將來漿
水錢則且置草鞋錢教誰還

二老漢如奏黃桴土鼓雖無音韻六律全彰育王卽
不然或有問和尚一夏作得箇什麼只向佗道待有

所作卽向汝道且山僧恁麼是空過耶不空過耶良
久云我與瀉山父子不同

瀉山問仰山卽今事卽不問自古事作麼生

師云仰山進前退後自是今古歷然爲什麼瀉山却
道汝屈我我屈汝會麼良久云鸛鵲語鶴

僧問瀉山如何是道瀉山云無心是道僧云某甲
不會山云會取不會底好僧云如何是不會底山
云只是你不是別人

師云瀉山如箭射地雖然不巧箭箭射著育王今夜
擬發一箭諸人急須著眼良久云時暑不宜久立
香嚴問僧甚處來云瀉山嚴云近日有何言句云
有問如何是祖師西來意瀉豎起拂子嚴云彼中
兄弟如何商量云盡道卽色明心附物顯理嚴云
著甚死急云師意如何嚴亦豎起拂子

師云奇哉香嚴老子果然有長處若人辨得許你於
佛法中有箇入處

僧問香嚴端和尚如何是直截根源嚴擲下拄杖
歸方丈

師云噫早帶枝葉了也山僧怎麼告報諸人還猛省麼良久云三生六十劫

和安通禪師令仰山與我過床子來仰將床子至通云却安舊處著仰如教又問床子那邊是什麼仰云無物又問這邊是什麼仰云無物通云惠寂仰應諾通云去

師云本色住山人且無刀斧痕點檢將來也是無風起浪

德山托鉢

師云嘗聞沛公豁達大度從諫如轉丸誠不妄矣何故不見道躡足封侯

巖頭問德山是凡是聖

師云巖頭前頭疑殺李將軍後頭笑倒王大伯雖然如是且道那裏是它一手擡一手擲處哦成月下風前句便有人傳作鬼詩

德山示衆云問卽有過不問尤乖

師云德山老漢一條白棒胡打亂打及乎被這僧拶著折作兩橛

黃蘗示衆云汝等諸人盡是噇酒糟漢

師云黃蘗潼關巨關貴圖直取長安這僧既往西秦老漢却之東魯去也

臨濟侍德山次山云老僧今日困濟云錄語作麼山擬拈棒濟便掀倒禪床

師云二大老奮於百世之上固無以加然被甲嬰冑望堯之治遠矣

麻谷問臨濟大悲千手眼那箇是正眼

師云以的破的以機奪機卽不無二大老檢點將來未免一得一失具眼者辨取

麻谷問僧甚處來僧云不審谷再問僧云珍重谷下禪床擒住云這箇師僧問著便作佛法祇對僧云和尚大似無眼谷托開云放汝命通汝氣僧禮拜谷又擒住這僧掣肘便行谷云休將三歲竹擬比萬年松

師云麻谷用盡神通要且勘這僧不了末後未免麻纏帛裏當時若是徑山問甚處來待它道不審便與熱棒打出三門外教它冷地裏呌屈

龍牙問翠微如何是祖師西來意微云與我過禪版來牙過禪版微接得便打牙云打卽任打要且無祖師意又問臨濟濟云與我過蒲團來牙過蒲團濟接得便打牙云打卽任打要且無祖師意住後有問二尊宿祖師西來意還肯佗也無牙云肯卽肯要且無祖師意石門聰拈云龍牙不被人挨著則可被這僧一問失却一隻眼

師云石門恁麼道只見一邊殊不知龍牙夢中呌屈後來不得這僧問著幾無雪處

龍牙問翠微云自到法席已經月餘每遇上堂不蒙一法示誨意在於何微云嫌什麼又問洞山山爭怪得老僧又問法眼眼云祖師來也

師云三大老頭腦各別鼻孔一般然總被龍牙將箇斷貫索一時穿却了也惜乎龍牙到了自無出氣處衆中真有爲龍牙出氣底麼良久云如無老僧拾得性命

雪峰寄木蛇與懶安上書云本自天然不假雕琢安接得云本色住山人且無刀斧痕

師云雪峰好條木蛇無端與佗安足返不得爲蛇安云且無刀斧痕要且瞞人眼不得提起拄杖召大衆云且道徑山底何似雪峰底還辨得麼擲下拄杖云擲入草蓬裏去也

孚上座參雪峰纔上法堂顧眎雪峰便下看知事次日再上方丈見雪峰云昨日不合觸杓和尚峰云如是般事便休

師云大小孚上座向雪峰面前重重納敗若非一千五百人善知識度量深明當時直須棒折始得孚上座逞俊太過飄成落節老雪峰不施寸刃坐致太平是則是可惜放過當時一等與佗本分草料兒孫未致斷絕

孚上座參雪峰 後來雪竇拈云千五百人善知識被孚上座一覷便乃高豎降旗

師云大小雪竇隨邪逐惡殊不知孚上座當時只墮得雪峰堂未入得雪峰室

三聖問雪峰透網金鱗以何爲食
師云三聖如蒼檜竿千尋之幹霜而不萎雪峰猶大

海容萬頃之波攪而不濁雖然如是總欠一著在

玄沙白帟

雪峰一千五百人善知識輕輕被人抓著便乃全身放倒後來玄沙雖盡父子之情要且扶不起

玄沙坐次見面前一點白指問侍者云見麼者云見如是二問如是三對沙云你也見我也見因什麼不會

師云玄沙老漢可謂無事生事瞞人自瞞你也見我也見用會作什麼

聲明三藏善別音聲劉大王請玄沙驗之沙以銅筋敲鐵火爐問云是什麼聲藏云銅鐵聲沙云大王莫受外國人瞞後來法燈代云却是和尚瞞大王本覺云三藏瞞大王何似玄沙瞞大王

師云噫佛法淡薄那時早恁麼通互相瞞若論今日徑山也瞞諸人不得諸人也瞞徑山不得遂以拂子擊禪床云且道是什麼聲

長慶道總似今日老胡有望保福道總似今日老胡絕望

師云老胡有望不須問著老胡絕望也且罷休畢竟今日事作麼生來日向你道

僧問雲巖欽和尚如何是真言答云南無佛陀耶師云古人恁麼可謂明投暗合更不用翻譯然雖如是莫將梵語誤作唐言

僧問幽谿大用現前不存軌則時如何

師云這老漢平生伎倆向這僧面前呈盡徑山即不然待他道大用現前不存軌則時如何便與和聲一踏待他眼孔定動老僧已入大石國裏去也

白頭因見韶山山云莫是多口白頭因麼

師云白頭因口雖多爭奈開了合不得合了開不得返不奈箇無口底何徑山當時若見他問莫是多口白頭因麼只向他道這老賊前後觸忤多少賢良以坐具便擲直饒韶山手中有棒亦無施展處

僧問曹山抱璞投師請師雕琢

師云曹山雖不損花而得蜜亦未免費口分疎山僧即不然或有人問抱璞投師請師雕琢只向他道明朝更獻楚王看

●贈一作時
發稿

稅關梨問曹山清稅孤貧乞師賑濟

師云老曹山雖則眼目精明爭奈放過稅關梨若是育王則不然當時待佗恁麼問拈起拄杖劈脊便打何故禮防君子

曹山辭洞山洞山云子向什麼處去曹山云不變異處去洞山云不變異處豈有去耶曹山云去亦不變異

師云好大衆田地穩密血脉貫通卽不無曹洞父子檢點將來俗氣猶在

洞山萬里無寸草處去

師云二大老一人下脚不得一人擡脚不起有人辨得許你東去西去

洞山一盲引衆盲相牽入火坑石霜雖盡力踈跳要且跳不出鄮峰則不然秋初夏末兄弟東去西去第一不得向萬里無寸草處去何故長安雖樂不是久居

洞山雖則布漫天網撈蝦蜆捩卽得若要羅籠打鳳則不可後來石霜道出門便是草果然

臘月二十五

師云這公案往往多作奇特話會便道雲門一曲韻出五音殊不知這老漢等閑放屁合著大石調

僧問雲門秋初夏末東去西去忽有人問著作麼生祇對雲門云退後退後僧云某甲有什麼過門云還我九十日飯錢來

師云雲門先鋒有作殿後併吞是則是要且無大人相徑山則不然待佗道某甲有什麼過只向佗道此去逢人但恁麼舉

雲門問僧甚處來僧云嶽山來門云我尋常不曾與人葛藤來僧近前門云去

師云葛藤不少

僧問雲門如何是直截一路門云主山後僧云謝師指示門云合取皮袋

師云雲門大師是則是直截未免纏成紆曲徑山不然或問如何是直截一路案山前若言謝師指示只向道一任東行西行

雲門問僧什麼處來僧云江西門云江西一隊老

漢寐語住也未僧無對

師乃云噫可惜許好與劈口擲當時既已放過至今寐語未已喝一喝

雲門放洞山三頓棒

師云雲門前頭疑殺人後頭笑殺人洞山於言下悟去更是好笑如今莫有解笑底麼設有也好與三十棒

乾峰示衆云三種病二種光

師云乾峰白日青天剛道有鬼不是雲門眼目精明泊遭恐嚇古人則且置只如三種病二種光諸人作麼生透良久云罕逢穿耳客多見泣岐人

金峰示衆云只欲舉來恐遭人唇吻只欲不舉又恐遭人怪笑於其中間如何卽是時有僧出金峯便歸方丈後有僧問和尚適來爲什麼不答金峯云大似失錢遭罪

師云金峯大開東閣不遇高賓末後未免自斟自酌金峯拈枕头云一切人喚作枕头金峯道不是師云喚作枕头不喚作枕头總在金峯窠裏且作麼

生出得良久云無人過價卓拄杖一下打與三百

長慶逼禪師長期以鐵彈子爲驗

師云若人會得蠟人卽是鐵彈子若也不會鐵彈子卽是蠟人只如末後道大底大小底小又作麼生落葉飄空或西或東

南源示衆云快人一言快馬一鞭時有僧出云如何是一言源吐舌示之云待我有廣長舌卽向汝道

師云這僧可惜放過南源當時待佗與麼道只向佗道卽今亦不短若進得這語管取南源舌頭吐了決定縮不得

僧問烏石靈觀師如何是佛觀吐舌示之其僧禮拜觀云見箇什麼便禮拜僧云謝和尚出舌相示觀云近日老僧舌上生瘡

師云大眾還會麼譬不得已梁山頌云我有一柄拂眞搜鐵作骨顯道赫蚊蝓指南不相屈掃除佛祖病擊碎衲僧窠若是上人終不喚作物德山聞得云梁山好頌話作兩橛

梁山聞云也是當時少子細

師云昨昨克由叵耐青天白日有怎麼事何故賊無種相鼓籠

大慈掃地次趙州問般若以何爲體後來黃龍新云趙州金鎗不辨玉石不分直饒分去也未夢見大慈在

師云這孟八郎漢既少子細未免偏枯殊不知趙州金鎗不辨大慈玉石不分兩箇無孔鐵鎚打就一合乾坤

種田博飯喫

師云地藏老兒盡力踴跳也只跳不出徑山莫有通方處麼待計較得成卽向汝道

僧問佛日彌禪師如何是毗盧印彌云草屨踏雪僧云學人不曾彌云步步成蹤

師云古人信脚行信口道不妨明投暗合若是育王又且不然如何是毗盧印七凹八凸學人不曾古篆分明雖然恁麼道猶較古人半月程這裏風頭稍硬

師云明招祇知賣峭不覺重重敗缺復云這裏風頭稍硬鄧峰無可商量你這一隊漢來這裏討什麼碗擲拄杖下座

這老漢將明珠作豌豆糶可惜無人識價當時待佗道這裏風頭稍硬且歸暖處商量一時散去非特表顯叢林參學眼目亦且救得明招一半

僧問嚴陽尊者如何是僧陽云喫粥喫飯

師召大衆云若也會得喫粥喫飯若也不會直待飽方休

浮石開卜鋪斷人貧富生死

師云浮石怎麼答這僧話是離五行不離五行若道離五行又道金木水火土若道不離五行且道那裏是佗直指處會麼金木水火土大虫元是虎堪笑李將軍藍田空沒羽

汾陽云夜來夢見亡父母覓酒肉紙錢

師云汾陽用處故是鬼神莫知檢點將來不無漏逗乳峯這裏素無枝葉亦無閑神野鬼可遣且道還有眞實底麼喝一喝

五祖舉僧問趙州狗子還有佛性也無自云無也勝貓兒十萬倍

師云鄧師伯他是蒲許村裏人愛說蒲許村裏話外人聞得直是莫辨語音隣舍看來也是尋常談吐然雖如是可惜放過當時若見佗與麼道只以手近前擘開眼向佗道猫教這老漢噴也不得笑也不得暑運推移布視赫赤

師云玉泉箇漢賣弄一腰布視渾無縫罅可謂古今難並其風流然檢點將來猶帶些子屎臭氣在有鼻孔者驗取

老宿一夏不爲兄弟說話

師云這老宿幸是一箇好人無端被這僧連累便見失錢遭罪清涼門下不說佛法不論正因且道還免得人點檢也無吽吽

淨因指禪師接韓相公公云禁足不出因什麼却出因云官不容針私通車馬

師云淨因長老祇對俗官卽得若是禪更參三十年也未會

僧問保寧如何是佛寧云鐵鎚無孔

師召大衆云不得動著動著打折你驢腰

黃龍璣和尚問學者云禪以何爲義衆下語皆不契有僧請益璣云禪以誘爲義

師云禪以誘爲義誠哉是言雖然如是須是會誘始得若也會得釋迦老子是乾屎橛達磨大師是破草鞋一大藏教是糞埽堆頭拭不淨故昏其或未然十二時中切不得胡謗亂謗

天平見西院商量兩錯

師云天平當時便去不受商量不妨令人疑著及乎住後吐露箇消息子細看來却欠商量在唯如西院兩錯畢竟如何商量良久云天堂未就地獄先成長生問靈雲混沌未分時如何芭蕉云相見便休又打破作什麼白兆云若打破又爭得相見師云若論打破也未得相見若打破也未得相見正恁麼時如何相見良久云隔

本生問僧近離甚處僧云太原生云彼間風景如何僧云與此間不別

師云不同處不別不別處不同諸人不言自知只如踏破施主草屨畢竟當爲何事這裏出得那邊風景在若出不得且向此間求

僧問高安澄禪師舊歲已去新歲到來還有不受歲者麼澄云作麼生僧云恁麼則不受歲也澄云城上已吹新歲角窻前猶點舊年燈僧云如何是舊年燈澄云臘月三十日

師云一句合頭語萬仞繫驢橛然雖如是錯會者多

佛鑑禪師語錄卷第四

佛鑑禪師語錄卷第五

頌古

世尊拈花

靈山一會善隄防疊毒之家水莫管迦葉無端露一滴至今猶自面皮黃

女子出定

古老相傳鬼呌坑看來人鬼不多爭早知鬼便是人做夜半三更也可行

賓頭盧親見佛來

君王一語出如綸尊者眉毛八字分四海風清煙浪靜碧天無際水無垠

梁武帝請傳大士講經

大士錯解注誌公錯注解臭肉積屠門堪笑無人買那吒太子拚肉還母拚骨還父

雨散雲收後崔嵬數十峰王維雖敏手難落筆頭蹤居一切時不起妄念

春生夏長淡飯麤茶魚投臭水彩奔靨家

六祖風旛

地神歸地天神歸天慙慙奉送寶馬金錢

馬祖陞堂百丈卷席

一柄無情雪刃刀當鋒誰敢犯秋毫馬師父子親提掇血噴千山風怒號

馬祖與西堂百丈南泉翫月

諸子生涯各有成從來孝順兩邊生貪權一夜渾家

樂失曉連忙打五更

日面佛月面佛

日面月面突出難辨擬欲擡眸空中兩片

卽心卽佛

金毛獅子生鐵秤鎚渾崙無縫切忌針錐

廬陵米價

衝開碧落松千尺截斷紅塵水一谿飽食高眠人不

到日從東出又沉西

石頭問長髭大庾嶺一鋪功德成就也未

南嶽峯前老石頭恰兒何事不知羞爲人點眼長伸

脚直至而今懶不收

藥山久不上堂

鋪席宏開見也麼買人何似看人多十成好箇吹毛

劒只作陶家壁上梭

藥山坐次僧問和尚兀兀地思量箇什麼山

云思量箇不思量底僧云不思量底如何思

量山云非思量

兀兀地思量無可得思量無可思量處眞箇好思量

大庾嶺頭逢六祖龍山店上見曾郎

龍潭送天皇餅

持來送去樣團團覆陰兒孫義不寒何似當時休孽

破渾崙留與後人看

趙州親見南泉

蘿蔔從來出鎮州城南門外水東流饒君說得渾相

似須是親曾到地頭

趙州洗鉢孟二

千載巖前樹曾無刀斧痕羶羊纔觸著滿地葉紛紛

混成一氣周行四時惟天爲大惟堯則之

趙州訪二庵主

閃爍旌旗驟往來幾人遙望起疑猜此時若得樊公

脚一踏鴻門兩扇開

婆子偷趙州笋

驟馬加鞭上酒樓何如坐地看楊州是非長短俱裁

了鼠竊終難似狗偷

趙州勘婆

臺山路上箇婆婆平地無風起丈波下却斗門通底

聞更無一滴到黃河

瀉山普請次有一僧聞版聲呵呵大笑而歸
風前一曲動離愁那箇行人不舉頭手把花枝半遮
面不令人見轉風流

瀉山同僧樓上看雨

分明指出與人看多少禪和被熱瞞舉目只知看雨
勢不知秋水沒欄干

劉鐵磨到瀉山瀉山云老將牛汝來也

共樂昇平道泰時相逢終不展鎗旗隨宜淡飯清茶
外困臥閑行幾箇知

仰山插鉢

賊火相逢恰五更見成賊物不須爭暗中多少都分
了天曉依前各自行

清稅孤貧乞師賑濟

銅公塘鐵奉化得人憎得人怕不是明州人定說蘇
州語

洞山萬里無寸草處去

洞山平地露尸骸庵主將身一處埋狼藉觸骸相枕

藉悲風愁霧不勝懷

大隨蓋龜

骨裹皮兮皮裹骨大隨放出遼天鵝東西南北漫擡
眸不知已過新羅國

廓侍者問德山從上諸聖向什麼處去

頭皮老虎臥林丘一任傍人放滴油滿肚只因曾飽
肉縱加呼喚懶擡頭

巖頭起滅不停

起滅不停誰解看當機一拶透重關東西總是長安
路蕩蕩無拘自往還

僧問石霜咫尺之間爲什麼不覩師顏霜云
我道徧界不曾藏僧後問雪峰徧界不曾藏
意旨如何峯云什麼處不是石霜僧回舉似
石霜石霜云這老漢著什麼死急玄沙山頭
老漢蹉過也

同舟共賞洞庭春終日徘徊柳岸陰却得漁人加櫓
掉等閑抹過碧波心

地藏種田博飯喫二

一片荊山璞分明辨者難幾人偷眼觀只作石頭看
種田博飯喫飽臥長伸脚把將三界來安向左邊著
引得龍牙老古錘手裏把柄破木杓

國師三喚侍者

一擲神杯定吉凶再占重卜轉靈通分明見了今年
事却說明年事不同

漸源吊慰

夢裏思歸問故鄉明明說與尙徉狂白雲盡處重回
首無限青山對夕陽

盤山聞歌郎

紅輪決定沉西去未審魂靈往那方哭慟一聲無處
避擡頭親見本爺娘

僧問天章寶月禪師如何是佛法大意章云
一年三百六十日便與麼去時如何迢迢十
萬未是遠

一年三百六十日日日日從東畔出昨夜黃昏又落
西茫茫無處尋蹤跡

皓老布衲

矜誇富貴賤賣赤窮殺人可恕無禮難容

僧問谷隱慈照和尚如何是道照云臘月三十日

臘月三十日開口便爲勅更擬問如何明朝正月一

僧問古德如何是和尙深深密密處古德下

禪牀作女人拜云謝子遠來無可祇待

深深親下拜三代禮全該此意如不然玉帛云乎哉

山前麥熟也禾

大匠不巧大儒不學動輒中方圓舉皆成禮樂堪笑
鄉村賣卜人徒勞鑽破烏龜殼

人間無水不朝東黃河因甚向北流

黯澹灘黯澹灘十隻船來九隻翻惟有三山陳上舍

我向陸地裏行看你奈我何

僧問大龍色身敗壞

山花似錦水如藍突出乾坤不露頭曾踏武陵溪畔

路洞中春色異人間

偈頌

花光十梅

懸崖放下

萬仞崖頭自啟身始知花發不干春更從箇裏尋枝
葉笑倒當年樹下人

絕後再甦

孤根脫落偃蒼苔冷地無端笑眼開莫怪雪霜欺不
得只因曾向死中來

平地回春

萬木千花凍未醒東君無處覓歸程擡眸忽見春風
面的皜枝頭數點青

淡中有味

半開半合榮枯外似有似無閑淡中自是一般風味
別笑佗紅紫鬪芳叢

一枝橫出

莫謂南枝能放花傍分北秀亦堪誇黃梅不用爭高
下草本傳來共一家

五葉聯芳

花開五葉自芬芳欺麝欺蘭別是香傳得靈根元不
朽豈惟流落在花光

正偏自在

花合花開有正偏不完全處却完全要知根蒂從何
得多見生理洞水邊

高下隨宜

樹有高低枝短長花開隨處恰相當都緣妙得毫端
趣豎抹橫拖總不妨

幻花滅盡

花分枝北與枝南向背橫斜有許般何待支郎強描
邈開時便作謝時看

實相常圓

黃底自黃青底青枝頭一一見天真如今酸澁都忘
了核子如何舉似人

朝陽穿破裯

橫片豎片胡亂搭長針短針信意聯但見日頭東畔
出不知塵世是何年

對月了殘經

入海弄沙徒自疲風前月下幾攢眉卽今休去便休
去欲覓了時無了時

入已還閉

南方經歷幾雲煙，收得珍奇貨滿船。
彈指便風帆到岸，一時灑作大光錢。

懷古

空山寥寥黃葉蕭蕭，斯人不來兮暮待之以朝。
斯人或來兮兩無語，而意消歸去也。衣飄飄路迢迢，誰同其孤標月在青霄。

四威儀

山中行移步放教輕，無別意恐佗幽鳥驚。
山中住落葉不知數，無人掃翳却松門路。
山中坐習閑成懶，墜少獻花但見猿偷菓。
山中臥不知時節，過雨打窻好夢都驚破。

次建康留守趙龍圖雷音堂韻

晴空霹靂絕追尋，聽者須教辨者瘖。
坐斷封疆行正令，迥然超越去來今。

底事明明不用尋，通身有口却如瘖。
笑佗盧老能多事，龍圖語引蔓牽枝誑古今。

居士門高幾萬尋，曾聆一語警盲瘖。
誰知千里同風

事歷歷分明在目今

次平江知府鄒編修韻并引

博道者自西州持一杓惡水來潑，老僧育王借渠杓柄連潑兩潑。既是道中人，必不發惡也。

曹谿平地起風濤，後代船高水亦高。
寄語隨流入流者，更須拋却手中篙。
曾駕鐵船驚海濤，想應不怕浪頭高。
鄞江一滴渾無有，切莫妄傳深幾篙。

次長沙趙督相送惠首座韻

行脚親曾到地頭，固知不是等閑遊。
歸時有問五峯信，爲報龍圖已絕流。
絕流之句許誰知，獨有毗耶老古錘。
非是望梅圖止渴，調羹已熟向南枝。

次韻題大梅常禪師塔

馬師問處沒蹤由，或示三冬話九秋。
認著卽心心卽佛，一絲頭是一絲頭。
茫茫摘葉與尋枝，獨許山翁親見伊。
點著直行三萬里，至今脚踏少人知。

視死生如遊戲場固知老子不曾亡祇今何處問消
息風遞梅花撲鼻孔

寄雲居掩室和尚

鷲峰雲散霜天冷南北東西片月孤喜得江湖好消
息點胃尊者在雲居
幾回夢到白雲顛欲往難禁懶病牽何日相依傾倒
夜月寒千嶂一聲猿

從來有口掛虛壁誰信如今口亦無因記通身紅爛
客無端白紙強塗糊

少室

塵蒙虛壁冷蕭蕭未厭家風太寂寥門外依前積深
雪不知誰肯立齊腰

止翁

萬法都盧歸一法一法不知何所歸肚飢買箇油餛
喫喫了油餛肚不飢

石田

紛紛多是競膏腴確實誰能下一鋤幾見萌心還慊
懍只緣無處著工夫

別浦

東海西邊西海南蘆花裊裊水漫漫謝郎猶自不知
處莫作尋常洲渚看

高原

佛祖仰望不及處暗通一線幾何深冰嚴雪冷無人
會空瀉斷崖千萬尋

死翁

一驚塗毒鼓脫爾喪全軀誰信髑髏上重生領下髮

復古

麥已登場稻滿田黃樗土鼓樂平平不知將謂羲皇
世元是天開寶慶年

雲谷

或卷或舒多變態隨呼隨應發天真誰知路轉峰回
處幽鳥啼芳別是春

枯木

不入樵夫手不登郢匠門只麼老丘壑且無刀斧痕

無際

龍侗復龍侗平夷更平夷伸手不見掌趙州東院西

訥堂

德山無語歸方丈，象骨低頭入草庵。大鵬一舉九萬里，籬邊鸞雀空呢喃。

濕漚

抓頭忘癢處，弄物不知名。一箇無分曉，千金買不成。

常覺

暫時不在還同死，徹底惺惺亦自瞞。長愛東村老婆子，逢僧也解道和南。

琴枕

巧出焦桐樣，淳含太古音。多因和夢聽，只作夜虫吟。

跛翁

平常行一步，却不墮平常。盡道脚長短，誰知脚短長。

臭庵

全無氣息，直是薰人。無鼻孔者，方堪與隣。

次野雲南和尚雪竇錦鏡韻

萬象融一奩，九色猶未多。圓淨出良範，羅紋非巧梭。有樣不可製，無痕安用磨。試問光影亡，如何復如何。

送趙龍圖歸四明

昔年曾約歸四明，綴鉢共飭莆菜羹。東園蔬蕒幾衰長，望之何以辜斯盟。鏗鏘小節何足拘，大名常振聲。絃絃旌旗不動，勦胡種屈伸一臂。逾長城，淮甸既肅。四海肅，豐功盛德應難名。了知八珍與梨菓，清閑富貴但等平。我罹劫火，固無閔公視畫錦，不以榮。七佛承承，竟何據。六祖切切，空碗鳴。君不見剡竿頭上鐵龍頭，鴻毛至重，山嶽輕。六祖七佛，乃龍圖語。

送無相和尚歸鄉

同名同號同桑梓，同住江湖亡彼此。有時同上孤峯巔，有時同下滄溟底。苦同憂樂同，喜金博金。兮水洗水，有時振轉鐵面皮。心口全然不相似，你若住兮我即行。你若行兮我即止，白日青天轟怒雷。平地無風波浪起，非非是不是。西川大隨，桐城投子。

送訥堂和尚住秀之天寧

蘇州有常州，有真箇有。未嘗有賤時，傾國不可換。貴則陪錢，揜一斗伸一手，縮一手。日月奔忙，山河倒走。濟北瞎驢，退三步跛脚。雲門大張口，阿呵呵只今此話大行，何待三十年後。

送率庵和尚住雲居

東湖水深蟠老龍，晨昏出沒無定蹤。開口合口噴香霧，舉足下足生陰風。而今改宅雲居去，威風萬竅聲號怒。謂言不是扶珠人，未應輕踏巖峯路。

送凝藏主歸蜀

凝藏主五載惡相聚，我既橫點頭公亦未相許。就中猶耐拗折露明柱，似此拙去就端的不可恕。蕭蕭九月風，露寒忽來告別還鄉去。臨歧可煞沒巴鼻，却要就我覓轉語。一轉語如何舉，濕紙裊大虫大棒打老鼠。阿呵呵，無你會處。

送曇藏主雪峯見癡絕前佛隴

世上有蛇皆可弄，南山鱉鼻不可動。動著冷口暗傷人，傷人至死未知痛。子今去也，當自著便宜。後日毒遭一口歸來，莫道山僧不曾說與伊。

送妖昭上人歸鄉

昭昭靈靈是何物，非物非心亦非佛。五湖雲衲競頭參，空把光陰恣埋沒。我遊江湖三十有四年，飽飯之餘一味閑打眠。子今迢迢苦尋討，不知尋討何慕焉。

問吾道今年大熟收成早，問吾禪秋林噪晚聲喧喧。抖擻屎腸都說了，莫將一字歸去容易空流傳。斯言寫就相違別，目斷家山雲疊疊。我亦欲歸歸不得，千里萬里一條鐵。

林泉野人

樂哉林泉人，自得林泉趣。渴則掬泉飲，健則穿林去。幾見幽鳥啼黃葉，聚薰入奏雪飛絮。四時適吾意，萬象爲吾侶。有人更問意如何，笑指巖前大松樹。阿呵快活快活，有甚討處。

再鑄粥鍋

不解多方錮鎔成一鎚，打破與重烹等閑脫體離。窠臼羹粥依前不是羹。

大芙蓉接待

水雲何處覓行蹤，踏破天台鴈蕩峰。脚力盡時消息在小芙蓉，接大芙蓉。

寧海接待

煙波盡處良田闊，歧路窮時活計新。南北憧憧故多士，不知誰是飽參人。

鷄鳴接待

水雲遇夜須投宿飯飽何妨又進程山主豈徒開接待養鷄意在五更鳴

元道士前玉隆知宮

黃衣捨去混緇衣弃却甜桃摘醋梨酸澁一時嘗過了攢眉歸去許誰知

淨道士

伊予頭腦不相似鼻孔由來只一般冷地自家親摸著老君元戴緒皮冠

相士

鄰皴一塊爛枯柴幾見春風長綠苔豈謂先生也相許驢年決定放花開

無方刊字

道在貴亡羈寧容滯一涯是山皆有石隨處可鐫碑

讚佛祖

釋迦出山相

入山去何所圖出山來胡爲乎早知今日事悔不悞當初

觀音大士

提起數珠呈伎倆無端弄出孩童相何似月明霜滿天孤猿啼斷千峰上

隨流入流無所分別處處圓通頭頭漏泄雲淨八紘天宇寬萬頃波心蓮一葉

寂滅現前如月在天分身利物影含百川是所謂不然而然虎而通靜而應萬國春容千江月影如今何處求普門一聲鶴唳寒松頂

大哉觀自在善觀諸音聲而於諸音聲不作音聲見是見亦寂滅亦無寂滅者由是離衆苦處處得解脫分身十方利救度於一切然於救度中而無救度想如春在百花不分長短枝又如月在水不分大小器尋聲隨所念平等獲利益是三十二應十四無畏法無量方便門一一皆成就一一成就處當體皆如幻我觀如幻相願作如幻讚若有見聞者當作如是觀

漁婦觀音

腥穢通身不自知更來漁市討便宜就中活底無多子提向風前賣與誰

籃內魚衣中珠見買見賣少實多虛

文殊大士爲龍女說法泰首座請讀

文殊所法所說何法女子成佛所成何佛無法可說
無佛可成臥龍奮迅獅子嘖呻

三教合面相

一三三一一三解不能散聚不成團今古合成
閉口面只因門戶有多般

十六羅漢

身如枯柴心如斷崖萬般神變一種平懷面面相看
究竟不知論底事阿耨達池龍王來日請佛齋

須菩提

頭白齒豁空腹高心被僞尸迦當面上當對維摩詰
甘自屈沉說甚解空稱第一只堪倚杖獨沉吟

布袋

露胷坦腹皺眉搭嘴做箇模樣是何儀軌謂渠惺未
必惺請渠睡未必睡吽吽奉化子我儂識得你
肉重千斤智無半星回頭轉腦昧却天真一處尤堪
笑街頭等箇人我當時若見只緩緩地向他道謝三

娘秤銀

誰管你地誰管你天放下布袋打一覺眠若論當來
補處驢年更待驢年

巡行掠布既飽且醉無用心處打箇噴嚏更言是真
彌勒想見別有假底

維摩居士

詐病從來不可醫文殊特爲下針錐事礙一啄長三
尺問著依前似鼓槌

示疾毗耶平地風波醫不得處病在口多

達磨祖師

大破六宗單傳一心遊梁歷魏罕遇知音少室九年
空面壁誰向同霜夜月沉沉

滿面盡是胡鬚常門却無版齒縱不畫影圖形東土
有人識你

觸忤梁王恹恹渡江九年冷坐重重話墮一花五葉
自芬披不在春風著意吹

祖師圖

等是清平世界人多因閑事長無明使佗箇箇能安

分圖上何緣有姓名

豐干

淨土不居居穢土良馬不騎騎猛虎回頭轉腦謾招呼誰肯與伊爲伴侶

寒山持經拾得手接

手持經卷付與同倫已所不欲勿施於人自有一經不肯受持却從佗覓可煞愚癡

蛄子

出手露脚撈蝦擺蛄這窮鬼子可貴可賤紙錢堆裏謾藏身莫言冷地無人見

谿尾谿頭打野盤撈蝦擺蛄當朝餐想應不是釣鰲手得箇蝦兒便喜懽

金華聖者

飽啖猪頭肉長齋不喫素莫言滋味別要且少鹽醋吽吽大有著你處

端獅子

要弄便弄要置便置眼睛倒轉眉毛踢起雖然好箇金毛爭奈爪牙未備

普化

恣意放顛放默走徧前街後街就中一處耐大悲院裏有齋

泉大道

這瞎禿無檢束浴龍湫繫蛇腹飄裏酒鉢裏肉到頭底事若爲論郴州城中六月六

郁山主

收得蚌蛤珠誇張無價數我儂不怪佗佗是村山主

言法華

褰裳而趨或然而住咄咄書空喃喃獨語盡語渠儂轉法華知得身心在何處

烏窠

佛法有些子言中設網羅布毛吹起處依舊不離窠

臨濟

善戰不動旗鎗善縛不加繩約其毒猶恒山之蛇被傷者決定無藥

竊不見蹤敗不見賊是真白拈其誰與當

晴空轟霹靂官路栽荆棘沒興遭逢著前凶後不吉

忠道者

聽教一味瞋睡參禪不入爐冶盜橋過於揮劍騎虎
穩如乘馬仗倆元來箇樣生幾乎喚作忠道者

靈照女

有髻垂肩無髻禪脚一掬精神十分銷鑠最苦拈來
潑罩籬風前索價無人著

常不輕童子

作佛名何佛不輕成自輕誰知眼睛裏箇箇有瞳人
豐干寒拾虎四睡

善者未必善惡者未必惡彼此不忘懷如何睡得著
惡者難爲善善者難爲惡老虎既忘機如何睡不著

題嚴寒拾

五峰路上雙磬寺前藏頭露面撫背拍肩舉筆欲題
題不得斷崖千仞鎖寒煙

圓悟妙喜侍立

坐底是誰立底是誰兩枚漆桶一種無知非惟佛詬
嘵嘵恣意鳳林吒之壞盡東山窮活計都因這漢兩
爺兒

大慧

僧中之龍法中之王讚不及處衡陽梅陽

破庵爲即庵讚

噫噫吁何人歟無德可敬無言可書非橫滅族是真
嗜驢有口不能罵得捲而分付雲居

生平蕭散渾無羈絆奮惡拳頭打會禪漢我嘗一見
口似匾檐凡侍之者莫知其幾往往瞠乎其後終莫
得其畔岸是故不可毀不可讚至於不可奈何但如
今必要知其所竊之羊謾去西邊屋角頭蜂桶裏尋
看

無相祥長老請讚

重如山靜如水輕輕觸著雙眉剔起這般漏綻許誰
知分付天章破家子

孟保相

澄之不清混之不雜融融澹澹辛辛辣辣徑山橫讚
豎讚終是讚之不著但以手加額道箇南無大慈大
悲救苦救難殺人不眨眼底觀世音菩薩

自讚

鄒編修請讚

骨稜層髮鬢髮且不安分更說指南置須彌廬於一針鋒貯四大海於無底籃不知世有誰知己撲庵

彰聖輝長老請

一之上三之下有來由無縫罅是甚牛溲馬溲剛自遼天索價累及兒孫成話欄

興化益長老請

益無所益爲無所爲迥超玄化杳絕機宜桃紅李白自芬披問著東風總不知

定慧圻長老請

詐啞佯聾指西作東肆無所畏說大脫空彎弓曾發蓬蒿箭射中南山白額虫

延慶日長老請

不愛人讚不怕人謗令是一條筋見者難近傍要識渠儂端的日在東山之上

倫侍者請見住瑞岩

見假像真弄真像假裂破面門非驢非馬世上有誰親見來天台方巖倫侍者

東林日長老請

無德可崇無善可從近之不及遠之必凶傲慢釋迦文說甚臨濟宗誰知目視凌霄外意在廬山五老峰

覺際融長老請

無箇模樣盡箇模樣既有模樣是甚模樣節節危梁十二層垂垂白髮三千丈

曹山槃長老請

頭圓象天足方象地耳朶聞聲鼻孔出氣馬駒踏殺天下人瞎驢不受靈山記

洪長老請

西有岷峨南有雪峰靈龜未爆爻象重重拈却玄沙白帛自然千里同風

永壽礎長老請

怒罵當慈悲脫空成善巧三錢買李子偏向赤邊咬如今此話許誰知永壽破家真種草

因大師請

不是神不是鬼突出人前是何面觜妙因等閑覷破扣齒擎拳頂禮唵蘇嚧蘇嚧唵唵唵唵

日本琳上人請

頭拄天腳踏地大宋國裏鼻孔日本國裏出氣覺琳
持此歸故鄉大似波斯入鬧市

禪人請讚

似牛無角似驢欠尾突箇形容誠難比擬無所思無
所爲臥月眠雲誰得知

眼裏沒瞳人鼻頭無孔竅單賣赤髮綠鬼見拍手笑
世有愚癡箇樣僧難爲名字上傳燈

人道脫似我道不似口少四方眉欠八字不是普豐
清上人定應喚作王蠻子

鬚髮蓬鬆眼孔定動解拈死貨手頭活弄觸著梧桐
老樹椿等閑驚起丹山鳳

這瞎賊無羈勒指槐罵柳將南作北橫也湊他不得
豎也湊他不得誰知籬裏生薑元是井中侯黑

僻性拗木枕天生沒意智自己獨冤家佛祖閑奴婢
管閒一飽忘百飢今日山僧身便是

大不可忽細不可欺丘嶽之崇起於毫釐善惡之積
發乎隱微洞徹根源迥絕機宜可以拈一塵融十虛

以無遣

小師德輶請

喜一上怒一上少機關足伎倆硬把虛空量剛道有
一丈似這般會筭底本師如何喚作無準和尚

德義請

義出豐年儉生不孝自古自今豈容師教義兮義兮
知不知官稅了兮何用鈔

德潛請

踞胡床握麈尾默默自問誰家之子寧可併喫五斗
醋不敢說著東山下左邊底

小佛事

爲天童無際和尚起龕

大海渺無際漫天鼓黑風悠悠煙渚客到此盡迷蹤
故我無際和尚慣諳水脉一生鼓棹揚帆不犯波瀾
收盡錦鱗紅尾掃去今時途轍全提向上爪牙功魁
佛祖而不居聲震雷霆而難掩化緣既畢一笑飄身
天無四壁地無門畢竟真歸何處去東家作驢西家
作馬要騎便騎要下便下負鞍轡鐵當生涯佛手明

明不可遮

爲靈隱妙峯和尚秉炬

來也如是浙東山浙西水去也如是七十三八十二
來去一如普賢文殊清風萬里擡脚不起這箇是妙
峰和尚臨行得力句子諸方已爲饒舌雖然雲月是
同徑山更與一決且作麼生決擲下火炬云鐵作肝
腸也須迸裂

爲印西堂秉炬塗毒小師

塗毒一震遠近皆死親聞者誰松庵老子所謂如是
證入如是踐履窮萬法之根源徹千聖之骨髓主於
出沒死生之際如同遊戲而已然雖與麼爭奈命脉
猶在徑山手裏且道把住則是放行則是木生火土
尅水

爲擇維那秉炬

蘇州有常州有兩兩未爲雙三三不成九分明抹過
威音前何須更問涅槃後正恁麼時如何通身無寄
赤條條破屋從教野火燒

爲一維那秉炬

去却一拈得七無孔鐵鎚當面擲拏著便行千萬里
南北東西絕消息消息絕火裏烏龜嚼生鐵

爲開上座秉炬

生從何來鐵樹花開死從何去雲收嶽露去來生死
兩俱忘火自炎炎風自涼

爲開上座秉炬

昨日茶毗開上座今又茶毗開上座忽忽各自奔家
鄉先行後行俱蹉過不見道開不能遮勾賊破家勇
而能斷只得一半舉火炬云聲前火急要君看曾麼
秦時轆轤鑽

爲覺上人秉炬

迷本無迷覺亦非覺纔涉絲毫病如山嶽且膏之上
育之下如何發藥擲下火炬云擬不擬便著

爲海觀上人秉炬

觀大海者難爲水窮盡煙波一漚爾如今漚滅無可
觀回頭喪盡自家底一不成二不是白日青天火把
子

爲足知倉秉炬

平生萬事足知足常自足所欠惟一死今朝死亦足
生也足死也足種種足無不足且如何是足底事泥
捏金剛水底行紙盡天神火中浴

爲欽上座秉炬

以火炬打一圓相云不是心亦非佛究竟名何物若
謂死生只這是欽師猶被馬師惑如何得不惑去天
色正嚴寒只宜燒槽枥

爲壇上人秉炬

身心一塊爛泥團幾曾經歷陶家手雖然不假埴
功其器須知已成就昨夜無端打破壞大地山河
一時出醜正恁麼時如何冰蠶水底行神龜火裏走

爲聞上座入塔

某人聞聞聞不聞不聞聞不聞不聞透得這四重關
了便知石頭大底大小底小春融百鳥喧雲淨千峰
曉

爲法清上座入塔

是法非思量分別之所能解離念清淨乃能證入若
果能證入則森羅萬象四大五蘊根根塵塵悉皆清

淨指骨云只這箇豈不清淨既然如是不得動著元
處安著

序跋

跋大丞相游公所書心經

此經吾佛以覆大千之舌所說句句皆心語也大丞
相以運造化之手所書字字皆心法也燈既能受持
則知古佛今佛無二心爾

跋圓覺經集注

喚作圓虧缺了也道箇覺迷昧了也黃面瞿曇十二
大士密說顯演已是注解其餘經師論師於注解中
又添解注且正文畢竟在什麼處恁麼問好與三十
拄杖覺如居士儻能下手徑山甘受不辭

費居士請諸山書金剛經得最後一分仍命
跋

若謂如來有所說則爲謗佛若謂如來無所說則爲
謗經這裏著得一隻眼瞿曇善現無地容身其或不
然非但諸山乳峯亦遭連累

跋能凝範三人讚十二散聖

這一隊賊非常敗跡有賊者五無賊者七已經三司明斷於中一人受屈屈者重加一等庵部臨庵齒臨急急其餘並在不赦嘉定十年臘月二十五日結

跋船子和尚頌後

船子上無片瓦下無卓錫安有剩語流布藁林是皆傳之者悞而廣歌讀之者亦悞矣今又兼行於世豈不悞悞後人耶徑山從而注脚也是蕭何制律

跋園悟法語

警誨學徒筆授之語盛於園悟祖師其縱橫之作如大藥肆窻牕洞開奇材異品牛溲馬溲插架盈櫥賤龜細莫不有也拈起一物皆能殺人亦能活人中間悞服食者往往致病然非藥之咎也敏既能實之宜諦審之

跋大慧法語

大慧禪師得法自在譬如川流泉源其勢就下浩然無涯或激而怒或決而汎或恬而靜或暴而吼變態萬狀初無作意及至于海則混乎一味而無川源泉流之異脩羅蚊虻隨器而飲皆得充滿若酌一蠶自

◆子羅子

謂盡其大海之量非愚即惑

跋雲窠語錄

雲窠入滅未久有不肖子摘其平生敗迹之欸成一大軸將欲流布諸方以肆無窮之謗且携質於子曲求知證因爲原其語彷彿橫巾右祖之作然又節節請訛不通翻譯於中有一句子稍似唐言若人辨得直饒刎頸未足謝諸儻涉遲回清涼贏得鼻孔出氣

跋念鐵嘴語錄

此老平生無所重惟畜一喙勘驗諸方故其所至一時大老無敢嬰其鋒由是鐵嘴之名大播江湖後住吳門金芝小利有古宿風韻學者過其門或以別傳機要及異教之語扣之隨扣而成頌如谷答響其徒撫其緒餘欲流通於世且要雪寶剌語因謂從上佛祖切害處痛遭一觜不可禁當後之覽者亦宜善看方便

跋嘯巖語錄

嘯巖一嘯豈止聞四十里直得三千刹土悉皆震驚猛獸竄伏飛禽墜落非雷霆之所擬今既滅矣餘音

尙存殷殷欲始不可掩眼裏聞聲者當自甄別

跋少林語錄

少林有一句不在六會語中若人辨得便請焚却此錄其或不然始自篇首至於卷末滿紙盈冊總是黑豆子不妨從頭咬看忽然蹉口咬著也不定

跋石巖語錄

瑞巖綠姪以石巖兄語一編見示且乞余序語余與石巖兄固善然迦葉三昧阿難不知則吾石巖兄三昧余豈知之耶後人欲知其三昧不可無此錄然不得於此錄中討若人知得潮陽有鱗魚

跋石田語錄

吾父翁活業爲石田兄破蕩無遺今觀前項所供皆是詣實至切害處不覺咬斷拇指

跋大歇語錄

拈上死柴頭且向無煙火老松源擅楊歧斯旨嘯而發之大行於世所至龍象如林得其要者吾大歇兄耳今觀其錄雖一螢不耀而冷焰逼人尤甚於燎原之酷覽者宜退身七步

跋大慧出隊歸止知事頭首出迎手帖

此是大慧退閑時帖旣言省緣又言省靜觀其怎麼寫出大故不省也余持鉢江鄉純上人持以覓語奔走中爲書當與大慧併按

跋破庵法語

破庵老人書此法語日恰在侍傍是時不覺惡心嘔吐而去經今數十年豈謂復有寶之者我所不解

跋癡絕書石田語

石田供來句句不實癡絕寫出字字譚訛然上項事於劣弟卽無干預恐後難以分說書此爲憑

跋無庵語孟少保

無庵語質而不文閱者如喫木札羹然舌頭具眼底自有真味

書楊省元學道論

此書乃五里單牌十里雙堠也登徒欲詣之人不得不一觀楊公慮其半途而暮者故求刺語於後以速其行雖勉強而作但恐翻成鈍躑也

枯禪序

今時師僧往往禪多病在乾不盡處非特眞乎形色
作乎四肢至於八萬四千毛孔皆嘔嘔地動輒流出
莫之能遏求箇脫枝葉絕氣息底有若星中揀月成
土人深諳此旨故以枯禪自名亦虛空釘橛耳且欲
無準饒舌予平時不曾與人葛藤況枯禪分上豈容
葛藤耶成遽而咄曰已是葛藤不少徑忍笑書以遺
之

跋闡提頌軸

性上人以闡提爲稱其大旨已見於栢庭友于之作
袖軸亦欲求語因謂之曰老夫有一句子出之不辭
但不知上人信耶不信耶與其信胡爲闡提若不
信則書之何益闡提聞之乃仰天掉臂長歌而去云飯
一鉢兮香普薰臥連床兮堂七楹一句子也年已陳
信不信兮自有人於是引筆呼之笑而爲書

跋窮知客山水軸跋庵石田癡絕跋在前

窮知客以山水小軸示余軸雖小而有無盡之意無
盡之意不可形容不可形容處已爲吾父兄形容矣
徑山尙何言哉

跋用庵軸後

用不及處熾然用之熾然用時卒無可用如人夜間
背手摸枕头用庵還甘麼徑山書于卽庵後三季

跋出化先馳頌軸

淳祐五年秋余將率師出征于山之南拜玉爲先鋒
四方子弟各出奇策以助其行觀其意視其勢決有
必勝必取之効後日奏凱回戈吾當片析太虛爲賞
有所不吝

題牧牛圖

誰家牯誰家犢谿東谿西水甘草足宜乎後夜當春
耕懷袖應難秘斯軸

題僧畫草虫

似則似矣是則未是若是剗利衲僧不作這般虫豸

佛鑑禪師語錄卷第五終

大丞相游公祭文

維皇宗淳祐九年歲次己酉四月壬寅朔右丞相兼樞密使提舉國史院實錄院提舉編修玉牒提舉國朝會要提舉編修敕令提舉編修經武要略南充郡開國公食邑三千戶食實封一千四百戶游侶謹以香茗之奠佑昭告于

故徑山佛鑑範公無準圓照大禪師之塔

師起劍閣錫飛入吳覺性既圓聲譽甚都十有八年揮塵雙徑再幻樓閣一彈指頃出世間法非我所知自世間言誰能及之胡不百年續佛慧命使彼叢林知所取正尺書告別寂果樂邪遣一瓣香臨風嘆嗟尙饗

徑山無準和尚入內引對陞座語錄

侍者 了南了填 編

紹定六年七月十五日

皇帝御修政殿引見師領本寺僧衆山壽舉提舉都知太尉張延慶引見祝

皇帝壽師捧香云根同天地秀發山川薰鬻寶爐瑞騰沙界恭爲祝延

皇帝陛下聖躬萬歲萬歲萬歲指七金山爲壽山巍巍不動以四大海爲福海渺渺無窮長居北極之尊永作中天之主金枝玉葉育秀騰芳八表歸仁萬邦入貢都知太尉云請長老敷演乃奏云臣僧師範一介庸褊生于西蜀浪游湖海今四十年於道無聞每切自愧夙生何幸兩蒙

睿旨掃洒慶元育王而至雙徑自去年八月領職與四方衲子朝夕禪誦仰報

聖恩不謂於四月二十一日夜適遭回祿然休咎莫逃乎數實亦臣僧薄祐所致卽詣

朝廷俯伏待罪

聖恩寬大未忍誅戮旋即獲奉

聖旨降賜度牒一百道再荷

宸恩別賜度牒五十道下本寺重新建造恩大如天未知圖報之所切惟本山乃

高宗皇帝臨幸之地

朝廷第一祈禱去處建造寺宇實難稽時尙賴

聖恩早得圓就不勝幸甚在昔祇園精舍亦罹此厄

唐宜律師嘗問韋陀尊天曰世尊無量福海當說法

時十方諸佛諸大菩薩諸天龍神悉皆畢集是謂寂

吉祥地最殊勝處何得有此厄耶韋天答曰此南天

王天乘大願力當重新此寺是以蘇之今

陛下寵加錫寶重新徑山得非

陛下廣大聖心與南天王天願力等無有二然此廣

大之心不離日用游刃萬機區別邪正剖決是非絲

毫無隱如明鏡當臺物來斯照無一法不從心之所

現

陛下全此心以活天下天下咸服廣此心以化萬邦

萬邦來朝推此心以崇佛法佛法乃興純此心以行

仁孝仁孝乃至此臣僧區區効野人之芹所陳若此

言語無倫冒瀆

聖聰下情不勝恐悚戰汗之至卽奉

聖旨賜金襴袈裟謝

恩畢仍賜坐僧衆同齋齋畢又謝

小輪疑論

恩下殿午時宣詣

恭聖仁烈皇太后几筵殿陞座

皇帝垂簾師陞座拈香云三昧海中流出非木非煙

九重天上頒來最尊最貴恭爲

恭聖仁烈皇太后上資

仙馭伏願佛國三千金世界以邀以遊仙家十二玉

樓臺爰居爰處遂就座垂語云靈山的旨少室真風

一言未剖四海流通莫有共相激揚底麼時有僧出

衆云不知大海深多少直把絲輪探一回師云看脚

下問云昔年和月下瑤池來爲人間作母儀宴罷廣

寒歸路穩至今厚德播坤維正恁麼時願聞提唱答

云大千沙界盡沾恩進云天人羣生類皆承此恩力

答云有水皆含月無山不帶雲進云記得西天國王

爲母仙游涕淚悲泣而白佛言使母命可延者當以

世間一切等物延之此意如何答云通身俱放下觸

處見慈容進云世尊爲說微妙上法且微妙上法作

麼生說答云山河大地放光明進云國王歡喜頂戴

奉行時如何答云須是過量人方明過量事進云只

如和尚今日被旨

舉揚宗教與昔時相去幾何答云衆星皆拱北萬派盡朝宗進云恁麼則我

皇太后不勞彈指轉身成佛去也答云天眞自是黃金骨不必旃檀入細雕進云消息已蒙師指示向上宗乘事若何答云人人仰面看進云

孝宗皇帝問佛照禪師道世尊六年雪山所成者何事聖意如何答云王言如絲其出如綸進云佛照禪師對云將謂

陛下忘却還諦當也無答云雪山高映黃金殿進云大小佛照禪師因什麼被此一問直得盡情吐出答云聖主面前豈容藏覆進云昔日君臣慶會何異如龍得水似虎靠山答云古今榜樣進云今日千載會逢可謂月印澄潭風生萬壑答云此話已行遍天下進云正當恁麼時感恩一句作麼生道答云海濶山高未易言進云林下衲僧無以報只憑早晚一爐香答云直須恁麼復有僧出問云几筵殿上寶炬開花香散九天願聞法要答云須彌頂上擊金鐘進云恁

麼則今日得聞於未聞去也答云普請證圓通進云記得世尊拈花迦葉微笑此理如何答云泥牛吼處山河靜木馬嘶時日月明進云飲光親承祖位達磨直指人心二千餘載流傳未審所傳何事答云闔國咸知進云恁麼則始信普通年遠事不從葱嶺帶來答云朦朧睡眠開鄰雞已三唱進云只如今日和尙恭爲

皇太后追崇舉揚所說何法師豎拂子云只憑此个眞消息上薦仙游快樂天進云記得

皇太后讚觀音大士云大士具定相應現不可量作麼生是大士定相答云描也描不成畫也畫不就進云祇劫清淨觀天人快安隱安隱處作麼生答云塵塵無向背念念不思議進云乃至作幻像如契本眞且幻像與本眞是一是二答云南天台北五臺進云補陀出世間若人恭敬禮如何是出世間事答云不離世間相進云只這一讚高出古今與觀音大士同一受用且

皇太后即今居何國土答云九蓮開合處百寶自莊

嚴進云還許學人道箇諸佛出身處也無答云今日當陽正好拈出進云九天澄萬籟一月印千江答云好箇消息復有僧出問云夜來一雨潤乾坤全露真如不二門

帝苑法筵今大啓靈山一會儼然存正恁麼時請師提唱答云杲日當空香風匝地進云恁麼則鳳閣龍樓多瑞氣金塔玉殿擁祥光答云特地好乾坤進云記得須菩提殿中宴坐帝釋雨花時如何答云馬頭偏向富門多進云帝釋何得雨花我見尊者善說般若又作麼生答云滿口嚼冰霜進云高山流水知音聽葉落知秋作者諸答云伯牙與子期不是閑相識進云須菩提云我於般若未嘗說一字畢竟是說耶不說耶答云舌柱梵天進云帝釋云尊者無說我亦無聞是名眞說般若此理如何答云仁者見之謂之仁智者見之謂之智進云今日和尚恭對几筵舉揚般若上薦皇太后仙游與須菩提所說是同是別答云西天梵語此土華言進云上徹太后超三界仰祝

皇圖億萬年答云如是如是如師云大道之源萬物之母虛空莫能喻其廣滄溟未足較其深可以昭日月之明可以益山河之固量包衆善體育群靈德敷寰宇猶春在百花明贊政機如鏡臨萬像一周事畢不守故常得意生身隨方任運正恁麼時

恭聖仁烈皇太后且道向什麼處去音樂動搖仙子隊彩雲繚繞梵王家臣僧師範適來得覲

清光蒙賜金欄又蒙賜齋感荷

聖恩莫知報稱茲者再奉

聖旨恭對

皇太后几筵陞坐舉揚如來正法眼藏涅槃妙心伏蒙

陛下爲佛法故

聖駕俯臨但臣僧師範林野疎拙語言荒蕪有瀆

聖聰尙容事畢俯伏謝罪然此一段因緣實爲希有昔聞大舜之至孝今見陛下之能行自非深得聖人之心兼造佛乘之妙何以臻此自古帝王留神此道者非一不敢備舉有如

唐代宗亦嘗宣召本山國一祖師每加禮敬適遇天寒代宗以銷金龍袖覆其頂後竟以龍袖爲帽至今祖師遺像儼然猶存又如

聖朝太宗皇帝深悟空宗一日幸大相國寺見僧看經次帝問曰看什麼經僧曰仁王護國經帝曰既是寡人經因甚在卿手裏僧無語後來佛海禪師代以經卷作執笏勢云聖躬萬福

眞宗皇帝嘗頌西來之旨云初祖安禪在少林不傳教法只傳心後人要悟眞如性密印由來妙旨深自非洞明教外之宗豈易得此

仁宗皇帝嘗召大覺禪師陞座君臣酬唱至今育王宸奎璨然

英宗神宗哲宗皆召淨照禪師佛國禪師於壽慶殿福寧殿慈德殿陞座至今續燈具載

高宗皇帝亦召圓悟禪師陞座有頌云大福德人修大福德人受善因招善果種穀不生豈語雖朴野不妨徑直孝宗皇帝尤擊節禪關每召諸山無慮十餘人如佛海禪師別峯密庵水庵自得諸禪師皆蒙

聖眷佛照禪師五宿觀堂嘗謂佛照曰朕心與佛心通佛照對曰直下更無第二人帝曰自古帝王英雄者多信此道者少如梁武帝亦未徹在佛照奏曰當面踐過達磨當時君臣問答金聲玉振實謂自古罕聞仰惟

陛下以佛法爲心以仁孝爲治

聖明天縱深造至理以故一時大臣皆皐夔稷契三教並崇至於草木昆蟲皆蒙

德澤臣僧固不敢望前輩然亦勉摠管見仰承

陛下純孝之意前所謂如來正法眼藏涅槃妙心者卽非他心乃人人具有之心上自帝王下至黎庶莫不咸具此心所以釋迦世尊昔在雪山夜觀明星忽然契悟嘆曰奇哉奇哉一切衆生具有如來智慧德相但以妄想執著不能證得於三七日中思惟如是事無啓口處尋念過去佛所行方便力於是起道樹詣鹿苑說三乘十二分教滿龍宮盈海藏見衆生根器純熟末後遂於百萬衆前拈起一枝花以青蓮目顧視大衆衆皆默然獨迦葉破顏微笑世尊云吾有

正法眼藏涅槃妙心分付摩訶大迦葉自後迦葉傳
阿難阿難傳商那和修以至西天二十八祖此土六
祖而後分兩宗列五派莫不以心傳心如水與水至
於顯大機彰大用湧出超宗越格之妙與一切人解
粘去縛拔楔抽釘使人人明自心見自性直到安樂
之地然此心能建立一切法無一法不從心之建立
所謂誰能出不由戶何莫由斯道也是道也不可須
與離可離非道也至於左右逢原豈有他哉然三教
聖人同一舌頭各開門戶鞠其旨歸則了無二致惟
禪宗乃教外別傳超出語言情識之表謂之無門之
門須得其門而入若果入得無門之門則盡大地無
不是門方能出入卷舒得大自在只將上來舉揚一
言一句一問一答契佛契祖契聖契凡功德恭爲
恭聖仁烈皇太后上助

僊游仰惟

皇太后始居中殿至處東朝崇信佛乘深悟教理神
機獨運慧性圓明來示母儀去登果位伏願仙樂凌
空上升於兜率金蓮捧足卽證於菩提復耀慈光保

佑邦國恭頌

皇帝陛下壽山增峻福海彌深蕩蕩無爲元元自化
中宮皇宮皇妃滿宮天眷伏願千祥併集萬善咸臻
秀育元良益隆國本臣僧甄罄丹誠更學一則因緣
記得

神宗皇帝爲慈聖光獻皇太后上仙齋千法師於慶
壽殿宣十方淨因禪院淨照禪師陞座時有僧問太
后仙游今在何處淨照禪師曰月落不離天臣僧借
水獻花轍成一頌聲前得句蓋乾坤的的無私妙不
痕碧落磨銅見秋色桂輪高潔鎮長存胃續
聖聰下情 無任激切屏營之至下座

皇帝大悅厚加錫賚謝恩下殿

徑山無準和尚入內陞座語錄終

徑山無準禪師行狀

榮無文撰

師諱師範號無準生於蜀之梓潼雍氏九歲依陰平
山僧道欽出家經書過目成誦而又喜閱宗門語要

師兄澄道印有聲講席每以機緣詰之師應答如響嘗因誦經次遽問曰看什麼經師舉卷曰如是經印惘然師一日以女子定話問印印以義訓解釋師笑而已紹熙五年十月登具戒即欲南詢母何氏病篤師割股救療明年次成都坐夏正法首座老堯瞎堂高弟道行四川師請益坐禪之法堯曰禪是何物坐底是誰師受其語晝夜體究一日如廁提前話有省六年秋次荊南玉泉寺有言老宿者嘗參大慧覺老宿見璉窮谷師周旋二老間多獲其言論風旨明年辭去見保寧全無用金山奇退庵退庵問曰遠來何爲師曰究明已事退庵曰生死到來時如何師曰渠無生死退庵曰參堂去久之遊四明依育王瑞秀嚴時佛照禪師居東庵印空叟分座法席人物之盛爲東南第一如覺無象康太平瀾清叟瑛荆翁繼孤雲嵩少林輩皆在焉有老深首座者蜀人久病師爲執侍湯藥深平生惟一喝用事佛照問疾次謂深曰深首座何不下一喝深却喝佛照曰猶作主宰在願謂師曰何處人師曰劍州人佛照曰帶得劍來麼師隨

聲便喝佛照笑曰者烏頭子也亂做師年方二十而臨機不屈類如此貧甚無資薙髮故佛照室中常以烏頭子目之空叟嘗指師謂衆曰範年方二十更二十年未可量也已而絕錢塘見岳松源於靈隱往來南山屢入充肯堂室棲遲此山六年游吳門謁萬壽修無證時先破庵住西華秀峯遂往依焉堂僧十餘輩皆飽參宿學有純顯者於入室次橫機不讓破庵打至法堂且欲逐出師解之曰禪和家爭禪亦常事何至如此破庵曰豈不聞道我肚飢聞板聲要喫飯去齋師聞其語不覺白汗浹背無何辭往華藏依演遜庵三年復還靈隱破庵居第一座齋餘同遊石笥庵庵之道者請益曰胡孫子捉不住乞師方便破庵曰用捉他作什麼如風吹水自然成文師於侍傍平生礙膺之物不辭而去約齋張公鑑以廣惠新創請破庵開山師偕往執侍三年散席同登徑山又三年破庵過天童掃塔密庵塔僧師絕紅逮其赴宵寢師留天童依觀息庵俾歸藏司不就破庵退宵寢歸徑山師往省候破庵還寂付密庵法衣頂相師不受惟領

圓悟墨跡及密庵法語既學喪遂訪舊友嚴雲窠于
穹窿與首衆雲窠遷瑞光復居板首無何泉高原有
四明梨洲命高原謂人曰範首座肯往吾當一行不
然雖兜率內院不往也師遂與俱四明諸山以仗錫
爲高絕而梨洲距仗錫又二十里寺在絕頂高寒荒
落非人所居師婆娑其上三年如一日麻麥粟豆僅
給日食而未嘗有飢色既而以台屬未到拉月石溪
同游至瑞巖時雲窠領住持事留分座忽夜夢偉衣
冠者持把茅見授翌日明州清涼專使至師以倦辭
力拒其請適數僧來訪自言舊業清涼幽邃深靖古
稱小天童寺之護法者茅其姓靈異甚著師省前夢
乃易書受請入院見所謂伽藍神衣冠人物與曠昔
所夢無異陞堂開法一香供破庵真借庵時寓育王
以師開堂語舉似秀嚴秀嚴驚異曰始終作一且曰
之人也清涼不可久留矣三年京師諸禪以焦山舉
師密院劄奉化津遣師不赴再劄乃行期年遷雪竇
三年被旨移育王又三年嵩少林散庵徑山朝命以
師補處抵京師見丞相史衛王衛王曰徑山住持他

日皆老宿無力葺理衆屋弊甚今挽吾師不獨主法
更張蓋第一義也明年寺燬先是師夢有烈丈夫授
以明珠二十一顆莫知謂何及寺焚則四月二十一
日也師逆知其數不動容變色安衆行道如無事時
是年七月有旨入內上御修政殿引見師奏對詳
明上爲之動色賜金欄僧伽黎仍宣詣慈明殿陞
座上垂簾而聽上謂大參陳公貴誼留心內典
以師所說法要示之陳公奏云簡明直截有補聖治
乃賜佛鑑禪師號并緘帛金銀錢香合茶藥等侍僧
各賜金帛有差仍降銀絹僧牒俾助營繕龍光錫賚
由佛照以來未之有也三年寺成又六年復燬師不
驚不變不徐不亟而多助雲至荊湖制師孟侯拱獨
之思播二郡與夫海外日本皆遣使委施不數年寺
宇崇成飛樓湧殿如畫圖中物矣去寺四十里築室
數百楹接待雲水堂殿樓觀凡叢林所宜有者悉備
皇帝親御宸翰賜額曰萬年正續市良田九千畝奏
其徒以甲乙主之正續四數百步結庵一區爲歸藏
所上建重閣秘藏後先所賜御翰數室東西偏奉祖

師與先世香火遇始生日爲飯僧佛事以贊冥福蓋自狂隸犯蜀師之先祀遂絕天性至愛有不可解於心者上聞而嘉歎賜扁圓照詳見待制李公心傳所記洞霄介臨安在襖子登山者必枉道過之縣市叢脞食息無所舊有保錦廢寺師葺新之買田具爨至者如歸紹興初立國錢塘北馬駢集至無所容以浙西瀕湖草澤爲牧蕩馬政廢許有力者圍而爲田賦稅加民田三之一端平更化廷臣言事者以圍田多隱胃復行經界京師豪貴家舉不免寺之廣陵一莊悉指爲園師詣闕敷奏有旨特免徑山雖在萬山間而樵薪不給炊爨舊募民入山樵採輟其半以酌力役四山濯濯實由於此師置田千畝立局收取直庸工食山林斧斤之厄且植松種杉數百萬補其形勝淳祐戊申秋寺再成師築室明月池上榜曰退耕乞老于朝而舊疾適作涉春不愈三月旦陞堂示衆曰山僧既老且病無力得與諸人東語西話今日勉強出來從前所說不到底盡情向諸人面前抖擻去也遂起身抖衣云是多少十五日集兩班願畫後

事親書遺表及遺書十數言笑諸譴如平時或告以末後大事和尙宜作主宰師曰才作主宰便不是也其徒以遺偈爲請師笑曰我未檢韻略在醫者診視次師謂之曰汝未識者一脈在十八日黎明索筆書偈侍僧以紙筆至師曰第一句道什麼僧云此是第二句乃執筆疾書云來時空索索去也赤條條更要問端的天台有石橋移頃而逝停龕二七日遺表上聞上遣中使降香賜幣四月一日歸正續二十日奉全身塔于圓照治命也師風神閑暇襟度夷曠寬而不弛明而不察無厲聲惡色有徒數百輩視之如路人端居丈室無異玩象味澹然如常僧吳民好施頻年持鉢不下十數萬既付主事不規規焉計其出入或負之亦不較處逆境大變雍容恬適略不經意寺之再火也師坐喝石巖諸力負行李中途發鎗挾出過半師目擊之終身不道其姓名嘗小出臧吏失職爲有力者負其所重後得其人其徒執而訊之師曰吾無是物也縱不問炎火方烈衆皆詰責延燎主名師適見之遽告曰若國在是耶急逸去主事見執

則不爾恕矣。三門右趾建層閣上安萬佛下斂僧寮費以數十萬大風一夕而仆師歸自外衆謂不堪其憂師則曰猶幸傾覆之早加以數年安僧其下其不傷人乎寬仁大度率類此幼不嗜學閑居未嘗執卷鼓鳴衆集肆口而說多不病繁少不病簡不爲險辭恠語。黃鼓後學平夷而峭峻簡明而圓活如轉丸於千仞之岡縱橫高下無影迹可尋踞座籌室迅機痛快破山截流至於隨病與藥能曲施方便常曰合掌問訊總識得伊來處不錄過不沒善不受譖恕不執法厲衆是以天下之士歸之如市融火燭虐萬瓦灰飛雖露坐簷宿不忍舍去故其得人視同時諸老爲最盛異時主徑山者有道如大慧老人曾不十歲師大坐方丈垂二十祀年穀屢登有衆如海雖兩丁大厄而旋復舊貫嗚呼盛哉昔人謂前輩言行不見傳記後世學者無所矜式蓋當時門人弟子之罪其竭來徑山間侍師座師不鄙其愚凡其家世之本支出處之次第師友之淵源詳以見教某竊聽緒餘佩服惟謹因恩曉瑩之狀浮山圓鑑寂音之傳石門雲菴

起居言動纖粟不遺其師生之義浮于翰墨暇日因叙次所聞以付侍史爲他日大書深刻張本晚學不文固不敢上班前輩然義理之在人心古今天下無二揆也

此錄舊板已漫滅者命工重刊置于龜山金剛禪院伏願


佛種不斷世世建光明幢祖印親傳人人開無盡藏

應安庚戌季夏 天龍東堂比丘 妙葩 題

兀菴普寧禪師語錄

宋
•
淨 兀菴普寧
韻

等 撰
編



師範和南手白

靈巖堂頭長老別去許久中間受信後莫知動止歲暮忽於蘇城舟中收書并信且知出世出自諸山公舉甚慰老懷既曰住持却與閑衲子不同便有住持之職從上來大有軌則當一一依而行之緊要者惟以本分事廣攝來學亦宜隨己力量施設當去過與不及之患久久自然感驗也貴老久立叢林備見今時之弊可默省察莫令失脚墮其輩流為識者笑吾老矣一住五峰今十七年矣開奏後漸理求閑計只有早晚矣法衣乙頂付去遇上堂可一披幻質無現成者付在別日旅中草略奉答不甚子細餘宜為宗乘自愛不一

● 二作度

靈巖堂頭長老

師範和南手白

兀菴和尚語錄目次

卷上

師範手白

慶元府象山靈巖廣福禪院語錄

常州無錫南禪福聖禪寺語錄

卷中

巨福山建長興國禪寺語錄

婺州雲黃山寶林禪寺語錄

卷下

法語

序跋

佛祖贊

自讀

偈頌

小佛事

跋

兀菴和尚語錄卷上

兀菴和尚初住慶元府象山靈巖廣福禪院語錄

錄

侍者 淨韵 編

指三門迷悟兩門聖凡二路以手劃一劃云總與諸

人開關了也曾請一時證入

佛殿一釋迦二和三佛陀當甚婉脫丘然雖如是

仁義道中 便燒香禮拜

據方丈橫按拄杖云。莫有不顧危亡底麼。良久云。果然。

拈帖云。從上來被這些子一把把定。更無轉身吐氣處。寧上座尋常一味橫點頭。到此盡平生伎倆也。攪脫不下。且道因甚如此。公道已行。

指法座坐斷千差。當陽烜赫。任是須彌燈王也。須望空斫額。

陞座祝。聖次祝州縣香。次云。此一瓣香。生無陰

陽之地。出絕思慮之鄉。軟頭中軟頭。惡辣中惡辣。無端一回嗅著。直得喪盡平生。今日人天衆前。當陽爇却奉爲見住徑山佛鑑圓照禪師大和尚。用酬法乳。據坐問答不錄。乃云。釋迦不出世四十九年。說祖師不西來。少林有妙訣。所以道法無去來。無動轉。相昨朝乳竇。今日靈巖。曾無動轉之跡。寧有去來之跡。如是則從上佛祖眼。睛天下衲僧鼻。孔。驀拈拄杖卓一下云。總被山僧拄杖子。一時穿却。盡乾坤大地。更無纖毫透漏。雖然。且道功歸何所。靠主丈云。四海浪平。龍睡穩。九天雲靜。鶴飛高。

復舉三聖道。我逢人卽出。出卽不爲人。興化道。我逢人則不出。出則便爲人。拈云。二大老一人先行。不到一人末後。太過檢點。將來總欠一著。寧上座寄跡巖竇。隱遁過時。無端被人推將出來。做這舉止。出則出已。且道爲人不爲人。乃云。信手斫方圓。自然合規矩。當晚小參。如來唯一說。無二說。祖師唯心傳。無別傳。所以道。垂鈎四海。只鈎得龍格。外玄機爲尋知已。雖然。且據令一句。又作麼生。朔風捲地百草死。芙蓉著花生。晚寒。復舉德山小參示衆云。今夜不答話。時有僧出。德山便打。僧云。某甲話也未問。因甚打某甲。山云。你是甚處人。僧云。新羅人。山云。未跨船舷。好與三十棒。拈云。德山老漢。能放不能收。能殺不能活。當時若要盡令直須棒了。越出。

徑山付法衣。到師拈起法衣。召大衆云。大庾嶺頭提不起。因什麼。却在靈巖手中。諸人還知端的麼。若也知得。便知道從上來。佛佛授手。祖祖相傳的。的無私繩。繩有準。其或未知。便舉法衣云。這箇是徑山圓照老人親手付來底。便披。

上堂召大眾云披野干皮作獅子吼指東爲西將無作有驚起法身藏北斗喝一喝下座

結制上堂過去諸如來斯門已成就錯見在諸菩薩今各亦圓明錯未來修學人應當如是學錯諸人還知這三錯落處麼若也知得不妨同此安居其或未然且聽從頭指出一錯點開從上佛祖眼睛一錯撮轉天下衲僧鼻孔且道更有一錯作麼生驚拈拄杖云拄杖子莫道得麼試出來將錯就錯道看卓一下云餓飯泥茶爐

上堂云教中道離言說相離文字相離心緣相畢竟平等無有變易焉召大眾云這般說話蝦跳何曾出得斗向衲僧門下猶隔重關畢竟事作麼生荷葉團團團似鏡菱角尖尖尖似錐風吹抑絮毛毬走雨打梨花蛺蝶飛

中夏上堂云一夏九十日不覺已過半管帶牯牛兒切忌隨物轉緊把鼻頭索莫放令寬緩如是十二時時時無間斷收得純熟斥之不去受人言語不動不變觀面當機當機觀面必竟如何良久云不得動著

動著則頭角生

解制小參目前無法意在目前東西十萬南北八千所以達磨不來東土二祖不往西天點檢將來只見一邊設使東去西去直向萬里無寸草處去大似泥裏推車陸地行船直饒總道出門便是草雖則君子千里同風未免隔山見烟爭如任運騰騰騰騰任運飢飢渴飲行坐困眠自然處處朝宗頭頭合轍縱橫得妙八穴七穿且總不任麼又作麼生拍膝一下云不覺日又夜爭教人少年復舉僧問雲門秋初夏末東去西去前途或有人問如何祇對雲門云大眾退後僧云某甲過在甚處雲門云還我九十日飯錢來師拈云雲門老漢當斷不斷返招其亂當時纔問壁脊便棒待它道某甲過在甚處却向道逢人不得錯舉

道舊至上堂召大眾云沒絃琴指趣深尖新曲調須遇知音知音既遇試彈一操去也遂橫拄杖作撫琴勢云會麼高山流水無窮意落落斷崖千萬尋上堂召大眾云寒食清明節家家拜掃時木人空嘆

息石女泪雙垂。惟有林下道人絕學無爲。百不會百不知。拈起少林無孔笛。逆風吹了順風吹。好大哥。結制上堂諸方安居。結制靈巖結制安居。雖是一般規矩。於中大有差殊。作麼生。趙州東壁掛葫蘆。端午上堂拈拄杖示衆云。拄杖子無偏黨。遍界不曾藏。通身無影像。左邊卓一下。云。妖恠盡勦除。右邊卓一下。云。佛魔俱掃蕩。掃蕩後如何。擲下拄杖云。普天皇道無遮障。

徑山圓照先師訃音至上堂。召大衆云。頑處非常放軟頑。偏能陸地要撐船。驀然撐向龍門去。蹤跡不知往那邊。幾多望斷空惆悵。亦復嗟嘆泪潸然。拍禪床一下。云。安得鸞膠續斷絃。舉哀。召大衆云。我有一句子不封。亦不樹。不在舌頭邊。亦非思憶處。諸人若要知得親切。徑山圓照老人。卽今在汝諸人眼睫上。放大光明。肆口宣說。急須諦聽。其或未然。蒼天中哭蒼天。

祈雨感應上堂。拈拄杖示衆云。拄杖子化爲龍。掣雲藏霧。妙應難窮。霈然洪霏。四海皆通。五穀結實。萬物

歸功。鼓腹謳歌忘世事。以拄杖打圓相云。太陽依舊海門東。擲下拄杖下座。

解夏小參。直下猶難會。尋言轉更賒。若言佛與祖。特地隔天涯。便任麼承當。已是不堪持。論那更休夏。自恣取驗蠟人也。大屈哉。靈巖恁麼告報。莫有猛省底麼。拍禪床一下。云。無端夜來鴈驚起。後池秋復舉。巴陵示衆云。不是風動。不是旛動。旛旛向甚處。著有人與祖師作主。出來與巴陵相見。後來雪竇作主。出來與雪竇相見。師拈云。總道二古德互相擊。錫金聲。玉振耀。古騰今。殊不知一人太儉。一人太奢。有人與二老宿作主。出來與靈巖相見。建閣謝修造上堂。拆東籬補西壁。從空架空。以楔出楔。佗時聳壑昂霄。須信不勞餘力。這般說話。直是好笑。何故。纔方搓彈子。便要捏金剛。下座。上堂。舉僧問巴陵祖意教意。是同是別。巴陵云。鷄寒上樹鳴。寒下水。圓照老師道。川僧慕苴。浙僧瀟洒。師拈云。二老雖則各擅家風。其奈優劣不等。靈巖也有。

箇道處或問祖意教意是。同是別。只向道。鳶飛戾天。魚躍于淵。

上堂拈拄杖示衆云。山僧昨日入邑。滿散於無心中。收得一物。非長短方圓。亦非青黃赤白。賤則價重。婆娑實則分文不直。不敢囊藏。今日歸來。不免擊鼓陞堂。與諸人平分去也。卓一下云。一加三。二添六。擲下云。敗。

浴佛上堂。舉藥山因遵布衲殿主浴佛次。藥山問云。你只浴得這箇。還浴得那箇麼。遵云。且將那箇來。藥山休去。師拈云。藥山老漢。纔開臭口。便見鄉談。引得布衲隨邪逐惡。當時待它怎麼道。但自香湯浴佛。管取藥山開口了。合不得靈巖不問你這箇。那箇。今日正當四月八。敢保諸人未曾夢見。山僧蓋臙毛在。

住常州無錫南禪福聖寺語錄

侍者 清澤 編

指三門。我此門風孤危不立。若是臨濟兒孫。便請單刀直入。喝一喝。

佛殿釋迦彌勒是他奴。他是阿誰。插香云。且看四稜。

踞地時

大聖殿出現在楊州。留錫於此地。寶塔凌高空。聲光動萬里。利物應群機。如月分衆水。我來蘇。瓣香一瞻一頂禮。從教人道。自倒還自起。

據方丈橫按拄杖。召大衆云。山僧坐地待汝。搆去良久云。諸人還覺頂門重麼。擲拄杖便起。

拈漕帖。此是都運殿撰侍郎。幹旋造化。掌握乾坤於無心中。當陽拈出。令未信者信。未聞者聞。山僧頂戴奉行。誰不伏聽處分。

指法座。向上一路。滑壁立千仞。險南禪不立。塔級直與當頭坐斷。祝。

聖次祝州縣香。據坐。問答不錄。乃云。靈山的旨。

少室真機。孤迥迥。生風颯颯。地直得超情離見。蓋色騎聲。捏聚放開。無適不可。所以居海岸。則時聞潮落潮生。潮聲浩浩。寓梁溪。則但見上載下。載來往。懂懂賓主交參。風雲會合。正任麼時。如何通信。良久云。洞庭七十二峰青。舉鳥窠和尚。因白侍鄺。問如何是佛法大意。鳥窠云。諸惡莫作。衆善奉行。侍鄺云。三歲。

孩兒也解怎麼道。窠云三歲孩兒難道得八十老翁行不得。師拈云侍郎手擎仲尼日月腰佩毗盧金印等閑通箇消息。迥出常流鳥窠。雖則當機直截。其奈易見難明。諸人還知古德爲人處麼。摩開華岳連天秀。放出黃河一派清。

當晚小參折脚鐺。破木杓無柄。霸難摸。索橫拈倒用。破二作三。正按傍提。七穿八穴。靈山密付之後。少室單傳以來的。的無私繩繩有準。若以正眼觀之。當甚閑家破具。雖然此意分明。誰共委相同。扶起舊家風。復舉芭蕉和尚問不落諸緣。請師直指。蕉云有問有答。拈云芭蕉接物應機。頗善平高。就下子細檢點將來。未免拖泥帶水。若問南禪不落諸緣。請師直指。拈棒便打。若稍如痛痒。必不辜恩負德。

歲夜小參。心隨萬境轉。轉處實能幽。隨流認得性。無喜亦無憂。山僧官差不自由。只得隨流入流。所以新來乍到。未知井竈。即忙送舊迎新。未暇改聲換調。廚乏聚蠅之糝。囊無繫蟻之絲。內空外空。內外空。多憂多慮。多煩惱。年已盡歲已除。窮厮煎餓厮吵。露柱暗

攢眉燈籠拍手笑。且道笑箇什麼。良久云毗婆尸佛早留心。直至如今不得妙。舉雲門示衆云三乘十二分教。達磨西來放過。即不可若不放過。不消一喝。雪竇舉了一喝。復云好喝大衆。若要鼻孔遶天辯取。這一喝。師拈云唱高和寡。則不無二古德。檢點將來。當甚尿沸聲。

上堂舉靈雲見桃花悟道頌。三十年來尋劍客。著語云。巖狂外邊走。幾回葉落又抽枝。曾經霜雪苦自從一見桃花後。喚作癡。直至如今更不疑。孤迥深水設有無師自悟底。不堪與南禪洗脚。只如玄沙云。諦當甚諦。當敢保老兄未徹在。又作麼生。良久云。曾爲浪子偏。客爲愛貪。盃惜醉人。

三月三大聖生日。上堂舉泗州大聖國師昔日有問云。住在何國。答曰何國。著語云。板齒如鐵。又問云何姓。答曰姓何。舌頭柱上。勝拈云。東涌西沒。七縱八橫。則不無大聖。其奈醜惡俱露。茲遇誕辰。拈拄杖云。未免應時應節。下箇注脚。卓一下云。遲日江山麗。春風花草香。泥融飛燕子。沙暖睡鴛鴦。擲拄杖。

徑山佛智偃溪和尚至上堂東澗水清且泚源遠流
長波騰鼎沸從這裏入不知其幾是則是只如國一
禪師經過梁溪驀將泗州大聖鼻孔一捏直得無處
出氣爲復壓良爲賤爲復神通游戲良久云君子可
八

淨慈斷橋至上堂舉阿難問迦葉云世尊傳金襴外
別傳何物公案師頌云弟應兄呼自揚家醜倒却利
竿全機漏逗雖有西湖月如畫何似南禪鐵苕帚
天童智別山至上堂舉芙蓉訪實性大師上堂以右
手拈拄杖安向左邊云若不是芙蓉師兄大難委悉
便下座師拈云實性用處雖則左之右之其奈翻成
特地南禪亦欲効古之作未免拔貧作富薑湯備禮
擲下拄杖云若不是天童師兄大難委悉便下座
結制小參金烏急玉兔速百歲光陰一瞬息驚拈拄
杖云惟有拄杖子硬葛狙黑黧皤勿變遷無面目三
月護生九旬禁足酌然使得十二時不被十二時催
促任他門外紅塵擾擾來往憧憧肥馬碌碌瘦馬碌
碌驀然翻變化爲龍爲雨爲霖俱莫測卓一下

復舉僧問智門蓮花未出水時如何答云蓮花出水
後如何答云荷葉師拈云應機接物則不無智門要
且只能順水張帆不解逆風把柁有問南禪蓮花未
出水時如何答云三平二滿出水後如何答云四角
六張

結制上堂衲僧家擔兜行脚那邊經冬這裏過夏撐
眉努目口吻舌沸及乎與之立箇期限同住大光明
藏禁足護生一似蛇入竹筒伎倆俱盡山僧不免撥
開些子活路總教轉得身吐得氣見山是山見水是
水飢來喫飯困來睡

祈雨開經佛事毗盧遮那佛願力周法界一切國土
中恒轉無上輪所謂一句之內包法界之無邊一毫
之中置刹土而非隘塵塵爾刹刹爾巍巍乎蕩蕩乎
彌慈雲而誘大千霏法雨而津百億遂得五穀秀實
萬物滋生處處通津頭頭合轍任麼委悉如是我聞
開信受奉行卷不滯言詮脫或未然切忌巡行數墨
淹黑豆子是則是只如端明相公與衆官等爲民
祈請閱此大經臨筵作證必竟有何祥瑞乃云願展

調羹活國手爲霖爲雨沃人間

上堂舉無著和尚往五臺路逢一老人無著問云莫是文殊麼老人云豈有二文殊無著便禮拜老人忽然不見趙州代云文殊文殊薦福懷云無著只有先鋒且無殿後老人若不隱去有甚面目見無著師拈云二古德總是隨邪逐惡無著認假不認真待他道豈有二文殊便與兜一喝老人縱有神通亦使隱身無路諸人只今要見文殊麼鄧下拄杖云直下來也急著眼看

元宵上堂召大眾云祖佛付授以心傳心猶如鏡燈交光互照燈喻一真心鏡喻十法界燈燈相攝鏡鏡交羅盡十方佛刹微塵數世界重重無盡無盡重重炳煥融通靈明廓徹所以道重重交映若帝網之垂珠念念圓融類夕夢之經世然雖如是諸人夜半法堂上東行西行切須照顧且道照顧箇什麼良久云照顧撞著露柱

退院上堂梁渚溪邊下直鉤波翻浪輟費牽抽六年用盡腕頭力收來絲綸恁性遊不著此岸不著彼岸

不滯中流欸乃一聲天地秋

師因日域法眷道舊鄉人不忘徑山道聚之義屢邀閑樂累却復至於景定庚申暫與一遊海紅橋上龍獻七大寶珠舉衆瞻仰咸云東海龍王來迎繼卽須帆速達彼岸聖福禪寺住持乃法眷適值開山千光法師忌辰方丈大眾禮請

陞座問答不錄 乃云毗盧性海本無大小方圓妙淨明心不礙色空明暗如鏡含萬象似月印千江曾無出沒之蹤奚分彼此之間所以居宋朝則口吞三世佛遊 日本則喜動萬家春處處通方頭頭合轍適值聖福法兄雲集此方他土若聖若凡宴坐圓覺妙場爲說摩訶般若前半夏說前分般若後半夏說後分般若前後頓說常說熾然說無間歇只要諸人頓證頓悟一夏無虛棄底道理茲值開山和尚千光法師遠諱之辰俾令爲衆闡揚且道說箇什麼以拂子疊禪床一下云這裏見得徹去釋迦彌勒飲氣吞聲臨濟德山望空啓告雖然不是任公子徒勞話

釣竿

復舉南泉和尚示衆云。王老師自小牧一頭水牯牛。擬向溪東牧。未免食他國王水草。擬向溪西牧。未免食他國王水草。不如隨分納些些。總不見得師拈云。南泉老漢。雖則不忘水草之恩。其柰脚跟未點地。在兀庵盡力。勃跳也。出他綖續不得。雖則這邊那邊。應用不缺。其柰先被聖福法兄勘破。然雖如是。且作麼生。是納些些底道理。以拂子擊禪床一下云。眼睛纔定動。未免那斯祈。

師次至京東福禪寺。方丈大衆禮請。

陞座問答不錄。

提綱欲識佛性義。當觀時節因緣。

時節既至。其理自彰。是故靈山密付之後。少室單傳以來。諸祖乎興。分宗列派。繩繩有準的的。無私曠憾。聯芳直至今日。堂頭法兄。不忘徑山師席義聚。屢承之約。正爲提持。竊情暫導。來誠越漢觀國之光。卽回舊隱。畢殘。既乍到此。俾令爲衆舉揚。只得客聽主裁。遂卽大唐國裏打鼓。日本國裏陞堂。宗通說通。無固無必。人天畢集。凡聖交參。宛爾一會靈山。儼然未散。

普便未信者。信未聞者。聞人人獨步大方。箇箇歸家。穩坐。是以謂之佛性義時。節因緣時。節既至。其理自彰。雖然如是。惟有向上一路。未敢動著。何故相逢。且說三分話。本可全拋一片心。

師闢東部。從遠近纔到。建長禪寺掌國最明寺殿懷香光來參。禮力勸端坐。受炷拜了。復進前覆云。弟子在大宋曾禮拜和尚。今者多幸。再拜慈顏。見其語異。師卽擡起拳云。吾雖年老。拳頭硬在。復進前云。弟子兩年前曾夢見和尚頂相。教訓參禪。惺後親繪供養。此者獲拜慈相。與夢見一同喜悅之。至師云。且莫說夢。又問和尚尊年多少。師云。六十三。云。弟子不問這箇。年師仍豎拳云。莫是這箇年麼。擬議無語。師便壓三拳。忻然頷話云。蒙和尚教打。權喜無量。師云。不得作拳頭會。方就坐。少歇而辭。次朝復至。同方丈大衆禮請。卽就寺爲衆普說。

據坐垂釣。年來佛法播關東。兩國喧傳觸處通。僕僕來觀殊勝處。果然殊勝妙難窮。莫有共相贊揚者。麼禪客出閭云。收綸罷釣入扶桑。大海應難可測量。道。

眼從來空宇宙。灼然遍界不曾藏。學人上來。願聞法要。師云。四海浪平。龍睡穩。九天雲靜。鶴飛高。進云。恁麼則非。但建長增秀氣。少林花木。又重新。師云。有水皆含月。無山不帶雲。進云。記得昔日臨濟得黃檗印證之後。往遊徑山。彼時徑山七百餘衆。因甚星飛火亂。師云。不會做客。勞煩主人。進云。可謂真不掩偽。曲不藏直。師云。錯下名言。進云。堂頭和尚爲五山龍象之首。作巨剎人天之師。駕海而來。闔國忻幸。師云。不因紫陌花開。早爭得黃鶯下柳條。進云。恁麼則天高群象正。海闊百川朝。師云。天下人仰望不及。進云。臨濟上徑山。七百餘衆。星飛火亂。和尚遊日本六十餘郡。仰德瞻風。且道與臨濟是同。是別。師云。龍得水時。添意氣。虎逢山色。長威聲。進云。今古應無墜。分明在目前。師云。猶隔重關。進云。今日方丈大衆。奉上命禮請。爲衆普說。和尚必竟如何。指示師云。更吃老僧拳頭。始得。進云。恁麼則棒頭有眼。明如日。要識眞金火裏看。師云。得饒人處。且饒人。又一僧問云。德山入門。便棒。時如何。師云。匙挑不上。笑殺傍觀。進云。臨濟入

門。便喝。時如何。師云。翻成忤怛。進云。一人行。棒一人行。喝。那箇親。那箇疎。師云。一時列下。進云。堂頭大和尚。光臨此土。必竟行棒耶。行喝耶。師云。總不作野狐精見解。進云。如何是爲人底。一句。師云。三十棒。且待別時。乃云。鎌倉路滑。到者還稀。巨嶺山高。誰能到頂。千聖應難入。作萬靈景仰。無門。若非切切相邀。拙者安能到此。便見大力量人。大智慧者。同一悲願。同一慈力。糲新寶所。金碧煥然。樓閣重重。像法濟濟。令一切人。觀像法而悟心法了。自心而見佛心。於一心而頓證百千法門。於一法而貫通無量妙義。以至布慢天網。開萬煅爐。煅聖煅凡。烹佛烹祖。掀翻海岳。撥亂乾坤。拽取占波。與新羅闍額。是則是。只如今日主實互換。凡聖交參。賓主歷然。合談何事。驀拈拄杖云。兩箇馱子相逢。著世上元來無直人。卓一下。復云。目前無法意。在目前。不是目前法。非耳目之所到。是故三教聖人。互相出興。各立門庭。示眞實相。無非只要天下人。遷善遠惡。明心見性。雖然殊途。究竟同歸一理。惟是證悟有淺深。用處有廣略。如水銀落

地大者大。圓小者小。圓如明鏡。當臺胡來。胡現。漢來。漢現。且老拙生緣西蜀。幼年棄儒。祝髮挾冊。講肆數載。知非究竟。捨去南詢。遍歷諸老門庭。及到蔣山。八月二十五。值癡絕和尚上堂。舉覆船有僧到雪峰。峰云。甚處來。僧云。覆船雪峰。云。生死海未度。爲甚覆船。渠無生死。言下忽然認得本來面目。憤憤之心稍息。及到育王。參無準和尚。遇上堂。舉僧問古德。深山巖崖。還有佛法也。無古德云。有。如何是深山巖崖佛法。答云。石頭大底。大小底。小言下如夢忽覺。自後凡遇入室。常下語及侍師上徑山。一日聞師云。昔日白雲端和尚因東山演祖。參請次與之云。近有數僧自廬山來。教伊說禪。亦說得下語。亦下得批判古今。亦批判得祖云。和尚如何。端云。我向伊道。直是未演祖。聞此語數日。飲食無味。後七日方論厥旨。是時拙者一聞舉此。無言可對。只向未在處做工夫。久久不輟。凡入室也不下語。一日遇入室先師把住云。尋常口。嚮舌沸。如何不下語。打一竹篋。當下打破漆桶。禮拜了。退然後徐徐陳於師前。乃云。汝徹也只是得道。易

守道雖須要默默守之。久久自然感驗也。自此如癡如兀。度日先師遺以兀庵二字。只欲隨緣放曠。以度殘喘。無奈數處被抑。首衆業緣所牽。公選屢董小刹。不容辭避。在衆時。曾同蘭溪聚首於蔣山。徑山。千百衆中。雖各究明已躬大事。時復以此道切瑳琢磨。執別而來。各天一涯。伏聞航海東來。際遇王公大人。信向佛法。留心此道。不忘悲願。同心同力。掀新寶所。日域魁爲第一甲刹。與宋朝第一徑山無有異矣。數年前。屢承之約。累却復至。以故撤去寺事。越漢乍到。乃荷遠近之禮。伏承謙沖。領大衆奉上帝。請爲衆普說。不容堅辭。普說二字。何敢承當。前輩尊宿。圓悟大慧。諸宿德。辨瀉懸河。滔滔無間。具載方冊。看者無不明心見性。安敢望古德萬分之一。雖然。久參之士。故不在言後。學初機亦須親見親聞。以故勉從所請。應箇時節。略聞此間。從古以來。惟弘教法。於今始藉宗門。往往信與疑而未決者。衆殊不知。不立文字。直指人心。見性成佛之旨。從上無數大劫。千佛萬佛。互相出世。惟傳此心。非特迦文老漢出世。獨立此旨。且

如初生下來。一手指天。一手指地。云。天上天下。唯我獨尊。但不知此語。出何教典。此便是不立文字。直指人心。底張本。以至棄金輪王寶位。直入雪山。六年修道。於鵬月八夜。觀見明星。忽然頓悟。乃云。奇哉。一切衆生。具有如來智慧德相。但以妄想執著。不能證得。此是不立文字。直指人心。底樣子。但不知教相中。以爲教解釋耶。以爲禪解釋耶。自成道之後。於三七中。思惟如是事。無啓口處。蓋爲下根中根上根。啓問不得。已起道樹。詣鹿苑。觀根逗教。應機而說。下根者。爲說小乘法。四諦法門等。是中根者。爲說中乘法。十二因緣等。是上根者。爲說大乘。法六波羅蜜等。是初談有教。阿含等經。是爲一切衆生。皆著有見。次演空宗。般若等經。是一切衆生。復著空見。著有著空。執病轉深。後向靈山。始開中道。非有非空中道。大乘之教。圓覺楞嚴華嚴等經。是說來說。去三百餘會。漸積之多。滿龍宮。盈海藏。凡一切經中。皆說不立文字。直指人心之理。曉然無纖毫差殊。如何見得。如金剛經。首先須菩提。白佛言。世尊。如來善護念諸菩薩。善付囑諸

菩薩。乃至云。何應住。云。何降伏其心。世尊更不周由者也。只就他身上。打劫答云。須菩提。若善男子。善女人。發阿耨多羅三藐三菩提心者。應如是住。如是降伏其心。須菩提。當下安首貼耳。便道。唯然。世尊。只不合道。箇願樂欲聞。引得許多葛藤。遍地。此是諸經中。說不立文字。直指人心。底影子。此之經語。只指爲教相文字之說。得麼。末後又道。云。何爲人演說。不敢於相如如不動。雖有疏鈔解釋。到此亦未免口似礪磬。南泉和尚。猶放不過。便道。喚作如如。如是變了也。被僧門下。無縫罅處。拶開縫罅。得人憎。無出這些子。所以瞿曇老漢。洞見後來。必有泥教者。乃云。始從鹿野苑。終至跋提河。於是二中間。未嘗說一字。雖則盡力。剷除執泥教相之病。其奈執病轉深。此處合徹見。不立文字。直指人心之要。後於靈山。百萬衆前。拈一枝。花。獨有迦葉。領於一笑。之頃。便見拂跡成痕。不合更使冬瓜印。吾有正法眼藏。涅槃妙心。分付摩訶大迦葉。墻圾堆上。重添墻圾。當時百萬衆中。忽有箇漢。翻轉面皮。便見一場敗缺。不少瞿曇入滅之後。迦葉

阿難諸大弟子結集從前四十九年所說之法。列爲三乘十二分教。豈特只滿龍宮。盈海藏耶。其有無著。天親。護法。馬鳴等諸菩薩。深慮小根小智者。難曉佛理。於是各各造論解釋。號爲經律論三藏。漸漸傳來。唐土終未能足。由是玄奘諸師親往西天。請經律論歸來。東土乃見一切人。實難曉解。遂製疏造鈔。解釋令一切人容易曉解。積來積去。堆積如山。自此之後。習經律論疏鈔者。執爲文字之學。以爲究竟之學。不信教外別傳之旨。是爲究竟之道。深可憐憫。但不知執泥文字者。除却黑墨白紙之外。如何趣向。往往金口玉舌。亦難與分說。逗到臘月三十日。生死到來。前路茫茫。未知何往。方知文字之學。果不得力。悔將何及。迦葉阿難等結集法藏之後。更不復著眼。只將靈山密付。不立文字。直指人心之要。祖祖相傳。是故阿難問迦葉云。師兄。世尊傳金襴外。別傳何物。迦葉呼云。阿難。阿難。應諾。迦葉云。倒却門前刹竿著。這箇即是前來所得底。冬瓜印子。遞相傳授。至二十八祖。菩提達磨祖。師得法破六宗之後。受識記十萬里航海。

而來遊梁歷魏。惟以不立文字。直指人心之要。少林九年。面壁得神光。求道于前。其神光者。乃所學儒教諸子百家。貫古通今。無不曉了。所習三乘十二分教。無不精通。問法達磨祖。師云。諸佛無上妙道。可得聞乎。達磨祖師答云。諸佛無上妙道。豈小根小智下劣之者所得哉。於是神光斷臂于前。立雪齊腰。祖師問云。當以何求神光云。我心未寧。乞師安心。祖師答云。將心來與汝安神。光推窮儒教諸子百家。三乘十二分教中。並無一句相應。只據實祇對云。內外覓心了不可得。如越狗逼牆。計窮力盡。祖師只輕輕以冬瓜印子。面門上一搭云。與汝安心。竟且道與世尊答須菩提應如是住。如是降伏其心之旨。何異何別。試著眼看。神光得此印。可據師繩。爲二祖。繼得三祖。乃是白衣居士。儒釋之教。無不精通。忽患風恙。特來問法於二祖。云。弟子身纏風恙。乞師懺罪。二祖更不移易一絲毫子。便云。將罪來與汝懺。三祖亦如是推窮。無計。乃云。內外覓罪了。不可得。二祖仍將所得底印子。一搭云。與汝懺罪。竟佛佛授手。祖祖相傳。直至今日。

所以靈山拈花一節。謂之教外別行。既是經律論皆包括在中。更不單單具載。是知我此宗門。猶如大海百川異流。莫不同歸一味。如太虛空。盡百億恒河沙世界。無不包容。所以道未有世界。早有此性。世界壞時。此性不壞。諸佛未出世。祖師未西來。人人常光現前。箇箇壁立千仞。在聖不增一絲毫。在凡不減一絲毫。惟是迷悟有殊。所以聖凡有異。遂致執泥文字之學。滋多本有之性。不能發現。背覺合塵。弃本逐末。蓋由是矣。儒教亦云。君子務本。本立而道生。此本卽是自己本命元辰。本來面目。得此本立。方可得道。生本若不立。何緣得道。生此是儒家膚淺之教。尙且說得如此親切。何況不傳之妙者耶。是汝諸人若要真箇參禪學道。究明生死大事。以徹證爲期者。第一須具堅久身心。先將平昔所學諸子百家文章。四六所習經律論文字之學。與夫見聞覺知。惡知惡覺。一切雜毒。颺在他方世界。然後退步就己。放教空勞勞地。只將古人一轉語。貼在鼻尖上。晝三夜三。行住坐臥。折旋俯仰。孜孜切切。抵死拚生。與之厮厓。無纖毫

間斷。不見道暫時不在。如同死人。提撕來提撕去。日久歲深。因緣純熟。忽然啐地折擻地斷。大死一回。已眼豁開。本地風光。頓現在前方。知道元來只在己。不在別人。直下不疑。佛不疑。祖不疑。天下老和尚。舌頭。所以道參禪。須是悟悟了。須遇人若不求明。眼宗師印證。譬如讀書發解及第了。不得轉官相似。亦只徒然。既得柄。霸入手。便知生從何來。死從何去。生死去來。絲毫無疑。到任麼田。地方謂之大休大歇。無生死可怖。無菩提可求。盡十方世界。通上徹下。是箇真實人體。豈不見古德道。若有一人發真歸源。十方虛空。悉皆消殞。信不誣矣。然後道香果熟。入纏垂手。隨機接物。自然綽綽有餘裕哉。若是半信半疑。今日問一句。明日問一句。更歇數日。又看冊子中。記得兩句。又問如何。若何。央央庠庠。更有一等薄福。闡提。專要點檢別人。並不點檢自己。決不堪爲種草。散保此等之人。參到驢年。也未夢見。在豈不見良遂座主。講得極是淵源。乃知教相文字之學。非是究竟。聞麻谷和尚。門牆孤峻。弃去文字之學。特去參扣麻谷。一見便

知是箇漢。便去菜園裏。善知識者是大因緣。且不與你周由者也。如何。若何。只要箇人向無入作處入作。及至第二次見麻谷直入方丈。閉却門。良遂忽然大悟。直從死邊過。便供出死狀云。和尚莫瞞良遂。良遂若不來見和尚。幾乎被十二本經論賺過一生。從前執泥經論文。字之學。執病當下冰消瓦解。及歸講肆中。謂衆曰。諸人知處。良遂總知。良遂知處。諸人不知。若不同光返照。安有此耶。所以宗門不問僧之與俗。貴之與賤。皆可趣向。所以從前大儒李翱相公。裴相國。東坡內翰。韓文公。張無盡。楊無爲等。諸大朝貴。自小讀書發解。及第做官。到極則處了。儒教故是貴古通今。飛英騰茂。釋道教無不精通。亦知非是究竟。急急回頭轉腦。參見知識。往往聰明靈利。半信半疑者。難得入手。其聰明靈利。底除是不向前。若奮鐵石身心。極容易契證。豈不見于頓相公。參見紫玉藥山諸老宿。他尋常儒釋之教。無不遍看。只將所疑之句。以發問端。一日忽問云。如何是黑風吹其船舫。飄墮羅刹鬼國。古德便與直提向上頂門。痛與一槌。答云。

于頓客作漢道什麼。于頓相公滿面怒色。古德指云。這箇便是黑風吹其船舫。飄墮羅刹鬼國。于頓言下。忽然契悟。須信佛法無人情。除是大根器人。方禁得這箇惡辣手段。與中央庠。庠半信半疑者。何啻天地懸殊。所以古德道。參禪參到無參處。參到無參始徹。頭又有老宿云。參禪參到無參處。參到無參未徹。頭一似水上捺葫蘆子相似。如何摸索。必竟如何。一拳拳倒黃鶴樓。一踢踢翻鸛鵲洲。有意氣時添意氣。不風流處也風流。復舉蔣山贊元禪師。因荊公舒王問云。如何是佛法大意。蔣山不答。舒王扣之既久。不得已。而謂之曰。公受氣剛大。世緣深厚。以剛大之氣。必能身任天下之重。然用捨不能必心之未平。以未平之心。安能一念萬年哉。師拈云。大小贊元禪師。雖則著草鞋向舒王肚裏走。千百。殊不知剛大之氣。卽是此道之大本。佛法之根源。本欲當面瞞人。那知翻成自瞞矣。當時舒王若裂轉面皮。甚處討蔣山。然雖如是要見舒王。則易見蔣山。則難。且道。請記在什麼處。諸人還委悉麼。以拂子擊禪床一下。云。伯牙。

與子期不是閑相識便下座

兀菴和尚語錄卷上

兀菴和尚語錄卷中

住巨福山建長興國禪寺語錄

侍者 道昭 景用 禪了 編

陞座祝 聖據坐垂釣出得油缸入醬缸通身是口
若爲談老拳尙有些筋力拚命來機爲指南有麼有
麼有僧出問云極目春光水照空岸莎汀草碧茸茸
乘時願赴慇懃請大展慈風振祖風學人上來願聞
第一義諦師云杲日當空清風布地進云諸佛出世
地涌金蓮和尚榮鎮此山有何祥瑞師云肇開華岳
連天秀放出黃河一派清進云非但建長增瑞氣八
方鼓舞樂忻忻師云春行萬國月印千江進云大唐
國日本國宗風益振無殊別如何是大唐國佛法師
云一棒一條痕進云如何是日本國佛法師云一摺

一掌血進云任麼則一處通千處萬處一時通師云
只你一箇未知痛痒在進云只如大檀那國公殿特
加禮請和尚開堂演法和尙數次啓劄力辭復進十
五偈控免因甚究竟辭免不得師云早知今日事悔
不慎當初進云可謂佛佛道同悲願重廣開利濟沃
蒼生師云好事不如無進云茲辰國公殿親臨拱聽
法要必竟如何指示師云近水樓臺先得月向陽花
木早逢春進云任麼則錦上鋪花千萬重師云這一
句子却也相似 乃云諸佛未出世祖師未西來人
人眞智湛然好箇清平世界無端胡種萌芽便見毒
惡流行平地干戈無風起浪遂致分疆列界移東補
西荆棘參天葛藤遍地然雖如是只如世界未立佛
祖未興已前如何通信良久云鯨吞海水盡露出珊
瑚枝 復學臨濟和尚因王常侍相訪同到僧堂常
侍云這一堂僧還坐禪麼濟云不坐禪常侍云還看
經麼濟云不看經侍云也不坐禪也不看經必竟作
箇什麼濟云總教伊成佛作祖侍云金屑雖貴落眼
成翳濟云將謂是箇俗漢師拈云臨濟老漢氣吞寰

字只要勘破一切人。却被王常侍等閑勘破。諸人還知麼。且聽下箇注脚。一挨復一拶。一踢復一拳。今古應無墜。分明在目前。

當晚小參。有僧出問。云。空手把鋤頭。步行騎水牛。人從橋上過。橋流水不流。意旨如何。師云。金剛杵打鐵山摧。進云。如何是空手把鋤頭。師云。千聖難摸索。進云。如何是步行騎水牛。師云。觀著則瞎。進云。人從橋上過。橋流水不流。又作麼生。師云。却較些些子。

乃云。有句無句。如藤倚樹。樹倒藤枯。句歸何所。須知言說不及描貌。難成爲山。笑裏有刀。遂致叢林話霸。恁麼恁麼。大難大難。纔有一絲頭。便有百絲頭。獅子一滴乳。迸散百解驢。乳然雖如是。添得爲山笑。轉新復舉乳源。和尚示衆云。西來的的。意不妨難舉。唱時有僧出。乳源壁脊便打云。如今是什麼時節。出頭來。便歸方丈。師拈云。正令不行。拗曲作直。這僧若知痛痒。乳源歸方丈。未得在。

上堂卸却千斤重擔。惟要在處清閑。老來業債未脫。復墮建長一關。語音未辨。酬酢猶艱。說者聽者難復。

難只據一條白棒。南來者北來者。俱與痛棒。忽然打著一箇半箇。獨脫底。從教知道。酌然不在。說處不說處。三乘十二分教。總是指空話。空撒土撒沙。必竟如何。摘楊花摘楊花。

佛生日上堂。右脇纔生。便放拍盲。指天指地。獨步縱橫。雲門要打殺。建長助掘坑。惡種從教不復萌。雖然也是賊過後張弓。

結制上堂。昨日晴。今日雨。春夏交承時。節順序一似林下衲僧。不越規矩。三月安居。克期而取。西天以蠟人冰雲峰。以鐵彈子。建長亦有一條活路。飢則飢渴。則飲。閑則坐。困則眠。以此爲據。諸人但任麼參決。不賺忤。

解夏小參。佛以一音演說法。衆生隨類各得解。敢問大衆。且那箇是一音所演之法。莫是天是地。是地是山。是山水。是水麼。莫是春生夏長。秋收冬藏麼。如斯理論。大似撥火覓浮漚。且道是那箇一音。以拂子擊禪床云。一音既演。直得盡乾坤大地。若聖若凡。情與無情。聞是法音。悉得悟解。然雖如是。唯有拂子不入。

這保社何故不見道。山僧不會輪甲子。一葉落知天下秋。又擊一下。

上堂。解開布袋頭。縱橫得自由。其住也無拘。無束其去也。南州北州放牧。漁山水牯牛。不風流處也。風流謝兩藏主上堂。拈拄杖召大眾云。大藏小藏盡從這裏流出。諸人若知得落處。一生參學事畢。其或未然。且聽拄杖子從頭點出。左邊卓一下。云。這箇是有教。右邊卓一下。云。這箇是空教。中間卓一下。云。這箇是中道大乘教。三段不同。欲釋此經。向下文長。付在來日。又卓一下。

國公就本寺滿散祈禱道場禮請普說問答不錄。乃云。大人具大見。大智得大用。智藏六合。掌握乾坤。坐碧油床。被忍辱鎧。執堅固箭。秉智慧弓。總大千世界爲一戰場。指百億須彌爲一射垛。百發百中。雙放雙收。掃除百萬妖魔。勦絕步多惡黨。便見時清道泰。海晏河清。八表歸仁。萬邦入貢。頓轡自樂。坐鎮無憂。可謂我於法王得法。自在正恁麼時。且道功歸何所。良久云。寸刃不施魔膽碎。望風先已豎降旗。

復云。佛說一切法爲度一切心。若無一切心。何用一切法。蓋由一切衆生。無始以來。無知僻執。起惑造業。輪迴五趣。如來出世。隨宜爲說。處中妙理。令諸有情。了達諸法。遠離疑執。起處中行。各自修滿。得三菩提。證寂滅樂。皆由心之所作。古德云。只箇心心心。是佛。十方世界最靈物。縱橫妙用可憐生。一切不如心。真實持五戒。生人道。修十善。生天道。皆由心作。至於捨有漏入無漏。棄有爲入無爲。皆由心作。蓋造善造惡。不同。所以諸佛出世。觀根逗教。演說三乘法門。乃至隨彼彼類。現彼彼身。而爲說法。此法惟只一法。蓋爲有此一切心。應機爲說一切法。雖隨根機。而說於人。天大會之中。亦有悟無生忍者。有證阿耨菩提者。亦有雖在會中。如聾如盲。不能曉解者。蓋證悟有淺深。得道有優劣。或密說而顯演。或談空而顯實。或指示教外別傳之旨。無非只要一切人。明自心。見自性。證此法。此法者。非有非無。非有無非。無若道不在說處。一代時教。甚處安著。若道在說處。且此法作麼生說。須是夙有靈骨。信根堅固。方有趣向。分是故大檀

那夙乘願力篤信佛法歸敬切切盡寫藏典披閱誦持知非究竟由是力究教外別傳之旨孜孜不捨食息不忘以徹證爲期是知大根器大力量再來菩薩方能如此又能勦大伽藍爲國中第一甲刹廣安多衆各令知大叢林規式各令參究已躬大事各令知有教外別傳之旨甚深廣大可以續佛慧命能離生死此岸達到菩提涅槃彼岸廣度有情總令成佛常運此心愈堅愈久能如是哉老僧乃蜀邦生長訪道江湖有年適因法眷道舊不忘之義屢承之約累却復至以故撤去寺事暫乘良便越漢觀國之光先承國公殿特垂降接一見如故雖語音未通凡動靜往來語默酬酢心眼相照只此以見吾道眷屬而致然矣便見瞿曇老漢三百六十餘會宣說此法或人聞或天上說者聽者心心相知眼眼相照與今日所說所聽等無有異所以道過去一切劫安置未來今未來現在劫回置過去世灼然參到前後際斷三祇劫空照見塵劫以來絲毫無差凡情聖量覓一絲毫了不可得所謂一念普觀無量劫無去無來亦無住如

是了知三世事超諸方便成十力參學之士向這裏見徹自己本地風光本來面目歷歷分明方知一代時教句句字字不說別事與教外別傳之旨無異無別或於三乘十二分教中明得者或於教外別傳之旨明得者總是到家蹊徑教中明得者終是迂曲教外明得者不妨直截唯直截一路必能到家必到大休大歇之場盡未來際得大自在何故離心意識參出聖凡路學方謂直截者也除是大根器大力量方堪煅煉無常迅速莫作等閑古德云努力今生須了却莫教永劫受餘殃決然人身難得好時難逢知識難遇正法難聞既得人身袈裟著體好時既逢知識既遇正法既聞剎地不將爲事蓋是不曾種得般若種子聞似不聞見似不見遇似不遇蹉過者多蓋爲有此一切心所以佛說一切法山僧自春夏至秋奉意旨爲國爲民啓建祈禱道場日以初中後三時傾大衆熏修披閱誦持專祈豐稔太平今來果遂懇祈茲辰滿散陞座爲衆普說無非以此心說此法感格諸佛龍天鑒茲誠禱吉祥中吉祥殊勝中殊勝乃是

此心此法之靈驗也。衆中辦道兄弟爲在教中明得。爲在教外明得。往往如風過樹者。多灼然不是小事。佛法下衰。無甚今日。老僧在處叢林。每見衆中辦道兄弟。孜孜切切。不捨晝夜。以徹證大事爲期。或有一箇半箇。挨將出來。弘持大法。依舊超出古今者。多若是道念不堅。力量不大。終難希求大法。豈不見趙州云。諸人被十二時使。惟老僧使得十二時。且道他在甚處。著倒是汝諸人。若真箇孜孜切切。只將已躬一件生死大事。晝三夜三。與之厮厝片時。不肯放捨。灼然便得十二時。若只今日明日。點檢張三。點檢李四。聽人說好。便道好。聽人說不好。更道不好。謂之矮子看戲。隨人上下。於自己依舊黑漫漫地。空喪光陰。不覺老病將至。生死到來。將何抵敵。驢胎馬腹。無可疑者。蓋緣虛消檀越信施。枉受人天供養。棄却自己工夫。只說他人過惡。他人若無過惡。粧點強說是非。以之爲張三塗地獄。如何逃得。此是決定之義。與經教所說一同。且不是誑謔之語。信也好。不信也好。老僧千錯萬錯。越漢乍到此間。衰晚之質。語音未通。無示

難却上命。勉力支撐住持之職。陞堂入室。示衆普說。雖不曾缺垂手之際。自嘆枉費精神。大凡出家之士。置身叢林中。披佛袈裟。住佛屋。喫佛飯。須是持佛戒。修佛行。弘佛法。續佛慧命。或出來辦事。輔佐叢林。須是有始有終。盡善盡美。成就叢林典刑。卽是成就自己。方名禪和子。方可稱佛弟子。若不然者。何緣得大事。千了百當。臘月三十日到來。可謂縹田無一簣之功。鐵圍陷百刑之苦。是誰過歟。蓋是道念不堅。力量不大。有此差別。所謂佛法下衰。無甚今日者是也。若說此心。此法。說到盡未來際。無有窮盡。在會聽者。聞者。俱受龍華記別。有一頌子。奉爲圓滿。願心學似大衆。爲國爲民。運此心果符虔。禱獲豐榮。時清道泰。封疆闔合。國歡呼賀太平。

上堂。一塵入正定。諸塵三昧起。諸塵入正定。一塵三昧起。三昧與正受。土塊泥裏洗。咦。白日堂堂。眼見鬼。非不非。是不是。甲子乙丑海中金。丙午丁未天河水。諸人若也不會。且聽拄杖子。當陽指示卓一下。云。今朝是九月一。明日是初二。又卓一下。

諸山至上堂云。開爐節何可說。無賓主話口含霜雪。
既遇知音謾且拈掇。是汝諸人切不可胡亂挑撥。默。
默守之。忽然冷灰豆爆。方知道文武火種難磨滅。
別山斷橋二法兄訃音至上堂。南山白額虫撞倒太
白峰。直得西湖徹底枯竭。東海怒浪翻空。安漢圭峰
拈掌。天台尊者鼯胥郎忙。日本國裏打鼓。大唐國裏
撞鐘。何也。兄弟添十字。此意孰能窮拍膝。一下噓一
聲下座。

東。福。法。兄。至。上。堂。同。飲。龍。困。同。依。師。席。切。磋。琢。磨。相。
滋。相。益。分。袂。東。西。各。提。祖。令。越。漠。來。投。心。膽。傾。盡。執。
別。恰。恰。一。周。千。里。俯。垂。輝。映。舉。衆。再。奉。慈。光。無。異。撥。
雲。見。日。若。是。向。上。向。下。總。將。靠。之。一。壁。何。也。憶。得。凌。
霄。疊。毒。之。家。水。也。不。曾。沾。他。一。滴。阿。呵。呵。會。也。麼。青。
山。不。鎖。長。飛。勢。滄。海。合。知。來。處。高。

上堂。吾本來茲土。傳法救迷情。一花開五葉。結果自然成。拈云。老胡授殷若多羅識記。區區十萬里航海而來。游梁歷魏。冷坐九年。以至分皮分髓。將謂有多少奇特。及乎付法一偈。使見敗缺不少。建長雖是他

的傳正派兒孫。不曾將腳踏他界。至茲遇遠諱之臨。因齋慶讚。亦有一偈。舉似大眾。吾本來茲土。無法與人傳。成蛇者入草。成龍者上天。

天台山萬年寺二童行化主至上堂人從天台來却得西川信報道萬年松生在石橋頂豐干不合饒舌累及拾得寒山奮不顧身奔南走北直趨東海龍王窟宅探扶蒼龍領下明珠懷抱而歸廣作利益非惟照徹十虛光吞萬象直使大海變作桑田千手大悲重增光彩驚起五百大士各各從定而起擘開蒸餅峰吸盡斷橋水合掌贊言善哉善哉希有希有大唐國日本國千古之光得能超越然雖如是以拄杖打一圓相云諸人還知此大寶珠來處麼卓一下云若教容易得便作等閑看擲拄杖下座

西巖訃音至上堂。近得遠來口傳信。報道年來頗安。
靜。唯有太白瑞巖翁。撞破虛空有雜碎。驚起西川大。
蓬山上石女。淚雙垂。引得扶桑巨福山。中木人空嘆。
息。且道因甚如此。良久云。同飲龍困。無義水手足義。
重如膠漆。拍膝云。斷絃安得鸞膠續。

冬節小參圓同太虛無欠無餘良由取捨所以不如豈不見道如我按指海印發光這裏眼見鬼去不爲差事設或汝暫舉心便見塵勞先起須知群陰剝盡而無剝盡之蹤一陽復生而無復生之跡既無蹤跡迥絕承當鐵樹開花撲鼻香

復舉雲門和尚上堂僧問云請師答話雲門召大眾衆舉頭雲門便下座師拈云雲門任麼答話已是舌頭拖地了也雖然未舉已前薦得早是不堪持論何況蓋覆將來乃高聲召大眾衆舉頭復云果然便下座

冬節上堂冬至寒食一百五中有一轉平實語缺齒老胡舉不全賺他立雪人莽鹵諸人要知麼良久云貓兒偏解捉老鼠

上堂臘月八夜眼見鬼便開口說道理若向衲僧門下過爛槌一頓無疑矣莫有助拳助踢底麼操日本鄉談云和蘇嚕之

最明寺殿應夢就本寺命僧看金剛經萬卷祈保天下太平請滿散陞座問答不錄 乃云一切有爲法

如夢幻泡影如露亦如電應作如是觀。舊召大眾云作是觀者名爲正觀。若他觀者名爲邪觀。若於唱教門中足可瞞神謔鬼。若於衲僧門下大似鄭州出曹門。雖則瞿曇老人於般若會上無中唱出。豈謂後五百歲繫縛盲驢無自由分。豈不見葛獠無故聞誦應無所住而生其心。言下錯認驢鞍橋作阿爺下頷累及周金剛。焚却一槽疏鈔。便敢胡搗亂打也。大無端殊不知我王庫內無如是刀。須知三世諸佛說夢歷代祖師說夢一人傳虎。萬人傳實。遍滿西天。唐土莫能止遏。不覺不知流傳。日本最明寺殿白曰。青天開眼說夢一似靈山會上親見。親聞無異。無別建長有氣無出處。從而不識好惡。向大集殿對衆與之說破。清平世界。切忌詛言。直教天下太平。兵戈絕。戰國安民。泰歲稔。時豐。飢則食。渴則飲。閑則坐。困則眠。於事無心。無心於事。無欲無依。豈不慶快。然雖如是。掬水月在手。弄花香滿衣。復舉舍利弗問須菩提。夢中說六波羅密。與覺時同。別須菩提云。此義幽深。吾不能說。此會中有彌勒大士。汝往彼問。拈云。舍利弗開

構寮字阿彌陀經書偈送最明寺殿

最明寺殿契悟因緣

壬戌十月十六朝。最明啓問曰。弟子近日坐禪。見得
非斷非常底師云。參禪只圖見性。若得見性。方得千
了百當。最明曰。和尚方便指示師云。天下無二道。聖
人無兩心。若識得聖人之心。卽是自己本源。自性最
明。曰。弟子道崇無心。師云。若真箇無心。豈窮三際。橫
遍十方。指燭云。譬如蠟燭。未澆成以前。卽是本地風
光。本來面目。及至澆成點。燕輝耀雅觀。照徹冥暗人。

中釋迦親見燃燈佛

最明寺殿悟道後師贈之助道頌五首
老僧初到與三爭埋恨胃中結此冤痛恨忽消開正
眼方知吾不妄宣傳

二十一年曾苦辛。尋經討論枉精神。蕭然摸著娘生鼻。翻笑胡僧弄吻唇。

治國治民俱外事。存心存念自工夫。心思路絕略觀看。佛也無兮法也無。

壬戌十月十六朝。虛空拳踢不相饒。等閑打破疑團。後大地黃金也合消。

最明夢一善知識教訓堅固多禪惺後親繪
供養越兩年值老僧到先來參禮果與夢見
一同契悟後捧呈所畫頂相求讚

千煨萬煉工夫熟。感得夢見善知識。力勸加工用行修。果獲契悟心滿足。自彰醜惡自捺糊。佛祖仰望俱失色。老僧更與添一重咄。急急如律令勅。

長書上最明寺殿

昨使者云。最明寺殿乃因大風所損。百物天下萬民。辛苦御心中。憂閑不樂。以此可見。憂人不憂己。乃是佛菩薩用心如此。老僧雖在病中。亦不憂己。惟憂衲。

子已事未明。所謂天下無二道。聖人無兩心者是也。佛在世時。因瞿曇種族將遭大風火難。所侵急來投佛。免之。佛云。免不得。何以故。衆生造業之多。共業所感。謂之定業。難逃劫數。難逃若一向安樂如意者。不知罪福來源也。繼卽瞿曇種族被風火蕪盡。所以佛有三能三不能者也。記得古德示衆云。昨日洪水大作。華山崩倒。湍壞了數萬人家。你輩後生知什麼。茄子瓠子語中。有理有事。有憂有不憂。當時若有通方作略者。只好與他掀倒禪床。便見一場敗缺。又記得老東山演祖云。不憂諸莊旱。滯惟憂禪和子。不會狗子無佛性話。老東山纔開臭口。便見鄉談剋。由耐耐。又記得太宗皇帝因蝗虫大作。喫盡天下萬民稻苗。帝令人捉虫來自食之。云只喫朕心肝。莫苦我天下萬民。由是蝗虫便息。此亦是憂民不憂己。若與老東山把手共行。猶較三步在五濁惡世成劫。住劫壞劫。空劫輪轉不息。便有大三災。風災。火災。水災。隨之欲界。天。色界。天。尙不免也。又有小三災。隨之病。苦。飢。苦。儉。苦。五濁世中。必難逃矣。惟有前身作福。今身受也。

若前身作業者定定今身後身更後身受也絲毫無差所以佛出世勸人作福避罪息貪嗔癡妄念之業修戒定慧三無漏學從淺至深從凡至聖從劫至劫乃至無數劫功行圓滿必能證佛大果却來五濁世間隨機爲說最上乘法悉令證入阿耨菩提亦無菩提可得亦無證入之理所以千佛萬佛唯以此法傳持佛佛祖無二無別況今末劫之時道不及古說道者多行道者少日本興勸宗門唯我最明寺殿再來之佛留心佛法道念堅固超越上古聖人一頭地矣禪衲中向道者多堅固者少老懷唯憂向後之弊恐不及古也諸莊旱澇亦憂大三災小三災亦憂禪和子不會狗子無佛性話亦憂自己老病亦憂未得脫回宋佚老亦憂此之千憂萬憂直憂至阿逸多下生又更添一重憂在能與老僧免得此憂否莫若憂之與樂好之與惡是之與非古之與今佛之與祖一劃劃斷便見天下太平扶病信筆上希一覽矣

上堂云。檀那夢見大揀椽。高僧羅漢。滿雲堂。慷慨重
新鋪蓋。就比之兜率。更尤強。衲子辦道。耐長久。成佛
作祖。法中王下等。愚迷無正念。鎔銅灌口。臥鐵床
結制。小參有處。不是有無處。不是無有無。不到處。聲
香滿道。塗薦召大眾云。縱饒窮及到此。猶未是衲僧
安身立命處。更說什麼。三月護生九旬。禁足大似布
袋裏老鴉。雖活如死。若是丈夫志氣。必然別有通方
作略。良久云。有麼。擊禪床一下云。將謂春歸無覓處。
那知轉入此中來。

上堂舉智門和尚問蓮花未出水時如何。答云。蓮花出水後如何。答云。荷葉頌曰。出水未出水。心疑生。

暗鬼。鞏縣造茶瓶一隻三箇觥。

上堂舉趙州僧問萬法歸一一歸何處趙州答云我在青州作得一領布衫重七斤師頌曰青州布衫重七斤由來錯認定盤星那知富士山孤峻到頂須行三日程

達磨祖師忌拈香召大眾云東望大乘器區區十萬里因這一著錯累及人斷臂以香指祖師云彼錯猶且可復自指云此錯無巴鼻彼錯此錯詎之誰揮香云倒拈鐵笛逆風吹

徑山偃溪荊叟國清源靈叟等計音至上堂澗東一脉滔滔聒聒接於偃溪波騰嶽立甬東西湖奔湍迅速返本還源龍淵窟宅直得凌霄起舞五峰唱拍引得天台山國清寺東廊上寒山拾得颺下生菖帚拈掌呵呵金華傳大士空手把鋤頭涕淚悲泣正任麼時諸人還知三大老爲人親切處麼拍膝一下云憶著令人肝膽裂

上堂舉乾峯和尚有僧問云十方薄伽梵一路涅槃門未審路頭在什麼處乾峰以拄杖畫一畫云在這

裏有僧請益雲門門云扇子勃跳上三十三天築著帝釋鼻孔東海鯉黑打一棒雨似盆傾師拈云兩箇老凍儂一人渾輪吞箇棗一人蘸雪喫冬瓜引得這僧口裏水碌碌地驀拈拄杖云建長拄杖子忍俊不禁總將各各三百六十骨節八萬四千毛竅一時穿却卓一下雖然如是諸人還甘麼良久云其或未然不妨重下注脚乃云冬天日短兩人共一碗庵阿盧勒繼婆娑詞擲拄杖下座

膈八上堂夜夜明星現時時兩眼開如何膈月八特地嘆奇哉引得隨邪逐惡者至今一味狗來肥退院上堂無心遊此國有心復宋國有心無心中通天路頭活舉主丈云主丈頭邊挑日月

合國悲泪勸留 師堅執不允部從遠送上紅列拜泣別順帆卽復舊隱又被公選住持

婺州雙林七次控辭不得

住婺州雲黃山寶林禪寺語錄

侍者 景用 編
指三門衲僧門下活路通天脚頭脚底能方能圓召

大衆云。照顧踏破常住磚。

佛殿如何是佛殿裏底。咄。無端開口便臭氣掩鼻。不及只得五體投地。

傳大士殿七佛引其前。維摩接其後。一盲引衆盲。至今不啣喙咄。

據方丈拈拄杖示衆。呼。下云。不信道便也。

拈省劄云。靈山佛法付囑國王大臣有力檀。那令燈燈相續。綿綿不斷。直至今日。愈光愈顯。汝等諸人。各生難遭之想。拱聽首座宣讀。

指法座向上一路。千聖不傳。等閑踏著。不直半錢。

祝。聖次拈香奉爲。太傅平章國公增崇祿位。

次拈香奉爲。判府殿撰侍郎判縣軍正寶謨郎鄉

府縣文武官僚各增祿筭。

據座問答不錄。

拈拄杖云。拄杖頭邊草鞋跟底。隨

緣放曠。隱遁過時。豈謂業債難逃。復落他家。縈續扶

病拖泥帶水。只得豎四橫三。乘時拽取。正續山與雲

黃山。闔額爲復是神通遊戲。爲復是法爾。如然不見

道。浙東山。浙西水。四海五湖。皇化裏卓一下。

復舉世尊初生下來。一手指天。一手指地。云。天上天下。唯我獨尊。後來雲門道。我當時若見一棒打殺與狗子喫。賣圖天下太平。拈云。跛脚阿師。徒有此語。雙林則不然。我當時若見。便與兜一喝。復向道。黃口小兒。道什麼。清平世界。切忌訛言。

當晚小參。久響雙林。可曾遊歷。及乎到來。果是殊別。山環水繞。寺廣人稀。內空外空。無彼無此。彷彿威音。那畔分明。古佛家風。不妨按下。雲頭鉢囊。暫且高掛。坐則同坐。行則同行。同苦同甘。同憂同樂。必竟事作麼生。但看人情。若好。自然喫水也肥。復舉南泉道我十八上。便解作活計。趙州道我十八上。便解破家。散宅拈云。二古德。雖各擅家風。未免笑破天下衲僧。鼻孔雙林。盡力踴跳。也出他縈續不得。纔入門來。乃見破之又破。損之又損。淨裸裸。赤洒洒。沒可把。亦未免笑破天下衲僧。鼻孔然雖如是。或遇東君。借力便有生意。如何見得。前村深雪裏。昨夜一枝開。

冬夜小參。破砂盆漏燈盞。死偷心滅。正眼近之。則愈遠。親之。則愈疎。瞻之在前。忽然在後。全明全暗。雙放。

雙收番復看來。當甚熱。大是則也。是只如進前叉手。
叉手進前。又作麼生。良久云。冬行春令。復拈拄杖。
示衆云。雲門大師道。從上諸聖爲甚麼不到這裏。蓮
華峰庵主道。古人到這裏爲甚麼不肯住。拈云。把斷
要津。不通凡聖。則不無二老。要且無爲人底道理。雙
林則不然。到與不到。卓拄杖一下云。一時截斷。且道
還有爲人處也。無。擲拄杖下座。

冬至上堂。一陽來復。暖回幽谷。雲黃山上。喜氣浮空。
繡水溪頭。疎影含玉。老胡不會轉身句。無節目中生
節目。拈拄杖云。累及拄丈子。皮膚脫落。盡通身鳥律
漆。卓一下。

臘八上堂。值雪。正覺山前。星月燦然。雲黃山上。霜雪
凝然。普天率土。今古常然。如何臘八。忽然而然。汝等
諸人。各宜照顧。娘生鼻孔。莫教打失。自己眼睛。免致
每逢斯旦。惑亂天下叢林。謹白。

請化主上堂。雲門一曲調高。千古子細推窮。從來無
譜。此曲只應天上有。大士得來無本據。今日當陽分
付新年諸路化主。在處富有知音。遇著知音。舉似學。

似則不無。且道是何曲調。臘月二十五。

歲除小參。有處不是。有無處不是。無有無不到。處馨
香滿道途。古德任麼說話。前不迭村。後不迭店。未盡
善矣。只如舊歲不是。舊新年不是。新新舊不及。處堂
堂獨露真。且作麼生論量。或有箇漢。聞任麼說。便道
正落在古人纒續裏。又作麼生支遣。當任麼時。却有
箇道處。且作麼生道。良久云。舊歲今宵去。新年明日
來。拂子擊禪床一下。復舉趙州道老僧除二時粥
飯。是錯用心。拈云。三十年不下繩床。將謂有多少奇
特。元來只在黑山下鬼窟裏作活計。至今未有轉身
之路。若是朝三千暮八百底。雙林這裏不著。

無準忌拈香云。這箇老漢。軟頑希罕。煨而不熟。煮而
不爛。沒與遣他負累。被陷雲黃苦難。怨之不已。恨之
不休。燒香云。且將這箇雪冤讎。

結制小參。去年十月十七。被命來尸敗席。陳逋繫積
如山。中外倉庫。赤立勉效。佛在世時。持鉢沿門求乞。
不憚涉險。登危波。爲衆竭力。逗到四月十五。恰滿
六箇月。日諸方禁足安居。雙林豈容禁足。領衆展轉。

求賢然後求己的實心空及第歸來和這自己拋擲。更有一事告報古聖。言端語的寧可熱鐵纏身。不受信心人衣。寧可鎔銅灌口。不受信心人食。喫飯忽咬著砂。一生參學事畢。若不量彼來處水也。難消一滴。且請訛在什麼處。拂子擊禪床一下。云直待當來問彌勒。

舉靈樹和尚問如何是和尙家風。曰千年田八百主。如何是千年田。八百主。曰郎當屋舍。沒人修。妙喜曰。愁人莫向愁人說。師云。正抓著雙林痒處。

結制上堂。諸方此日安居。禁足雙林。難說禁足安居。厨乏聚蠅之糞。廩無隔宿之儲。策杖遍叩檀度。免我一衆飢虛。休以蠅人爲驗。但願處處逢渠。拍膝一下。云。噯。早知今日事。悔不愼當初。

天童前住首座寮結夏秉拂

太白峰高。佛祖仰望不及。玲瓏巖險。衲僧指足無門。縱有掀翻四大海。踢倒五須彌。底作略到此。總須望崖而退。就中隰州古佛較些子。平易中險峻。險峻中平易。檢點將來。猶在半途。終未能到頂寧上座。固不

敢仰視。今夏得與現前一衆。及此方他土。微塵刹海。若凡若聖。情與無情。於其間平不留險。非取同住大光明藏。宴坐圓覺妙場。三期之內。據菩薩乘。修寂滅行。壁立萬仞。萬仞壁立。水洒不著。風吹不入。如是而住。如是而修。如是而行。如是而證。是則是必竟喚什麼。作平等性智。以拂子擊禪床一下。云。玲瓏人面自回合。峭峻一方誰敢窺。

舉米胡問僧近離甚處。僧云。藥山。胡云。藥山老子近日如何。僧云。大似一片頑石。胡云。得恁麼。鄭重。僧云。也無你提撥處。胡云。非但藥山。米胡亦任麼。僧近前顧視而立。胡云。看看頑石動也。僧便出。師拈云。米胡當斷不斷。返招其亂。負累者。僧頑石邊蹲坐。轉動不得。當時待他道也無你提撥處。拈棒便打。若云。因甚打某甲。却向道頑石動也。

冬節秉拂道遠乎哉。觸事而真。目前無法。意在目前。聖遠乎哉。體之則神。不是目前法。非耳目之所到。所以靈山密付。取豎安置。篋中少室。單傳吹網。欲令氣滿。自餘行棒行喝。全提半提。總是撒土拋沙。欺賢罔

聖衆中猛烈丈夫各各氣衝牛斗豈可甘受屈辱乘時裂轉面皮當陽決斷貴要君子道長小人道消從教暑運推移日南長至冰河起焰寒谷回春一塵蜚而翳天一芥墮而覆地雖然因甚玲瓏巖依舊聳青空良久云直恐虛心自天意人間穿鑿枉工夫

舉道吾離藥山到南泉

著語云門內有君子門外君子至

南泉問云聞黎名什麼吾云宗智相見易得

好共住難爲人

南泉云智不到處作麼生宗賊被

賊捉吾云切忌道著一欸便招

南泉云灼然道

著卽頭角生賊無種相鼓鼙至三日後道吾在後

架與雲巖把針次南泉過見乃再問云前日道智不

到處切忌道著道著卽頭角生合作麼生行履覓兒

思舊債

道吾抽身入僧堂南泉便去君向西秦我

之東魯

道吾却來坐雲巖乃問云師弟適來爲甚

不祇對和尚吾云你得恁麼伶俐磚頭來死子報

巖不薦却去問南泉云適來因緣智頭陀作麼生不

祇對和尚南泉云他却是異類中行擔得一擔槽櫃

換得一擔骨體

巖云如何是異類中行泉云不見

道智不到處切忌道著道著卽頭角生直須向異類中行第二杓惡水巖亦不會道吾知巖不薦乃云

此人因緣不任此便與回藥山一盲引衆盲相牽入

火坑藥山觀二人回乃問雲巖汝到甚處去來巖

云到南泉來藥山云南泉有何言句雲巖遂舉前話

拾得封皮作信讀

藥山云子作麼生會他這箇時

節便回來雲巖無對藥山乃大笑盡道藥山笑裏有

刀殊不知恰兒不覺醜

雲巖便問如何是異類中

行藥山云吾今日困別時來舌頭拖地雲巖云某

甲特爲此事歸來藥山云且去雲巖便出教休不肯

休直待兩霖頭

道吾在方丈外聞雲巖不薦不覺

咬得指頭血出爲他圖事長無明道吾却下來問

雲巖云師兄去問和尚那因緣作麼雲巖云和尚不

與某甲說道吾便低頭臨袁慶吉頭上插筆後雲

巖遷化遣遣書至道吾覽了曰雲巖不知有悔當時

不向伊道然雖如是要且不違藥山之子同死同生

爲君決

師拈云道吾雲巖可謂蚌鷸相持俱落漁

人之手南泉藥山正令不行拗曲作直當時若使德

山令行曹洞一宗未至掃土復成一頌往復落人纒
續間那知同步不同行當初乍可無容質別作心腸
過一生

靈隱前堂首座寮結夏秉拂

語漸也返常合道方木逗圓孔論頓也不留朕跡泥
裏洗土塊所以一機一境總是接響承虛舉古學今
特地無風起浪豈不見道杜耳目於胎殼掩玄象於
霄外貴官商之異辯玄素之殊雖則盡力踴躍要且
前不迭村後不迭店縱使據菩薩乘修寂滅行高步
毗盧頂不稟釋迦文亦未出靈山纒續在是則是只
如五祖和尚道羅邏招羅邏搖羅邏送莫恠空疎伏
惟珍重又作麼生良久云不逢別者終不開拳

舉保福和尚因長生卓庵時去相訪茶話次長生云
有僧問某甲如何是祖師西來意某甲豎起拂子不
知得不得保福云某甲爭敢道得不得有箇問有人
讚嘆此事如虎帶角有人輕毀此事分文不直一等
是任麼事爲甚讚毀不同長生云適來出自偶爾有
老宿云毀又爭得有老宿云惜取眉毛後來雪竇都

別云若非和尚證明拂子一生無用玄覺云一等是
與麼事爲什麼有得有不得孚上座云若無智眼難
辯得失師拈云雪竇玄覺等是口甜心苦半似輕毀
半似讚嘆引得孚上座無端插嘴拂子忍俊不禁今
夜對衆決破讚之與毀得與不得以拂子擊禪床一
下云甚處得來然雖如是惜取眉毛

兀菴和尚語錄卷中

兀菴和尚語錄卷下

法語

示關東法孫

關東掌國法孫誠至信向佛法只欲發明已躬一
大事懷香袖紙拜求法語并袈裟爲究道之助勉
爲引筆云

信爲道源功德母長養一切諸善根所以諸佛法者
皆從信心之所生但信心堅固則善心堅固若善心

堅固則道心堅固。若道心堅固。則佛心堅固。與天地同根。萬物同體。利人利物。亘古亘今。無一毫之差別者也。信心者。信向佛法僧三寶。敬信天地人神。孝養父母。師長。一切事皆能敬信。無有退失。信能必到。如來地者也。信向心如是。便能持五戒。修十善。若持五戒堅固。善根不斷。必生人道。若修十善堅固。必生天道。若生生信心堅固。善根不斷者。即是三資糧。四加行。位菩薩十住。位十行。位十回向。位煖。頂。忍。世第一。位是也。自此從凡入聖。十地位菩薩。乃至金剛心後。解脫道。初方且漸次入等覺位。妙覺位。自十地位至此妙覺位。謂之如來地。說法如雲。利生如雨。自利利他。度未度也。如來地者。即自己信向堅固之心是也。持五戒。修十善。堅固之心是也。但心心堅固。位位增修。無有退失者。即是佛心。必到如來地也。縱饒修習到此。却不要執著。直須沒彼前來之位名。但彰自己之實行。吾亦不知。吾是誰。與天地同根。萬物同體。方有少分相應戒律。中教相中所說一同。若要參透。向上一著。須是離心意識。參出聖凡路。學方有趣。向分

豈不見趙州和尚有僧問云。狗子還有佛性也。無州答云。無。自古及今。惱亂天下。衲僧無有休日。法孫但十二時中行住坐臥。只向無之一字。切切留心。念念不捨。食息不忘。日久歲深。忽然參透。歷歷分明。絲毫無疑。自己本來面目。本地風光。頓現在前。便與從上諸佛諸祖所得所證。無別此生。它生得大自在。得大解脫。便見從前信心。善心。佛心。自己心。它人心。天地同根之心。萬物同體之心。無一毫差別。盡大千世界。日月星辰。山河大地。亦無一毫差別。於無差別中。千差萬別。信心亦如是。善心亦如是。佛心亦如是。乃至菩薩心。緣覺聲聞之心。天地人飛走山河大地之心。亦如是。心心既如是。可以治國治家。利人利物。盡未來際。無有退失。作是說者。聞是說者。誰復誰乎。咄。從前汗馬無人識。只要重論蓋代功。

示源清藏主

靈山密付。猶如話月。曹溪豎拂。猶如指月。遞代相承。炎天求雪。吾侍徑山圓照老師。雖歷多載。曾無一法可得。唯飢飽寒溫。能自知之。至於涉世匡徒。亦無毫

髮差別。屢承法眷之約。因東望扶桑。有大乘根器。冒險越漠。觀國之光。復遭世緣所陷。悵悵之氣。而不能釋源清藏主贊佐叢社表儀多衆超卓偉偉袖紙需語以爲咒道之助不容堅却呵凍書此祝之云鼻端若有通天竅可與吾出此氣也

示隆覺藏主

隆覺藏主久歷叢林留心參學以老僧示衆語中有無之一字於四威儀中提撕不輟昨五月八日夜四更四點就床之時豁然頓息自嘆曰菩提妙果不難成真善知識實難遇也信脚上床信手整服更無別念身心如如無彼此之非如如復如如專一守之諸緣自空唯自己耳雖然如是不知正邪如何伏乞慈悲開示老僧覽之是說欣然有喜元來殘羹餒飯亦有人留心矣既認得些子蹊徑方可入道所謂見道方修道不見復何修但專一守之如執杖牧牛勿令放逸莫管相應不相應正邪不正邪出此沒彼盡未來際不動不變始是工夫純熟始是得力處亦不得打淨潔毬子更須知南泉道喚作如如早是變了也

須和這無之一字如如復如如勝妙境界一時颺却始得豈不見道法身有三種病二種光一一透得始解穩坐更須知有向上一竅在此語大有賺人處若檢點得出却再來老僧手裏請棒喫

示松島圓海長老

佛法遍在一切處一切衆生及國土豈有東土西天宋朝日本分疆列界者耶所以百億四天下佛法始自靈山之所傳靈山之佛法乃自七佛之所傳七佛之佛法乃自賢劫千佛之所傳賢劫千佛之佛法乃自過去莊嚴劫之所傳過去莊嚴劫佛法乃自未有世界未有佛祖威音王已前之所傳其所傳者本無法可傳但以心傳心如水傳器無傳之傳所以流傳至今絲毫不增絲毫不減若有有傳之傳便成斷常之法終成敗壞無有今日之盛者也我於然燈佛所實無一法可得誠哉是言所以參禪只圖見性如觀掌上若不見性無異盲人摸象有何益哉我宗無語句亦無一法與人若有一法與人便成斷常之法非正法也從上佛佛授手祖祖相傳只貴所得所證正

知正見。廓然蕩豁。徹見本源。方謂之正知正見。繩繩有準。法法融通。或於十二分教。明得者。或於教外。明得者。或有未舉。先知未言。先領者。或有無師自悟者。蓋根性優劣不等。只要明自心見自性。宗眼明。教眼明。如果日當空。百億四天下。無幽不燭。何曾有絲毫隔礙。來若是所得。所證。半明半。或何緣得。徹見本源。既不徹見本源。終成斷常之法。非正法也。拚得死工夫。方學得生活。計工夫不到。何得圓。參須實。參悟須實。悟棒打石人頭。曝曝論實事。既得實證。實悟處。與從上諸佛諸祖。無異。無別。至於隨機應變。捏聚散。開自然。得大自在。如雷如霆。有何隔礙。來以至出生。入。生出此沒彼。有何隔礙。來。松島圓海長老。龔遊宋朝。復回舊邦。贊佐法社。近董禪利。既曰住持。便有主法之稱。爲後學之規模。須要明吾宗之來源。開人天之正眼。方且不枉匡徒之職矣。袖紙需語。信筆不覺切恨。

示成道大師

成道大師見任住持肥後州報恩寺。已經數載。內外

享合緇白。歸向切爲自己一段大事。因緣何次。礙膺之物。未釋往年。雖曾求師指迷。蓋緣歲月蹉跎。未有與決。思之世間名利之役。無有休歇。於自己全無所益。由是暫假不遠數千里之遙。僕僕來參。只要決此一事。了了分明。免致虛生浪死之苦。不辜負出家之志。只求直截數句。繁多難記矣。老僧每見尋言逐句。求玄求妙者。痛掃之。不欲特地不見道。我宗無語句。亦無一法。與人若只求數句。亦是繁了。若有一句到。汝卽埋沒。汝也若無一句到。汝卽辜負。老僧有句無句。一時截斷。昔日寂壽道人參。昭覺圓悟禪師。指示不是心。不是佛。不是物。提撕既久。忽然契悟。凡有問答。如流無滯。直往淮西。參五祖演和尚。乃圓悟法嗣師也。纔參禮了。五祖問云。汝參什麼人來。寂壽云。參昭覺和尚。來。祖遂問云。釋迦彌勒是他奴。他是阿誰。寂壽拊掌大笑云。云大小。大五祖老翁。元來不識他。在五祖便知。是了徹底人。遂與印可。自此七縱八橫。得大自在。佛之與祖。到他面前。不滿一笑。更有何生死礙慮。掛臂中耶。成道大師但將此不是心。不是佛。不

是物十二時中行住坐臥喜怒哀樂片時不要放捨。久久便見倒斷。非但超他。總持末山劉鐵磨寂壽輩一頭地。亦乃翻笑建長老。翫恣將陳年橘皮以之爲火鼓。弄人家男女。敗缺不少。法位大師。既是手足不必別紙。

示正傳長老 禪師號宏覺

嗣法小師慧安長老。號東巖。建長聚首孜孜。究道請益。不輟。別後聞之。開法住持。大興宗社。甚慰老懷。顯書遠投。懇求法語。用侍者捧呈。云節次請益。伏蒙開示。因緣欲乞親染。而寶之答云。今爲老懶。厭煩。却之。重復啓。請信筆以贈。云語底默底。不是非語。非默更非。透出重重。關捩。而況猶涉厘微。豈不見靈山拈起迦葉。攢眉得便宜。是落便宜。不是苦心人。不知所以。每遇問答。酬倡如空谷答響。豈容嚙啄哉。達磨不來震旦。老僧不遊日本。單傳直付東巖。廣爲人天宣演。喚輸機是算人之本。復指侍者云。我宗無語句。說甚閑公案。擲筆噓一聲。侍者破顏微笑。復云。老僧今日失利。

示院豪長老

弘持佛法。在人不在法人。能弘道非道。弘人是也。既曰住持。却與閑衲子不同。須當潔已精專。爲後學者法。應機接物。亦須隨已力量。切防過與不及。從上來大有規則。當一一依而行之。乃善。長老經歷多年。必能熏煉不失。若是未能徹證大法。亦須退步就已窮。究教徹方是。千了百當。若只記持言句。蘊在胷中。以爲我能。我解。最是障道之本。大法無由發明。終不濟事。且如住院一事。終日役役。無有了期。但按其綱紀大槩。碎事撥向一邊。忙裏偷閑。直將僧問雲門和尚云。不起一念。還有過也。無答云。須彌山。但將此一轉語。時時提撕。十二時中。絲毫勿令退失。日就月將。嚙地一聲。便能徹見。本有之性。本來面目。虛而靈。空而妙。超然獨脫。與從上佛祖把手共行。出生入死。得大自在。豈不偉歟。世良田當代住持。院豪長老。昨冬老僧乍到。建長先辱遠訪。越春袖紙來語。以爲究道之助。信筆姑塞其誠矣。

示小師景用

徒弟景用侍者執侍既久奉養慇懃始終守節併去雜交顯切向道。炷拜求一語懷抱決了已躬一大事。即答云我宗無語句亦無一法與人參禪只圖見性。若得見性方是千了百當。從上無數大劫而來諸佛諸祖千聖萬聖亦只明自心見自性傳此法。此法者無傳之傳是爲眞傳。名正法也。若有傳之傳是爲妄傳。非正法也。但每日苦樂逆順逐旋消遣惟要參究自己工夫。片時不輟久久必獲感驗也。驀然明自心見自性盡乾坤大地總是自己全體作用。更有何疑慮者哉。今爲老病力怯不及書而却之。侍者忽問云昔日馬大師不安院主進前徐徐問云和尚近日尊位如何。馬祖答云日面佛月面佛。時如何。老僧答云和賊捉敗。即頌示之曰日面佛月面佛。賊被賊捉見賊物賊賊一時推勘圓。漢州姜與邠州鐵復頌曰日面佛月面佛。病勢元因自執著。只消三片漢州姜煎取一服應驗藥。呵呵。即書以遺。

序跋

性空序

撥草瞻風只圖見性。果能見性十方虛空悉皆消殞。山河大地依而建立。入解六通由茲發現。豈不見碧眼胡云不立文字直指人心。見性成佛無端粘牙帶齒。衲僧門下猶隔重關。義侍者號性空求叙語因詰之云。旣曰性空是中還著得元字脚否。義默而不答。復指之云。錯姑與引筆。

跋敬侍者頌軸

妙喜老漢初發足游方時。先以四句偈辭之受業。其後句云且喜今朝離火坑。前輩標格打頭便有吞佛吞祖底氣。槩若不是川巴子如何羅籠得住。自後花木瓜種族罕有出乎其類。拔乎其萃者焉。敬侍者鄉談一同九華豐林。受經仙骨亦能越格初發足時。府僉祕書贈以伽陀嘉尚其銳志。及到龍游雙徑群英次其韻而美之。一家纔有事引得百家忙。需一語於其後。即就其韻一字酬之云休。

跋奔東峴住常州橫林淨慈賀頌軸

潤東一脉曲曲彎彎分枝列派。接於奉川正出東峴滔滔恬恬注入梁溪。浪打濤翻蝦鱉魚龍游泳自若。

引得西湖群英揚清澈。濁風波遍地。余見其源源不
已。姑以坯土塞之。

跋大火中燒金剛經不壞

寂明寺殿信心堅固。如金中之剛。親染金字金剛般
若經。直得入水不能溺。入火不能燒。只以此見堅固
之心。盡未來際。等金剛而不壞者也。因觀火中之經。
合掌頂戴。嘆未曾有。故書其後云。

跋了侍者頌軸

禪了侍者。遊歷宋朝。遍參諸老。湖海同流。寂嚴號之。
揄揚之德。頌成巨軸。并歸帆之帙。併捧呈。蓋老眼矇
矓。略觀彷彿。其中有一句子。直是無巴鼻。由是急卷
而復還之。

跋大衆賀寂明寺殿悟道頌軸

靈山密付。只要密傳。刻地不密。惡聲流布。遍相鈍置。
浩浩至今。昨來密室。付授寂明寺殿。只要密傳。刻地
不密。言下忽然打失鼻孔。被人指證。案查如牛腰。且
道因誰致得咄來。說是非者。便是是非人。

跋安忍子大智律師草書心經

竺皇先生。四處十六會慈悲之故。有落草之談。掬其
旨歸。八十餘科。不出乎一紙羅芝。老子守南山家法。
外筆陣掃雲煙。無故隨後草窠裏。輒雖則貫古通今。
正眼看來。草氣太甚。

佛祖贊

出山相

入山出山。何異何別。六年所成。一時漏泄。那堪滿口
嚼冰雪。

渡江達磨

道箇不識。自生荆棘。悽悽渡江。忍羞面壁。賴有神光
與雪屈。

寒山拾得

指東畫西。眼笑眉垂。心似秋月。髮如亂絲。吟句不成。
句題詩。不是詩。豐干輕饒舌。敗缺一時知。善哉苦哉。
敢稱七佛之師。

行道持數珠觀音

從聞思修。入三摩地。八萬行門。一十九類。尋聲救苦。
越塵沙一串。數珠數不已。

布袋

杖頭挑百億乾坤。布袋貯三千世界。關市叢中等箇人。不知誰是知音者。咄。

普化

踢倒飯床。特地乖張。指空話空。撒顛撒狂。木櫛拈來。換人眼。贏得惡聲滿大唐。

魚婦觀音

提起活鱖。鱖馬郎亦被惑。度生雖願重。那知成敗缺。

靈照女

拈將破策。箇風前賣與誰。攙行奪市處。非獨老翁知。

無準和尚頂相

文武火煨殺。人千搗子。恨難伸。五處主法。雙徑兩新。

內庭敷演。賜號超倫。自剏正續。梵苑延納。雲水高賓。

將謂多少奇特。依前滿面埃塵。喚。

義簡禪人畫圓相請贊

圓同太虛。無欠無餘。良由取捨。所以不如。恁麼說話。早是起模。畫樣了。殊不知纔擬。任麼便。不任麼。更問如何。若何。笑倒嵩山破籠墮。

讀一本無此

最明寺殿真像

掌持國土。天下安堵。信向佛法。運心堅固。德重丘山。名播寰宇。清白傳家。望隆今古。參透吾宗。眼眉卓豎。末後一機。超佛越祖。喚汝辜負。吾吾辜負汝。

自讚

正傳寺住持安東殿請贊

生緣於西蜀。非獨遊日本。十方國土中。當頭俱坐斷。

宏海侍者請贊

這川藎。直全不仁者。握起老拳。佛祖也怕。

小師景用請贊

要贊而無德。可贊要罵而無過。可罵贊與罵不及處。

大地而不能載。

正因法孫。命工繪吾幻質。炷禮請讚。

箇樣面觔。阿誰敢擬。威凜凜。生氣憤憤地。臨濟德山。

望風敬畏。因和蘇嚕之。

偈頌

無錫劉相幹。佑篤信佛法。常來參請。自和雪。

寶器栗頌來呈。老僧即次韻酬之云。

一實包含萬點春。收來粒粒是家珍。些兒圓轉誰能委。唯一身分百億身。

公讀了忽然契悟。衆皆賀喜。乃知信向佛法。靈驗如之。

鐵壁

剛然隔斷太虛空。縫罅渾無拶不通。頑鈍確夫覷不破。倩人書處轉乖宗。

鐵牛

骨格純剛蹄角全。軒然鼻孔自遼天。不貪陝府欄邊草。肯遍畊翻祖父田。

海月

金波涌出爛銀盆。黑白虧盈湛不痕。莫謂清波無透路。珊瑚枝上影團團。

竹溪

空服高心耐歲寒。滔滔聲價沒遮欄。自從南北分枝派。攪動江西十八灘。

雪竇前堂音座寮有煉指行人求頌

未徹根源肯便休。煉磨三種愈精修。發揮自己光明。

藏抹過俱胝一指頭。

寫華嚴經求頌

破一微塵出此經。因該果海果該因。無端却被管城子。名句文俱錯指陳。

畫髑髏槽人我檐者求頌

自從塵劫至于今。執著無明人我心。驚忽眼睛俱突出。乾坤大地孰知音。

栽松道者

栽培得地節操蒼。然死而復活身後身。前柳標橫肩阿刺。刺再來不直半分錢。

亮知客 出世住戒香

主中賓句驗來端。四海禪流總被瞞。鐵磨機輪難比擬。逢人卽出舌翻瀾。

南洲

瞻部那邊沙際間。闍然魔子恣縱橫。周金剛帶不平氣。勘破却從潭上行。

小佛事

尤木石相公薨背上海

此一炷香根蒂穩實枝葉繁榮透骨馨香遼天價重
爇向寶爐以伸供養共惟宋故侍讀提史端明相公
清白傳家儒釋通貫詞源浩汗而涌三峽水講讀琤
琤而對九重天修史決古今是非操麻定人我邪正
爲紀爲綱兮霜風凜凜利人利物兮春日融融因觀
妙喜語句脫然契證如如披閱內典眞乘驚忽點頭
唯唯總道坡仙之再世宛然普覺之後身來兮似月
行空去兮如雲散壑南禪每叨藥誨懷抱奚忘荐伸
奠禮之芹願徒熏誦神靈歆格不昧本來挿香云願
此香雲遍利塵饒益一切成正覺

奠茶

錫麓之英上苑之春山川秀發雨露重新石銚烹來
味別快哉壯爽精神睡魔退舍兩腋風清翻笑趙州
錯喚人

奠湯

地道收來精蘊揀擇牛溲馬勃藍毒砒霜盡情細末
將來變作醍醐上味當陽點出滿座馨香不比其他
薑杏湯

潮西堂鎖鑰

靈峰全提正令太白平分風月碎佛祖玄關掃蕩僧
窠窟活中全死死中全活學鎖子云何似白雲鎖口
訣

覺禪客起龜

奮不顧身丁字著脚拶透玄關死生夢覺便任麼去
時如何切忌語脉裏轉却

明侍者起龜

明明知有道不得明明道得不知有一回喪盡目前
機八角磨盤空裏走

嵩知客下火 福州人

飛猿嶺太白嶺須信平夷中險峻不憚區區親到來
等閑踏斷無蹊徑泯去來忘途轍六月火燒空鳥龜
頭帶雪

蒙庵主下火 浙翁小師在天童死

佛心宗脈愚蒙出生死絕羅籠泥牛入海竟無蹤以
火把打圓相云扶桑依舊一輪紅

普淳二上座起骨

普通年後淳祐年初有則公案。非實非虛。擬之則心膽喪。顯著則眼睛枯。中間有優有劣。如何判得恰好。撫骨一下云。一狀領過。

安危峰藏主起骨 中秋後

舌底卷風雷。胷中蟠錦綉。機輪轉碌碌。古今都穿透。不墮常流骨。格渾別獨騎。瘦馬踏殘月。

藏上座入骨

與汝往來者是藏。死語誑人成自誑。不往來者亦是藏。火亂灰飛收不上。收得上與誰論。夜聽嚴溜響。朝看嶺雲屯。

清圻二上座入塔

二由一有一亦莫守。抹過空劫前。超出涅槃後。攪不濁。澄不清。沒圻岸等空平。酌然雙暗復雙明。休認山河作眼睛。

端知客秉炬

驗衲僧句。如何舉似要知端的。言外領取。焉然當下。死偷心。鐵鑽通紅被虫蛀。

兀菴和尚語錄卷下終

小師景用命工錢板

越州兵衛主將官二月初一日夜忽夢見一大寺殿堂深廣樓閣重重莊嚴真奇特裏面去不得外有一人立兵衛主將問曰這裏名什麼所人答曰此間名巨福山建長禪寺善法堂彼岸之時十方諸佛來這裏說法度人中間第一尊便是巨福山長老如今便是彼岸也裏面無人去得你且待長老出來看少時便得見長老出來年及六十餘歲身相圓滿不短不長兵衛見了心中如法歡喜夢覺後語屋裏人曰我夢見如此事你等曾見巨福山長老麼屋裏人答曰未曾見兵衛云我自去巨福山參見長老即自來建長寺侍者寮說如上夢事了便得見

兀庵和尚在佛殿領衆行道諷經果如夢見一同始信夢事真實見者聞者手舞足蹈

時景用在侍傍同衆親見是事即略記之
寧侍者自育王至雙徑曾尾相從已經數載見其孜孜爲道真本色衲子秋風吹衣忽來告別且袖紙求語而謁蔣山吾不欲特地固却之而所謂益堅因謂

之曰。昔太師祖。據鍾阜大慧居五峰。一時龍象往來。二開士之門。憧憧致武於道。又不知誤了多少人家。男女。吾故不敢仰視前輩。而痴絕兄實當世宗匠。此行若空去。後必實回。若使實去。必須空回。斷無疑矣。或恐問著。此間如何。若却不得妄通消息。何故。彼此老大。端平乙未中秋。徑山無準叟書于凌霄閣。

無準老送寧侍者謁予。且有不得妄通消息之訓。教
兒迷子之訣。自當如是。殊不知子未下五峰頂。此消
息已塞破四天下。無你左遮右掩處。況
無準老有三千里外定殺訛底眼目。早已知予悞了
人家男女子歸當自知之矣。端平丙申大寒。金陵北
山道冲書于正傳。

歐峰有亭曰見山。乃昔人啓關悟心之所。戊辰嘉定。余適會吾燦祖演心銘於其上。至兀爾忘緣歸。復自然處。余不覺掩耳而退。三十年來。每每兀坐。卽知其然。亦知其所以然。終未能見其所以然。而然也。及觀

徑山無準大長老書兀庵二字付寧侍者因問命名之意曰無他焉唯癡兀自守也若果如此曷若從徑山所書兀爲菴兀兀然而從燦祖遊爲愈也心月書

這暗號子。不是當場主將他人一字不會。而今大唐國裡。綦布星羅如吾。

兀菴叢林傑出正續真傳言句流布活人眼目余獲覽觀痛快平生故書其後云

寶祐六年季夏望日 晉陵尤煜